



D. GREGORII NA-

ZIANZENI ORATIONES XXX, ~~bonifacio~~

~~Papae~~ interprete, nunc primum editæ, quarum
catalogum, cum alijs quibusdam, post epi-
scopalam ~~basiliensem~~ ~~republicam~~ uidebis.




BASILEAE, IN OFFICINA FROBENIANA, ANNO
M. D. XXXI. MENSE SEPTEMBRI

Cum priuilegio Caesareo ad sexennium.

MINO D. GEORGIO SAXONIAE DVCI, TYRIN,
giae praesidi, Mysiacae marchioni, principi suo clemen-
tissimo IOANNES Straub S. D. P.



 V I uetustos illos, ac longa iam temporis iniuria delitescētes,
humanarum disciplinarū scriptores, in lucem addunt, illustrif-
sime Princeps, haud exigua apud eius rei studiosos ineunt
gratiam; quum quod res pub. literariam hisce conatibus suis
semper magis magisque augmentum capere conspiciunt, tum
quod doctissimi quicq; pulchrum existimāt, si quam proxime
ad ueterum scriptorum sese praecepta composuerint. Quod si
tantum gloriæ capiunt hi qui prophanum aliquem scriptorem, ad publicam stu-
diosorum utilitatē, in lucem agunt: quo tandem loco habebimus eos, qui sacros,
ac spiritu dei plenos, in ecclesiam CHRISTI ducunt scriptores: & eos potissi-
mum, qui non tam innocentia uitæ, quàm eruditione quoq; sese nobis commen-
dant? Quorum de numero haud dubie, magnus ille, apud Græcos, GREGO-
RIUS NAZIANZENVS, cognomento Theologus, habitus est hactenus.
Cuius quidem grandiloquentiam, & cum grandiloquentia coniunctam etiam
suauitatem crebro admirari, suspicere, ac uenerari consuevit doctiss. ille utriusq;
linguæ uindex ~~pater meus~~, socer meus, haud
ulla ex parte poenitendus mihi. Qui intantum sanctissimi Theologi maiestate
capiebatur, ut semper aut in manibus teneret, aut auide legeret, aut studiose ex li-
bris illius aliquid uerteret, & tanquam in florentissimo aliquo prato, mentis ocu-
los reficiebat. Vnde factum est, ut omnia quæ sanctissimus Theologus Græce
scripsit, non uni duntaxat sibi, ceu ad priuatam uoluptatem, legēda censeret: sed
multo magis, ut conceditum sibi à domino suo talentum, instar fidelis serui, ad
communem totius ecclesiæ utilitatem erogaret. Coepit itaq; nihil non salutaris
operæ impendere, ut quàm posset plurima tanti episcopi monumenta, uniuersæ
simul ecclesiæ CHRISTI Latine legenda exponeret. Qua in re quantum ex-
celluerit, equidem iam non sum dicturus: quod maior fuerit semper, quàm quod
illū pro dignitate laudare potuerim unquam. Porro quum bona pars bonorum,
post mortem iam ipsius (Nam gener illi iam pridem factus sum.) mihi iure qui-
dem hæreditario, cesserit, non debui mutare, quod ipsum facturum se animo con-
stituisse sciebam: nempe ut tibi Principi inclyto, suos, qualescunq; tandem sint,
in Nazianzeno insumptos labores, dedicaret: quum quod ipse te, ob præclaras,
& principe Christiano dignas, animi tui uirtutes, semper suspexerit, coluerit, ac
etiam ueneratus sit unice: tum quod illum tu uicissim amore tuo dignum duxi-
sti, idq; non obscuris argumentis testari uoluisti. Accipe igitur clementiss. Prin-
ceps, nomine & obsequio deditissimi quondam tui, dum uiueret, soceri mei la-
bores, quos ille lubens & gaudens in sanctissimi episcopi scriptis insumere non
est grauatus. Accipe, inquam, optime Princeps, has orationes, è Græcis studio
& cura soceri mei, Latinas, easq; dum tantum tibi temporis à publicis curis su-
pperit, lege, ac animum tuum in eis oblectare. Bene ualeat maie-

itas tua, cui me humiliter commendo, & protegendum
committo. Ex Norimberga, 1111. idus

Mañ, Anno à nato saluatore

M. D. XXXI

ILLVSTRISS. PRINCIPI AC DO-
MINO D. GEORGIO SAXONIAE ET TYRIN-
giae praesidi, Myſſiae & marchioni Des. Lib. s.



I QVIS recta uia secum reputet conditionē mor-
talium, ac sortē humanæ uitæ, Georgi principum
Christianorum decus, non existimabit magnope-
re deplorandam mortem Bilibaldi Pirckheimeri,
ut cui tantum felicitatis obtigerit in terris, quā-
tum paucissimis hominū obuenire solet. Nam si exter-
na ista uocemus ad calculum, genere patritius erat,
partus & alūnus Norembergæ, ciuitatis inter Ger-
manicas cum primis tum claræ, tum opulentæ, re non modo lauta, uerum/
etiam opima: apud summos orbis monarchas, præcipue Maximilianū Cæ-
sarem tantum gratia simul & auctoritate ualuit, ut uix cuiquā esset secundus:
idem honoris obtinuit & apud Carolum imperatorē, ipso etiam Maximi-
liano maiorem, quorum utriq; non minus prudentem quā fidum consilia-
rium præstitit. Quin & patriæ suæ belli domiç magna multaç pietatis do-
cumenta præbuit, pro ciuium incolumitate nullum unquam refugiens discri-
men, uir ut rectissimi iudici, ita liberi constantisç animi, uel in pronuncian-
do quod sentiebat, uel in exequendo quod instituerat. Nec infelix illi, nec ste-
rile coniugium obtigit, reliquit enim, ut audio, filiam hæredem. Vixit iustum
ætatis modū sexagenarius, ni fallor, aut eo maior. Nec deerant corporis do-
tes egregiæ, donec senectus quæ nihil non uitiat, podagram & calculum ad-
duceret. Hoc igni uisum est deo purgare famulum suum, ut esset aurum un-
diquaq; purum ac probatum. Nec tamen unquā corporis cruciatus tantum
in eo ualuerunt, ut animum uel à consulendo reipublicæ cōmodis, uel à pro-
uehendis liberalibus studijs reuocarent. Calamo pensabat quod corpusculi
uiribus erat diminutum. Raro quidem cōmeabat in senatum, sed domus il-
lius ab optimis quibusq; uiris frequentata, senatus quidam erat, & scriptis la-
tius pleniusq; præstabat uel senatoris uel cōsiliarij munus, quā alij lingua
pedibusq;. Quid enim ille scripsit, quod non uel ad reipublicæ disciplinā, uel
ad studiorum profectū, uel ad pietatis causam pertinet? Quin & illud raræ
cuiusdam felicitatis arbitror, quod nec fortunæ splendor, nec eruditionis glo-
ria, nec animi libertas, multum illi conflauit inuidiæ. Extiterunt quidam, qui
nomini illius nescio quid nebularū conati sunt offundere, sed integritatis il-
lius fulgor, ac sol, ut ita loquar, protinus calumniātium fumos dispulit, resq;
prorsus in diuersum cessit. Nam ipsi fumo suo sunt tincti, qui fumos offunde-
bant, & uirtus effulsit clarior. Deniq; mors obtigit, qua uix optari
possit comodior. Nihil enim erat neq; contagij, neq; magni cruciatus. Cor-
pus modo languebat, animi uigor ad extremum usq; halitum erat integer.

Defecerat

Defecerat humor ille quem medici uocant radicalem, itaq; non tam emori, quàm placide obdormire uisus est. Extremi sermones quos habuit cū doctis amicis, nihil aliud spirabant, q̃ miram erga patriam pietatem, flagrantissimum Christianæ religionis amorem, deq; publicis literarū studijs piam sollicitudinem. Cum inuideret illum decumbentem N. obnixè rogabat, ut quàm posset ocysissime pararet aliquem bonæ fidei nuntium, qui Friburgum transcurreret, ad Zasium & Erasmus, quædam perlaturus. Sed dum ille se dulò quærit qui peteret terrestre Friburgum, ipse postridie subuolauit in celestem Hierosolymam. Suprema uox moriētis, quæ quidem audiri poterat, hæc erat: Utinam post decessum meum bene sit patriæ: utinam trāquilla sit ecclesia. Nec dubitandum quin reliqua uerba fuerint eiusdem pietatis, quæ mors linguam occupans obscurabat, nostris quidem auribus, at non item diuinis. Qui talis uiri mortem putant deplorandam, quid aliud quàm lamentantur eum fuisse natum hominē? Iustius fortasse defleret aliquis publicam studiorum iacturam, quod festina mors obstitit, q̃o minus ad plenum absoluerit duo præclara facinora quæ iamdudum moliebatur, uidelicet ut Ptolemæi cosmographiam apud Græcos pariter ac Latinos deprauatam restitueret, & eximium illum Christianæ philosophiæ præconem, Gregoriū Nazianzenum, sic Latine loquentem nobis daret, ut Græci sermonis fontes nemo desideraturus fuerit. Sed quis fuit unquam uir eruditus aut pius, & publicis natus cōmodis, qui non istiusmodi de se queremonias posteritati reliquerit? Quū enim tales nunquam non moliantur aliquid præclari facinoris, atq; id impensius quo magis accedunt ad extremum æui diem, fieri non potest quin mors quandocūq; acciderit, egregium aliquod institutū interrumpat, quumq; nunquam ipsi finem faciant benemerendi de genere humano, profectò necesse est ut prius uitam finiant, quàm instituta. Non hæc eò mihi dicuntur, clarissime Princeps, quasi parum expolita sint, quæ nobis reliquit, sed quod lector fortè tanti artificis supremam manum alicubi sit desideraturus. In Gregorio Nazianzeno pietas propemodum ex æquo certat cum facundia, sed amat significātes argutias, quas eo difficilius est latine reddere, quod pleræq; sunt in uerbis sitæ. Tota uero phrasis nōnihil accedit ad structuram Isocraticam. Adde quod de rebus diuinis quæ uix ullis uerbis humanis explicari possunt, libenter ac frequenter philosophatur. Frater huius Basilius suauis quodam & inaffectedato dictionis fluxu, & pietatem, & eruditionem, & acumen sicubi res postulat, & perspicuitatē, & iucūditatem, & si quam aliam uirtutem in oratore Christiano quisquam desiderare possit, cōplectitur. Ioannes Chrysostomus Basiliū quemadmodū in literis, sic etiam in professione syncerioris uitæ socius, atq; ut ita loquar, Achates, quicquid fere scripsit, ad popularem captum accommodauit, eoq; fusior est actus, & in locis communibus spatari maluit, quàm in difficillimis uersari quæstionibus. Hos triumuiros una tulit ætas apud Græcos, pietate pares, nec dispares eruditione,

ditione, sed dictionis caractere dissimiles. Quos si cum nostris conferre uelis, Chrysostomus non dissimilis est Augustino, Gregorius Ambrosio, qui si Græce scripsisset, plurimū negotij fuisset exhibiturus interpreti. Quem Basilio conferam nōdum inuenio, nisi si quis scripturarum cognitionem quam habuit Hieronymus, cum Lactantij felici facilitate copulet. Me certe à uertendo Gregorio semper deterruit dictionis argutia, & rerū sublimitas, & adlusiones subobscuræ. Eam prouinciam eximio quodam pietatis ardore sibi sumpsit. ~~Basilius~~ Ego noster, cui & immortalis est. Hoc opus tibi Princeps illustrissime quo uix alius pietatis amantior, uiuus destinarat, quod tua singularis humanitas propensiore etiam fauore suscipiet, quod moriens extremum hoc *μνημόσυλον* sui reliquit. Solent enim feri partus uel ob id esse gratiores quod præterea nihil speratur. Proinde quum hunc ueluti posthumum fœtum, tua singulari fretus humanitate tibi moriens in gremiū dari uoluit, non dubitamus quin hic quoq; sis tui similis futurus. Eadem autē opera quum amici memoriam illustrabis, tum omnibus ad pietatem nō mediocre calcar addideris, si ~~Basilius~~ reliquias tuo fauore studiosis omnibus commēdabis. Porro quibus pietas cordi est, non offendentur, quod priscos ecclesiæ doctores sequutus, non abhorret interdum à uerbis quibusdam nostræ religionis peculiaribus, quodq; mauult interdum Christiane loqui quàm Romane, quanquam non uideo, quamobrem illa non debeant haberi pro

Romanis, quæ ante annos mille quingentos à Roma,

nis scriptoribus necessariò sunt usurpata, nec

id sine Græcorum exemplo. Vale.

Ex inclyta academia Fri-

burgensi. Id. Maij

M D XXXI

GREGORII NAZIANZENI ORA

TIONES PER BILIBALDVM PIRCKHEI

menum translatae.

	VITA beati Gregorij Nazianzeni	1
I	Oratio ad Nazianzenes, qui ipsum uocauerant, at postquam uenisset, non comparebant	23
II	Apologeticus ad patrem & Nazianzenes	25
III	Oratio dicta in praesentia Gregorij fratris Basilij, quum ille post electionem praesideret	27
IIII	Oratio praesente patre & Basilio Magno, quum in episcopum Asimorum fuisset electus	30
V	Oratio quum a patre in consortium assumeretur	33
VI	Oratio qua se excusat, quod abstinerit aliquandiu a functione ecclesiastica: & caetera	36
VII	Oratio in funere fratris sui Caesarij	43
VIII	Oratio funebris in laudem Basilij Magni	56
IX	Oratio in funere sororis suae Gorgoniae	94
X	De pace, & reconciliatione monachorum oratio I	103
XI	De pace oratio II	113
XII	Oratio de pace, ad Amphilochem III	119
XIII	Oratio consolatoria, quum pater eius episcopus taceret, ob grandinis calamitatem	126
XIIII	Oratio in funere patris, praesente Basilio Magno	136
XV	Oratio ad subditos timore percussos, & imperatorem irascentem	157
XVI	Oratio de cura pauperum, siue de iuuandis pauperibus	163
XVII	Oratio de statu episcopali, & doctrina, instructiua	181
XVIII	Oratio funebris in Aethanadium Alexandriae episcopum	186
XIX	Oratio in Cyprianum	201
XX	Oratio in Machabaeos	210
XXI	Oratio de modestia in disputationibus obseruanda	217
XXII	Oratio ad Heronem philosophum, ab exilio reuertentem	231
XXIII	Oratio ad eos qui in classe ex Aegypto aduenerant	240
XXIIII	Ad Arianos, & de seipso oratio	245
XXV	Oratio de seipso, ad eos qui illum cathedram Constantinopolitanam affectare inuulgauerant	253
XXVI	Oratio de his quae contra Maximum gesta fuerant, quum reuertetur ex agro	258
XXVII	Oratio habita in praesentia episcoporum centum quinquaginta	268
	Epistola ad Clidonium I	281
	Ad Clidonium epistola II	286
	Epistola	

CATALOGVS

	Epistola ad Nectarium episcopum Constantinopolitanum	288
XXVIII	Homilia Eulalio exhibita episcopo, in electionem Doarensum	290
XXIX	Oratio ad uirginem exhortatoria	291
XXX	Oratio in dictum euangelij: & cætera	293
	Ad Euagrium De deitate	302

H I S adiecimus iam ante editas V I I I.

	In natalem saluatoris	1
	In festum Epiphaniarum	9
	In sanctum lauacrum	17
	In sanctam resurrectionem	40
	In sanctam pentecosten	55
	In Encæniam, siue in nouum dominicum	63
	In Iulianum imperatorem duæ	69

F I N I S

VITA DIVI GREGORII

NAZIANZENI THEOLOGI, A GREGORIO PRESBYTERO
CONSCRIPTA, ET ~~IN GRÆCUM~~
~~ITALICUM~~ IN LATINVM VERSA.



CONVOCAT uos uiri Gregorius, recte Theolo-
gi cognomine insignitus, ad spirituale sermonum
cōuiuuium, apponitq; uobis cibum immaterialem,
cunctis delitijs cōditum, ac omni corruptibili sub/
limiorem. Cæterum nolite mirari, quod ad tãtam
prolapsus sum audaciam, ut tam propriæ imbecil/
litis q; magnitudinis illius oblitus esse uidear,
quum ipse ob uirtutis excellētiā, usq; ad hodiernum
ferè diem, ab omnibus taciturnitate fuerit honoratus, nullusq; doctor
aut scriptor uitam eius tali ordine & serie explicuerit, ut tanti uiri res præcla-
re gestæ digne posteritati fuissent commendatæ: quod ipse quidem magno
præstitit Basilio, necnō episcopis alijs, ac martyribus beatis, quorum uitam
cum uniuerſis eorum gestis memoriæ mandauit perpetuæ. Primum enim
impossibile erat, ut uenerando huic genitori, qui hic uobiscum astat, contra/
dicerem, quum sermones tanquam debitum quoddam à me extorqueret, &
ad diuini Gregorij laudem celebrandam, nō minus paterne quàm heriliter,
& uehementer quidem compelleret, ac obedire iuberet, insuper non parum
per comminaretur, & hanc tam generationis, quàm educationis retributio-
nem exigeret. Deinde nequaquam mihi uidentur sancti, talem nobis uirtu-
tem inuidere, quæ quū in uita ob oculos posita fuerit, multos ad imitandum
hortari possit, & bonum haud sinat ex hominum aboleri memoria, sed il-
lud quotidie renouet. Quapropter obmisso præludio longiori, Theologum
meorum sermonum primitijs tãquam nuper decerptis coronabo floribus.
quod si tenuius quàm dignitas eius requirit, animi tamen promptitudo ne-
quaquam deerit. Arbitror autem uirum hunc tanquam in omnibus perfe-
ctum, & hanc meam laudem benigne laturum: nam & patribus magis acce-
pta est infantium balbuties, præcipue quum ex animi procedit simplicitate,
quàm adultorum sermo articulatus, & admodū sonorus. Accedit quod ho-
nor qui per sermones celebratur, præcipue Gregorio nostro peculiaris exi-
stit. Quibus enim unusquisq; oblectatur, eisdem etiam aliquando honora-
tus lætatur: quin etiam quum uiueret corporaliter, præ cunctis rebus alijs ser-
monibus gaudebat. Ac ideo quū sapientiam amplexus fuisset, & illius ama-
tor esset factus, & ab ipsa iuxta parcemiam fuisset seruatus: quur postquàm
huius seculi rebus ualedixit, & præsentia cum uita puriori, & quæ plus acce-
dit sapientiæ permutauit, non magis his gauderet & oblectaretur? Vos au-

A tem

tem contio sacra, precor, nolite multitudinem rerum præclare ab ipso gestarum nimis exacte scrutari, quoniam nullus scriptor illas nobis per manus tradidit, sed eas mihi per sermones eius hinc inde dispersos, colligere necesse fuit, ædificatum in istarum, qui undique collectos colligunt, ac eos in unius domus supplementum coaptant. Incipiam igitur unde incipere est convenientissimum, nempe à patria illius, quæ ciuitas fuit Nazianzenlis, inter Cappadoces dignitate secunda: quæ tanti uiri natiuitate adeo est illustrata, ut ad ultimos orbis fines per eum sit cognita. siquidem nequaquam Pella per Alexandrum adeo splendida est facta, nec Persæ per Cyrum tam uehementer sunt exaltati, quantum Nazianzum per Gregorium. quod oppidum iuxta meam opinionem, propter uiri tanti uirtutes, ex diametro inter Indos & Britannos est situm, quo utrinque redderetur insigne. Parentes autem eius generosi fuere & iusti, magisque animarum quam corporum puritate inseparabiles. ex quibus Pater, tanquam alius Abraham paternam reliquit terram & idola, peregrinatusque est ad religionem. siquidem deposita infelicitate, & abiecto Hypsistariorum errore, legitimus gratiæ factus est mystes: primo quidem ouis, deinde ob summam eruditionem in Nazianzenlis etiam ecclesiæ assumptus est pastorem. Matrem uero sortitus est sanctam, & ex sanctis maioribus ortam, quæ inter cætera pietatem quoque hæreditario quasi iure acquisiuit. Sanè quum prolis uiriliter teneretur desiderio, talium bonorum datori supplicauit, ut uoti huius compos fieret. & proh fides, proh feruor spiritus. quàm primum deo partum, quemadmodum Anna Samuelem uouisset, mox etiam nascendum concepit. ille igitur qui uoluntatem timentium eum implet, per uisum nocturnum ipsi puerum etiam nondum natum ostendit, simul & formam ac nomen illius indicauit. at illa quum eum peperisset, paulo post etiam deo dedicauit: dolores maternos, necnon mœrores muliebres, doni superans magnanimitate. At puer in paternis moribus enutritus, naturæ felicitate, adeo inter coætaneos præcelluit, ut ætas tenera nequaquam illi impedimento esset, quo minus ad perfectorum & mores, & doctrinam accedere posset. disciplinas igitur iuueniles ac triuales, quum ferè cursim attigisset, penitus despexit, tanquam inutiles, & quæ non nisi melioribus impedimento forent. siquidem uirtutis possessionem aufert malitia, quemadmodum & unguenti odorem fœtor corrumpit, si iuxta constitutus fuerit. Sanè quum iam ad pubertatem peruenisset, ac eloquentiæ teneretur desiderio, Cæsaream perrexit, ubi & cum optimis conuersatus est præceptoribus, doctrinamque hanc paruam est adeptus. hinc in Palæstinam nauigauit, ut ibi rhetoricæ operam daret, quo & eloquentia excellere, & hominum illorum mores perdiscere ualeret. inde Alexandriam perrexit, & ad Pharum, ita ut multas ciuitates uideret, & multorum hominum prudentiam, pro sapientia acquirenda addisceret: quemadmodum ex sapientibus quidam inquit. quumque plurimum utilitatis ibi fuisset consecutus.

ad

Qui fuerint
Hypsistariorum
stendit Greg.
in oratione
fuerint
nebri in obitu
patris

Homerus

ad matrem sermonum Athenas naue Æginetica transfretauit. Verum quum in Parthenio nauigaret pelago, tempore procelloso, ac nauigatione iactaretur aduersa, subito tempestas adeo uiolenta est exorta, ut in uitæ etiam ueniret discrimen. caligo enim nequaquam procellis tolerabilior, tam pontum quàm ætherem abscondebat. quumq; omnes corporalem deplorarent mortem, ipse de animæ sollicitus erat interitu, nondum enim baptismo signatus erat. mors igitur quæ ex aqua imminebat, salutem illi per aquam contulit. Quid igitur facit magnus ille, & qui ante regenerationem seipsum ueritate formabat? uestimento circumdatus, clamoribus & eiulationibus ita pariter nauigantes comouit, ut omnes proprijs neglectis periculis luctum illius adiuuarent. Dei enim miracula recensuit, quæ in Ægypto & in deserto, tam in pelago quàm in terra perpetrauerat: ueluti maris rubri diuisionem, & mox reductionem, quemadmodumque ex petra fontem profudisset, & aquam amaram edulcasset: Amalec obtruncasset per manus inermes, quæ salutiferam portenderent crucem: muros Hierichontios absq; cunctis subuertisset machinis: prophetam ex ceti uentre saluasset. & alia, quæ in sacris continentur libris. promittens obiter, si ex pelagi saluaretur periculo, & baptismatis remissionem consequeretur, quod se saluanti esset dedicaturus. precibus igitur illum flectit, qui alioqui propitius esse, & culpam ob naturæ mansuetudinem remittere solet. confestim nanque mare fluctuare cessauit, & tempestas in serenitatem est conuersa, ac pelagus quod consueuehementer sequebatur, quieuit. & hic quidem in illis erat, at parentibus eius in somno ostendebatur, quid filio accidisset. illi uero patrum more (quid enim plura dicere refert) orationibus & lachrymis deum obsecrabant, ut illi in mari periclitanti opem ferret. confestim igitur post supplicationem uiderunt in somno filium, Erinnyem quandam, & ultricem furiam manibus captiuam tenere. quæ uehementer illi reluctabatur. hæc quum post reditum eius à parentibus referri audiuiisset, gratias egit saluatori. & hæc postea euenere. quidam præterea ex ijs, qui unà nauigabant, iuuenis admodum illi acceptus, uidit in nocte, quum res in maximo esset discrimine, matrem beati illius, per mare gradientem, & nauem ad continentem pertrahentem, hanc uisionem quum enarrasset, confestim mira sequuta est tranquillitas. quapropter infideles cuncti, qui in naui erant, fide ad Gregorij accurrebant deum, ipsumq; adiutorem fuisse sunt confessi. nunquid hoc Helix miraculo est inferius? qui quum contra idololatricam insaniam Sidoniæ steterisset, igne peregrino & cœlesti sacrificium consumpsit, quo Israël ad ueri dei fidem inducere posset, ita ut populus admiratione captus clamaret: Dominus ipse est deus, uerus deus est ipse. Talis erat Gregorius inopinata salute præditus: multos enim infinitis erroribus irretitos in unam uiam, & fidei perduxit semitam. Postquàm uero Græcia ipsum tenuit, & gloriosum nomen Athenarum, quid dicere necesse est, cum quanta animi susceptus sit beneuolentia? confestim

stim enim tam à doctōribus, quàm à discipulis, praestantissimū in sermonibus est iudicatus. Quum uero non multum effluxisset temporis, uenit Athenas à Byzantio Basilius magnus, eiusdem doctrinae causa. sodales igitur & contubernales sunt facti, ueruntamen haud facile quis explicauerit, quantum coniunctio illa & consuetudo utriq; profuerit. qui enim solus est, etiam si quid recte nouit, non tamen sibi ipsi credit, sed obambulans quærit à quo confirmetur. quum autem duo in unum doctrinae commiscentur desiderium, tum inter se ostendunt firmamentum, ac eum qui partim inuenit, nec non illum qui ueritatem confirmat, comprehendunt in seipsis. & ut breuiter dicam, pari æmulatione sub unum reducti sunt iugum: siquidem una fide erant illuminati, & unanimes uirtutis amatores, qui pari festinarent cursu, ita ut arantium, aut agricolarum instar, promptitudine æquali sapientiarum seminarent, meterent, & copiosum colligerent fructum. animi enim fortitudine, & aduersitatum tolerantia omnes ferè coætaneos exuperabant. etenim quemadmodū equi ut plurimum umbra & strepitu commoueri solent, ita etiam iuuentus ob res aduersas indignari consueuit & dolere: at ipsi è diuerso constantes erant & immobiles, in ijs quæ sapius ac multipliciter quidem accidebant, ita ut quum terræ motus horrendus Græciam concussisset, ipsi apud omnes magnanimitatem suam & prophetica uoce se dignos ostenderent, quæ ait, si etiam terra fuerit concussa, non tamen timebimus. Proinde corpora à iuuentute omni exercuerunt abstinentia, contenti necessarijs, Heliae instar & Ioannis, qui ex arborum uiuebant fructibus, quæ uero ad uentris delicias, necnon ad gulæ pertinerent irritamenta, penitus contempserunt, uoluptatesq; longe ualere iusserunt. quid autem de castitate dicam? quam in omni uita pure ac illibate deo conseruarunt, ita ut minus redargui possent, quàm Xenocrates ille & Polemon: ex quibus hic dum cum scorto dormiret immobilis iacuit: ad illum uero uix prostitutæ ingredi audebant, quum nimium philosophi seueritatem timerent. & in his quidem uiri isti egregie se gerebant. Sanè fori aut concertationum nullam habebant curam. Aristidem in hac re imitati, ne ex uirtute pecuniam acquirere, aut philosophiam ultro mercenariam facere uiderentur, erant autem omnibus æque, boni, auaritiâq; & prodigalitatē pariter fugiebant, ac intra terminos manebant honesti, adeo autem concertationes contemnebant, & ita super Antisthenem, & Diogenem, necnon Cratetem attollebantur, ut disciplinam illorum differēdi abijcerent, pariter enim facultates tales despiciēbant, arrogantiam autem & gloriam inanem longe repellebant, quibus admirandi illi canes, publicis præconijs, homines capere solent, superbia, aliorum omnium instar philosophiæ puritatem inquinantes. Cæterum de studiorum diligentia, quid dicere attinet? quum uniuersa eorum uita in sola uersaretur meditatione, desideriumq; indefinens in scientiæ situm esset adeptione, ita ut die & nocte pro ea insudarent, quemadmodum Iob in-

quit

quit beatus. recte enim nouerant generosi, quod meditatio referta esset labore, at perseuerantia & multitudo cognitionis præstaret robur. inde illis contigit, ut non solum temporis sui doctores, sed & ueterum quàm plurimos tam labore, quàm naturæ superarent felicitate. Porro honestis tantum incumbabant studijs, siquidem in Grammatica nihil eos latebat. ex Rhetorica autem solummodo eloquentiæ decerpebant florem, reliquas uero nugas dimittebāt. Philosophiam autem moralem, & ratiocinationum, tam in disciplinis mathematicis quàm in medicandi arte demonstrationes, necnon reliqua studia liberalia, non leuiter tantum, aut ideo attingebant, ut priuatis plus haberent, sed ita perdiscebant, ut præceptores & doctores esse possent præstantissimi. ex Musica autem solum uetustum illud ac concinnum, & quod animæ iracundum & reluctans demulcet, perdiscebant: quod uero uoluptatem concitat, Scenæ demandarunt. numerorum autem computatione, & geometriæ adæquatione, necnon astrorum motu & positione, tanquam noui Moses & Daniel instituebantur: non tam ad studia ea impulsī, quàm intellectum omnem ad Christi (ut scriptum est) obedientiam captiuantes. siquidem scientias illas solummodo philosophiæ ornatum & protectionem esse censebant. per omnes igitur tam meliores quàm deteriores, ut dici solet, disciplinarum semitas gradiebantur, quo quædam declinare, alia uero cum prudentia eligere possent. eum siquidem laudo, licet extra nostram sit caulam, qui dixit, nequaquam ignominiosum esse, id etiam quod minus bonum existat cognoscere: quandoquidem remedium ex illo contingere solet ijs, qui nequaquam odiose sed beniuole quæ dicuntur excipiunt. Cæterum quid mihi accidit amici? interim enim dum sermo procedit, non secus me, ac equus infestorem, in beati Basilij laudes abripuit. parumper igitur illum ueluti habenis moderabor, & nimiam euagandi licentiam compestem. qui enim ultra uires nituntur, etiam à rebus excidunt mediocribus. Basilius igitur pulcherrimis mercibus coëmptis, domum concessit. Gregorius autem tenaciter ab Atheniensibus retinebatur discipulis, qui nec illi abeundi facultatem concedebant, sed ut eos doceret uehementer orabant. quin etiam ut sophisticam cathedram ascenderet hortabantur. ille igitur ut ijs gratificaretur, parumper remansit: paulo post uero omnibus supplicauit ac persuasit, & quod necessarium esset ut ad parentes rediret, quum iam triginta annos in studiorum disciplinis consumplisset: ac ita se patriæ reddidit. Primum igitur diuinum suscepit baptismum, cuius uirtute iam antea erat illuminatus, terminumq; sibi ipsi statuit, ne unquam iuraret, donec in hac uita ageret, quem etiam ad finem usque seruauit. deinde desiderium parentum ac amicorum adimpleuit, qui sermones eius audire desiderabant. quumq; consulerent ac necesse esse dicerent, ut se tam publicis quàm domesticis immisceret malis, ita enim rerum materialium splendorem uoco: ipse sibi ipsi consuluit, ut se offerret deo, quemadmodum etiam dum periclitaretur uo-

uerat: ac se à mundo segregaret, & soli purissimo addiceret, ac sacris incumbere libris, ut inde ueritatis eliceret splendorem. quod consilium etiam re ipsa adimpleuit. elegit enim ut solitarius pro mundano, & inops pro quaestuoso fieret. Sæpius igitur Christum manifeste in somno uidit, necnon in meditatione nocturna. & hanc retributionem pro illa accepit puritate. nam ut liber inquit sacer, Beati puri corde, quoniam deum uidebunt. siquidem illum purum uocat dominus, qui instar Gregorij magni ciuitates, forum, theatra, sophistarum fastum, principum arrogantiam, iudicum citationes, litigantium contentiones, rhetorum nugas, furum insidias, mercatorum infatigabilitatem, cauponum periuria, diuitum superbiam, inopum maleficia, satietatem nauseantem, ebrietatem petulantem, gloriam labilem, uestes preciosas, uasa ex argento & auro elaborata, domus picturis & marmorum crustis ac lapillis sumptuose exornatas, necnon alia cuncta derelinquit. quoniam puras mentes perturbare solent, quo minus purissimo lumini concedatur ingressus. & hæc noster egit Gregorius, quum adhuc in flore iuuentutis esset constitutus. postquam autem pater filium ad sacerdotium promouisset, ac in presbyterum elegisset, uicq; cum & uix ad sententiam suam perduxisset, quid facit? ecclesiam relinquit, & curas quæ mentem distrahunt effugit, in Pontumq; profectus, cum Basilio philosophiæ incumbit, quum enim simul operam literis dedissent, ac parumper à se inuicem fuissent diuisi, rursus conuenerunt, quum eos morum similitudo & promissa fides in unum compelleret, quo in ipsis impleretur quod dictum est, Vbi duo aut tres in nomine meo collecti fuerint, ibi in medio eorum existo. Vnà igitur agebant, ac uirtutem conuersatione mutua adaugebant, exercitationisq; leges deo acceptis exercitatoribus, & qui mundum reliquissent, constituebant. leges inquam quæ longe magis quam Lycurgi illius essent pacificæ, & quam Solonis plus synceræ, necnon Minois magis æquæ. & ut excellentius quid de uiris illis dicam, Mosen imitabantur: nebula enim contecti erant, & montes turbidæ huius uitæ exuperabant, ac longe seipsos segregantes leges ferebant. Pater uero senectute & curis degrauatus, insuper luctu filij Cæsarij oppressus, molestissime uitam ferebat solitariam: ac ideo epistolis supplicibus Gregorium ad reditum sollicitabat. ille uero impium esse iudicans, si patri, & sacerdoti, & seni haud obediret, partim uolens, partim uero nolens, est reuersus. quietis enim desiderium illum in Ponto remanere suadebat, uerum pietatis scopus, & obsequium paternum eum inde retrahebat. Cæterum quum Cæsarius in maximo constitutus fuisset officio, siquidem thesauri & pecuniæ publicæ illius commissæ fuerāt curæ, ac sub officij ingressum uitam cum morte permutasset, oportebat secundum legem, ut pater filij bona hæreditatis iure adiret, & si quid ex tributis deficeret, ipse pro illo satisfaceret. unde magnus Gregorius maximis curarum inuolutus est turbis multi enim canum instar ad fores eius accurrebant, existimantes illū demor-

tui facultates deserturum. Pater enim senectute & morbis degrauiatus, ac in nonagesimo iam constitutus anno, fori certamina nequaquam subire poterat, ad Gregorium igitur omnis cura est deuoluta. ueruntamen ueneratio erga parentes, & spes mercedis promissæ, quæ debetur ijs qui in parentes fuere pii, cuncta grauiâ reddebant leuiâ. Interea res accidit talis: quum hæresis Ariana, per spiritus malitiæ ecclesiam infestaret, multi ciuitatum episcopi in exilium sunt pulsi, ac multipliciter tam ui quàm calumnijs agitati. sacerdotes uero & populi multitudo ita affligebantur, ut congregationes suas sub æthere facere cogerentur. non enim domus habebant in quibus orarent, neq; contra leges & iustitiam impijs communicare uolebant, quum hæresis omnes ferè terrarum occupasset fines, manu ac impietate regia audaciam sortita. data est igitur potestas pastoribus perniciosis, qui sub agnino tegumento lupum abscondere solent, ut episcopos expellerent pios, & qui primo pastore Christo digni erant. quidam igitur timore perculsi, alij blanditijs emolliti, nonnulli pecunia deliniti, aliqui simplicitate morum decepti, hæreseos inescati sunt illecebris, ita ut aduersarijs communionem adiungerentur, idque manuum scriptura testarentur. ex quibus unus erat beati Gregorij pater, simplicitate quadam hamum deglutiens, hoc regionis illius monachi nequaquam tolerantes, à communionem eius se subtraxerunt, cum quibus & non minima pars populi defecit, monachorum fidem tanquam digniorem manifeste sequuta. Quid igitur seruus facit dei? Primo deum precibus & nocturnis placat uigilijs, orans ut malum hoc dissolueret, & dissensionem obduceret cicatricem. inde silere potius quàm loqui decreuit, ac ita tacendo tristitiam manifestam præ se tulit. postea uero patrem admonuit, ut ob lapsum ueniam peteret, ac pure & sinceriter ueritatem confiteretur: pariterque eos qui ab illo defecerant ad concordiam & unitatem reduxit, sicque ornatum reddidit ecclesiæ, & utrique parti factus est uenerabilis, tam patri quàm gregi pio: sermonibusque pacificis diei festiuitatem exhibuit, conglutinans dissidentia, & remedij celeritate obliuionem inducens ægritudini. Sanè Cratem ferunt Thebanum dissidentium domus ingredi, ac sermonibus pacificis lites dirimere solitum: uerum factum hoc Gregorij longe illud exuperat. non enim priuatim, quemadmodum ille, sed publice concordiam patriæ reddidit. & quod maximum est, nequaquam inter eos diiudicauit, qui de pecunijs aut iniurijs disceptabant: ibi enim sapius uel leuis adhortatio facile discordiam sedare consueuit: uerū inter eos qui de fide disceptabant, ubi rei magnitudini, cōcertatio quoque admisceri solet, ita ut sapientes quoque sermones, uix etiam parumper dissidentia, cōponere ualeant. Postquam autē Christianorū malitia & uita dissoluta, deū & mandata eius cōtemnere cœpit, imperatorē Christi osorem nobis suscitauit, Iulianū dico tyrannū, qui uirtutē progenitorū suorū, ac fidem Constantini magni, planè contrarijs superare cōtendit: ac ideo Christianos ab omnibus arcuit iustis,

tametsi nequaquam lege publica Christianorū persecutionem proclamari iuberet, nutu tamen tacito, ac legislatione impia illos infestabat. uoluit enim ut Christiani haudquaquam Græcorum sermonum & disciplinarum compotes fierent. Deus igitur ex longanimitate sua diu scelestum illum exaltari permisit: quum uero malitiam eius penitus inemendabilem esse uideret, romphea sua fulminea quemadmodum impietas eius digna erat, illum prostrauit, & scelerum pœnas ab eo exegit, in oris barbaricis, barbaricam & ferinam illius uitam detruncans. Confestim igitur Gregorius magnus prauitatem illius & impietatem notauit infamia, unā cum Sibariticis gentilium turpiloquijs, quorum fabulas antiquas, & uariorum deorum errorem in omnium denudauit oculis, ita ut sapientibus communem excitaret risum. Cæterum cur ego uiri res magnas & ingentes sermone breui iniuria afficere, & planè contra scopum constitutum incedere conor? ac in tempore collaudationis, quum præcipue oporteat laudandum, deliberatione rerum gestarum gloriosiore reddere, tam cito ab infamantibus illis sermonibus discedere nitor, quum planè sint admirandi, tam ob historiæ uarietatem, quàm harmoniam, necnon summam in dicendo eloquentiam. præcipue igitur contra tyranni legislationem mirandam, quæ prohibet ne Christiani gentilium instituantur disciplinis, sancti nostri prudentiam considerate. ibi enim & heroicis & iambicis, & trimetris, necnon uarijs alijs usus est carminibus, dicendi præterea caractere tam tragico quàm comico, uniuersa insuper compositionis speciei: quin paulo minus omnium disciplinarum doctrinam in suis expressit sermonibus, ubique pia insulciens argumenta, aut uirtutis laudem, uel animæ aut corporis puritatem, seu Theologiam, aut deprecationes, uel similia metrica conscribens oratione: omnem lasciuiam declinans, fabularum nugas & deorum monstra, quemadmodum & decebat penitus detexit, & hoc modo doctrinam perquam sapientem Christianis exhibuit. ostendit enim, quod leges impij illius tyranni illicitæ, ac nullius essent utilitatis, quum Christianis disciplinarum gratia inuiderent: immo potius è diuerso semetipsos plecterent & ulciscerentur. talis enim inuidiæ est natura, ut parum aut nihil offendant eos quibus inuidet: uerum eos qui illam parturiunt, ingenti afficit detrimento. Quin etiā quū Athenis ageret cū Iuliano est congressus admodū adhuc iuue, & nondū ad imperium ascito, sed quum discendi gratia ad doctores pergeret: ibi etiā amicis prædixit, adolescentem perniciosum, infidelem, ac ualde impium, necnō ad omne malum procliuum fore: inde coniecturam sumens, quod illum animi passionibus obnoxium cerneret, & quia risum haberet petulantem, necnon uisum ferinum: ac totū corpus eius subsultaret, ipse cōp assidue moueretur. sed & impetus stultitiæ plenos, & colloctiones impietate refertas in illo notauit, tametsi hæc sub exercitiij specie occultari uiderent. præcipue uero mouebat, quod cerneret illum homines malos amare, uirtutis autem laudatores cōtemnere.

hæc

hæc quum uidisset, omnibus prædixit, pessimam illius fore manifestationem, & occultæ mentis eruptionem. oportere enim naturas bonas, testimonium rebus præbere futuris, & quæ obscure ostenduntur, coniectura & intellectu, prius quàm eueniant percipere. uerum ille male periit, quum frustra scelestus fuisset, & nihil sibi aliud quàm poenæ materiam recondidisset. Gregorius autem non post multum temporis, quum hæreticorum caterua ubique per Cæsariæ oram uagaretur, ac sanctus Eusebius metropolis gubernacula teneret, cui cum Basilio tum presbytero, ac in Ponto philosophanti, inimicitia erant, hæreticorum timens conspirationem, & quia ecclesiæ præfectus insultum talem nequaquam uiriliter sustinere posset, leuior enim erat, licet uitæ esset puræ, ac in Theologia nequaquam inexercitatus: ad Basilium luminis instar splendentem Gregorius misit, ac illum rogauit, ut inimicitias remitteret, & quum animarum periculum cognosceret, quàm celerrime metropoli ac tantæ ecclesiæ auxilium ferret, quin & præsentiam obiter suam & auxilium promisit. his optimo persuasit duci, ut bellum deponeret, cui & ipse unà militaturus accessit, ac in hæreticorum munimenta impetum fecit, impiorumq; dogmata abscindens & dissoluens, tropheum erexit, ac hostes in fugam ita conuertit, ut uirtutis eius manifestum caperent experimentum. hæc deus per seruos suos fecit, qui quum multam hominum impietatem emergere uidit, ob honoratissimæ creaturæ commiserationem, uiros tandem excitauit, qui subsidium & emendationem periclitantibus afferre possint, ne ob defectum confirmantis, humanum genus inficeretur. quemadmodum & tum quoque fecit, ac suos confirmauit, hosq; non secus ac coagulum lacti iniiciens, in medium statuit, ac eos qui uaria prauitate & impietate, multum inter se dissidebant, in unam colligauit amicitiam & harmoniam. interea non multum temporis effluxit, quum prædictus ecclesiæ præses ad meliorem transiuit uitam, unde multus labor Gregorio est excitatus, quum & ad ciuitatem nunc priuatim quibusdam, nunc publice scriberet omnibus, & tam per patrem quàm per seipsum suaderet, ut Basilium in episcopatus assumerent thronum: non ideo solum ut amico commodaret, uerum & ut in uniuersum omnibus prouideret. uidit enim, uidit inquam, manifeste, adiutorem spiritu dignum: quapropter non prius destitit, quàm cōsiliū tam egregium perduceret ad finem, sicq; rem tandem peregit. Basilius igitur Cæsareensiū tenuit gubernacula, uerū enim uero ob inuidiam & dominandi libidinem maleuolorū quorundā, Cappadocia in duas diuisa est partes, quæ usque ad tempus illud semper fuerat unita, inde quoq; à Cæsareensibus segregata est Tyana, & se deinde cōtra utraq; defendit. sed & reliqua oppidula dubitare cœperunt, cui parti potius adhærere deberet. unde magna exorta est cōtentio, prætextū habens, quasi animarū gereret curā: studiū autem nimis uehemens, auaritiā & dominandi libidinem, quoniā res erāt turpissimæ, honestis appellationibus celare satagebāt. rerū
igitur

igitur nouitate Basilius magnus oppressus, simul & domesticis priuatus, Gregorium Sasimis episcopum dare decreuit, quo communi consilio diffidium, tanquam damnum aliunde sibi emergens hoc pacto sedaret, simul ut si regionem episcopis firmasset, maiorem curam ecclesijs impendere posset. nullus igitur Basilio uisus est utilior, quàm Gregorius, & nemo ex episcopis fortior, qui resistere posset, si quid incideret noui. itaq; quum consilium illud cum patre Gregorij admirandi communicasset, ui uirum ad munus protraxit suscipiendum; & opus quidem finem habebat, at ille quemadmodum sepius diximus, quum scopum haberet quietis, & à negocijs liberationem, tristabatur & indignabatur, quoniam necessarium arbitrabat ut priuatim sui ipsius curam gereret. ad quam rem, regio illa, Sasimam dico, minime ipsi apta erat, utpote tumultus & ciuiliū turbarum plena. siquidem in uia sita est regia, & equorum publici cursus stationes habet, ac ideo multam perturbationem quietis concitat amatoribus: utilitatem autem seu fruitionem, uel fortuitam quasi nullam præstare solet. hæc quum uideret, ad curam fugit ægrotorum, ubi ministerio & sermonibus spiritalibus, morborum leniebat dolores, ac philosophiam temporum faciebat exercitium. fertur etiam, nec oblationes, uel electionis munera, neq; aliud quid, quemadmodum alij episcopi Sasimis solebant accepisse, sed in electione solum de actione cogitasse. Interea pater multis illum rogauit, ut rursus Sasimæ ecclesiam reciperet. uerum postquàm à scopo aberrauit, secundo effecit, ut ille pro illa Nazianzi curam assumeret. idq; non solum admonitione perfecit, sed iam execrationem quandam admiscuit, quæ ob sacerdotalem negligentiam emergere posset. ab illo tempore Gregorius assidue patri adhæsit, ac rem magnam esse iudicauit, obedire patri. quem & talibus alloquutus est uerbis: Pater, tametsi moleste imperata feram, gratiam tamen tuam nequaquam sperno. Nazianzi curas suscipio. cognoscat autem sacra tua & deo accepta prudentia, quod impossibile sit, quum tu à uita hac discefferis, ut ego ecclesiam retineam. suscipiens uero pater, mihi inquit, fili uiuenti baculus fias, ac senectutem sustenta, & tu quoq; precibus sustentaberis. quum uero obiero, quemadmodum tibi placuerit res tuas disponito. hæc quum audiuiisset, quàm optime potuit senum parentum curam gessit, quum pater iam centesimo appropinquaret anno, mater uero haud longe ab illo distaret, ac ambo multo iam, ut credere par est, indigerent ministerio: præcipue quum iam Cæsarius obiisset, necnon Gorgonica soror inter mulieres sanctissima, ac ambo ad uitam meliorem, necnon felicitatem transissent stabiliorem: quos etiam orationibus honorauit funebribus, solus senectutis derelictus consolatio, debilitatis medela, parentum piorum, ne quid magni dicam, meliorum successio: gloria uero adeo satis faciebat maioribus, ut illorū & memoriam prolongaret, & usq; ad mundi extenderet durationem. Quis igitur unquam plus pius tam scientia, quàm amore diuino, domesticorum, necnon domus propria

priæ extitit dispensator: quàm ille, qui unicuique suum impartitus est officium, cognatis, amicis, famulis, hospitibus: ecclesiastica uero ita disposuit, ut curam suam pastorem, tanquam regulam quandam iustam cunctis proponeret pastoribus. recte igitur à diuino dictum est Paulo, qui rebus priuatis præesse non nouit, quomodo ecclesiæ dei curam gerere poterit: & ille unum solum prudentia instruebat, ut hoc pacto domum unam saluaret: at noster hic, ut domum & ecclesiam, immo ecclesiam & ciuitatem. siquidem domus est res publica bene ordinata, & ciuitas ambitu utiq; domo perfectior. eiusdem uero est scientiæ multos saluare & paucos, aut etiam unum solum: ac ideo non toto & omni, sed solum quanto talia differunt. Quum autem pater eius Gregorius (ita enim & ipse uocabatur) uitam cum morte permutasset, ipse patrem oratione honorauit funebri: nam deo acceptam matrem Nonnam, adhuc uiuentem laudauerat, pie ac sancte faciens, & quemadmodum patris & matris, necnō Christi amatorem decebat. curam igitur eius in uiduitate constitutæ gessit, quum in senectute longæua auxilio egeret & quiete, uerum post eius obitum, ecclesia excessit, ac Seleuciam est profectus, ibiq; apud uirginum sanctæ Teclæ domicilium habitauit, tempus tribuens, ut episcopus aliquis Nazianzo præficeretur. Quum uero regressus esset, inter æquales uersabatur, minime pastoris fungens officio. Quumq; populus ipsum expeteret, nequaquam flectebatur precibus, sed immobilis persistebat, non secus ac quercus annosa ad uentorum flatus inconcussa. Quod autem mihi fere excidisset, nunc uobis narrare pergam, non magis ob eius gloriam quàm utilitatem uestram. siquidem omne bonum æmulatione etiam dignum est: quod autem æmulatione dignum, id etiam uirtutem conferre ualet: uirtus uero ipsa, sectatores suos ad deum usq; prouehit. quum Basilius magnus fratres detrimento affici uideret, qui ualde commiseratione & compassione digni erant, quum interim tamen nemo illorum tangeretur misericordia, sed quàm plurimis propter ruditatem & inhumanitatem nimiam, piaculi aut iniquationis instar abominationi essent, naturali cōmotus est instinctu, cōsiliūq; cœpit pium, & fraterna charitate dignum: domos enim ædificauit ingentes, ex prouentibusq; quos ab opulentioribus colligebat, inopes alebat. illos enim sermonibus prudentibus ad distributionē hortabatur, ac omnes debiles ad domus illas, quas pauperum uocabat receptacula, colligebat. In hac re Gregorius illi egregiam nauauit operam, quemadmodum liquet ex oratione quam de fouendis habuit pauperibus, ex qua intelligere datur, quātum studium in hac re magno impenderit Basilio. ibi enim planè ostendit, inopum sustentationem mandatū esse maximū, immensitateq; ac clementia dei dignissimū esse. Verū id adeo modestè facit, ut nequaquā percipi possit, quod ipse rem tam egregiā peregerit. Cæterum quum Ariana hæresis longo tempore ecclesiam premeret, ac manu regia dei subuersa essent munimenta, ut ad impietatem protraherentur
simpliciter

simpliciores (Docet autem illa magnum deum patrem, & paruum filium, creaturamque spiritum sanctum) pullulauit tandem ueluti ex hydra quadam nouum caput uirescens, nempe pneumatomachorum hæresis, de filio quidem recte sentiens, & uerbum æquale patri statuens, spiritum uero sanctum blasphemans, idque dupliciter. quidam enim illum manifeste creaturam esse docent, alij autem neque creaturam, neque deum, sed liberum: quos ille recte dimidiarios uocabat, asserens appellationem hanc probe eorum conuenire opinioni. uenerantur enim filium, sed spiritum sanctum afficiunt ignominia. hæc contentio uniuersum Romanum occupauit orbem, sed potissimum Byzantiæ præualebat. Deus igitur spiritus sanctus, Gregorium excitauit Theologum, quum miseraretur eorum qui sub eo peribant dogmate, & tanquam ad Moysen dixit: Videns uidi uexationem populi mei, qui in Ægypto est, at Ægyptus lingua Hebræorum caligo uocatur, ac ideo & nunc quoque palpabiles hæreticorum significat tenebras. & gemitus eorum audiui, & descendendi ut eos liberarem, quapropter nunc adesto, ut te mittam in Ægyptum. Tali igitur adhortatione uirum commouit, ut Byzantium nauigaret, spiritu repletus, ut pro spiritu pugnaret. Confestim igitur impetus ille à Basilio luminari magno est incitatus, ipseque ad certamen spirituale unctus: quinetiam quam plures pontifices, & ex regia urbe fideles, quum auxilio indigerent, summis illum rogabant precibus, ut mala ab eis pelleret. quapropter in auxilium urbis illius aduolauit, omnibus delitijs ornatu & opibus cassus, spiritu uero planè repletus. à cognatis igitur non minus corpus eius, quam pietas, benigne est susceptum. reperit autem ecclesiam tanquam nauis malum in monte erectum, uel sicut uiae signum in colle, ut prophetice loquar, constitutum, exiguam, attenuatam, & delitescentem, ac per uim omni loquendi libertate priuatam. Sacras uero domus cunctas direptas, & ui occupatas, adeo ut sola Anastasia sancta, orthodoxis esset relicta: forsitan quia tunc propter ambitus contempta esset angustiam, quemadmodum norunt illi, qui templum uiderunt antiquum. Confestim igitur quemadmodum Dauid alius emicuit, & alienigena dogmata sermonum firmitate, tanquam funda disiecit, fidelibusque fideliter loquendi audaciam præstitit, quotidie recipiens & capiens deo, eos qui male à ueritate descuerant. paruo igitur elapso tempore, tantam multitudinem conuertit, ut nequaquam cum primis conferri posset, planeque hic sacra impleta est scriptura, quæ ait: Domus Dauid procedebat & magnificata est, domus autem Saul retrocedebat, & est debilitata. uariam igitur cernere erat disciplinam inter eos qui saluati erant: quidam enim iam in retia inciderant, alij uero appropinquabant, nonnulli in fide erant perfecti, & illi alios uenabantur, & docebant. ob hæc Arianorum quidam irascebantur, quidam uero inuidebant, è quibus tamen nonnulli decorum esse censebant, ut illum adiuuarent, & cum decertante concertarent: licet enim ob emendationis successum indignarentur, ob inuidiam tamen ecclesie procurabant incrementum.

& quum

& quum inter æquales excellere nequirent, aut non uellent, prauitate uirtutem dilatare contendebant. Cæterum quum malum hoc nondum quieuisset, exortus est Apollinaris Syrus, qui de nouo proprium quoddam prauitatis excogitauit documentum, incarnationem enim nequaquam uerā fuisse censebat, sed carnis solum & animæ irrationalis assumptionē docebat, ac animam rationalem penitus à dispensatione abscindebat. quūq; doctrina gentili admodum præstaret, multos sermonis decepit uarietate. ab omnibus igitur terrarum oris hæreseos aderant discipuli, qui indoctos tanquam hamis in perditionem trahebant. Gregorius itaq; rursus perdifficili implicitus est certamini. ubiq; enim aderat, arguens, comminans, adhortans, quosdam in fide seruabat, alios unde exciderant reducebat. accidit autē quemadmodum in talibus fieri consuevit, ut perfectæ incarnationis cōfessio, in duos filios ab indoctis censeretur diuisio. Quum igitur discipuli Apollinaris assidue populi aures obtunderent, & sancti patris accusarent facta, præualuit tandem calumnia, gutta enim assidue distillans, saxum etiam tandem excauat. & quia talia multorum auditu sublimiora erāt, qui nequaquam dispensationis profunditatem intelligere poterant, lupis credebatur, pastor autem qui ueritatem docebat, suspicioni obnoxius erat. qui igitur pro Apollinaris pugnabāt opinione, tanquam apri syluestres, quum iam pridem iram acuisent, perturbationemq; & calumniam, quæ Gregorio ex Apollinarij opinionum censuribus concitabantur, in auxilium sumpsissent, populum e mentitis concitarūt sermonibus, ut uirum, quemadmodum olim Iudei Stephanum lapidarent, nisi quod ictibus aberrarunt, quum deus suū protegeret propugnatorem. comprehendentes autem illum tanquam seditiosum quendam, & pacis turbatorem, ad consulis pertraxerunt tribunal. Proh impudētia, proh mendacij uiolentia. Gregorius de talibus iudicatur, qui alienę iræ & turbationis mitissimus erat medicus, qui pacis erat dispensator, qui Christi erat discipulus, clementis illius & humilis, & qui mansuetudinē lege statuisset. at ipse quamuis talibus oppressus esset difficultatibus, solūmodo hæc in ore habuit: propter nomen tuum Christe, etiā si ambulauero in medio umbræ mortis non timebo mala, quoniam tu mecum es. mox sine uerberibus & supplicio est dimissus, martyr absq; corporis afflictione, & sine uibicibus coronatus, solummodo tantum tolerans, quantum sustinuit uoluntate, sed ne pateretur, Christus cōcessit. igitur quum talibus fulgeret certaminibus, iam omnibus cognitus erat, acceptus ob loquendi libertatem, acceptus ob uirtutem, & labores similes, conspicuusq; multitudini ecclesiæ: ita ut Petrus, qui tum magnę urbis Alexandrinorum episcopus erat, & post Athanasium curam pastorem suscepit, ad Gregorium magnum mitteret, & illi Constantinopoleos episcopum confirmaret, admodumq; recte ac iuste episcopi eum officio fungi iuberet, quo labores dignitate compensaret, & mercedem sudoris, thronum, nō tamen gratia humana, retribueret. Cæterum multiplex rerum gestarum

B congeries

congeries, mentem mihi interturbavit, & quemadmodum singula acta fuerint confudit, sequentiumque copia non secus ac in undarum collisione, priora abscondit. uerum quum semel loqui cœperim, nequaquam desinam priusquam ad optatum finem deueniam, qua in re meæ imbecillitati diuinum Gregorium adiutorem sumam, necnon à mansuetudine uestra, meæ in dicendo tenuitati, ueniam me impetraturum spero. Erat quidam in urbe regia Maximus nomine, genere Ægyptius, moribus barbarus, qui Gregorio non secus ac Mosi olim nouus Iamnes est factus. Cynicus is erat philosophus, baculo, coma, & ueste attrita seuerus, eo usque enim philosophabatur: uerum gula, auaritia, ac impudentia canis magis quam Cynicus erat, & Antisthenis familiaribus contrarius: quemadmodum & de Nabal audimus. is igitur ad sacrum accessit pastorem, à quo etiā est instructus, quumque impietatem dedidicisset, membrum est factus ecclesiæ, ac per baptisma regeneratus. inde quum religionem simulasset, à pontifice mensæ quoque ac poculo est adhibitus, qui & omnia illi concredebat. erat enim minister egregius, laudator sermonum beniuolus, Christianus nequaquam pessimus, quum uero temporis successu, sui quoque specimen præstitisset, gradu etiam dignus est reputatus, ac sic clericorum numero ascriptus. cōfestim igitur Iudam imitatus, defectionem moliri cœpit, & doctori suo bellum inferre cogitauit. ad quā rem perficiendam ecclesiæ presbyterum quendam adiutorem assumpsit, qui nullum unquam honorem adeptus fuerat, sed nec honorādis adnumerabatur: is Maximo negocium illud cōcinnabat, quo agebatur, ut eum Byzanti episcopum cōstitueret. uerum quia ad rem hanc aurum necessarium erat, unde illud sumptum sit audite. Presbyter quidam insularis ex Thaso, Byzantium applicuerat, ac secum attulerat pecunias, ut pro illis proconesi marmoris tabulas emeret. hūc aggressi, promissis inescāt (perfacile enim leuitas deceptioni est obnoxia) ac aurum prauitatis suæ cōemptorem accipiunt. in Alexandriam igitur mittunt, ac Petro persuadent, ut uiros Byzantium legaret, qui Maximum in Cōstantinopolitanum eligerent episcopum. uixque hæc sermonibus tractata fuerant, quum mox ab Ægypto aderāt, qui Maximo episcopam traderent. erat autem Petrus ille idem, qui prius Gregorium in thronum constituerat, tum uero Maximum eligebat citra ullum iuris ordinem, necnon absque omni tum uirtutis, tum gloriæ uiri respectu. quum igitur aduenissent qui ab illo mittebantur, mane erat, ipsique ecclesiam sunt ingressi, nequaquam pastori illud significantes, non presbyteris, non clero, non magistratui, non populo fideli, confestimque ad electionem se accingebant. id quum auditum esset, turmatim aderant sacerdotes, clerus, populi multitudo, hæreticorum turba: omnes enim tanquam insani agebantur, rei iniquitate, & hominum prauitate tam immensa perculsi. malitiæ enim magnitudo inimicos etiam quandoque ad uindictam innocentum concitare solet. Postquā igitur cōsilia eorum procedere nequibant, sed ne-

cessitas

cessitas eos ab inceptis desistere cogebat, siquidem populi illius obstabat audacia, quid faciunt? ecclesiam egrediuntur, & in domum cantoris cuiusdam se recipientes, Maximum ibi elegerunt, quum quosdam è populo coadiutores & auxiliares haberent, qui propter morum peruersitatem ab ecclesia fuerant eiectiones, tales enim ob mutationes repentinas gaudere, ac res bene dispositas odio habere, semperque in nouationibus oblectari solent. Ciuitas igitur ira flagrabat, nec facile quis referre posset, quot conuiuijs Maximus discerperetur. Sed & Gregorio ipsi homines indignabantur, quod tanta beniuolentia Maximum dignum censuisset, ac talem audaciam illi suppeditasset: quapropter & nouum illi excusationis certamen est suscitatum. ut igitur populi ardorem sermonis demulceret medicamento, ita ad eos locutus est, Nolite mihi uiri uestro irasci patri: etenim si ego illi bonus uisus, & ideo culpae sum obnoxius, quod malitiam eius minus praeuiderim, qualis erit qui beneficia accipit, & pro illis reddit insidias? siquidem malitiam non praeuidisse, nequaquam facit reum: hoc enim solius dei est. praeterea & lex quoque iubet, ut omnibus misericordiae uiscera aperiamus, & affectu paterno fideles suscipiamus. Omnem enim ad me uenientem, Christus ait, non eiciam foras. res magna mihi erat Maximum, ex gentili baptizatus. res magna mihi erat, homo uirtutem simulans, tametsi nouissimis ostenderit, quid in prioribus simulauerit. uerum nequaquam ad nos pertinet ut coniecturae innitamur, quandoquidem haud in opinionibus ambulamus, neque quid futurum sit cognoscimus. id enim solum diuina donat prudentia, ac ideo nos faciem intuemur. Deus uero, quemadmodum audiuitis, scrutatur corda. his uerbis multitudinis indignationem sedauit, effecitque, ut ob tantam animi bonitatem magis episcopo suo faueret. Ceterum quum Theodosius, qui ex Hispania generis ortum trahebat, in Macedonia castra haberet, & contra hesperios barbaros bellum gereret, accepit Maximum Aegyptiorum episcoporum cateruam, qui ipsum in sacerdotem elegerant, ac cum ijs Thessalonicam profectus, imperatorem conuenit, ac regiae urbis sacerdotium petijt. nam ex legibus ecclesiasticis illud consequi haud poterat, ac ideo illud ex mandato regio adipisci cogitabat, tanquam minime ad sacerdotium, sed potius ad tyrannidem electus esset. uerum illi repulsam tulerunt, iratusque imperator, multis eos conuiuijs abegit. Quid igitur facit Maximum? inexpugnabilis enim est dominandi libido. in Alexandriam nauigat, & iisdem conatibus domesticos quosdam Petri auro decipit, illumque pari aggreditur malitia. aut mihi inquit, regiae urbis pontificatum acquirere, aut nec à tuo abstinebo. & iam audacia in manifestum prorumperebat periculum, nisi praeses, qui tum Alexandriam moderabatur, Maximum ab urbe pepulisset, timens ne res ad seditionem & caedes usque procederet. & sic ille dignam audaciae suae mercedem tulit. Gregorius uero multitudine laborum pressus, & ob uarias curas fessus, domum, deposito officio ire constituit, prius tamen populum ad-

monuit, ut fidem quam ab eo acceperat, firmiter seruaret, uirtutibusq; studeret, quam ipsis & re & uerbo ostendisset. hæc quum clerus & populus audiisset, magnus clamor est exortus. omnes enim ob discessum eius lugebant, cerne-
reque erat spectaculum miserabile, uiros, mulieres, iuuenes, senes, eximios, in-
doctos, principes, priuatos, omnes denique communi resonare planctu, & pa-
tris priuationem nequaquam ferre, ita ut quidam sublata uoce clamaret,
Aude pater, ac tecum trinitatem ipsam eijce. hanc uocem quum generosus
ille audisset, impetum refrenauit, & se cum eis remansurum promisit, donec
episcoporum fieret congregatio. sperabatur enim, quendam ab ijs præposi-
tum iri, qui officio episcopali dignus esset, quo ipse à tantis absolueretur cu-
ris: nihilominus tamen discessum illi inhiuerunt, ac ita concio est soluta,
tamen si res nequaquam iureiurando firmata fuerit, quum morum eius inte-
gritati confideretur. Quum igitur turbæ illæ aliquantisper sedatæ essent,
quiesque reddita esset rebus, rursus effulsit trinitatis dogma, doctrina & labo-
re beati Gregorij, inter omnes fideles dilatatum. illam enim pulcherrime ex-
coluit, adeo ut cultura quam Noë olim fecit, longe fuerit uenerabilior. siqui-
dem ecclesiæ aruum ad fundum usque elaborabat, & impietatis spinas sermo-
ne tanquam aratro, ab animabus extirpabat. animas enim quasdam ad-
aquabat, ut prophetice loquar. alijs uerbum seminabat diuinum. at quæ-
dam æqualiter pullulabant, & radices agebant altiores. nonnullæ carmina
cantabant, quædam ad genua usque uestimenta suffarcinabant. aliæ ad spi-
cas colligendas se accingebant. illæ exultabant, & ad messem erant paratio-
res. quasdam iam area continebat, nonnullas uero cumulus. aliæ uentilabro
paleam, & dogmata rationi contraria discernebant, purgatæ Christo, aliquæ
dignæ erant ut conderentur horreis. at quædam in panem iam erant elabo-
rata. & hic est finis agriculturæ uniuersæ, cuius deliciarum scopus est, transmu-
tatio, propter quam unusquisque messem ac laborem omnem læte tolerat. ta-
li igitur sudore, tantoque studio uir dei pro salute laborabat multorum. Cæ-
terum fruitio his nequaquam respondebat, non enim quemadmodum agri-
cola fructuum particeps erat, sed gratis bonus existerat. labores enim susti-
nebat, ex Euangelio uero nullos sumptus colligebat. unde accidit, ut magis
diligenter: quumque magis diligenter, libentius etiam audiretur, deoque plu-
res animas lucraretur, non quod iracundia grassaretur, sed mansuetudine im-
peritiam pelleret, & animas sermonum uirtute ad meliorem habitum perdu-
ceret. Quidam enim orationis capiebantur suauitate, alij exactam amplecte-
bantur doctrinam. nonnulli uiri laboribus & tolerantia inflectebantur, qui-
busdam mansuetudo eius uenerabilis erat. alios autem sinceritas & planè ho-
minis philosophicū plus mouebat. quidam tanquam uenationem hanc aduo-
cassent ac tenerent, illam quoque fouebant, suoque applaudebant suffragio. &
quod maioris erat prudentiæ, non omnibus omnia credebat, sed uirtutem unius-
cuiusque, non secus ac medicus quispiam optimus ægrotantium habitum, diligen-
ter

ter expendebat, ac unicuique debitum suum distribuebat medicamentum. Sed nec prophanis seu imbecilibus mysterij concedebat archana, neque ab hominibus rite initiatis aliquid abscondebat, tanquam illis ea inuideret quæ utilia essent. quosdam publice redarguit, quos pudor ad poenitentiam perducebat. alijs priuatim delicta sua ob oculos ponebat. nonnullis minabatur, quibus id melius esse censebat. qui autem se emendauerant, illos paterne & officiose laudabat. minime enim assentabatur, sed uirtuti per rectum tramitem ad felicitatem iter struebat. siquidem in hoc rhetorica differt à philosophia, quod illa adulatione cauponaria, ac laudibus suis beniuolentiam captat mortalium: at illa humanæ utilitatis curam gerit, ac sermonum celebratione mellis instar edulcat, laudisq; uoluptate, ad uirtutem eos pertrahit, qui in illam inciderunt. Cæterum in omni doctrinarum genere, præcipue uero Theologica profunditate, tantum eminuit, ut licet tempore multo, multi extitissent uiri in Theologica sapientia præstantissimi, famaqué & nominis celebritate clarissimi, solus tamen iste, post Ioannem Euangelistam Theologi nomine sit insignitus, appellationemq; hanc tanquam præcipuam sortitus. Proinde quum omne bonum in corde eius esset inclusum, nec prophetico etiam carebat spiritu: & hoc uos mihi credituros scio, qui in uiri huius sapientia oblectari soletis, decet igitur ut dictis suis & scriptis, in hac quoq; decoretur parte. siquidem in oratione quam in episcoporum habuit præsentia, ita est loquutus. talis olim grex, talis quoque nunc est, ita bene habituatus ac dilatatus. proinde si olim non erat populus, paulatim tamen ad hanc auctus est multitudinem. Prophetizo autem quod & plus augebitur: hæc mihi sanctus spondet spiritus, si quid in me propheticum est, & rite prospicio futura. siquidem non multum temporis effluxit, & prophetia hæc est adimpleta. quoniam ecclesiæ multitudo, maris ferè adæquauit harenam. ac ita prophetiæ prodigium, per euentus comprobatum est miraculum. Postquam autem prædictus Theodosius pius, in Cæsarem est electus, & liberum lumen ecclesiæ est exortum, quid dicere refert? quot panegyricis exultauerit sermonibus. quantum orthodoxorum iram demulserit, qui hæreticis acceptam malitiam recompenfare contendebant, ac eos à quibus in tempore potentiae, persecutionem & supplicia pertulerant, in tempore mutationis pari retributione ulcisci querebant. Quid igitur sanctus dixit? non hoc inquit, exigit Christus, nec ita nos docet Euangelium. tempus est ut errantes conuertantur, cognoscant errorem suum discendo. procidant coram domino, abrenuncient impietati, ouiumq; admisceantur gregi. hæc mea sit ultio, ut saluentur qui nos affecere iniuria, & confiteantur ea bona esse, quæ prius sunt persecuti. Longanimis estote filij, uir longanimis abundat sapientia. benefacite ijs qui uos oderunt, & dimittite eis delicta sua planè. si autem ira uestra nimium adhuc ardet, & nequaquam penitus cohiberi potest, saltem quod secundum est à uobis fiat. relinquitte hæc Christo, & futuro re-

seruate iudicio, mea enim est uindicta, & ego retribuam, ait dominus. hisce sermonibus illis persuasit ut quiescerent. Quū autem bellum, quod cum hesperijs barbaris contractum fuerat, esset finitum, omniaque ex imperatoris constituta essent sententia, ac ille pœnas ab illis eorum ausibus dignas exegisset, captiuosque abegisset, ac uictis tributum imperasset, triumphū superbum & spectatu dignum in regia egit ciuitate. tumque episcopum Gregoriū, honorifice, & quemadmodum ob labores suos dignus erat, suscepit, ac sermonibus prolixioribus beniuolentiam suam erga illū declarauit. quibus in fine adiunxit: Pater, tibi & sudoribus tuis deus per nos ecclesiam tribuit. ecce do tibi domum sacram, & thronum. at beatus gaudio perfusus, imperatorem salutauit, illique bene precatus, à regia exiuit. Caterum Ariani (huc usque enim sacram occupabant domum) contra sanctū concitati, rem armis & bello decernere satagebant, obiterque imperatorem rogabant, ne eis domū auferret, nam potentia resistere timebant. Gregorio autem sancto, necnon ijs qui cum illo erant, mortem minabantur. publice itaque ad pugnam se expediebant, priuatim uero quendam submiserunt, qui clanculum episcopum aggrederetur, & gladio illum transuerberaret, & hoc erat hostium consiliū. Mane autē facto, populus dei cū suo processit pastore, ut domum occuparent sacram, erat autē tumultus magnus, & perturbatio haud minor, quā quū urbs quædam hostili diripitur insultu. multi enim undique armati in plateis uersabantur, quidam uero domorum occupauerant culmina. magnus præterea ululatus ex mulierum & puerorum luctu commixtus, in altum tollebatur. In templum igitur imperator cum sancto est ingressus: uerum enim uero quemadmodum sæpius in rebus accidit humanis, quum adhuc mane esset, factæ sunt tenebræ, nebulaque solarem abscondit circulum. quapropter contigit, ut accidens hoc à festiuitate & læritia fieret alienum. siquidem Arianos gaudio replebat, tanquam deo domus displiceret mutatio. fidelium autem animas tristitia quædam subiit ac perturbatio. Postquam autem pastor & imperator intra sanctum ingressi sunt ambitum, uox una laudis ab omnibus est leuata, lachrymæque effusæ sunt, & manus in altum protensæ. quumque densitas nubis disparuisset, solare lumen rursus fulgere cepit, ac sacrum templum illuminauit. quum itaque cœlum rursus luce splenderet, hominum mentes ex tristitia in gaudium sunt mutatae. Imperatorem itaque populus rogauit, ut sanctum confirmaret in sede. uerum beatus ille repugnabat, & nequaquam ibi confirmari uolebat. cæterum quum ob abstinentiam nimiam & debilitatem, multitudinem haud alta uoce alloqui ualeret, per uocaliorem quendam id faciendum curauit: illamque talibus compellare iussit uerbis. Nunc filij tempus est, ut grati sitis, ac gratiam confiteamini acceptam, ob ea quæ nobis gratificata est trinitas ueneranda. cæterum throni negotium in aliud tempus differemus. his uerbis populus delinitus quieuit. Imperator uero ob tantam uiri modestiam, magna admiratione est percub

perculsus, ac ita panegyris est soluta: quum Christus lætitiā, necnon securitatem suis tribuisset quā plurimā, adeo ut armorum apparatus ac infanīæ furor, penitus dispareret. solum autem unus enudatus est gladius, qui tamen citra sanguinem rursus in uaginā est reconditus. Cæterum Gregorio non usquequaq; concessum est, ut haud confirmaretur in throno, nam licet nollet & fortiter repugnaret, nihilominus tamen episcoporum multitudine in episcopali confirmatus est sede. uerum hæc paulo post acciderunt. Porro imperator fidem illi dedit, ac honorem paternum & uenerationem promisit. nam licet uir ille doctrinæ expers esset, pietate tamen & mansuetudine, ac si quis alius excellebat. at Gregorius melius esse duxit, ut deo potius uacaret quā imperatori, ac ideo raro se imperatoris immiscebat negocijs. etenim quum cerneret potentes in aula avaritia laborare, ac munerum causa hominibus gratificari, eos uero qui nihil donarent, admodum despicere, orationibus & doctrinæ, necnon infirmorum curæ ac uisitationi incumbere maluit, talibusq; seipsum ac gregem purgare deo: nonnunquam uero in agrum quietis secedebat desiderio, quo corpus ob defatigationis assiduitatem, aliquantisper refocillaret, & ad reliquos labores perferendos corroboraret. ac ideo non nisi raro ad imperatoris pergebat aulam. recte & decenter Paroemiæ memor, quæ iubet, ut raro pedem amicorū domibus inferamus, ne ob assiduitatem nimiam nos odio habere incipiant. Proinde licet tantæ ecclesiæ pastor esset designatus, totq; redditus & uariarū opum acciperet cumulum, nec unam inde drachmā in suam uertit utilitatem. si enim uoluisset uim auri colligere potuisset ingentē. quin nec ab ecclesiæ dispensatoribus prouentus & expensæ rationē aliquando exegit. sed nec unquā uasa descripsit sacra. asserens curā talem ad institores potius quā ad uiros pertinere sacros, ac principū magis propriā esse quā episcoporū. his omnes edocuit, ut potius cōscientiæ puritatē deo exhiberent, q̃ homines negotiorum rationibus tentarent. Cæterū laborū assiduitate, senectute & debilitate iam incuruatus, ita ægrotare cœpit, ut in lecto decumbere cogereſ. populi igit̃ multitudo turmatim ad domū, in qua iacebat aduolauit: at ipse quēadmodū perterriti solent, demissis ad pauimentū pedibus, in lecto cōsedit, interrogans quid sibi eorū uellet aduentus. at illi ob ea quæ acciderant deo gratias agebāt, ac pro rege, templi & aliarū sacrarū ædium gratia, necnō pro orthodoxorum ecclesia orabant, asserentes pastore omnium harū rerū causam esse: sic lætitia perfusi abierunt. adolescēs uero qdā ibi relictus, manibus suis sancti pedes apprehēdit, illūq; fletu ingenti, ac lachrymis rogauit obortis, ut ei delictū suū dimitteret. quūq; à beato interrogareſ, quidnā cōmisset: nil ille respōdit, sed solū flens in ueniā petēda perstitit. uerū ex astātibus quidā, Pater, ait, hic est homicida ille, qui ex submissione quorūdā, ensē per uiscera tua adigere debebat, à q̃ periculo Christus manifeste te liberauit. quantū enim in illis fuit, scelus iam perpetratū erat. ob tāti igit̃ facinoris audaciā poenitēs, ad pedes tuos cū cla-

more procidit. Euestigio igitur pater tanquam pater, fiat tibi amicissime, inquit, Christus propitius, ipseque tibi ueniam concedat, quum & tu mihi perceris, tantummodo ad excusationem audaciae, meus fias, haeresimque detestare, ac deo adiungere, cui & seruias, seruitute sincera & spontanea. Ciuitas igitur quum responsionis audiisset longanimitatem, maiori illum prosecuta est beniuolentia. Eodem tempore ex uniuersa Romanorum ditione, praeterquam ex Aegypto & Hesperia, sancta centum & quinquaginta episcoporum conuenit synodus, ut urbi regiae fidelem praeponerent episcopum, ac haereses quae inter Ariana pullulauerant tempora, uniuerso conuentus calculo ab ecclesia extirparent. Ceterum quantum ad haereses pertinebat, iam pridem Gregorius magnus uiam strauerat, ac feras ecclesiastico gregi insidiantes, strennue persequutus fuerat, tum quoque in sancta synodo diligentem nauabat operam. sancta uero synodus eum in cathedram constituit, duce magno pastore Antiochiae, Meletio, uiro in fide pio, & qui Arianicis temporibus ab ecclesia expulsus, multas calamitates pertulerat, ac longo tempore solum exilij causa uerterat. uerum quid dicere attinet? qualis fuerit moribus, mansuetus enim erat, strenuus, iustus, uirilis, sapiens, & omnibus uirtutibus egregie ornatus. huius consilio & persuasione praeualuit suffragium, ut Gregorius praeminentiam in urbe fortiretur regia. At ille licet reliqua quae ad episcopatum spectarent, permolestae ferret, gregis tamen desiderio, & quia putaret si regiae urbi praesideret, quod orbis lites tanquam ex specula quadam considerare, sicque dissoluere, & ecclesias dissidentes ambabus manibus ad unitatem reducere posset, episcopam suscipere decreuit. Quum uero sanctus Meletius, ultimum uitae diem in urbe regia clausisset, ita funebri honoratus est pompa, ut tota ciuitas regia ad illam effunderetur, multasque profunderet lacrymas. tumque cognosci potuit, quanta ciuitatis multitudo esset. rursus igitur contentio de sede est suborta, inter seque discrepabant episcopi. & quidam comitia iusta fuisse iudicabant, ac ideo etiam uolebant ut firma permanerent. alij autem his, quae bene decreta fuerant, contradicebant. Haec quum Gregorius intellexisset, licet semel cathedram accepisset, confestim tamen illam relinquere deliberauit, talique apud episcopos usus est oratione. Ego sub initium pastores sacri ac uenerandi, regiae urbis sede, ut nostis, sanctificari nolebam. proinde si me laboris & sudoris gratia in ecclesiam induxistis, & ut huic praessem optastis, sufficit mihi, ut ego his deo thesaurissem, a quo & retributionem expecto. uerum postquam me gregis desiderium, ac commune uestrum suffragium cathedram suscipere coegit, nequaquam mihi recte agere uideamini, quod nunc decreta subuertatis propria, & non omnes in unum consentiatis: sed quibusdam uideatur, ut quae semel decreta sunt maneant firma, alijs uero minime. Ego uero quum nequaquam diuitem aut sublimem desiderem cathedram, neutiquam mihi lucrum esse censeo, quod regiae urbis iam episcopus existam: ceterum filiorum orationem absque

absque animi passione ferre, molestissima simul & stolidissima mihi passio uidetur. proinde ne uideamini ex inuidia, & animi leuitate quadam, alia facere quàm quæ prius decreuistis, uincantq; apud uos præsentia, pristina uero tanquam inania cõtemnatis, lubens episcopa cedo. cõsulite, ac per uos agenda agite: mihi uero & nunc, & olim solitudo cordi est, nec à deo excluduntur, qui priuantur throno. Hæc quum dixisset, ac sciret multos clàm aliter sentire, quàm palàm præ se ferrent, domū in qua habitabat reliquit, ac ad aliam longe ab ecclesia remotam se transtulit, quo & tumultus & turbarū fugeret conuentus. multi igitur ex populo illuc confluebant, rogantes & orantes, ut misereretur gregis, quem tot laboribus ac sudoribus enutriuisset, & auxisset. da inquebant, amantissimis tui gratiam hanc, & quum uigorem uitæ tuæ primum, in nostram expendisti salutem, fac ut nec nouissimo tuo priuemur subsidio, saltemq; corpus tuum nobis sit residuum, qui tua doctrina sumus illuminati. his ille uocibus, tãquam filios amans pater deliniebatur, ac quidnam faceret dubitare ccepit: deum itaq; rogauit, ut cuncta pro bonitate ac dignitate sua disponderet. hæc quum ita se haberent, uenerunt Byzantium episcopi, qui ex Ægypto & Macedonia uocati erant, quū synodus publica adhuc duraret: ij quoniam beatus Gregorius sine eorum consensu cõfirmatus fuerat, humana animi deuicti passione, electionis contradicebant decreto: non quod Gregorium ita odio haberent, ut ipsum occultis peterent insidijs, sed ut illos ulciscerentur qui sine eorum consensu Gregoriū confirmauerant, & thronum ei tradiderant. At beatus ille, quum episcopi hac de re conuenissent, in medium processit, & ita est loquutus: Viri, gregis sacri compastores, turpe foret, & nequaquam nostrum, si alios pacem doceremus, inter nos autem bellum concitaremus. quo pacto enim alios ad cõcordiam reuocare poteritis, quum ipsi in ijs quæ iam decreta sunt discordetis? Verum per trinitatem ipsam uos oro, ut cuncta honeste & pacifice inter uos componatis. si uero ego uobis diuisionis huius causa existo, nequaquã purior sum Iona propheta, projcete me in mare, & cessabit à uobis tempestas calamitatum: paratus sum, licet me infontem esse sciam, uestræ concordie causa, quicquid uobis libitum fuerit perpeti. throno me priuate, ab urbe pellite, solummodo ueritatem & pacem, ut Zacharias ait, diligite. Valete sacri pastores, & me laborum meorum memores, liberate. Hæc quum dixisset, pudore illi sunt confusi. Gregorius autem è congregatione egressus, ad Capadocum transiit uicum, gaudio pariter & mœrore suffusus: gaudio, quod à laboribus liberaretur: mœrore autem gregis causa, quod illum relinqueret. Sed & in regiam perrexit, ut imperatori ualediceret. ad quem inter cætera sic quoque loquutus est: Tu quidem imperator, ecclesiam multis affecisti beneficijs, refundat tibi Christus in die retributionis. Verum Cæsar potentissime, pro quibus nunc rogo tu mihi indignari noli: non pecunias peto, non uersicoloria altarium desidero uelamina, non cognatorum principatus: sed laborum remissio

remissionem precor. cesset inuidia, pacem faciant episcopi, potissimum te auctore. tu qui barbarorum audaciam compescuisti, sacerdotum etiam pugnas sedato. trophea potentiae tuae maxima, unica episcoporum concordia ornato. hoc ego donum peto, hanc ultimam mihi gratiam dato. Hac quum imperator audisset, admiratione est perculsus, pariter & senatus. maximo enim uiri tenebantur desiderio, ac ideo difficulter eum absoluerunt, & abitum concesserunt. Interim & dum adhuc in aula esset regia, Nectarius quidam Tarsensis Ciliciae praefectus, à synodo in ipsius constitutus est ecclesiam. Gregorius autem clerum & populi conuocauit praecipuos, ipsosque adhortatus est, ut fidei custodirent depositum, & dei mandata seruarent. deinde illis ualedixit, & quum omnibus lachrymarum fontem excussisset, ab urbe discessit. contulit autem se ad agrum Arianzum, quem ex hereditate paterna in Capadocia possidebat. Quum autem multum effluxisset temporis, ex quo Basilii magnus ab hac uita ad deum concesserat, praesentia cum sublimioribus permutans, epitaphium illi conscripsit, ac Caesaream, metropolim sacram profectus, coram ecclesia sermonem recitauit, quo facto rursus domum concessit. Quum uero iam diu ob moram in urbe regiam factam, à patria abfuisset, duodecim enim annos Byzantij egit, accidit ut Apollinaris discipuli quidam, secundam Capadociae prouinciam inuaderent, ac multos impietatis deciperent sermonibus. quinetiam ad illam accedere sunt ausi, ita ut episcopum regioni, & Nazianzo eligerent. uerum ipse celerrime Nazianzum hoc scelere purgauit. quumque uehementer rogaretur ut patriae curam gereret, episcopam suscipere abnuuit. uehementer enim quietam amplectebatur uitam. Eulalium autem quendam Nazianzo constituit pastorem, quem ipse inter honoratos habebat praecipuum, non ideo solum quod ab illo colebatur, sed quod moribus quoque modestissimus erat. ipse uero quum iam aegritudinibus infestaretur, in Arianzo se refocillabat. quumque iam non amplius ambulare posset, Clydonio presbytero, uiro pio, & legitimo dei seruo, necnon alijs quibusdam mandauit, ne pestem haereseos, & electiones Apollinaristarum, tanquam reprobas, & ab ecclesia catholica alienas susciperent. quin nec contentus leui inter illos uti testimonio, fusius scripsit, ac singulatim Apollinaris subuertit deliria: quemadmodum epistolae duae ad Clydonium conscriptae manifeste ostendunt, necnon carmina ab illo relictæ. In carminibus autem quorum & antea meminimus, duplicem scopum habuit: primum quidem, ut illicitam Iuliani legem, planè puerilem & inefficacem redargueret. ea enim iubebat ne Christiani gentilium disciplinarum participes fierent. secundum autem, quoniam uidebat Apollinarem uarios libros diuerso metrorum genere conscribere, ac horum elegantia quamplurimos haeretica decipere impietate, necessarium duxit, quum post regressionem suam in Arianzo quiesceret, ac à negocijs feriatum ocium ageret, ut & ipse carmina scriberet. unde mihi plurima argumenti deprehenditur materia

ria. dehinc per aliquod tempus quieuit, philosophia uitam expurgans: quumq̃ iam contemplationi maiori immerfus esset, fragilem hanc uitam, cum conditione meliori & sublimiori in multa permutauit senectute, cuius hic uix simulachrum aliquod deprehenderat. Proinde ego iam uiro tanto pro uiribus honorem impendi, quo patris optimi, necnon eorum qui res illius gestas scire desiderant, satisfacerem desiderio, ipsi breuem quandam uitæ, ac paucis comprehensam haberent descriptionem. haud enim scio, num aliquis ex illis etiam, qui admiranda præditi sunt sapientia, omnia digne enarrare posset. Tu uero pater beate, scenæq̃ ueræ spectator & Mysta, ubi uoce exultationis & salutis, angeli cum sanctis deum collaudant, tui memor sis Gregorij, qui hæc breuiter est philosophatus. Etenim si dum hæc apud te proloquor, ob uirium etiam defectum, dignitate destituor, animi tamen promptitudine inobedientiæ me culpam euitaturum spero. siquidem non minus ad te quàm ad deum ipsum sacra uox illa pertinet, acceptum esse quicquid sit pro uiribus.

ORATIO DIUI GREGORII NAZIANZENI AD NAZIANZENSES, qui ipsum sub initio uocauerant, sed postquam uenerat nusquam comparebant.



VOMODO fratres charissimi ad sermonem nostrum audiendum tam segnes estis? quum tamen uiolentia fueritis perquam celeres, nosq̃ ab arce nostra nempe solitudine abstraxeritis, quam ego maxime præ omnibus dilexi rebus, tanquam cooperatricem ac matrem eleuationis ad deum, & quæ ex homine deum faciat, quamq̃ præcipue sum admiratus, ac in omni uita ueneratus. Quomodo tam cupide accipere desideratis, ac postquam accepistis contemnitis? meliores sanè uidemini in desiderando absentes, quàm fruendo præsentibus, tanquam philosophiæ nostræ potius dominari, q̃ illa iuuari uelitis. sed & hoc recte dicere possum: facti sumus uobis in satietatem, priusq̃ aut uos gustaretis, seu nos experimentū præstitissemus nostri, quod quidē præcipue est admirandū, nō enim nos tanq̃ peregrinos accersistis: aut nobiscū, ut quid dicā cōpassione magis dignū, cōuenitis, mandatū istud & si nil aliud uenerantes. quin nec ut subditū manu ducitis, uel ut timidū animatis: neq̃ ut adactum cōsolamini: sed nobis festiuitatem (at dicere cunctor, nihilominus tamen dicatur) sine festiuitate fecistis, nosq̃ procemijs nequaquam bonis suscepistis: sed celebritati mœrorem cōmiscuistis, quum illud quod ad uoluptatem est maximum nequaquā habeat, meos nempe uictores, nam amatores nequaquam uere dixerim. adeo contemptui est obnoxium omne quod facile superatur. siquidē quod sublime est colitur, quod uero se deo humiliauit, spernit. Quid uultis? iudicer nē, an iudicem? sententiam feram, an excipiam? nam & si iudicatus fuero, me superaturum, ac per sententiam iuste absolutum iri spe

ro. Porro accusationis caput est, quod nobis dilectionem haud æqua mensura retribuitis, neque debitum honorem propter obedientiam uestram exhibetis. ideo nec sperandum est, ut futurum tempus uos reddat promptiores, quum segnities tanta uix nunc quoque credi possit. siquidem omne exordium feruentius esse solet. proinde alius aliud quid honorabilius censeat, in pastore seu ueteri, seu nouitio, nec ueneretur senectutem, neque aduocet iuuentutem. Cœna in Euangelij est splendida, hospesque lautus, ad sunt & amici, necnon symposium suauissimum existit, nuptiæ enim sunt filij. & hic quidem conuocat, illi autem nequaquam accedunt, at is indignatur, & dimittit quæ in medio geruntur, propter maledictionem, seu ut modestius loquar per alios implet symposium. Verum ista contemnendo omittamus, uos autem non minus mihi facti estis (quomodo dicam modeste?) arrogantes & procaces, quam illi affecti sunt iniuria, qui uocati è cœna ab inuitante sunt exturbati: licet enim nequaquam sitis alieni, neque ad nuptias uocati, sed uos ipsi nos uocaueritis, ac sacram mensam apposueritis, & sponsi ostenderitis splendorem, mox tamen nos dereliquistis. hoc enim è factis uestris generosissimum est. & hic quidem ad agrum proprium, ille uero ad iugum bouum nuper emptorum, alius autem ad uxorem recens ductam, alius uero ad aliud quid momenti parui est dispersus, & conuersus, parum & sponsum & nuptias curans. siquidem postquam sum perpeffus haud tacebo, nec uel parum sermonem, quem in nuptijs pro dono offerre constitueram, continebo, pulcherrimum ex omnibus quæ habebam, necnon honorandissimum. Cæterum aliquantisper uos ita cupientes perstrinxi, postquam semel fui coactus, & adeo splendide acceptus, præcipue quum argumentum & amor linguam exacuisset. siquidem ad accusationem feruentissimum est ac procliuiissimum, quum oritur zelus, dolorem à suspitione minime expectata sumens: id si quis è uobis cestro percussus senserit, passionem hanc animi cognoscet, ac talia patientibus ignoscet, pariter & ijs qui ad affectionem illam sunt procliui. Verum nequaquam decet, ut uos ultra mordeam, & absit ut aliàs id fiat, quin & nunc forsitan præter mensuram sacri tetigimus gregis, præter morem laudabilium Christi pecorum, & hæreditatis diuinæ, per quam tu pater diues es, etiã si pauper existas. sed & illa te uerba decere existimo, funiculus hæreditatis mihi inter fortissimos cecidit: siquidem hæreditas tua fortissima est, quandoquidem nec ciuitatibus clarissimis, neque gregibus concedimus maximis, ut in aliquo nos excellât, qui tribus sumus minima inter filios Israël, & paucissimi in milibus Iuda, ex ciuitatibus paruæ Bethleem, in qua natus est Christus, nunc & ab initio bene cognita & uenerata. apud quos pater exaltatur, & filius adæquatur, & spiritus sanctus unâ glorificat. qui unanimes sunt, & idē sapiunt, ac in re nulla trinitatem, siue addendo, seu minuendo mulctant, tanquam arbitri mali, & mensuratores diuinitatis, qui & unum plus honestent quam sit bonum, totum diminuunt & afficiunt iniuria. Vos autem mea cultura, seu ui-

*Patrem suum
episcopū allo
quitur*

nea mea, ac uiscera mea, siue potius patris nostri cōmunis, quos ille in Christo per Euangelium genuit, si mihi in re aliqua gratificari uultis ueneremur & nos. Iustum est enim, ut qui uos priores honore affecimus, uos etiam testes habeamus, qui & hoc nobis siue imperium, seu ministerium cōmiseritis: & si plus diligenti plus debetur, quomodo mensurabo dilectionē, cuius uos debitores propter meam accepi dilectionem? Ceterum magis uosmetipsos uenerabimini, si imaginem creditam, necnon credentē ipsum, ac Christi passionē, & spem futuram, necnon eam retinueritis fidem, quam accepistis, in qua nutriti estis, & cū qua saluabimini, & alios saluos fieri creditis: non enim multorum, ut scitis, uestra est glorificatio. Ceterum pietas nequaquam in eo consistit, ut sēpius loquamini de deo, sed illā magis in taciturnitate esse ponimus, siquidem hominum lingua lubrica est, præcipue quum haud ratione gubernatur: ac ideo semper auditum sermone tutiorem esse censemus, & suauius esse aliquid de deo discere, quā docere. sermonis igitur inquisitionem exactiorem dispēsatoribus relinquire, uos uero pauca uerbis, multa uero operibus pie agite: ac potius leges obseruetis, quā ut legislatorem admirationi habeatis, quō amorem uestrum erga illum ostendatis: fugite prauitatem, sequimini uirtutem, spiritu sitis feruentes, in spiritu uero cōuenientes, inde cognitionem pertrahentes, ex hisq; fundamentum fidei struentes: non ex lignis aut ferro, nec ex stipulis materia fragili, & facile peritura: quoniam igne nostra iudicabuntur, & purgabunt: sed ex auro, argento, lapidibus preciosis, & ijs quæ stabilia sunt & duratura. Hæc si feceritis, cum illis uos quoq; glorificabitis, siue præsentēs, siue absentes, siue sermo noster uobis curæ sit, siue aliud quid magis honorādum censeatis, quo euadatis filij dei puri & immaculati, in medio nationis peruersæ & prauæ. Cæterum impiorum uos fures, qui per gyrum tenduntur, ne illaqueent, neq; cathenis quæ peccatorum sunt propriæ cōstringamini, nec ratio uobis curis suffocetur secularibus, quo absq; fructu fiat: sed uia ingredimini regia, nō declinantes siue in dextram siue in sinistram, ac per semitam angustam non secus ac latam spiritu ducente incedatis, sicq; nostra bene se habebunt, nunc & in disquisitione futura, in Christo Iesu domino nostro, cui sit gloria in secula, Amen.

APOLOGETICVS DIUI GREGORII THEOLOGI AD PATREM & Nazianzenſes post fugæ reuerſionem.



NIL fortius est senectute, & nihil honorabilius amicitia: ab his ego captus sum ac in Christo ligatus, non cathenis ferreis, sed uinculis spiritus indissolubilibus. Proinde huc usq; mihi fortis esse uidebar ac insuperabilis. Et pro rationis defectus, nec sermones impartiebar his meis amatoribus & fratribus, quo ocio frui & philosophiæ quiete studere possem. omnia relinquens uolentibus, mihi ipsi soli loquebar & spiritui, nec Israël cognitus eram, sed Carmelum præferebam, &

C Ioan/

Ioannis desertum, nec non eos qui de supermūdanis philosophabantur, præsentia nil aliud quàm tempestatem esse ducens. quærebam igitur petram, aut locum præruptum, siue murum dirutum, sub quibus delitescere possem: aliorumq; dicebam, sint honores & labores, aliorum bella & uictoriæ: mihi autem satis sit fugere pugnās, ac ad me ipsum respicere, & ita uiuere sicut possum, quemadmodum qui in fragili rate paruum transfretant mare: paruaq; mansionem illic in pauperculo præsentis politiæ habitaculo adipisci studebam. nam humilium fortassis est intellectus, sed securiorum, ut ab altitudine & casu caueant. Hæc mecum agitabam, quum adhuc umbras & somnia depingerem, ac uanis reformationibus intellectum pascere. nunc autem quid? amicitia me adduxit, & patris canicies captiuum fecit, senectus prudentiæ, lex uitæ, portus securior, nec non amicitia quæ deo ditescit, & à deo ditatur. Proinde iam indignationem dimitto, audiant mansueti & lætentur: ad manum humaniter cogentem respicio, & arrideo spiritui, ac cor mihi præparatur, & intellectus ingreditur: ac amicitia, tanquam flamma extincta & obruta, rursus ex parua scintilla suscitatur & accenditur: exhortuit anima mea à consolatione, & emarcuit in me spiritus meus: dixi non ad dam ultra ut credam amicitia, & quur sperarem in hominibus: quoniam omnis homo dolose incedit, & propinquum suum supplantat. omnes enim ex eadem sumus massa & temperatura, ac ex eodem malitiæ degustauimus ligno, licet alius aliam speciosiore prætendat umbram. & quid mihi opus est amicitia illa dicebam, amabili & diuulgata, quæ incipit à mundo, & procedit ad spiritum? quid autem tecto uno, aut mensa una, aut quid doctorum communium & doctrinarum, quid uero temperaturæ super fratres, aut quid respirationis legitimæ postea, si nequaquam tantum mihi conceditur ut deorsum maneam, in tempore potestatis & sublimitatis, quum multi contrarijs studeant, & ea assequantur, dominari inquam & amicis feliciter uti? sed quid refert tristitia cuncta & acerba enumerare, quæ tenebras uoco, ac sensus inuenta? talia erant quæ ipse mecum uolebam, ac his etiam absurdiora quædam: siquidem propriam ego siue socordiam, siue stultitiam accusare cogor. Nunc uero omnia immuto, & longe rectius nobiscq; decentius dispono. Et ut tu admirande exactius nostram uideas immutationem, non solum silentium soluis, quod inculpauī, & propter quod sæpius clamaſti, sed & patronos habes sermones. & hæc turn nostræ amicitia est sinceritas, tū eius qui in nobis est spiritus. sed quale est patrociniū? si in aliquo aberro, tu quem admodū & alia soles corrigito. non sustinuisti spiritum amicitie fecisse secundum: forsitan super alios nos sumus, super nos uero spiritus, tibi lōge uenerabilior. Non tulisti in terra abscondere & infodere talentū, nō tulisti diu lampadem sub modio latere, quoniam hoc meum lumen & hanc meam culturam asciuisti, quæsiuisti tibi Paulo, Barnabam adiungere, quæsiuisti Siluano & Timotheo adiungi Titum, quo tibi gratia curreret per eos qui legitime

cui

tui curam gerunt, ac à Hierusalem usq; ad Illyrium per circulum quendam impleres Euangelium: propter hoc me in medium deducis, & cedentem me accipis, & iuxta te ipsum statuis: hæc mea est iniuria, recte dicere posses, & socium facis curarum & coronarum: propterea ungis archipresbyterum, & circundas podere, & imponis Cidarim, & adducis ad altare spiritualis holocausti, & offers uitulum perfectionis, & initias manus spiritui, & adducis in sancta sanctorum spectantem, & facis ministrum tabernaculi ueri, quod dominus & non homo construxit. nunquid uero dignum uobis qui ungitis, & super quem, & in quem effunditur unctio, hoc nouit pater ueri & existentis Christi, quæ unxit oleo exultationis præ participibus eius, ungens humanitatem cum deitate, ut faceret utraq; unum: necnon ipse deus & dominus noster Iesus Christus, per quem adepti sumus reconciliationem, & spiritum sanctum qui nos in hoc constituit ministerium, in quo sumus & gloriamur in spe gloriæ domini nostri Iesu Christi, cui sit gloria in secula seculorū, Amē

ORATIO GREGORII NAZIANZENI DICTA IN

præsentia Gregorij fratris Basilij, quum ille post electionem præsideret.



AMICO fideli nil preciosius existit, nec pulchritudo eius expendi potest. Amicus fidelis protectio fortis est, & munitio regia. Amicus fidelis thesaurus est animatus, Amicus fidelis longe aurum & lapides exuperat preciosos. Amicus fidelis hortus est cōclusus, fons signatus in tempore apertus & conclusus. Amicus fidelis portus est refrigerij, quod si intellectu differat à uulgo, qualis? si uero in disciplinis quoque clarus est, & in doctrina omnifaria (de nostra loquor, & quæ aliquando nostra fuit) quanto erit splendidior? Si autem filius lucis, & homo dei, aut deo appropinquans, seu uir desideriorum, meliorum dico, aut ita uocari dignus, quemadmodum scriptura numine afflatus, uel sublimes, aut partis honorat supernæ: hoc iam dei donum est, ac manifeste ultra uires nostras, quod si & ab amico ad nos uenit, ac ab eo qui ob uirtutem eiusdem sit dignitatis, & ex amicitia nostra, adhuc iucundior existit & gratiosior, necnon unguento, quod barbam ornat sacerdotis & oram uestimenti, fragrantior. Proinde satis hæc sint, nam mediocriter uobis sermo uirum descripsit: quod si pictorum instar diligentiorum sapius colores inducere oportet, quo uobis picturam perfectiorem sermone exhibeamus, age uobis illum exactius & absolutius describamus. Quis ex legis latoribus illustrissimus habetur? Moses. Quis ex sacerdotibus sanctissimus? Aaron. nec minus fratres pietate quàm corporibus: seu potius deus Pharaonis, & populi Israëliti præfectus & legislator, qui in nubem ingrediebatur, & diuinorum mysteriorum inspector ac sacrorum princeps erat, ac tabernaculi ueri fabricator, quod

C 2 compe

Gregoriū fra-
trem Basilij

compegit dominus, & non homo. ambo autem pariter sacerdotes erant? Moyses enim, inquit, & Aaron in sacerdotibus eius. hic quidem principum princeps, & sacerdotum sacerdos, tanquam lingua Aaronis utens opera. ipse autem in ijs quæ ad deum pertinent satagebat. at ille proximus erat post eum, longe autem præ alijs tam dignitate, quàm approximatione ad deum. ambo Aegyptum plectentes, mare diuidentes, populum Israëliticum educentes, inimicos submergentes, panem de cælo elicientes, aquam, incredibile dictu, in deserto educentes, & edulcantes. Ambo Amalec debellantes, sancta manuum extensione, figura mysterij maioris. Ambo ad terram promissionis ducentes & festinantes. num quid manifestius imagine ista esse posset? nõne sermo pictor, manifeste cognominem, mihi uero unanimem designauit? Proinde quum isce nos stimulauit, & absconditos in medium perduxit, nescio quid patior, aut quomodo commoueor, haud digne spiritui qui in eo est, etenim licet sermo sit asperior, nihilominus tamen dicatur, omnia tolerat amicitia patiens & audiens, at ille aduenit ut nos soletur, & in concordiam redigat, obediens spiritui. magnum quidem mihi est quod nunc demum accedit, & quomodo non esset maximum? quum omnes uos uitæ etiam præposuerim propriæ, reprehendo autem, quod post necessitatem demum aduenit. quomodo enim o amicorum & sociorum optime, post conflictum & excursionem societas? & post tempestatem gubernator? & post uulnus cataplasma? Nunquid tanquam fratrum amator ob tyrannidem es confusus? aut tu ipse tanquam dominus grauiter tulisti inobedientiam? Nunquid fratres accusas, aut illis culpam dimittis? loquar aliquid ad te uerbis Iob, & ipse dolens, ac ad amicum, licet non talem, neq; talibus passionibus subiectum, quam partem sequeris? aut quem adiuuare conaris? sed non magnæ nobis sunt uires, non multa sapientia & scientia, siquidem hoc multis, qui nunc sunt meliores, accidere uideo, ut facilius sublimioribus maxima, quàm humilibus concederent minima. Hoc autem tute uideris. me autem nequaquam decet, ut de te aliquid minus bonum manifestem, tanquam qui te boni totius terminum & regulam statuo: simul & scriptura me hortatur, ne uelox sim ad iudicandum. Ego autem propter amicitiam rationem reddere sum paratus, tam tibi, quàm omni exigenti, de mea siue inobedientia quemadmodum nonnulli uocant, seu prouidentia & securitate, sicuti ego persuadeo mihi: ut uideas quod non penitus absurdo & imperito utaris amico, sed qui melius discernere possit quàm multi alij, & qui confidit quibus confidere est dignum, ac timet ubi est timendum, non tamen plus timet quàm timere deceat, eos qui compositæ sunt mentis. Quid igitur uidetur, & quid est melius? nunquid nunc iudicialiter disceptabimus? hocq; sine respectu temporis iubetis? uerum hic paenegyris peragitur, & nequaquam iudicium, ac ideo caussam hanc in aliud tempus, & congregationem aliam differamus. siquidem longiorem exigit sermonem

sermonem quàm tempus ferat præsens. Nos uero quid ad uos loquamur quod panegyri sit dignum? ne uos dimittamus ieiunos, postquàm uos huc inuitauimus. Sanctificemus igit nosmetipsos fratres martyribus, quoniam & illi per sanguinem & ueritatem se sanctificarunt. liberemur ab omnibus inquinamentis, tam carnis, quàm spiritus, lauemur, puri fiamus, offeramus & nos corpora & animas nostras sacrificiũ uiuens, sanctum & placitũ deo. colloquium nostrum sit rationabile. nihil enim adeo puro est dignũ, quem admodum puritas & purgatio, certemus per certamina, uincamus per uictorias, testimonium præbeamus ueritati per martyres, cum talibus eorum gratificemur certaminibus, ut nos quoq; coronę fiamus participes, & eiusdē gloriæ hæredes, quum hæc in nostra sit potestate, ista autē in cœlo reposita, cuius admonitiones & iudicia, sunt huius mundi uisibilia. contra principatus, contra potestates decertemus, contra persecutores & tyrannos occultos, contra mundi dominatores tenebrarum harum, contra prauitates spiritales in supercœlestibus, & circa cœlestia, in internis, & cum nobisipsis, contra animi passiones bellum geramus, contra rebelliones quæ quotidie accidunt. ab extra coherceamus iram, tãquam ferinam, & linguam sicut aciem gladij, uoluptates uero tanquam ignem extinguamus, ponamus auditui ianuam, quę recte claudatur & aperiatur. sed & oculis modestiam adhibeamus, instruamus tactum rabidum, & gustum dilacerantem, ne mors per fores nostras ingrediatur. sic enim censeo uocandos esse sensus, risum uero immoderatũ derideamus. ne flectamus genua corā Baal propter necessitatem, neq; propter timorem imaginem adoremus aureã. unũ timeamus solũ, ne quid plus deo timeamus, & imaginem afficiamus iniuria. propter malitiã in omnibus scutum fidei sumamus, & cuncta hostis iacula effugiamus. tam graue est bellũ, & pugna ingens, ac tropheũ adeo magnũ. Porro si ita conueniemus aut curremus, secundũ Christũ panegyris celebrabitur, sed & martyres honoramus, aut honorabimus, necnō epinicia celebrabimus. si uero uentris indulgebimus uoluptatibus, & tēporalibus diffluemus delicijs, ac ingurgitabimus mox euacuãda, crapulãq; ac nequaquã modestiæ studebimus, & haud negotiationũ ac negociorũ tempus cognoscemus, nec mentis ascensiones, quo diuini euadamus, ut ita dicere audeã, cuius rei iã martyres facti sunt cōpotes: primũ quidē nec tempori cōgruentia faciemus, quid em̃ palea ad frumentũ? qđ carnis delitiæ ad martyriũ faciũt certamina? siquidē illa pertinet ad theatrũ, at hæc ad meũ conuentũ. illa sunt lasciuiorũ, at hæc modestiorũ. illa carnis sunt amatorũ, hæc uero à corpore solutorũ. Deinde fratres (uolo aut quid audacius dicere, abstinebo tamen à blasphemia ob reuerentiã diei, nec enim talia à nobis exigunt martyres, & sic loqui est modestius) haud impure sacra peragamus, neq; excelsa humiliter, nec honoranda inhoneste, & ut breuiter dicã, minime terrestre, ea q̃ sunt spiritus. Sanè & Iudæus festiuitatē peragit, uerũ secundũ literã, peragit & festiuitatē gentilis, sed ut placeat dēmonibus.

nos autem ut omnia sint spiritalia, opera, motus, consilia, sermo, ad incessum usque & amictum, quin & ad nutum tenus, ita ut ratio in omnibus dominetur, & homo secundum deum dirigatur. Ita festiuitatem peragere decet & latari, siquidem nequaquam prohibeo relaxationem, sed immodestiam reprehendo, quod si ita conueniemus, & ita panegyrim peragemus, nil prohibebit, quo minus martyrum certamina recolere, & illorum gloriæ cohæredes euadere possimus, quæ enim nec oculus uidit, nec auris audiuit, nec unquam mens humana excogitare potuit, felicitatem iuxta uires suas expendens, hæc reposita esse censemus ipsi, qui per sanguinem sunt purificati, ac Christi imitati sacrificium. Cæterum sanctorum martyrum splendorem olim uidebimus, quod quidem iuxta rationem meam nequaquam parui est momenti, ac in gaudium eiusdem domini ingrediemur, luminis beatæ & dominantis trinitatis perfectius (recte noui) ac purius splendebimus, in quâ credidimus, & quam coram deo & hominibus sumus confessi, nihil timentes, neminem pudefacientes, non inimicos externos, non falsos qui inter nos fuerunt Christianos, ac hostes spiritus, quin & usque ad nouissimum spiritum in fiducia multa confitebimur patrum sanctorum depositum, qui proximiores fuerunt Christo, & primæ fidei confessionem quæ in nobis à pueris usque est enutrita, quam sub initium suscepimus, & cum qua in fine discedemus, pietatem hanc & si nil aliud nobis scilicet auferentes, deus uero pacis qui nos sibi per crucem suam conciliauit, quum per peccatum essemus oppugnati, qui pacem annunciauit propinquis & remotis, tam ipsi qui sub lege quam extra legem sunt constituti: pater dilectionis, & dilectio ipsa, hoc enim nomine præ cæteris uocari gaudet, quo nomine ipso, fraternum etiam confirmet amorem: qui nobis mandatū dedit nouum, ut tantum nos diligeremus, quantum etiam diligeremur, qui permisit ut recte uolentia uti ualeamus, quo per illam in timore contineamur, & obediamus cum ratione, rursusque per rationem confidamus: qui greges sibi præparare nouit ingentes, paruos autem per charitatem reddit magnos: is per bonitatis suæ multitudinem consoletur nos consolatione multa, & ultra dirigat, nobiscum pascens, & gregem saluans, uos autem perfectos reddat in omni opere bono, ac spiritaliter cum martyribus festiuitatem peragere faciat, ac futurarum deliciarum, ubi letantium cunctorum est habitatio, dignos reddat, quo conspiciamur cum iustitia repleti eius gloria, in Christo Iesu domino nostro, Amen.

ORATIO GREGORII NAZIANZENI QUAM PRÆSENTE patre & Basilio magno habuit, quum in episcopum Asimorum fuisset electus.



VRSVS super me unctio & spiritus, & rursus ego lugens ac mcerens incedo, admiramini fortassis, sed Esaias prius quam uideret gloriam domini, ac thronum excelsum & eleuatū, à Seraphinque circumdatū, nihil tale loquitur: non quod illū loqui tederet, seu quod timeret: sed ad populū clamat Israëliticum, sibi ipsi autem parcat & indulget, tanquam

minime

minime reus. Postq̃ aut̃ uisionē rursus uidit, uocemq̃ audiuit sanctā ac mysticā, tanq̃ sibi magis conscius. Vē mihi misero, inquit, quia tacui, ac reliquas ut fugiā blasphemīā. Sed & Manue ueterem illū inter iudices inuenio, & postea Petrū ecclesiæ columen: illū quidē dicentē, Fleu uxor perimus, quoniam deū uidimus. postq̃ maiorē uidit uisionē, q̃ sua ferret natura & uirtus. hūc aut̃ nequaq̃ saluatoris præsentīā & uirtutē ferentem, quā in piscationē una nauigantibus ostendit, ac propterea admirantē, nauigiumq̃ relinquentē, addita causa, quonīā homo peccator esset, & haudquaq̃ diuina apparitione & conuersatione dignus. Proinde quū & Centurionis illud in Euāgelio audio, uirtutē exigentē, præsentīā uero recusantē, tanq̃ tectum eius, nequaq̃ dignitatem ac magnitudinē diuinā recipere posset, nequaq̃ ob timiditatem tristitiamq̃ hanc sum reprehendēdus. siquidē oculi uiciū nos, animæ aut̃ morbū redarguit deus appropinquans: & his quidē lumē est, illis aut̃ ignis, unicuiq̃ secundū materiā & qualitātē subiectā, quid uero deprehēdimus in Saul: unctus erat, & spiritū receperat, eratq̃ tū spiritalis, ita ut nec ego alius q̃ ille tū erat fieri uellem: sed & prophetabat, idēq̃ adeo præter spem & tā inopinate, ut miraculū illud abierit in prouerbiū, nūquid & Saul inter pphetas? quod & nūc quoq̃ audiri & dici solet. deinde uero nō totū se præbuit spiritui, neq̃ pure in aliū cōuersus est uirū, sicut & prophetatū fuerat, sed in eo ueteris malitiæ, & prauī seminis remansit scintilla, eratq̃ in eo pugna spiritus & carnis: uerū quid cuncta illius tragice enumerare refert, nouistis spiritū contrarium, & psalterem incantantē. sed & hinc manifestū est factum, quod indignos nequaquam gratia tangit, nec organum improbum & planē dissonum. quoniam sicut dicitur, & ego credo, in animam maleficam nequaquam ingreditur sapiētia. Sed decorem seruare, & harmoniam haudquaquam iuxta opinionem meam parui operis existit, quemadmodum subinitium bene gubernari, & ut dignum est se gerere, propter humani habitus ac naturæ uolubilitatem & mutationem. Nam & sæpius gratia ipsa, ut ex malis nostris quod miserrimum est & maxime admirandum referam, superbiam inspirans & eleuans, à deo excidere fecit eos, qui non recte illi approximauerant. plerunq̃ enim quum eleuamur decidimus, ita ut propter excellentiā peccator fiat, aut peccatum, per bonum mihi mortem concilians. Hæc sunt quæ mihi timorem iniiciūt, & amaritudine replent ac mœrore, idēq̃ mihi quod pueris in fulguris accidit coruscatione, nempe uoluptas ex spectaculo, stupore mixta. sed & spiritum pariter dilexi & timui, temporeq̃ indigebā ut ad me ipsum conuerterer ac euigilarem, partisq̃ fierem melioris ac tutioris, quo id quod me tristitia afficit extirparetur, quemadmodum ex semēte zizania, ac cogitationes malæ cederēt melioribus, ita ut spiritus superaret puritas, ac ita demū is me assumeret, ac in suo haberet ministerio & seruitute, ad præparationem populi huius, ad gubernationem animarū, ad doctrinam tam in sermone quàm opere & exemplo, per arma iustitiæ à dextris & sinistris, ad

Gregorium
alloquitur

aptitudinem pastorem: quæ à mundo abstrahit, & ad deum perducit, quæ corpus cōsumit, spiritui adiungit, quæ tenebras fugit, lumine gaudet, quæ feras expellit, gregem colligit, quæ à præcipitijs custodit & à desertis, ac in montes & sublimia perducit: de quibus mihi admirandus Micheas dicere uideat, à terra nos in alta nostra subleuans: Appropinquate em̃ inquit, montibus æternis, exurge & perge, quoniã nō est tibi hic quies, tametsi uideat n̄s qui in terra repunt & deorsum uergunt. Hanc igit pascendi artē, me o amici docete, deinde uos pastores & cōpastores huius mihi date symbola, tuq̃ pater cōmunis, qui multos tempore refecisti, & dedisti pastores, sed & tu meæ philosophiæ censor & iudex, uerū tanq̃ philosophice meū suscipe sermonē, nunq̃d in media deprehēsi tēpestare, & fluctibus iactati, pascere ualemus scienter, ac nutrire gregem: quandoquidē inter oues es humanissimus, si mihi nō indignaris, quoniã irrationalis pasturæ participes sumus, aut inter pastores quoniã spiritalis facti sumus digni. habes nos quēadmodū desiderabas sub manibus, uicistiq̃ insuperabilem, & ecce tibi cū alijs sermo, quē sciens quæsiuisti, & laudans elicuisti, sepius tuos quoq̃ redolentē sermones, quē etiã tanquā aggere cōdensasti, sed est in quo amicitia inculpare possum. Verū quis mihi ex cōmunibus iudicabit amicis: quis iudex est nō suspectus: qui sententiam ferat iustā, & nequaquā ut multi solent personæ rationē habeat. Iubes ut crimen proferam, nec ultra mihi sermonem remittis: accidit tibi o admirande inenarrabile quid de nobis, & res ferē ineffabilis & incredibilis, ac nunq̃ antea de nobis audita, siquidem nequaquā persuasi sumus, sed coacti. pro miraculū, quomodo facta sunt omnia noua, & quantum nos separasti, quid uis ut dicā: thronum ne an charitatis magnitudinē: ueruntamē impera, prospere age & regna, pasceq̃ nos pascentes, tanquam promptos qui te sequamur, & pastoralis tua ducamur sublimitate ac sanctitate. ueritas enim dicet, etiã si quid cōtra legem ex dilectione fuerimus ausi, erga gregē tuā nos dilectionem doce, tuam curā ac prudentiā, tuam præfecturā, uigilias tuas ac carnis tuæ subactionē, spiritui obedientē, coloris tui qui ob gregem languet florem, mansuetudinis decorē, in negocijs tranquillitatē & humanitatem, rem quæ nequaquā apud multos reperiri potest, nec quæ multa habeat exempla. prælia pro grege depugnata, uictorias quibus in Christo superasti. Enarra ad q̃ nā pascua grex sit cōpellendus, ad quos fontes eundū, à qua pastura fugiendū, quæ aqua declinanda, qui nam ducendi sint baculo, aut qui fistula, quando grex ad pascua sit agendus, & quando reuocandus, quomodo cum lupis sit pugnandū, & quomodo cū pastoribus in pace degendum: præcipue tempore isto, quo pastores facti sunt insensati, & dispersæ sunt oues gregis, ut eadē cum sanctissimis deplorem prophetis, quomodo id quod debile est roborare, & quod ruinam minatur stabilire possim, ac quod aberrauit reducam, & quod perierat quæram, ac quod forte est custodiam, quomodo hæc discere & seruare ualeam, secundum sermonem pastorem rectum ac nostrum

strum. Cæterum absit ut siam pastor malus, qui lac deuorat, & pellibus induitur, ac pinguiora gregis iugulat aut uendit, alias uero oues feris & præcipitijs relinquit, absit ut me ipsum pascam, gregem autem nequaquam, id quod præfectis ueteribus Israëliti populi exprobratum est. Hæc me docete, his me firmate sermonibus, cum his pascite præceptis, ac quemadmodum doctrina, ita etiam me uestris saluate orationibus, tam me quam sacrum hunc gregem, ad salutem meam, uestram autem gloriam, in die apparitionis & reuelationis magni dei, & archipastoris nostri Iesu Christi, per quem & cum quo sit gloria patri omnipotenti, cum sancto & bono spiritu, & nunc & in secula seculorum, Amen.

ORATIO DIVI GREGORII NAZIANZENI QUVM A patre in consortium assumptus esset.



s meum aperui & attraxi spiritum, tradocq; me ipsum ac cuncta mea spiritui, & opera, & sermonem, & ocium, & silentium: me solum sibi habeat, & manum, & mentem, & linguam ducat quod oportet, & quod ipse uoluerit, ac rursus abducat unde oportet, & melius existit. Instrumentum dei sum. Instrumentum rationale. Instrumentum dico, quod artifice spiritui congruat, ac illi sit pulsabile. heri in me operabatur silentium, philosophabarq; non loquendo: hodie pulsat mentem, ac ideo sermonem effundam, ac loquendo philosophabor. non enim adeo loquax sum, ut dicere cupiam quum tacere oportet, nec adeo taciturnus & imperitus, ut in tempore sermonis custodiam ponam labijs meis, sed claudo & aperio ianuam meam, & menti, & uerbo, & spiritui, unice nature & deitati. Proloquar igitur postq; ita iubeor, loquarq; ad pastorem hunc bonum, & ad uos gregem sacrum, quæ mihi dictu, uobis autem auditu uidentur esse meliora. Quid tu indigebas cōpastoris: à te enim sermo noster incipiet, amicū & uenerabile caput, & Aaroni illo dignū, à quo spiritale & sacerdotale illud unguentum destillat, usq; ad barbam & uestimentum, qui multos firmare potes, & manu ducere: siquidē manu ducis in fortitudine spiritus, ac baculum necnon sustentaculum spiritualibus subijcis operibus. Num hoc consideras & audisti: quod post Aaronem illū uncti sunt Eleazar & Ithamar, filij eius, nam Nadab & Abiud libenter propter blasphemiam prætereo. Et Moses adhuc uiuens Iosue pro legislatore & duce ijs qui ad terram promissionis ducendi erant constituit. Nam quod Aaron & Hur Moysis manus sustentabant in monte, ut Amalech debellaret, quum crux à longe sub umbra & figura sua esset designata, prudens prætereo, tanquam non admodū ad nostrū faciens propositum: nam Moses hos non legislatores elegit, sed tantum adiutores orationis, & manuum laboris sustentatores. quid autē corpus tuū patitur: aut in quo laborat: paratus enim sum ad sustentandum, sed sustentaui & sustentabo, quemadmodum Iacob ille, in benedictionibus paternis. Sed nunquid spiritus

Patrem
alloquitur

spiritus defecit : at quis fortior est & feruentior , præcipue nunc quum carnem exuperat , eamq; subegit , tanquam lumini officientem & aduersantem , necnon splendorem prohibentem . hæc enim ut plurimum inter se pugnare solent & opponi . nam quum corpus sanum est , anima ægrotat : quum uero anima floret , & ad superna respicit , uoluptates superantur , & cum corpore marcescunt . Proinde & aliàs ueterem tuam admiratus sum generositatem , quod nequaquam præcipue hoc tempore ueritus es , ne sub spiritus præteritu hæc facere censearis , nosq; multis hæc carnaliter suscipere uideamur , quum tamen spiritualiter facere simulemus (quandoquidem multi in causa fuere , ut res hæc magna , & tyrannica , ac quæ fruitionem quasi habeat admirandam , sit existimata , licet minori etiam quàm hic nunc est , præfuerint ac imperauerint gregi , & qui plus calamitatis quàm oblectationis habuerit) uerum hoc amor efficit filialis , simul & innata tua simplicitas , quæ non facile suspicioni causam præbet , minus uero improborum calumnias admittit . tardum enim ad suspicionem mali est id quod non facile ad malum commouetur . & hæc de te sint dicta . nunc autem paucis populum hunc , siue tuum , siue meum alloquar . uiolenter sumus coacti fratres & amici , uestrum enim si non tunc , at nunc saltem appellabo testimonium . uiolenter cogimur , senectute patris , & amici (ut modeste loquar) bonitate . igitur quantum possibile est me adiuuate , ac manum date coacto , & sub spiritus desiderium protracto . hic enim fugas curas & solitudines pariet . sed & quietem animæ & corporis , ac mentem à sensibus ad se ipsam reuerti & conuerti faciet , ut immaculate deo frui & spiritus splendoribus pure fulgere possit , ita ut nihil terrenum admisceatur neque turbidum . nec quod diuino lumini officere ualeat : donec perueniamus ad fontem radiorum qui illic relucet , ac sistamus cupiditates & desideria nostra , quum speculum à ueritate fuerit resolutum . hoc spiritus ob communem fructum in medium uult deducere , & ex eo commodum sumere , quod prosit alijs . insuper & splendorem suum publicare , deoq; populum adducere acceptum , populum sanctum , sacerdotium regium , imaginem in plurimis purgatam . melius enim & plus esse censeat , si deo tota depuretur ecclesia , quàm unus duntaxat homo . quemadmodum etiam plus est paradiscus quàm planta una , & cælum totum quàm stella unica , necnon corpus totum q̃ membra singula . oportet enim , ut non solum considerentur propria , sed etiã quæ pertinent ad alios . quandoquidem & Christus ita fecit , qui quum in proprio honore ac dei forma permanere posset , non solum seipsum usq; ad serui formam exinanauit , sed & crucem turpitudine contempta sustinuit , quo passione sua iugum dissolueret peccati , mortemq; morte mortificaret . illa siquidem desiderij sunt figmenta , at hæc spiritus documenta . Proinde quum medius inter cupiditatem & spiritum sim constitutus , nec habeam cui plus gratificer , uobis inuentum meum , quod mihi pulcherrimum uidetur & tutissimum , communicabo , quo me-

cum

cum consilium hoc expendere, & ueritatem deprehendere ualeatis. uisum sane mihi fuit optimum & tutissimum, per mediam quandam uiam inter desiderium & timiditatem incedere, & illud quidem dare concupiscentiæ, hoc autem spiritui. id si fieret, censebam me non omnino fugisse ministerium, tanquam spreuissem charitatem: id enim periculosum esset: nec maius pondus sustulisse, quàm ferre possem: quum illud esset capitis alterius, hoc uero uirium maiorum, seu potius ambo essent secordiæ. Pietatis autem esse simul & securitatis, uiribus mensurare ministerium, & cibi instar illud, quod uires ferre possent, suscipere, quod uero ultra uires esset reijcere. ita enim corpori sanitatem, animæ uero contingere securitatem, si mensura obseruaretur in ambobus. ac ideo curam cum optimo patre subeo, ac tanquam pullus non penitus inutilis, aquilam magnam & altiuolantem uolatu sequor, nam post hac pennas meas spiritui dabo, ut illas ferat quod uoluerit, & quemadmodum uoluerit: nequaquam coactus, aut alterius arbitrio pertractus. siquidem suauis sunt labores patris hæreditate acquisiti, & dulcior est grex cui assueui, quàm peregrinus & alienus: addam & deo acceptior, si me non fallit amor, neq; mentem suffuratur consuetudo, nil enim utilius est & securius quàm quum uolentes præsumunt uolentibus: quoniam uir adigi nequaquam legis est nostræ, nec aliquid quod uolentum est, sed uoluntarium. hoc enim nec secularem principatum stabilire posset, quod enim uir subigitur, id se ob lato tempore in libertatem uendicare solet: nostram autem non præsidetiam, sed institutionem, nil magis custodit quàm uoluntarium: uolentium enim & non coactorum salutis est mysterium. Hic o uiri sermo, uobis à me simpliciter & cum omni beneuolentia est dictus, & hoc mentis meæ est secretum: uincat autem quod uobis & nobis prodesse debet, spiritu ducente nostra (rursus enim sermo illac regreditur) qui deducit nosmetipsos, & caput, unctum oleo perfectionis, uni patri omnipotenti, & unigenito uerbo, & sancto spiritui, & deo, ad tempus enim lumen sub modio custodiuius, & alijs diuinam inuidimus perfectionem. uerum nunc decet, ut illud supra candelabrum ponamus, quo omnibus luceat ecclesijs & animabus, necnon uniuersæ orbis plenitudini, non amplius coniectura perceptum, uel sub umbra designatum, sed & manifeste prolatum, postquàm perfectissi

ma Theologiæ demonstratio, hac nos gratia dignos
fecit, in ipso Christo Iesu domino nostro,
cui sit gloria & potestas in secula,

A M E N

ORATIO DIVI GREGORII NAZIANZENI QVA SE EXCV
sat quur tam diu à functione abstinuerit ecclesiastica, deinde
populum ad uirtutis hortatur opera.



VAE nam hæc est tyrannis, qua semper per dilectionem
cogimur: qualis mea est philosophia & sciētia, ob quam
in singulis oppugnamur conuentibus: ego quidē nullam
inuenio causam, licet meipsum undiq; expendam & excu-
tiam, attamen in uno mihi conscius sum, forsitan non ma-
lo, tametsi quidam ignauiam illud uocitent. siquidem uo-
luissem omni tempore, præsentem demortuus esse uitæ, & uitā uiuere in Chri-
sto repositam, ac fieri negociator quidam magnus, omnibus quæ habebam
diuenditis, quo margaritam emerem preciosam, ac fluxa & euanida pro sta-
bilibus & cœlestibus dare possem. quæ negotiatio maxima est & firmissi-
ma, penes eos qui compotes sunt mentis, id ut mihi contingeret, unicuique
cupienti, de cathedra cedere uolebam, ac tota uita puer & discipulus mane-
re, donec à sermonibus uenerandis secernerem amaros, & hoc unum uel præ-
cipuum meæ fuit philosophiæ, siue ut quidam uocant, ignauia. secundum
autem, quod & maximum est, postquam sermonem multorum haudqua-
quam sermone continere poteram, necnon prouentum & promptitudinem
quibus nunc omnes detinentur, ut doceant & loquantur ea quæ sunt spiri-
tus, citra omnem spiritum: per aliam incedebam uiam, ut mihi persuadeo me-
liorem & faciliorem, nempe ut quiete, omnes exemplo taciturnitatis erudi-
rem: quo illi qui magnum quid in nobis esse putarent, excellentiam uenera-
rentur: qui uero paruum, & momenti ferè nullius, in re eiusdem dignitatis
modeste agerent. hæc meæ taciturnitatis ratio fuit. hoc perseverantiæ no-
stræ mysterium. sed quid mihi accidit: hic me hac, ille uero istac trahit ac di-
lacerat, & de meis diiudicant laboribus, sermonem tanquam æs alienum, si-
ne ulla recusatione exigentes, ac plus me diligunt quàm ipse me ipsum, suntq;
omnes me sapiētiores, ac plus quàm ego sermonis & silentij tempus cogno-
scunt, asserentes nequaquam uobis dandam esse remissionem: ac non secus
me feriunt obprobrijs, quàm ferrum lapide ignifero, donec ex parua scintil-
la, sermonum flammam accendant. Sanè quidam ex ipsis meliora etiam
promittunt, ac magna præmia sermonibus proponunt. primum enim se be-
ne facere asserunt, quod deo & nobis conferant, ut ex sermonibus nostris
oriatur fructus. deinde quod ipsi omnes propter inscriptionem, ad meam
hæreditatem (si saltem mea sit paterna) ad meumq; pertineant ouile: quos
admodum iniuria afficere uidear, nisi omnibus modis beneficijs demereri
studeam. & quod pulcherrimum est, quod oporteat eos, qui in multis labo-
rant sermonibus emendari, & hæc de sermonibus ipsis afferunt. proh quàm
pulchra philosophia, cum qua me contendendo uincunt. proh quàm lauda-
bilis retributio. uidete quale opus meæ sit taciturnitatis, quæ sermones ipsos
deside-

desiderabiliores fecit, uidete fructum ignominiae nostrae, utinam tanta utilitas è sermonibus nasceretur, quanta è taciturnitate. Caterum postquam ita uobis uisum est, uicistisq; insuperabilem, & tropheum de mea erexistis philosophia, age aliquid silentio melius depromam, uerum nihil molle seu humile loquar, neq; quod in multorum auribus harmonia sit suauissima, si enim ita differerem, nequaquam bene meis retribuere amatoribus, sed quod ad modum sit uirile & bene resonet, & propter quod forsitan meliores euadentis, à carne ad spiritum translati, & sufficienter mente exaltati. Filij hominum quousque tardi eritis corde? siquidem ex uocalissimo Dauide exordium sumam: ut quid diligitis uanitatem & quaeritis mendacium? magnum quid censentes uitam praesentem, & delicias, necnon gloriolam paruam, & humilem potentiam, falsamq; prosperitatem, quae non magis sunt habentium, quam sperantium, nec horum magis, quam eorum qui nihil expectant: & quae non seus ac puluis uenti procella hinc & inde iactantur, & reiectantur, aut sicut fumus disparent, uel tanquam somnia deludunt, ac ueluti umbra calcantur, quae quum absunt, nequaquam ab ijs qui nondum habent desperantur, nec quum adsunt fida existunt possidentibus. nunquam ne in caelum aspiciemus? nunquam euigilabimus? nunquam ab oculis lippitudinem detergemus? nunquam cogitabimus quae nam uerae sint diuitiae? & qualis sit splendor qui semper durat, & ubi sit dignitas, quae nunquam excidit, qualis sit felicitas sempiterna, & ubi bonum inconcussum, quod non immutatur, & cui nullae fieri possunt insidiae, nonne haec multo sudore & labore, si ita eueniret, assequi deberemus? Nonne si delictis oblectari deceret, merito spe hac delitiose ageremus? num sanctos ignoramus martyres? necnon alios omnes, qui totum occuparunt orbem, tanquam uincula quaedam communia, & in quorum honorem praesens peragitur Panegyris, in qua celebrantur uulnera, & uincula, & tormenta, & ignis minae, & gladium acies, & bestiarum ferocitas, & tenebrae, & inediae, & barathra, & pecuniarum direptiones, & membrorum amissiones, & tandem mortes ipsae: quae omnia illi alacriter sustinuerunt, tanquam in alijs decertarent corporibus, quo aliquid fierent, & haereditatem quaedam assequerentur. nonne igitur cum spe eadem, pro brauiio tanto, & sub agonotheate tali, contra eundem decertare deberemus tyrannum? amarum illum, tam tunc quam nunc animarum persecutorem, inimicum inuisibilem & hostem, nonne hac consolatione, & nos uiriliter in hoc mundo ageremus, tanquam in theatro aliquo communi? proinde si nos non tam celerem per pericula habeamus liberationem, at tamen quotidie proposita sunt nobis certamina, per quae eisdem coronis digni haberi, aut quam proxime ad illas accedere poterimus. Ego quidem unumquemque hortor, siue uir sit, seu mulier, senex uel iuuenis, ciuis aut rusticus, priuatus seu princeps, diues uel pauper, imò certamen ipsum uocat, ut omnes se prompte exuant, & non molliter se gerant uel cunctentur, aut tempus elabi sinant, quod iterum

D reuocare

reuocare impossibile existit. siquidem præsens tempus est operationis, futurum uero retributionis. excitemini igitur. Surgite eamus hinc, saluatorem dicentem auditis, qui non magis discipulos sibi ex terra Iudæa acciuit, quam deinde omnes hinc exciuit, & ad seipsum exaltatum, quemadmodum promiserat protraxit. audiamus bonum dominum. mundana fugiamus desideria, errantem fugiamus mundum, necnon mundi huius dominatorem. fiamus puri, factoris instar, honoremus imaginem, ueneremur uocationem, imitemus uitam. cur nos ipsos humiles facimus, quum creati simus sublimes? cur uisibilibus immoramur? unusquisque quantum possibile est fructificet deo, idque omni tempore & Idea, tam uita quam circumstantiis, iuxta mensuram uirtutis sibi concessam, iuxta gratiam sibi datam: quo omnes uirtutis mensuras, omnes unitates quæ illic sunt impleamus, tantum colligentes, quantum seminauimus, seu potius, tantum diuinis ingerentes torcularibus, quantum coluimus. unus pecunias inferat, alius paupertatem. hic promptitudinem, iste promptum suscipiat. hic opera laudabilia, alius contemplationem sublimem, iste sermonem tempestiuum, ille silentium rationabile. alius doctrinam irreprehensibilem, & uitam nequaquam cum doctrina dissidentem, hic auditum credentem & benignum, alius uirginitatem puram, & quæ mundana desideria penitus abscindat, iste nuptias castas, & quæ non omnino à deo separent. hic ieiunium alacre, alius cibi fruitionem non intemperantem, iste orationis assiduitatem, hymnis spiritualibus, ille curam indigentium. Omnes autem afferant lachrymas, omnes purgationem, omnes cordis eleuationem, & cogitationes quæ se extendant longius. Sanè & simplicitatis pulcher est fructus, ac risus refrenatus, iraque cohibita, & oculus modestus, ac mens cui aberrare non conceditur. Nihil adeo paruum est, si deo fuerit oblatum, licet sit minimum, licet paruo precio dignum, cui penitus aditus denegetur, aut quod non suscipiat misericors ille, qui cuncta iusta nouit expendere statera. suscipit plantationem Pauli, tanquam Pauli, & Apollo irrigationem, & uiduæ assulos duos, & humilitatem publicani, & Manasse confessionem. Porro Moses tabernaculum compegit terrenum, quod exemplar erat cœlestis, ad quod omnes offerebant, id quod eis præconis uoce mandatum erat. quidam uero uoueant, & hic quidem aurum, iste uero argentum. alius lapides preciosos, in clamidem, quædam bissum tenuissimum, nonnullæ coccum bis tinctum. alij purpuram, quidam pelles arietum rubricatas. aliqua pilos caprarum ad usum tabernaculi, munus inter cætera uilissimum. omnes uero quod unicuique siue uiro, seu sceminæ obtingebat, omnes sanè offerebant, & nihil erat inutile, etiam quod pauperrimi inferebant. quapropter & nos ita in hoc uenerando ecclesiæ huius tabernaculo faciamus, quam dominus & non homo construxit, quæ diuersis uirtutis edificata est pulchritudinibus. & hic quidem paruum, alius uero magnum quid, omnes autem pariter inferamus, in opus perfectum, in habitaculum Christi, in templum sanctum

sanctum,construentes,& cum architectura spiritus singula disponentes.Ceterum nequaquam tantum inferemus quantum accepimus,etiam si intulerimus omnia:quandoquidem esse nostrum ex deo est,ac etiam ut habeamus illud quod inferimus. hoc autem pulcherrimum est & piissimum, quod deus nequaquam ex dignitate dantis, sed uirtute & qualitate fructificantis mensurat donum, ne igitur expecta ut bonus fias, sed iam fieri incipias, nec timeas ne indignus uidearis,nisi omnino indignus haberi uelis.hoc igitur inferas,ac re ipsa præstes,illud uero animi suppleat promptitudo, interim uero rogato,ut tibi propter tenuitatem parcat,ne conspiciaris,inquit,coram me uacuuus. nemo sit ociosus aut non fructifer, nemo anima sterili & infecunda. unusquisq; ex domesticis, & ijs quæ habet fructificet deo. Peccator poenitentiam,qui bene currit perseuerantiam, iuuenis continentiam, senex prudentiam,diues distributionem,pauper gratiarum actionem,potens alacritatem,exactor humanitatem:sacerdotes induantur iustitia, seu ut rectius dicam induamur,ne dispergamus pecora campi,nec corrumpamus,pro quibus bonus pastor animam suam posuit,qui oues suas cognoscit,& ab ijs cognoscitur,ac proprijs uocat nominibus,illasq; ad caulam ducit, & rursus ex illa educit, nempe ab infidelitate ad fidem, & à uita hac ad requiem futuram. timeamus ne à nobis secundum comminationes iudicium incipiat, & ne accipiamus è manu domini peccata duplicia, si nos haud ingrediamur, ac insuper eos qui ingredi ualent prohibeamus.Vos oues nolite pascere pastores,neq; super terminos eorum eleuimini,satis enim uobis est,si recte pascimini. nolite iudicare iudices, nec legem feratis legislatoribus. deus enim nequaquam deus est seditionis & confusionis, sed ordinis & pacis. Nemo igitur caput sit, qui uix manus aut pes esse possit, siue membrum aliud corporis honorabilius. Sed unusquisq; fratres, in eo ordine in quo uocatus est permaneat,licet dignior etiam existat, in illoq; magis præsentem amet claritatem, quàm ut eam quem non accepit quærat. Nemo qui sine periculo subesse potest,imperare desideret,nec subiectionis lex soluatur, qua tam terrestria quàm cœlestia sunt colligata. neq; dominationem multiplicem sine dominatione faciamus. Vos qui in sermonibus uersamini, nolite nimium cōfidere sermonibus,nec in sermonibus sapere superflua.Nec desideretis in omnibus uincere male, nam quædam sunt in quibus uinci est melius. date sermoni sermonem, facite illum armaturam iustitiæ, non doctrinam mortis. uos milites uestro contenti sitis stipendio, & nihil præter id quod uobis est constitutum exigatis. hoc uos nobiscum iubet Ioannes, magnus ueritatis præco, præcursor, uox uerbi. Cæterum quidnam cibum uocor? regium nempe comæatum,& quæ secundum legem dignitatibus debentur dona. at superuacuum cuius nam est? Ego quidem maledicere obmitto: uos autem, recte noui, intelligitis quid dicere uelim, Date Cæsari quæ Cæsaris sunt,& dei deo.huic tributum, huic timorem, uos qui reipublicæ curam ge-

ritis: timorem autem quum dico, auaritiam prohibeo. Quid igitur magni (dicetis forsitan) lucrabimur? id quod omnium est maximum, & si uultis per me mediatorem, nempe spem optimam, & ea quæ in ciuitate superna sunt præcipua, non in hac parua, & inter ciuitates minima, cui nec dominari alicuius est momenti, ut modeste loquar, honorans illam quod nos nutrit, quapropter ubi cuncta admodum sunt ueneranda & splendida, ibi primi fieri uelimus. uendicemus nobis splendorem qui ibi est, in sinu Abrahamæ, potius quàm in hac ærumnis plena requiescamus. Iudicium iudicemus iustum, pauperis & inopis misereamur, simul & uiduæ ac orphani. liberemus occidendos, uel ut modestius loquar, ne occidamus ipsi: non despiciamus nobis supplicantes, à mensa usque ad animas: non negligamus male affectum, aut in portis nostris uulneratum, non exulemus ob aduersitates aliorum, non abominemur conseruum nostrum, non fiamus amici & fratres partis ditioris, ne doleamus in flamma, & uasto hiatu distemus à sanctis, ne rogare cogamur, ut Lazarus mendicus summo digito linguam nostram refrigeret, non tamen id assequamur. fiamus boni, misericordes, compatientes: domini bonitatem imitemur, qui solem suum bonis & malis oriri sinit, ac omnes pariter pluuiæ sua nutrit. ne aliorum paupertate ditescere quæramus, nec adeo à diuina exorbitemus æquitate: neque diuitias nostras ex aliorum colligamus lachrymis, à quibus tanquam rubigine & erugine consumamur, seu ut scriptura loquitur, quas rursus euomemus, quod si insatiabiliores sumus quàm decet, aut plus etiam iusto possidemus, impertiamur aliquid parui inde, ut inde ditescamus. Hæc igitur præcepta ad omnes pariter pertinent, & non solum ad eos qui tantum uersantur in publicis, siquidem communibus ægritudinibus, communia etiam conueniunt medicinalia. Proinde iuste nos inscribes, tu qui rerum nostrarum scriptor existis, scribe diligenter, non meos sermones, quibus nec parum inest emolumenti, nec multum gratiæ ac uoluptatis, sed populum meum, sancte & humaniter tempus ipsum, & si nil aliud, uenerans, quoniam saluator in descriptione nascitur. Exiuit enim, inquit, edictum à Cæsare Augusto, ut describeretur uniuersus orbis, & descriptus est: ascendit autem & Ioseph cum Maria sibi desponsata in Bethleem, ut & ipse scriberetur; propterea quod esset de domo & patria Dauid: tumque saluator nascitur, quæ res planè admiratione digna est, quod creator omnium ac dominus, in tam uili ac paruo diuersione nascitur. timeamus igitur & nos mysterium, ueneremur dispensationem, & nos temporì aliquid impertiamur. nunc angeli gaudent, nunc pastores claritate circundantur, nunc stella ex oriente currit ad lucem magnam & inaccessibilem, nunc magi adueniunt, ac dona ferunt, necnon regem omnium cognoscunt, recteque stellæ de cœlesti testimonium perhibent. nunc Herodes insanit, & pueros interficit, ac per libertatem eos tollit, qui libertatem consequi debebant. Cæterum nos mansuetis aggregemur, & offeramus

*Patrem suum
alloquitur*

mus illi qui propter nos pauper est factus, corpore etiam, non thus, siue aurum, uel myrrham, hoc ut deo, illud uero tanquam regi, istam autem sicuti ei qui nostri gratia mortis degustauit amaritudinem, sed dona mystica, & quæ longe uisibilia exuperant, nempe ut nil accipiamus, nec propter inopiam diuitijs aliquid concedamus, neq; figmentum figmenti gratia afficiamus iniuria. cum Christo scribaris, cum Christo expendaris, cum capite censaris, cum ratione rationare. Christus nuper tibi genitus est. deus est & homo fit, & cum hominibus conuersatur, quid nobis sermo iste ostendit? ut mihi uideatur, adhortatur eos qui talia credunt, quod deus maximis dispensationibus semper accedit, & ut descriptos honore afficeret, carne quoque cum hominibus conuersatur, & ut seruitutem nostram solaretur, beniuolentiæ quoque fert legem. hoc enim haud est prætereundum, quod & ipse didrachmam dat pro tributo, & non tantum pro se solo, sed etiam pro Petro, discipulorum honoratissimo, quoniam pro nobis homo factus est, ac serui formam assumpsit, & propter iniquitates nostras mortem quoque sustinuit. Et hæc quidem saluator, & qui uoluntate solum, quemadmodum deus saluare potest, quandoquidem omnia mandato inclusit. sed quod maius est, & dignius nobis indidit, compassionem nempe, & honoris æqualitatem. quæ igitur nos discipuli Christi, mansueti illius & clementis, qui nobis in tam multis suum impertitus est ministerium, misericordiam domini non imitamur? nunquid non boni erimus conseruis nostris? quo & nos quoque simile quid consequamur, quom dominus nobis remetietur, quæ nos sumus mensi. Nonne proprias possidebimus animas propter clementiam illius? Proinde contenti simus, ut seruiamus liberis, tantumq; inter utrosque intersit, ut eiusdem sit modij & dominari, & subesse. & hi quidem imponant tributa, illi uero describât. sed nec iniuria quidem sinantur afficere, & iniuste agere. alijs autem prouideatur ne aduersitatibus conflictentur, & concertationibus. & hæc circa unam sint imaginem & dignitatem unam, quo eiusdem uitæ hæredes fiant, pro quibus pariter Christus est mortuus. & hæc liberis sufficiant. Cæterum non ita relaxetur iugum, seu primi nostri peccati mulcta, tanquam perierit malitia, & prima illius constitutio, ut dormientibus nobis superseminet malignus zizania, quo principium peccati fiat negligentia boni, quemadmodum caliginis ubi lux deserit. huius causa est lignum, & amarus gustus, necnon inuidus anguis, & inobedientia, quæ nos ita damnauit, ut in sudore uultus nostri uiuere cogamur. hinc ego nudus sum & turpis, nuditatemq; cognoui, ac tunicam indui pelliceam, & è paradiso excidi, ac in terram sum conuersus, unde fueram sumptus. in hac aliquantisper fruor delicijs, quia mala mea cognosco, & ob paruam uoluptatem doloribus maceror indefinenter, contraque male armatum, & qui me per gustum distrahit, pugnare cogor. hæc sunt prauitatis meæ molimina.

D ; Inde

Inde est, quod natus sum cum labore, in quo & uiuo, & cum quo dissoluo. hæc prauitas mater est indigentiae, hæc auaritiae, hæc bellorum, bella uero tributorum sunt patres, at illa, quod grauissimum est, damnationis. Ceterum nos nequaquam multam dilatemus, quom eidem obnoxij sumus damnationi, nec alijs mali fiamus, nam clementiam mutuam à nobis exigit deus. proinde est & alia quædam descriptio, aliusque scriptor, si forsitan de libro quodam audiistis uiuentium, & libro eorum qui non saluantur: ibi cuncti inscribemur, immo nunc sumus inscripti, secundum meritum unius cuiusque, quemadmodum & uixit: ibi nil plus habent diuitiae, ibi nil minus paupertas, non gratia, non inimicitiae, non quicquid ex omnibus est pulcherrimum, propter quæ in hoc seculo iustitia perueri solet. digito dei cuncti inscribemur, & liber nobis in die reuelationis aperietur, ibi paruus continetur & magnus, ac seruus similis est domino (ut Salomonis illud usurpetur) & rex subdito, & scriptor ei qui est descriptus. sed & splendor prope est, & maledictio. uerum tacebo, præterquam quod qualia scribemus, talia & nobis inscribentur. quod si inscriptionem hanc meliorem tibi ipsi facies, nobis uideberis bonus & humanus. quid ad hæc dicis? quid scribis amicorum optime? ac qualia dogmata? quæ à communibus accepimus præceptoribus, quo populum hunc in multa doceremus potestate, postquam nos deus ad meliorem ordinauit partem, non enim grauiorem dicere audeo. O tu qui ex patria & stirpe ortus es pia. O sacrorum parentum planta sacra. O radix filiorum plus etiam sacrorum, quomodo tandem meos suscipies sermones? sed quid nū persuasimus? aut longioribus agere necesse est uerbis? uerum hoc nequaquam coniecturare, sed planè scire oportet, quod te ut plurimum mei habeant sermones, etenim si nil aliud esset, cui possemus fidere, at saltem sermonibus ipsis, qui te facile ad honesta semper perducunt, siue imperantem, siue obsequentem, siquidem hoc est in quo sapientes distant à multitudine. Proinde parum quid prædictis addidero: tu quidem mercedem meis dedisti sermonibus, quem & dedisti, hi uero tibi tribuunt, & adducunt pauperes, totum chorum sacerdotum, chorum philosophorum, qui nullis coherceri potest uinculis, sed solum corpora possidet, atqui nec illa penitus, qui nihil habent quæ ad Cæsarem pertinent, sed omnia ad deum, hymnos, preces, uigilias, lachrymas, opes incomprehensibiles, mori mundo, uiuere Christo, carnem exinanire, animam abstrahere à corpore: his parcas etiam si pure deo restituas cultores numinis, & mystas, nec non rerum cælestium inspectores, primitias generis nostri, testimonium fidei, coronas, margaritas preciosas, templi lapides, cuius fundamentum & lapis angularis est Christus, pulchrum ecclesiae dico supplementum, cui tu optime, nec non tibi ipsi, ac nobis omnibus consule. has tibi diuitias à nobis accedere potius opto, quam multos auri & argenti thesauros, quæ pa-

rumpet

Rursus patrē
alloquitur

rumper durant, & paulopost euanescunt. & hæc uobis sit meorum sermonum fructificatio, quæ & si spe minor existit, nostras tamen uires ostendit. at uos mihi retribuatis quemadmodum & alia, id, quod ex collatione mea est maximum, nempe ut uobis nunc persuadeatur, & minus meis indigebitis sermonibus, sed per uosmetipsos intelligetis dilectionis ac operum bonorum incitamentum, tanquam si, qui iam bonam ac clementem inscriptionem, quæ illic est, sunt adepti, & circa regem omnium choros ducunt. quod quidem solum eorum est opus, qui ibi sunt inscripti. ministremus ergo deo laudem illam unicam, patris & filij, & spiritus sancti, contemplatione quæ, & animi eleuatione diuinitatis splendorem glorificemus, cui sit gloria, honor, & adoratio in secula seculorum, Amen.

ORATIO DIVI GREGORII NAZIANZENI IN
FVNERE CAESARII FRATRIS
SVI DICTA



ARBITRAMINI fortassis, patres, amici, ac fratres, tam re, quam nomine suauissimi, alacriter me orandi munus hoc suscepisse, quo ob fratrem defunctum lachrymas uobis excutiam, ac luctum ciem, seu ut sermones prolixos & ornatos, quibus multi oblectantur extendam, quo ex uobis quidam, tanquam collachrymantes & condolentes, præparemini, ut ob meam calamitatem, domesticam etiam, si saltem alicui talis quædam accidit, deploretis, & in animi afflictionibus, proprii doloris experientiam sumatis. alij autem ut auditum cibent, & afficiantur uoluptate. necesse enim putant, ut calamitas hæc ostendat, qualiter tandem se habeant nostra, quoniam in alijs tam materia, quam sermonis copia, satis sumus abundantes, prius etiam quam ad ueram & altissimam suspiciamus rationem, ac omnia accepta feramus deo, à quo sunt omnia, deum quæ præ cunctis accipiamus. Cæterum nil tale nos perpulit, nec ita de nobis suspicari debetis, si saltem quid dextri de nobis suspicari uelitis. non enim defunctum plus deplorabimus quam fuerit decorum, quum nec in alijs talia probare soleamus: nec etiam ultra modum laudabimus, tametsi mihi sermo præ cæteris donum sit charissimum ac peculiare, si saltem quid prudenti charum esse debet, & præsertim fama, quæ meos sermones diligere consuevit. & non solum donum, uerum & debitum omnium debitorum iustissimum: sed solum legem in talibus obseruari consuetam, aliquo modo delibabimus, ita ut & lachrymas profundamus, obiter tamen admiremur. si quidem hoc nequaquam à philosophia nostra alienum existit, etenim memor esto, inquit, iustorum cum laude, & pro mortuo effunde lachrymas, ac tanquam

aduersa patiaris luctum instaure . id enim pariter nos & ab indolentia separat, & ab immodestia. Deinde humanam ostendemus imbecillitatem, & de animi dignitate faciemus uerba . demum debitam mœrentibus adhibebimus consolationem , doloremquæ à carne ac à temporalibus ad spiritalia & æterna transferemus . Cæsario itaque parentes fuere (ut inde incipiam unde est conuenientissimum) quos omnes cognoscitis, & quorum uirtutes uidistis & audiistis, æmulamini, admiramini, & ignorantibus enarratis, si saltem aliqui sunt homines , ex quibus alius aliam quandam accipit partem, quoniam impossibile est ut unus & idem omnia fortiatur, nec illud linguæ unius opus existit , etiam si quis admodum laboris & honoris sit amator. Proinde multa illis ac magna ad laudis superfuere gloriam , & ne superuacua enumerare uidear, dum admiror domestica , unum uel omnium maximum, & præ cunctis alijs fuit dignum , pietas nempe , de castis illis loquor, & canis, & qui non minus propter uirtutem pariter erant uenerandi, quàm propter senectutem. quorû corpora ob temporis laborabāt diuturnitatem, animæ uero deo adolecebant. Pater ex oleastro insertus fuit in oleam, & ita de qualitate illius communicauit , ut ipse alios quoque insereret, quo crederent deo, & curam gererent animarum . sublimis inter populum hunc , sublimiter purificatus . Aaron quispiam secundus , aut Moses, dignus factus qui deo appropinquaret, & diuinam uocem alijs suppedicaret , stans à longe, mansuetus, ira uacuus, specie tranquillus , spiritu feruidus , corporis effigie conspicuus , longe uero occultis uirtutibus opulentior . uerum quid uobis designare necesse est eum , quem prius cognoscitis ? nam si longe etiam sermonem extenderimus , nequaquam tamen tantum dicere, quantum ille dignus est poterimus , & quantum unusquisque nouit, & sermonem exigit, ac ideo melius est suspicioni cedere , quàm à sermone , miraculi magnitudinem abscindere . Mater autem ab antiquo & à maioribus deo erat dedicata, & in sortem uocata necessariam , nec sibi soli , sed eis etiam quos genuit, pietatem afsiuit, quum ex primitijs sanctis sancta quoque esset massa. adeo autem sortem suam auxit, & abundantem reddidit, ut iam à quibusdam (dicam equidē, licet sermo sit audax) nec mariti sui perfectio, alterius quàm huius opus fuisse crederetur & diceretur. & ó miraculum, certamen pietatis, maiorem & perfectiorem conferre pietatem uideretur. Sanè filios amabāt ambo, sed longe plus amabant Christum , seu potius Christi magis amatores erant quàm filiorum. unica autem eis natorû erat fruitio, ut illi à Christo cognoscerentur, & ab eo nominarentur, unicusq; fortunatæ sobolis terminus, uirtus & ædificatio in melius. Misericordes erant, & compassionis affectu insignes . nam multa tineis , furibus , & huius mundi surripuerunt dominatori , quæ ex fragili hospitio in firmum transtulerunt habitaculum , ita , ut natis maximam colligerent hæreditatem , splendorem nempe seculi futuri.

prius

prius etiam quam ad maturam peruenirent senectutem . uirtute & ætate pares, & diebus pleni, tam permanentibus, quam iam elapsis . tantum autem utrique partes primas in terra non habuerunt, quantum inter se prohibuerunt, ne de primo honore contenderent . totius igitur felicitatis mensuram impleuerunt, præter nouissimam hanc, quemadmodum quidam arbitrantur, siue illam probationem nominare oportet, siue dispensationem. Cæterum adeo secure è uita migrare, & ad supernam transferri habitationem, nil aliud iuxta meam est opinionem, quam præmissio quædam filij, qui ob ætatem plus quam alij periculo obnoxius erat . Et hæc breuiter attingi, non quod illos laudare uoluerim, quum non ignorem, uix aliquem digne hoc facere posse, etiam si sermonem totum in solo laudis huius argumento absumere uoluerit, sed ut ostenderem Cæsario uirtutem à parentibus fuisse innatam. Proinde nolite mirari, aut minus fidem adhibere, quum ex talibus ortus fuerit parentibus, si tanta se laude exhibuit dignum, sed potius mirandum esset, si ipse ad alios respiceret, ac interim domestica & peculiaria negligeret exempla. Et prima quidem fuere talia, qualia esse conuenit eorum, qui ex stirpe clara sunt prognati, & quos præ cæteris bene uiuere decet. Cæterum media sciens prætereo, ueluti pulchritudinem, magnitudinem, & erga omnes uiri gratiam, mores præterea compositos, nil concinnitate sua à uocum harmonia distantes: quoniam nequaquam ad nos pertinet, ut talia admiremur, etiam si alijs minime parua uideantur, ac ideo ad reliqua sermone transeo, necnon ad ea quæ nec à uolente facile obmitti poterunt. Parentes igitur quum illum sub talibus educaissent moribus, egregieque erudiissent, & reliquis deinde disciplinis satis exercuissent, multos ille tam celeritate, quam naturæ felicitate exuperauit . uerum ne propter rerum harum memoriam lachrymas effundere cogar, & me animi passio præter pollicitationem minus philosophum esse redarguat, sciens hæc prætereo . Sanè postquam peregrinandi tempus aduenisse uisum est, primum tum inter nos diuisi sumus, & ego in Palæstina, ob rhetoricæ permansi amorem: nam ea tum temporis egregijs florebat præceptoribus, at ille Alexandriam perrexit, quæ tunc quemadmodum & nunc uniuersæ doctrinæ officina esse uidebatur, & erat . uerum quod nam primum & maximum ex illius recenseam bonis? quid uic obmittam? ne sermonem re defraudem maxima. quis nam illo præceptoribus fuit fidelior? quis sodalibus plus dilectus? quis magis improborum fugit amicitiam & consuetudinem? quis plus cum optimis conuersatus est hominibus? necnon alijs qui ex patria eius erant clarissimi & notissimi, sciens quod consortia non parum, uel ad uirtutem, uel ad improbitatem occasionē præbere solent. Ob quæ, quis est magis à principibus, quam ille, honoratus? quis etiam à ciuitate uniuersa? tametsi propter magnitudinē eius omnia ferè abscondi soleant. quis modestia fuit notior? aut prudentia clarior? quodnam disciplinæ genus nō est scrutatus? seu potius, quod

nam

nam, non solum sicut alter? cum quō unquam cohabitauit, quē non paulatim meliorem reddiderit? non tantum æquales suos, & ætatis eiusdem, sed & seniores, & qui iam diu in disciplinis uersati fuerant. omnia enim tanquam unum exercebat, & pro omnibus unumquodque. nam argutos natura, laboris superabat assiduitate, & exercitatione præstantes, mentis acumine, seu potius celeres celeritate, & studio uincebat studiosos. eos uero qui ambobus his præstabant, ambobus etiam supergrediebatur. Sanè ex Geometria & Astronomia, necnon alijs disciplinis periculosis, id solum elegit quod utile erat, nempe ut ex harmonia perpulchra, & ordine cœlesti laudaret creatorem. quicquid uero ex illis nocuum esse uidebatur, ab illo declinabat. haud enim astrorum motui, siue præsentia, siue futura ascribebat, eorum instar, qui creaturam conseruam suam, super creatorem statuunt. at ipse omnia, quemadmodum & decebat, attribuebat deo, ac præcipue cursum illum cœlestem. Sanè quis adeo imperitus & contentiosus esse potuisset, ut illi in numerorum computatione, & admiranda medicina, quantum de naturalibus & complexionibus, necnon ægritudinum philosophatur principijs, ita ut radices extirpet, & repullulationem detruncet, secundas partes tribueret, & non potius optaret, ut ipse confestim post eius enumerationem, dignitatem ferret secundam? & hæc non sunt uerba quæ testimonio carent, sed & ortus & occasus, & quocunque ille postea deuenit, statuæ insignes illius existunt doctrinæ. Postquam autem cunctam uirtutem, & mathesim, tanquam magnum onus, & omnifarias merces, in unicam suam congregasset animam, omnia ad suam misit ciuitatem, quo & alijs pulchram doctrinæ suæ collationem impertiret. uerum enim uero res interea accidit miranda, quam nec reticere queo: illius enim recordatio præ cunctis alijs potissimum me oblectat, quin & breuiter recensita, uobis quoque iucunda erit. Quum à matre discederemus, uoto illa materno, & quod filialis amoris index esset, optauit, ut quemadmodum nos ambos emitteret, ita etiam nos pariter reuersos uideret. siquidem coniugales apparebamus, & si non alijs, maternæ tamen orationi, & uisioni, digne inter nos colligati uidebamur, licet nunc male ab inuidia simus disiecti. deo igitur sic disponente, qui preces exaudit iustas, & benignum parentum amorem erga filios honorat, nullo intercedente consilio, nullaquæ conuentione, ambo eodem tempore, hic quidem ab Alexandria, & per mare, at ego à Græcia itinere terrestri, in eandem reuersi sumus ciuitatem. Cæterum non multum intercessit temporis, quum Cæsarius tantum gloriæ in Byzantio (quæ nunc ciuitas in Europa præcellit uniuersa) est consequutus, ut & publicis honoraretur officijs, nuptiasquæ fortiretur splendidissimas, demumque in senatum legeretur. quin etiam quum ciuitas illa primaria, communi decreto legationem ad imperatorem magnum mittere uellet, legationemquæ illam primario ac eloquenti aliquo uiro ornare decreuisset

uisset, quo uere primatus curam gereret, & rationem dignitatis nominis sui habere uideretur, hunc elegit præ omnibus. sed & hoc electionis eius additum fuit narrationibus, ut illa digne ornaretur à Cæsario, incola & medico. licet ea inter reliqua sua ornamenta multis & magnis abundaret uiris, qui tam in philosophia, quàm alijs excellerent disciplinis. Cæterum de his satis. Proinde licet alijs casus ille, fortuito & sine causa accidisse uideri possit, quæ admodum & multa alia in rebus humanis casu euenire solent, prijs tamen hominibus planè perspectum erat, accidēs illud, nil aliud quàm piorum parentum opus esse, qui filios è mari & terra in unam orationis collegerant impletionem. Nos igitur nec illud ex Cæsarei rebus præterire uoluimus, licet alijs fortassis parua & relatu indigna uideri possit, mihi uero & tunc, & nunc maxima est uisa, forsitan quia amor fraternus plus ad laudem est procliuus. quin nec unquam illam inter præcipua ponere desinam, quotiescunq; de rebus eius gestis uerba sum facturus. Ciuitas igitur illum in eo quemadmodum dixi habebat honore, nec eum quicquid accideret dimittere uelle asserbat. Verum ego, qui in omnibus Cæsario magnus eram & honorabilis, præualui, & ut parentibus explerem desiderium, ac patriæ redderem debitum, meoq; satisfacerem desiderio, uix illum sodalem & commercatorem assumpsi. Sanè non solum à ciuitatibus & populis honore est affectus, prouentusq; uarij, unà cum honoribus multiplicibus undique ad illum, partim affluebant, partim quoq; sperabantur, sed & à rege ipso, & iussionibus imperialibus, quæ ab illo ueniebant est honoratus. Tum temporis ego philosophari deliberaui, & me uitæ adaptare supernæ, quo omnem gloriam humanam, tanquam grauem dominam, & ægritudinem abiicerem molestam, seu potius desiderium hoc antiquum erat, tametsi uita fuerit posterior. at ille primitias eruditionis patriæ suæ dedicare uoluit, quo ob laborem admiratione dignus haberetur, quin etiam gloriæ desiderio, necnon ut urbi præesse posset, quemadmodum mihi uidetur, regibus se addixit, nequaquam rem mihi faciens gratam, aut secundum meam agens sententiam. siquidem manifeste coram uobis fateor, longe melius esse & excellentius, ut quis deo adhæreat, quàm ut apud terrenos reges uel primas partes ferat. quamuis nec istud reprehensione dignum cenferi debeat. etenim quanto res maior est, ueræ incumbere philosophiæ, tanto etiam difficilior existit, & nequaquam multorum hominum, immo nec aliorum, quàm qui à diuina uocati sunt prouidentia, quæ ad illam prædestinatis, probe manum præbere solet. quin nec res est parua, si quis uel secundariam eligit uitam, sicque probitatis fit compos, ac maiorem rationem habet dei & salutis propriæ quàm splendoris inferni. quod quidem nec Cæsarium ignorasse scimus. In primo igitur medicorum statuitur ordine, non tamen ut multo degrauiaretur labore, sed solum ut eruditionem suam, seu potius breuem quendam doctrinæ prologum ostenderet, hinc confestim amicis annumeratus est regijs.

ac magnos adeptus est honores. artis uero beneficium, sine ullo precio potentioribus est impertitus. uidebat enim quod nihil homines adeo eueheret quàm uirtus, & uirorum optimorum cognitio. hinc euenit, ut licet ordinis esset secundi, multum tamē in illo excelleret gloria. Sanè ob modestiam singularem, omnibus erat charus, ac ideo præcipua illi concredebantur, adeo ut nec Hippocratis indigeret adiuratione, nec Cratetis simplicitas cum simplicitate illius conferri posset. cunctis autem plus quàm secundum dignitatem eius uenerabilis erat. Semperq̃ rebus dignior censebatur præsentibus, ac maiori iam spei destinabatur, non solum ab ijs, qui in aula pollebant, sed etiam à regibus ipsis. Et quod maximum erat, nequaquam inter gloriam & delitias, animi eius corrumpebatur generositas, sed quum rebus multis ac magnis abundaret, una sola dignitas illi erat præcipua, nempe ut Christianus esset & uocaretur. cuius rei comparatione, cuncta reliqua illi ludus & nugæ esse iudicabantur. alia enim alijs, non secus ac in scæna ludibria arbitrabatur celerrime augeri & dissolui, ac citius & facilius corrumpi, quàm durare, quemadmodum facile ex uarijs mutationibus uitæ, necnon è sorte sursum & deorsum rotante, cernere licet, solum autem proprium bonum ac firmiter permanens pietatem esse censebat. taliter itaq̃ Cæsarius philosophabatur, tametsi ageret in aula. talibusq̃ uiuebat cogitationibus, quibus etiam discessit, soli deo cognitus, quod maioris esset pietatis, quàm ipse palàm præferret, cui & hominem exhibebat occultum. Proinde ut cuncta alia obmittebam, ueluti gubernationem eorum qui propter genus infortunate agebant, superbix despectionem, erga amicos honoris æqualitatem, coram principibus loquendi libertatem, pro ueritate certamina & sermones, quos multos contra multos habuit multoties, non rationabiliter solum, sed & admodum pie & feruide, unum eius notissimum præ cunctis recensere pergam. Insurrexit contra nos imperator scelestissimus, qui primum contra semetipsum, propter impietatem erga Christum insaniuit, iamq̃ omnibus alijs intolerabilis erat: non quod in perpetrandis sceleribus, reliquis Christi impugnatoribus animi magnitudine par esset, sed quia persecutionem sub mansuetudinis occultabat figmentis, ac secundum tortuosum illum anguem, cuius & animam habebat, cunctis machinationibus, homines miseros in suum traherebat barathrum. Primus itaq̃ eius fuit dolus, & molimen primum, ne ob fidei certamina honorem assequeremur. siquidem ea generosus ille Christianis inuidebat, quo tanquam Christiani pateremur, uerum tanquam malefici plecti uideremur. Secundo uero aliud rei nomen imponere decreuit, quàm ut tyrannice fieret, tanquam turpitudine maior esset quàm periculum, quo homines sponte ad impietatem accederent: ac ideo quibusdam pecunijs persuasit, alijs uero dignitatibus, nonnullis autem promissionibus, alios quos uero omnifarijs peruertit honoribus, quos tamen nequaquam regie, sed admodum seruiliter in omnium oculis exsoluit. Omnes autē uerborum præstigijs

præstigijs, ac suipsius decepit exemplo. Igitur & Cæsarium quoque multis tentare cœpit dolis. Proh dementiâ ac stultitiâ, quod eum qui Cæsarius ac meus frater esset, talibusq; prognatus parentibus, cōpilare speraret. Cæterû ut parumper sermoni immorer, & oblecter narratione, tanquam ij qui miraculo adsunt: periclitabatur generosus ille, Christi munitus signaculo, magnûq; illius prætendebat uerbum, quin nec illius terrebatur aspectu, neq; ob adulationem abiiciebat prudentiam: sed ad certamen paratus erat, ut sermone & opere contra illum cōtenderet, qui ualidus erat ambobus. Stadium igitur tale erat, & pietatis athleta tantus. agonotheses, hinc quidem Christus, qui athletam suis armabat passionibus: inde autem potens & callidus tyrannus, qui illum sermonum familiaritate seducere, & potestatis magnitudine terrere conabatur. Spectatores autem utrinq; erant, & ij qui iam à pietate defecerant, & illi qui adhuc in illa perseverabant. hi considerabant quorsum res esset euasura, & quisnam ex his duobus uictor esset permanurus, plus certamen æstimantes, quàm circa quos esset theatrum. Cæterum nolite timere, ne forsitan Cæsarius quid promptitudine sua indignû patiatur, sed confidite, cum Christo enim remanet uictoria, qui & mundum superauit. quæ igitur tum ab utroq; dicta & proposita fuere, nunc quoq; referre pergerem: nam cuncta, ut intelligatis, honore digna censeo, quoniâ rationes quasdam habent acerrimas, & nequaquam eloquentia carent, mihiq; non insuauiter memoriam refricant: uerum penitus à tempore & sermone sunt aliena. Postquàm uero Cæsarius omnes sermonis nexus, quibus illi utuntur, dissoluisset, uniuersamq; experientiam, tam occultam quàm manifestam, non secus ac ludum quendam in nihilum redegisset, magna uoce protestatus est se Christianum esse, ac mansurum semper. uerum nec sic quoq; imperator illum ablegauit: ingenti enim amore flagrabat, ut eruditionis Cæsareæ compos fieri, & illa ornari posset. unde & uulgare istud in omnium protulit auditu, ó parentes felices, ó filios infelices. postquàm & nos dignos duxit, ut sua honoraret ignominia, quorum doctrinam & pietatem iam pridem nouerat Athenis. ad secundam igitur aggressionem est reseruatus, nam tum iustitia diuina recte illum contra Persas armabat: ideoq; beatus ille exul ad nos est regressus, sine sanguine uictor, & magis ignominia quàm splendore clarior. hanc ego uictoriam longe maiorem & honorabiliorem, quàm magnam Iuliani potentiam, ac splendidam purpuram, necnō preciosum illius diadema censeo. hacq; narratione plus efferor, quàm si uniuersum ei regnū tradidisset. ille igitur malis cessit temporibus, & hoc secundum legis nostræ iussionem: quum enim tempus instat, ut propter ueritatem periculum subeat, & pietas nequaquam propter timiditatem prodatur, iubet illa, ne pericula, quantum licet prouocentur, siue animæ nostræ requirantur, siue ab imminentibus cauere oporteat discriminibus. Cæterum postquàm caligo est dissoluta, & exterminium recte dijudicatum, ac uibrans romphea impiû illum

E transfixit

transfixit, resq; Christianorum ad meliorem statum sunt perductæ, quid dicere refert? cum qua gloria & honore, aut qualibus testimonijs, & quantis, ac tanquam magis gratiam tribuens, quàm accipiens, rursus à regibus sit susceptus. siquidem primum honorem secundus excepit. uerum reges tempus dissoluit, Cæsarij autem gloria semper durat, necnon honor illi à regibus habitus, qui inter se contendebant, cuiam Cæsarius magis domesticus esse deberet, ac nihilominus amicus ille uocabatur & notus. Hæc Cæsario à pietate pro pietate sunt retributa. audiant iuuenes & uiri, ac propter uirtutem eandem, ad eundem festinent splendorem (siquidem bonorū laborum gloriosus quoq; est fructus) quibus talia propter studium, felicitatis pars etiā esse censetur. uerū quale & illud inter eius fuit miracula? magnum tam paternæ quàm propriæ pietatis habens indicium. agebat in Bithynia, ubi nō minimum à rege sibi demandatum administrabat officium, siquidem questoris fungebatur officio. hinc enim rex illi, ad principatum maiorem struebat uiam, quum uero eo tempore terremotus maximus, ac omnium quos fando audiuius grauissimus, Niceam conquassasset, ac ferè omnes obruisset, ciuitatisq; pulchritudinem penitus obscurasset, solus ipse ex illustribus, aut ualde pauci, à periculo est exemptus. sub qua calamitate salutem abscondit incredibilem, ac parua signa præ se tulit periculi, ita tamen, ut timorem, maioris salutis pædagogum acciperet, totusq; supernæ fieret partis, militiam transmutans ex periculis, ac rependens sibi ipsi regia, hæc secum uolebat, ac diligenter sibi ipsi inculcabat, quemadmodum etiam ad me scripsit, suadens ut tempus sumerem admonitorem, quod quidem nec aliud faciens, intermittam: interim tamen animi eius nobilitati inuidere cogor, quod ita manibus uoluere, ac anima illius adeo philosophica, rebus attereretur publicis, & solis instar obscuris tegetetur nubibus. Cæterum à terremotu illo est saluatus, ab infirmitate autem minime: nam homo erat, & hoc quidem proprium ipsius existeret, illud uero alijs etiam commune. hoc pietatis, istud naturæ. ac ita consolatio calamitatem præoccupauit, instruens nos, quod morte concussi admiranda, uenturi seculi gloriabimur salute. Et nunc uenerandus nobis Cæsarius salutem est adeptus, ciuis honorandus, mortuus laudandus, hymnis post hymnos præmissus ad martyrum gradus, cum pompa elatus, sacris parentum manibus honoratus, quum mater luminaris prælatione, calamitati pietatem opponeret, ijs uero qui lachrymis uincebantur, philosophia, quum psalmodiæ sedarent luctum, & anima nouiter recreata, quam spiritus per aquam transformauerat, dignum fructificaret honorem. Et hæc tibi ó Cæsari à me sit parentatio, hæc quoq; sermonum meorum primitiæ, quas tu celari sæpius incusasti, uerum in te ipso primum exerceri debebant. hic tibi à me sit ornatus, omni ornatu, quemadmodum certe noui, tibi charior. plus quàm serum stamina tenuia & mollia, quibus nec quum superstes esses, multorum instar gaudebas, sola uirtute decoratus. plus quàm

quàm lini textura subtilis, plus quàm unguentorùm effusio preciosorùm, quæ & antea muliebribus linquebas delitijs, & quorùm odorem uel unicus dissoluit dies. plus quoque quàm aliud quid paruum, & paruis honorandum, quæ hodie cuncta amarus hic abscondit lapis, unà cum corpore tuo perpulchro. Proinde referantur mihi certamina Græca ac fabulæ, quibus infelices honorantur ephebi, parua præmia, paruis proponentes certaminibus, ac cuncta quibus per homines & primitias, aut coronas, necnon flores nuper decerptos, abeuntentes expiantur mortales, legi magis paternæ & irrationabilitatis affectui seruientes, quàm rationi. donum autem meum sermo est, qui forsitan futuro quoque excipietur tempore. nam semper durat, nec quenquam penitus abire sinit, etiam si ex hoc discedat seculo: semper honorandum, auditui & animabus commendat, ac manifestius quàm tabulæ, desideranti imaginem representat. & sic se nostra habent, quod si parua & minus digna existunt, scimus tamen deo acceptum esse, quicquid sit pro uiribus. & hæc quidem præstitimus, alia autem præstabimus, ac singulis annis nos qui superstites sumus, honores hos instaurabimus, ac defunctorum renouabimus memoriam. At tu nobis diuinum & sacrum caput, in cælum ascendisti, ac in sinu Abrahæ (si saltem aliqui tales sunt) requiescis, angelorumquæ inspicis choros, necnon beatorum hominum gloriam & splendorem, seu potius unà choros ducis, & collataris, omnia quæ hic sunt ab alto despiciens, & dignitates fluxas, & honores falsos, necnon errorem qui fit per sensus, ac uitæ huius circumrotationem, confusionemquæ ac ignorantiam, non secus ac in prælio nocturno, magno assistens regi, & illius lumine repletus: cuius paruum defluxum in hoc percipimus seculo, quale uel in speculis imaginari possemus, aut ænigmatibus: post hæc autem fonte boni ipsius perfruemur, pura mente, puram ueritatem intuentes: mercedemquæ hanc laboris, hic propter bonum exhausti, inueniemus, ut perfectius bono perfruamur perfecto, & illud cõtemplemur, quod quidem sacra nostræ finis est disciplinæ, tam animæ quàm libri Theologici uaticinantis. Proinde quid adhuc reliquum est? nempe ut medelam, qualis per sermones fit dolentibus afferamus. & uere quidem magnum est remedium, quod à condolentibus procedit, præcipue ab ijs, qui eisdem animi passionibus detinentur: hi enim ad consolandum afflictos, uehementiores existunt. ad hos igitur potissimum noster dirigitur sermo, & profecto illorum gratia pudore suffunderet, si non, quemadmodum in alijs bonis cunctis, tolerantia etiam primas partes ferrent, & tanto plus, quanto magis filiorum amatores existunt: quoniam & præ omnibus philosophi sunt, & philochristi, ac ideo plus transitum ex hoc seculo meditantur, ac eos qui ex ipsis nati sunt edocent: seu potius totam uitam ita instituunt, ut illam nil aliud quàm solutionis meditationem arbitrentur, quod si calamitas rationem adhuc obscurat, & ueluti ingruens

*De patre &
matre loquitur*

oculorū lippitudo, nequaquam decens cernere sinit, agite uos seniores, consolationem suscipite iunioris, ac parentes filij, & qui potius à talibus admoneri deberet, qui multos admonuerunt, & longo tempore experientiam collegerunt. Cæterum mirari nolite, si iunior ego, seniores monere audeam, nam & hoc uestri est beneficij, si canicie etiam accuratius perspicere possum. Quanto adhuc senes uenerandi, ac deo appropinquant, tempore uiuimus? quanto malis hic expositi erimus? neque enim uniuerſa uita humana longa existit, si diuinæ naturæ, imperfecta hæc fuerit comparata, non quod uiuendi reliquum, & solutio, ut diximus, humanæ respirationis, temporalis etiam uitæ sint nouissima. quanto nos tempore Cæsarius præuenit? quàm diu illum adhuc deplorabimus digressum? nōne & nos ad eandem festinamus mansionem? nōne confestim sub eodem condemur lapide? nōne tantum in paucis his lucrabimur diebus, quantum plus mali, uel uideamus, uel patimur, aut fortassis etiam perpetramus? tributum commune, & inconcussum, naturæ legi exoluere oportet, & hos quidem abire, alios autem præuenire, ac quosdam lugere, alios uero deplorari, & ab alijs accipere, quod impendimus alijs, nempe fructum lachrymarum. Talis uita nostra est, o fratres, & maxime eorum, qui temporaliter uiuunt. talis hic est ludus super terram, ut qui non sunt gignantur, & qui geniti sunt discedant. Somnium sumus, nequaquam stabile. phasma quoddam incomprehensibile. uolatus auis præteruolantis. nauis in mari, uestigio carens, cinis, uapor, ros matutinus, flos cum tempore uirens, & cum tempore marcescens. dies hominis sicut fœnum, & ipse tanquam flos agri efflorescit. recte diuinus David de nostra philosophatus est imbecillitate. & in illis rursus uerbis, Paucitatem dierum meorum annuncia mihi, & palmarum mensura humanos disternat dies. Quid autem dices ad Hieremiam? qui dolens matri quoque generationem impropere, & hoc ob calamitates alienas. Omnia uidi, Ecclesiastes inquit, omnia humana scrutatus sum ratione, diuitias, delitias, potentiam, gloriam, instabilem illam sapientiam, quæ plus fugit quàm retinetur. rursus delitias, rursus sapientiam, postea hæc eadem sæpe repetit, uoluptates uentris, deliciarum hortos, multitudinem seruorum, multitudinem possessionum, poculi ministros ac ministras, cantatores & cantatrices, arma, satellites, gentes subactas, tributa imposita, supercilium regium, ac omnia alia, siue ad uitam necessaria, siue superflua, quibus cunctos ante se reges superauit, & quid de his dicit? omnia uanitas uanitatum, & afflictio spiritus, siue motus quidam animæ irrationalis, & distractio hominis, ex ueteri forsitan casu damnati. cæterum finis sermonis, totum enim audi, Deum, inquit, time, ibi totus stabilitur defectus, & solum hoc tibi ex præſenti uita lucrum accedit, ut per turbas uisibilem & fluctuantium harum rerum, ad stabilia perducaris & immobilia. Ne igitur Cæsarium deploremus, quum sciamus à qualibus ille

ille malis sit solutus, sed potius nosmetipsos, quod tot calamitatibus sumus relictī. & quidnam thesaurizauerimus? si minus legitime deo adhæreamus, ac currentia transcurrentes, nequaquam ad uitam festinemus supernam, terramque linquamus, quum adhuc in terra agamus, & spiritum qui nos ad alta euehit, minus rite sequamur. hæc quidem pusillanimitas peracerba, at ijs qui animo sunt uirili, admodum facilia existunt. quin & ita consideremus, Non dominatur Cæsarius, uerum nec aliorum subiacet dominio. non timetur à quibusdam, atqui nec molestum feret dominum, sæpiissime dominari indignum. non congregat diuitias, at non obnoxius est inuidiæ, nec animam affligit, dum male colligit, semper tantum addere quærens, quantum prius possidet. talis enim ditescendi est ægritudo, ut terminum incrementi nullum uideat, sed semper potum sitiat, etiam quum bibit pharmacum. rationes Cæsarius nullas amplius assignat, sed rationes ipsum admirantur. non amplius in doctrina Hippocratis ac Galeni philosophatur, at nec in illorum contradictorijs. sed nec morbis infestatur, uerum non ex alienis calamitatibus dolores fructificat proprios. non uersatur in Euclidis, Ptolemæi, & Hieronis demonstrationibus, uerum non indignatur imperitis, quum producant etiam maiora. non doctrina Platonis, aut Aristotelis, siue Pyrronis ingenium exornat, nō Anaxagoræ, uel Cleanthis, seu Epicuri, aut nescio quorum aliorum ex stoa ueneranda, & Academia. cæterum nequaquam curat, quomodo illorum persuasiones soluat. Et quid opus est recensere alia? quum prædicta omnibus sint ueneranda, & perquam accepta. non uxorem duxit, aut liberos procreauit, at illos non deplorat, nec ab illis deploratur, neque alijs relinquit, aut relinquitur calamitatis monumentum. Non assequitur hæreditate pecunias, at ipse hæreditas erit illarum rerum, quæ sibi utilissimæ existent, & quas ipse elegit, quo diues hinc emigraret, ac omnia secum ferret. Cæterum ó gloria ingens, ó consolatio noua, ó magnanimitas abundans, auditum est præconium, omni auditione dignum, matrisque calamitas propter pulchram & sanctam releuatur promissionem: illa enim cunctas Cæsarij diuitias, filio se donum ob parentalia dare promisit, ita ut nihil ex hæreditate illius expectare uellet. Nondum hæc ad consolationem sufficiunt? at maius adhibebo remedium. Sapientium credo sermonibus, quod omnis bona ac deo accepta anima, postquam à corporis exoluitur uinculis, & hinc discedit, quàmprimum ad intellectum & contemplationem boni, quod ipsam manet, peruenit, tanquam à tenebris purgata aut lustrata, uel nescio quomodo dicere debeam, gaudio quodam admirando lætatur & exultat, ac hilaritate perfusa ad suum accedit dominum: tanquam à carcere quodam graui, uita nempe hac effugerit, ac à uinculis liberata sit molestissimis, à quibus mentis cohercebantur pennæ, quæ iam imaginatione sua felicitatem sibi reseruatum fructificabat, paulo uero post & cognatam recipiet carnem, cum qua illic con-

philosophabatur, à terra ei, & tradita, & credita, per modum quem ille nouit, qui hæc colligauit & dissoluit deus. hæc caro unà quoque hæreditario iure gloriam, quæ ibi est, sortietur: & quemadmodum malorum propter cognitionem naturæ particeps fuit, ita & iucundorum quoque particeps erit, ac tota ab illa absumetur, & cum illa unum fiet, & spiritus, & mens, & deus, quod & à uita mortali & fluxa desideratur. Audi igitur qualia diuinus Ezechiel de compositione carnis & neruorum philosophatur, & quæ post illum Paulus diuinus de habitaculo terrestri, & domo non manufacta. ex quibus quidem illud dissoluetur, hæc autem in cælo reposita permanebit. quin etiam egressionem à corpore, ingressionem ad dominum esse ait, obiterque uitam hanc tanquam peregrinationem deplorat, ac propter hoc desiderat & festinat ut dissoluatur. quur igitur spe essem pusillanimis? quur temporalibus subiacerem? Archangeli uocem expecto, tubam nouissimam, cæli transformationem, terræ immutationem, elementorum libertatem, totius mundi innouationem: tum Cæsarium ipsum uidebo, non amplius peregrinantem, non amplius efferendum, non amplius deflendum, non amplius commiserandum, splendidum, gloriosum, sublimem: qualis & mihi sæpius per somnium es uisus frater charissime, & charissimorum optime, aut si hoc non uultis, formam repræsentans, siue etiam ueritatis. nunc autem obmisso luctu, ad me ipsum respicere incipio, ne quid luctu dignum, clanculum in me circumferam, ac ideo memetipsum considerabo. filij hominum, ad uos enim iam sermo dirigitur, quandiu graui eritis corde, ac ueloces cogitationibus: ut quid diligitis uanitatem, & quæritis mendacium? qui magnum quid, uitam præsentem, & paucos hos dies aliquot esse censetis, & à separatione hac placida ac suaui, tanquam à re aliqua graui & terribili abhorretis. Nunquam nos ipsos cognoscere incipiemus? Nunquam ne umbratilia abijcimus? nunquam ad intellectum aspiciemus? nonne si rei alicuius gratia dolere oportet, contrarijs potius est tristandum? incolatu nempe prolongato, secundum Dauid diuinum, qui talia habitacula tenebrarum, necnon locum afflictionis & limum abyssi, ac umbram mortis appellat. quoniam sepulchris immoramur, quæ nobiscum circumferimus. quoniam tanquam homines morimur, peccati morte, quum facti simus diuini. hoc timore ego timeo. hoc ego die & noctu mecum reuoluo. nec me respirare sinit gloria uentura, ac iudicium: ex quibus illam desidero, donec dicere ualeo. Defecit in salutare tuum anima mea: hoc uero horreo, ac uehementer effugere cupio. illud autem nequaquam timeo, ne mihi corpus hoc destruat, ac corruptum omnino pereat, sed potius ne gloriosum dei figmentum intereat. siquidem gloriosum est, ubi fuerit emendatum: quemadmodum ignominiosum, quum peccat. In quo ratio, lex, spes, eadem ignominia, qua irrationabilia sunt condemnata, & nihil plus quàm post separationem, quemadmodum recte conuenit malis & qui igne illo digni existunt, utinam mihi concedatur ut membra

bra mea supra terram mortificem. utinam omnia in spiritus expēdam com-
moda: per angustamq̃, ac paucis peruiam gradiar semitam, & nequaquam
latam & diffusam: quandoquidem quæ dehinc sequentur, splendida sunt &
ingentia, ac spe maiora quàm ut digne explicari possint. Quid est homo
quod memor es eius? quod hoc nouum de me mysterium? paruus sum &
magnus, humilis & sublimis, mortalis & immortalis, terrestris & cœlestis:
illa cum mundo inferno, hæc autem cum deo excelsio: illa cum carne, hæc
cum spiritu: cum Christo me sepeliri, cum Christo resurgere oportet. Chri-
sti cohæredem, ac filium dei fieri, deumq̃ue ipsum uidere. uerum quò nos
procedens sermo produxit? parum deest, quin me animi passioni gratiam
debere fatear, quoniam talia sum philosophatus, ac ideo resurrectionis fu-
turæ plus sum amator effectus. hoc magnum nobis uult mysterium, pro-
pter hoc deus homo & pauper factus est, ut restitueret mihi carnem, & sal-
uaret imaginem, reformaretq̃ue hominem: quo omnes unum fieremus in
Christo, qui omnia factus est in nobis omnibus perfecte, quemadmodum
& ipse est perfectus: ut non amplius uir & mulier existamus, non barbarus,
Scytha, seruus, liber, quantum ad carnis pertinet signa, sed solum in nobis
ipsis diuinum gestemus characterem, à quo & in quem sumus facti: tan-
tum ab ipso formati, & signati, ut ab eo solo cognoscamur: quod & fiet
quemadmodum speramus, secundum magnam dei, magna tribuentis ele-
mentiam: qui magna dare solet, quum parua ab eo petuntur, nunc & in
tempus futurum ihs, qui rite eum diligunt, qui omnia sustinent, omnia to-
lerant, propter dilectionem, & spem quam in illo repositam habent, qui
in omnibus gratias agunt, à dextris & sinistris, in secundis & aduersis.
quandoquidem ratio, sapius hæc arma salutis esse nouit. illi animas no-
stras addicamus, necnon eorum qui ante nos sunt dissoluti, tanquam qui
in uia iam fuere paratiori. Et sic quidem sermonem sistemus, uobis uero la-
chrymas. ad uestrumq̃ue iam festinabimus sepulchrum, quod à uobis
Cæsarius donum habet, triste, & solum, quod parentibus ac senectuti in
tempore suo fuerat præparatum, filij uero iuuentuti, & illi qui non inde-
center nostra dispensauit, præter conueniens donatum. Verum ô domi-
ne omnium, & factor, qui longe ab hac distas factura. O hominum tuo-
rum deus, & pater, & gubernator. O uitæ & mortis domine. O anima-
rumstrarum custos & benefactor. O qui facis omnia, & artifice præpa-
ras ratione secundum tempus, & quemadmodum tu nosti, iuxta sapien-
tiæ tuæ profunditatem & dispensationem. Nunc quidem Cæsarium susci-
pe, peregrinationis nostræ primitias, siue nouissimum primum, tuis con-
cedimus rationibus, quibus omnia feruntur. suscipe & nos postea in tempo-
re opportuno, ac in carne nostra, quandiu id nobis conducit, governa: susci-
peq̃ per tuū timorem paratos, & nequaquā territos, nec in die nouissima defi-
cientes, uicq̃ inde distractos: quæ passio animarū mūdi & carnis amatricum

propria existit: sed prompte nos ad uitam quæ illic est longeuam & beatam excipe, in Christo domino nostro, cui sit gloria in secula seculorum, Amen.

GREGORII NAZIANZENI THEOLOGI ORATIO
FVNEBRIS IN LAVDEM BASILII
MAGNI DICTA



VVM BASILIVS magnus semper nobis sermonum argumenta præstiterit, plus enim meis celebratus est orationibus, quam nemo unquam proprijs: restabat, ut nunc quoque seipsum in argumentum certaminis exhiberet maximum, ijs qui eloquentiæ operam impendunt. arbitror autem, si quis in vi dicendi experientiam facere, deinde illam uel mediocriter expendere, ac unum ex omnibus sibi argumentum præponere uoluerit, non secus ac pictores tabulas exemplares, solum hoc tanquam sermone dignum sumpturum, ac præ cunctis alijs electurum. tantum opus est de laude uiri huius dicere, nõ solum nobis qui iam pridem omni dicendi gloriæ renunciauimus, sed ijs etiam, quibus oratio uita est, & qui hoc unum ac solum curant, ut talibus excellant argumentis. sic ita de his sentio, & ut mihi persuadeo admodum recte. Cæterum si nunc sermonibus haud utar, ignoro ad quid aliud illis dehinc uti debeam, aut qua re mihi ipsi plus gratificari possim, siue laudatoribus uirtutis, uel sermonibus ipsis, quam ut uirum hunc admirer. Proinde satis mihi erit, si debitum hoc tantum delibauero. debitum enim est bonis, ac si quid aliud, inter alia de sermone sermo. illis enim pariter ad uoluptatem cedit, obiterque adhortatio fit ad uirtutem. quorum enim laudes noui, horum & manifeste retributiones esse scio. in nulla igitur re ex omnibus accidit ut non sint omnium. at in sermonibus utrinque res se male habet, siue ad dignitatem prope accedant, ac uim suam ostendant: seu plurimum destituant, quod omnino necesse est accidere ijs, qui uirum hunc laudant, ut re ipsa se uictos demonstrent, insuper eum quem laudandum susceperunt, sermonis ui præstantiorem esse fateantur. quæ igitur me ad dicendum perpulere, & ad hoc deduxere certamen, hæc sunt. Proinde nemo miretur, si ego post tanti temporis interuallum, ac post tot laudatores, qui illum publice ornarunt ac priuatim, hoc fungor officio. anima enim diuina, & in omnibus mihi tam nunc, quam prius ueneranda, ignoscet. quemadmodum igitur quum adhuc nobiscum ageret, multa meorum meliori omnino termino, & amicitiae lege emendabat (haud enim me dicere pudet, quod omnibus uirtutis lex erat) ita nunc postquam super nos euasit nobis parcat, parcent & unam feruentiores è uobis uiri huius laudatores, si saltim alius feruentior est alio, nec hi solum, uerum omnes qui in laude hominis pares sunt honore. nõ enim ob negligentiam id quod decuisset est obmissum, nuncque enim tam negligentes

gentes, uel in uirtutis, uel amicitiae erimus officio, neque alijs potius laudem cōuenire quàm nobis putabimus. uerum sub initium loqui cunctabar, dicatur enim ueritas, quemadmodum ij, qui ad sacra accedunt, prius quàm auditu & mente sint purgati. deinde non ignoratis (ad memoriam enim pariter reducam) quantum interim dum ueritatis sermonem exercui, sim periclitatus, bene coactus, & secundum deum forte peregrinus effectus: & neque ex sententia generosi illius ueritatis pugilis, ac nihil aliud spirantis, quàm sermonem pium, & orbis totius salutem. in ijs enim quæ ad corpus pertinent nequaquam fortassis confidendum esse dicere oportet, uiro generoso, & qui supra corpus est, priusquàm hinc transmigrauerit, & qui penitus nihili facit animæ bona, quæ à uinculis coherceri possunt: & ita hic sistantur, quæ ad responsionem spectant. non enim, ut arbitror, opus est ut prolixiores de illa fiant sermones, præcipue apud eos, qui manifeste nostra cognoscunt. ac ideo iam ad laudem ipsam est accedendum, sermoni uero deum illius præpono, ne uirum laudibus meis afficiam iniuria, neue multum diuerse ab alijs incedam. tamen si omnes fortassis deficiemus, quemadmodum ij, qui cælum & solis intuentur radios. Proinde si illum uiderem genere, & ijs quæ ex genere sunt gloriari, aut omnino re aliqua parua, & ijs quibus in terram respicientes extolli solent, alius utique heroum uideretur catalogus, si ea recensere uellemus, quæ de illo temporum afferre possemus serie. immo nec historijs concederemus, ut plus quàm nos haberent, sed & in eo planè præstaremus, quod eum nec fictionibus aut fabulis, sed rebus ipsis, quarum mihi testes existunt, ornaremus. siquidem multas nobis de eo Pontus ob patrem suppeditat narrationes, miraculaq; nequaquam priscis inferiora. multas etiam solum meum patrium, ueneranda Cappadocia, non minus iuuentutis alitrix, quàm equorum generosorum procreatrix. Vnde nos generi paterno conferimus maternum. Sanè quinam numerosioribus aut maioribus ornati fuere præfecturis, administrationibusque publicis? quinam in aulis regijs potentia plus floruerunt, & opulentia, necnon throni sublimitate, honoreque populari, ac sermonum splendore? quæ cuncta si uellemus, recensere possemus. siquidem nil essent Pelopidæ, & Cecropidæ, necnon Alcmeones, Æacidæ, & Heraclidæ, & quibus nil est sublimius. qui quum nihil ex domesticis manifesti, quod referre possent haberent, ad obscuriora confugerunt, dæmonibus quibusdam, ac deis, necnon fabulis progenitores infamantes, quorum uenustissima fuere incredenda, planeq; creditum iniuria. Cæterum postquàm nobis sermo de uiro est, qui dignum esse duxit ut nobilitas secundum uirum iudicaretur, & nequaquam deceat, ut formæ & colores ex se ipsis censeantur, aut equi generosissimi, uel abiectissimis unum aut duo extraria depingemus, ex ijs quæ sub initio illi indita fuerunt, eaquæ uitæ eius peculiaria, & quibus potissimum in loquendo gaudebat

bat : sicquē deinde ad ipsum conuertar . alijs igitur aliud sit decus, siue generis , seu rerum singularum, minorum , seu maiorum, tanquam hæreditas quædam paterna , à longe , uel proxime incipiens , ac ad posteros se extendens. Basilio uero utriusq; generis insignia, fuere pietas, quod quidem nunc sermo ostendet . persecutio erat, & persecutionum sæuissima ac grauissima. scientibus Maximinum dico, qui quum ex multis qui nuper fuerant pululasset , omnes modestos fuisse ostendit . siquidem multa flagrabat audacia, & ut impietatis coronaretur potentia, satagebat. hanc multi ex nostris superarunt pugilibus , & ad mortem usque decertarunt , & ante mortem parumper, solum tamdiu relictī, ut uictoriæ superuiuerent, & non unā cum certaminibus abirent, sed alijs reseruarentur. aliptæ uirtutis, martyres uiui, statux spirantes, præconia tacita. multis igitur enumerandis, tempus quoque illud auo Basilij ac parentibus , qui omnem pietatis exercuerunt uiam , pulchram hanc attulit coronidem. siquidem ita erant animati ac præparati , ut omnia facile sustinerent ob quæ Christus eos coronat , qui certamina, quæ pro nobis pertulit imitantur . quoniam uero oportebat ut certamen legitime perageretur , Lex autem martyrij persecutis parcat & imbecillioribus, ne ultro ad agonem procedant: quum uero præsentis sunt ne subterfugiant iubet. hoc enim audaciæ, illud uero est ignauix . in hoc ideo illi honorantes legislatorem, quid machinantur, seu potius ad quid feruntur à prouidentia, quæ cuncta illorum gubernat ? ad syluam quandam in Ponticis fugiunt montibus, sunt autem ibi quàm plurimæ, densæ , ac late se extendentes , admodum paucis fugæ utentes comitibus , cibiq; ministris . alij igitur temporis admirentur longitudinem, siquidem ut plurimum ibi , ut aiunt , ex fuga sunt commorati, annos circiter septem. paruo uictu, ac tenui, uti credere par est, & fortuito corpora sustinentes, sub dio in præcipitijs, frigoribus, & caloribus afflicti, desertum præterea inhospitale, ab omniq; communione & societate humana seiunctum, permolestum fuit ijs, qui olim honorati & multis satellitibus culti fuerant. Ego uero quod his maius est & mirabilius, dicere incipiam. & nemo mihi fidem deneget, siue non magnum censeat , persecutiones ac discrimina propter Christum exantlata, male sentiens, & admodum periculose . desiderabant quippiam generosi , & quod ad uoluptatem deseruiret, temporis laborantes longitudine , & necessarijs iam satiati . nec tamen ea quæ olim Israël pertulerunt, quoniam minime murmuratores erant, quemadmodum illi quum in heremo post fugam ex Ægypto affligebantur, tanquam Ægyptus melius eis quàm desertum fuisset, quoniam abunde lebetes carnibus suppeditasset plenas cum alijs quæ ibi reliquerant . Lutum enim , & laterum fictio nullius tum momenti, propter stultitiam , penes eos erat, sed alia tanquam magis pia & fideliora proferebant . nunquid ex incredendis est dicebant, quod quum miraculo

rum

rum sis deus, populū peregrinū & fugientē large paūisti in deserto, ita ut illi panem per pluuiam dēmitteres, & coturnice exsaturares, ac eos non solum necessarijs, sed & superfluis nutrires: qui mare diuisisti, & solem firmasti, ac flumina siccasti. sed & alia recensēbant quæ fecerat. anima enim in talibus historias amare solet, & deum miraculis laudare quāplurimis. ac ideo nobis cibum dicebant hodie largīre, ac delicate nos pietatis pugiles pascere. siquidem multæ sunt bestię, quæ diuitum effugerunt mensas: quemadmodum olim & nostras, qui in his latitamus montibus. multæ etiam aues comestibiles, super nos desiderantes uolant. ex quibus quid à te, solum uolente, capi nequit? talia dicebant, & uenatio aderat, cibus spontaneus, inemptus, omnifarius. Cerui turmatim super tumulis apparentes, admodum ingentes, admodum pingues, admodum prompti ad iugulationem. solum hoc percipi nequibat, quod moleste ferrent, si non celerius aduocarentur. & hi quidem nutu trahebantur, alij autem ducebantur, quoniam persequente, aut cogente? nemine. quibus equis? quibus canibus? quo latratu? aut clamore? aut quibus iuuenibus uenationis exitus præoccupantibus? legibus orationis ligati, & petitionibus iustis. quis talem nouit uenationem, ex ijs qui olim fuere, seu nunc sunt. proū miraculum, ipsi uenationis erant penuarij. quantum placebat, uoluntate solum detinebatur. quod uero superabundabat, siluis ad secundam remittebatur mensam. habebant igitur obsoniorum artifices frugales, cœnam decentem, conuiuæ grati, præambulum iam speratorum. miraculum præsens, ob quod ad certamen, pro quo hæc sustinebant, promptiores fiebant. & hæc meæ sunt narrationes. tu uero tuos mihi recensē uenatores, Oriones, & Actæones, uenatores infelices, persequutor meus, qui fabulas miraris, & ceruam pro uirgine suppositam, si tibi aliquid tanti est ad contentionem, etiam si concedamus, nequaquam fabulam esse quæ narratur, quemadmodum sermonis reliqua & ualde turpia. quid enim opus erat retributione, si uirgo saluata erat, ut hospitum doceretur cædes, & inhumanitas pro humanitatis disceretur retributione. & hoc quidem tale, ex multis unum, & pro multis, ut meus est sermo. & illud percurri, non ut Basilio aliquid gloriæ adderem, nequaquam enim mare indiget fluminibus, ut in illud exonerent, licet multa influant ac magna. neque ut aliquid afferrem laudis ei qui nunc celebratur, sed ut ostenderem, quæ nam illi ab initio affuerint, & ad quale exemplum respiciens, tantum præcelluerit. etenim si magnum est alijs, ut aliquid à maioribus ad gloriæ accipiant splendorem, longe maius est illi, ut maioribus à se ipso aliquid addat, non secus ac fluuius currens. Cæterum de cognatione maiorum, non minus secundum uirtutis quàm corporis comparisonem, multa quidem & alia extant indicia, ueluti pauperum sustentatio, hospitum exceptio, animæ per temperantiam purgatio, facultatum portio deo cōsecrata, res cui nondum tunc multi studebant, quemadmodum nunc ex primis

auctum

auctum & honoratum est exemplis. necnō alia quę Ponto & Capadocibus impensa, satis ad multorum aures implendum forent. mihi uero bonorū generatio filiorum, res uidetur maxima & clarissima. siquidem numerosam & pulchram prolem fabulę fortassis habent, nobis autem experientia hos contulit, ita factos, ut si & non talium essent parentes, sibi ipsi sufficerent ad gloriam. talium autem existentes patres, & si ipsi non tam clari essent uirtute, omnes superarent prolis felicitate. equidem unum uel duos laude dignos nasci, naturę quispiam ascribere posset: at præcellentia in omnibus, manifeste parentum laus est. Quinimmo beatissimus sacerdotum ac uirginum numerus ostendit, eos & qui nuptiali iugo sunt alligati, nullum damnum in æquali uirtutis excellentia perpeti. sed ob uitę potius electionem, aut conuersationem talia facere. Quis igitur ignorat Basilij huius patrem, Basilium magnū penes omnes nomen, qui optionem paternam est adsecutus (ne dicam solus) ac si quis alius inter homines: nam quum omni uirtute præditus esset, à solo filio prohibitus est ne partes haberet primas. Quis ignorat Emmeliam, quę ab eo quod fuit nomen est sortita, aut facta quod appellata fuit. Vnde iuste concinitatis cognomine ornata extitit, quę illud inter mulieres esse uisa est (ut breuiter dicam) quod ille inter uiros: ac ideo si necesse fuisset, ut omnino mos gereretur naturę, & is quem nunc laudamus, hominibus daretur, quemadmodum olim ueterum quidam, qui à deo ob communem utilitatem orbi sunt concessi, nequaquam conuenisset ut ex alijs potius quàm talibus nasceretur parentibus. neque ut ij ab alio magis quàm hoc parentes nominarentur. Caterum quicquid ipse recte egerit, iam enumerare incipimus: nam postquàm laudis primitias, lege persuasi diuina, quę parentibus cunctum honorem tribuere iubet, commemorationi horum dedimus, ad illum iam transibimus. hoc tantum addentes, quod & omnibus uere dictum uideri puto, qui illum cognorunt: nobis, quum eum laudamus, sola eius uoce opus esse. ipse enim materia est splendida laudantibus, solusq; materia sermonis uiribus dignus. Pulchritudinem uero, fortitudinem, & staturę proceritatem, quibus multos gaudere uideo, laudare uolentibus, & ijs relinquo, qui rebus student minutis, & circum corpora uolutantur: non quia his minus quàm alius quispiam præditus fuerit, quum adhuc iuuenis esset, ac nondum carnem philosophia perdomuisset: sed ne mihi quemadmodum inexpertis accidat pugilibus, qui uires temere & superuacaneis euacuant certaminibus, ac ideo inferiores suo tempore inueniuntur, in ijs, ex quibus uictoria acquiritur, & ob quę coronę pronunciantur. quę autem arbitror, nequaquam uideri superuacue dici, ne oratione à scopo aberrem, ea quoq; laudabo. arbitror igitur cunctos fateri, qui mente sunt præditi, institutionem disciplinarum, primum ex bonis nostris esse: non solum generosiores illam, & nostram, quę omnem sermonis fastum & contentionem despicit, solaq; salutis & rerum intellectuāliū continetur pulchritudine: sed & externā, quam

Christiani

Christiani plerique tanquam insidiatricem ac deceptricem, & quæ à deo segreget despiciunt, male sentientes. quemadmodum enim terra & cœlum, necnon aër, & similia, non ideo sunt contemnenda, quia quidam male his sunt abusi, pro deo ea quæ dei sunt uenerantes, Ita etiam quicquid utilitatis ex philosophia percipi potest, id omne ad uitæ usum fructificare debemus. ita tamen, ut periculum effugiamus, & nequaquam contra creatorem creaturam, iuxta insipientes, cōcitemus: sed ex opificio opificem deprehendamus, & sicut diuinus inquit Apostolus, omnem intellectū Christo captiuemus. quemadmodum igitur ignem, & cibum, ac ferrum, necnon alia per sese nec utilia aut noxia esse scimus, sed quemadmodum uidetur utentibus: quin ex reptilibus medicamenta etiam quædā theriacalia temperamus ad salutem: ita & in illis. siquidem indagationem & cōtemplationem suscipimus: quum autem ad dæmones & errorem perducit, necnon perditionis profundū, contemnimus. nam licet hæc nequaquam nobis ad pietatem profint, ex deteriori tamen id quod melius est seligimus, ac sermonem nostrum cum illo roboramus. haudquaquam igitur disciplinæ sunt uituperandæ, quemadmodum nonnullis uidetur. sed rudes & imperiti, & qui ita habent sunt negligēdi. uel lent enim omnes tales, quales ipsi sunt esse, quo in communi ignorantia latere & inscitia argumenta effugere possent. Cæterum postq̃ hæc pro confessis habentur, age de Basilio ipso cōsideremus. In prima itaq̃ ætate, à magno patre, quem cōmunem tum uirtutis præceptorem Pontus elegerat institutus est & formatus, formatione optima & purissima, quam diuinus Dauid recte diurnam uocat, quoniam nocturnæ opponitur. sub hoc igitur admirandus ille, tam uita quàm sermone auctus in utrisq̃ coaluit. nequaquam ob Thessalicum antrum, tanquam uirtutis officinam glorians, nec ob Centaurum quendam superbum, heroum præceptorem, nec quod lepores uenari, uel huiusmodi cursu superare, aut ceruos capere ab eo didicisset, siue ut in rebus bellicis fortissimus esset, aut optime equos domaret, eodem pullo & magistro utens, uel ceruorum & leonum medulla, à fabularum nutritur fictoribus: sed disciplinas didicit circulares, obiterq̃ pietatem exercuit. & ut breuiter dicam, ad futuram perfectionem, à disciplinarum perductus est principio. qui enim uel uitam solum recte instituunt, aut eloquentiæ tantummodo student, ita ut alterū omittant, nihil mihi à monoculis distare uidentur, quibus magnum est nocumētum, maior uero turpitudine, quum quempiam inspiciunt, seu inspiciunt. quibus uero contingit, ut in utrisq̃ excellent & sint idonei, n̄ illud etiam assequuntur, ut perfecti euadant, & cum beatitudine uiuant futura. Proinde & illud Basilio contigit, ut ad bene uiuendum domesticum uirtutis haberet exemplum, ad quod respiciens, cōfestim optimus euasit: quemadmodum pullos uidemus equinos, necnon uitulos, simul ut nati sunt matribus suis alludere: eodem modo & ipse equino quasi hinnitu, patrem circumfiliabat, nō multum summis uirtutis moribus inferior. aut si ma-

uis quemadmodum in adumbratione picturæ, ubi mox futura pulchritudo figuræ indicat, & ante diligentia tempus ea quæ diligentia sunt præsignant. Postquam autem abunde disciplinis illis instructus fuit, ipsumque nihil pulchri effugit, quum nec apibus cederet laboriosis, quæ ex cunctis floribus utilissima colligunt, ad Cæsariensem profectus est ciuitatē, quæ eo tempore disciplinarum florebat institutione. Splendentem illam dico, & nostram, quoniam & ipsa meorum sermonum ductrix est, & institutrix, ac non minus sermonum metropolis existit, quæ earum ciuitatum quæ illi subsunt, & super quas habet potestatem, quā si quis uirtute priuaret sermonum, illi etiā quod pulcherrimum habet, & peculiarissimum auferret. aliæ enim ciuitates, alijs exultant ornamentis, siue uetustis, aut nouis, secundum quod (ut arbitror) fabulis celebrantur, aut spectaculis. hanc autem sermones notam reddunt, perinde ac signa in armis, siue fabulis. reliqua uero non referant, qui uirum apud eos erudiebant, & institutione fruebantur. sed qualis fuit erga præceptores? qualisque erga coetaneos? hos quidem æquabat, illos autem omni doctrinæ genere superabat, ita ut paruo tempore apud omnes laudis gloriā referret, ac tam populo, quæ ciuitatis primoribus maiorem eruditionem, quæ ætatem, maioremque morum grauitatem, quæ eruditionem ostēderet. Rhetor inter rhetores, etiam ante thronos sophisticos. Philosophus inter philosophos, etiam ante dogmata philosophica, & quod maximū erat, sacerdos Christianus, & ante sacerdotium etiam, tantū illi in omnibus tribuebatur ab omnibus. eloquentiæ uero studium ei superuacaneum erat, ex eo tamen tantū decerpit, quantū illi ad philosophiā nostrā opus erat. quoniam & uis huius, ad intelligendorum demonstrationem est necessaria. siquidē mens, motus est ineffabilis torpentium: philosophia autem studium, & mundo perire, ac deo adiungi, ijs qui pro infernis superna cōmutant, instabilibusque ac fluxis, stabilia præferūt & manentia. Inde Byzantiū profectus est, ciuitatem orienti præsentem. ea enim sophistis & philosophis præcellebat clarissimis, quorum fortissima quæque ob naturā uersatilem & ingentem breui collegit tempore. Hinc ad sermonum parentem Athenas à deo mittit. Athenas inquā, quæ in disciplinis pulchrā habent insatiabilitatem, mihique aureæ sunt, & bonorum, ac si alicui alij hospites. hæ enim mihi uirum hunc cognitum reddidere, licet nec antea ignotum: quumque eloquentiam quærerem, felicitatem retuli: & licet per modum alium, idem tamen mihi euenit quod Saul. qui quum patris quæreretur asinos, regnum inuenit, dum præter opus destinatum, maius quid opere mercaretur. Sanè recte sermo noster hucusque cucurrit, & per uiam delatus est planā, ad modumque facilem & regiam, in laudibus uiri. dehinc uero ignoro, qualiter sermone utar, aut quò me conuertam. habet enim sermo contrariū quid nobis. desidero enim hic postquam in hunc incidi sermonem, ac tempus hoc nactus sum, aliquid à me ipso prædictis adiungere, ac parumper narrationi immorari: unde & quomodo, à qualique principio nostra inceperit amicitia,

aut

aut si magis proprie loqui oportet, conspiratio & coadunatio. nam & uisus haud facile à iucundis diuelli solet spectaculis: si uero uiolentia quadam abstractus fuerit, iterum illac refertur: quemadmodum sermo à narrationibus suauissimis. proinde licet magnitudinem timeam conatus, modeste tamen, & quantum possibile est uerba facere studebo. si uero alicubi ob nimum cogemur desiderium, affectui nostro parcendum erit, quum omnium affectuum sit iustissimus, ac passionibus haud affici, damnum censeatur, ab ijs qui præditi sunt mente. Habebant igitur nos Athenæ, perinde ac defluxum quandam fluuiatilem, ab uno patriæ fonte, in diuersas diuisos terras, rursusque in unum, tanquam ex præscripto dei motu conuenientes. ego autem paulo prius adueneram, illeque cōfestim post me multa & præclara spe exceptus. nam multorum celebrabatur linguis, prius etiā quàm ueniret, singulisque magnum erat, præoccupare eum cui studebant. uerum nil oberit, si sermoni narrationum quandam breuem, tanquam condimentum aliquod addamus, quo scientibus memoriam reficemus, ignorantibus autem doctrinam impertiamur. Athenis ex iuuenibus quàm plurimi, imò modestiores etiā, circa sophistam desipiunt. non ingenerosiores solum, & nomine obscuri, sed generosiores iam & clariores. non secusque ac multitudo inter se decertat, quum motibus præditi sint iuuenilibus, & haud facile cohiberi possint. ac ideo uidere est idem illis accidere, quod & equorum ac spectaculorum amatoribus, in cursu equorum aduersariorum. saltant enim, clamant, puluerem in cælum spargunt, in aurigas sedentes, aërem uerberant, equos digitis tanquam flagellis cum coniungentibus coniungunt. & quum nullius sint domini, facile inuicem concedunt, aurigas, equos, stationes equorum, præfectos. ac quinam sunt illi: ut plurimum indigentes ac pauperes, & qui nec tantum habent, ut uno sustineantur die. eodem modo & iij, in his admodum pro doctoribus suis conflictantur, & aduersariis indignantur: quo ipsi plures existant, ac doctores, quorum illi curam gerunt præcipuam, locupletiores reddant. quæ res admodum absurda est, pariter & infelix. præoccupantur enim ciuitates, uia, portus, montium summa, campi, nouissima quæque: nec quicquam est in tota Attica, aut in Græcia reliqua, quod non in partes cedat, cum incolis quàm plurimis, nam & hos studijs suis addictos habent. quum igitur quispiam in manus horum incidit exploratorum, quod uel ui accidit, uel uoluntarie, hæc lex illis est Attica, & ludus serio permixtus. primum enim hospitio excipitur à præoccupante aliquo, uel amico, aut cognato, siue patriæ eiusdem, aut ijs qui admodum in sophistica præcellunt & captionibus. idque præcipue in honorem fit eorum, quoniam & hæc illis merces est, ut studiosissimos adipiscantur. deinde nugis agitur, ab omni uolente. hæc ut arbitror ideo faciunt, quo fastum eorum, qui nuper aduenerunt contendant, & sub initium eos sibi morigeros reddant. alij igitur nugantur proteruius, alij uero rationabilius, secundum quod plus ciuiles sunt aut agrestes. & res quidem illa ignoratibus timorem incutit, & immitis

uidetur. at præscientibus admodum suavis & humana. maior enim ostentatio est. quàm opus rerum de quibus concertatur. Deinde per forum ducitur cum pompa. quæ talis est: ij qui adolescentis ad balneum sunt præcursores, seipsos in ordinem redigunt, secundum cognationes seriatim, quum uero appropinquant, multo utuntur clamore, saltantq; tanquam insaniæntes: iubet autem uox illa, eos non ultra progredi, sed consistere tanquam balneum eos minime capere uelit, simulq; portas calcibus pulsant, strepitu iuuenem perterrentes: deinde ingressum concedentes, ita iam libertatem præstant. ac ex balneo honore æqualem, & tanquã unum ex eis suscipiunt. hocq; eis ex ludicro illo iucundissimum est, ut quàm celerrime ea quæ perturbant reconcilientur & dissoluantur. Ego igitur tum meum ac magnum Basilium, non solum ob reuerentiam haud deduxi, quum eum uiderem moribus constantiorem esse, & sermonibus plus idoneum: sed & alijs qui iuuenem illũ haud cognoscebant, persuasi, ut idem facerent. siquidem à multis confestim habitus est uenerabilis, auditu præcognitus. Vnde accidit, ut solus ferè ex aduenis, legem illã effugerit, dignior uisus honore hoc iuuenili. & illud amicitia nostræ fuit præludium, hinc cõsortij nostri scintilla, sic inuicem fuimus sauciati. Inde tale quid euenit, nam nec hoc nobis est prætereundum. Armenios nequaquã simplex hominum genus esse inuenio, sed admodum uasrum, & scopulis ferarum simile marinis: ex quibus multi eum conueniebant familiares, & sodales quidam, etiam ob amicitiam pristinam & paternam. siquidem in eodem ludio uersati fuerant literario. accedebant igitur cum amicitia fictione, sed inuidia, & nequaquam beniuolentia eos instigabat. Interrogabantq; eum contentiose potius quàm rationabiliter, ac illum per primum conatũ sibi subijcere quærebant, superiorem uiri laudem cognoscentes, præsentem uero honorem minime ferentes, moleste enim ferebant, quum iam pridem philosophicam ac tritam sumpsissent uestem, molliterq; susurrare didicissent, si nõ plus hospite haberent ac iuvene. Ego autem nimius Athenarũ amator, & uanus (ignorabam enim, quod hæc ob inuidiã fierent, sed fictioni credebã) quum iam aures demitterent, ac tergum uerterent (indigne enim ferebam Athenarum gloriam in illis dissolui, & adeo cito contemni) iuuenibus opem tũli. sermonem enim instaurauĩ, & illis à me ipso robur præstiti. siquidẽ parua quædam additio, omnia potest in talibus, ita ut in pugna simili, æqualia sermoni capita constituat. uerum postquàm cognoui, quid sub disputatione illa lateret, neq; enim iam tolerabilis erat, sed palàm se denudabat, confestim immutatus fui, ac pupim cohibui, illiq; adstiti, & uictoriam in alteram partem inclinare feci. at ille cõfestim ob rem hæc gauisus est, sagax enim erat, ac si quis alius, alacritateq; repletus, ut planè Homericis uerbis eum describã, sermone igitur generosos illos exagitabat, syllogismisq; uerberans, nõ prius dimisit quàm manifeste in fugã uertisset, ac planè uires eorũ fregisset. hoc nobis amicitia secundæ, nõ iam scintilla erat, sed ignis accensus splendens & manifestus

festius. illi igitur re discessere infecta, multum seiplos ob temeritatem incusantes, multumq; mihi ob insidias indignantes, tanquam ex professo illis inimicitias indixissem, quas etiam prodicionem uocabant, non eorum solum, sed & Athenarum ipsarum. ac ita illi in tentatione prima succubere, & adco ab uno confusi sunt uiro, ut nec amplius in futurū spem conciperent meliorem. at ille (siquidem humanus est affectus, quū magna sperātes, expeditiq; speratis occurrimus, uidemus autem apparentia longe opinione nostra esse inferiora) tristabatur, affligebatur, nec habebat cur se ob peregrinationē suam laudaret, querensq; quod sperauerat, Athenas, felicitatem uocabat inanem, & hic in illis erat, ego uero plurimum tristitię ei ademi. nam ratione occurri, considerationibusq; uirum delinui. & quod uere ita se habebat, dicebam, nequaquam hominum mores confestim, sed tempore longo, & consuetudine perfectiore, deprehendi, nec disciplinas à scrutantibus breuī cognosci posse. his uerbis lātitiā ei reduxi, experimentumq; dedi, & accepi, ac plus illū mihi colligauī. quum uero tempore procedenti desiderium inter nos confitere mur, ac philosophiā esse cui studebamus, tum omnia iam inter nos eramus. eadem enim domo ac mensa utebamur, contubernales, unanimes idem sentientes, semper inter nos desiderium feruentius & firmitus augētes. qui enim corpora amant, quoniā fluxa sunt, instar uernis diffluunt floribus. quin nec flamma permanet, quum materia est consumpta, sed cum illa accendente euanescit. ita nec desiderium subsistit, quum marcet feruor. modesti uero, & qui secundum deum uiuunt, postquā rei sunt firmioris, ideo etiam stabiliores existunt. ac quantum pulchritudo plus ab eis imaginatione deprehenditur, tanto illos magis sibi ipsi, & amatores eorum inuicem colligat. & hæc de nobis lex est amoris. Proinde scio, quod tēporis & mensuræ terminos transgredior, & ignoro quomodo in has incidam considerationes. non tamen habeo quomodo me à narratione contineā. nam semper id quod mihi in mentem uenit, necessarium uidetur, ac melius quā quod est obmissum. quod si me quis uiolenter inde abstraxerit, idem mihi quod polypodi accidet. illi enim, quum quis eos ex cauernis suis extrahere nititur, adeo fixe saxorū adhærent concauitatibus, ut nequaquam inde auelli queant, nisi quid secū uiolenter abstrahant, aut ipsi relinquant. Si igitur quispiam permittet, habeo quod quæro. sin minus, à me ipso reprehendar. Quū igitur ita inter nos ageremus, ac in bene murato thalamo aureas fundaremus statuas, quemadmodum Pindarus ait, ita quoq; ad ulteriora sumus progressi, deo pariter & desiderio nostro cooperatoribus utentes. ó quomodo sine lachrymis, harum rerum memoriā refricare possum? spe enim ducebamur pari, in re inuidia plena, sermonum nempe. Verum inuidia aberat, æmulatio autem urgebat, certamenq; ambobus erat, non uter è nobis primas ferret partes, sed ut illas amico concederet. nam ut inuicem excelleremus proprium feceramus. una enim ambobus anima esse uidebatur, duobus corporibus inclusa. proinde

et si non facile credendum sit dicentibus, omnia sibi cum omnibus conuenire, nobis tamen credendum est, tanquam ijs quibus inuicem, & inter nos recte conueniebat, eratque ambobus opus unum, uirtus, & ut ad spes uiueremus futuras, priusquam abscederemus hinc, quum sciremus plane nos aliquando emigraturos. ad quod respicientes, ac omnem uitam & actionem nostram dirigentes, ita deducebamur a mandato, uirtutemque inter nos acuebamus. & nisi mihi hoc dictum nimis sit magnū, libra inuicem eramus, in qua expenditur id quod rectum est ac obliquum. Conuersabamur autem cum amicis nequaquam improbis, sed modestissimis, neque cum pugnacissimis, sed cum pacificis, & cum quibus uersari conduceret, facilius esse scientes, malitia aliorum inquinari, quam alijs uirtutem impertiri, nam & morbo citius quis inficitur, quam sanitatem conferre possit. Disciplinis uero non tam iucundissimis, quam pulcherrimis gaudebamus. siquidem hinc iuuenes ad uirtutem uel uitia formari contingit, porro duae nobis uiae cognitae erant, una prior & uenerabilior, alia autem secundaria & nequaquam dignitate cum priori conferenda, prima nos ad domos sacras, & doctores qui illic agebant ducebat, secunda autem ad magistros externos, reliquas uolentibus reliquimus, Festiuitates, theatra, panegyres, conuiuia, nihil enim honorabile censeo, quod non perducit ad uirtutem, neque meliores facit eos qui illi student, alijs igitur aliae quaedam sint nomenclaturae, uel a maioribus aut familijs deductae, siue ab institutis proprijs, aut egregie gestis, nobis uero res erat magna, ac nomen inges, ut Christiani essemus, & censeremur, quo magis exultabamus, quam Giges ille anulo (etiam si haud fabula esset) cuius ope Lydorum assequutus regnum, aut Midas olim auro, cuius gratia etiam perijt, quum uoti compos effectus esset, & nil nisi aurum possideret, alia haec fabula phrygia. nam quid de Abaridis Hyperborei dicerem sagitta? aut de pegaso Argiuo? quibus haud tantum per aërem ferri poterant, quantum nos mutuo, ac inter nos ad deum eleuabamur, dicam quid succinctius. Athenae quum alijs, quantum pertinet ad animam, nociuae essent, quemadmodum non male a prijs censetur hominibus: idola enim ibi praeter reliqua Graecia, mala abundant abundantia, difficileque est, horum laudatoribus ac patronis non arripi: nobis uero nullum ab ijs accidit damnum, qui mente iam eramus stabiliti & muniti, immo si contrarium, & mirum quid dici debet, hinc ad fidem confirmabamur, quum deceptiones eorum & imposturas perdiceremus, unde daemones contemnebamus, & nequaquam admirabamur. Proinde si fluuius est quispiam, aut esse creditur, qui per mare dulcis fluit, aut animal quod in igne qui cuncta absumit circumuolat, hoc nos inter cunctos eramus coetaneos, & hoc pulcherrimum erat, quod sodalicium quoddam non ingenerosum circa nos erat, duce illo instructum, ac deductum, quod plane gaudebat eisdem, quoniam & pedestres iuxta currum currebamus Lydium, eo cursu & modo, ex quibus nobis contigit, ut clari apud condiscipulos

los nostros haberemur ac sodales, clarique apud Græciam uniuersam, præcipue uero apud notissimos. sed & ultra terminos iam progressi fueramus, quemadmodum manifestum factum est à pluribus, qui hæc narrarunt, tantum enim præceptores nostri præcellebant, quantum & Athenæ, nos uero tantum quantum præceptores, inuicem nos audientes, & inter nos colloquentes. amicorum par eramus non incelebre, ita ut nec apud eos tale quid audirent Orestæ, & Pilades, neque Molionidæ, Homerici libri miraculum, quos calamitatum cognatio notos reddidit, & quod pulchre currum agitare scirent, partem inde fumentes legitimam unde etiam uerbera. Cæterum mei oblitus uideor, dum in meas prouehor laudes, quod quidem nec ab alio admitterem unquam: sed nil mirum, sic enim amicitia illius aliquatim perfrui licuit, dum sic uiuit cum uirtute, ut illi cesserit in laudem. nunc uero sermo nobis rursus ad metam reducatur. Quis nobis adeo canus intellectu fuit, ante caniciem etiam? sic enim à Salomone senectus definitur. Quis etiam tam uenerabilis tam senibus quàm iunioribus? non solum qui eo uixerunt tempore, sed qui etiam præcesserunt. Quis minus indigebat sermone propter mores? Quis magis compos fuit orationis, idque cum moribus? Quod nam doctrinæ genus non est perscrutatus? seu potius, quodnam haud cum excellentia? idque tanquam solum. ita enim in cunctis est uersatus, quemadmodum nemo unquam in uno. ita etiam exacte singula calluit, tanquam alia ignoraret, diligentia enim cum ingenio concurrebat, ex quibus scientiæ & artes uires suas habent, naturæ enim celeritate minime propter ingenij indigebat acumen, minimeque acumine propter uelocitatem, ita autem utraque colligebat, & in unum deducebat, ut incertum foret, quonam ex illis admirabilior esset. Quis adeo Rhetoricam pernoctauit? impetum spirantem ignis, tametsi mores eius longe à Rhetoribus essent alieni. Quis ita in grammatica excelluit? quæ linguam exornat, historias colligit, metris imperat, legemque fert poematibus. Quis ita philosophia inclaruit? sublimi illa & sursum ascendente, tam actiua quàm contemplatiua: ac ea quoque quæ circa rationales uersatur demonstrationes, quæ contrapositiones habet, & exercitia, quam & dialecticam uocant, ita ut facilius esset è labyrinthis euadere, quàm illius sermonum retia effugere, si ita foret necesse. De Astronomia autem, & Geometria, necnon numerorum proprietate tantum sumpsit, ut non inquinaretur illorum argutijs: superuacuum uero contempsit, tanquàm pie uolentibus uiuere, inutile foret, ita ut electio magis, quàm appositum admiranda esset, seu potius appositum electione. Sanè medicandi artem & corporis ægritudo, ac infirmitas assidua, quum philosophiæ & laboris sit fructus, necessariam sibi fecit, hinc enim incipiens, in habitum peruenit artis, & huius, non quemadmodum se circa apparentia habet & inferna, sed quantum circa dogmatica & philosophica. Ceterum qualia

sunt hæc: licet talia existant, si cum uiri doctrina, quam in moribus habuit fuerint comparata. nugæ profecto erunt cum gestis eius collati, Minos ille & Rhadamantus, quos Græci Asphodili pratis, & campis censuere dignos Elisijs, quum in opinionem, quemadmodum & nos paradisi deuenissent, ex libris, ut arbitror, Mosaicis, ac nostris, licet nomenclatura aberrarunt, alijs nominibus paradisum ostendentes. Proinde & sic se illa habebāt. eratq; nauis doctrinæ plena, quatenus natura pertingere potest humana, ultra enim transiri nequit. reliquum erat ut de reditu ac uita cogitarem perfectiori, acciperemusq; sperata, & ea propter quæ conueneramus. Iamq; dies aderat regressionis, & parata erant quæ ad peregrinationem pertinebant. sermones ualedicentes, præmissiones, reuocationes, gemitus, amplexus, lachrymæ, nil enim adeo triste est ubique, quàm quum contubernales ab Athenis & seipsis diuelluntur. factum igitur tum est spectaculum miserabile, & historia dignum. circumstabat nos amicorum & coetaneorum chorus, sed & præceptores nonnulli aderant, qui nos nequaquam dimittendos esse dicebant, rogantes, cogentes, persuadentes, & quid non dicentes? quid ue non facientes? quemadmodum par est dolentes. Cæterum quid hic accussem, num me ipsum? aut diuinam illam & incomprehensibilem animam, siue audaciam ipsam. ille enim causam de regressione depromens, superior uisus est contentione, ac ui etiam detinentium, ideoq; illi permissus est reditus. Ego uero Athenis derelictus sum partim languens, partim autem (nam uerum dicatur) proditus ab illo persuadente, ut dimitterem non dimittentem, cederemque trahentibus. res priusquàm fieret nequaquam credenda. siquidem facta est incisio corporis unius, in partes duas, & mortificatio amborum, aut uitulorum collactaneorum & coniugalium separatio, flebiliter inter se mugientium, & haud ferentium disunctionem. mea tamen longior erat mulcta. non enim diutius sustinere poteram, ut uiderer miserandus, ac omnibus rationem separationis redderem, sed cum tempore haud longo Athenis mansissem, desiderium, Homericum me fecit equum: uincula enim quæ me retinebant abrui, ac per campum lasciuiens ad contubernalem me contuli. Postquàm autem regressi sumus, parumper mundo, & scenæ gratificati sumus, quo desiderio satisfaceremus multorum. quum enim nequaquam theatrice haberemus seu ostentabunde, celerrime nostræ facti sumus potestatis, & inter uiros censi sumus, uiriliter adiumento philosophiæ proficientes. non amplius iam unà, id enim inuidia haud permisit, desiderio tamen unà conuersati sumus. hunc enim Cæsariensis continebat ciuitas, tanquam secundum quendam conditorem & ciuitatis gubernatorem: deinde peregrinationes quædam necessariae, postquàm nos haud habebat, illum exceperere, nec à philosophiæ instituto alienæ. me uero parentum pietas, & senectutis horum cura, necnon calamitatum aduersitas à uiro abduxit, forsitan minus bene aut iuste, abduxit tamen. Cogito autem

autem, nūm omnis mihi inde uitæ inæqualitas & difficūltas acciderit, & ad philosophiā impedimentum, nequaquam desiderio aut proposito dignum. Caterum nostra quocunque deo placuerit ferantur, ferentur autem intercessionibus illius melius: hunc autem multiplex dei clementia, & circa genus nostrum dispensatio, per multa media notum faciens, semperq̃ clariorem ostēdens, ecclesiæ illustri facem præposuit splendentem, celebremq̃ illum ad sacros presbyterij thronos elegit, & per unam ciuitatem Cæsariensem, orbī succendit uniuerso. & quonam modo? nequaquam festinanter ad gradus perduxit, neq̃ per obrectationes & fraudes more multorū, qui nūc præsidencias concupiscunt, sed ordine, & lege ascensionis spiritalis honorem adauxit. Sanè nequaquam rerum & ordinis apud nos laudo confusionem, quum aliquādo peruerse à quibusdam præsidetur in gradibus, siquidē non omnes accusare audeo, neq̃ uisum est: obiter tamē legem laudo nautarum, quæ prius gubernatori remū in manus dat, indeq̃ in proram deducit, & ulteriora concredit, itaq̃ tandem super gubernacula, cū multa maris experientia, & uentorum statuit cognitione. Pariter & in rebus fieri solet bellicis, miles sub initium quis efficitur, deinde ordines regit, tandem etiam in ducem euadit. siquidem ordo ipse optimus est incipientibus pariter & utilissimus. res uero nostræ multum dignæ essent, si ita se haberent. nunc autem sanctissimus apud nos periclitatur ordo, ne præ rebus cunctis sit ridiculosissimus. non enim ex uirtute magis quàm malitia oriū præsidencia, neq̃ digniorum, sed potentiorū sunt throni. Samuel inter prophetas futura præuidens, sed & Saul abiectus. Roboam Salomonis inter reges, quin & Hieroboam feruus & desertor. at nec medicus aut pictor ullus est, qui nō prius ægotantium cōsiderat naturas, aut colores temperat multos, & deliniat figuras. Cathedra uero, etiam sine ullo acquiritur labore, non secus ac cum fabulæ gigantes fingunt. unius diei sanctos facimus, ac sapientes esse iubemus, eos qui nulla præditi sunt sapientia, & qui nil ad gradum, præterquàm uelle afferunt. & hic quidem inferiorem amat locum, & humilis consistit, quum dignus sit sublimi, ac multum in literis exercitatus diuinis, multumq̃ carnem ad spiritus domauerit subiectionem. alius uero sedet arrogans, superciliaq̃ tollit contra meliores, nec tremit ob thronos, minus horret aspectum, modeste deorsum aspiciens: sed longe se uiribus suis, & seipso meliorem esse censet, male sentiens, ac sapientiam à potestate desumens. uerum non ita magnus ac celebr Basilius, sed quemadmodum in cunctis reliquis, ita & circa decus illud multis exemplar est factus. subinitium enim sacros populo legit libros, horumq̃ enarrator fuit, nec ordinem hunc gradus dedignatus est: sic in cathedra presbyterorū, sic in episcoporū laudauit dominū, nequaquā potestatem suffurans aut rapiens: neq̃ honorem insecutus est, sed honor secutus est eū. nec gratiā humanam, sed diuinā, & à deo suscepit. Proinde sermo de præsidendo aliquantisper inhibeatur, de subiectione uero parumper intendatur.

datur. decet enim ut & hoc breuiter percurramus, quū in medio dicēdorum sit constitutum. conflatum est uiro dissidium cum duce quodam ecclesiæ. unde autem & quomodo, satius est tacere, præterquam quod incidit cum homine in alijs non ingeneroso, ac pietate admirando. quemadmodum ostendit persecutio, & causa contra ipsam acta. attamen humanum quid contra illum est perpessus. Inuidia enim nō solum multos, sed & optimos tangit, ita ut solum dei sit penitus ab illa purū & inexpugnabilem esse. cōmouit igitur contra eum quicquid eximiū & prudentius erat, si saltem præ multis sapientiores sunt, qui seipsos ornatū secernunt, ac deo uitā consecrant. de Nazareis nostris loquor, & ijs qui plurimū rebus illis studium impendunt. ij enim moleste ferebant, si potentiam suam iniuria affectam & eneruatā negligenter. rem itaq; ausi sunt periculosissimam. defectionem enim moliti sunt, & expulsionem magni, & ab omni seditione corporis ecclesiæ alieni. sed nec paruam populi partem absciderunt, tam ex humilioribus q̃ dignioribus, quod quidem facile ob tres fortissimas erat causas. erat em̃ uir ille uenerabilis, & num alius ex philosophis nostris talis ignoro, satisq; sibi cōfidebat, ut quæ uellet congregationi etiam præstaret. Ciuitas uero quia illum iniuria affecerat, suspectum habebat, ob tumultum ordinis, tanquam nō legitime neq; canonice, sed potius tyrannice præminentiam suscepisset. aderant & ex occidentali- bus episcopis quidam, qui ecclesias quotquot essent orthodoxæ ad se pertrahabant. quid igit fecit generosus ille, & pacifici Christi discipulus? non enim potis erat, ut ijs qui eum iniuria afficiebant reluctaretur, necnon alijs qui fauore præcellebant, neq; cōtra illos pugnare, aut ecclesiæ corpus dilacerare uolebat. præcipue quum & alias oppugnaretur, & in magno ob hæreticorum potentiam uersaretur discrimine: simul & consultore nobis in hac re usus, ad hortatoreq; fideli, exul hinc nobiscum in pontū secessit, & monasterijs quæ ibi sunt præfuit, quæ ipse admodum digne moderabatur, solitudinemq; cum Helia & Ioanne, qui admodum philosophi fuerunt mire amplectebatur: satius hoc sibi esse ducens, quàm de præsentibus aliquid cogitare, quod philosophia eius foret indignum, & ut in tempestate gubernationem disperderet rationis, debitam trāquillitati. Proinde licet secessus ille adeo philosophicus fuisset & admirandus, meliorem tamen & admirabiliorem inuenimus reditum. ita enim res se habebat, quum in ijs uersaremur, insurrexit repente nebula grandine plena, & pernicies calamitosa, quæ omnem cōtriuit ecclesiam & discerpit, quā rex accepit, Christi cultor, pariter & Christi osor, qui & in his duobus maximis ægrotabat, insatiabilitate, & blasphemia. qui post persecutorem persecutor fuit, & post desertorem, nō desertor quidem, sed nil melius Christianis, seu potius Christianorum parti pñssimo, purissimoq; trinitatis adoratori, quā ego solam pietatem uoco & opinionem salutarem. siquidem nequaquā deitatem expendimus, neq; unicam & inaccessibilem diuinitatē à seipsa exulem facimus, ex generibus alienationem, neq; malum malo curamus

Valens Imperator

mus, impiā Sabellij contractionem diuisione longe impiore & incisione dissoluentes. qua Arius cognomine insanus egrotans, ualde corripit ecclesiam, qui nec patrē honorauit, ignominia uero affecit ea quæ ex illo sunt propter deitatis gradus inæquales. nos uero unam patris gloriam agnoscimus unigeniti honoris æqualitatem: unicā & filiū, quæ & spiritus existit. ac quicquid ex tribus deorsum ponimus, totū subuertere censemus: tria quidē proprietatibus, unū uero diuinitate uenerantes & agnoscentes: ex quibus nullū ille cognoscēs, neq; sursum aspicere ualens, sed a seducētibus humiliatus, ausus est *Valens* & deitatis naturā secum humiliare, fitq; conditura mala, dominationē perducens in seruitutem, ac naturam inconditam, & omne tempus excedentem cum conditura statuit. & ille quidem ita sapiebat, ac cum tali impietate cōtra nos bellum gerebat. quod quidē nil aliud quā barbarica credenda est incursio, quæ non muros seu ciuitates aut domos euertit, nec parua quædā & manufacta, ac quæ iterum restaurari possent, sed quæ animas ipsas distraheret. Irrupit & cum eo exercitus illo dignus, mali nempe ecclesiarum duces, tetrarchæ amarulenti, orbis qui sub ipso erat, illi siquidem ex ecclesijs iam quædam habebant, alia autem inuadebant, nonnulla uero regis sperabant auxilio & manu. quum illud immineret, hæc autem minaretur. aduenere igitur ut & nostram subigerent ecclesiam, nullæ rei ex omnibus adeo confidentes, quā pusillanimitati prædictorum, & inexperientiæ, quæ nos tum inuaserat, necnon morbo qui tum inter nos pullulabat. certamen igitur magnum erat, promptitudoq; multorum non ingenerosa: uerum ordo debilis, quum non haberet præcertantem & propugnatorem artificiosum, in potentia sermonis & spiritus. quid igitur fecit anima illa generosa, & magnanima, ac Christi cultrix? non multis indigebat uerbis ut adesset, & unā pugnaret: sed quā primum nos uidit legati officio fungentes, certamen enim commune erat utrisque, tanquam uerbi propugnatoribus, legatione est deuictus, secumq; ea decreuit quæ optima forent, & perquā philosophica considerationibus spiritualibus: aliud quidem pusillanimitatis tempus esse, si ita perpeti necesse foret, securitatis nempe: aliud autem longanimitatis, necessitatis scilicet, confestim nobiscum è ponto migravit, ob ueritatemq; periculo obnoxiam æmulatione correptus, socius fit spontaneus, seipsumq; offerens matri reddidit ecclesiæ. sed nunquid ita se negotio ingessit, ut minus digne promptitudine sua decertaret? aut nunquid uiriliter pugnavit, sed non assidue? uel erudite, & citra periculum? aut potius cuncta hæc perfecte, & plus quā dici possit? uel nunquid relictæ fuere in eo pusillanimitatis reliquiæ? nequaquam, sed cuncta pariter reconciliauit, consuluit, ordinauit, & quæ in medio erant scandala & offendicula dissoluit. ea quoque quibus illi confidentes contra nos monstrose inducebant, partim suscipiebat, partim retinebat, nonnulla uero penitus repellebat: factusq; est his quidem murus fortis & uallum, alijs autem securis quæ incideret petras, aut ignis in spinis, quemad-

De seipso
loquitur

quemadmodum diuina inquit scriptura. facile consumens sarmenta, & deita-
tis uiolatores. quod si quid & Barnabas, qui hæc dicit & scribit, unà cū Pau-
lo concertauit, Paulo sint gratiæ, qui illum elegit, & cooperatorem fecit certa-
minis. hi igitur infecto negotio ita discessere, mali male tum primum pude-
facti & deuiæti, discentes minime ex cūctis hominibus Cappadoces esse con-
temnendos, quibus nihil tam proprium est quàm fides inconcussa, necnon
erga trinitatem confidentia germana, à qua ipsi uires unà cū laude adsunt,
quæ succurrunt succurrentibus, seu potius longe meliora sunt & fortiora. Pro-
inde secundum opus & studium erat, ut placaret præsentem, ac suspicio-
nem dissolueret, omnibusq; persuaderet hominibus, quod ea ob quæ fuisset
afflictus tentationes fuissent maligni, ac deceptio per quam concordia inui-
dere solet bono. ipse autem quū iam sub lege esset obedientiæ, ac ordine spi-
ritali, ubiq; aderat, sapientiam docebat, obediēbat, admonebat, omniaq; illi
erat, consultor bonus, socius dexter, rerum diuinarum enarrator, agendarum
præceptor, senectutis baculum, fidei sustentaculum, in interioribus fidelissi-
mus, in exterioribus agilissimus. & ut uno dicam uerbo, talis erga illum erat
beniuolentia, qualis prius ad inimicitias procliuis fuisse putabatur. hinc ipsi
robur suppetebat ecclesiæ, tametsi secundas partes haberet cathedræ. quum
enim beniuolentiam afferret, potestatem reiiciebat, eratq; inter eos concor-
dia admiranda, & nexus potestatis. hic enim populum ducebat, ille uero du-
centem, eratq; tanquam curator leonis, arte mansuefaciens ferocientem: ita
enim necesse erat, quum nuper in cathedram constitutus fuisset, & adhuc ali-
quid mundanæ materiæ spiraret. quum igitur sic composuisset spiritalia, ac
multæ ingruissent tempestates, necnon ecclesiæ hostes, dum ipse eam manu-
duceret, illiq; prouideret, ideo etiam confederationem dilexit, & domināte
illo ipse dominari sustinuit. Cæterum de cura & præfectura ecclesiæ, multa
alia uiri sunt indicia. loquendi libertas erga principes, tam alios quàm ciuita-
tis potentissimos, discordiarum solutiones non suspectæ, sed ab illius uoce si-
gnatæ, quum mores pro lege essent: indigentium subsidia, plura quidē spi-
ritalia, non pauca autem corporalia: sæpius enim hominem ad animum reuo-
cat, quum beniuole inseruitur: pauperum sustentatio, hospitum receptio: uir-
ginum congregatio, monachorū institutio, tam scripta quàm ore tenus pro-
lata: precum ordinationes, gradus exornatio, necnon alia quibus uere homo
dei, & cum deo constitutus, populum iuuare potest. Vnū autem maximum
fuit & notissimum. fames accidit grauissima, talisq; qualem nemo unquam
euenisse recordabatur. laborabat igitur ciuitas, auxilium uero erat nullū, nec
mali remedium. uerum loca maritima indigentiam talem non admodū gra-
uiter ferūt. quia mare illis necessaria suppeditat, à nobis uero mediterraneis,
quod superest uendi, & quod deest comparari nequit. Vnde non habemus
quomodo disponamus ea quæ nobis supersunt, uel nō sunt. & quod grauissi-
mum est in talibus, omnis habentium abest cōpassio, planeq; superat insa-
tiabilitas

tiabilitas. obseruant enim tempus. & ut penuriam inducant negociantur. calamitatesq; pro agricultura exercent. nō enim audiunt ut domino scēnerentur. qui miseretur pauperum, nec quod frumentū suppressum populi sit execratio: neq; aliud quid quod promissum est humanioribus, aut inhumanioribus cōminatum. sed magis insatiabiles sunt quā oportet, ac male sapiūt, quoniam populo sua, sibi uero dei claudunt uiscera, ignorantes quod magis illo indigent, quā ipsorum aliī. & hæc faciunt frumentatores, & tritici negociatores, nec cognatos uenerantes, neq; erga deum grati, à quo ipsi habent quum aliī premuntur. Cæterum Basilius, quum haudquaquam panem per pluuiam precibus è cœlo elicere posset, ac populū fugientem pascere in deserto, nec uasa implere uacua oleo, omni carente sumptu, quod perquā mirandum erat, quo aleret alentem, in retributionem hospitalitatis, neq; panibus quinq; tot milia conuiuio excipere, quorum reliquię multis alijs mensis satisfacere potuissent. talia enim Moſis erant & Helix, necnon dei mei, à quo & illi habebant ut talia facere possent. fortassis autem & temporum illorum status eiusmodi erant, quoniā signa incredulorum, & nequaquam credentium gratia fiunt. cæterum quæ his sunt similia ac pariter illac tendunt, cum eadem cogitauit & perfecit fide. siquidem uerbis tantum, ditiorum aperuit horrea, persuasionibusq; scripturæ illud perfecit, Frange esurientibus cibum, & pascere inopes panibus. & enutriuīt eos in fame, animasq; esurientes impleuit bonis. & quonā modo? id enim non parua est additio. omnes qui fame laborabant congregauit, ex ijsq; nonnullos qui uix spirabant, uiros & mulieres, iuuenes & senes, omnem ætatem miserandam, sed & omnis generis cibaria, quæ famis tempore succurrere poterant, collegit, proposuitq; ollas fabis plenas, obsoniaq; salsa, quibus apud nos sustentantur inopes. Inde Christi instar illis ministrauit, qui & lintheo accinctus non dedignatus est discipulorum pedes lauare. quumq; in hac re filiorum suorum siue conseruorum opera usus fuisset, pauperum pauit corpora, pauit & animas, cōnectens necessitati honorem quoq; facilioresq; utrinq; reddidit. talis nobis erat nouus frumenti distributor, ac Ioseph secundus, excepto quod aliquid plus dicere habemus. hic enim interueniente fame negociabatur, Aegyptumq; emit humanitate, abundantiaē tempus in famis reponens tempus, & ad aliorum somnia propterea ordinatus. at ille gratis bonus erat, & frumenti inempti sine lucro distributor, ad unum hoc respiciens, ut humanitatem acquireret humanitate, & propter hanc frumenti distributionem, bona quæ illic sunt assequeretur. hæc cum uerbi cibo, ac cum beneficio perfectiori, & impertitione sublimiori quā sit humana: si saltem uerbum panis est angelorū, quo animæ cibantur, & potu reficiuntur, quæ deum esuriunt ac cibū quærunt nequaquam fluxum aut euanidum, sed qui permanet semper: cuius distributor ille erat & ualde diues, licet pauperrimus esset, & admodū indigus, omnium quos nouimus, nec famem panis, nec sitim aquæ magni censens, sed deside-

rium uerbi uere uiuificatiui & nutritiui, & quod recte nūtrientē ad augmen-
tum perducit ætatis spiritalis. Inde & ob hæc, quid enim in cunctis recensen-
dis immorari oportet: quū is qui pietatis nomen ferebat transisset, ac suauiter
in manibus illius spiritum efflasset, super excelsum Episcopæ sublatuſ est
thronū, nō tamen sine labore, inuidia, & decertatione eorū qui patriæ præsi-
debāt, cū quibus & pessimi quiq; conspirabant. uerū necesse erat ut spiritus
uinceret sanctus, qui & egregie uicit. siquidem uiros cōcitauit extraneos, pie-
tate insignes & zelotes, inter quos & nouum Abrahā ac patriarchā nostrū,
patrē nempe meū, cui & res quādā accidit miraculi plena. siquidē nō solum
ob annorū deficiebat multitudinē, sed infirmitate etiā affligebat graui, ac ul-
timum trahebat spiritū. Viam tamen ingredi est ausus, quo suffragio suo illi
subueniret. spiritui igit cōfusus, ut breuiter dicā, semimortuus in lecticā tanq̃
sepulchrū positus est, ualidus uero & quasi iuuenis rediit, sursum aspiciēs, sa-
nus, ē manu & unctione, & ne multis dicā, ē capite uncti. hoc priscis addatur
narrationibus, quod labor sanitatē cōfert, & promptitudo suscitāt mortuos,
saltatq; senectus spiritui cōfidens. ita aut Basilius præſidentia dignus est ha-
bitus, ut ijs qui tales euadunt, talemq; gratiā cōsequunt, ac ita eligi debēt, ne
quaq; dedecori esset, siue in ijs quæ ad philosophiā eius, seu credētium spes
pertinerent: sed semper tantū semetipsum superabat, quantū antea alios su-
perare ostenderat, optime & sapiētissime de his sentiens. siquidē uirtutē ho-
minis priuati esse censebat, ne malus foret, aut saltē aliquāliter bonus: princi-
pis uero seu præſulis improbitatē, ac præcipue in principatu tali, si nō multū
inter multos excelleret, nec semp̃ melior appareret, neq; uirtutē dignitati &
throno cōmensuratā redderet. uix enim summi esse, ut mediū assequi, ac uir-
tutis abundantia multos ad mediocritatē perducere posset. seu potius ut ali-
quantulū melius de his philosophet, illud idē hic accidisse cōsidero, quod in
saluatore nostro cōtemplor, & ut arbitror ex sapiētioribus quisq;, quū nobis-
cū uersaret, ac formā nostrā pro nobis assumpsisset, ille enim proficiebat, in-
quit, quemadmodū ætate, ita etiā sapientia & gratia. nō quod incrementum
aliquod susciperet, quid em̃ ex perfectis à principio perfectius fuit: sed quia
hæc paulatim detegebant, & apparebāt: pariter quoq; uiri huius uirtutē ne
quaq; tum additionē, sed operationē maiore accipiendā esse arbitror, quum
potestas maiori uteret materia. Primū igit omnibus hoc manifestū fecit, q̃
opus eius nequaq; gratiæ esset humanæ, sed donū à deo datum, quod & res
nostre ostendunt, qualia enim mihi de tēporibus illis philosophāti, unā phi-
losophatus est: quū enim me omnes aliq;, ad illū episcopū creatum accursurū
putarent, & cōgratulatorum, quod alius forsitan fecisset, ac unā principatum
administraturū & regnaturū, cōiecturā ab amicitia nostra sumentes, postq;
molestiā declinaui, quod quidē in omnibus præ alijs facere soleo, simul & tē-
poris inuidiā, necnon & eos qui electionē illius moleste ferebāt, & adhuc tur-
bati erāt, domi remansi, ac animi refrenaui affectū. Inculcauit hoc ille sub ini-
tium

tium, deinde perseveranti mihi pepercit, quod uero cathedræ huius honorē, ob eandē causam nequaquā susciperem, neque honoris inter presbyteros prælationem, neque incusauit, sed recte faciens laudauit. satius esse ducens, ut arrogantia à paucis accusaret, qui hanc ignorabant dispensationē, quā ut aliquid fieret quod rationi & consilijs eius contrariū esset, quod quidē luculenter ostendit, homo anima præditus ab omni assentatione & adulatione aliena, & quæ ad unū solum, honesti nempe respiceret legē. de nobis enim ita sensit, quos inter primos amicos eius & familiares esse cognoscebat. Deinde eos qui contra illum disceptauerant, emollire, & sanis sermonibus magnifice curare perrexit. Verum nec adulatorie aut illiberaliter id fecit, sed admodū uiriliter & magnifice: quemadmodū quū quis non solum considerat præsentia, sed & futuram disponit obedientiā. Quū enim uideret nimis tenerū, esse & molle, austerū uero, asperū & peruiace, ambobus per utraq; succurrit: morositatem enim placabilitate, teneritudinē uero grauitate temperauit, in paucis quidem sermone indigens, operibus uero multū præualens: & ut coleretur, nequaquā arte seruili, sed beniuolentiā acquirebat. potestate minime utebatur, sed quia parcere sciebat, homines in suā perducebat sententiā, & quod maximū erat, omnes sciebant illius se superari intellectu, ac impossibile esse, ut eius imitarentur uirtutes, unicamque eorū salutem esse censebant, si cū illo & sub illo ordinarentur: unicū quoque periculum, ab illo refelli. siquidē repulsionem eius à deo alienationē esse censebant, sicque ultro subdebant & subigebantur, ac tanquam tonitruī sonitus dissoluebant, quū alius alium excusatione præueniret, inimicitiasque in beniuolentiā, necnon in uirtutis conuerteret retributionem, quam solam excusationē quisque fortissimā inueniebat, nisi quis eam ob prauitatem immedicabilem negligeret, ac nihili penderet, quo ipse in se ipso contereretur & consumeret, quēadmodū ferrum consumitur à rubigine. Postquam autē illi res domi ex sententiā cessere, quemadmodū nullus infidelis, & qui illum nō nouerat existimasset, maius quid & altius mente uoluere cœpit. quū enim cuncti alij solum ea quæ ante pedes sunt cernunt, ac animo uertunt, ut securissime habeant, si saltem hoc securū est, ultra uero haud progrediuntur, neque magnū quid aut uirile excogitare aut perficere possunt: ipse licet in alijs modestus esset, nequaquā tamen in illis modeste egit, sed alte caput extulit, ac animæ oculum per gyrum circūtulit, totumque orbem, per quē saluatoris currit sermo considerauit. quumque uideret magnā dei hæreditatem, quam ille sibi sermonibus, legibus, & passionibus uendicarat, gentē sanctam, sacerdotium regium, male affectam, ac in opiniones infinitas & errores distractam: uineamque ex Ægypto translata & plantatā, ex ignorantia impia & caliginosa, in pulchritudinē immensam, ac magnitudinem progressam esse, ita ut uniuersam obumbraret terrā, ac super cunctos fines & cedros extenderetur, eam tamen ab apro maligno & agresti, diabolo nempe deuastatā: nequaquā satis esse duxit, ut tacite calamitatē illam deploraret, ac solū manus ad deum

attolleret, ab eoq; imminentiū malorum dissolutionē quæreretur, ipse uero interim dormiret. Sed & à seipso auxilium ferre & adducere oportere censuit, quid enim calamitate tali molestius esse posset? decere igit, ut is qui superna consideraret, pro cōmuni bono sollicitus esset. quū enim unus bene aut male agit, nihil hoc ad publicū pertinet bonū: quū uero cōmune, ita uel aliter se habet, planē necesse est, ut singuli etiā ita sint affecti. hæc cōmunitatis procurator & præsul cōsiderans, quoniā cor afflictū tinea est ossiū, quemadmodum Salomoni ac ueritati etiā uidet: quod enim dolore caret iucūdū est, quod uero affligit molestum liquefactioq; cordis existit: assidue ob id discruciabatur, affligebatur, uulnerabatur, ac eadem patiebatur quæ Ionas, quæ Dauid. dolebat in anima, nec dabat somnum oculis, neq; palpebris dormitationem, quod ex carne residuū erat, curis absolvebat, quoad mali repperit solutionem, diuinū igit ac humanū quærebat auxiliū, num quis incendiū cōmune, & caliginē imminētē extinguere uellet. Solum igit unum agebat, idq; admodum salubriter, colligebat seipsum quātum erat possibile, ac spiritui se cōcludebat, omnesq; humanas considerationes cōmouit, totamq; scripturæ profunditatē collegit, ac pietatē scriptis suis defendit, certaminibusq; & prælijs hæreticorū multitudinē confidenter repulit, & eos qui manus cū eo cōsequebant, armis, quæ cōminus feriunt, lingua nempe, uulnerabat: qui uero procul erant, iaculis potius atramentarijs eminus ulciscēbat. nequaq; enim abiectiones tulit leges, q̃ quæ tabulis insculptę fuerant: neq; soli ac paruę illi Iudæorū genti de cibo, potu, ac sacrificijs rite peragendis, & quæ carnē expurgant: sed de ueritatis ratione uniuerso orbis generi, ac parti præcepta dedit, ex quibus & salus cōtingit. Deinde uero (quoniam quidem æque inutilis est actio sine sermone, & sermo sine actione) sermoni actionis cōiunxit auxiliū, ad quosdā enim proficiscebatur, alios uero rogabat, nōnullos hortabatur, admonens, corripiens, increpans, cōminans, exprobrans, propugnans, gentibus, ciuitatibus, priuatis, omnē salutis excogitans speciem. Beseleel ille tabernaculi diuini fabricator, omni materia & arte ad opus hoc, planeq; in pulchritudinem unius copiā nectens, & cōsonantiā. & quid alia referre necesse est? rursus nobis rex Christi superuenit impugnator, ac fidei tyrānus, cū maiori impietatis & feruoris apparatu, quū ei contra aduersariū fortiorē disceptatio esset: instar impuri illius & maligni spiritus, à quo quum homo solutus est, rursus ad eundē cū numerosioribus reuertit spiritibus, ut in illo habitat, quēadmodum in Euāgelijs audiuius. huius igit ille fit discipulus, quo pariter ante acceptam restauraret cladē, ac aliquid prioribus adijceret certaminibus. siquidem intolerandū ac calamitosum esse censebat, quū tam multis dominaretur gentibus, ac gloria præditus esset immensa, omnesq; per gyrum impietatis subegisset uiribus, ac omnes in quos incidisset ditioni suæ subdidisset, si ab uno uiro & ciuitate unica superari uideret, ac ludibrio exponi, nō solū impietatis ductoribus, sed & hominibus, quemadmodum ipse putabat uniuersis.

Sanē

Sanè Persarū rex, quū aliquando Græciæ bellū inferret, ac omne hominum genus contra Græcos duxisset, plane fastu ac ira flagrabat, non ideo solū ut arrogantia tumesceret, & minis esset intolerandus, sed potius ut illos perterrefaceret, & se terribilē exhiberet, elementorū etiā inuersione, qua tā terra quā mare nouū quid à nouo audiuit opifice: exercitus præterea cōtinentē implebat, ac per mare pedibus ibat: insulæ uero diripiebant ac mare flagellabat, omniaque alia fiebant per quæ palàm belli illius ac exercitus terror incuteret, terror quidē timidioribus, risus uero uirilioribus, & audacia constantioribus. Valens uero cōtra nos ducens, nulla re tali indigebat, sed quod his deterius erat, hoc facere & dicere audebat. in cœlū os suum posuit, ac in altitudinē locutus est blasphemiam, & lingua eius pertransiuit super terrā, recte enim eum diuinus ante nos Dauid infamia notauit, quod cœlū in terrā deprimeret, & cū cōditura naturā numeraret supermundanā, quā nec conditura capere potest, licet illa nobiscū aliquādo ratione amoris erga genus humanū sit uersata, quo nos humi iacentes ad se pertraheret. & profecto prima eius molimina temeraria, splendida fuere, sed longe splendidiora nouissima contra nos extitere certamina, sed quænam prima uoco: exilia, fugas, bonorū publicationes, insidias, quū manifestas tū occultas: tēpus persuadendi haud erat, sed uicuncta agebātur, quū persuasio locū nō haberet, quidam pellebātur ab ecclesijs, quicūque rectā ac nostrā sequebantur fidē, alij autē qui regiā sequebantur perditionē, introducebant, nōnulli impietatis exigebant subscriptiones, alij uero his atrociora etiam scribebant. Presbyteri exurebantur, duces uero impij nequaquam Persas superabant, nō Scythas subigebant, nō genus aliud barbaricū persequabant, sed cōtra ecclesias militabant, ac inter altaria saltabant, sacrificiaque incruēta, hominū & sacrificiorū sanguine cruentabāt, ac uirginū pudorē uiolabāt, ut aliquid fieret quo Iacob patriarcha expelleret, & Esau qui anteque nasceret odio habebat, introduceret. & hæ incōsideratę eius temeritatis primæ fuere explicationes, quæ multis præsentī, etiam tempore lachrymas mouent, quū auditu percipiunt, aut memoria recolunt, postque aut omnia peragrauit, ac cōtra hanc quoque incōcussam & inoffensam ecclesiarū matrem, in qua sola adhuc ueritatis scintilla reliqua erat, mouit, quo illā in seruitutem redigeret, tum primū intellexit, quod male sibi consulisset, nam quasi sagitta, quę fortiori occurrit, est reiectus, & tanquā pulchre fractus cessit, quum in talem ecclesiæ incidisset præsulē, tantoque repulsus propugnaculo esset dissolutus. Proinde alia quæ tum fuerint tentata, & scribentibus & referentibus audire licet: ex ijs enim nemo nō cuncta recenset, omnes uero qui certamina illa norunt, præcipue admirantur, oppugnationes, promissiones, cōminationes, necnon eos qui ad illum ex Iudicū ordine missi, ipsi persuadere sunt conati, ex ducum ordinibus, ex eunuchis, ex mulierū custodibus, qui inter mulieres uiri sunt, inter uiros autē mulieres, & impietate solum uiriles, qui quū naturali careant fornicatione, quod solum possunt lingua scortantur: instar

G ; Nabu

Nabuzardan coquorū magistri, qui secundum artem suā gladios minabatur, & peculiari suo igni reseruabat. Quod uero præcipue ex gestis eius admiror, nec uolens quidē præterire possem, nunc quā breuiter potero recensere conabor. Quis non nouit? quæ ingenti audaciā temporis illius præfectus cōtra nos sit usus, quoniam apud illos baptismatis erat initiator, uel coinitiator, ac plus quæ necesse erat imperatoris obsequebat mandatis, in omnibusque illi gratificabat, quo diutius potestatem retinere & cōseruare posset. ad hunc per ecclesias minaciter discurrentē, & sub leonina forma, leonine quoque fermentem, nec multis præsentiae suæ copiā exhibentem, Basilius generosus introductus est, seu potius ingressus est, tāquā ad festiuitatem, & nequaquæ ad iudiciū uocatus. Cæterū quomodo digne explicare potero? uel præfecti ferociam, uel Basilij prudentem, contra illū decertationem. Quid tibi heus (præfectus inquit, nomine eum cōpe lans, quoniā indignū censebat ut episcopum uocaret) cōtra potentiā tantā audaciā? & quod solus ex omnibus in tua perseueras cōtumaciā? cuius gratia, generosus ille ait, & quānam mea est contumaciā? nam nondū illam percipere queo. quoniā, præses inquit, nequaquæ regis sequeris religionem, licet omnes alij subacti sint & uicti. uerū Basilius respondit, nequaquæ hoc rex meus permittit, neque ut conditura adoraretur tolero, quū dei conditura existam, ac deus esse sim iussus. nos autē quid tibi, præses ait, uidemur? qui hæc imperamus, num forte momēti nullius? nōne magnum tibi erit, ut nobiscum censearis, & nos socios assequaris. Cui Basilius præfectos uos esse inquit, & clarissimos quidem, nequaquæ inficias eo, non tamen deo honoratiores, at socios uobis habere magnū quid est, & cur nō? quū & uos dei cōdituræ sitis, quemadmodū & omnes alij qui nobiscū censeantur. siquidem Christianismum nequaquæ faciebus, sed fide designamus. tunc præfectus cōcītatus, plus ira feruere cœpit, è sellaque exurgens, asperioribus cōtra eum usus est sermonibus. & nunquid potestatem ait, times? absit hoc Basilius respondit, ut tale quid mihi accidat. nōne ex multis uel unum, præses inquit, quæ meæ sunt potestatis? & Basilius, quānam sunt illa? indicent nobis. & præses, bonorū publicationes, exilia, tormenta, mors. Cæterū aliud quid, Basilius ait, minitare, nil enim horū nos tangit. quumque præses dixit, qui & quonā modo? quoniā, Basilius inquit, incōprehensibilis, & bona eius qui nihil possidet publicari nequeūt, nisi forte pānis his indigeas tritis & laceris, & libris paucis, in quibus tota mea est uita. exiliū uero nil ad me spectat, qui nullo loco sum circūscriptus. sed nec quā nunc inhabito domus mea est, licet omnis mea sit in quā incido, seu potius dei omnis, cuius ego hospes sum & incola. tormenta autē, quid auferre possent? quū nullum mihi corpus residuum sit, præterquæ si primā dixeris plagā. huius enim tu solus dominus existis. mors uero benefactor erit, celeriter enim me ad deū mittet, cui uiuo, & cuius negocia administro, ac cui iam plurimū occubui, & ad quē à lōge festino. his præfectus perculsus, quū cum suo cōpellasset nomine, Nullus, dixit, hucusque

ita

ita mecum, ac cum tanta differuit audacia. Cui Basilius, in nullum fortassis episcopum incidisti. omnino enim pro talibus decertans hoc egisset modo. in alijs enim prefecte, modesti sumus, & omnibus reliquis humiliores, ita enim mandatū iubet, nec solum contra tantā potentiam, sed nec contra homines uiles superciliū attollimus: ubi uero dei periclitat negotiū, cunctis alijs contemptis ad illū solum respicimus, gladij uero, bestiae, & ungulae carnes dissecantes, potius delitiae nobis sunt quam tormēta, ac ideo iniuria affice, minare, & omnia quae uolueris perage, ac potestate frui. sed & rex haec audiat, nūquam nos adiges, aut efficies, ut astipulemur impietati, etiā si grauiora adhuc fueris minitatus. Postquam uero praefectus ita eum loqui audiuit, ac uiri causam examinauit, illumque tam imperterritū & constantemprehendit, a se dimisit, non iam minabundus, sed cum reuerentia quadā ac secessione: ipse uero quā cito potuit ad regem festinauit, inquit, Victi sumus rex in ecclesia huius negotio. Vir enim ille minis est superior, uerbis robustior, persuasionibus fortior. aliū quendā ignobiliorem tentare oportet, hūc autē uel palam cogere, aut nequaquam expectare ut subigat minis. haec quū rex audiuiſſet, ac in se conuersus hominis laudibus esset uictus (quandoquidē & hostis uiri uirtutē admirari solet) praefectū a uiolentia cohibuit, acciditque ei quemadmodū ferro, quod licet igne emolliatur, nilominus tamen ferrū permanet, porro minas in admirationem couertit, communionem autem suscipere noluit, quum immutatio nis puderet, sed excusationem quarebat honestam, quam & sermo noster ostendet. siquidem templum cum uniuersa satellitum manu est ingressus. erat autem dies epiphaniarū, congregati populi igitur pars factus, sic communionem est professus. Sanē nec hoc praetereundum, postquam intus fuit, auditumque psalmodiae adhibuit perstreptenti, ac populi multitudinem cum ornatu cuncto conspexit, tam eo qui circa aram, quā illo qui iuxta erat, angelicam potius quā humanam: populi uero praesulem erectum, quemadmodum scriptura Samuelem depingit, & corpore, & uisu, & cogitatione immobilem, ac si nil noui accidisset, deoque & gradui, in statuam, ut ita dicam, obduratum: illos autem timore & reuerentia quadam eum circumstare: haec postquam uidit, & quae uiderat cum nullo exemplo conferre potuit, humanum quid perpeſſus est. ob stuporem enim, uehemēti & oculorum, & animi correptus est uertigine, uerum id tum multos adhuc latebat, postquam autem dona ad mensam diuinam afferri oportebat, ipseque illa proprijs gestaret manibus, ac nemo sicut moris erat ea acciperet, quū incertum esset num Basilius illa suscipere uellet, tum morbus est cognitus. titubare enim coepit, & ni quidam qui pro gradibus stabat, manum ei supposuisset, ac casum cohibuisset, ruina planē lachrymis digna cecidisset, sed esto. Caterum quid dicere refert: quae nam cum rege differuerit, qualique sapientia illa repleta fuerint. cum eo enim rursum modo opportuno in sacrarium perducto est congressus, ac in conspectum uenit, nam diu iam eius alloquendi desiderio tenebat.

siquidem nil aliud quàm dei uoces, tam ab ijs qui cum rege, quàm à nobis, qui cum Basilio ingressi fueramus auditæ sunt. Sanè congressio illa initium fuit, & restauratio prima humanitatis erga nos regis. consiliūq; hoc ut plurimum contumeliam tum nos infestantem, nō secus ac nebulam dissipauit. proinde nil prædictis inferius fuit. uincebāt mali, iamq; Basilius in exilium pellebatur, ac nihil deerat quod non illac tenderet. nox præsens, currus quo auehi debebat præparatus, plaudebant inimici, dolebant pñ, nos uero circa animosum uersabamur uiatorem. reliqua etiā cuncta pulchra referta erant ignominia. quid igitur accidit? Deus illam dissoluit. qui enim Ægypti cōtra Israël exasperati primogenita percussit, hic etiam imperatoris filiū grauissima ægritudine perculit. & quanta celeritate? hinc exiliū literæ, inde sententia ægrotationis, manusq; iam ad subscriptionem extendebatur improbam, & tamen sanctus ille saluatur, fitq; uir pius, febris donū, quum rex furorem cohibuisset. quid his manifestius aut celerius? sed ad reliqua. Ægrotabat filius regis, ac corpore male affectus erat, unaq; ægrotabat pater: & pater quidem tanquam pater, ubiq; contra morbū remediū quærebat: nam medicos accersebat optimos, precibusq;, ac si unquā in terram prostratus incumbibat, calamitas enim reges quoq; humiles facit: nec mirū, quū & hoc prius Dauid in filij morte accidisse, scriptis sit mandatū. postq; autē nullibi, nullū morbo inuenit remediū, ad Basiliū fidē cōfugit: per se tamen nequaq; illū aduocauit, pudore prohibitus, ob ignomiā quā illi intulerat, alijs uero legationē cōmisiit, qui ei perq; domestici & amicissimi erant. quumq; is nihil cunctatus aduenisset, nec tempus, quēadmodū alius triuisset, cōfestim præsentia eius morbus est lenitus, paterq; spem cōcepit meliorem. qui nisi aque potabili sal admisuisset, pariterq; hunc aduocasset, ijs tamen qui diuersę erāt opīonis credidisset, filius patris manibus sanus restitutus fuisset: idq; credebāt, ab ijs etiā qui tum aderāt, & passionis participes fuerāt. illud idē paulo post etiā præfecto ipsi accidisse ferūt. nā & illū infirmitas quædā incidens, sancti flectit manibus. siquidē aduersitas plerunq; recte sentientibus sit emendatio, sepiusq; calamitas prosperitate melior existit. ægrotabat igit ille, plorabat, discruciebat, accersebat, rogabat, excusationē habes clamabat. salutē mihi tribue, quā & tandem illius intercessione, sicut ipsemet fassus est impetrauit. idq; multis qui hoc ignorabant persuasit. non enim desinebat facta illius & admirari & prædicare. quæ igitur inter Basiliū & illos incidere talia fermē suere, finemq; habuerunt talem. sed nunquid ea quæ illi aliter cū alijs sunt decertata, parua aut de rebus fuere paruis? uel mediocri sapiētia cōdita, aut silētio digna, seu nō ualde laudabilia? nequaq;. Sanè qui olim cōtra Israël cōcitauit Ader scelestū, ille idē & cōtra Basiliū Pōti cōmouit præfectū, sub p̄textu ac si ob mulierē quādā indignaret. sed re uera p̄ impietate decertabat, & cōtra pietatē stabat: ut interim dicere omittā, q̄liter, quātisq; uirū afficeret iniurijs, seu forte deū ipsum, contra quē & pro q̄ bellū gerebat, qui & iniuriatē confudit.

ac pugilem suū exaltauit : si saltem magnū quid & sublime est philosophia,
 & ut is qui præst multis talis esse uideat. de quo nūc uerba facere pergā.
 Iudicis assessor mulierē quandā illustrem, cuius maritus uitā paulo ante cum
 morte mutauerat, quoniā ei nubere dedignaret uolenter urgebat: quūq; il-
 la tyrannidē se effugere haud posse cerneret, cōsiliū cœpit nō tam audax q̃
 prudens: ad sacrā enim cōfugit mensam, ac deū cōtra uiolentiā adiutorē sibi
 facit. quid igit̃ per trinitatē ipsam fieri oportuisset? ut inter laudandū iudicia
 le etiā quippiā proferā, nō solum quod Basilium magnū, & qui ab omnibus
 pro legislatore habebat̃ decuisset, sed aliū quendā longe illo inferiorē, dum-
 modo sacerdos fuisset, nōne obistere, retinere, curā eius gerere, manū por-
 rigere, secundū clementiā diuinā, & legē quæ honorauit aras? nōne omnia
 prius facere & pati uelle, q̃ aliquid inhumani cōtra mulierē perpetrare? obi-
 terq; mēsam sacrā, necnō fidem cū qua rogabat, iniuriā afficere? nequa q̃ ait
 Iudex nouus, sed omnes potestati meæ subdi oportet, Christianosq; legum
 suarū proditores fieri. ille igit̃ supplicē quærebat, ac insaniebat, hic aut̃ ui mu-
 lierē retinebat. tandē uero quosdā cū potestate misit, qui sancti scrutarent̃ cu-
 bile, nō necessitatis magis q̃ ignominia gratia. quid ais? domū eius qui affe-
 ctibus cūctis erat superior? quē fouēt angeli? quē mulieres intueri nō audēt?
 nec solū hoc egit, sed & Basilium adesse, ac causam dicere iussit. nequa q̃ tamē
 placide aut humane, sed quasi cōdemnatū quēpiā. & hic quidē aduenit. præ-
 fectus uero ira & fastu plenus, pro tribunali sedit. stetit igit̃ Iesus meus corā
 iudice Pilato. & fulmina quidē cūctabant̃, deiq; gladius licet radiaret, adhuc
 tamē cōtinebat̃, arcus uero intendebat̃, sed cohibebat̃, q̃ pœnitētiæ concede-
 ret tēpus, quemadmodū dei lex est. sed & aliud pugilis & persecutoris uide-
 certamē, præfectus sudariū quod circa collū gestabat dilacerare iubet. at Ba-
 silius Tibi inquit, si uolueris tunicā etiā dabo. Verbera carnibus ferē experti,
 minabat̃, at ille se paratū offerebat. sed & ungulorū dilanationē intētabat.
 uerū epati Basilius respōdit remediū tuleris. cernis fortassis quo pacto mihi
 subuenire possis, si à talibus curaueris tormentis. & hi quidē in illis erāt. at ci-
 uitas, quū malū & cōmune omniū cognouisset periculū, siquidē unusquisq;
 iniuriā hanc suā esse censebat, tota insaniebat & incendebat̃, & ueluti quum
 apiū examen fumo cōmouet̃, ita alius ab alio cōcitabat̃ & insurgebat. omne
 hominū genus, ætas omnis, præcipue uero ij, qui regi texendo & arma faciē-
 do operā impendebāt. hi enim in talibus feruentiores sunt, audaciam enim
 ex libertate habent. arma uero unicuiq; erant, singula quæ ex artis obuenie-
 bant instrumentis, aut si aliud quid casu forte obuenisset. faces erant in mani-
 bus, lapides ad iactum expediti, fustes parati, cursus omnium unus, clamor
 idem, alacritas communis. Ira dux grauis, aut miles, sed nec mulieres armis
 tum carebant, quum eas tempus exacuisset. radios enim habebant fraxi-
 neos, zeloq; roborabātur, ac in audaciam uertebantur uirilem, & ut breuiter
 dicam, pietatem diuidi arbitrabant̃, si hunc inter se partiti fuissent, isq; ma-
 gis

gis pius censebatur, qui primus manus præfecto, talia auso, intulisset. Quid igit faciebat iudex seuerus & audax? supplex erat, miserabilis, ærumnis plenus, & cui non humilior? donec illustris ille, sine sanguine martyr, & sine plagis coronatus, populi cōpescuisset uolentiā, illumq; sui cohibuisset reuerentia, sicq; supplicem suū & offensorem saluasset. hæc deus sanctorū operatus est, qui omnia facit, & in melius dirigit, qui superbis resistit, humilibus uero gratiā tribuit. & quur hoc non faceret? qui manuum extensione trophæa erigit, ut populū saluet fugientem, illumq; eripiat è periculis. præclarū igitur bellum ita desijt, & finem à deo sortitum est secundū, ac illius fide dignū. Deinde uero episcoporū & sociorū incepit bellum, quod magna sui parte ingloriosum fuit, incipiētibus uero admodū damnosum. quis enim alijs modestiam persuadere posset, quū præsules ipsi ita essent affecti? Iam diu enim haud humaniter erga illū se habebant, tria autē discidiij causa erant. nam nec ob fidei conueniebant rationem, nisi summa multitudinis necessitate coacti. nec pusillanimitatem in electione penitus deposuerant, & quod multū gloria ab illo superarent, omniū eis molestissimū erat, etiā si id fateri turpissimum esset. sed & aliud factū est discidium, aut ista suscitauit, quum enim patria nostra in duas diuisa sit præfecturas & metropoles, multaq; nouæ ex priori addita fuissent, seditio eorū potissimū exordium hinc sumpsit, ille enim cum secularibus bonis nostra quoq; diuidenda esse censebat, ac ideo quæ nuper accesserant transmutauit, tanquā ab ipso iam differrent, ac ei acciderent, at hic consuetudinem seruabat antiquā, ac diuisionem olim à patribus factā, hinc multa iam acciderunt mala, alia uero ortum sumpserunt. conuentus enim à nouo distrahebantur metropolitano, redditus diripiebantur, ecclesiarū presbyteris quibusdā persuadebat, alios autē inuitabat, inde euenit, ut ecclesiæ etiam peius haberent, quādo ita diuiderent & inciderent, homines enim ob tales ferē rerū innouationes gaudere solent, quoniā libēter sua adaugēt, ac facilius bene instituta dissoluunt q̃ dissoluta restituant, at ille infestius Basiliū exagitabat, taurorū enim prouentus & trāsitus ab eo tantū cōspiciebant, ad illū uero deducebātur, sed & ex monte sancto fructus colligere magni ducebat, ita ut quū uiri mulos aliquādo deprehēdisset, propriā uia euntes, illos postea prædatoria cohibuerit manu, & cōmentū quasi honestū erat, filij em̃ spirituales, & animæ, & fidei sermo, & talia auaritiæ erant tegumenta, res ditiorū propria, & q̃ nō oporteat tributū pendere hominibus malæ famæ, uerū omnis offendens malę erat famę. Proinde sanctus dei, & supernæ Hierusalē metropolitæ, detrimētū tolerare, & hæc negligere cogebat, siue paruā mali dissolutionē excogitare, sed uideamus q̃ magnā & admirādā, ac planē anima illius dignā, ex seditione enim ecclesiā opulentiorē reddidit, aduersitatēq; perbellem disposuit, siquidē plurimis episcopis patriam roborauit, ex qua re tria contigere pulcherrima, plurimarū nempe animarū cura, & ut ciuitas quæq; sua haberet, & ut bellū dissolueret. Cæterū timeo ne & ego consilio isto ociosus sim

sim factus. haud enim scio, quomodo rectius dicere cōueniat. licet enim cuncta uiri huius quantū dictū possibile est admirer, hoc unū laudare nequeo. animi enim passionē fatebor, nec aliās multis ignotā, nostrā dico innouationem & infidelitatē, cuius dolorē nullū unq̃ delebit tēpus. ibi enim cūctae mihi uitae inciderūt aduersitates, cōfusioq̃ ut philosophiae incūbere nequirem, aut posse putarem. tamen si parua sit ratio secundi, praeterq̃ si quis illud à nobis in uiri excusationē dictū suscipere uoluerit, quod longe supra res saperet humanas. & quae hic faceret, priusq̃ abiret, omnia spiritus instinctu ageret. licet enim amicitiae uenerationē seruare sciret, in hoc uno tamē ignominia affecit, ubi dei honorē praeferre oportebat. longe enim sperata, amicitiae dissolutioni anteferebat. Ceterū timeo ne dū socordiae crimē effugere cōtēdo, apud eos qui cunctas res illius gestas scire desiderāt, scribendo tamen in crimē infatiabilitatis apud eos qui modū laudant incidā: quam rem nec ipse negligebat, sed mensurā ex omnibus optimā esse inter potissima laudabat, ac in omni uita sua diligenter obseruabat. ita igit̃ sermone utar, ut tam breuitatis, q̃ infatiabilitatis amatoribus pariter satisfacere queā. Alij igit̃ in re aliqua excellunt, alij aut̃ in plerisq̃, quū plures uirtutis species existant, nullus uero ex omnibus quos nos cognoscimus, ad summum peruenit. sed ille nobis optimus est, qui in plurimis recte agit, aut in una potissimū. Basilus uero ita cuncta attigit, ut naturae cōtentio esse uideret̃, nam ita cōsideramus: inopiā quis laudat, uitamq̃ omni carentē apparatu & superfluitate: at quid ille habebat praeter corpus, & ea quibus carnis tegeret necessaria? diuitiae aut̃ illi erant, ut nihil possideret, cruxq̃ cui soli superuiuebat. haec longe sibi multis pecunijs honorabiliora esse censebat, nec possibile ut quis, si etiā uellet, omnia possideret: sed ut qs omnia cōtemnere sciret, sicq̃ omnibus melior appareret, quūq̃ ita sentiret & haberet, nequaq̃ altari ac uana indigebat gloria, nec praefatio illo publico, Crates Cratetē thebanū in libertatē uendicat, optimus em̃ esse potius q̃ uideri malebat, ac ideo nequaq̃ in dolio ac in medio foro habitabat, ut omnibus ludibrio esset, indigētia noua refartiens abūdantia. sine ambitione igit̃ & arte questuosa pauper erat, ac omnia q̃ habebat pfundebat, q̃ expeditus p̃ uite nauigaret mare. Sanē abstinentia & frugalitas res est admiranda, & ne qs à uoluptatibus superet̃, aut uētri tanq̃ amaro & illiberali subiiciat̃ dño, at qs magis in cibo parcus? & ne multa dicā, sine carne ferē erat, superfluitatē autē & satietatē ad irrationabiliores, & quorū uita seruilis & deorsum uergens erat reiecit. ipse autē nihil magnū esse censebat q̃ gutturi applauderet, sed solū necessarijs quātū poterat sustētabat̃, solasq̃ delicias esse ducebat, ne delitijs diffluere appareret, ac ideo indigeret plurimis. sed ad lia respiciebat & uolatilia, q̃ pulchritudine pdita sunt mirabili, ciboq̃ utunt̃ fortuite oblato, secūdū magnā Christi mei admonitionē, & carnē ppter nos mendicantē, q̃ nos diuinitate ditaremur. hinc illi tunica una, & palliū tritum, in humoq̃ dormitatio, & illuies & uigiliae eius erant exercitamenta. coena

autem

autem suauissima, ac cibus panis cum sale, aut ficus recentes: potus uero sobrius erat, & abunde illi sufficiens, quem fontes producunt, ipsi etiam, qui non laborant, uerum ex his aut cum his egritudines sequebantur, & medicamenta, communia nobis exercitia: oportebat enim me miserum, in talibus æque affectum esse, licet in alijs longe inferior forem. Sanè res magna est uirginitas, & angelis aggregari, ac absque iugo esse, naturæque solitariae: nam Christi illam uocare cunctor, qui quum nasci deberet, ob nos natos, ex uirgine nascitur, ut uirginitatem lege sanciret, tanquam inde deductam, & mundum abscindentem, seu potius mundum mundo præmittentem, præsentem futuro. quis igitur uirginitatem magis honorauit, quam Basilus, aut carnis puritatem quasi lege sanciuit: non solum exemplo proprio, sed eorum etiam quibus studebat, quemadmodum ex uirginitatis laude & institutionibus eius liquet scriptis, quibus omnem sensum refrenauit, ac cuncta membra ad modestiam redegit, necnon uirginitatem seruandam persuasit, pulchritudinem ad interna conuertens, à uisibilibus ad inuisibilia. & externum quidem languidum reddebat, ac materiam subducebat flammæ, occultum uero ostendebat deo, qui solus animarum depuratorum sponsus existit. quicunque animas ad se pertrahit uigilantes, quo cum lampadibus splendidis, & largo ei olei occurrant nutrimento. Sanè quum uita solitaria ac mixta, ut plurimum inter se distarent ac pugnarent, neutrumque bonum à malo penitus segregatum haberet: sed hæc magis quieta & moderata esset, & deo copularer, non tamen arrogantia propter uirtutis securitatem & existimationem careret: illa autem actiua magis & utilior, uerum à turbis nequaquam segregata esset: ambas inter se bellissime conciliauit, & ita temperauit, ut sapientia non sine actione, nec actio sine sapientia foret: sed tanquam tellus, & mare, bona sua utrinque conferrent, ac in unam dei gloriam concurrerent, & quid plus: pulchra est humanitas, ac pauperum sustentatio, humanæque imbecillitatis subsidium. parum per igitur ab urbe progredere, & urbem cerne nouam, pietatis promptuarium, commune diuitum repositorium, quod opum superuacua, immo iam necessaria admonitione illius recondere, quo tineas excluderent, nec fures exhilarent, inuidiæque certamen & temporis effugerent corruptionem. ubi egritudo philosophatur, & calamitas beata censetur, compassioque in reputatione est. quid mihi ad opus illud Thebæ Ægyptiacæ, cum portis septem: ac muri Babylonici, necnon sepulchrum Mausoli Caris, & Pyramides, ac Colossi: æs pondere carens. siue templorum magnitudo & pulchritudo: quæ amplius haud supersunt, cum alijs quæ homines admirantur, & librorum mandant memoria, quæ nil conditoribus suis, præter paruam profunt gloriolam. mihi uero salutis uia hæc compendiaria, ac facilis in cælum ascensus, admiratio ni est præcipua. non enim amplius oculis nostris expositum est spectaculum graue & miserandum, homines ante obitum mortui, & plurimis corporis mutilati membris, ab urbibus, domibus, foris, aquis, quin à charissimis suis ex-

pulsi

pulsi, nominibus potius quàm corporibus noti: nec amplius in triujs & conuentibus secundum cognationem & concentum exponuntur, nō iam ob morbum miserādi, sed exosi, membrorum miserabilium artifices miri, si uox salutem quibusdam est residua. sed cur cuncta nostra tragice enumero? quū sermo haudquaquā sufficiat passioni. Basilus uero prae omnibus maxime hominibus persuasit, ut quum homines essent, nequaquam homines cōtemnerent, nec Christum unicum caput omnium, propter inhumanitatem erga illos ignominia afficerent. sed in calamitatibus alienis facultates suas recte disponderent, à deoq; misericordiam, quum misericordia indigerent, pio scēnore extorquerent. ac ideo generosorū generosissimus ille, & gloria plus quàm splendens, ægrotos nec ab osculi arcebat honore, sed tanquam fratres salutabat. non quemadmodū quis suspicari posset, inanis gloriæ gratia. quis enim plus à tali aberat affectu? sed ut corpora curandi causa attrectaret, philosophiæ eius formula, & loquens, & tacita erat adhortatio. nec ciuitas ita, regio uero adiacens & externa aliter se habebat, sed omnibus cōmune certamen proposuit, ita ut & populi præfecti ciues humanitate imitarentur & magnificentia. proinde quemadmodum alijs curæ sunt popinatores, ac mensæ lautiores, necnon coquorum commenta & iritamēta gulæ, sellaēq; elegantes, ac uestes molles & fluidæ: ita & Basilus infirmorum, & hulcerum eorū, ad imitationem Christi gerebat curam, non sermone sed opere lepram purgans. Quid nobis ad hæc dicent ijs, qui ei superbiam & supercilij obijciunt fastum? amarulenti talium censores, ac qui neutiquam regulas adhibēt regulæ. num quis lepræ curam gerit, & eousq; se humiliat, sanos uero contemnit? aut carnes per abstinentiā macerat, animæ elatione intumescit inani? maxime quū pharisei iactantiam nouit, & ex tumore humilitatem prædicat, & Christum ad serui usq; formam descendisse nō ignorat, illumq; cum publicanis comedisse, & discipulorū pedes lauuisse. sed nec crucem renuisse, ut illic peccata affigeret mea, & quod his est admirabilius, deum uidet crucifixum, idq; cum latronibus, & à prætereuntibus irrideri, inconsumptibilem illū, & omni passione sublimiorem. num ille seipsum adeo effert, ut neminem sibi honore æqualem esse censeat? quemadmodum uidetur ijs, qui illi inuident. uerum ut arbitror, morum constantiam, seueritatem, & integritatem illam absolutā, superbiam uocarunt. equidem illi idem, ut mihi uidetur, eodem modo hominem fortem temerarium, timidum uero circumspectum appellarent, modestum quoq; inhumanum, ac iustum immobilem. quidam enim non inepte indagarunt, uirtuti uitia esse adiuncta, & quodāmodo contigua, facileq; à rerum inexpertis aliud pro alio accipi. quis enim uirtutem plus quàm Basilus honorauit? aut malitiam redarguit? siue bonis uisus est melior, uel delinquentibus asperior? cuius subrisio sæpius laus erat, silentium uero increpatio, quæ conscio, malum suum ultro extorqueret. Ceterum si non garrulus erat, aut risu diffluens, siue circumforaneus, nec multis placebat, quoniā non omnibus

H omnia

omnia fieret aut gratificaretur, quid hoc ad rem? nonne potius laude quam reprehensione dignum est ihs, qui præditi sunt mente? nisi quis leonem obijcere uelit, quod non figuram simiæ, sed seueram & regiam præ se ferat, cuius la sciuiæ tamen generosæ sunt, & cum admiratione diligendæ. Sanè eos qui in scena uersantur, tanquam iucundos & humanos quis miretur, quoniam populi gratiam captât, ac risum mouent per alapas & uerbera, quanquã si hoc quærimus, quis adeo iucundus fuit in conuersationibus? quemadmodum ego potissimum noui, qui præ reliquis uiri mores sum expertus, quis narrando gratiosior? quis mordendo peritior? quis reprehendendo syncerior? siquidẽ non nimis seuerè reprehendebat, nec nimis facile remittebat, sed immodestiã in utroq; fugiebat, ac utroq; iuxta Salomonis leges cum ratione & in tempore utebatur. Cæterum quid hæc sunt? si cum uiri collata fuerint eloquentia aut magnitudine doctrinæ, qua sibi fines orbis conciliauit totius. uerum adhuc circa montis uersamur ima, ac multum à summitate distamus. adhuc circa littora ferimur, ac nondum mare ingressi sumus profundum, arbitror enim si unquam fuit aut erit tuba, longe sono suo per aërem diffusa, aut terræ motus orbis ex innouatione quadam aut miraculo ortus, hoc uocem illius esse, & ingenium, tantum omnes antecellens, & post se relinquens, quantum nos naturam exuperamus irrationalium. quis enim magis se expurgauit spiritui? & dignum fecit ut diuina explicaret mysteria? quis magis cognitionis lumine illuminatus fuit, & ad profunda pertigit spiritus? cum deoq; ea quæ dei sunt est contemplatus, quis sermonem sortitus est melius interpretantem ea, quæ cognitione sunt digna? ita ut non multorum instar altero pede claudicaret, uel mente sermone carente, aut sermone minus solidato mente. uerum utrisque pariter excelluit, sibi ipsiq; similis apparuit, & ubiq; sane sensit. siquidem quod cuncta dei profunda scrutatus sit, spiritu est testificatus, non tanquam ignorante, sed ueluti cõtemplatione exultante. omnia enim quæ spiritus sunt, ab illo sunt indagata, unde euenit ut moribus institueret cunctos, eloquentiam ostenderet, præsentibus renūciaret, & se accingeret ad futura. Porro solis pulchritudo cum magnitudine ac cursus sui uelocitate, à Dauid laudatur, splendens tanquam sponsus, magnus ut gigas, cuius uires tantæ sunt, ut cursu suo à summis pariter illustret summa, nec calor eius distantia iminuat: Basilij autem pulchritudo, uirtus erat, magnitudo uero theologia, at cursus, mobilitas assidua quæ ascensibus suis ad deum usque perducit, uires uero satio sermonis & distributio, ita ut recte mihi scripturæ illud de eo usurpare liceat, In omnem terram exiuit sonus eius, & in fines orbis, uis uerborum eius. quod beatus Paulus de apostolis à Dauide dictum esse ait. quæ enim alia hodie in conuentibus est gratia? quæ in cõuiujs uoluptas? quæ in foro? quæ in cõcilijs? quæ principum cum suis delitiæ? quæ monachorum aut mixtorum? quæ ociosorum aut negocioforum? quæ eorum qui in externis aut nostris philosophantur? unica profecto uoluptas per omnia, & in omnibus maxima, illius sunt

sunt scripta, & labores: nec scriptoribus ulla post illū relicta est facultas, præterquam monimenta eius literaria. fileant uetera, quæ à quibusdam in sacris elaborata sunt sermonibus, clament noua. is enim nobis optimus est in sermonibus, cui concessum est ut supra scripta illius potissimum cognoscat, & lingua proferat, auribusq; infundat. solus enim pro omnibus ad doctrinæ adeptionem sufficit studiosis. ego autem hoc solum dicam, quotiescūq; Exameron eius in manus sumo & relego, ad cōditorem omnium accedo, & condituræ rationes cognosco, ac conditorem plus quàm antea admiror, dum solo uisu ipso doctore utor. quum autem in contradictorios incido sermones, Sodomiticum uideo ignem, quo linguæ exuruntur malæ & aberrantes, aut cōfusionis turrem male quidem ædificatam, male quoq; dissolutam. Quum uero quæ de spiritu scripsit relego, deum inuenio quem habeo, & in ueritatis prolatione audax fio, dum per illius gradior Theologiam & contemplationem. at quum alias eius perlego enarrationes, quibus parum uidentes illuminat, & quas tripliciter in solidis cordis eius tabulis conscripsit, disco nō in litera cōsistere solum, aut superuacue intueri tantum, sed & pergere ulterius, & ex profundo adhuc in profundum transire, abyssum asciscens abysso, & lumini inueniens lumen, donec in summum peruenio. Quum autem martyrum laudes relego, corpus contemno, & cum laudatis uersor, ad certamenq; excitor. Quum uero sermones eius, tam morales euoluo, quàm actiuos, anima pariter purgor & corpore, ac templum dei fio capax, organumq; pulsatum à spiritu, diuinam decantans gloriam & potentiam. cum hoc immutor & dirigor, aliusq; ex alio fio, alteratione alteratus diuina. Cæterū postquàm Theologiæ memini, ac uiri in hac singulariter præstantis, & hoc quoq; prædictis addidero. Vtilissimum enim est multis, qui male de eo sentiunt, ne offendantur, sed ad maleficos sermo pertinet noster, qui ex ijs quibus alios calumniantur sibi subsidium quærere solent. Ille enim ob sermones rectos, & erga trinitatem sanctam, connexionem, & cōdeitatem, uel nescio quomodo magis proprie aut manifestius dicere oporteat, non solum à thronis excidere, quū nec sub initium illis oblectaretur, sed exilium ac mortem, necnon supplicia extrema prompte subire paratus erat, idq; lucrum & minime periculum esse censebat. quod quidem ex ijs partim liquet quæ fecit, partim uero quæ perpeffus est. postquàm enim pro ueritate damnatus, & in exilium pulsus fuit, nullius rei alterius curam habuit, quàm ut comitem quendam suum libellum tollere & sequi iuberet. Cæterum ut condemnationis etiam tempore sermonibus ædificaret ueritatem, necessarium putabat, diuino Dauid hac in re consultore usus: ut parumper belli tempus suspendere, & hæreticorum potestatem infringere posset, quoad libertatis tempus, ac linguæ, licentia concederetur loquendi. illi enim quærebant ut uox de spiritu acciperetur nuda, tanquam esset deus, quod & uere est, sed impie ab illis & à malo impietatis accipiebatur præfecto, quo Basilium cum lingua Theologica ex urbe pelle-

rent: ipsi uero occuparent ecclesiam, eamque impietatis suae propugnaculum facerent, ac inde cuncta tanquam ex arce quadam percurrerent. at ille alijs scripturae uocibus & testimonijs manifestis, quae illud idem possent, necnon syllogismis necessarijs, ita redarguit contradicentes, ut nequaquam contra tendere possent, sed uocibus caperentur proprijs. quod quidem uim maximam habet, estque prudentiae singularis, quemadmodum sermo ostendit, quem de hac re conscripsit, ubi stilum tanquam à spiritu cōcitāt pyxide. ceterum domini uocem tantisper distulit, à spiritu ipso, & geminis eius concertatoribus ueniam petens, ut non moleste dispensationis illius cōsiliū ferrent, ne dum ob unius uocis gratiam resisterent, cuncta propter insatiabilitatem disperderent, praecipue quum tempore illo pietas ita distraheretur. nullum enim detrimentum eis inde euenturum censebat, si dictiones parumper immutarentur, ac uocibus alijs illud idem doceretur. quum non in uerbis potius quam rebus salus nostra consisteret, siquidem nec Iudaeorum gentem reiiciendam esse, si uncti uocem pro Christi immutare, sicque nobiscū censi uellent. quū uero ecclesia scinderetur, maximum communitati imminere damnum. Verum licet spiritum omnino deum esse affirmaret, quemadmodum liquet ex ijs quae saepius, dum tempus ita ferret, publice praedicauit, necnon priuatim interrogantibus expresse est confessus, manifestius tamen id fecit in sermonibus quos mecum habuit. nihil enim in illis ita abscondebatur, ut id non libenter mecum conferret. neque hoc simpliciter definiebat, sed quod non saepius antea fecerat, horrendissime se execrabatur, ac sibi ut à spiritus gratia excideret imprecabatur, si spiritum non aequae ac patrem ac filium, tanquam consubstantialē, & eiusdem honoris ueneraretur. proinde si quis me in his socium ipsi us suscipere uelit, aliquid multis adhuc absconditum proferam, nempe quod tempore nos angustante, sibi dispensationem reseruauit, nobis autē loquendi libertatem cōmisit. nemo igitur nos iudicare, aut ideo reiicere debet, quod patriae honorati simus obscuritate, quum amborum opera, Euangelium apud nos sit roboratum. haec non ideo percurri, ut excusatione nostra opiniones illius defendam: calumniatorum enim reprehensione, si saltem aliqui sunt, longe uir ille melior est: sed ne ij qui censent, uoces solum à uiro in literis adinuentas, pietatis finem esse, fidem debiliorem, ac Theologiam illius demonstrationem improbitatis habeant propriae, quam tempus produxit, cum spiritu: sed scripturae sensum examinantes, necnon scopum, ad quem illa est conscripta, magis ad ueritatem accedere, & impiorum ora obstruere ualeant. mihi igitur Theologia illius non aliter quam amicus quispiam erit, tantamque fiduciam in uiri puritate de hac re pono, ut illam omnibus faciam communem, & mea quidem ab illo expendantur, illius autem à me, & coram deo & hominibus aequioribus, ita sint considerata. nec enim Euangelistas inter se dissentire dicimus, quia quidam carni Christi magis operam impenderunt, alij autem Theologiae plus incubuere, ac hi quidem ex rebus nostris, illi au-

tem

tem ex supernis initiū fecere, præconiumq; ad utilitatem, ut arbitror, capientium distribuerunt, quum ita in eis spiritus figuraret. Proinde quum multi olim fuerint pietate clari, ac nunc quoq; sint homines, ueluti legislatores, populorū duces, prophetæ, doctores, fortes ad sanguinis usq; effusionem, age cum illis nostra consideremus, sic enim uirum hunc recte cognoscere ualebimus. Adam dei manu, necnon delicijs paradisi, & legislatione prima factus est dignus, sed ne quid blasphemī cōtra primæuum proferam parentem, reuerentia dictum sit, mandatū non seruauit. Basilius uero accepit, & seruauit, ac nequaquam cognitionis læsus est ligno, rompheamq; euasit igneā, & ut planè noui, paradysum est adeptus. Enos primus sperauit ut inuocaret dominum, Basilius autem inuocauit, & alijs quoq; prædicauit, quod quidem inuocatione longe honorabilius est. Enoch ob breuē translatus est pietatē, tum enim fides adhuc in umbra erat, præmiū pietatis inueniens translationem, sicq; reliquæ uitæ periculum effugit. Basilijs autē tota uita translatus fuit, ipseq; perfecte in uita probatus perfecta. Noë archa, & semina mundi secunda, in ligno cōcredita fuere paruo, & per undas seruata: Basilius autem impietatis effugit diluuium, ac ciuitatem suam celeriter salutis fecit archam, quū undiq; hæreticis esset referta, ex qua & mundum totum reuocauit. Magnus fuit Abraham, & patriarcha, & sacrificus, sacrificij noui, qui eum quē ex promissione acceperat, sacrificium promptum suo obtulit datori, & ad iugulationem usq; produxit: sed nec Basilius illo minus fecit, seipsum enim deo obtulit, & nihil tanquam idem esset supposuit, quid enim erat uictimam offerre? Isaac ante natiuitatem etiam promissus est. Basilius uero promissio ipsa fuit, Rebeccaq; ecclesiam dico, non longinque, sed propinque duxit, non per legationem seruilem, sed à deo traditam & cōmissam, neq; in filiorum prælatione deceptus fuit, sed unicuiq; quæ digna erāt cum spiritus iudicio distribuit. Iacobi scalam laudo, ac statuam quam deo inunxit, necnō luctam cum illo, si qua saltem fuit humanæ, ut arbitror, mensuræ, ad numinis sublimitatem comparatio, unde & femoris dolor, naturæ deuictæ symbolum. laudo etiam pulchrum illud uiri circa pecora commentum, & successum, necnō duodecim ex eo patriarchas, ac benedictionis distributionem, cū prophetia futurorum nequaquam ingenerosa. uerum & Basilijs laudo scalam, nō solum uisam, sed & ascensam, ascensionibus per uirtutem pedetentim: ac statuam non quam inunxit, sed deo erexit, quo impiorum facta notaret infamia: & luctam, non qua contra deum, sed pro deo decertauit, dum hæreticorū errores in terram prostrauit: sed & pastorem uiri artem ex qua ditatus est, & pecora potius generosa quàm obscura possedit, ac pulchram sobolem eorum, qui secūdem deum sunt nati, necnon benedictionem quæ cōfirmauit multos. Ioseph frumenti distributor fuit, sed in Ægypto solum, nec sæpius & corporaliter quidem: Basilius uero omnibus distribuit, semp & spiritaliter, quod mihi distributione illa longe uenerabilius existit. Quū Iob tentatur, & uincit, in fineq;

H ; splendide

splendide certaminum uictor pronuntiatur, à nullo impugnante, licet multo forent, coccussus, uerum longe tentatorem superans in lucta, sed & amicorum irrationale refrenauit, qui passionis ignorabāt mysterium. Moses & Aaron inter sacerdotes eius, & magnus quidem Moses affligens Ægyptum, & populum saluans in signis multis ac miraculis, nubem ingrediens, duplicem legem ferens, literalem extra, spiritalem intra. Aaron autē Mosi frater, & corpore & spiritu, pro populo orans ac sacrificans, tabernaculi sacri & magni, quod compegit dominus & non homo, mystes. amborum horum Basilus æmulator fuit, nequaquā corporalibus flagellis, sed spiritualibus & rationalibus, populum hæreticum & Ægyptiacum affligens. deduxit autē populum acceptum, bonorum operum æmulatorem, ad terrā promissionis, tabulisq; minime frangibilibus, sed duraturis leges inscripsit, non iam umbratiles, sed ualde spirituales, in sancta uero sanctorū nō semel in anno, sed sæpius, & per singulos, ut ita dicā, dies est ingressus, unde & sanctam nobis reuelauit trinitatem, populumq; expiauit, nō asperione temporali, sed expurgatione perpetua. Porro quid ex Iesu Naue rebus pulcherrimū fuit? imperium rei militaris, sortis distributio, ac terræ sanctæ occupatio. Basilus uero, nōne princeps & dux fuit? eorum qui per fidem saluantur. nōne hæreditatum penes deum diuersarum distributor? & illarum tantum quas distribuit ihs, quorum dux fuit, ita ut uocem illam emittere posset, quoniam sors mihi cecidit inter fortissimos, & in manibus sortes meæ, longe honorabiliores q̃ quæ in terra sitæ sunt, & diripi possunt, & ut iudices prætereamus, aut iudicū clarissimos, Samuel inter eos qui inuocant nomen eius, & ante natiuitatem suā oblatas, ac statim postq̃ genitus fuit sacerdos, & unctor regum ac sacerdotū per cornu. Basilus uero nōne ab infantia deo à matre est consecratus? & cum tunica oblatas altari? uiditq; supercoelestia, unctus domini, & unctor eorum qui ex spiritu sunt initiati. Dauid inter reges decantatus, cuius multæ contra inimicos referuntur uictoriæ & trophea, sed mansuetudo in eo præcipua fuit, & ante regnum citharæ uis quæ spiritum incantabat malignum. Salomon cordis latitudinem à deo petijt, & consequutus est, adeoq; sapientia & contemplatione profecit, ut inter cūctos tēporis sui homines clarissimus sit effectus. Basilus uero mansuetudine huius, sapientia autem illius, secundum opinionem meā, minime, aut parumper superatur. nam & regum insipientiū audaciam demulsit, & nō austri reginā solam, neq; hunc, seu illū ob sapientiæ eius gloriā ex finibus terræ attraxit uniuersæ, sed omnibus finibus sapientia sua cognitus est. reliqua uero Salomonis obticeo, omnibus enim nota sunt, etiā si nos parcamus. Laudas Helię cōtra tyrannos dicendi audaciā, & raptū per ignem, necnon pulchram hæreditatē Helisæi pallium, siue spiritū Heliæ subsequētē. lauda etiā Basilij in igne uitam, multitudinem inquā tentationum, & per ignem salutem, ardentem quidē, sed non deflagrantem, rubi miraculum, ac pulchrum ex alto indumentum, carnem consumptam, obmitto alia.

Iuuenes

Iuuenes in igne rore perfusos, ac prophetam fugitium in ceti uentre orantem, necnon iustum illum in lacu, tanquam à thalamo bestiae procedentem, & leonum ferociam ligantem, aut septem Machabæorum certantem, qui cum matre sancta per sanguinem sunt consecrati, cum omnibus alijs, qui sui experimentum exhibuere, quorum constantiam Basilius est æmulatus, ac gloriam tulit sempiternam. Proinde si ad nouam accessero legem, & eos qui in illa clauerunt cum Basilio conferam, discipulum honorabo per doctores. Quis Iesu fuit præcursor? Ioannes, tanquam uox uerbi, & quasi lampas luminis, erga quem etiã exultauit in utero, & ante illum ad inferos præcurrit, per Herodis insaniam illuc demissus, ut & ibi Christi annuntiaret aduentum. quod si sermo noster uideatur audacior, illud prædictis addatur, quod nequaquam ideo hanc facio cõparationem, quia uirum illum præponam, aut parem putem illi, qui inter natos mulierum omnes superauit, sed ut ostendā hūc illius fuisse imitorem, & aliquid ex caractere eius retinentem. siquidem res non parua est honestis, imitatio maximorum, etiam si sit parua. nonne enim uir ille simulachrum fuit manifestum philosophiæ illius? nam & hic in deserto habitauit, & in nocte ueste amiciebatur aspera, quæ celabat & nequaquam ostendebatur: sed & parem cibum dilexit, deo per abstinentiam purgatus: quin etiã Christi præco fieri optauit, etiã si non esset præcursor: & exiuit ad eum non solum regio circumiecta, sed remotissima etiã. Sed & inter duo medius fuit testamenta: huius enim literam dissoluit, illius autem spiritum publicauit: nam impletionem legis occulti manifestam fecit dissolutionem. Petri zelum imitatus est, & uigorem Pauli, clarorum illorum, & plusquam celeberrimorum, amborum uero fidem. si liorum Zebedæi magniloquentiam, omnium discipulorum frugalitatem & mediocritatem. quapropter cœlorum clauis illi sunt cõcreditæ, non enim à Hierusalem usque in Illyriam solū, sed maiorem etiã circulum est amplexus: nec tonitruus filius est uocatus, sed factus. quin & super Iesu pectus recubuit, unde & sermonis uim necnon scientiæ hausit profunditatem. Stephanus autem fieri prohibitus est, tametsi prout esset, reuerentia cohibens lapidantes. sed & succinctius dicere possum, ne facta eius enumerem singula: ex bonis quædam adinuenit, alia imitatus est, nonnulla autem deuicit. nam omnium gratia uenire, eorum etiã qui nunc sunt, omnium est dominari. unum omnibus breuiter addidero, tanta uiri erat uirtus, tantaque gloriæ eius abundantia, ut & multa, ac quæ ex paruis illius erant, inter quæ & refrenationes corporales erant, ab alijs ad gloriam cedere putarentur. ueluti pallor, barba, incessus cõpositus, & tarditas in sermone, qui plenus erat prudentia, & ad interna pertingens, quæ multis, qui ea minus bene imitari & cognoscere possunt, in morositatem cedunt. Quin in uestitus forma, ac lecti figura, nec non cibi cõsuetudine, nulla ab eo adhibebatur diligentia, sed simpliciter se gerebat, & fortuito secundum quod eueniebat. Sanè multos Basilius, quantum ad uisum cernere licet, statuas umbratiles, nimium enim est ut nominentur postphani. *Imitatores*

Vox enim ea est nouissima, sed euidentius discernitur. illi autem longius à uiro

distant, quæ quantū appropinquare desiderant. uerum hoc iam nequaquæ paruum est ad gloriā, & merito quidem, ut eis aliquando uel parumper appropinquare cōtingat, quo emendent: aut aliquid studiose ac diligēter dictum aut factum eius mandent memoriæ: quemadmodū ego mihi sapius ad gloriā cessisse scio, quoniā ea quæ uiro fortuito exciderunt, longe præstantiora sunt & clariora, quæ quæ ab alijs magna diligentia sunt elaborata. Post quæ autē cursum perfecerat, ac fidē seruauerat, resolutionem desiderabat, iam quæ coronarum instabat tempus: uerū minime in montem ascendere, & ibi occubere iussus est, obiit autē & ad nos ascendit, sed & hic miraculū prædictis non posterius accidit. iam ferè mortuus erat, ita ut nec amplius spirare, ac multū uitæ exhalasse uideret, uocalior tamen in sermonibus redditus est nouissimis, quo cū uerbis abiret pietatis, insuper & successorem elegit ministrū suum fidelissimū, cui & manum & spiritū dedit, ne gradus discipulos eius, & sacerdotij adiutores afficeret iniuria. uerū sermo iam ultra progredi cunctat, progreditur tamen, quamuis plus alios quæ me deceat, quoniā nequaquæ in afflictionibus philosophari queo, etiā si ualde philosophari studeam, cōmunis memor damni & afflictionis orbis uniuersi, decumbebat uir, spiritumque trahebat nouissimum, & à superno quærebat choro, ad quem iam pridem respiciebat: confluebat autē ad eum ciuitas uniuersa, minime damnū ferens, peregrinationemque illius tanquæ tyrannum inculabat, ac animā eius quasi manibus uel precibus cogi posset retinere satagebat. siquidem calamitas ea homines quasi desipientes reddebat, & unusquisque aliquid de propria uita, si possibile fuisset, illi impartiri paratus erat. post quæ autē superati sunt, necesse enim erat, ut ostenderet quod homo esset, & ipse in manus tuas domine spiritum meum repono, angelis nouissime dixit abducentibus, non insuauiter expirauit, præsentisque sacris quibusdam instruxit, ac meliores extremis reddidit mandatis. tum miraculum factum est inter omnia quæ unquā acciderūt celeberrimum. gestabatur sanctus, manibus sanctorum eleuatus, singuli que contendebant: & hic quidē ut simbriam contingeret, uel ab umbra contingeret: alius ut lectulum quo sacer ille efferebat solū tangeret. quid enim corpore illius sanctius ac purius? alius ut gestantibus appropinquare posset, quidā ut solū spectaculo perfrui ualeret, ac si necesse foret, ut & illud celebraret. plenæ erāt porticus, fora, fenestræ, culmina, hominibus qui illū præmittebant, gerebāt, & inuicē succedebāt, ex omni genere & ætate, numerus infinitus, psalmodiæ resonabāt antea incognitæ, luctu permixtæ, sapientiæque passionis soluebatur magnitudine. certamen autem nostris cum Græcis, externis, Iudæis, & alienis erat, pariter & illis nobiscum, ut qui plus lugeret, maius quoque referret commodum: finis sermonis, & ad periculum usque animi processit affectio. cum ipso enim discessere animæ non pauca, afflictionis & perturbationis ui abreptæ, quæ & tandem ueluti itineris comites beatitudinem sunt assequutæ. eas ex feruentioribus quispiam recte, uictimas sepulchrales appellauerit

pellauerit: corpus uero uix effugit diserpentes: uicitque instaurantes pompam, sicque sepulchro patrum suorum est illatus, sacerdotibusque iunctus archisacerdos, præconibus uox magna, & in auribus resonans meis, martyr martyribus. & nunc in cœlis degit, ibique pro nobis, ut arbitror sacrificia offert, ac pro populo orat. licet enim nos reliquerit, non tamen omnino reliquit. Ego uero Gregorius semimortuus sum, & semisectus, tam magna priuatus conuersatione, uitamque exigo lugubrem, & nequaquam prosperam, quemadmodum par est segregatum ab illo. ac nescio quomodo post institutionem illius finiam, qui nunc etiam per uisum admoneor nocturnum & resipisco, quum excido à decore, uerum nequaquam hæc ideo refero, quo laudibus intermisceam lachrymas, sed ut uiri conuersationem memoriæ commendem, ac tempori, communem uirtutis statuam tabulam, & inscriptionem salutarem ecclesijs, ac animabus cunctis, ad quam respicientes, uitam tanquam ad legem dirigant animatam. uobis autem qui gesta eius celebratis, in primis consulo, ut semper ad eum respiciatis, & tanquam ipse uideat, & uideatur, præparemini spiritui. adestote igitur, ac uniuerso choro illius me circumstite, tam ij qui gradus sunt, quam inferiores, siue nostri, seu extranei, ac laudem eius pariter mecum celebrate, aliusque aliud quid ex rebus eius narret, aut quærat pulchris, qui in throno considetis legislatorem, qui res administratis publicas rerum publicarum administratorem, populares disciplinam, eloquentiæ studiosi doctorem, uirgines pronubum, iugo subiectæ moderatorem, solitarij alatum, permixti iudicem, simplices ductorem, contemplantes Theologum, læte agentes frenum, calamitatibus oppressi consolationem, senectus baculum, iuuentus correptorem, paupertas largitorem, opulentia dispensatorem. sed & uiduæ uidentur mihi tutorem laudare, & pupilli patrem: pauperes uero pauperum amatorem, ac hospitalem hospites, fratresque fratrum amatorem, ægrotantes medicum, in quacunq; infirmitate remedium, sani custodem sanitatis, omnes eum qui omnibus factus est omnia, ut lucraretur omnes aut plures. hoc tibi Basili munus à nobis sit impensum, tanquam à lingua tibi quondā suauissima, & eo qui honore & ætate tibi fuit æqualis. quod si iuxta dignitatem, tibi sint gratiæ, tui enim confidentia sermonem hunc de te institui. si autem à spe longe excidi, quid me pati oportet? senectute, & morbo, necnō desiderio tui maceratū. attamen deo acceptum est quicquid sit pro uiribus. tu autem sacrū ac diuinū caput, ex alto nos respice, & carnis stimulum, instructionē nostrā, à deo nobis datam, aut tuis siste precibus, aut fortiter me ferre persuade, totamque uitā nobis in melius permuta. quū uero emigrabimus, nos ibi tuis excipe tabernaculis, quo simul uiuentes, trinitatē sanctam & beatā pariter aspiciamus, purius & perfectius cuius nūc simulachrū mediocriter percipimus. ibi desiderium sistemus, ac eam accipiemus retributionē, quā pugnando acquisuimus, & acquirimus. tibi igitur hic à nobis dictus sit sermo, nos autē quis post te quū uitā exegimus

laudabit

laudabit: si saltem quid laude dignum præstitimus sermonibus, in Christo Iesu domino nostro, cui sit gloria in secula, Amen.

ORATIO DIVI GREGORII NAZIANZENI IN FVNERE
SORORIS SVÆ GORGONIAE DICTA



V V M sororem laudo, admiror domestica, quæ non ideo falsa sunt quia domestica, sed uera, ac ideo laude digna, uera autem, quoniam nō solum iusta, sed & manifeste cognita. proinde haudquaquam ad gratiam nostra declinabit oratio, etiam si cuperemus, sed in medio sermonis & ueritatis statuetur auditor, tanquam dispēsator quispiam prudens, quin nec præterquàm decorum est illam laudabo, quod uero decorum est iustus etiam exigit: ac ideo nequaquā tali timeo timore, ne ueritatē trāscendam, sed penitus cōtrarium, ne aliquid de ueritate obmittam, ac multa quæ digna sunt præteream, gloriamquē laudis diminuam, quandoquidem difficile est, & rem, & sermonē, recte sororis adaptare uirtutibus. nil igitur alienum laudabo quod non sit etiam iustum, sed interim nec domesticū, & quod honore dignum est afficietur ignominia, ne lucrum sit quod est alienum, illud uero in damnum cedat proprium, uterquē enim sermo iustū excedit modum, & quum aliena laudantur, & domestica obticentur, ueritate igitur tanquam canone utemur ac termino, ad illamquē solam respiciemus, ita ut nil aliud consideremus, quemadmodum multi facere solent, & præcipue abiecti. solū igitur ea laudabimus, & ea tacebimus, quæ laude uel silentio digna erunt. Sanè præ omnibus rebus est absurdissimum, ut propinqui laude priuentur debita: cōuicijs uero illos dilacerare, uel accusare, aut in alio quopiam, siue paruo seu magno afficere iniuria, impijssimum esse censeamus, immo omnium deterrimum, iuxta adagium usitatum. sed nec eos sermone, qui præcipue bonis debetur, priuare decet, quoniam cum illo memoriæ commendantur perpetuæ. deinde iustum quid nos agere putamus, ne maiorem rationem habere uideamur malorum, qui id ex gratia exigunt, quàm modestorum quibus officium illud dignitatis competit causa. Sanè externos laudare, nequaquam prohibet, quod ignoti existant aut testes desint, tametsi hoc iustius esset: notos uero commendare, amicitia prohibet, & odium quod regnat in multis. Proinde hoc laudis genus potissimum debetur ijs, qui hinc migrarunt, & quibus nulla amplius gratificandi est cura, qui quæ tam laudatores quàm uituperatores, cum alijs reliquere cunctis. Sanè postquàm abunde de his uerba fecimus, ostendimusquæ nobis ipsis sermonem hunc potissimum competere, agite nunc ad laudes ipsas, omni sermonis elegantia & affectatione neglecta deueniamus: quoniam nec fucata erat quam laudandam suscepimus, hæc enim pulchritudo eius erat, ut ornatu careret: attamen debitam pietatem tanquam æs alienum, & perquàm necessarium exoluemus, simulquæ plurimos ad imitandum uirtutes eius instituemus, quandoquidem

quidem huic ūni rei, in omni sermone & opere stūdemus, ut eos qui fidei nostræ sunt commissi, instruamus. Proinde alius defunctæ laudet patriam & genus, leges uenerans eorum qui mortuos laudare consueuerunt, quandoquidem nequaquā multis aut pulchris indigebit uerbis, qui hanc rebus exornare uelit externis, ueluti à forma pulchra ac ueneranda, gemmis & auro, necnon artificioso manuum decore, quæ iuxta posita deformitatem etiam redarguunt, at pulchritudo etiam si rebus haud ornata fuerit pulchris, nequaquam tamen diminuitur. Ego autem tantisper hac utar formula, dum communium recordabor parentum, siquidem haudquaquam pium esset, tantorum parentum & doctorum obmittere decus. deinde breuiter ad illam sermonem cōuertam, nec eos defraudabo qui illius tenentur desiderio. Quis igitur ignorat, nouum Abraham nostrum, necnon Sarram? Gregorium dico, & huius coniugem Nomiam, decet enim, ne & nomina quoq; tanquam uirtutis monimenta obmittamus, illum fide iustificatum, hanc uero fidei cohabitatricem. Patrem multarum gentium, idq; præter spem, hanc autem spiritaliter parturientem, illū seruitutem paternorum fugientem deorū, necnon filiam, & matrem liberorum, qui è domo sua ac cognatione propter terrā promissionis est egressus: hanc uero peregrinationis causam, quæ ei uni accepta est ferēda, quo aliquid auderet etiam super Sarram. illum recte habitātem, hanc autem prompte cohabitātem, illum domino addictum, at hanc uirum suum dominū appellātem & censentem, partimq; propterea iustificatam. Quorum erat promissio, & quorum (quātum in ipsis) Isaac erat, & quorum erat donum, cuius erat pastor ille bonus, optabilis, & dux itineris, necnon figura recte pascentis, cuius erat rite fugere idola, dehinc etiam fugare dæmones, illius autem, haud unquam cum alijs communicare ijs quæ sunt ex idolis, sed & eodem fruebatur honore, eadem sentiebat, ac una cum illo anima erat, non minus in ijs quæ ad res spectabant diuinas, quàm cognationē carnis. ætas par erat, ac canicies æqualis, necnon & prudentia & splendor, in hisq; certamen mutuum, quo longe reliquis præstabant. Carne quidem parum occupati, spiritui uero etiam ante copulationem dediti. Quorum haud erat mundus, & quorum erat mundus, hic quidem despectus, ille uero prælatus. Quorum erat negligere diuitias, & quorum erat pulchris ditescere operibus, hæ enim quæ hic sunt, despiciebantur, istæ uero quæ illic existunt desiderabantur. Quibus uitæ huius reliquū breue erat, præterquàm quod relinquebatur pietati, uita uero pro qua antea laborauerāt longe felicior censebatur. Cæterum unum adhuc sermonibus de ipsis adijciam, qui recte ac iuste amborū conueniunt stipiti: siquidem hic uirorū, at illa mulierū erat decus, & nō solū decus, sed & uirtutis exemplū. Ex talibus orta erat Gorgonia foror, tā uita q̃ probitate excellens, hinc illi pietatis erāt semina, ab illis innatū erat ut recte uiueret, & spe meliore pieq; decederet. præclara hæc quidem sunt, & quæ haud facile multis, qui ob generis nobilitatem superbiunt, sunt concessa

sa. Proinde si altius de his philosophari oportet, Gorgoniæ patria superna erat Hierusalem, ciuitas nequaquam uisibilis, sed mente tantum perceptibilis, in qua uersamur, & ad quam tendimus, cuius ciuis Christus etiã existit, conciuēsque sunt panegyres, necnon ecclesia primogenitorū, quorū nomina in cœlis sunt descripta, & qui circa magnum ciuium moderatorem festiuitatem celebrant contemplatione gloriæ ipsius, choreasque ducūt indefinentes. Nobilitas autem uera, imaginis est conseruatio, & ad exemplar cōfiguratio, quam operatur uerbum & uirtus, necnon desiderium purum, semper, & magis legitimos supernorum mystas secūdum deum formans, ac cognoscere faciens, unde & quinam existamus, curque simus creati, ita enim ego de his sentio, ac ideo animam illius, radijs solaribus nobiliorem esse scio, & uoco, longe meliori, quàm plures alij, nobilitatis & ignobilitatis regula ac libra utens, & haud sanguine, sed modo quodam hæc designo. neque enim laude seu uituperio dignos, secundum cōgregationem communem, sed speciem uniuscuiusque iudico. In speciebus autem sermo de uirtutibus sororis uersatur. unusquisque igitur sermoni auxilietur, & opem ferat, quandoquidem nequaquā possibile est uni cuncta comprehendere, etiam si admodum auditu & intellectu excellat. Gorgonia igitur tantum castitate præstabat, tantumque sui temporis fœminas exuperabat omnes, ne dicā antiquas illas, & de quibus plurimus est sermo, ut quum in hæc duo uniuersa diuisa sit uita, in nuptias dico, & uirginitatem, sitque hæc sublimior ac diuinior, laboriosior autem & lubricior, illæ uero humiliores & securiores, utriusque tamē declinaret absurditatem, ac ex ambabus unum quod pulcherrimum esset eligeret, & in unum copularet, huius quidem sublimitatem, illarum autem securitatem: fieretque casta citra ostentationem, quum nuptijs uirginitatis bonum admisceret: & ostenderet quod neutrum horum, uel deo penitus, uel mūdo coniungit, rursusque dissoluit: ita ut hæc propter naturam propriam penitus sint fugiendæ, illa autem nimium laudanda, uerū mens est quæ nuptijs & uirginitati recte dominatur, & tanquam materiā, rationi opifici, hæc adaptat, & ad uirtutē operatur. carni enim cōglutinari, nequaquam separat à spiritu, neque si qua caput habet uirū, ideo caput primum ignorat: sed parumper mundo ministrat & naturæ, quātum lex exigit carnis, seu illi potius, qui carni legem hanc tulit deo. hoc autem pulcherrimum fuit & uenerandissimum, quod maritum ita sibi conciliauit, ut illum non dominum imperiosum, sed conseruum haberet bonum: nec illū solum, sed & corporis fructum, filios dico, & filiorum filios fructum fecit spiritus, ita ut genus totum & domum totam, pro una anima sanctificaret & conciliaret deo, necnon nuptias laudabiles, propter summā in nuptijs tranquillitatem, & pulchram inde fructificationem. Siquidem quādiu uixit, totius boni se suis exhibuit exemplum: postquā autem uocata fuit, uoluntatē suam domui post se reliquit, admonitionem tacitam. Sanè diuinus Salomon in parœmijs ubi sapientiam docet, laudat mulierem quæ domi curam gerit, &

maritum

maritum amat: ac illi quæ extra domum oberrat, incontinentiaꝝ & ignominia animas uenatur honorandas, sub specie & nomine meretricis, eam opponit quæ intus honeste delitescit, ac in rebus muliebribus uiriliter se gerit, semperꝝ ad fufum manus habet, ac uiro uestem concinnat duplicem, ac cibaria in tempore emit opportuno, recteꝝ pascit domesticos, unà cum alijs quæ ille foeminam prudentem & operosam decere ait. Verum si ego ob talia sororem laudarem, ab umbra laudarem statuam, aut ab unguibus leonem, obmissis maioribus ac perfectioribus. Sanè quænam spectatu dignior erat: at quænam minus apparebat: siquidem à uirorum aspectu planè inuisibilem se custodiebat. quænam magis mensuram inter seueritatem & hilaritatem retinere sciebat: ita ut nec seueritas uideret inhumana, nec hilaritas immodesta, sed hæc prudens, illa uero humana, terminusꝝ esset decoris, ut humanitas uinceret inurbanitatem. Audite mulieres quæ ualde ac prompte uos ostentare, ac pudoris tegmen ignominia afficere soletis. quænam sic oculos refrenauit: quænam ita risum continuit? magnum enim quid esse uidebatur, si illa uel parumper fuisset cōmota. Quænam magis auditui fores occlusit: quænam illum diuinis sermonibus magis aperuit: quænam magis linguæ mentem posuit custodem: & iustificationes diuinas cum illa laudauit: quænam ordinem labijs plus decorauit? Addo & illud, uultis ne aliquid de illius audire pulchritudine: nam licet precij nullius esse uideatur ijs, quæ uere moribus sunt castæ, magnum tamen quid uideri fecerunt illæ, quæ ualde ornatui & pulchritudini student, & neq; sermone eorum purgantur, qui meliora docent. non aurum illam ornabat, arte ad pulchritudinis mundum elaboratum, non capilli flauī, interlucētes & concinnatī. non coma retorta & supposititia, quæ uenerandum caput, fraude sua ignominia afficeret. non uestis fluidæ & lucidæ uarietas, non gemmarum splēdores & gratiæ, quæ aërem propinquum colore inficiunt, & relucēt aspectu, non ars pictorum, ac fucus, pulchritudoꝝ uilis, quam infernus facit artifex, qui dei figmentū fraudulentis abscondit coloribus, & honoris gratiā dedecorat, diuināꝝ formam, meretricum idolum, auidis exponit oculis, quo pulchritudo uelamine obfusetur, idꝝ imaginem suffuretur naturalem, deo ac seculo conseruandam futuro. Cæterum multos, immo omnes, externus mulierum oblectat ornatus, quum nullus preciosior existat, quàm mores illarum honesti, & splendor internus. Vnicus igitur rubor sorori peculiaris erat, pudoris, candor unicus, cōtinentiæ. picturas uero & superpicturas, ac tabulas uiuentes, necnon pulchritudinem fluxam, illis relinquebat, quæ theatra frequētabāt, & quæ in triuijs agebant, quibusꝝ uerecundia ac uerecundari ignominia uidetur. & hæc ita se habebant. Cæterum prudentiam illius, & pietatem, nullus sermo digne explicare posset. siquidem multa maiorum suorum, tam secundum carnem, quàm spiritum reperiēbat exempla, ad quos solum respiciēbat, ac nequaquā illis uirtute erat inferior, tametsi in hoc uno & admodum prompte uinceret.

I quod

quod ab ijs bonum defluere sciret, eosq; domestici splendoris radices esse & gaudebat, & fatebatur. Porro quid intellectu eius acutius erat? quem non solum ij qui ex illius genere essent, nec illi qui eiusdem essent populi & caulæ unius, sed omnes qui in circuitu habitabant, commune symbolum esse sciebant, legemq; indissolubilem documēta illius & admonitiones. quid autem sermonibus illius sanctius? quidue silentio prudentius. uerum quia silentij mentionem feci, rem & ipsi perquam peculiarem, nec non alijs mulieribus dignissimam, præsentem autem tempori utilissimam tetigi. quænam magis res norat diuinas? tam ex oraculis diuinis, quàm intellectu proprio. quænam minus loquebatur? in terminis muliebribus, pietatis nempe permanens. maritus igitur illius cōmodum hinc accipiebat, ut uere ob eius cōmerciū pie ageret, & nō solum ob pulchram infatigabilitatem. Quænam templa ita oblationibus ornauit? tam alia quàm istud, quod nescio utrū illa sublata dehinc ornari possit, seu potius quænam sic uiuens templum se deo exhibuit? Quæ ita in honore habuit sacerdotes? tam alios quàm illum qui pietatis eius doctor erat & concertator, cuius bona sunt semina, & deo consecrata filiorum coniugatio. Quænam magis domū suam exhibuit ihs, qui secundū deum uiuunt? pulchra illa susceptione, ac quæ homines reddit diuites. & quod hoc maius est, quænam tali suscepit reuerentia? & secundum deum gressibus, ac illis quæ his adhærent, quænam mentem ostendit in afflictionibus minus afflictam, quæ magis animā condolentem patientibus? quæ manū largiorem indigentibus, ita ut ego audacter illā uerbis his Iob ornare audeam. Ianua illius unicuiq; aduenienti patebat, nec extra pernoctabat peregrinus. oculus erat cæcorum, pesq; claudorum, ac mater orphanorum. de misericordia uero erga uiduas, quid maius dicere oportet? quàm quod illum fructū tulit, ut nequaquā uidua uocaretur. Sanè domus eius cōmune erat pauperibus ex sanguine hospitium, substantiaq; cōmunis, omnibus indigentibus, non secus ac si uniuscuiusq; esset propria. dispersit dedit pauperibus, & propter promissionis certitudinem, ac nequaquā fallacem, multa coelestibus intulit torcularibus, multotiensquē Christum propter multos refocillatos suscepit. Et quod pulcherrimum erat, non maioris apud eam momenti fuit ut uideretur, quàm ueritas ipsa, sed recte agriculturam suā deo exercebat occulte, ille enim & pietatem aspicit occulte, omnia mundi dominatoris rapiebat, omniaq; in tutissima re condebat repositoria, ita ut nihil terræ relinqueret præterquam corpus. omnia pro spe permutauit futura, unicas diuitias liberis suis reliquit, imitationē nempe, & ut ipsi quoq; in talibus decertarent. nōne talia magnanimitatis sunt? & incredibilia fermè. Corpus uero à delicijs & effrenibus cōtinebat uoluptatibus, quibus illud soluitur ac dilaceratur, nequaquam confidens bene actis, siquidem quàm plurimis accidere solet, ut operibus misericordiæ, quæ inopibus impertiuntur, delicias redimant, & nequaquā bono malum sanēt, sed pro bono malum accipiant. illa uero terrā ieiunijs superabat, alijs autem

ut

ut in terra dormirent pro remedio dimittebat. Ieiunium enim deprehendit animæ esse adiutorium. somno autē mensuram alienæ rei gratia minus statuebat, aut ita lege firmabat tanquam careret corpore. genua autem inflectebat ad terram, quum & alij totam uigilarēt noctem, sicq; corpore manebat recto, quod quidem præcipuum philosophicorū hominū certamen existit. nam licet hoc nequaquam pertineat ad mulieres, ipsa tamen inter uiros generosissimos, uisa est perquam uiriliter. Ceterum est ne uir aliquis, aut mulier, qui hanc psalmodiarum tono prudētī, uel eloquiorū diuinorum colloquijs, siue explicatione, aut memoria tempestiua, seu genuū attritorū inflexione, & pauimenti instar induratorū, uel lachrymis, sordiū purgatione, in corde contrito & spiritu humiliato, aut precibus ac mente nō uaga, sed sublimi, & in altū sublata, his omnibus, aut quibusdā ex illis superasse gloriari potest? atqui & hoc dictu magnum existit, uerū tamen, quod ex bonis quædā æmulabatur, in quibusdam autem erat æmulationi, & hoc quidem inueniebat, illud autem uincebat. sed quid in singulis defatigari necesse est? ut igit cuncta paucis cōprehendam, in omnibus superior euasit: ita enim cuncta egregie disposuit, quemadmodū alius quispiam, unum, & mediocre: ita autem ad summum singula, ut ex omnibus uel unum sufficeret. Cæterū ō quale corpus? & sordidum carnis indumentū? in quo sola uirtus florebat. ō anima imperans corpori, & sine alimento ferē immaterialis, seu potius quæ corpus ante separationem etiam mortificari coëgit, quo anima libertatem adipisceretur, & nequaquam impediretur à sensibus. ō noctes insomnes, psalmodiæ, & stationes de die in diem peractæ. ō Dauid, fidelibus solum animabus, nō prolixa decantans. ō membra tenera, à terra detrita, & cōtra naturam exasperata. ō lachrymarum fontes in tribulationibus seminata, in exultatione metenda. ō clamor nocturnus, nubes etiā pertransiens, & ad cælum usq; perueniens. ō feruor spiritus, idem audens quod canes nocturni, propter desiderium orationis. ō alboris pluuiæ, tonitruū, grandines, & tempestates. ō natura mulieris, uirilem etiā propter cōmune salutis certamen superans, & corpore non anima differens, muliebriq; uirile redarguens. ō puritas post ablutionem, & anima spōsa Christi, in puro corpore, pura, sponso puro. ō gustus amarus, & Eua mater, tam generis q̃ peccati, anguisq; seductor & mortifer, illius cōtinentia deuicta. ō Christi exinanitio & serui forma, passionibus illius mortificatione honorata. ō quomodo uel cuncta illius enumerabo? uel quū plurima obmitto, nequaquā læsero ignorantes. cæterum tempus est, ut iam de pietate illius & conatibus loqui desinam, uos enim qui recte illius facta nouistis, iam pridem mihi desiderare, & in sermone quærere uidemini, non presentia solum, nec ea quibus nunc illic exultat, quæ menti humanæ, auditui, & uisui planè sunt incognita, sed qualia etiā iustus ei præmiū retributor, in hoc retribuerit seculo, quandoquidē sepius hoc in ædificationē infidelium facere solet, paruis magna, & uisibilibus concedens inuisibilia. dicam autem quædam

omnibus cognita, nonnulla uero à multis abscondita: hoc enim ad ipsius per-
 tinet philosophiā, ut haud nimium laudibus ornatur ob gratiā. Nouistis igit
 iumenta insana, & raptum ē uehiculo, ac circuitum illū detestandum, necnō
 abstractionem & contritionē miserandam, & scandalum quod hinc ortū est
 infidelibus, si ita iusti tradant, ac celerem incredulitatis emendationē, quo-
 niam omnia cōtrita sunt & concisa, & ossa, & membra, & occulta, & manife-
 sta, & quod nullū alium medicū q̄ tradentem tulerit, prae pudore aspectus
 uirilis, & manus: decorem enim egrotos quoq; seruare decet: pariterq; quod
 responsionem quæsiuerit ab eo, qui illam hæc pati permittebat. neq; ab alio
 quopiam, q̄ ab illo salutem est cōsecuta, ita, ut quispiam nō magis ob passio-
 nem, q̄ mirabilem illius sanitatis restitutionē admiratione capi deberet: ac
 ideo censeri posset, tragœdiam inde ortum sumpsisse, quo passionū censura
 tanquā homo passa fuisset, super hominē tamen sanātam esse uideri posset,
 ac narrationē posteris præstitisse permaximā, ad demonstrationem fidei in
 passionibus, & in aduersis tolerantie, longe autem plus clementiæ diuinę cir-
 ca homines tales. deo enim quū cadit nō conteritur, de iusto recte dictū. sur-
 git enim huic, & quū conterit, cito emendatur & glorificat. si enim præterq;
 decens erat patiebat, attamē ultra q̄ decebat ad ipsam est reuersa: ita ut pa-
 rum absuerit quin passio sanitatem subterfugerit, & manifestior fieret mede-
 la q̄ plaga. ó calamitas laudabilis & admiranda. ó passiones omni passione
 carente sublimiores. ó uerbera & uulnera & reconualescentia, & post tres
 dies resurrectio, in mediū ferens quid magis mysticū, quemadmodum & tu-
 lit, non minus autē huius congruens passionibus. hoc quidē omnibus mani-
 festum est, ac longinquis quoq; postq; & miraculum hoc ad omnes perue-
 nit, narratioq; hæc in omniū linguis & auditu, unā cum alijs dei miraculis &
 uirtutibus resonare coepit. illud autē quod nunc dicere pergā, usq; huc mul-
 tis est incognitū, ac propter philosophiam quā dixi absconditum, ob pieta-
 temq; omni caret ambitione & ornatu. Proinde si iubes pastōrū optime &
 perfectissime, sacræ illius ouis pastor, dicere pergā: & quia annuis, reliquum
 est, ut quoniā soli miraculum hoc sciamus, alijs quoq; de illo testimoniū præ-
 beamus, si saltem defunctæ fidem adhuc seruamus. uerū quemadmodū tūc
 tempus silentij, ita & nunc propalationis mihi esse uidet, non solū ad dei glo-
 riam, sed ob consolationē eorum, qui sunt in tribulationibus. Laborabat so-
 ror corporis ægritudine, & admodum male affecta erat, morbo inconsueto,
 ac planē peregrino: nam subito sanguis feruebat & ebulliebat, moxq; siste-
 batur, postea torpedo & stupor sequebat̄ incredibilis, mentisq; ac membro-
 rum solutio, idq; non longo accidebat interuallo, sed nōnunquā frequenter
 eueniebat, ita, ut malū illud nequaquā humanum esse putaretur, nec medico-
 rum proderant artes, tametsi magna diligentia morbū illū curare studerent,
 nō solū singuli, sed uniuersi etiā in unum collecti. Sed nec parentū lachrymæ
 opem aliquā afferebāt, licet multis multotiens profuissent, neq; uulgi preces
 quas

quas populus uniuerfus pro salute illius effundebat. siquidē ad omniū salutem pertinebat, ut illa saluaret, quemadmodū calamitas cōtra erat communis, si ægritudine male afficeret. Quid igitur anima faciebat magna, & maximis digna? & quod nam aduersus infirmitatē remediū habebat? iam enim occultū prodit: quū iam de omnibus alijs desperasset, ad omniū cōfugit medicū, noctisq; captata solitudine, quū illi morbus paruas cōcessisset inducias, ante altare cū fide procubuit, ac illū quem uenerabat, magna uoce, ac omni inuocauit conamine, eiq; miracula cūcta, quæ olim fecerat, in memoriā reduxit, nam & uetusta & noua callebat. tandē impudentia quadā pia & pulchra impudens facta, illā imitabat, quæ ob tactū fimbriæ Christi, à fluxu sanguinis est sanata, & quidnam facit? super altare caput reclinat, ac cū simili clamore, & lachrymarū profluuiio, instar illius, quæ olim pedes Christi rigauit opē implorat, & nō antea se cessaturā est cōminata, q̃ sanitatē fuisset adepta. Inde totū corpus pharmaco illo suo perunxit, & si alicubi manus ex uenerando corporis & sanguinis Christi subexemplari quid recondiderat: pro miraculū discessit, quū confestim de corporis salute facta esset certa, tam anima q̃ corpore ac mente releuata, mercedē spei sumens, id quod sperauerat, animæq; sanitate, corporis etiā bonā ualitudinē nacta. hæc quidē magna sunt, & nequaq; conficta, his uos omnes, & qui ægrotatis, & qui sani estis fidem adhibete, quod uero narratio hæc nequaq; iactatio existat, uel inde liquet, quod ea uiuente, silentiū de hac re fuit, nūc uero reuelat, & certe sciatis, quod ne nunc quidē diuulgatū fuisset, nisi timor me corripuisset, si miraculum tantum tam fidelibus, q̃ infidelibus, præsentibus & futuris abscondissem. Et talia fuere quæ illi acciderunt in uita, tamen si multa ob sermonis obmittamus moderationē, & ne uideamur in laudibus illius recensendis insatiabiles esse. Sauē & obitū fortassis eius sanctū ac celebrem iniuria afficiemus, nisi & ibi rerū honestarū eius reminiscamur, præcipue quū ipsa hoc quærat ac desideret: mentionē aut faciemus quantum possibile est uerbis breuissimis. desiderabat iam dissolutionē: nam magnā erga uocantē habebat fiduciā, & ut cum Christo esset, omnibus terrenis præferebat rebus, nemo enim corpus suum ita amat, etiā si ex eorū sit numero, qui ualde illud diligunt, quemadmodum ipsa desiderabat, ut ex uinculis carnis solueretur. materiam igitur cum qua uiuimus transcendere cupiebat, & pure uero bono coniungi: quo amatum accipere posset totum, addo etiam amatorem, cuius nunc paruo illuminamur splendore, & à cuius cognitione, quantum possibile est haud segregamur. nequaq; igitur desiderio illo est defraudata, quū ita rebus diuinis & sublimibus esset implicata, & quod hoc maius est, bono tali antea per præcognitionem & uigilias multas fruebat. nam somnus unicus ac suauissimus, necnon uisio unica, desiderium illud adimpleuit, peregrinationēq; præscriptā ei ostendit, ipsa igit purgationi & expiationi iā appropinquabat, quā donū cōmune, & secundæ uitæ principium à deo accipientes habemus: seu potius tota ui-

ta illi purgatio erat & expiatio . & hanc quidem à regeneratione ex spiritu, securitatem uero ex uita ceperat transacta : & solum ferè , ut audacter loquar, signaculum erat, sed non gratia, mysterium. cæterum cunctis mariti expiationem addere desiderabat (quod si uultis uirum quoque illum breuiter describam, maritus talis erat mulieris, ac nescio quid plus dicere oporteat) quo toto corpore deo expurgaretur , & non ex dimidio expiata discederet : sed nec his frustrata est precibus, ab eo qui uoluntatem implet timentibus eum , & qui ad finem deducit orationes . postquam autè omnia illi successere ex sententia, nec aliquid deerat ex ijs, quæ sperauerat , iamq; hora fatalis aduenerat, illa se ad mortem & peregrinationem præparans, humanam legem per dissolutionem adimpleuit, funeris autem honos talis illi à marito, & filijs, ac amicis est habitus , qualis & mariti , & filiorum , & fratris amatricem decebat, ac eam quæ iam splendide de illis quæ ibi sunt philosopharetur, & pangeyros diem faceret nouissimum . obdormiuit autem plena iam, nō dierum humanorum, nam nec illos sibi exoptabat, malos & dolorificos, ac ut plurimum miserijs & erroribus permixtos : sed illorum qui secundum deum sunt, & admodum plena , ita , ut haud sciam , num quis adeo facile ex illis etiam qui in multa dissoluuntur senectute, & qui multos annorum enumerant circuitus, & sic illa dissoluta est, uel ut rectius dicam, nos præoccupauit, aut euolauit, aut transmigravit, aut parumper à corpore est peregrinata. Cæterum postquam aliquantisper res illius percurramus , forsitan nequaquam nobis tu pater illius spiritualis permittis, ut miraculum quod tu tam diligenter abscondis, manifestemus . quod quidem illi in magnam cedit gloriam , magnum quoque nobis, ob uirtutis existit recordationem, & desiderium dissolutionis illius. etenim quoties miraculi huius reminiscor , toties mihi horror lachrymis commixtus suscitatur . dissoluebatur iam , ac ultimum trahebat spiritum, eratq; circa ipsam chorus , tam domesticorum, quàm exterorum, qui illi felicem exoptabant exitum , matrisq; senis assensus, ac animæ afflictio, quæ illi inuidebat peregrinationem . amor uero omnium , sollicitudine mixtus, ex quibus aliqui exitum eius audire, alij uero ut illum cæteris referre possent desiderabant, nemo tamen uel mutas lachrymas profundere audebat, ita, ut dolor suo careret remedio . siquidem nequaquam sanctum uidebatur, ut ea lachrymis honoraretur , quæ taliter separaretur à corpore . erat autem silentium altum, & multa mortis imago . illa uero immobilis iacebat, sine uoce ac spiritu, quemadmodum apparebat, silentiumq; corporis dissolutio esse uidebatur, tanquam iam instrumenta uocalia , propter motus discessum essent demortua. quum uero labia illius quiete mouerentur, sensit id pastor, qui cuncta illius diligenter obseruabat, ob miraculum in cunctis , auremq; illius adhibuit labijs: id enim ob morum probitatem, necnon compassionem audacter facere poterat. Cæterum tute pastor quale erat mysterium taciturnitatis, referto, quo nemo tibi dicenti fidem deneget. psalmodia

erat

erat id quod loquebatur, psalmodiaꝝ egressiois uerba, aut si ueritatem dicere oportet, testimonium confidentiæ, cum qua illa discedebat, & beatus quicumque post illa requiescit uerba: in pace in idipsum dicebat, dormiam & requiescam. hæc à te cantabantur mulierum optima, & cum his discedebas, psalmodiaꝝ iam erat adimpleta, & post peregrinationem honor sepulchralis. Ó quàm bene tu à passionibus quieuisti, & somni qui dilectis debetur cōpos es facta, somnum sumens ad dormitionem communem, quemadmodum decebat uiuentem & abeuntem, in uerbis pietatis. Scio igitur meliora tibi esse, & longe honorabilia ea, quibus nunc frueris, quàm uisibilia, somnia nempe, festiuitatem peragentium angelorum tripudium, ordinem celestium, contemplationem gloriæ, ac inter cætera supernæ trinitatis splendorem, puriorem, & perfectiorem, non amplius mentem fugientem ligatam, & sensibus obfuscatam, sed totam toti contemplationi cognitam, ac deprehensam, quemadmodum fulgore nostras præstringit animas, cum toto lumine deitatis: omnibusque frui te rebus, quibus carebas in terra, propter germanam erga illas inclinationem. Proinde si nostri sermones uel parumper tibi curæ sunt, honorꝝ talis sanctis à deo habetur animabus, ut talia resciscant, Suscipe & tu sermonem nostrum, præ funebribus multis, & ante multos, quem Cæsario ante te, & tibi iam post illum tribuimus, pariter enim tam fratri quàm sorori parentauimus. utrum autem quispiam nos quoque post uos sit honoraturus, nequaquam dicere possum, tantummodo optamus, ut eo honore honoremur, qui in deo est, & ut habitemus ac incolamus in Christo Iesu domino nostro, cui sit gloria in secula, Amen.

DIVI GREGORII NAZIANZENI DE RECONCILIATIONE MONACHORVM ORATIO PRIMA.



INGVAM mihi soluit alacritas, ac hominū legem propter spiritus legem contemno, paciꝝ sermonem tribuo, qua in re nemini prius concessi. Sanè quum antea membra contra nos decertarent, & uenerabile corpus Christi diuideretur & scinderet, ita, ut ossa nostra paulo minus ad infernum spargerentur, tanquam terræ profunditas aratro sulcata, & per terrā dispersa, quū tunicā indiuisibilē & insecabilē, per totū cōtextā, scinderet malignus, ac totū suū faceret, illud per nos ipsos consecutus, quod per eos qui Christū crucifixerant nequaꝝ perficere ualuit: tum ego labijs meis custodiā posui, quæ nec alias ad sermonē erāt expeditæ. oportebat em̄ ut me ipsum prius per philosophiā purgarē, ac inde os mentis aperirem, & spiritū attraherē, uerbumꝝ eructarem bonū, ac dei sapientiā perfectam loquerer inter perfectos, id enim spiritalis esse cōsequentię censebam. & quemadmodum omnes res, tam maiores, quàm minores tempus suum habent, nam Salomonis illud recte huc quadrat, & prudenter se habet: ita & ego sermonis & silentij tempus, ac si quis alius cognoscebam. Propterea

obmutui & humiliatus sum, quum ab omni bono excidissem, ac quasi nubes quædã super cor meum cucurrisset, & sermonis radios obtexisset, dolorq; meus die ac nocte mihi renouabat: omnia enim incensiones erant, & recordationes dissensionis fratrum, uigilię illorum, ieiunia, orationes, lachrymę, genarum calli, pectoris percussio, suspiria ex profundo cordis emissa, statio nocturna, mentis ad deum eleuatio, tener luctus & indeficiens, remedium compunctionis, cantantes illi, glorificantes, meditantes legem domini die ac nocte, quę exultationes dei in gutture ferunt: hæc enim bona uitę illius, quę secundum deum est, præludia sunt & admonitiones, necnon præcones taciti. squalida coma & horrida, pedes nudi, apostolicos imitantes, nihil mortuum ferentes, cęsaries comensurata, uestis arrogantiam plectens, zona, inornato ornatus, paruum quid de amictu reprimens, & quasi non reprimens, incessus constans, oculus nequaquam uagus, risus mansuetus, seu motus potius risus, incontinentiam moderans risus, sermo ratione prolatus, silentium sermone uenerabilius. laudatio, sed aliquantum moderata, non ad adulationem, sed ad emendationem melioris perducens. increpatio laude desiderabilior, tristitię ac letitię mensura, & in ambobus comixtio debita, cum temperamento humilitas, cum generoso austerum, pudori coniunctum, ita ut neutrum ab alio offendant, sed ambo inter se excellant: mensura publicę admixtionis ac secessionis, ita, ut hæc alios instruat, illa uero spiritui obsecundet, ac ita, ut illa in comuni, in comune retineat, hæc autem seorsum humanitatem & amorem fraternum: & quę his maiora sunt & sublimiora, in paupertate diuitiæ, in incolatu possessio, in ignominia gloria, in infirmitate uirtus, sine nuptiis pulchra soboles, si saltim dei germina meliora sunt, quam quę ex carne procedunt, in delitiis uiuentes, minime delicati. humiles super cœlestia, nihil in mundo habentes, & super mundum euolantes, qui in carne extra carnem sunt constituti, quorum pars dominus, pauperes propter regnum, & propter paupertatem regnantes. Hi igitur præsentem, splendidum me reddebant, mea quoque erant substantia, mea quoque delicia, absentes uero ornamento erant. Hæc mihi animam affligebant, hæc me perturbabant, ob hæc ego lugens & contristatus incedebam. propter hæc ego inter alia iucunda sermonem quoque continebam, quoniam recalcitrauerunt dilecti, & uerterunt ad me tergum suum, & nequaquam faciem, & factus est grex pastoribus liberior, ne dicam iuuenilior. Quoniam conuersa est mihi in amaritudinem uinea uera, quę ab optimo agricola optime erat exculta, ac diuino torculari pulchrum expresserat fructum. Quoniam amici mei & proximi mei aduersum me appropinquauerunt & steterunt. Quoniam diuissimus Christum, dum nimium deum amamus & Christum, & pro ueritate inter nos metiti sumus, & pro dilectione odium exercuimus, & super petram steterimus. quoniam plus quam bene se habebat, pro pace pugnaui: & pro eo qui suspensus erat in ligno, deorsum uergere cepimus: & pro eo qui sepultus fuerat & resurrexerat, mortificati sumus. & hæc quidem antea acciderunt, uerum quis nam in tempore latitię renouaret iniustitiam? dum

immoraretur

immoraretur tristioribus, quæ exosa reddidit experiētia, refugit memoria, melius igitur silentiū sermone, quo nobis tam immensa calamitas obliuionis celestis profunditate, præter quæ si quis ideo solū rerū molestiarū refricare uoluerit memoriā, ut exēplo erudiamur, & tanquæ in ægritudinibus fugiamus causas, ob quas in hæc impēgimus mala. Nūc autē quia aufugit, & luctus, & dolor, & gemitus, quoniā facti sumus unū, domini unius, & de trinitate cōcordes, unanimēs, & honoris eiusdē, cū ratione id quod ratione caret reiiciētes, qui spiritus sumus, nō contra nos, sed inter nos feruentes, qui ueritatis sumus, unū & idē sentientes & dicentes: qui in sapientia sumus intelligentes, qui in luce tanquæ in die honeste ambulamus, qui omnes recte in uia incedimus, qui cuncti intra hostiū sumus, qui gregis & pastoris sumus mansueti, & eiusdē caulæ, & pastoris unius, nō pastoris qui nos in uasis pascit imperitis, neque qui corrumpit pecora gregis, nec qui obicit ea lupis, aut præcipitijs, sed qui ea ualde & perite amplectitur. quoniā inter nos cōpassione sumus compuncti, instar eius qui pro nobis passus est, ac onera inter nos alleuiauimus. Qui capitis corpus sumus unū, conglutinātū, & in unū redactum, secundum omnē connexionē quæ est in spiritu. Quoniā is qui facit omnia, & ad meliora disponit, cōuertit planctum in gaudiū, & pro sacco retribuit lætitiā, ac ideo ob præterita silentium dissoluo, ac præsentī tempori, necnō uobis sermonē profero, seu potius deo gratificatiuum, sacrificiū per quæ domesticū, donum auro purius, gemmis preciosius, purpura splendidius, sacrificio legali sanctius. Primogenitorū primitijs sacratiore, placentē deo, super uitulū nouellum, cornibus & armis imperfectū, & insensibilē. Super thymiama, super holocausta, super agnorum pinguiū milia, in quibus lex elementalis præualebat, quū Israël adhuc esset infans, uictimis sanguineis obumbrans futurā. hæc deo immolo, hæc offero, quæ sola mihi reliqui, cui soli dītesco. reliqua enim mandato reliqui, & spiritui, omnia em̄ quæ habebā pro margarita preciosa cōmutaui, factusque sum mercator magnus: seu potius paruorum, & penitus corruptibiliū fieri opto, quo emere possim magna, & quæ nunquā dissolui queant. solū autē uerbum amplector, tanquæ uerbi cultor, nec unquā uolens hoc negligerem: sed ueneror & magni facio, & magis illo gaudeo, quæ omnibus alijs quibus multi gaudent, totiusque uitæ id sociū & bonum facio cōsultorem, necnon ad uiam supernam ductorem, ac cōcertatorem promptū. & post quæ omnia delectabilia & inferiora cōtemno, in hoc post deū omnis mihi euacuat amor, seu potius in illud, quoniā ad deum fert cum intellectu, quo solo etiam deus rite deprehenditur & custoditur, & augetur. dixi sapientiā sororem meā esse, illamque honorauī, ac amplexus sum, quantū ad eam pertingere potui, ac capiti meo coronam quæro gratiarū & deliciarū, quæ sapientiæ sunt dona ac rationis. quæ in nobis id, quod principatū in nos habet illuminat, & gressus ad deum illustrat. cū hoc irā refreno efferuescentē, cū hoc cohibeo inuidiā subolescentē, cū hoc sedo tristitiā uinculū cordis, cum hoc libidinis diffusionē moderor, cum hoc

hoc restringo odiū, sed non amorem. illud enim restringere decet, huius autē nullū finem scire. hoc mediocrē me opulentū facit, & mendicū magnanimū. hoc mihi, ut cū eo qui in recta currit uia, currā, persuadet, & cadenti manum porrigit, & cū infirmis infirmat, & recte ualenti congaudet. cū hoc & patria, & exiliū mihi æquiualeat: locorū enim immutatio alios fortassis, sed nō me offendit. hoc mihi diuidit mundos, & ab hoc abstrahit, ad illū uero dirigit. hoc me per dextra arma iustitiæ educit, nequaquā elatum: & in rebus sinistris & asperioribus unā philosophatur, ac spem quæ non cōfundit subministrat, præsentiaquē futuris alleuiat. Cum hoc & nunc quoque meos excipiā fratres & amicos, mensamque apponā rationabilē, ac craterem perhennem, nō quibus mensa inferna, inexplebili & insatiabili adulat uentri. Proinde tacui, uerum nō semper tacebo, sustinui instar parturientis, sed nō sustinebo semper. nam & Zacharię silentiū, Ioannis soluit natiuitas. non enim decebat, ut pater uocis sileret, quū uox progredere: sed quemadmodū quum illi nō crederet, linguam ligauerat, ita partu manifestata, patri loquēdi restituit facultatem. annuntiata est igit ac nata uox, & lucerna quæ uerbū & lumen præcurreret. mihi autē linguam soluit, & linguā instar tubæ præsens exaltat beneficentia, ac theatrū hoc pulcherrimū. filij dei dispersi in unū cōgregati, & qui sub eisdem requiescūt alis, ac in domū dei ingrediunt in cōcordia, in unamque harmoniā pulchritudinis & spiritus cōglutinati. Quoniā non amplius inuicem ferimus & agimus, adeo à maligno decepti & impulsī, ut aliorū malis gauderemus, nequaquā existimantes dissolutionē manuum uniuersale esse detrimentum. Quū Iudas & Israël unū sibi ponunt principatū, Hierusalemque ac Samaria, ad unam, supernam nempe congregantur Hierusalem. etenim non amplius Pauli sumus, aut Apollo, seu Cephæ, p quibus, & propter quos alterna erat inflatio, sed omnes facti sumus Christi. Cæterum postque & me, & uerbum habetis, nequaquā male propter dilectionē me cogentes, proloquar, & uix tamen, postque ita iubetis. proloquar aut gratiarū actionis & admonitionis uerba, & ut à gratiarū incipiam actione, quis loquetur potentias domini? quis uē ad auditū omniū perducet laudem in omnibus? Quoniā utraq; facta sunt unū, & parietes sepis intermediij dissoluti. Quoniā requiē nobis dedisti, quū iam parabolę essemus gentibus, & cōmotio capitis in populis. quoniā in tantum nos afflixisti, ut pacis bonū dissensione cognosceremus, & afflixisti quo iterū restaurares. Proh medela admirāda: pacē nos docuisti, q odio nos habebamus odiose. quē celeriter cōtrariū dispensasti cōtrario: diuisti nos ut feruentiores inter nos cōcurreremus, rami instar, qui manuum ui inflectit, inde uero dimissus rursus ad seipsum, ac pristinam reuertit naturā, ostendens uiolenter se esse inflexū, nequaquā tamen uiolenter reuersum. Quoniā nō amplius manus despicit oculum, neque oculus manum. Quoniam non amplius pedes contra caput insurgunt, neque caput pedes à se alienos esse censet, non magis lædentes, quā ipsi, quia ordine & principatu caruere, fuere læsi. id enim

enim uniuersū est confusio ac dissolutio. uerum membris iam unum & idem inter se est curæ, quū omnia ordine ac naturæ lege inter se sint colligata & custodita, facti quæ sumus corpus unum, ac spiritus unus, quemadmodum & in una uocationis spe sumus uocati. Propter hoc te populus pauper laudabit, quoniam ex indigente factus est diues. quoniā mirifice magnificentiā tuam super nos ostendisti, id quæ ueteribus adnumerabit relationibus. ubi enim superabundauit peccatum, superauit & gratia. Quoniam grana proiecta, spiritum procreauimus, & oues lugentes pastores sumus nacti. Sed & pastorum recte noui, adepti sumus optimū, cui creditus est spiritus, & talentorū operatio, & gregis cura. qui unctus est ungento sacerdotij, & perfectionis, licet sapienter differat, præfecturam & lampadem sub modio abscondat, quā paulo post supra candelabrum ponet, quo omnē ecclesiæ animā illuminet, lux quæ semitæ nostræ existat. Adhuc enim syluas, & montes, ac flumina cōsiderat, ac rapacibus animarū lupis insidias præcogitat, quo in tempore opportuno baculum suscipiat pastorem, ac unā cū uero pastore rationabilem hūc pascat gregem, in loco uiuenti tabernaculū firmans nōs, qui semper dei florēt eloquijs, & aqua quietis, quæ & spiritus est, reficiat. hæc igitur speramus & optamus. Mihi uero nūc tempus est, ut gratiarū actioni admonitionē quoque adiungam, quā tamen quantū possibile est breuissime absoluam, quoniā maiorem admonitionis partem per opera ipsa præoccupastis, unde nequaquam uerbis longioribus, nōs est opus, qui iā experientia sunt eruditi. Oportuisset equidem fratres ne subinitiū fuisset diuisi, neque ut ueterem dignitatē pariter & ornamenta nostra maculassemus: nam licet grex nobis esset pusillus, & nequaquam dignus, ut inter greges nominaretur numerādos, maximis tamen equiperari poteramus & numerosissimis. quin etiā quibusdā in spiritus præferabamur uirtute, & sic se res habebat, erat quæ decor aliorū alius, siue paruus, siue magnus, uerū nostro gregi peculiare erat, ut esset infractus, & ab omni seditione alienus, ita ut sapius Noë archa uocaremur, quæ sola totius mundi diluuiū effugere potuit, ac in se pietatis semina conseruare. cæterū quia homines esse conuicti sumus, nequaquam inuidiam maligni penitus effugimus, neque languori qui cuncta occupauit resistere potuimus, sed cōmunis calamitatis & nos quoque participes facti sumus, ac cōcordiæ bonū, quod ex pulchra hæreditate paterna possidebamus, nequaquam in finē usque cōseruauimus: tæti nō parūper & hic quoque alios præcelluimus, si quid in inimicitijs nostris gloriari oportet, cōfidentes Christo, quod nouissimi in hāc calamitatem incidimus, primi uero sumus emendati. Siquidē ægrotare cōmunis naturæ & humanæ est imbecillitatis, quæ omniū & corpora, & intellectū, ac eorū quoque qui sunt robustissimi afficit: uerū curari, & rursus in gratiā redire, prudentiæ est & charitatis, quæ pulchre nobis & iuste cuncta dispēsauit, longe precibus nostris & spe aliorū quoque melius. Nos etem data sorti capita, tanquam pro pietate quod innouassent, & pro recte fidei adiuuamento laborassent, in gratia suscepimus

De Basilio magno loquitur.

pimus, nec tanquā inimicos sumus auersati, sed sicut fratres amplexi, parum per super paterna paruitate dissidentes, fraterne tamen, & nequaquam maligne: siquidem inimicitias haud laudamus, zelum uero suscepimus, melior enim est affectus concordie, quā pro pietate seditio. ac ideo ex seiunctione eorum coniunctionem fecimus, dilectioni subfurantes machinationem contra nos factam: & in tantum ordinem immutauimus, ut nequaquam suffragio gratiam, sed suffragiū gratiæ sectatricem faceremus, ita ut manibus alienis ad hoc indigeremus, ac paruum quid à spiritu ducti anticiparemus. uos uero literæ dimitteretis corticē, & planè ad spiritus cōfugeretis intellectum: simplicitatem quæ in apertis est uerbis, nequaquam laudantes, impietatem uero minime cognoscentes, sed scientes quod trinitas apud nos haud attingi, sed inconcussa remanere debeat, pariter & natura eius, quæ in ipsa continetur: & quod à tribus quid abscindere, uel alienū facere, idē nobis est quod totum tollere, & nudo capite ab omni deitate segregare. & hæc de nostra respondimus dissensione, non ignari apud quos nam homines, quod quidem maximum ueritatis est argumentum, quæ nec à tempore uincitur, nec ob inimicitias dilectionis, quæ in nobis est, scintillam penitus extinxit. siquidem ad id potissimum nos, licet dissidentes, impellebat, quod eiusdem eramus opinionis, & conscī nequaquam nos cum ijs de ueritate contendere, aut eos hostes habere, qui ad alteram partem scientes uergerēt, sed qui eodem fidei & primæ spei nostræ caractere signati essent. Nihil enim concordia tam fortiter conciliat, inter eos quibus dei negocia cordi sunt, quā consonantia de deo. & nihil magis ad discordiam facit, quā dissonantia de illo. siquidem qui in rebus alijs modestissimus est, in his fit feruentissimus. & qui mansuetus est, hic bellator euadit, cum longanimitate offensus, deum cernit, seu potius deum casu suo offendit, qui nos dirat, à nobisq; ditatur. Ita igitur, quem admodum dixi, in dissensione modestiores fuimus, quo concordia manifestior fieret quā discordia, & parum abesset, quin medium ijs esset absconditum, qui ad utranq; partem erāt idonei. Cæterum quia pacis celeritas, nequaquam ad securitatem sufficit, nisi uerbum quoddam ostendatur quod illam confirmet, & deus uerbo auxilium præstet, apud quem omne bonum & incipit, & ad finem deuenit, age illam & per orationes & cogitationes pro uiribus confirmemus: idq; primum cōsideremus, quod ex omnibus existentibus nihil deo est pulchrius uel sublimius: nisi quis forte eum supersubstantiam esse existimare uelit, uel totū esse in illo ponere, apud quem & alijs esse existit. Secūdo uero ea perpendamus, quæ prima ex deo sunt, & circa deum, angelicas dico uirtutes ac cœlestes, primi luminis splendores primos, & ueritatis uerbo lucētes: nam & ipsæ lumen sunt, perfecti luminis radī fulgentes. his itaq; nihil magis proprium est quā sine bello & seditione agere: in diuinitate enim nulla est seditio, quoniam nec solutio, solutio enim seditionis est parens: sed tanta est cōcordia, tam erga seipsam, quā uirtutes secundas,

ut

ut inter ea nomina, quæ deo conueniunt, & quibus inter alia, & præ alijs uocari gaudet, pacis præualeat nomenclatura. ideo enim pax, dilectio, & similibus appellat nominibus, quo nobis per nomina ostendatur, quod deus has sibi uendicit uirtutes. Ex angelis autem, is qui deficere, & supra dignitatem se attollere est ausus, ac contra dominum omnipotentem rebellare, & cathedram super nubes, uerbi instar ponere, dignas arrogantiae suæ poenas dedit, condemnatus ut pro luce caligo esset, seu ut uerius dicam, à semetipso caligo effectus. at reliqui in sua permanent dignitate, quibus præcipuum est, ut pacifice & absq; seditione agant, ac ut unum sint, à sancta & laudabili accipiunt trinitate, à qua & splendorem suscipiunt, quoniā & illa deus est unus ac esse creditur, non minus propter concordiam, quàm substantiæ identitatem. ac ideo deo & diuinis sunt proximi, qui pacis bonum amplecti uidentur, & qui seditionem paci contrariam odio habent, & moleste ferunt, qui uero moribus sunt contentiosis, & uanitate nominis claritatem uenantur, nec non turpitudine propria se ornare contendunt, partis sunt aduersæ. quando quidem & diabolus ipse, contra semetipsum, multis modis & affectibus decertat. quamuis illud idem & in alijs operatur, utpote homicida ab initio, & osor boni, quo in tenebris commune corpus sagittet ecclesiæ, & sub seditionis caligine se abscondat: quemadmodum ut arbitror singulos inuadit, quum sophista sit ut plurimum, & maleficus, ac sibi quasi locum in nobis per insidias aperit, quo totus illabatur, ueluti quum exercitus imperator, murum interruptum aut ordinem solutum inuadit. Subinitium igitur ob beneuolentiæ & concordiae gratiam, deum ac diuina imitari, ac ideo solum animam ad dei imaginem factam respicere decet, quo potissimum nobilitas eius conseruetur, propter inclinationem ad illam, & facilem propter similitudinem affectionem. deinde respiciamus in cœlum sursum, & in terram deorsum, diuinas uoces audientes, & discamus leges creaturæ, quod cœlum & terra, & mare, & uniuersus hic mundus, magnum dei elementum, & perquam celebre: quæ cuncta deus tacite prædicans nobis ostēdit. donec enim quietem & pacem inter se habent, ac in proprijs naturæ permanent terminis, & nullū contra aliud insurgit, neq; beniuolentiæ dissoluit uincula, quibus opifex uerbum uniuersa colligauit, decor est, quod dicit, & pulchritudo ineffabilis, nemoq; his unquam splendidius quid aut magnificentius nouit. quàm primum autem pax cessat, etiam mundus esse desinit. nunquid enim cœlum bene ordinatum tibi esse uidetur? cum aëre & terra communicans, quū huic quidem lumen illi autem pluuiam, beniuolentiæ impartitur lege. terra autem & aër, hæc quidem alimenta, ille uero respirationem cunctis præstat animantibus, quæ propter hæc uitam obtinent, dum elementa hæc paternum imitantur amorem. anni autem tempora, nōne placide temperantur? ac paulatim sibi inuicem succedunt? calorisq; ac frigoris austeritatem nimiam, immutatione sua reddunt mitiorem, & ad uoluptatem pariter & utilitatem perquam

K commodè

commode paci subministrant. quid autem nox & dies: nōne & quas inter se portiones fortiuntur: & hic quidem ad opus nos excitat. illa uero quietē reddit. quid uero sol & luna. stellarumq; pulchritudo. ac multitudo: quæ omnia suo ordine oriuntur & occidunt. Mare autem & terra. nōne placide inter se cōmifcentur: & utiliter ac humaniter se hominibus exhibent. illisq; affluenter & liberaliter opes suas impertiunt. Flumina autem per montes & planiciem currentia. nōne in eo utilitatem suam ostendūt: quod terminos suos non transgrediuntur. & retro conuersa terram abscondunt. Elementorum autem permixtio & temperatura. necnon membrorum cōmensuratio & consonantia. animalium quoq; cibus. genitura. & habitatio. nōne omnia inter se sunt discriminata: & hæc quidem præualent. alia autem subiacent. quædam uero nobis obtemperant. nōnulla sunt libera. quum igitur hæc omnia ita se habeant. & propter primas harmoniæ causas. siue confluentias & conspirationes directæ ac eductæ. quidnam aliud ex his intelligere oportet: q̃ quod per ea amicitia prædicetur ac concordia. & quod hominibus legem ferant. ut & ipsi inter se probe cōueniant. Si uero contra seipsam pugnaret materia & fieret despicibilis. dissolutionem propter seditionem moliens. aut deus harmoniam aliququaliter propter peccantium timorem & supplicium concuteret. seu mare terminos suos egrederetur. aut imbres deciderent peregrini. aut sol absconderetur. aut anni tempora ultra solitum durarent. omnia ornatum suum perderent. & timendum foret. ne pacis bonum seditione euerteretur: ut interim ciuitates. populos. ac regna obmittam. necnon de regionibus. exercitibus. & domibus. de nauium præterea supplemento. coniugijs. & amicitijs sileam. quæ omnia pacis bono consistunt. seditione uero dissoluerentur. Proinde & ad Israëliticum populum sermonem cōuertam. & uos calamitatibus eorum admonebo. necnon dispersione ac captiuitate. qua & nūc quoq; sunt oppressi. & qua dehinc opprimuntur. credo enim ijs. quæ de illis sunt prædicta. deinde exacte rerū seriem uobis enarrabo. scientibus quænam malorum horum causæ fuerint. quo aliorū malis. concordie discamus bona. Nōne dum pacem tam inter se. quàm cum deo habebant. Ægypto fornace ferreo oppressi. & cōmuni tribulatione in unū collecti. afflictio enim optimum quandoq; remedium ad salutem est. se populum sanctum esse audiebāt. & domini partem. necnon sacerdotium regium. & nō solum nominibus ita. aliter uero operibus. sed & à suis ducebantur imperatoribus. qui & ipsi à deo dirigebantur. præcedente eos columna ignis in nocte. nubis uero in die. & mare quidem fugientibus cedebat. esurientibus uero cœlum subministrabat cibum. ac sitientibus petra fontem effundebat. quū uero pugnarent. manuum extēsiō pro multis erat milibus. ac per orationes triumphos excitabat. & ad ulteriora uiam preparabat. flumina præterea cedebant. cognatum mare imitantia. necnon elementa sistebantur. ac muri tubarū clamore euertebantur. Proinde quid de Ægypti plagis. quæ in illius cōcedebantur gratiam dicere est

est necesse: & dei uoces è monte auditas, ac legislationem duplicem, unā in litera, alteram uero in spiritu: nec non alia, quibus olim contra sua etiam merita honestatus est Israël. postquā autē dissidere & inter se insanire cœperunt, ac in partes diuisi sunt quāplurimas, cruxq; eos ad ultimam impellebat calamitatem, arrogantiaq; contra deum & saluatorem nostrum excreſcebat, non amplius sunt cogniti, quoniam nec deum in forma cognouerunt humana, ac ideo uirgam ferreā, quæ eis à longe minata fuerat, ad seipsos pertraxerunt. regnum & principatum dico, sub quo nunc sunt. quid fit? & quid nam sunt passi? equidem ob calamitates priores, Hieremias eos deplorat, & captiuitatem luet Babyloniam: nam & illa luctu & lachrymis erat digna, quoniam magnifici muri illi ruebant, urbs eueriebatur, sanctuaria diruebantur, oblationes diripiebantur, manus & pedes polluti erant, hi quidem quod ad inaccessa accedebant, hæ autem quia non tangenda tangere gestiebant. Silebant prophete, ducebantur sacerdotes, senioribus nemo miserabatur, uirgines uiolabantur, iuuentus cedebar, ignis alienus & hostilis, nec nō sanguinis flumina, pro igne & sanguine erant sancto, Nazaræi distrahebantur, pro hymnis suscitabatur luctus, & ut aliquid ex lamentationibus dicam Hieremiæ, filij Sion honorabiles, & auro cōparandi, delicati illi, & malorum ignari, per peregrinam abibāt uiam, & uia Sion lugebant, quoniā nō erant qui peragerent dies festos. sed & parum ante nostra tempora, manus mulierum misericordium, nequaquam cibum porrigebant filijs, quū ingrueret obsidio, sed illos dilaniabant ad cibū: ac charissima sua, faciebāt remedia. Nōne hæc sunt graua, & grauissimorum extrema? non solum illis qui tum partiebantur, sed & his qui nunc audiunt. Ego enim quotienscūq; librum hunc in manus sumo, & lamentationes relego (relego autem, quum aliquādo prosperitatem lectione refrenare uolo) uox mihi intercluditur, & lachrymis defluo. calamitasq; ita oculis meis subiicitur, ut cum lachrymātibus lachrymari etiam cogar. Cæterum nouissimam eorū plagam & desolationis exilium, nec non seruitutis iugum, quod & nunc quoq; ipsos opprimit, diuulgatamq; à Romanis humiliationē, cuius nulla maior causa quā seditio existit, quis ex ijs etiam, qui calamitates describere, & sermone explicare norunt, deplorare posset? qui nam libri referre ualerent? uerum afflictionis huius uniuersus orbis, per quem Iudæi sunt dispersi, monumentū existit, unā cum diuinæ seruitutis cessatione, & Hierosolymorum ad fundamenta usq; ita ut uix discerni possit, destructione, cuius accessus ideo solum illis patet, & intantum ipsis gloria olim sua perfrui conceditur, ut in die comparentes, desolationem earum deplorēt. Quum igitur discordia res sit tam perniciosa, ac tot malorum causa, quemadmodum prædicta ostendunt, & per multa exempla disci potest, longe etiam perniciosius est, ut ij qui pusillanimitatem abiecerunt, & pacis gustauerūt bona, rursus in eandem incidant infirmitatē, & ad proprium redeant uomitum, & quod neq; stulti erudiantur, uel experti sapiant. uideo

enim non solum illos leues & stultos cenſeri, qui in malo perſeuerant, ſed & eos qui facile ad utranque feruntur & inclinant partem, & auræ inſtar uolitant, uel ut Euripus fluxu & refluxu mutantur, ſeu ut maris undæ ſunt inſtabiles. Proinde & illud conſidero, quod eos qui adhuc à diſſenſione ſunt occupati, concordiæ ſpes releuet, admodumq; calamitatem ſoletur. ſiquidem infortunatis maximum ſubſidium eſt ſpes immutationis, & quod ſucceſſus meliorum eorum ſubiaceat oculis. qui uero ſæpius in concordiam redeunt, ſemper tamen rurfus ad malitiam recurrunt, cum alijs etiam ſpem melioris amittunt, nec minus ſeditionis ſemper concordiam timentes, & quia facile hinc inde uoluantur, & inſtabiles exiſtant, neutræ parti confidentes. Cæterum nemo me dicere putet, omnem pacem eſſe diligendā: noui enim quod quemadmodum diſcordia quædam melior exiſtit, ita & concordiam quædam pernicioſiorem eſſe ſcio. Verum de bona, & quæ bono ac deo nos ſociat, loquor. Porro ſi breuiter de his uerba facere oportet, ita ſentio, quod bonum nec ultra mediocritatem remiſſius, nec etiam debeat eſſe feruentius, quo non propter leuitatem omnibus adhæreat, aut propter rigorem omnibus reſiſtat. pariter enim remiſſio ignaua eſt, & peruiacia incommunicabilis. atqui nōne conſtat, quod aduerſum ea quæ ſunt impietatis, & igne, & ferro, & tempore, & poteſtatibus, ac omnibus pariter prius decet obniti, quàm prauitatis fermento pollui, & male habentibus præbere conſenſum? nihil enim ex omnibus adeo timendum eſt, ut timori præponatur diuino, ac propter quod fidei prodantur ſermones, necnon ueritatis cum ueritati ſeruiamus. ubi uero offendit ſuſpicio, & metus inſcrutabilis, ibi melior eſt celeritate longanimitas, & pertinacia aſtipulatio. uerum longe melius eſt & conducibilius, ut in communi corpore manentes, alios tanquam membra inſtruamus ac inſtruamur, quàm ut propter defectionem diſſidamus, & id quod fide dignum eſt ſegregatione diſſoluamus. deinde, ut cum uiolentia tanquam tyranni, & nequaquam fratres, correctionem lege firmemus. hæc quum ſciamus fratres, inuicem nos amplectamur & ſoueamus, in unumq; ex corde redeamus. imitemur illum qui interſtitium ſepis diſſoluit, & qui per ſanguinem ſuum omnia in unum deduxit & pacificauit. dicamus patri huic communi, caniciei uenerandæ, miti & pio paſtori, uides præmium manſuetudinis tuæ, eleua per circuitum oculos, & aspice filios tuos, quemadmodum deſiderabas in unum congregatos, quod ſolum tibi contingere die noctuq; petebas, ut in ſenectute bona peregrinationem tuam terminares. Ecce omnes ad te uenerunt, ac ſub tuis requieſcunt alis, & altare tuum circundant, ac qui cum lachrymis diſceſſerant, cum lætitiâ accurrunt. Gaude & oblectare pater optime, & filiorum amator præſtantiſſime, quoniam cuncti ornatu, ſponſæ inſtar, induti ſunt & amicti. dic & tu ad nos, Ecce ego & filij mei quos mihi dedit deus. adde & aliam uocem dominicam, & plus familiarem: quos dedisti mihi ſeruauī, & non perdidi ex eis quenquam. nec enim uel

unus

Patri eius
Gregorio

unus perijt, sed omnes in uno manemus spiritu, ac unanimes in Euangelij collaboramus fide, concordēs, unum sentientes, armati scuto fidei, præcincti lumbos in ueritate. unum solum bellum noscentes, aduersum diabolum, & eos qui sub illo militant, non timemus eos qui corpus occidere possunt, animam uero nequaquam comprehendere ualent, sed animæ ac corporis dominum timemus, bonum seruantes depositum, quod à patribus nostris suscepimus, adorantes patrem & filium, & spiritum sanctum, in filio patrem, in spiritu filium cognoscentes, quorum nomine baptizati sumus, in quos & credimus, quibus & coordinati sumus, prius diuidentes quàm coniungamus, nequaquam tria ut unum: non enim subsistentia carent, aut unius sunt subsistentiæ, ut diuitiæ nostræ sint in nominibus, & nequaquam in rebus: sed & tria unum dicimus, uerum non subsistentia unum, sed deitate, unitatem in trinitate adorantes, & trinitatem in unitatem restaurantes. tota enim est adoranda, tota regalis, unius potestatis, unius gloriæ, supramundana, super tempora, increata, inuisibilis, non uestigabilis, incomprehensibilis, & quo nam se ordine erga seipsam habeat, ipsa sola cognoscit. nilominus tamen à nobis colitur & adoratur, solaq; sancta sanctorum ingreditur, ac omnem creaturam foris relinquit: hanc quidem primo, illam uero secundo segregatam uelamine: primo quidem coelestem & angelicam, à diuinitate, secundo autem nostram à coelestibus. hæc facimus fratres & ita habemus, & qui aliter sentiunt, eos tanquam ueritatis pestem, quantum possibile est suscipimus & curamus: qui uero incurabiles sunt, illos refugimus, ne & nos morbi contagione, priusquàm sanitati suæ restituti fuerint, inficiamur. deus autem pacis, quæ omnem exuperat mentem, sit nobiscum, in Christo Iesu domino nostro, Amen.

DIVI GREGORII NAZIANZENI DE PACE
ORATIO SECVNDA



ERVIDVS zelus, mansuetus spiritus, humana dilectio, seu potius humanitas ipsa. spes longanimis. zelus accendit, spiritus mitigat, spes permanet, & bonū quod in nobis est nequaquam dispergi sinit, etsi natura simus segregabiles. dilectio conseruat, & ex tribus unum, uel existens manet, uel commota subsistit, seu discedens redit, quemadmodum arborum rami, manuum ui inflexi, ac inde demissi, rursus ad seipsos recurrunt, & naturæ suæ proprietatem ostendunt, uiolenter quidem incuruati, sine ui uero rursus directi. Porro malitia, natura est expedita & uehemens, ad deterius inclinatio, torrens per pronum decurrens, aut calamus, qui per scintillam & uentum facile succenditur, suoque consumitur germine: ignis enim materiæ foetus existit, qui & materiam consumit, quemadmodum malitia malos, & cum suo abit nutrimento. Sanè si quis in

K ; habitu

habitu aliquo boni consumatus est, & in illo cōfirmatus, difficilius est illum cadere, quàm sub initium bonum fieri. quandoquidem tempore & sermone omne confirmatur malum, natura uero permanet, quemadmodum & nobis dilectio, cum qua seruimus dilectioni existenti, & quam diligemus, & in omni uita præponemus. ubi igitur sunt qui nostra diligenter obseruant? bene ac aliter se habentia, nō ut discernant, sed ut diuexent, nec ut condoleant, sed ut insultent. & bona quidem calumniantur, mala autem tragice celebrāt, & in domesticis malis propinquorū casus pro excusatione habent. sed utinā recte iudicarent, iræ enim loco, utilitas, iuxta parcemiam succederet, si timore inimicorum præstaretur, ut securius degeremus. nunc autem cum inimicitijs & malitia, rationem obtenebrante iudicant, quum nec in fidedignis uituperatio locum habeat. ubi igitur nunc sunt, qui diuinitatem pariter & nos odio habent? hoc enim magnificentissimum est quod patimur, ut cum deo periclitemur. ubi nobis sunt? qui in causis proprijs clementer iudicant, in alienis autem exquisitores sunt acerrimi, ut & hic ueritatem mendacio inuertāt. ubi sunt qui uulneribus sunt pleni, nobis uero cicatrices exprobrant? qui pedum offensiones traducunt, quum ipsi pleno ruant casu, qui cœno sunt obuoluti, & propter maculas nostras exultant. qui trabem in oculis habent, & festucas nobis obijciunt, quæ infixæ non admodum offendunt, neq; uisum moleste lædunt, seu impediunt. Adestote igitur, & participes efficiamini archanorum nostrorum. uocamus uos ad confessum, & exosi, inimicis pro arbitrio utemur. proh contumaciæ, uel etiam audaciæ, quod abeatis confusi & superati. quid hoc mirabilius? nostrum discentes sanitatem, ex ihs ob quæ ægrotauimus. non enim de diuinitate contendimus, sed propter constantiam decertauimus. neque quam impietatem potius eligere oporteat dubitauimus, uel eam quæ deum contrahit, uel incidit, & incidentem, uel spiritum solum, ab essentia diuina, uel filium à patre, unicam particulā, seu duas impietatis. hæc enim tanquam præsentis morbi capita attingere necesse est, deinde ascensionem in corde ponere, non cōfessionis, sed negationis: nec Theologiæ, sed blasphemix. alius enim in diuitijs impietatis alio est contentiosior, non quod uereatur se impie agere, sed quod censeat longe se alijs mediocrius & humanius habere. nos uero haud ita, uerum de diuinitate conuenimus, & idē sentimus, non minus quàm diuinitas cum seipsa: si hoc non magnum est dicere. & facti sumus labium unum, & uox una, longe secus quàm ij qui turrim prius edificabant: illi quidem in malo unanimes erant, nos autem in re optima, bona nempe concordia, quo unanimiter ac uno ore glorificemus, & patrem, & filium, & spiritum sanctum. & hoc dicetur de nobis, quod deus sit in nobis, qui unientes unit, & glorificat eos qui glorificant illum: & non solum dicetur, sed & credetur. uerum alia sunt ob quæ dissidemus, tametsi male in illis quoq; haud enim negabo: oportuisset enim ut nullum maligno dedissemus ingressum, neq; linguis malis libertatem, nisi tantum quantum uidetur

ijs, qui nostra criminantur. uerum quum necesse esset, ut in aliquo delinqueremus, quum homines essemus, istud est in quo peccauimus: nimij gregis facti sumus amatores, nec discernere potuimus quodnam ex duobus bonis, potius fuerit eligendum, donec eo deuentum sit, ut ambo æqualiter admirati simus. hoc nostrum est crimen, de hoc nos quicumque uelit aut reprehendat, aut indulgeat. hoc profitentium est securitas. super hoc autem nihil & si ualde uolueris. iniuste putrescere faciunt oleum, inquit ille, qui dixit, interficite & putrefacite. bonum autem sequitur inuidia. uelletis quidem, sed non potestis. omnium etenim quemadmodum Eladræ ac mihi quoque uidetur, fortissima est ueritas, nostra igitur inter nos ipsos dissoluimus, & dissoluimus: haud enim possibile est, ut filij patribus maleiudicent, præcipue quum trinitas interueniat communis, pro qua in re tam ardua depugnamus, & propter quam nequaquam pugnabimus. Ego tam paruus, pacis sponfor ero, quoniam humilibus gratiam dat dominus, humiliat autem elatos usq; ad terram. quid autem ad uos conciliatores nostros hæc pertinent? estis enim conciliatores, licet inuiti in hoc gratificamini. etenim non ideo uos pñ estis, si nos uel in paruis, uel in magnis sumus mali. sed neque nos in aliquo, si erramus, propter malitiam sumus laudandi. uos uero nihilominus impñ estis, & si nos peccamus. immo plus, quantum errantibus estis molestiores. & ut intelligatis, in omnibus nos sciatis unanimes esse, & per hoc discetis, quod semper unanimes erimus. fecimus, ut arbitror rem conspicendam. Pater benignus est, & filius obediens, inuicem pari decore confidemus. & si beneuolentiæ quid & consensus in nobis uiuit, uiuax est, accendimus etiam. persuadeat uobis sermo. de hoc enim audiuiſtis, & miraculum hoc ad aures meas peruenit. & scio, quod maius quid in uobis est, quàm ut in aërem spargantur. id nempe, quod in animabus est reconditum. de uobis autem rursus audiat, si rursus audire desideratis. quæ si haudquaquam ad demonstrationem sufficiunt, saltem publice sunt decantata. tentationes uidelicet, & lapidationes, quas iam sumus perpeſsi, & quibus sumus instructi. nequaquam enim afflictiones ægre tulimus, sed si haud pateremur, damnum esse putauimus. & tanto magis, quod pericula talia pro Christo degustauimus. ob quæ fructum reportauimus optimum, populi nempe huius argumentum. quid igitur uultis? uos hoc credite, & nulla uobis restat difficultas, neque in Theologia secunda, & meæ parceris imbecillitati, qua oppressus, uix hæc uobis loquor. sed oportet quemadmodum & surdis auribus, sæpius eundem inculcare sermonem, quo frequenti uoce in aures loquamur audientium: sed & sermonem quiete uestra mihi prouocare uidemini. silentium enim assensum esse, parcemia docet. Nunquid igitur sermonem amborum suscipietis? ex anima una, & ore uno. doleo autem quod non in montem altissimum ascendere, seu uocem desiderio meo dignam accipere possum, quo omnibus

qui male sentiunt, hæc tanquam in cōmuni orbis theatro proloquar: filij hominum quousq; graui estis corde: cur diligitis uanitatem, & queritis mendacium: dum non unā nec simplicem deitatis introducitis naturam, sed tres inter se alienas & discerptas, nec mirū, si dicatur excessu & defectu pugnantes: aut unam, sed minutam quandam & angustam, cui haud cōcessum sit, ut inter magna habeat principatum, tanquā quæ non possit aut non uelit, & hoc bifariam, aut propter inuidiam, aut propter timorem: hoc quidem nequid eiusdem introducat honoris, illud autem ne hostile, & quod pugnet. sed ecce tibi, quantum deus creaturis est honorabilior, tantum & prima sua causa est magnificentior, ut uel diuinitatis principatus sit, uel creaturæ, & per medium diuinitatis ad creaturas perueniatur, aut econuerso, & huius gratia subiiciatur diuinitas, quemadmodum uidetur inuestigatoribus nimis diligētib; & sublimioribus. Etenim si uolumus filij & spiritus dignitatē confitentes, uel sine principatu inducere, aut ad alium principatum perducere, timendum utiq; si sit, ne offendatur deus, aut apud nos periclitetur contrarium, si autem nimium filium attollas, aut spiritum, uerendum ne super patrem statuas, aut à causa excludas. Cæterum hortor te, qui nimio generationis & principij teneris amore, ut bonum obmittas germen, & processionem admirandam, nam quid deum magis inhonorat: si uel horum statuis principatum, qualem ipse introducis: uel non horum, sed qui natura sunt similes, & gloria eadem, quemadmodum & noster exigit sermo, uerum tibi magno honori est, & maximo, quantus sit filius, & tanto magis, quanto omnia patri uiuit, & character est germanus generantis, nec uelles decem milium potius hominum dominus esse, quàm unius filij pater. uerum deo aliter uidetur, quid maius est: uel filium habere patrem, quod additio gloriæ est, & nequaquam sublatio. quemadmodum & eminentia spiritus, aut ignoras, quod tu quidem creaturarum principatum statuis, principatum filij dico & spiritus, & quod principatum ueneraris, & ignominia afficis quæ ex illo sunt, principatum quidem, quoniam paruorum introducis principatum, & deitate indignum, filium autem & spiritum, quia parui sint, & non solum creaturæ, sed & omnium creaturarum facis ignominiosiores, si saltem horū unum, ex uno subsistit, & aliquando quemadmodum instrumentum artificis, quod ante priores artifices non erat, neque aliās factum, nisi deus forte quid per ipsos creare uoluerit, tanquā illi haud sufficiat uelle. omne enim quod alicuius rei gratia est, uilius est, quàm id, per quod generatur. Ego autem deitatis principatum introduco, omni carentem tempore, & inseparabilem, & indefinibilem: principatumquæ ueneror, & ea quæ ex principio sunt æqualiter: hunc quidem, quod horum sit principium: ista autem, quod talis, & talia, & ex tali, non tempore quandoque, non natura, non ueneratione discriminata, unum diuisibiliter existentia, & diuisa inseparabiliter coniuncta. & si dictu hoc sit mirandum, non minus tamen laudabilis inter illa diuisio, qua unumquodq;

unumquodque per seipsum intelligitur & comprehenditur. Trinitas perfecta ex perfectis tribus, unitate enim commota propter diuitias, dualitate autem supergrediente, super materiam quidem & speciem, ex quibus sunt corpora. Trinitate uero propter perfectionem definita. Prima enim supergreditur dualitatis compositionem, ne diuinitas sit angusta, neque in infinitum diffundatur: hoc enim non esset decorum, illud uero inordinatum: & hoc quidem penitus esset Iudaicum, illud autem gentile, & malorum deorum. Proinde & hoc considero, & forsitan non inerudite, aut imperite, sed admodum argute, quod nullum tibi incidet periculum, si filium introduxeris genitum: haud enim aliquid patietur corporale & materiale generans, qui generationis expers existit, quoniam nec corpus habet: ac propterea communes de deo discedant suspiciones, ne timeamus ubi non est timor, & frustra, ut dici solet, simus impij. Mihi autem periculum imminet, ne offendatur diuinitas, si creaturam suscipiam: non enim deus est quod creatur, neque herile quod est conseruum, etiam si prima seruitutis & creationis dicantur, & hoc solum demulcet offensum. Qui enim debitum subtrahit honorem, non minus subtractione illa ignominia afficit, quam honorat attributione, tametsi negotium, honoris simulationem habere uideatur. quod si tibi circa genituram passio nascitur, & mihi quoque circa creaturam. Scio enim quod id quod conditum est, nequaquam sine affectione est conditum. Si autem non generatur, nec etiam restituitur. Proinde sermonis suscipe reliquum, tu qui paruum, æquale, propter appellationem creaturæ dicere audes: nil enim est, quod non aggredi, seu conari audeas, quum malus sis dispensator & arbiter, etenim non posses aliàs excellere, nisi deum longe à dominatione repelleres, quemadmodum & in hoc seculo tyrannici sunt moribus, & qui opprimunt imbecilliores. Ego autem unicam, & eandem, necnon breuem emit tam uocem. Trinitas fratres, uere est trinitas. non numeratur autem trinitas rebus inæqualibus, aut quid prohibet, & numerū denarium, & millenarium nominare cum tot cōpositis: multa enim sunt quæ numerari possunt, & longe his plura: uerum æqualium, & quæ eiusdem honoris sunt comprehensio, ac in appellatione ea continent. natura enim sunt insita, quæ non sinit ut dissipentur à numero solubili, quū dissolubilia non sint. Ita sentimus, & ita habemus, ac ideo quemadmodum hæc inuicem se habeant, tam habitū quàm ordine, ad solā trinitatem scire pertinet, & puros illos quibus trinitas reuelare uoluerit, seu nūc uel impofterum. ipsi autē unicam & eandem esse scimus diuinitatis naturā, sine principio, & generatione, & processione cognitā, tantquam mente, quæ in nobis est, & ratione & spiritu, quantū coniecturare licet sensibus, de ijs, quæ possunt cognosci, & paruis magna, postquàm nulla imago pertingit ad ueritatem, ut ipsa seipsam significet, semper eandem, semper perfectam, sine qualitate, sine quantitate, sine tempore, increatam, incomprehensibilem, nunquam seipsam derelinquentem, nec derelictam. uitas

tas, & uitam. lumina, & lumen. bona, & bonum. glorias, & gloriam. uerum & ueritatem, necnon spiritus ueritatis. sancta, & sanctitatem ipsam. Deum unumquenq; licet solum contemplatione percipi possit, quum mens separatur inseparabilia. Deum trinum, inuicem se cognoscentem, cum eodem motu & natura, nil supra seipsam relinquentem, aut in aliquo transcendentem. nil enim erat quod cum ipsa derelinqueretur uel transcenderetur, nec erit, neq; cum seipsa parem suscipit honorem. neque enim in aliquo appropinquant ea, quæ creata sunt, & serua, uel participantia, aut circumscriptibilia ihs quæ increatæ, & dominantes, & incomprehensibilis, & inexpertæ sunt naturæ. hæc enim penitus absunt, ista autem aliquantulum, partim approximant, partim uero sunt propinqua, & hoc non natura, sed comprehensione. & quando? quum recte de trinitate sentitur, & super sermonem euaditur. nisi hoc ipsum sit libertas & regnum, ut recte cognoscatur dominatio, & nequaquam mentis humilitati admisceantur ea quæ longe absunt. Quibus autem seruire tanti est, qualis ihs erit dominatio? & quibus magnum est ut beatitudinem cognoscant, qualis erit iam cognita? hoc nobis magnum uult mysterium, hoc est fides & regeneratio in patrem, & filium, & spiritum sanctum, ac nomen commune, abnegatio impietatis, & confessio diuinitatis. hoc unum commune nomen est, ita, ut si aliquid ex tribus separetur, aut ignominia afficiatur, & confessio etiam ignominia offendatur. cum hoc quidem confessio, cum illo autem diuinitas. cum hoc deificatio, cum illo uero spes: uidete qualia nobis largiatur spiritus, theologice intellectus? & quemadmodum punit despectus, ut interim obmittam timorem, & iram comminatum non uenerantibus, sed ignominia afficientibus. & hæc breuiter sint dicta, dogmatice, sed haud contradictorie, piscatorie, sed non Aristotelice, attamen non malefice: ecclesiastice, sed non forense: utiliter, sed non demonstrabiliter, ut palam fieret nos unanimiter sentire ihs, qui contra nos concionantur, & panygyres celebrant, & in hoc solo consentientes, uno inspirati, unum spirantes. Nolite igitur sicut esurientes colligere semina minuta nostra, siue ea errata dicere oportet, siue ludicra. Siquidem summæ est infelicitatis, neque in proprijs uiribus securitatem habere, sed istam in aliorum uitijs statuere. Ecce de xtras inuicem damus in oculis uestris. Ecce trinitatis opera, quæ pariter à nobis glorificat & adorant. hoc uos meliores reddat, & magis recte sentientes: & utinā exaudiamur, & dies iste dies uocet sanctus: nō contradictionis, sed capacitatis: nō temptationis monumentū, sed festiuitas uictoriæ: quo nobiscū totus consentiat orbis, qui partim sane se habet, partim nunc sanitatē accipit, & sanari incipit: hoc & uobis fiat causa salutis & reformationis. Cæterum o sancta & adoranda ac longanimis trinitas. siquidē longanimis es, quia tam diu tolerasti secantes. O trinitas, qua ego dignus sum factus ut seruus sim, & præco nō simulatus. O trinitas quæ omnibus aliquādo cognita eris, quibusdam splendore, alijs autem cohertione, suscipe & hos adoratores, qui nunc sunt

sunt offensores, & nullum nos offendamus, nec minimum quidem: tametsi me deceret cohercere cum charitate, sed non audeo tantum dicere, quantum Apostolus, uerum eadem haud sunt accepta. dilaceretur autem lingua, & luceat os altercationē: uidebimus & illam aliquando, aut quibus ē nobis plus oīj superest cognoscemus, & uersuta germina uestra, seu abortiua. Nā post, quā aspidum oua dirupimus, & cōtruiūmus sermone duro & percussiuo, blande & sine uiolentia hęc reprehendemus, & basiliscum qui in eis absconditus est in medium proferemus, licet sit basiliscus, sed mortuum & inefficacem, & immobilem, & in uīs mortuum, & priusquā fieret nō existentem: ut pro uobis loquar, & ut parumper uobis gratificer, qui non plus odio habeo cōprehensionem, quā me miseret habitudinis. hoc dabit nobis, quem admodum scio, qui dat super aspidem & basiliscum ascendere, & ambulare super scorpiones & dracones: qui & conteret satanam breui sub pedibus nostris, siue tanquam fulmen ex cōelo, propter antiquū splendorem cadentem, seu tanquam anguem fugientem, propter malignitatē posteriorem & transformationem, ut per terram serpat, quo parumper à malis respiremus, penitusq; aufugiant luctus, & dolor & supiria, nunc & postea in Christo domino nostro, cui sit gloria in secula, Amen.

SERMO DE PACE TERTIVS AD AMPHILOCHIVM



PA X chara tam suauitate, quā nomine, quam nunc populo dedi, & econuerso accepi, tametsi ignorem utrum uox hęc apud omnes germana sit, & spiritu digna. uerū nequaquam reprobanda sunt pacta publica, præcipue deo teste inita, ne maior nobis accedat damnatio. Pax chara meditatio mea, ac ornamentum, quam & dei esse audimus, ac deum eius esse deum, deū ipsū ita, ut in pace dei, & deus sit pacis, ac ipse est pax nostra, & nihil adeo ueneramur. Pax chara est, & res bona, ab omnibusq; laudata, sed à paucis seruata, cur nos tanto iam tēpore dereliquisti, ac uix tandem ad nos rediisti? quantum te desidero & amplector, longe ab alijs dissentiens hominibus, siquidem præsentem foueo, absentem uero multis lachrymis ac lamentationibus reuoco, quilibet nec Iacob patriarcha Iosephum illum à fratribus quidem diuenditum, sed ut ipse arbitrabat à bestijs discerptum, neq; qualibus Dauid amicum suum Ionathan, quum in pugna cecidisset, nec postea filium Absolonem: ex quibus ille quidem patris uisceribus cōmotus, ferā dilacerasse Ioseph clamabat, ferā pessimā & immitē, ac filij uestē sanguine infectā proponebat, qua filij carnem adornarat, eadem & afflictus & consolatus: hic uero nunc quidem montibus in quibus pugnatum fuerat maledicit, montes Gelboë, inquiens, non cadat super uos nec ros, nec pluuia, & quomodo cecidit arcus & uirtus Ionathę: nunc autem respondet, tanquam nequaquam paricidio iniuria sit affectus, & cum mortuo sœdera inicit, ideo fortassis propter filium dolens, quod contra patrem suum

suum manus extendisset. unde enim pater, quem tanquam inimicum ulcisceretur bellantem, tanquam amicum desiderat mortuum, & uicit natura inimicitias, quibus nil est uolentius. erat & res miseranda, quum archa caperetur ab alienigenis, & Hierusalem solo æquaretur, & à gentibus cõculcetur, & filij Sion honorabiles & auro rependendi, in captiuitatem ducerentur, in qua & nunc quoq; sunt dispersi, populus in orbe peregrinus & incolæ. proinde & grauiâ sunt quæ nunc uidentur & audiuntur. prouinciæ deuastatæ, tot milia cæsa, ita ut terra sanguinis inundatione & hominũ labore casu, ac populus alienæ linguæ tanquam per domum discurrens alienam. nemo incusatur propter propugnatorũ ignauiam: hi enim sunt qui paulo minus orbem defenderunt: sed hæc propter nostram accedunt malitiã & impietatem, quæ grassatur per patriam. grauiâ sunt hæc, & plus quàm grauiâ, & quis nam ex istis qui calamitatem æstimare norunt, contradicet? ob ea quæ sunt perpessi. sed nondum tale quiddam accidit, quale persecutio est, quam pax est perpessa, & ecclesiæ decor sublatus, & uetusta dignitas dissoluta. & in tantum ordo peruersus, ut quum prius ex non populo populus, & ex non gente gens facti simus, nunc autẽ periculum immineat, ne ex populo maximo & gente, rursus in non populum, & non gentem dissoluti, fiamus sicut fuimus à principio, quando non conueniebat inter nos, neque in unum nomen & ordinem concesseramus. & periculũ immineat, ne calamitas potius suborietur, quàm felicitas conseruetur. quoniã quum contra persecutiones pugnauius, fuimus roborati, & in unum reducti. at postquàm conuenimus, sumus dissoluti. quis enim non lugeret, si recte perpenderet præsentia? quis uero sermonem inueniret, calamitati huic æqualem? latrones, quos malitiâ colligauit pacem inter se habent, & quidam in tyrannide sunt concordēs, aut furti participes, seu in seditione coniurati, uel adulterij adiutores, insuper chori est consonantia, & ordinis militaris, ac nauium supplementi, ut interim referre obmittam, hæreditates ex æquo diuisas, & res publicas dissidentes, ac successiones ministrantium & principum ordine procedentes & lege, necnon decantatam illam sophisticam, seu grammaticam, ne dicam philosophiam, circa quam iuuenum est contentio, ac solutius agitur & insanitur, sed ob quam hac hora parum disceptatur, ut plurimum uero pacem habet: nos uero discordes sumus, idcirco sine ulla reconciliatione, ita ut nunquam in unum conuenire, neq; aliquam rationem ad hanc ægritudinem curandam inuenire ualeamus, sed tanquam principes in sacris & mystæ sumus malitiæ, & nequaquam uirtutis. siquidem multa seditionis suscitamus incendia, paruam uero aut penitus nullam de concordia curam habemus. Proinde quosdam qui ita disceptant, haud magnopere seditio tollit, quosdã uero seditionem suscitare melius est quàm una sentire: nam quis inter prudentes concordiam in malo laudare posset? nos autem si quis interrogaret, quid honorandum nobis esset & adorandum, in promptu dicere foret dilectio, deus enim dilectio nostra est, quæ

à san/

à sancto defluit spiritu: & quum deus hanc nominari audit, magis gaudet
 quàm ob nullam rem aliam: sed nec de lege & prophetis, ut summatim di-
 cam, non aliter respondere concederet uir Euangelicus. Cur igitur quum tan-
 ti sit nobis dilectio, eam ita odio habemus, & habemur? & qui uir sumus pa-
 cis, pugnauimus sine inducijs & sine reconciliatione: & qui sumus lapides an-
 gulares, nequaquam firmiter consistimus: & qui sumus petrae, cōmouemur:
 & qui sumus lucis, obscuramur: & qui sumus sermonis, tacitæ sumus tacitur-
 nitatis, seu irrationalitatis, aut insaniae, seu quomodo dicere debeā ignoro: ut
 cum cibi, necnō somni, & cantus sit facietas, ac rerum turpissimarū, ut aiunt,
 omniumq; facietas: non solum earum quæ dolorem inferūt, sed suauissima-
 rum etiam, omniaq; inuicem sibi succedant & circumuertant, nobis tamen
 nullus sit finis ferendi & feriri: non solum inter eos, qui alterius sunt opinio-
 nis, & qui ob fidei sermonem inter se dissentiūt: nam hoc minus dolendum
 foret, & zelus rerum laudabilium pro respōsione esset, si in terminis suis con-
 sisterent. nunc uero cum ijs qui eiusdem sunt opinionis, necnon inter seipsos,
 & de rebus dissident eisdem: hoc enim laboriosissimum, aut miseratione di-
 gnissimum existit, & quodāmodo causa est, ut principatus, aut pecuniarum
 amor inde oriatur, aut odium, aut inuidia, aut suspicio, aut aliud quid, quod
 nec apud impios contingere uidemus, charitasq; nil nisi calculorum est mu-
 tatio. quando autem erramus, pñ sumus & orthodoxi, & fugimus menda-
 cium, pro ueritate tanquam pro fide dissidentes: ac solum hoc laudabile faci-
 mus, tanquam in malis, si non ualde turpe, quod ob malitiam erubescimus,
 & ad uerecundius nomen pietatem transmutamus. Insanum quidem, & mu-
 tabile id esse diceret aliquis, & fabricam maligni, sophistæq; nequitiam. &
 heus tu, qui aliquando uel hoc passus es, uel ut uerius dicam, stultissime, hoc
 tibi heri erat pium, & quomodo hodie est impium? quum nil addideris, seu
 dempseris, nec in uerbis, nec in literis, sed in eisdem consistis, tanquam eun-
 dem spires aërem, & eisdem oculis eundem aspicias solem: aut si maui tan-
 quam de numeris aut mensuris interrogatus, nil aliud quàm illud idem re-
 spōderet, sed adulter est tibi hodie, qui heri erat Ioseph. Siquidē hucusq; cō-
 tentio est progressa, tanquam flamma per stipulas currens, & per gyrum de-
 prehēdens. Et Iudas tibi hodie est aut Caiphas, qui heri erat Helias aut Io-
 annes, aut alius quispiam, qui cum Christo sunt cōstituti, & qui eadem zona
 sunt præcincti, ac eodem uestimento fusi seu nigri coloris amicti. Cæterum
 contra legem meam & sermonem uitæ prætenditūr castimonia, pulcherq;ue
 flos sublimiorū, pallor nempe, uocisq; concinnum & placidum, necnon in-
 cessus maturum, & mansuetum. atqui heri philosophiam professi sumus, ho-
 die uero inanem gloriam spiramus, eandemq; secundum uim spirituum seu
 ægritudinem, aliquando sumus Iesu, aliquando uero Beelzebub, & utimur
 his, nequaquam statera iusta, nempe contentione & ira: ac quemadmodum
 eadem terra stat quidem sanis, & nō ægrotantibus, mouetur autem uertigi-

L nos

nobis, & qui se circumuoluunt, quū uidentiu passio ad id quod cernitur trans-
 mutatur: aut si mauis quemadmodum eadem statua, maior quidem ihs qui
 prope sunt & considerant, minor uero distantibus apparet, quum aer suffu-
 retur distātiā, uisui uero dilatet crassiora: ita & nos facile decipimur propter
 inimicitias, ut in eisdem nequaquā idē amici simus: nec nos cognoscimus, tem-
 pusquē facile multos nobis præter decorem eligit sanctos, multos etiam im-
 pios, seu potius omnes miseros: nō solum quod ad maligni exemplum respi-
 cimus, nam expedita est malitiā, etiā sine trahente: sed quia facile omnia per-
 mittimus omnibus, ob rem unicā, nempe ut nobiscū infaniant. & prius quā-
 dem, nequē uerbis superfluis quid eloqui sine periculo erat, nunc uero cōuicijs
 impetimur, etiā ob pñssima. & aliquando quidē nec legere extra legem licet,
 nec scripturæ astipulationem adducere, hoc est, ut mihi uidetur, populi con-
 cordantiā negligere. aliquando uero & in archanis quoque prophanis uti-
 mur iudiciis, proijcētes sacra canibus, & margaritas ante porcos: nec solū
 hoc, sed & aures eorū nostris pascimus iniurijs, nec illud cernere possumus,
 quod haud tute arma cōmittimus inimicis, neque ei qui Christianos odio ha-
 bet sermonē cōtra Christianos. quod em̄ hodie impropereamus, cras nobis
 impropertur: & adulat, ut dici solet, inimicus nō ut laudet, sed ut amarulen-
 ter thesaurizet, quo in tempore uenenum cōtra credentes euomere possit. ue-
 rum cur hæc patimur, heus uos? & quousque? quando ex ebrietate sobrii eri-
 mus? aut oculorū lippitudinem abstergemus, & ad ueritatis lumen respicie-
 mus? quæ sunt hæc tenebræ? quæ pugna nocturna? quæ tempestas? quæ nec
 amicorū, nec hostium aspectum discernit. cur facti sumus opprobriū uicinīs
 nostris? subfannatio & irrisio ihs qui sunt per gyrum? quæ cōtentio mali? un-
 de tā immortalia patimur? seu potius haud patimur, sed fortes sumus in ma-
 lo, quum affectus nostri infaniant, gaudemusque, quum inuicem cōsumimur:
 & nulla ratio, nō amicus, non socius, nō medicus, qui ægritudinem hanc me-
 dicamento depellere seu excindere posset, non angelus protector, non deus
 ipse, sed præter alia & dei clementiam nobis ipsis intercludimus. Cur domi-
 ne longe discessisti? & quomodo auertis te in finem, ut aliquando nostri cu-
 ram geras? ac quousque hæc processerunt? & ubi consistent? timeo ne præsen-
 tia fumus sit, ignis illius quem expectamus. ne in his antichristus delitescat,
 & tempus regni sui ex erratis nostris & morbisumat. ut plurimū enim, nec
 recte ualentibus mentē adhibent, neque ihs qui dilectione sunt solidati. sed o-
 portet, regnum in seipsum diuidi, deinde tentari, & fortē in nobis cogitatio-
 nem ligari, postea uasa diripi, & hæc nos pati, quæ nunc uidemus inimicum
 à Christo pati. ac ideo ego fleo, inquit Hieremias in lamentationibus, & ob
 mali magnitudinem oculis meis fontes quæro lachrymarū, ac cōuoco sapien-
 tes, quo mecū lugeant: dolent & mihi uiscera, ac sensus contundo, nec habeo
 quomodo subleuem dolorem, & quibus uerbis, ac ideo fileāt antiqua, & no-
 ua per comediam representent, siquidē comœdia inimicis meis tragœdia est.

Propter

Propter hoc, nō paucis ecclesias abstulimus, ac scenæ exposuimus, & hæc in tali urbe, quæ ludis oblectat̃ plus q̃ alijs rebus, quæ & potius pro laudâdis rideret, q̃ negligeret aliquid ridiculū quod nō rideret: ita ut admirarer si nō & me quoq; hodie hæc dicente, rideret, pietatis præconē, & qui nō omnia ridere, sed quædā etiā serio agere docet, & quid mirū fuerit: quod ridere dico, si nō & pœnas dem, dū benefacere uolo. & talia quidē sunt nostra, ita ut me neque dolore afficiant ecclesiæ occupatæ, quoad forsitan alicui accideret, qui animo esset imbecilli, neq; aurū alijs affluens, nec linguæ, quæ suo funguntur officio, dum male loquunt̃: nam bene dicere nō didicerūt, haud enim timendum est, ne diuinitas circūscribat̃ loco, aut uenditioni exponat̃, quo planè utilitas illius ostendatur, mihi aut̃ nō respondebunt, qui me laudibus extollunt, uel infamia denigrare cōtendunt, nō secus ac ij, qui cœno cōmiscent unguentum, aut unguento cœnū, & qualitates cōmixtione cōfundūt, quo moleste feram cōiicia, tanq̃ ebrius, aut multas laudatoribus distribuā pecunias, ut me laudibus suis faciant meliorem. nunc aut̃ res nequa q̃ ita se habet, sed quod sum, hoc maneo, & diffamatus, & admiratione habitus. homo autē aliter incedit sermonibus, inquit Iob, & quemadmodū africanus petrā obtundit, aut pinum robustam & altā, ita & linguæ me oppugnāt. cæterū ita ego quum me metipso philosophor: etenim si id qd obloquutor dicit, mēdaciū est, nō magis ad me pertinet sermo q̃ illius me dictum tangit, etiā si nomini meo maledicat̃. si aut̃ ueritas est, meipsum potius q̃ loquentes reprehendere debeo. Siquidē in illius potestate sitū est, ut quicquid uelit de me dicat, non in mea, ut sim talis qualis ipse uellet, ac ideo uoces tales cōtemno tanq̃ inanes, quo mei ipsius fiam, & hoc solū ex ipsorum lucror malitia, ut securius uiuam. Tercio aut̃ quod maximū quid habent & magnificū contumeliæ illæ, quoniam cū deo blasphemamur, illi idē enim qui diuinitatē spernunt, Theologiā etiā iniuria afficiunt, atqui nōne hæc molesta sunt: nequa q̃, licet multi ita credant, sed quia nullus amplius credit̃ fidelis esse, neq; uirtutis ueræ, & à fraude liber, etiā si anima ualde sit robustus, & ad pietatē bene instructus, sed ille qdē manifeste malus est, hic aut̃ fictionē pro colore habet & mansuetudinē, ut suffurẽ quid apparenti. & hi quidē nō uident̃ atri, propter alios quosdā qui tales sunt, neque ingenerosi, seu deformes, aut ignaui, uel intemperantes, quū plures ita habeant: sed unusquisq; per seipsum iudicat̃, & nō inquinat̃, neq; ob ea quæ illi obproperant̃, uel ob quæ laudat̃: sed malitia facile in omnibus utitur, & cōmunis est accusatio totius, nō id quod multorum est, sed id quod aliquorū fiat. & quod molestissimum est, nō solum nobiscum stat, sed ad magnum & uenerabile nostrum descēdit mysterium, qui enim nostra iudicant (id quod ferè omnibus euenit, qui aliena dījudicant) partim mansueti sunt clementes & humani, partim autē ualde amarulenti & ingrati. hi enim nobis tanq̃ improbis detrahunt, causam uero culpæ obmittūt, illi aut̃ accusant legē ipsam tanquā malitiæ doctricē, & maxime quū in multos incidūt

malos, qui præsidiaria sunt ornati, quid sibi hæc uolunt heus uos, & quousq; nunquid uel tarde sapere incipiemus? nūquid euigilabimus? nōne uerecundabimur? nōne si nihil aliud, saltē inimicorū cauere debemus linguas? quæ & mendacijs facile calumniant, nōne cessabimus à cōtentione nimia? nōne cognoscemus quædā ex ijs quæ quærimus esse scrutabilia, & quodamtenus? quædā autem super uires nostras, quædā præterea temporis præsentis, & cōfusionis infernæ, quæ obtenebrat intellectum, quædā autem futuri æui, & felicitatis futuræ: quo hæc amemus eousq; his autē purgemur, tanquā postea perfecti euasuri, & corā iudicio cōstituti, nunquid discernemus inter nos ipsos? quædā penitus nō esse quærenda, quædā uero mediocriter, quædā insuper cōcedenda, & aquiescendum cōtentiosis, in ijs quæ rationē nostrā nequaquā offendere queant: ac quædā fidei solum tribuenda, quædā uero intellectui, super quibus sit pugnandum alacriter, ac cum ratione, & haudquaquā cum armis, nam ad manus uenire penitus ab ouili nostro est alienum, & illis qui nos odio habent relinquendum. Sanè nequaquā unam pietatis diffinitionem arbitramur cōuenire patri, & filio, & spiritui sancto, qui unam in tribus deitatem & potentiam habent: nihil enim inter hos uel plus, uel minus ueneramur, ut & ego parumper eos qui circa hæc sunt sapiētes imiter: hoc enim impossibile existit, istud uero impium. neq; magnitudinē nominum nouitatis secamus, nihil enim seipso maius est, aut minus, hoc igitē definito, & alia quoq; concedemus, qui eiusdē trinitatis, & eiusdē ferè dignitatis, & corporis sumus, superfluas uero & inutiles propagines, & egressiones quæstionū, de quibus nunc disceptat, tanquā cōmunem quendam morbum reiiciemus & auferemus. Non igitē mihi sufficit (nam remotiora & dicere obmitto) Montani spiritus malus, cōtra spiritum sanctum, & Nauati procacia, aut puritas impura, quæ dictionis elegantia multos inescat, necnon Phrygum insania, quæ nunc etiā se expiant, & expiant, quæ paulo minus & à ueteri distat impietate. Et Galatarum stultitia, qui in multis impietatis diuites sunt nominibus. Et Sabellij cōtractio, & Arii diuisio, & præsentium sophistarum, quæ inde ortum sumpsit subdiuisio, qui tantū differunt, quātum lingua loquax ab eloquenti. Sed nos etiā inter nos ipsos ferè dissentimus, tametsi in capitali sanè recte sentimus, dissidemusq; super eisdē, & cōtra eosdē: de recalcitatione loquor fraterna, quæ nuper inter nos est orta, ex qua deus offenditur & homines, hic enim neq; genitus pro nobis natus est, neq; cruci affixus, unde manifestum est, quod neq; sepultus sit, nec resurrexit, quēadmodum quibusdā uideat, qui peruerse Christi sunt amatores, sed solum honoris ignominia honoratus, & propterea in duos filios incisus, aut cōpositus: hic autē nō perfecte assumptus, sed à maximo abiectus, & in exilium pulsus, si saltem maximū in hominis natura existit, id, quod secundum imaginē est, & nō potentiam referre, oporteret autē postq; diuinitas cōiungeret, ut diuideret humanitas, & mente stolidi essent ij, qui in alijs sunt sapientes, & nō ut totum dimidiaret,

per

Catharos
notatApolinarem
notat

per illum, qui totus errat & damnatur ex primi inobedientia, & suffuratione aduersarij, quo deo quidem minueretur gratia, nobis autem salus, & non ideo solum, sed quia etiam pro hominibus nobis est bellum, qui a deo sunt saluati. Sanè tantum nobis superest dissensionis, ut & aliorum ambitione ad hoc utamur, & super aliorum thronum proprias attollamus inimicitias, in duobus maximis circa unum delinquentes: & quia illorum imperandi amore reijcimus, & quia nos ipsi ad peculiare affectus contentione sumimus, quemadmodum & ij qui precipitant, petris propinque, aut lucos extirpant densissimos. Decet autem ut illos propter ocium eorum imbecilliores reddamus, ita enim ipsis magis quam pro ipsis bellantes gratificabimur. Nunc autem illi simul pugnant, & simul oppugnantur, ualde miserabiliter, quemadmodum mihi uidetur, ita, ut aduersarij totum mundum in duas partes, aut bifariam diuidant, qui uix & multo labore paulatim est congregatus, & multorum sanguine unitus, quantum autem magis pacificum & medium esset, ab ambabus male pati, uel contemptum, uel oppugnatum, ex quorum numero nos sumus hodie, qui hæc accusamus, ac propterea cathedram hæc suscepimus, multo certamine & inuidia refertam, nil mirum igitur, si ab ambabus partibus coteramur, ac cum multis laboribus & sudore e medio discedamus, quo ex propinquo inuicem se cum omni uulnerent furore, quum nullum sit interstitium, aut quod prohibere possit, hæc igitur definire & statuere precipue dei est, qui omnia colligat, deinde & hominum, quibus bonum curæ est, & concordie nomen cognitum. Proinde quum a trinitate inceperim, cuius nihil adeo proprium existit, sicut id quod in natura sua est, nempe ut cum semetipsa sit pacifica: adiutus autem ab angelicis & diuinis uirtutibus, quæ & ipse erga deum ac inuicem pacifice se habent, hucusque processi, omnemque creaturam recensui, cuius decorum est, quod sine dissensione existat, nostrum autem ut ciuiler uiuatur: siquidem secundum animam uirtutes sequantur, & communicatio, secundum corpus autem membrorum, aut elementorum recta inuicem dispositio, & symmetria, ex quibus hoc pulchritudo, istud autem sanitas est & nominatur. Sanè & Salomonis illud laudo, qui quemadmodum omni rei, ita & bello & paci suum statuit tempus, illud enim addit, in ambobus obseruandum esse tempus, quoniam pugnare aliquando bonum est, secundum legem & sermonem. Postquam autem pugnatum est, ad pacem potius est respiciendum, hoc enim sublimius est & diuinius: ac ideo absurdum esset, censere concordiam priuatim optimam esse, publice autem nequaquam prodesse: ac domum & ciuitatem illam optime dispositam esse, quæ nihil uel parum cum seipsa dissentiat, aut si hoc patitur, quod cito redeat & curetur: communitati autem ecclesie aliud quid pace melius esse & decentius. Quapropter unicuique conandum est, ut cum semetipso pacem habeat. Ceterum non decet, ut pax ab unoquoque eligatur, aut ut quis contra proprias animi passiones imperium gerat, erga alios autem aliter se habeat, censeaturque gloriam suam propinqui dissolutionem esse: & deum quidem iubere, ut eis qui in nos peccant dimittamus, non solum septies, sed multoties, tanquam dimissio conciliatrix

sit dimissionis: nos autē eos q nulla nos affecere iniuria prōptius offendamus, q̄ ut ab alijs beneficio afficiamur: p̄sertim quū sciamus, pacificis tātā p̄missam esse beatitudinē, ut soli in ordine seruādorū filij dei appellent: nos ipsos autē in inimicitijs seruādis tenaces esse. Deinde decet, ut rem gratā faciamus deo, qui p nobis est passus, ut pax nobis cōciliaret, & inter nos bellū solueretur. Nequaquā ita amici & fratres hostiliter inter nos sentiamus, sed donū pacis ueneremur. pacē dico, quā Christus hinc discedens nobis, tanquā rem p̄cipuam reliquit. unū solū bellū sciamus, cōtra oppositas nobis potestates. Dicamus fratres ihs, q nos odio habēt, si saltē suscipere uelint: parca tibi in re aliqua parua, ut maius aliquid, cōcordiā nēpe accipiamus, uincamur quo uincamus. uidetis pugilum leges & palestræ certamina, q̄ ij qui succubere, sæpius superāt eos q superiores erāt. hoc imitemur, nō cōuiuas insatiabiles, aut mercatores: ex quibus hi sine mensura ingurgitāt q̄ sunt apposita: hi autē nauem onerantes, citius illā frangerent aut submergerēt, q̄ aliquid ab insatiabilitate remitterēt, & ut parua lucent, in magnis faciunt iacturā. Ego autē hæc & clamo & testificor, & scripturā testē adducere nō desinā. Propter Sion nō tacebo, & propter Hierusalē nō cessabo, nā deficit anima mea propter destruentes, qui nō ab ense uulnerati sumus, nec à peste, sed uulnere inanis glorię sauciati, & principatus amore, ita ut nec nos misereat eorū qui ceciderūt. uos autē si meos suscipitis sermones, utrisq; p̄derit: si autē cōtemnitis, & permittitis ut passio uincat rationē, mihi qdē sufficit, & corā deo, & corā hominib. q̄ ita clamauerim. neq; em̄, ut arbitror, qs plus req̄ret, etiā ex illis, q̄ ualde pacis & diuini timoris desiderio tenent. uos uero reliq̄ nōstis: ego em̄ nil asperius adijci am, q̄niā lex est paterna, ut parcat filijs, sed utinā hilariter fortiant pacificū & magnū iudicē, nūc & in die retributionis, in ipso Christo, cui sit gloria, &c.

DIVI GREGORII NAZIANZENI ORATIO CONSOLATORIA, quum pater eius episcopus ob grandinis taceret calamitatem



VR ordinē soluitis laudabilē? cur linguæ seruienti legi uim infertis? cur sermonē puocatis subiectū spiritui? cur caput obmittitis, & ad pedes acceleratis? cur Aaron negligitis & Eleazarū præponitis? nō patior ut fons obturet, ac torrens profluat: sol abscondat, & astra splēdeāt: canicies cedat, ac iuuentus ferat leges: sapientia obticeat, & rerū inexpertus iuueniliter uerba faciat. imber enim rapidus, nequaquā placido est utilior. ille enim quū impetuose fert, rura trahit, agricolāq; lucro plectit capitali. hic uero leuiter effusus, & ad inferiora delapsus terrā fecūditate replet, arātemq; à labore liberat, ac spicā ad fructū perducit maturū: ita & in sermonibus abundantior, nequaquā sapientiori est utilior: hic enim aliquātulum fortassis oblectās, euanescit, pariterq; cū aëre percusso dissoluit, nihil ultra hoc cōferens, sed auditū auidū, faciūdia tanquā incantamēto demulcet: qui uero in mentē penetrat, ac os dilatat, replet spiritu, & generatione uidet longior

gior, multūq; fructū in paucis producit syllabis: tametsi nōdū de uera ac primaria loquar philosophia, cuius admirandus agricola iste, & pastor, primas fert partes. Proinde sapiētia prima uita est laudabilis, deoq; expiata seu purgata, purissimo ac splēdidissimo, q; solā puritatē sacrificij loco à nobis requirit, quā scriptura diuina cor cōtritū, & sacrificiū laudis, nouāq; in Christo creaturā, ac hominē nouū cū similibus uocare solet nominibus. Sapiētia igit prima est, sapientiā illā despiciere q; in sermone, ac uersutis uerborū, necnō captionibus & oppositiōibus cōsistit, mihi aut quinq; potius uerba in ecclesia cū prudentia loqui cōtingat, q; infinita in lingua, & uoce tubæ rauce, q; militē meū ne quaq; ad spiritālē excitat pugnā. eā em̄ ego sapiētiā laudo & amplector, per quā ignobiles facti sunt gloriosi, & despecti honorē acq̄suerūt, ac cū qua piscatores orbē uniuersum, Euāgelij cepere retib. dū sermone pfecto & succincto sapiētiā superarūt inanē. Siquidē nō is q; in uerbis sapit, mihi sapiēs erit, neq; is q; linguā habet uolubilē, animū uero ineruditū, sepulchrorū instar, q; extrinsecus sunt ornata & speciosa, intus aut mortuorū cadauera, & multū recondūt fœtorē: sed ille q; pauca de uirtute loquit, multa uero ostēdit operib. fidēq; sermonis p uitæ roborat actionē. siquidē lōge mihi p̄stabilior est formæ pulchritudo, q; cōspici potest, q; sermonis pingit industria. necnō diuitiē q; manib. cōtinent, q; effingūtur somnio, ac sapiētiā q; nō sermonib. splēdet, sed operibus collucet. intellectus enim bonus omnib. faciētib. eā, scriptura inquit, & nō q; p̄dicāt illā. huius aut sapiētię certissimus iudex est tēpus, & senectus gloriationis corona. si em̄ homo nequaq; ante obitū beatus est censendus, quēadmodū Salomoni & mihi quoq; uidet, ac incertū qd paritura sit dies uētura, quū uita hæc nostra inferna multas habeat mutatiōes, ac corpus hoc humilitatis, suscēp deq; agitet & uoluat: quomodo is, q; multū iam uitæ inculpabiliter exegit, & quasi ad portū pelagi, uitæ cōmunis peruenit, nō etiā nauigationē habet securiorē, ac ideo beatiorē etiā: noli igit pater linguā claudere, q; multa locuta est bene, cuius fructus plurimi, innumeraq; iustitię germina, cuius quot sunt filij ac quales thesauri: eleua per gyrū oculos tuos, & uide, populus hic uniuersus quē in Christo per Euāgelij genuisti. noli nobis ultra bona, etiā si pauca sint, inuidere uerba, ne uēturæ dānationis iā initiū facias. loquere pauca, mihi uero chara, ac plurima erūt. si nō uelis sonora, attamē q; clamore cognoscanē spirituali. p quē tacēte etiā Mose, deus audiebat, & qd clamas ad me ait, quū percipiētē tacitus & inuocaret. præpara mihi populū oui tuę, & postea etiā pastori: nūc uero archipastor, me aliquo modo in arte instrue pastorali. Populū aut hūc de p̄senti philosophās plaga, psuadendo solare. de iusto dei iudicio uerba facito: siue nos cōprehendamus, seu ignoremus abyssum multā. quemadmodumq; misericordia eius statera iuxta sanctum sit Esaia. bonum enim nequaquam absq; iudicio est, licet ijs qui in uinea plus laborarunt, uisum fuerit, inæquale, minime cum æquo conuenire, sed & ira secundum modum peccatorum, poculum in manu domini

appellatur, & calix ruine ebibitus. etiā si omnibus auferat aliquid de meritis, & iræ merum clementia temperet. declinat enim à uehementia ad remissionem ijs, qui timore sunt correpti, & qui ob paruā tribulationē resipiscunt, & parturiunt conuersionē, ac spiritum salutis generant perfectum. reseruat tamen obiter fecem, quod est iræ nouissimum, quo totum effundat in eos, qui ob bonitatē non curant, sed indurant, secundū duriciem cordis Pharaonis, & operarium amarum, qui in exemplum dei potentiā, cōtra impios thesaurizauit. Proinde refer unde plagæ tales & flagella, & quæ nam horum sit ratio. Nunquid cōmotio quædā uniuerſi inordinata & inæqualis, ac impetus gubernaculi & rationis expers, ac si nullus esset rector, fortuitoq; hæc accidant, quemadmodū insipientibus uidet, qui temere ab inordinato & caliginoso ferunt spiritum: aut potius ratione quadā, & ordine, quemadmodū uniuerſum hoc cōstitit subinitium, & præualuit, ac colligatum est, moueturq; de center, sicut soli cognitum est mouenti, ita & circumuoluit & transmutatur, prouidentia frenis moderatum. unde igitur, dic, frugum est sterilitas? & uentorum impetus? necnon grandinis uiolentia, quæ nunc mea est calamitas & admonitio? unde aëris corruptio? & morbi, motus quoque terræ, & maris inundatio? ac terrores ex cœlo? & quomodo terra, quæ in usum hominum est creata, tanquam delitium commune, & æqualitas omnium in impurum transmutatur supplicium? ideo nempe, quod ob ea quibus sumus honorati, nec tamen fuimus grati, corripiamur, uirtutemq; cognoscamus ex ijs quæ patimur, postquam illa nequaquam agnouimus, quum fortunate ageremus. Quomodo quibusdam peccata ex manu domini dupliciter retribuantur, mensuraq; malitiæ, bifariam repleatur, per quam & populus refrenatus est Israëliticus, alijs uero dum septuplum rependitur in sinum, euacuat peccata. & quid? quod Amorreorum mensura nondum est adimpleta. Et quomodo peccator aut dimittitur, aut plectitur, rursus & huic quidem illuc peccata reseruantur, ille autem hic curatur. Et quomodo iustus cum aduersitatibus conflictatur, forsitan ut tentetur, uel prospere agit, ut conseruetur, etiam si pauper sit mente, & non admodum super ea quæ uidentur attollitur, nam sicut intellectus docet, unumquodque horum domesticum & minime falsum est iudicium. quæ igitur plaga hæc est, & unde? num uirtutis argumentum, aut malitiæ experimentum? uel satius est tanquam in supplicio positus inflecti? etiam si nequaquam ita se res habeat, & sub forti manu dei humiliari, seu tanquam probatione attolli? Hæc nos doce, & de his admone, ne nimis grauiter plagam hanc feramus, aut in malorum profundum incidentes, contemnamus. siquidem uitium hoc commune est multis, sed ut modeste nos erga admonitionem habeamus, ne maiorem accersamus, dum nos stolide in hæc geramus. Proinde admodū grauis est sterilitas terræ, frugumq; uastatio, & cur non? quum iam spes exultaret, horreisq; appropinquaret, uere molesta est messis deformitas, & quod agricolæ ob labores

tristantur

tristantur inanes, segetibusq; tanq; mortuis assident, quas imber lenis nutrit, rapidus uero extirpauit, quibus nequaq; manū suā messor implebit, & si num suū qui manipulos colligit, nec benedictionē assequunt quā prętereuntes optant, uere spectaculū miserandum, terra affecta est iniuria, ac detonsa, nec ornamentū habet solitum, ita beatus Iohel, seu quis alius tragice terrę calamitatē deplorat, & propheta alius, ornatui priori, nouissimā opponens sceditatē, ac de ira domini, terrā uastantis differens, ita ait. Quæ ante ipsum, paradisus est deliciarū: quę uero post ipsum, cāpus uastationis, grauiasunt hęc, & admodū grauias, dum nos solū offendūt pręsentia, & nōdum molestioris plagę tristitia sensum perturbat, perinde ac in ægritudinibus, ubi pręsens afflictio, semper illa quæ nondū aduenit est molestior. cęterū his longe grauiora sunt ea, quæ in se dei cōtinent thesauri, sed absit, ut ea experiamur, nec experiemur, si ad dei misericordiā cōfugiamus, & demulsionē misericordiæ lacrymis attrahamus, & quod reliquū est irę, cōuersione auertamus, siquidē mansuetudinis hęc sunt & clementiæ, diesq; eruditionis, ac initia correptionis, quę erudiunt infantiā, adhuc fumus irę, calamitatum exordium, nōdum aut ignis cōburens, aut flāma motus suscitata uolentia, nec carbonēs accēsi, flagelli nouissima, nunc enim minac, aliquando arcum intendit, nōnunq; uicinet, quandoq; etiā reducit, plaga pariter & minis instruens, uiamq; irę suę ob immēsam facit bonitatē, siquidē à minoribus incipit, ne indigeamus uehemētoribus: erudiet aut maioribus, si cōegerimus, noui frameā splendētem, ac ensē in cœlo inebriatū, ac eousq; orbare iussū, donec nec carni, nec medullę, neq; ossibus parcat. scio impassibilē illū tanq; ursam rabientē, & sicut pardalim occurrentē per uia Assyriorū, nō ijs solum qui tum erāt, sed et si quis nunc malitia est Assyrius, nullus enim potentiā irę eius & uelocitatē effugere ualeat: quū euigilauerit super iniquitates nostras, & inimicos eius persequit̃ zelus, qui deuorare nouit aduersarios. scio enim excussionē & intensiōnem, ac cōcussionē, cordisq; cōquassationē, necnon genuū dissolutionē, ac talia quæ impiorū sunt supplicia: ut interim obmittā iudicia, quæ illic sunt, ad quæ nos ea transmittunt, quæ hic nobis parcunt: ita ut satius nobis esset hic corripī & purgari, q; futuris tradi tormentis, ubi tēpus est pœnę, & nequaquē emendationis. quēadmodū enim nō est in morte q; memor sit dei, ueluti pulcherrime diuino philosophatū est Dauide, ita nō est in inferno morātibus cōfessio & correctio. hic em̃ deus & uitā, & opera cōcluserit, ibi uero gestorū est inquisitio. Quid igit faciemus in die excussionis? q; me ex pphetis quidā perterret, siue ob iudiciū erga nos diuinū, siue illa quæ in montibus fient uel collibus, quēadmodū audiuius, seu qualitercunq; uel de quibus illa sit futura quādoq;: quū confidebit ac nobiscū disceptabit, peccataq; ante faciē nostrā cōstituet, amarulentos illos redargutores, ac ea quæ inique egimus, acceptis beneficijs opponet, & cogitationes cū cogitatiōibus, & opera cū operibus cōparabit, necnō imaginis dignitatē requireret, malitia scēdatā & cōfusam: tandē

eos ablegabit, à semetipsis inculpato & damnato, quū neq; dicere possint
 quod iniusta patiantur, quod quidē ihs qui hic iniuste affligunt, quādoq; satis
 est ad dānationis cōsolationē. Ibi uero quis erit aduocatus? quā protectio?
 quā excusatio cōficta? quā persuasio artificiosa? quā cōtra ueritatē excogita
 tio peruerteret? ac sententiā inuertet iustā, quū omnibus omnia in statera expē
 dent, & opera, & uerba, & cogitationes: malisq; opponent meliora, quo id
 qd prēpōderat, uincat, & p̄ superante ferat sententia: post quā nulla erit ap
 pellatio, nō iudex superior, aut excusatio per opera secundaria, nō oleū uirgi
 nibus prudentibus, seu uendentibus, quū lampades deficiunt, nō pēnitētia
 diuitis, qui in flāma cruciabat, & domesticis expetebat emēdationē. nō tem
 pus mutādi in melius, sed unicū & nouissimū, & tremendum iudiciū, ac plus
 iustum q̄ terribile, seu potius ideo terribilius, quia iustum, quoniā throni po
 nent, & antiquus dierū sedebit, & libri aperient, & fluuius ignis fluet, & lux
 erit præsens, tenebræq; erunt paratæ: & qui bona egerūt, in resurrectionem
 uitæ abibunt, quæ nunc in Christo est abscondita, & postea cū ipso manife
 stabitur, qui aut mala egerunt, in resurrectionē iudicij, ad quā ihs, qui nunc de
 uerbo, quod ipsos est iudicaturum, nō credunt, sunt cōdemnati, & hos quidē
 lux excipiet ineffabilis, necnon sanctæ ac regiæ trinitatis cōtemplatio, clarius
 resplēdens ac purius, & quæ tota menti cōmiscet toti, quā ego & solū quidē,
 cœlorū regnum potissimū esse arbitror, alijs uero inter calamitates alias, seu
 potius ante alias, uel maxima hæc erit, quod abiicient à deo, & pudore con
 fundent cōscientiæ, qui finem nō habet, sed de his postea, nunc uero quid fa
 ciemus fratres? cōtriti & humiliati, necnō inebriati, nō à uino aut sicera, quæ
 parumper cōmouent & obtenebrant, sed à plaga quā induxit dominus, di
 cens, Et tu cor cōmouearis & cōturberis: qui potauit cōtemptores spiritu tri
 stitiæ & cōpunctionis, ad quos & dicit: Videte contemptores, & inspicite, &
 admirabimini, ac disperdemini: quomodo increpationes eius tolerabimus?
 aut quā responsionē dabimus? quum ad multitudinē beneficiorum propter
 quæ erubescimus deueniemus? quū castigationes nobis exprobrabit, ac me
 delam enumerabit, ex qua tamen nequaquā sumus curati, & filios quidē ap
 pellat, sed pollutos, dum ait, & filios quidē, sed alienos, & à semitis suis clau
 dicātes, quoniam inuiæ fuere & asperæ, quomodo & unde uos erudiri oport
 erat? remedia leuiora induxi, sanguinem Ægyptium obmisi, qui ex fon
 tibus, fluminibus, & omni aquarum bibebatur cōgregatione, plagam nem
 pe primam: ranas uero, & sciniphes, & muscas, necnon plagas reliquas inter
 misi, ac à bobus, iumentis, & pecoribus plaga quinta inchoaui, animalia ra
 tione carentia afflxi, hominibus uero & ratione præditis peperci. nihil ad
 uos calamitas illa, sed facti mihi estis percussis etiā animalibus magis bruti
 & irracionales, abstuli quibusdam pluuias, at pars altera est rigata, pars ue
 ro quā nō rigaui, exaruit, & dixistis, uiriliter sustinebimus. Induxi super uos
 grandinē, contraria plaga instruens, uineas uestras & arbusta deuastaui, pra
 uitatem

uitatem uero uestrā nequaquā cōtriui. cognosco quod durus sis, & neruū ferreus ceruix tua. hāc forsitan ad me dicit, qui nec plagis quidē admonet, peruersus peruerse agit, & iniustus perpetrat iniustitiā. nihil prodest admonitio superna, neq; flagella. deficit suflatoriū, cōsumptū est plumbum, quæ & uobis prius per Hieremiā exprobraui. inuanū argentarius operat argentum. prauitates uestræ nō sunt cōsumptæ. nequaquā me sustinetis iratum, dicit dominus. aut nequit manus mea alias inferre plagas. sunt apud me ulcera exurentia, cinis à camīno, quē Moyses sparsit in cōelū, aut si quis est alius similis ei, minister cōmotionis diuinæ, ut Ægyptū plectat infirmitate. est & locusta, caligoq; palpabilis, necnō ultima in ordine plaga, sed labore ac uiolentia prima, interitus nempe primogenitorū, & perditio: quā ut tanq̃ perniciem effugere ualeamus, bene est, ut mētis ungant limina, cōtemplatione & operatione, sigillo magno & salutari, noui scilicet Testamenti sanguine, q̃ cū Christo crucifixi, & cōmortui, cōsurgere quoq; & unā glorificari ualeamus, nūc & in nouissima eius apparitione. ne cōcutiamur, nec cōteramur, neq; lamētemur, quū nos obruit caligo, in tenebrosa hac & mala uita, quæ perdit primogenita, & deo dedicata uitæ nostræ germina & motus. Cæterū nequaquā mihi accidat, ut inter plagas alias, hāc mihi ab optimo exprobre deo, ingruente cōtra me furore peruerso, propter meā peruersitatē. percussi uos ictericia febre, ac infania, & nil profuit: exterius uos gladius filijs orbauit, & nec sic quidē ad me cōuersi estis, dicit dominus. Proinde quū simus uinea dilecta plantata & circūuallata, necnō maceria turri & cūctis alijs munita, quātū fieri potuit tutissime, nequaquā sterilis & spinifera fiamus, ac ita despicienda, quo turris subuertat, & maceria diruat, nec uinea ultra pute, aut fodiat, sed omnibus in direptionē, necnon iniuriā cōmunem, ac cōculcationē tradat. & hic meus est timor ac sermo, taliterq; ego plaga hac perturbor, talicq; oratione oro, quā & prædictis addo. Peccauimus, inique egimus, impie fecimus, quoniā oblitī sumus mandatorum tuorū, & post cogitationes nostras malas ambulauimus. quoniā nequaquā nos secundū uocationis dignitatē, & Euāgeliū Christi, necnon passionē eius sanctas, ac inanitionē pro nobis factā gessimus. Quoniā facti sumus opprobriū dilecto tuo. Sacerdos & populus pariter excessimus. omnes declinauimus, simul inutiles facti sumus, nō est q̃ faciat iudiciū & iustitiā, nō est usq; ad unū. exclusimus misericordias, & clemētiā tuā, uisceraq; misericordiæ dei nostri, propter malitiā nostrā & prauitatē studiorū nostrorum, in quibus deuiauimus. Tu bonus es, sed nos peruerse egimus. tu longanimis, nos uero plagis digni bonitatē tuam cognoscimus, licet imprudētes. parum secundum peccata nostra correpti sumus. Tu terribilis es, & quis tibi resistet? tremor tuus montes comprehendit, & magnitudini brachij tui quis potest obuiare? si cōelum clauseris, quis aperiet? & si cataractas resolues, quis cōcludet? leue est in oculis tuis pauperē & diuitē facere, uiuificare & mortificare, percutere & sanare. sed & uelle tuū, opus est perfectū. Tu irasceris & nos

pecca-

peccauimus: dicit quidā ueterū, tibi supplicans. nūc uero tempus est, ut cōtrarium dicā. nos peccauimus, & tu irasceris. propterea facti sumus opprobriū uicinis nostris. auertisti faciem tuam, & repleti sumus ignominia. Verū cessa domine, remitte domine, placare domine, ne tradas nos in finē propter iniquitates nostras, neq; per afflictiones nostras alios erudias, sed potius per aliorum calamitates nos refrena. & quorum nam? gentiū quæ te non cognoscunt, & regnorum potentia tuæ non subiectorum. nos autem populus tuus domine, & uirga hæreditatis tuæ: quapropter nos erudias, ueruntamē in bonitate tua, & nō in ira, ne nos minimos facias ultra omnes habitatores terre. his ego uerbis misericordiam attraho. quod si holocaustis & sacrificijs iram expiare possem, neq; illis parcerem. Proinde & uos quoq; filij charissimi, timentem imitamini sacerdotem cōmunem, ac pariter mecum diuinā tolerate monitionem, prouocate clemētiam, possidete animas uestras in lachrymis, sedate iram, meliora facite studia uestra, sanctificate ieiunium, prædicate obsequium. hæc uos nobiscum beatus iubet Iohel, conuocate seniores, infantes, sugentes ubera, ætatem miserandam, & præcipue dei clementia dignā. Noui autem quid & mihi ministro domini, uobisq; cæteris, qui eodem honore se dignos putant sit præceptū: nempe ut saccis induamur, plangamusq; die ac nocte, inter uestibulum & altare, miserādi habitu, miserabiliores uoce, flebiliter tam pro nobis ipsis, quā populo clamātes, ac nihil obmittentes, uel ex sermone, uel ex labore, per quod deus placari posse creditur. Parce domine, dicentes, populo tuo, & ne tradas hæreditatem tuam in opprobrium. planeq; in precibus nostris tanto plus habeamus afflictionis, quātum & dignitatis, quo per ipsas populum ad compunctionem, necnon prauitatis emendationem, ac harum rerum sectatricem, dei nempe longanimitatem, flagellique tolerantiam prouocemus. uenite igitur fratres omnes, adoremus & procidamus, ploremusq; coram domino qui nos fecit, communem peragamus planctum, secundum ætatem ac genera diuisi, exaltemus uocem supplicationis, pro odio digno clamore, & hanc in aures domini sabaoth. præueniamus iram eius in confessione. uelimus ipsum uidere, quemadmodū prius iratum, ita nunc placatum. quis scit, inquit, nunquid cōuertatur & pœniteat, ac relinquat benedictionem, atqui manifeste hoc scio. Ego diuinæ clementiæ sum si deiussor: nam iram, quoniam præter naturam eius est remittet, & ad misericordiam quæ secundum naturam eius est conuertetur. ad illā enim à nobis compellitur, ad hanc uero inclinatur. & si corripit compellentes, cur nō exaudiret inuocantes? ac natura sua uteretur in remittendo? solū nos misereamur nostri, ac iustis patris uisceribus uiā adaperiamus. seminemus in lachrymis, quo in exultatione metamus: fiamus Niniuitæ & non Sodomitæ, curemus prauitatem ne prauitate consumamur. Audiamus Ionam prædicantem, ne igni & sulphure pessundemur. & si ex Sodoma fuerimus egressi, mōtes ascēdamus, ad Segor fugiamus, cum oriente sole ingrediamur, ne subsistamus in regione

regione omni, nō circūspiciamus, ne in salis statuam obduremur, statuam inquam immortalem, ac animæ accusatricem, quū reuertitur ad peccata. Cognoscamus quod penitus nil peccare supra hominis sit uires, ac dei solius, ut interim de angelis quid dicere obmittam. uerum ne demus affectibus tempus, nec fores altercationibus referemus. Proinde quod incurabile est, malignæ & oppositæ existit naturæ, simul & ea quæ sub illa operantur, uerum ut peccantes se cōuertant, hominum quidem est, sed mansuetorum, & qui sunt partis saluandæ, licet enim lutum hoc nostrū aliquid malitiæ attrahat, & habitaculum terrenum, mentem sursum ferentē, uel ut sursum feratur creatam, degrauet, imago tamē materiam expurgat, ac carnem adnexam rationis attollit pennis, ac subleuat. Sanē quamuis melius esset nequaquam tali indigere expurgatione, sed nec expurgari, dummodo prima nobis salua maneret dignitas, ad quam ex præsentī festinamus correptione, nec ut à ligno excideremus uitæ, amaro peccati gustu: melius tamen est, ut peccantes conuertantur, quā ut inique agentes haud corripiantur. quem enim diligit dominus corripit. increpatio enim est paterna, omnis autem anima inobediens est & male curabilis. nō igitur plaga percuti graue est, sed ob plagam nequaquam refrenari, longe est grauissimum, quemadmodū ex prophetis quidam, de populo ait Israëlito, duro, & corde incircumciso. Domine, flagellasti eos, & nō doluerunt: corripuisti eos, & noluerunt suscipere disciplinam. ac iterum & populus non est conuersus, donec percuteretur. & cur? quoniam populus meus auersus est, auersione mala, ob quā penitus conteretur & confringetur. Terribile igitur fratres est, incidere in manus dei uiuentis. Terribilis & facies domini super facientes mala, & funditus extinguens malitiam. Terribilis & auditus dei, uocem Abelis percipiens propter sanguinem tacentē. Terribiles pedes prauitatem deprehendentes. Terribilis etiam uniuersi repletio, ita, ut impossibile sit dei effugere commotionem. & si quis in cœlum sublatus fuerit, seu in infernum descenderit, non si ad orientem usq; fugerit, non si in maris profundum aut terminum se absconderit: unde & ante me timet Naū propheta, in ijs quæ de captiuitate Niniue publicat, dum deum zelantem, & dominum cum ira aduersarios ulciscentem prædicat: immensa tumulentem seueritate, ut nec secūdæ correptioni locus relinquatur. Sed & quum Esaïam populo Sodomorum & principibus Gomorræ comminantem & dicentem audio, cur adhuc percutimini, apponentes iniquitatem, paulo minus horrore repleor, & lachrymis suffundor. Nō est inquit, quod peccatis uestris addi possit, non potest additio plagæ inueniri, ita cuncta consumastis, & omnem plagæ speciem euacuastis, quum semper recentiorem peccatis uestris prouocatis. non est uulnus, neq; cicatrix, neq; plaga adurens, in toto corpore plaga est, sed & incurabilis, non enim est malagma superponere, neq; oleum nec ligaturas. uerum reliquas obmitto cōminationes, ne præsentī uobis plaga molestior fiam, ueruntamen cognoscere decet, mali huius causam, unde exarue-

M runt

runt agricolæ, confusa sunt horrea, pascua gregibus defecerunt, & speciosa terræ sunt diminuta, campiq; nequaquam repleti ubertate, sed mœrore, non repletæ sunt conualles frumento, sed defecerunt, non stillauerunt montes dulcedinem sicut iusti, sed dedecore & sceditate sunt repleti, & Gelboë execrationem ex cōtrarijs exceperunt: facta est sicut ab initio omnis terra, priusquàm ornaretur pulchritudine sua. Visitaſti terram, & inebriaſti eam, sed uiſitatione peſſima, & inebriatione pernicioſa. Heu quale ſpectaculum, in ſtipula, & in paucis reliquijs ſatio à nobis cognoscitur, ac uix primitias domino uer noſtrum fructificat, quæ à muribus potius quàm manipulis ſunt colligendæ. Tales ſunt diuitiæ impiorum, talis & ſeges eorum, qui male ſeminant, proinde conſidera quid uetus dicat maledictio: expendet plura, pauca uero colliget, ſeminabit, & non metet: plantabit, & non exprimet: ubi decem paria bonum operabuntur, amphoram facient unam. & apud alios abundantiam audient, ipſi uero opprimetur penuria. Vnde hæc: & quænam calamitatis eſt cauſa? non expectemus ut ab alijs arguamur, ſed noſmetipſos ſcrutemur, magnum malitiæ remedium confeſſio & fuga eſt peccati. Ego primus quemadmodum annunciaui populo meo antea, & ſpeculatoris opus impleui: nequaquam enim ſuperuenientem abſcondi rompheam, quo propriam & audientium ſaluarem animam, Ita & nunc populi mei annuncio incredulitatem, illiusquæ delicta mea facio, ſi forte hoc pacto clementiæ aliquid & refrigerij conſequi ualeam. Ex nobis igitur alius oppreſſit pauperem, & partem terræ ſubtraxit, ac terminos male uel furtim, ſeu uiolenter eſt tranſgreſſus, ac domum copulauit domui, ac agro agrum, quo aliquid uicino adimeret, & nullum quo cum contenderet haberet uicinum, tanquam ſolus poſſeſſurus eſſet terram. Alius autem uſura & nimio habēdi ſtudio terram cōtaminauit, colligens ubi non ſeminauerat, & metens ubi non diſperſerat, nequaquam terram, ſed indigentium excolens neceſſitatem. Alius autem in primitiis aræ & torcularis perſoluendis omnium largitorem deum defraudauit, ac factus eſt ingratus pariter & ſtultus, quum neq; pro ijs quæ habebat, neq; pro ijs quæ ſperabat gratias ageret, neq; aliter animi ſui gratitudinem oſtenderet. Alius uiduæ & pupilli non eſt miſertus, neq; indigentibus panem aut cibum, uel tenuem diſtribuit, ſeu potius Chriſto, qui per eos, qui uel parum per reſciuntur reſcitur, licet tam multa ac præter ſpem etiam habeat. ſiquidem hoc iam iniquiſſimum eſt, quod inter multa horrea anguſtia etiam premi uideatur, ac ideo hæc implet, alia uero deſtruit, quo futuris ædificet maiora, ignorans quod ante ſpem auferretur, ac rationem reddet abundantiae & imaginationis, malus aliorum bonorum factus diſpenſator. Alius autem uiam humilium occluſit, ac iuſtum afflixit iniuſte. Alius odio habuit reprehendentem in portis, & ſermonem ſanctum eſt execratus. Alius autem propriæ ſacrificauit ſagenæ, quæ multa comprehendit, & rapinam pauperis in domo ſua habuit, nequaquam dei memor, ſeu male memor, benedictus dicens

dicens, dominus, quoniam ditati sumus: & suspicatus est iniustitiam tanquam à seipso hæc haberet, quo puniretur, propter hæc enim uenit ira dei super filios inobedientiæ, propter hæc clauditur cælum, aut male aperitur. & longe magis id fiet, si percussi non fuerimus conuersi, & appropinquanti naturaliter appropinquemus. quid ad hæc dicemus, frumenti arctatores & institores? qui temporum obseruamus difficultates, quo abundemus, ac calamitates alienas in delitijs habeamus, possideamusque, non ut Ioseph Ægyptiorum substantiam, ad maiorem administrationem domesticam, ille enim bene rem curabat frumentariam, ac congregabat & distribuebat: sed nos tanquam transgressores proximorum nostrorum bona affectamus, qui dicimus, quando præteribit mensis & lucrabimur? quando sabba-
ta, & aperiemus thesauros? uos qui duplicibus mensuris & ponderibus, id quod iustum est corrumpitis, & iniustitiæ mensuram ad uosmetipsos attrahitis. Quid ad hæc dicetis, qui nullum possidendi finem nostis? qui aurum & argentum adoratis, non secus ac Baal olim, & Astartem, necnon Chamos abominationem, qui uario gemmarum splendore, ac fluidis uestimentis uos ornatis, tinearum sumptu, ac latronum, & tyrannorum, necnon furum thesauris. Qui admodum ob seruorum & equorum tumidi estis multitudinem. Qui in campis ac montibus uos diffunditis, ac quædam possidetis, alia uero inuaditis, nonnulla autem speratis, instar Salomonis sanguisugæ, quæ expleri nequit, sicut nec infernus, terra, ignis, & aqua: aliumque orbem terrarum ad possidendum requiritis, ac dei terminos inculpatis, tanquam concupiscentia uestra & insatiabilitate longe angustiores. Quid autem ij qui in altis resident thronis? ac potestatis scena elati, supercilia etiam ultra theatrum attollunt, nequaquam deum ac sublimitatem inaccessibilem in omnibus cogitantes, quo subditos tanquam conseruos iudicent, quum & ipsi pari indigeant clementia. Proinde & illos mihi considera, qui delicate in eburneis dormiunt lectis, quos recte diuinus mordet Amos: & qui preciosis delibuti sunt ungentis, & ad uocem organorum manibus plaudunt, ac rebus fluxis non secus ac stabilibus gaudent, & nequaquam ea contritione qua Ioseph fratribus condolent, seu compatiuntur. Oportebat autem eos benignos esse ijs, qui priores in hanc calamitatem incidissent, & misericordiam misericordia assequi. Oportebat ululare pinum, quia cecidit cedrus. oportebat admoneri proximorum calamitate, & ob mala aliena recte disponere domestica, quum in hoc, iam clade affectos præcellerent, quod ipsi per illorum saluarentur æumnas, & nequaquam alij eorum exemplo ad modestiam redigerentur. Hæc nobiscum sacrum ac diuinum philosophare caput, quoniam tempore longo multam etiam consequutus es experientiam, ex qua sapientia oritur. Talibus populum tuum instrue, esuri-
entibus panem confringere doce, inopes, uagos colligere, nuditatem cooperire, consanguineosque minime negligere, hoc præcipue tempore: siqui-

dem deus plus tali gaudet fructificatione, quam multitudinem collationum, aut magnitudine munerum. Præter hæc autem & ante hæc, Moses mihi hodie aut Phinæes fias, pro nobis consistere, & deum placato. sedetur calamitas, seu per sacrificium spirituale, siue per orationes & colloquia rationabilia. Intercessione tua domini iram compesce, plagæ siste sequelam, patris nouit uenerari caniciem, pro filiis legatione fungentem, de præteritis supplica malis, pro futuris sponde. Offer populum, plaga & timore purgatum, petito eis cibum corporalem, sed ante illum angelicum, è cælo descendentem. id si feceris, deum reconciliabis, cælum mitigabis, pluuiam reddes temporaneam & opportunam. Dominus dabit benignitatem, & terra nostra fructum suum producet, ea quæ deorsum est, quotidianum, homo uero noster æuiternum, quum torculari diuino fuerit expressus, ac per te cum operibus nostris adductus. In Christo Iesu domino nostro, cui sit gloria in secula, Amen.

DIVI GREGORII NAZIANZENI ORATIO HABITA
IN FVNERE PATRIS, PRAESENTE
TE BASILIO MAGNO



HOMO DEI, & serue fidelis, diuinorumque mysteriorum dispensator, ac uir desideriorum spiritus. ita enim scriptura uocat in altum progressos ac sublimes, & qui uisibilia exuperarunt. sed & deum Pharaonis te uocare audeo, necnon uniuersæ Aegyptiacæ ac oppositæ potestatis, columnam ac fundamentum ecclesiæ, uoluntatemque domini, & luminare in mundo, habens sermonem uitæ, ac fidei firmamentum, spiritusque habitaculum. & quo pacto omnes appellationes tuas, quas uirtus tibi conciliauit enumerare possem? quum alia, aliam tibi domesticam reddiderit & indiderit. Veruntamen hoc nobis dicas, unde ades? & quodnam opus tuum? & quid nobis gratificaturus aduenis? postquam omnino cum deo, & circa deum moueri, & ob benefaciendi gratiam eorum qui te suscipiunt, uenire scio, ut nos aspicias. num pastorem quæris? aut nos oues uisitare intendis? non amplius superstitēs, sed magna ex parte unà digressos, ac loco afflictionis indignantes. maxime nunc, postquam gubernatorem peritum, ac uitæ nostræ lampadem perdidimus. ad quem dirigentem aspiciebamus, & qui à supernis nobis salutem per ignem significabat. illum inquam, qui cum omni bono, & uniuersa disciplina pastoralis, quam longo collegerat tempore, est peregrinatus: plenus diebus, simul & prudentia, necnon senectutis gloriatione, si Salomonis illud dicere oportet coronatus. Caterum grex indigus est & abiectus, & cernis ne quanta tristitia & mœstitia plenus? non amplius in loco uirenti requiescens, nec aqua

aqua quietis refectus, præcipitia quærens & barathra, necnon loca deserta, per quæ dispergatur & corrumpatur, Incertus num pastorem alium tam prudentem sit consequuturus, etsi non talem, licet ualde confidat, gratum tamen, si non longe deteriore. Proinde quum tria sint quemadmodum dicebam, quæ præsentiam tuam necessariam reddunt, ac omnibus ex æquo tam nobis, quàm pastori, necnon gregi, age iuxta spiritum culturæ, qui in te est, unicuique suum tribue commodum, & in dispensatione dijudica sermonem, quo te magis ob sapientiæ admiremur magnitudinem. Cæterum quo modo dispensabis: nempe si uirtutem huius merito laudaueris, non solum ut sermonem funebrem purum persoluas puro: sed ut alijs quoque conuersationem illius pietatis characterem & admonitionem esse ostendas, nobisq; breuiter de uita & morte, necnon de corporis & animæ coniunctione & disjunctione philosopheris: Insuper & de mundis duobus, præsentem nempe ac instabili, de intellectuali quoque & permanente: ac nobis persuadeas, ut illius deceptiones, confusiones, & inæqualitates contemnamus, quibus tanquam in undis susque deque ferimur fluctuantes: huius autem soliditati & stabilitati, necnon pulchritudini innitamur, quum semper eodem perduret modo, ab omniq; perturbatione ac confusione liber existat. Ita enim minori afficiemur tristitia, si citius ex hac uita emigremus, immo potius lætabimur, si nos sermo hinc abduxerit, & in supernis statuerit, ac præsentem insuauitatem bono absconderit futuro, nobisque persuaferit, quod ad dominum agamur bonum, & quod melior sit habitatio firma, quàm peregrinatio incerta, quodque nauigantibus portus est tranquillus, id ipsi qui in huius uitæ iactantur tempestate transmigratio hinc sit & translatio. aut quem admodum ipsi, qui iam longam præoccupauerunt uiam, peregrinantibus & adhuc laborantibus uegetiores sunt, & minus defatigantur: ita qui hospitium assequuntur quod ibi est, illis, qui adhuc uitæ præsentis terunt inæqualia & præcipitia, feliciores & quietiores existunt. Nos igitur ita consolare, at gregem quo pacto: primum illi tuam promittito præfecturam, & pascendi curam, sub cuius alis omnibus bonum est requiescere, & cuius uocem nos qui siti laboramus, non secus ac fontem sitimus purissimum. Deinde nobis persuade, quod ne nunc quidem pastor ille bonus nos derelinquit, qui animam suam posuit pro ouibus suis, sed quod supersit, & pascat ac dirigat proprias, & à proprijs cognoscatur, corporaliter quidem nequaquam comparens, spiritualiter uero nobiscum conuersans. contra lupos pro grege depugnans, & nemini permittens, ut caulam furtiue aut dolo se transgrediatur, ac uoce peregrina animas bene institutas seducat ac decipiat. & ut ego mihi persuadeo, nunc magis proficit precibus, quàm antea doctrina: quanto etiam plus deo est propinquior, postquam uincula deposuit corporalia, & à materia quæ mentem turbabat est liberatus, nudus

M 3 cum

cum nudo conuersans, nempe cum mente prima ac purissima, ordine angelico & fiducia coelesti (nisi hoc nimis audacter dictum est) effectus dignus. hæc quidem tu melius digesseris & philosophaberis, quàm ego sermonis & spiritus uirtute ostendere queam. Caterum ne per ignorantiam bonorum, quibus ille præditus erat, sermo multum sua imminuatur dignitate, breuiter laudem ex ijs quæ mihi de digresso cognita sunt depingam, inculpam, ac bono tibi talium pictori tradam, ut uirtutis illius pulchritudinem confirmes, ac omnium auditui & cognitioni exponas. Ille igitur, ut patriam, & genus, necnon corporis habitudinem ac splendorem externum, cum alijs quibus potissimum homines gloriari solent, laudis relinquam legibus, ex primordijs nostris, & perquam domesticis exordium sumam: germen fuit, radicis nequaquam laudabilis, aut fertilis pietatis. siquidem quum nouissimis confidam, nequaquam erubesco ob prima, nec quæ in domo dei plantata esset, sed ualde absurdæ & alienæ, ex rebus duabus commixtæ diuersissimis. ex errore nempe gentili, & monstro legali. quæ ambo partim effugit, partim uero ambobus obnoxius fuit. siquidem homines illi idola & sacrificia reiiciunt, ignem autem uenerantur & lampades. sabbatum præterea honorant, & in cibi delectu admodum sunt scrupulosi, circumcisionem contemnunt. humiles autem illi Hypsistarios, hoc est sublimēs se appellant. solum uero creatorem omnium uenerantur, ac ita ille ad impietatem anceps erat, ex aliquo aliquid factus. ac ideo ignoro, utrum gratiam ipsum uocantem plus laudare debeam, aut etiam electionem illius. Sanè ita illi mentis oculus à lippitudine qua detinebatur est purgatus, tantaquæ uelocitate ad ueritatem accurrit, ut & à matris gratia & substantia penitus excideret, nilquæ ei nisi superni patris ac uera relinqueretur hæreditas, quam & retinuit. hanc ignominiam facilius etiam tulit quàm alijs honores maximos. Verum minus hoc admiror, licet admiratione sit dignissimum, & quur nam? quoniam ipsi inter multos alios communis erat contentio, omnesquæ in magna dei sagena includi oportet, & piscatorum sermonibus capi, tametsi quidam prius, alijs uero posterius ab Euangelio comprehendantur. quod uero potissimum ex rebus illius me admiratione perculit, hoc etiam enarratione dignum existit. erat ille noster antea etiam quàm ex nostra esset caula. mores enim nobis ipsum conciliarunt. nam quemadmodum multi ex nostris nequaquam nobiscum sunt, quos uita à corpore alienat cõmuni: ita multi inter externos erga nos sunt inclinati, qui moribus fidem præueniunt & solo nomine indigent, opera enim prius habent. ex illorum numero meus pater erat, ramus alienus, uita sua ad nos inclinans. modestia uero tantum excelluit, ut perquam amabilis pariterq; honestissimus esset, quæ ambo haud facilius concurrere solent. Iustitiæ uero quod

Genus

Hypsistarij
qui nam et
quales sint

Modestia

ro quodnam maius & manifestius documentum esse posset? quàm quod li- *Iustitia*
cet minime secundas partes in re publica sortitus fuisset, nec unica drachma
substantiam suam augmentauit: tametsi cerneret quod alijs Briarei manus
rebus iniicerent publicis, facultatibusque inflarentur malis. ita enim iniu-
stam uoco opulentiam. Sanè prudentiæ nequaquam parua in eo fuere si- *Prudentia*
gna, quemadmodum ex sermone liquebit procedenti. huius mercedem, ut
arbitror, fidem tulit. Verum quonam modo illud (haudquaquam enim
decer, ut res tanta fideatur) explicabimus? igitur mulierem fortem quis in-
ueniet? diuinam scripturam dicentem audiui, & donum dei esse, ut quis à
domino coniugium sortiatur bonum. quod & externis uideretur. nam illo-
rum illud est,

Nil homini melius contingit coniuge casta.

Cæterum dici nequit, quisnam coniugio felicior extiterit quàm ille. ar- *Coniugium*
bitror enim, si aliquis ex finibus terræ, & omni genere humano, coniugi-
um optimum contrahere studeret, nequaquam uxorem hac meliorem,
aut magis conuenientem inuenire potuisse. nam uirorum & mulierum o-
ptima quæque conuenere in unum, ita ut nuptiæ illæ non minus uirtutis,
quàm corporis esset coniunctio. nam licet alios exuperarent, inter seip-
sos tamen propter uirtutis æqualitatem, & honoris paritatem se superare ne-
quibant. Sanè quæ Adamo tradita est, ut illi auxiliaretur, postquàm bo-
num erat, ut homo non esset solus, pro adiutrice facta est hostis, & nequa-
quam conthoralis, sed aduersaria, uirum per uoluptatem suffurans, & co-
gnitionis ligno, à uitæ ligno abalienans. Patri autem non solum coopera-
trix à deo est tradita, id enim minus admiratione dignum, sed & rectrix
est facta, quæ illum per se tam opere quàm sermone ad optima quæque per-
duceret. nam licet optimum iudicaret, ut in alijs secundum coniugij legem ui-
ro pareret, in pietate tamen nequaquam illam pudit, quo minus se doctri-
cem exhiberet, quod quidem admiratione dignum existit. sed plus admiran-
dum, quod ille ultro ab ea deuinci uoluit. illa etenim est, quæ quum aliæ mu-
lieres de pulchritudine tam naturali, quàm ficticia cõtendunt & efferuntur,
quam solam pulchritudinem nouerat, animæ nempe uenustatem, & ut ima- *Laus uxoris*
ginem diuinam custodiret, aut pro uiribus repurgaret. ornatum autem depi-
ctum & artificialem, ad eas quæ in scena uersantur relegabat, & unā solam
nobilitatem existimabat pietatem, & ut sciret unde facti simus, & quorsum
tendamus: solasque diuitias firmas ac tutas, deo ditescere & pauperibus, ma-
xime quum in genere propinquos incideret, quibus usque ad indigentiam sub-
uenire, nequaquam calamitatis solutionem, sed monitionem continere censebat.
at liberalius bene facere, honoris firmioris & consolationis esse perfectioris.
quum hi commodo domestico, illi uero pietate excellant, & quamuis admo-
dum difficile sit hæc utraq; assequi, in utrisque tamē omnes alias exuperabat.

M 4 & utrunque

& utrunquē exactissime perfecit, duoquē in unum connectit. ita igitur domum suis adauxit curis & cogitationibus (secundum Salomonis de muliere forti terminos & leges) tanquam pia esse ignoraret. ita autem deo ac rebus operam impendit diuinis, ut licet plurimum à cura abesset domestica, neutrum tamen offenderetur propter alterum, sed pariter ambo perficerentur. Proinde quod nam tempus, aut quis locus illius ignorat orationes? qui motus & ipsi primus fuit, ex omnibus in die, seu potius quæ ita petendo, simul & petitionem consequi sperauit? Sanè quæ nam ob sacerdotum ita oblectata est manum, & faciem, seu omnem speciem philosophiæ ita honorauit? quæuē magis ieiunijs & uigilijs carnes suas macerauit? aut se psalmodia tam nocturna quàm diurna exercuit? Quæ magis uirginitatem dilexit? tametsi uinculis ligata esset coniugalibus. Quæ orphanorum & uiduarum melior adiutrix fuit? Quæ calamitates suas deplorantes plus consolatione subleuauit? Cæterum hæc forsitan parua uidentur, ac quibusdam contemnenda, quoniam haud facile plurimis sunt concessa. Verum quo pacto ea quæ paucis contingunt, & creditu difficilia existunt, inuidiæ minus obnoxia essent? mihi uero admodum sunt ueneranda, quoniam fidei sunt indicia, & spiritalis feruoris conamina. quale & hoc est, quod nunquam uox eius in sacris audita est conuentionibus aut locis, præterquàm in necessarijs & mysticis. proinde si magnum olim fuit, ne super altare ascenderet bipennis, aut ascia uideretur seu audiretur, ex ratione maiori, tanquam naturale esse deberet, & omni artificio carere, omnne quod deo consecratur: quur non & in illa magnum esset, ut silentio ueneraretur sacra? ac nunquam tergum uenerandæ præberet mensæ? seu in diuinum expueret pauimentum? uel nec manus gentilibus porrigeret? aut labia labijs admoueret, & neque inter alias mulieri etiam quæ honestissima esset & admodum domestica. quinimmo nec communicare uoluit, non solum uoluntarie, uerū neq; coacte, ijs, quæ à prophana & impura ueniebant mensa. sed nec unquam iuxta templa scelestia transire, aut illa præter cōscientiæ legē aspicere sustinuit, neq; narratiunculis gentilibus seu cantilenis theatralibus auditum inquinare: uel linguam, quæ iam susceperat diuina ac illa etiam loquebatur. siquidem prophana nequaquam sacris conuenire putabat. & quod his plus admirandum fuit, nec unquam uel parumper luctui indulgit corporali, tametsi mirum immodum alienis etiam flecteretur calamitatibus, ita ut uel uocem aliquam emitteret flebilem, ante gratiarum actionem, aut lachrymæ ex illius exciderent palpebris, quæ iam mysticæ erant, signatæ, seu luctus præberet speciem: quamuis multoties, multa ei acciderent molesta, in die etiam clara. siquidem ad animam dei amore detentam pertinere arbitrabatur, ut diuinis cuncta subijcerentur humana. Taceo his secretiora, quorum deus testis est, & seruæ fideliores, quibus illa cōcredebat talia.

Cæter

Cæterum quæ ad nos pertinent, nec memoria fortassis sunt digna, tanquam indigni simus, ut quid de nobis sperari deberet, indicia tamen sint magni illius conatus, nos enim antequam nasceremur deo uouit, nequaquam de futuro sollicita, & quàm primum nati essemus, deo se nos oblaturos promissit, nec oratione sua à deo est defraudata, nec is hostiam sibi oblatam reiecit, confestim igitur quædam ex his iam præsentia, alia autem erant futura, quotidianis additionibus adaugenda. & quemadmodum sol iucundissime matutinis fulget radijs, meridianis uero calidior existit, & lætior: ita ipsa nequaquam paruas pietatis primitias texens, nouissimo lumine plus resplenduit. Cæterum non paruus illi ad pietatem stimulus erat, quod ex arbore fructifera & nequaquam syluestri ortum sumpserat, licet copulata esset illi qui domesticus factus fuerat, longa enim serie, & à maioribus hæreditate paterna, dei & Christi amatrice uirtutem acceperat, & nequaquam mariti instar, ex pleastro in oleam inserta fuerat: non igitur minus fidelis iugum, propter fidei ferre poterat excellentiam, sed in illo solo tota erat, quod id haud tolerare ualeret, quum aliàs inter mulieres fortissima esset, & admodum mascula. hoc autem erat ex dimidio reluctari deo propter alienationem particulæ alterius, & nequaquam copulæ corporali spiritus adiungere cognationem. Deo igitur die & nocte ob hanc rem supplicabat, & illum multis ieiunijs & lachrymis pro capitis salute orabat, nihilominus tamen uirum & laborum demerebatur assiduitate, ac morum mercabatur uarietate, opprobrijs, admonitionibus, obsequijs, ab alienationibus, potissimum uero moribus familiaribus, & erga religionem feruentioribus, quibus præcipue anima flectitur & emollitur, uoluntarieq; ad uirtutem cogitur. futurum igitur erat, ut aquæ gutta assidue destillans, petram tandem excauaret, ac illa rem cui tantum studebat cum tempore perficeret, quod quidem ostenderunt sequentia. & illa quidem hæc petebat & sperabat, tanquam quæ fide magis flagraret quàm iuuentute, nemo enim ita confidit præsentibus, quemadmodum ipsa speratis, experientia edocta, quanta essent dei dona, marito autem ad salutem cooperabatur consideratio, quæ paulatim suscipiebat obsequia, cooperabatur etiam deus, ac uisiones somniorum, per quas sæpius deus animæ saluandæ benefacit. Cæterum qualis nam fuit uisio? iam enim narratio suauissima exordium mihi sumit. uisum est ei, quod nunquam antea, licet uxor sæpius orasset & rogasset, particulam illam ex diuino Dauid cantare, Lætatus sum in his quæ dicta sunt mihi, in domum domini ibimus. Erat igitur psalmodia peregrina, ac desiderium cum cantu intrabat, at illa quum audisset quod uoti compos facta esset, tempus arripuit, ac uisionem in optimam partem est interpretata, cum ueritate & gaudio beneficii ostendens magnitudinem, & ut ille salutem assequeretur festinabat: timens nequid interueniret, quod uocationem impediret, & ipsa studio suo frustraretur, accidit autem tum temporis, ut multi Episcopi Niceam festinarent,

ut

ut Arii resisterent insaniæ, quum malum illud nuper pullulare & deitatem incidere cœpisset. Ille igitur deo ac ueritatis præconibus se tradidit, desideriumque est confessus, ab ipsisque communem salutem quæsiuit: ex quibus unus erat Leontius, uir excellens, qui tum nostræ præerat metropoli. Proinde quum hic à charitate obuiam se ferat miraculum, admodum ego charitatem offenderem, si tacitus illud præterirem, præcipue quum non pauci miraculi huius testes super sint. Errabant errore quodam spiritali, diligentia doctores, & gratia præsignabat id quod futurum erat, figuraque sacerdoti instructioni admiscebatur. ó instructio minus uoluntaria, genibus enim inclinatus, instructionis expurgabatur sermonibus, ita ut multi qui tum aderant prælagirent, id quod futurum erat, non ex sublimioribus solum, sed etiam humilioribus intellectu, signis haud obscuris, credentes futura. parum igitur in medio fuit, quum miraculum miraculo est coniunctum. producam igitur fidelium auribus sermonem quoque illum. nam animabus prophanis nihil ex bonis fide dignum uidetur. accedebat ipse ad regenerationem, quæ sit per aquam & spiritum, per quam confitemur deo hominis secundum Christum formationem & expiationem, necnon materiæ terrenæ ad spiritum transpositionem & reformationem: & accedebat ad ablutionem cum desiderio seruido, ac spe præclara, expurgans se antea pro uiribus, tam anima quam corpore sanctificatus, longe magis quam iij, qui tabulas à Mose accipere debebant. illis enim sanctificatio ad indumenta usque procedebat & uentrem, parua coarctatio & temperantia quædam frugalis: illi autem uniuersa præparatio in media uita splendoris erat, & ante purgationem purgatio muniens donum, quo expurgatio concrederetur puritati, & bonum haud periclitaretur, ac deinceps contra gratiam auderet. quum autem ex aqua egrederetur, lux circa illum fulsit, & gloria affectu eius digna, cum qua etiam processit gratia fidei. Sanè hæc res & alijs quoque cognita est, qui tum miraculum sub silentio custodierunt, nequaquam illud narrare audentes. unusquisque enim putabat uisionem hanc sibi soli apparuisse. paulo post uero inuicem retulerunt. baptizanti uero & expianti adeo manifesta fuit & cognita, ut nequaquam mysterium celare posset, ac publice uocem diuulgaret, quod successorem suum unxisset spiritui. & hoc ex audientibus & cognoscentibus nemo non credebatur. quoniam & Moses quum adhuc paruus esset multis, ac precij nullius dignus, ex rubo uocatur ardente, minime tamen igni cedente, seu potius ab eo qui in rubo imaginatione deprehendebatur: illique primum conceditur miraculum. Moses ille à quo mare diuiditur, & cui cœlum panem pluit, & qui à petra aquam eduxit, quemque ignis & nubis columna inuicem sibi succedentes in uia deduxerunt, & cuius manuum extensio trophæum erexit, ac multa agmina deuicit, crucem forma illa designans. Esaias autem ille gloriæ & seraphin inspector, & post illum Hieremias, cui magna gentium & regum potestas concredita

credita fuit, hic quidem uoces audiuit diuinas, & ad prophetiæ mysterium carbone antea purgatur. Ille uero ante fictionem cognoscitur, & ante natiuitatem sanctificatur. Paulus autem quum adhuc persequutor esset, magnus ille ueritatis præco, gentium in fide doctor, & lumine circumdatur, & illum quem persequabatur cognoscit, magnumq; ei concreditur ministerium, ac uniuersus illi auditus & cogitatio tota repletur Euangelio. Cæterum quid necesse est omnes enumerare, qui à deo uocatione fuerunt præuenti, & talibus miraculis ad fidem perducti, quibus & pater meus in pietate est confirmatus. ac ideo prima illius non adeo sunt incredibilia & admiranda. Sanè quidam posterioribus priora deturparunt, non secus quàm si quis cito bonis exatiatus, deinde ulterius progredi contemnat, aut omnino ad prauitatem recurrat. Verùm hoc nequaquam de eo dici potest, seipsum enim non minus quàm quæ acceperat diligenter conseruabat, ita, ut utraq; recte inter se congruerent, tam ea quæ ante sacerdotium, quàm postea egit. nec minus honeste incepit, quàm finiuit: neque aliter finiuit quàm incepit. Sacerdotium uero illi concreditum est, haudquaquam secundum facilitatem & confusione præsentem. uerum parum defuit, quin purgationi adderetur & purgandi peritia & uirtus, quemadmodum lex est consequentiæ spiritualis. postquam autem concreditum fuit, plus glorificata est gratia, tanquam dei esset gratia, & nequaquam hominum. neque ut Ecclesiastes inquit, commotio quædam spontanea, sed electio spiritus. accepit enim ecclesiam spinosam & incultam, ac nequaquam antea sicut Episcopam gubernatam, sed ab uno solo ante eum decoratam, eoq; admirando & moribus angelico, sinceriori uero quàm nunc sint populi præfecti, quo cito sublato, rursus ob gubernatoris defectum ad segnitiam multam reuoluta est & insaniam. primum igitur hominum mores haud difficulter mansuefecit, & sermonibus qui pastoralis essent scientiæ, & quod seipsum exhibebat exemplar, tanquam statuam spiritalem, pulcherrime ad omne opus bonum tornatam. Inde diuinis literis assidue incumbere cœpit, quapropter licet in talibus tarde discere inciperet, tantam tamē sapientiam in breui collegit tempore, ut quemadmodum & in alijs nemini posterior esset, ac ne illis quoq; qui plurimum laboris exhauserant. Quin & gratiam hanc à deo accepit præcipuam, ut recte doctrinæ pater fieret & præceptor. non quemadmodum sapientes præsentis, qui se adaptant tempori, nec tanquam medius, & artificiose sermonibus qui contra nos proferuntur assentiebatur, sicuti ijs, qui nequaquam fidem habent firmam, seu ueritatis negociatores existunt: sed erat ijs qui sermone ualent magis pius, illis autem qui recte sentiebant plus ratione pollens: seu potius sermonibus partes tribuebat secundas, pietate uero omnibus dominabatur. siquidem unum deum in trinitate adorandum esse, tria uero in unicam deitatem contrahenda sciebat: & neque unitate Sabellij, neque trinitate Arii sequebatur errorem: sed nec diuinitatem impie contrahebat, aut dissoluebat, neque inæqualibus incidebat alienita-

Sacerdotium

studium

Recta doctrina

alienitatibus, siue magnitudinis, seu naturæ. Haud enim unūquodq; incomprehensibile, & super nostram est considerationem. nam quomodo id quod hic nostrum superat intellectū, aut cognosci, aut doceri posset? aut ubi mensurari quiret in expertum? ut hoc patiatur diuinitas, quod est terminantium gradibus mensurata, & gradibus inferioribus. Hæc magnus ille homo dei & uerus noscebat Theologus, & cum spiritu circa hæc uolutatus: & quid aliud dicere oportet, quàm quod efficit, ut ecclesia hæc Hierusalem noua, & arca alia super aquas delata, quemadmodum Noë illius magni ac mundi huius patris secundi uocaretur, quum eo tempore animarum diluuium, hæreticorumq; insidiæ cuncta occupassent, quantumq; multitudine aliorū superabatur, tantum nominis antecellebat claritate. idemq; illi accidit, quod Bethlehem sacræ, quam nihil prohibuit, licet esse pusilla, quo minus orbis esset metropolis, tanquam nutrix Christi ac mater, qui mundū creauit & deuicit. huius sermonis testimonium est, quod eo tempore quo feruidior pars ecclesiæ, contra ipsum seditiose decertabamus, literis decepti ac uerbis artificiosis, ad prauam communionem protracti, solus ipse creditus est mentem habere sanam, & nequaquam nigredine illa animam unā obfuscasce, tametsi mentis quadam arreptus fuerit simplicitate, & dolum ob animi innocentiam minus caueret, solus autem, immo primus seditionem illam contra nos suscitatum, pietatis zelo, & quantum ad eum, necnon alios pertinebat sedauit, quātum & ad accursum primum, quantumq; ad discessum spectabat nouissimum, tam reuerentia sua, quàm doctrinæ puritate, ita, ut multarum ecclesiarū cessaret fluctuatio, tempestasq; mutaretur in serenitatem, orationibus illius sedata & admonitionibus. Proinde si quid iuueniliter agere oportet, nos quoque qui hac in re socij fuimus, ac ei tam pietate quàm actione in omni bono auxiliū præstitimus, ac quasi aliquo modo unā peccauimus, & unā cucurrimus, plurimam partem ferre, dignos ducimus. uerum quum sermo parumper in his sit euagatus, hic iam sistatur. Cæterum quis nam bona illius, & multitudinem eorundem enumerare posset? aut si plurimum percurrere uellet, non difficulter reperiret omīssa: semper enim in intellectus progressionem, melior quàm prius fuerat, apparebat. Vnde quotiescunque res illius mecum uerso, magis me copia quid omittendum sit, quàm alios laudatores inopia quid dicendum sit sollicitat: ita ut me abundantia quodammodo offendat, ac mentem mihi sollicitam reddat, dum res illius laudare conatur: nilominus tamen nec quid in tam multis honore dignis & æqualibus uincat, inuenire queat. Etenim quemadmodum in undis euenire cernimus stantibus, ut quotienscunq; calculus iniiciatur, centrū oriatur aliud, circulusq; super alio suscitatus, & assidue dilatatus, semper dissoluat extremum: illud idem & mihi palam in re præsentī accidere uideo. dum enim mihi aliquid in mentem uenit, aliud elabitur, ac ideo circa electionem laboro, quum assidue id quod in memoria erat præoccupet, illud quod denuo affluat. Proinde quis illo studiosior in re-

bus fuit communibus: quis uero in domesticis prudentior? quoniam & domum & facultates mediocres illi tribuit, qui cuncta recte & uarie dispensat deus. *Publicarum & domesticarum rerum cura*
 Quis pauperibus æqualis naturæ, ac parti abiectæ, uel anima magis est cōpassus, uel manu plus est largitus? in substantia enim propria, aliorum se dispensatorem esse censebat, ac ideo pro uiribus inopiæ succurrebat, ita ut non solum consumeret superuacua, sed ea etiam quæ erant necessaria. quæ res manifesta demonstratio extitit, quātam curam pauperum habuerit, dedit enim partem non septem solum, iuxta Salomonis legem, sed etiā si accederet octauus, quin nec ibi rebus uacabat uilibus, sed maiori uoluptate sua abiiciebat, quā alios possidere cognoscimus. sed & omnē propinquitatē ac inopum auferebat electionem, quæ mihi quidem uilis animi indicium, & censura esse uidetur accipientis, quisnam dignus sit, qui uero minus: uerbum quippe murmurationis, unā cum distributione prolatum, euitabat. quam rem multis accidere uidemus, qui tametsi alijs impertiant, id tamen absque beniuola faciunt promptitudine, quæ quidem largitione maior est & perfectior, longe enim melius est propter dignos dare etiam indignis, quā dignos priuare ob timorem indignorum. & hoc esse uidetur quod scriptum est, oportere ut quis panem suum etiam per aquam mittat, tanquam haud ab illa pessundari, aut coram iusto harum rerum censore perire possit, sed illic occursum, ubi cuncta nostra reposita sunt, & eo occursum tempore, quo minime putamus. Cæterum hoc pulcherrimum erat & maximum, quod magnanimitas illius omni contentione carebat, quomodo uero & qualiter, nunc dicere pergā. quum certamen pulcherrimum inter ipsum & coniugem esset, de pecunia communi in pauperum usus expendenda, maior distributionis pars in coniugis manus, tanquā dispensatricis optimæ talium & fidelissimæ peruenit, cuius mulieris dico, & qualis? cui nec Atlanticum pelagus exhaustū, aut si quod aliud est ex maximis, satis esse posset, talis & tam immoderatus expendēdi amor eam detinebat, etenim Salomonis hircinam ex contrario æmulabat: nam insatiabilitate melioris, deterius uincebat, nec tamen benefaciendi promptitudine exatiari poterat: quin & totam substantiam, quam ambo uel prius habuerant, uel postea fuerant assequuti, minorem putabat, quā desiderio ipsius satisfacere posset, Sed & sæpius eam dicentem audiui, quod prompta foret, si ita necessitas exigeret, ut tam ipsa quā liberi eius priuarentur, dummodo bona eius in pauperum usus distribuerentur. Pater itaque totas matris habenas in expendenda dimisit pecunia, quod mihi quidem exemplo melius esse censetur. nam pecunijs magnanimum esse & liberalem, haud difficulter apud alios quoque reperies, non solum in ijs quæ ob communis ac ciuilis ambitionis gratiam dilapidantur, sed etiam illis, quæ ob dei amorem inter inopes disperguntur, & solum consummentibus reconduntur. cæterum qui gloriam ob hæc cōtemnat, nequaquam facile inueniemus, quā plurimis enim gloriæ amor promptitudinem subministrat expendendi, & nequaquam di-

N Distributio

*Multos lucra
tus est deo.*

*Rerum diui/
narum cura*

Virtutes uiri

*Vita sublimis
Humilis
uestitus*

*Simplicitas,
morum inno/
cētia, obliuio
malorum*

tributio occulta, ibi enim largitio est obtusior. manus itaque talis erat, licet multa tanquam inter scientes obmittamus. nam si uel aliud tale nobis testimonium præbere posset, ex eodem fonte ac eiusdem fluuij esse deprehenderetur. Sanè quis magis cum dei auxilio, aut gradui adduxit, aut iniurias proprias adeo contempsit? aut cum timore sacram mensam ab impuris munda uit? Quis consilio tam diligenti, ac iustitiæ statera, aut causas dijudicauit? seu prauitatem odio habuit? uel uirtutem honorauit? siue optimos est ueneratus? Quis ita pepercit delinquentibus? aut quis cum recte currentibus ita currit. Quis præterea melius uirgæ aut baculi tempus nouit? at baculo plus tribuit? Cuius oculi magis respexerunt super fideles terræ? necnon alios, qui deo uiuunt in uita solitaria & celibe, terram ac terrestria cōtemnentes. Quis magis superbiam castigauit? aut humilitatem dilexit? nequaquam fictæ, aut superficialiter, quemadmodum nunc multi se philosophari simulant, ac præstantes uidentur, non secus ac mulierculæ insipientissimæ, quæ cum pulchritudine careant naturali, ad colorum fucos confugere solent. suntq; (quonam modo dicere debeo) theatrales ornatissimæ, propter uerecundiam inuerecundissimæ, & propter turpitudinē turpissimæ. humilitas enim nequaquam illi in uestimento sita erat, sed in penetralibus animæ. quin nec ceruicis inflexionem mollem, aut uocis infractionem, seu uultus compositionem fictam, uel barbæ densitatem promissam, siue capitis colorationem adulterinam, aut incessus modum compositum, humilitatem esse iudicabat. talia enim facile effinguntur, cito tamen redarguuntur. nil enim simulatum durabile esse potest. Ipse autem uita erat sublimis, humilis uero prudentia. uirtute imitatu difficilis, consuetudine autem perquam facilis. uestitu quoq; nequaquam sumptuosus, ita ut fastum pariter ac nimiam effugeret humilitatem. præ multis autem splendorem internum, & uentris morbum, necnon insatiabilitatem, ac si quis alius, licet non uideretur domabat. hoc quidem ut purgaretur, illud autem ne attolleretur, re inani nominis uenans claritatem. nam ciuili operis esse censebat, ut omnia fierent & dicerentur, propter quæ apud externos nomen quis assequi posset bonum. qua re nil in hac uita beatius esse potest. spiritalis autem & nostrum est, ut ad salutem respiciat solum. ac ideo quum quis ad hunc scopum tendebat, magni hunc æstimabat: sin uero minus, despiciebat. quæ enim cerni possent contemnenda esse ducebat, quo interna se haberent rectissime. solum autem ea considerata, & longe alijs præferenda esse putabat, ex quibus aliquis plus dignitatis assequi, & alios ad id quod optimum est secum pertrahere posset. Caterum inter res illius pulcherrimum ac perquam peculiare, & nec alijs ignotum erat simplicitas, & morum innocentia. necnon obliuio malorum. Porrò tam ex ueteribus quàm iunioribus, aliq; aliud donum quoddam egregium concreditum fuit, secundum quod unusquisq; gratiam aliquam à deo consequi dignus erat. Iob tolerantia in afflictionibus, & animi fortitudo. Mosi & Dauid mansuetudo. Sa-

do. Samueli iurisdicção, & ut cerneret futura. Phineæ æmulatio, à qua & nomen est sortitus, Paulo & Petro concordia præconi, Zebedæi filijs magniloquentia. unde & tonitruï filij sunt appellati. & quomodo sermo omnes in specie enumerare posset? Stephani autem & mei patris donum unū fermē & idem fuit: hic enim nec in periculo cōstitutus, odio habebat iaculantes, sed dum lapidaretur pro lapidantibus tanquam Christi discipulus orabat, pro quo & periculum subibat, maius quid deo fructificans, quàm mortē, longanimitatem nempe. Patri autem nihil mediū fuit inter inuasionē & dimissionem, ita, ut parum abfuerit, quin afflictio cōcessionis surriperetur celeritate. etenim dei iram fecem quādam esse & credimus, & audimus, commotionis contra dignos residuum. Quoniam deus ultionum est dominus, qui licet ob clementiam à seueritate ad remissionem inclinari consueuerit, non tamen in omnibus parcat peccantibus, ne illi bonitate sua fiant deteriores. at ille nequaquam ab irritantibus superabatur, tametsi animo non omnino esset inuulnerabili, præcipue uero in spiritalibus, zelo succumbens, præterquàm si aliquando præparatus esset & armatus, ac tanquam contra aduersarium à longe instrueret offendiculū. ita enim nec à milibus, ut dici solet labefactabatur. eratq; hoc ei animi affectio suauissima. Ira enim nequaquā illi, anguis instar intus ardebat, & ad uindictam erat parata, neq; ad iracundiam ex primo motu & retributionis prorumpebat desiderium. uerum quemadmodū apīs aculeus, citra mortem percutiebat, humanitas autem eius supra hominem erat. rotas sæpe minabatur & flagella, & iam adhibebantur, uerum periculum erat, aurium compressio, aut genarum iniuria, aut pugnus super collum, sicq; minæ dissoluebantur. ueste uero maleficus spoliabatur ac calceis, ipseq; prosternebatur in terram, inde ira nequaquam cōtra iniuria affectum procedebat, sed contra eum qui prompte seruierat, tanquam ministrum malorū. Et quomodo quis magis deo bonus esse uideretur? aut dignus ut deo offerret dona? sæpe enim nec commotus apparebat, & pro commoto respondebat, tanquam domesticis illius peccatis erubescens. & pfecto ros matutinus, solares potius sustinisset radios, quàm ut aliquid ex ira eius reliquum permanisset. & tamen dicebatur, uerum sermo euauit cum uerbis, solum relinquens uirum illum bonum. non enim indignatio eius solis occasu longior erat, neq; irā quæ etiam prudentes perdit nutrieat, aut aliquid ex prauitate eius uel corporis signo ostendebat. sed tranquillitatem motu etiam conseruabat. admiranda igitur res illi accidit, non ut solus ob hanc honoraretur, sed solus ab accusatoribus suis amaretur, & admirationi haberetur, quum bonitas eius superaret feruorem: euenitq; ut uenerabilior esset iusto, quū illum corripere, q̃ improbo quum eum admoneret. huic enim asperitas propter cōmodum lenitas uidebatur, illi autem ob mores malos bonum etiam suspectum erat. & licet ita tā anima quàm corpore se haberet simpliciter, & deo accepte, nilominus tamen cōuiciatoribus ob pietatem timori erat, seu potius nil aliud illos magis

Ira refrenatio

deterrebat, quā simplicitas eius despiciens. nunc quā enim illi uel precationis, uel execrationis excidebat uerbū, neque cōfestim retribuebat aliquid quā bonū durabile, aut triste quid tēporale. illud enim ex profundo proficiscebatur animæ, hoc uero in labijs uersabatur solum, ac tātum redargutio erat paterna. multis autē qui eum offenderant, nec diuturna quidē repensata est retributio, sed neque pœna à tergo est exacta. uerū sub cōmotionem primā percellebant, conuertebantur, accedebāt, genua flecebant, ueniam cōsequebantur, discedebant, bene superati meliores fiebant, prudentiores, & cognoscentes: quoniā sepius uenia multū prodest ad salutē. pudore enim reprimit offendentē, & ex timore ad beniuolentiam perducit firmiorem. Sanē quidā erudiebant à bobus, qui perterriti iugū abiecerant, & iuncti occurrebant, quū eis antea nil tale accidisset. alij autē ab equis proiecti & cōculcati, obedientibus & mansuetis. nōnulli uero febribus intolerabilibus cōprehēsi, & imaginationibus, ob ea quæ fuerant ausi. alij quoque alijs instruebant aduersitatibus, & obedire discebāt, propter ea quæ iam fuerant passi. tali igitur & tam manifesta præditus erat mansuetudine. Cæterū num in gubernādi arte, & uirtute agendi cōcedebatur ut alius illi præstaret: nequaquā, sed ille idē mansuetus erat, ac si quis alius, in mansuetudine tamen grauis. quū enim hæc duo ut plurimū inter se pugnet, & cōtraria existant, simplicitas inquā & austeritas: & hæc mansuetudinē habeat, agendi autē arte careat, illa uero in agendis peritiā, citra tamen mansuetudinem polleat: mirabiliter ei ambo affuere. scilicet ut agere sciret tanquam seuerus, cū mansuetudine tamē remittere, tanquā agendi imperitus, sed cum arte gubernandi, in præfecturis, in cōsidentijs, in omni specie gubernationis. siquidē serpentis prudentiā circa malitiā, cū colūbæ circa probitatē miscebat simplicitate. nec prudentiā maleficā fieri sinebat, neque simplicitatē stultā, sed potissimū in specie manebat uirtutis, ex ambobus diligenter circūmunitus. Quū igitur talis esset, ac ita sacerdotij munere fungeret, ab omnibusque gloriam esset cōsecutus, quid mirum si signis, quibus deus corroborat pietatē, digne præditus foret: Sanē unū illi mirandū accidit: ualetudine laborabat aduersa, ac corpore male affectus erat. & quid mirū, si sancti etiā ægrotent: siue ob limi uilis purgationē, seu uirtutis probationē & experimētū philosophiæ, uel ob instructionē imbecillorū, ut ab illis tolerare discant, & nequaquā succubant in afflictionibus. laborabat igitur, sanctumque ac celebre tempus paschæ aderat, dies dierū regina, & nox splendida, soluens tenebras peccati, in qua nos sub largo lumine, ob nostrā salutem festiuitatē peragimus, ac cū lumine quod propter nos mortē obiit, cōmorimur, cū resurgenti que unā resurgimus. erat autē morbus diuturnus, & ut breuiter dicā, febris uehēmēs & ardens, cuncta interna deurens, uires deficiebant, & cibi nausea infestabat, somnus uero aufugerat, ac planē dubitatio aderat, palmarūque collisione deplorabat. cuncta autē oris interna, & palati excoriabant. tot enim pustulis, adeoque acutis & densis scatebāt, ut nec aqua facile & absque periculo transire posset. sed nec

mediū

medicorum artes, nec domesticorū preces, licet ualde orarēt, nec ulla quæ adhibebat medela succurrebat. & ille quidē in his erat, parūper spirans & dubie: nec eos q̄ aderāt amplius cognoscebat, sed totus in peregrinatione erat. & in ijs quæ diu ab eo erāt desiderata & præparata, nos autē tēplū habebat, mystas simul ac oratores: postq̄ enim de omnibus alijs desperaueramus, ad magnū medicū & noctis illius cōfugeramus uirtutē, tanq̄ ad subsidiū extremum. ceterū quid referā: num festiuitatē agētes, seu lugētes: panegyrim celebrantes, uel honorantes eum qui nō amplius hic habebat sepulchralia: ó la chrymæ illæ, quæ tum ab uniuerso profundebant populo. ó clamores & uoces, qui cū psalmodijs cōmiscebant. quærebant apud sacellū sacerdotē, apud mysteria sacrorū ducē, apud deū adiutorē dignū. & hæc meæ Mariæ erāt in choamēta, quæ tympanū pulsabat, & nō epiniciū, sed supplicationis carmen decātabat, ac tum primum ob aduersitatē inuerecunda esse discebat, quū populum pariter inuocaret ac deū: hunc quidē ut dolēti cōdoleret, & unā decertaret cū lachrymis: illū autē ut exaudiret supplicantē, omnia illi miracula priora ad memoriā reducens. Calamitas em̄ inuētrix est ingeniosa. at quid inde, noctis illius, & decūbentis deus egit: horror me subiit, quum ad reliqua enarrandum procedo, quin & uos qui auditis horrescitis. ceterū nolite fidē denegare, id em̄ haud sanctum est, tā nostri q̄ illius de q̄ loquimur gratia, aderat iam mysterij tēpus, statioq̄ uenerāda & ordo distribuebat initiādis: at ille à uiuificātē mortuos, & sacra nocte suscitatus, primo parūper mouet, inde fortius, postea ancillā quandā, quæ ibi remāierat nomine uocauit, uoce tenui & admodum submissa, iubens ut adesset, ac uestē afferret, eiq̄ manum porrigeret. at illa aderat, eiq̄ cum admiratione seruiebat, ille uero tanq̄ baculo manu ductione eius utebat. Mosen in monte imitans, ac debiles manus ad p̄cū figurā cōponens, expedite cum populo mysteria peregit, aut prægē. uerbis quidē paucis, & quibus poterat, intellectu autē, ut mihi uideat, admodum perfecto. proh miraculum, sine gradu super gradum, sine altari sacerdos, pontifex longe ab expiādis seiunctus: & hæc aderāt illi à spiritu sancto, ipsi quidē cognita, alijs uero qui præsentēs erāt nequaquā uisa. deinde eucharistię uerba, quēadmodum moris est, protulit, populoq̄ benedicens rursus ad lectum est reuersus: cibo autē parūper reffectus, ac somno recreatus, inuocauit spiritū, paulatim igitur melius sensit, quoad tandē pristinæ sanitati est restitutus. aderat itaq̄ noui diei, quēadmodum nominamus, festiuitas, quā primā dominicā post resurrectionē habemus. quapropter ad tēplum cum uniuerso ecclesiæ processit supplemēto, renouās salutē, ac gratiarum offerēs actionē. Proinde opus hoc nō minus mihi uenerādum existit q̄ qd Ezechia accidit, quē ægro tantē & orātē deus uitæ glorificauit additione, idēq̄ p̄ umbrā cognouit ascēsam, q̄ secundū preces infirmi est regressa, quū deus pariter regē, & gratia, & signo honorasset, ipseq̄ additione diei, additionē dierū uitę suę esse credidisset. Sanē paulo post, simile quodāmodo miraculū, matri quoq̄ accidit meæ, quod & relatu dignum censeo: nam illā merito honorabimus, si saltē hono-

re aliquo digna existit, patri uero narrationis cōmunionē, rem gratam faciemus. infirmitate igit & illa tacta est, quū omni tempore reliquo sana fuisset, ac recte ualuisse, quū igitur multa essent quæ illā affligerent, ne longius sermōnem extendā, inedia potissimū cruciabat, quæ multis perdurabat diebus, ita, ut nullū cōtra malum inueniret remedium. quomodo igitur illā deus paui: nō manna illā rigauit, quemadmodū olim Israël: nec ex petra potum elicit, ut populū reficeret sitientē: nō coruis præcepit, ut illā quemadmodū Heliam pascere, aut tanquā prophetā sublimem exsatiaret, quemadmodū antea Daniele in lacu famis, at quonā modo: uisus sum illi, cui eram charissimus, ita ut non solum nos in somno magnificaret, sub multa nocte cum canistro & splendidis astare panibus: ac cū illis eam dum oraret, quemadmodum cōsueuimus signare, necnō cibare & sanare, ac eā ad pristinā uirtutē reducere, & nocturna quidē uisio diurna fuit ueritas. ab eo enim tēpore spem cōcepit meliōrē, & hoc palām & manifeste apparuit. quū enim dies exortus esset, summo ad illā mane accessi, primūq; alacriōrē eā q̃ antea cōspexi, inde quū ab ipsa quæsiuissem, quomodo nocte habuisset, & nū re aliqua indigeret: ac cætera interrogarem cōsuetā, tu me, inquit, fili admodū laute & suauiter pauisti. quūq; quonā modo id accidisset admodū blande & humaniter sciscitatus fuisset, pariterq; ministræ innuisset, ut illā hortaret, ne cōtra tenderet, sed prompte rem explicaret, & illā pandere haud moleste ferret, illa ueritatem detexit. Quin & unū adhuc ambobus cōmune addidero: quum ego ab Alexandria in Græciā per mare nauigarem Partheniū: nauigabā autem omnino præter anni tēpus, quū ita me desiderium instigaret, in nauī Ægætica: hoc autē potissimum me adigebat, quod uectores nactus essem domesticos: quūq; parumper nauigādo progressi essemus, ingens orta est tempestas, & qualis non multum antea uisa fuit, quemadmodum referebant n̄, qui unā nauigabant: quumq; omnes cōmunem mortem timerent, mihi animæ mors terribilior erat. periculum enim mihi misero imminēbat, ne nondum initiatus abirem, ac ideo spiritus aquam in mortis aqua desiderabam. clamabam igitur, orabam, & paruas uitæ desiderabam inducias: mecum quoque clamabant conuigantes, & hoc in discrimine communi, tanquam nequam ad exercitium illud essent apti, hospites humani, & qui unā dolere ex communi discerent periculo. & ego quidem talia patiebar, compatiebantur & mihi parentes communes, per imaginationem nocturnam, ac periculi participes erant, & à terra auxilium ferebant: per orationes quoq; undas incantabant, quemadmodum postea quum uenissem ex temporis collatione cognouimus. quin & somnus salutaris, quo postquam tempestas parumper quieuerat occupabamur, hoc nobis ostendit. Erinym enim quādam, uisu terribilem, & periculum annunciantem, cœpisse mihi uidebar, nam exacte nobis hanc nox designabat. alius quoq; qui unā nauigabat, erat autem puer mihi admodum acceptus & charus, quiq; tempestatem molestissime tulerat, matrem meā supra mare gradientem, nauemq; accipientē, & haud multo la-

to labore ad terrā trahentem uidit. cui uisioni ipse quoq; credidit. mare enim quieuit, ac confestim insula Rhodus nos excepit. uerum non multū temporis post periculum hoc elapsū est, quum & nos domū peruenimus, quem admodū uoueramus deo si saluaremur, secundū uotū enim nos obtulimus. Proinde cōmunia hęc: uerum iam pridem quosdā mirari arbitror, qui res illius manifeste norūt, quod his ita sumus immorati, tanquā solū ad laudem pertineāt: temporis uero difficilimi memoriā hucusq; distulerimus, ad quod ille planē ordinatus fuisse uidetur: tanquam illa quæ tum facta sunt ignoremus, uel haud magna fuisse censeamus. sed age & illa quoq; iam prædictis adiungere conabimur. tulit tempus nostrum primū malum, sed ut arbitror & nouissimū, regem dei & rectæ considerationis desertorem, qui rem parui operis esse putabat, si Persas subiugaret, magnū autem si his adderet Christianos, quumq; pariter dæmones eum agerent, ac illud ei persuaderent, nullam impietatis speciem obmisit, suadendo, comminando, decipiendo, pertrahens ad se non solum defraudando, sed ui etiā cogendo. & ubi latere poterat insidijs dolosis mentē suffurabatur. ubi uero minus, aperte potentia sua utebatur, quo omnino cuncti caperemur, uel male affecti, uel ui etiam coacti. hunc quis magis quā pater despexisse aut dissoluisse est repertus: contemptus itaq; præ multis alijs iudex est, præfectus sagittariorū, cū suis quos ducebat, ut sacras domos nostras occuparet, aut subiugaret. quū enim multos alios aggressus fuisset, huc quoque cum eadem peruenit intentione, ac templum petebat cum mandatis, uerum tantum absuit, ut quæ uellet peragere posset, ut parum defuerit quin à patre meo excluderetur. id quum per semet ipsum intelligeret, aut ab alio quodam consulente audiuisset, licet pedum dolore laboraret, discessit, quum sacerdos ira ac zelo contra eum, templi causa arderet. Cæterum quonam modo contemptum magis ostendere potuisset: quā quod publice orationibus & totius populi precibus scelestum feriret, ac nec tempus quidem timeret. priuatim uero nocturnam aciem opponeret, humiq; dormitando seniles & macie consumptas domitabat carnes, ac lachrymis solum rigabat, paulo minus quā per annum integrum. & hoc modo secretorum cognitori philosophabatur. coram nobis uero latere contabatur, ob ostentationis, ut dicebat, euitationem, & omnino latuisset, nisi ego subito aliquando cubile ingressus, humi dormitationis indicia deprehendissem, ac quæsiuissem, cuius nam hęc essent, noctisq; mysteria cognouissem. sed & aliam quoq; eiusdem temporis ac fortitudinis narrationē accipite. Cæsariensium ciuitas de pontificis disceptabat electione, quū unus obijisset, alter uero in locum eius substituendus quæreretur. feruebat itaq; seditio, nec facile sedari poterat. Ciuitas enim illa ex sui natura, admodum hanc ob rem ad seditionem est procliuā, quum propter fidei ardorem tum cathedræ præstantiam singularem. & hęc erant quæ contentionem plus accendebant, aderant itaque episcopi quidam, ut pontificem darent. Quum uero populus inter se diuisus esset, & alius alium proponeret, quēadmodum

in talib. fieri cōsuevit, secundū quod unusquisq; uel amicitia alicuius, uel pietate erga deū affectus erat: tādē populus uniuersus cōsensit, ut quēdā ex primis inter eos uita prēstantē, nōdum tamē diuino baptismo signatū, inuitū etiā raperēt. auxilio itaq; manus militaris, q̄ tum forte aderat, illū sup gradū posuerunt, ac episcopis obtulerunt, rogātes, ut illū expiarēt, & pōtificē pnunciaret. interimq; persuasionib. uim quoq; intermiscere nō dubitabāt: nō admodū decēter, sed magno fidei seruore impellente. Verū enim uero nō huius tēporis est referre, quēnam illo prēstantiorē aut sanctiorē ostenderit tēpus. quid igit factum est: aut quousq; processit seditio: coēgerūt, expurgauerūt, pronunciarunt, super thronum collocarunt, manu potius q̄ uoluntate, & dispositione spiritus. quod patuit quidē ex sequentibus. nā post q̄ hāc peregerunt, & ad se reuersi uoluntatis propriæ facti sunt domini, cōsiliū inter se inierunt, sed utrū spiritu bono ignoro, attamē inierunt, & decreuerunt, neminē rerum gestarum autorem censerī debere, nec electionē rite esse factā. nilominus uiolentiā imputabāt coacto, ac uerba quādā excipiebāt, quæ tum magis temerarie q̄ prudēter fuerāt prolata. Cæterū sacerdos magnus, & iustus rerū gestarum cōsiderator, nequa q̄ n̄s qui ita censebāt cōsensit, aut sententiā laudauit, sed immotus permāsit ac cōstās, nō secus ac si electus nequa q̄ fuisset coactus. oportere enim censebat, quū uis cōmuniter fuisset illata, ut aut accusantes ē diuerso accusarent, aut si dimitterent, ipsis quoq; dimitteret, uel q̄d iustius esset ut neq; dimittentib. dimitteret. si uero ipsi uenia digni essent, omnino & electū culpa carere: si aut nec illum, multo minus ipsos, longe prēterea satius esse tūc periclitari, & omnino cōtra tendere, q̄ postea insidiari, prēcipue eo tēpore quo melius esset inimicitias iam contractas dissoluere, q̄ nouas suscitare, & ita res se habebat, aderat enim imperator, Christianis cōminans, & ob electionē irascebat, minabat & præfectus. Ciuitas aut in magno cōstituta erat periculo, timens ne post diē illum superstes nō foret aut saluaret, seu ullā cōsequi posset ueniā. accedebat quod à fortuna quoq; in tēpore fortunato irritata, & de peculatu suspecta fuerat, & innouatio quæ cū uiro illo acciderat, non secus habebat ac si pecuniæ publicæ fuissent interuersæ. sed & gentis princeps quærebat quo pacto tempori gratificari, & electum male afficere posset, erga quē nec alias benigne se habebat, sed ob disceptationes ciuiles ab illo dissidebat. p̄ epistolas itaq; electores tanq̄ accusatores uocabat, nō iam modeste, sed minis agens, sub prætextu, quasi imperator ita iuberet. quū igit ad ipsum quoq; epistola fuisset missa, nequa q̄ p̄territus est, neq; ut rescriberet uel parūper distulit. quanta uero ipsius fuerit fiducia, qualicq; spiritu respōderit, ex rescripto eius cōsiderare licet. nos em̄ inquit, fortissimē præses, ob cūcta quæ agimus unū habemus scrutatorē & regem, qui nūc oppugnat: is & de præsentī inquireret electione, quā illi legitimā & acceptā fecimus. q̄d si qs alijs in rebus uos honorare uoluerit, id admodū facile efficere poterit: ad hoc aut nemo nos cōpellet, ut his uobis cōsentiamus, tanq̄ haud recte aut iusta facta sint, quæ facta sunt, nisi uos, quibus fas nō est, rebus miscere

scere nostris, ac legē talem ferre uolueritis. has literas & præsēs ipse quū accepisset admiratus est, tametsi aliquāliter fuerit indignatus, quēadmodū à multis qui res illius bene norant, est cognitū. hæc epistola & regis quoq; sedauit impetū, ac ciuitatē liberauit à periculo, nec male addiderim, nos à turpitudine. hoc parui ciuis opus fuit, & qui secundas cathedrę partes habebat. uerum longe melius est in talibus eminere, q̃ à sublimi etiā throno uerba facere, & rebus potius excellere q̃ nominibus. Cæterū quis à nostro orbe adeo est remotus, qui & hoc quod ex gestis eius ordine fuit nouissimū, sed rei magnitudine uel præcipuū ignoret? cōflictabat ciuitas illa seditione noua, ob causam eandē, quū cito subtractus esset qui bene fuerat coactus, & ad dominū peregrinatus, pro q̃ generose & uiriliter in persecutionibus decertauerat. eratq; seditio quāto feruentior, tanto etiā turbulentior. nō em̃ latebat is qui præ alijs excelebat, quēadmodū nec sol inter stellas delitescere potest, sed ualde erat conspicuus, cū alijs cunctis, tum populo electo & purissimo, necnō ijs qui circa gradus uersabant, ac Nazareis qui apud nos sunt, quibus solis aut potissimū primus imminebat cōflictus. ecclesiæ enim à malo erāt immunes, pariter & opulentiores ac potētiores, sed omnis impetus ac seditio inter plebem erat, ac præcipue uilissimā. Cæterū nunc mihi periculū imminet, ne regimen populare, plus cōpositū q̃ nostrum, cū quo gratia celebrat diuina, censeam: ac meliorē talium dispensatorē timorem, q̃ rationē putem: postq̃ quidā ex recte sentientibus cōtra aliū uenit, te caput sacrū ac diuinū relinquēs, qui manibus domini eras fictus, qui iugo carebas, inops eras, sine carne, ac ferē sine sanguine, qui in sermonibus utebaris ratione, qui inter philosophos sapientia præstabas, qui in mundanis supermundanus eras, qui in honestis plus q̃ honestissimus: te meū illum amicum dico & cooperatōrē, animæ meæ partē ingentē, ut quid dicā audacius, uitæq; ac doctrinę socium. uellem sanē hic ut sermo liber esset, ac te in alijs depingeret, ac nō in præsentia tua talia exquiret, plurimaq; propter adulationis suspicionem obmittere cogeret. sed ut loqueretur ratio compulit, spiritus enim nouit illum qui eius sit, & cur nō? obstat autem inuidia, id quum sit, loqui erubesco. Utinam autem nec quum alijs loquuntur, & exacte nostra comicis incessunt cauillis, audirem. hæc breuiter transcurramus, nō secus ac fluuij, qui inter petras labuntur, silentio honorantes quæ uere digna existunt. nunc uero ad sermonis progrediemur reliquū. Pater itaque quum spiritus esset, exacte nouerat quæ spiritus essent, ac ideo censebat nihil humile sapere oportere, neq; per commendationes aut præiudicationes pugnare, ac fauori plus quàm deo tribuere, sed solum ad ecclesiæ utilitatem, & salutē cōmunē respiciendū esse. quapropter scribebat, admonebat, cōponebat, populū, sacerdotes, necnō alios qui ad gradū pertinebāt, obtestabat, eligebat, calculū ferebat, licet præsens haud esset. caniciei tribuebat ut autoritate fungeretur, quemadmodū domesticis, ita & alienis. tandē quū electio canonice fieri deberet, unusq; qui pronūciari debebat, numero destitueretur

Basilii magnus

Basilii

Longanimitas

tueretur, è lecto, senectute & ægritudine degrauiatus, surrexit, & ad ciuitatem iuuenili perrexit animo, seu potius corpore ferebatur mortuo, ac parū per spirante: festinationem illam, pulchrū sibi sepulchrum fore censens, etiā si quid eum pati oporteret, quin & tunc quoq; signū non incredendum est factum, cōualefcit labore, iuuenescit promptitudine, dispensat, ordinatur ille, collocat eum in thronum, quū pompa producit, nō amplius sella uili, sed archa utens diuina. Ceterum longanimitatem quam paulo ante laudare cessaueram, hic rursus & abundantius ostendere conabor. siquidem quum ægreferrent com presbyteri, quod tam turpiter fuissent deuieti, pariterq; ob potentiam senis in rebus gestis indignarent, ac ipsum cōuicij impeterent, solummodo tolerando præualuit, & ut superior fieret, magnū in mansuetudine auxiliū repperit: ac ne maledicētibus remalediceret, quur enim molestum esset, quū re ipsa uiceris, si linguæ petulātia etiā uincaris? ita igit illos placauit longanimitate, accepto etiā in sententiæ auxiliū tempore: ita ut illi loquendo defatigarentur, ac ideo desisterēt, indignationē in miraculum mutantes, ob priora pudefacti, illoq; patriarcha, legislatore, & iudice uterentur, omni odio penitus abiecto. eiusdem zeli fuit cōtra hæreticos cōtrouersia, quū nobis bellum indicerent, unā cū impietate regia, tanquā nos subiugaturi, & alijs adiūcturi, quum ferē cuncti iam seruirent. tum enim nō paruā nobis cōciliauit partem, ac tam per seipsum, quā per nos quibus præerat, illis tanq; truculentissimis restitit feris, nosq; tanquā catulos nō ingenerosos ad pietatis exercuit studiū. Ceterum in uno uos ambo inculpo, sed nolite mihi ob loquēdi audaciā indignari, siquidem quid me perturbaret enarrare pergā, etiā si id mihi sit molestius. nempe quod me uitæ malis indignātē, & solitudinis amantē, ita, ut ignorem num quis alius qui apud nos sunt taliter, & cōmunē hanc tempestatē & puluerem quēadmodū habeo celeriter euitare cōtendentē, & ad securitatis portum perducere conantē, haud scio quomodo oneroso & insidianti animarū foro huic me implicantes, per honorabile sacerdotij nomen tradidistis. Unde iam pleraq; euenere mala, alia uero sperant. quid enim interest? si uel iam patiaris, aut in futurum desperes. licet ratio aliud suadeat, & id quod melius est sibi polliceat. Proinde nec illud ex bonis eius præterierim, quod planē tolerans erat, & in aduersis superior. ultima uero ægritudine, admodum est afflictatus, quoniā senectus cum illa cōcurrebat, eaq; longæua & lubrica. sanē quod ægrotaret, cōmune illi cū cæteris erat hominibus, hoc uero nequaquā cōmune, sed admodum sibi proprium, ac reliquis adhærens mirandis, quod nullo non tempore morbi affligeretur incōmoditate, ac sepius quidē in die, nōnunq; etiā horis singulis: solummodoq; ministerij cōfortabat tēpore, tum enim passio eum relinquebat, tanq; mandato quopiam effugaretur. Quum autem circiter annos uixisset centum, sine Dauidicorum terminorum, temporis eius quo nos uiuimus, in sacerdotio uero quadraginta quinque, mensura uitæ humanæ, in senectute bona uitam finiuit. & hoc quomodo? in

Tolerantia

orationis

orationis uerbis, & figuris, nullius prauiutatis uestigia, sed plurima uirtutis relinquens monumenta. nil mirum igitur, si ueneratio eius plus quam humana, omnium hominum celebretur linguis & cogitationibus, nec facile reperiri potest, qui eius recordetur, quin non etiam imaginationem amet, & hanc scripturam manu admoueat ori. Talis itaque uita eius fuit, talisque uitae finis & impletio. Ceterum postquam necesse erat, ut memoria de eius relinquere-
 tur magnanimitate, quid magis oportebat? quam templum hoc deo & no-
 bis erigere, in cuius aedificatione pauca quidem populo iniunxit, plura uero
 ex facultatibus proprijs subministravit, opus nequaquam silentio dignum,
 magnitudine quidem super multa, pulchritudine autem ferè super omnia.
 octo enim lateribus rectis in seipsum concurrit. columnis uero & porticum
 pulchritudine in altum surgit, ita, ut structura eius nequaquam cedat natu-
 rae. superne autem à coelo illustratur, ac largissimis lucis fontibus aspectum
 illuminat, tanquam lucis habitaculum uerum. undique autem materia excur-
 rit, & cingitur splendida, idque lateribus equalibus, ita, ut multum interius spa-
 cii comprehendatur. Porticibus uero & ambulachris resplendet speciosis, qui-
 bus à longe accedentes excipiuntur, ut interim externum ornatu dicere ob-
 mittam. ueluti lapidis quadrupedis, in comae formam fastigiati, magni ac per-
 pulchri. quantumque sedilia marmorea, & capita angulos exornent. & quod
 lapis prouincialis nihil sit peregrino inferior. necnon zonas diuersas & uarias
 prominentes & insculptas, à fundamento usque ad uerticem. qui quum uisum
 terminat, spectatorem etiam fatigat. uerum quo pacto sermo tanti temporis
 & manuum laboris opus adeo breuiter explicare posset? hoc solum dixisse
 sufficiat, quod quum aliae ciuitates multis cum publicis, tum priuatis ornatae
 sint aedificijs, hoc solum praeualeat, ac nos pluribus reddit celebriores: & tem-
 plum quidem ita se habet. Verum quoniam & sacerdote opus erat, illud quoque
 domesticum dedit, utrum uero secundum templi dignitatem, nequaquam di-
 cere habeo, praeterquam quod dedit. Sed quia sacrificia etiam requirebantur,
 & illa quoque adiunxit, afflictiones filij, & in aduersis tolerantiam, ut deus ab
 eo haberet fructificationem rationalem, uictimam spiritalem, pro sacrificio
 legali recte expenso. Ceterum quid ais pater? sunt ne haec satis? recipisque labo-
 rum retributiones quos ob meos exhausti sermones, laudemque hanc, siue
 praemissiuiam seu funeralem, tribuisque pacem sermoni, more ueteri, hicque il-
 lum terminas, quo fugias satietatem, si qua hodie accidit. aut adhuc additio-
 nem aliquam quaeris? sed terminas scio, sufficit enim, hoc tamen addere per-
 mittas, ostende nobis ubi nam sit gloria, & lumen quod circum te est, & cir-
 ca tua paulo post uxorem, necnon filios quos praecoccupasti, meque eisdem susci-
 pe tabernaculis, aut nihil etiam, aut paruè in hac uita mali patientem: & prius
 quam ad tabernacula perueniam, dulci illo lapide quem ambobus statuisti
 solare, qui hic etiam tuum uenereris sacerdotem, & nomine patris: populoque tuo ueniam
 concede, tam illi qui tibi commissus fuit, quam qui gratiae tuae particeps est factus.

Magnani-
mitasDescriptio
templi

tuteque

*Basilium
alloquitur*

*Matrem
alloquitur*

tuteque illos dirige, precipue uero pastores omnes, & episcopos cunctos, quorum tu pater uocaris, ac praesertim illum, qui a te est coactus, paterne tamen & spiritualiter, ne omnino te inculpem tyrannidis. tibi uero, o meorum sermo num & commotionum iudex, si satis de his differuisse uidemur, & ut desiderio nostro dignum fuit, decerne, & habebimus ratum, quandoquidem calculus tuus omnino concordat cum deo. si autem infra gloriam patris, ac spem tuam uerba fecimus, tu nobis auxilium ferto, ac bonis illius tuam impertias uocem, quae non secus expectatur quam imber tempestiuus. omnino autem te in rebus maximis debitorem habet, & tanquam pastorem pastor, ac tanquam pater filium in charitate. quid mirum? si per te intonat orbi, ipseque aliquantisper tua fruitur uoce. Proinde quid reliquum est? scilicet ut spiritali Sarae, magni patris nostri Abraham consorti & contemporaneae, conuenientia philosophemur. non eadem o mater, dei natura est & hominum, seu potius diuinorum omnino & terrestrium. apud illa enim esse immutabile est, & immortale, nec non suum, & eorum quae pertinent ad esse: solidorum enim sunt solida. nostra uero, quo pacto se habent? fluunt & aguntur, subindeque aliam accipiunt immutationem. uita igitur & mors, licet ut dicitur plurimum inter se distare uideantur, inter se tamen conueniunt, at quo pacto, quum opponantur? quoniam uita ex corruptione matre nostra initium sumit, ac semper per corruptionem praesentis transit excessus, donec uitae huius dissolutionem in corruptionem uertat. Mors uero a praesentibus malis liberationem habet, ac saepius ad uitam perducit supernam. ac ideo ignoro, num proprie mors uocari debeat, quum nomine potius quam re terribilis existat. periclitamur igitur ne passionem quodammodo patiamur irrationalem, quum timeamus quae terribilia non sunt, quae uero terrore digna, tanquam potius eligenda fouemus. sola uita est, ut ad uitam respiciamus. sola mors peccatum, animae enim est perniciēs. at reliqua quae nonnulli magnificiunt, somniorum sunt uisiones, quae in rebus ludunt existentibus, animaeque phasmata deceptibilia. Quum igitur mater mea ita habeamus, nec uitam hanc nimis magnam ducamus, neque ob mortem nimis afficiamur tristitia. quid enim molesti patimur, si hinc ad ueram transcēdamus uitam? si a uersutis, captionibus, satietate, ac turpiū rerum collectione liberemur? ad stabiliaque & nequaquam fluxa pertingamus? ubi parua luminaria, circa lumen magnum laetos ducemus choros. uerum perturbat te separatio, at spes te laetificet. Sed molesta est uiduitas, at illi nequaquam molesta. & ubi est dilectionis mandatum? ut tibi bona optes, proximo uero impartias aduersa. quid autem omnino molestum esse potest? illi, quae paulo post dissoluetur. prope est hora fatalis, tristitia, haudquaquam est constantia. ne oneremus leuissima, cogitationibus ingenerosis. re magna priuati sumus, sed & nacti sumus. siquidem priuari omnium est, consequi uero haud multorum. non hoc te flectat, sed illud consoletur. quandoquidem rationabilius est, ut melius uincat, tulisti mortem liberorum adhuc iuuenum, & ad

& ad uiuendum aptissimorū perquā uiriliter ac philosophice, ferto etiam corporis depositionem senilis, quum iam uita in sensibus quoq; agrotaret impassibilibus, licet animæ tonus perduraret inuiolabilis. Sed curatore indiges, ubi autem est Isaac ille tuus, quē tibi pro omnibus reliquit? pete ab ipso parua, nempe manuuctionem & seruitutem: retribue autem magna, benedictionem maternam, & orationes, necnon libertatem uenturam. cæterum indignaris quod admoneris, sed & hoc laudo. multos em̄ admonuisti, quos longum tempus sub tuum perduxit intellectum: ac ideo sermo noster nihil ad te, quæ admodum sapiens existis pertinet. sit igitur lugentibus consolationis remediū cōmune, ut homines quum homines præmittūt eo fruantur.

ORATIO DIVI GREGORII NAZIANZENI THEOLOGI

ad subditos timore perculos, & imperatorem irascentem.



ENTREM meū, uentrem meū doleo, & sensus cordis mei sunt perturbati, dicit alicubi in sermonibus suis Hieremias, cōpassione inter prophetas præcipuus, dum incredulitatem populi deplorat Israëlitici, & quod se à diuina abalienet clementia. siquidem uentrem suum secundum allegoriæ legem, animā uocat propriam, ac ita sæpius reperio in scriptura: seu tãquam occultum & inuisibilem, hoc enim tam animæ quàm uentris proprium est ut abscondantur: siue tanquam segregantem & diuidētem, ut ita dicam, cibum qui per uerbum est, quod enim in corpore cibus, hoc in anima est sermo. at sensus, animæ forsitan sunt motus, & præcipue ij qui ex ijs procedūt sensibus, quibus iustus etiam subiacet, succenditur, ac perturbatur, & quos nec propter spiritus feruorem continere potest. id enim perturbatio est, quasi inclinatio quædam animo commixta humano. quod si quis corporales etiam sensus intelligere uelit, nequaquā à scopo aberrabit. oculi enim & aures non solum dolent, quum mala uident, uel audiunt, sed ob misericordiam meliora & uidere & audire cupiunt. uerum quocunq; modo hæc intelligantur, dolet iustus & perturbatur, nec fert mediocriter quæ patitur Israël. licet igitur ut hæc quomodocunq; uelis accipias, siue pro corporalibus, & quæ corporaliter cernuntur, siue spiritalibus & quæ spiritaliter intelliguntur. quoniam & idem propheta lachrymarum fontem requirit, & stationem ultimam desiderat, & solitudinē exoptat, ut doloris euacuetur magnitudo, ac interna animi releuetur passio, quo calamitatem Israël quiete deplorare possit. Sed & paulo ante, diuinus Dauid, dum aduersus se ipsum indignaretur, Quis, inquit, mihi pennas dabit ut columbæ: & uolabo & requiescam. Columbæ optat pennas, siue quod leuiore sint & uelociore. talis unusquisq; est iustus, siue ut spiritum ita designet, cuius ope solum grauius effugimus, quo longissime à præsentibus elonget malis. postea unicum in angustijs remediū spes adest. expectabam, inquit, deum, ut me à pusillanimitate & tempestate saluaret. illud idē & in alio loco facere uidetur, dum

O celerrime

celerrime dolenti remedium affert, ac pulcherrimum nobis magnanimitatis, tam re quam sermone contra aduersitates suppeditat documentum. ait enim, Renuit anima mea consolationem. audis ne uerba tristitiæ & desperationis plena? nunquid times quod Dauid se curabilem esse negat? quid ais? non suscipis cōsolationem, animum despondes? nemo te curare potest? non sermo, non amicus, non cognatus, non consulens, non condolens, nō qui sua quoq; recuset mala, non qui uetera commemorat, non qui præsentia ob oculos ponit, & illos enumerat qui etiam à maioribus liberati sunt malis. proietta ne sunt omnia? discessit ne abscissa est, & periit spes tota? humi ne iacere, & solum finem expectare oportet? & hæc sanè magno acciderunt Dauid, qui in tribulationibus dilatatur, & mortis umbra circumdatus, cum deo resurgit. Quid igitur inquis, ego paruus imbecillis & terrenus patior, si Dauid ita afficitur, & quis nam saluabitur? quod nam auxilium in aduersitatibus meis inueniam, aut quam nam consolationem, ad quem in angustijs constitutus fugiam? atqui Dauid magnus ille minister tibi respondeat, qui spiritus malignos, per spiritum qui in ipso est incantat, ad quem accedis? num à me discere cupis? ipse autem ignoras quis remissas roborat manus & genua solatur dissoluta? & per ignē deducit & saluat per aquam? nequaquam tibi opus est inquit, acie, non armis, non arcubus, non equis, non tessleris, nō amicis, non auxilijs externis. in te ipso habes adminiculum, quemadmodum & ego ac unusquisq; qui uoluerit. solum uelis, adnitere tantum, prope est cōsolatio in ore & in corde tuo. Dei memor sis ait, & lætaberis. & quid potius recordari deberes? Dei itaq; & tu memor sis, & lætaberis. proh quàm facile remedium, proh quàm uelox curatio, proh quàm ingens donum, non solum pusillanimitatem sedat & tristitiam, quum in memoriam uenit deus, sed & lætitiā operatur & procreat. Proinde uis ne & alia humanitatis audire uerba? Si conuersus inquit, ad deum ingemueris, tum saluus eris. cernitis gemitibus salutem copulatam? sed quum adhuc loqueris ait, ecce adsum, & animæ tuæ dicet, salus tua ego sum. nihil aliud ad reconciliationem impetrandā interuenit, non aurum, non argentum, non lapides uarij & preciosi, nō cuncta quæ homines ad humanitatem flectere solent. Sed & Sophonias, dum ex persona dei irascentis & indignantis loquitur, desolabo inquit, uias eorū, ut penitus sint immeabiles. deficient ciuitates eorum ut non sint neq; habitentur, dum minatur horrendissima, dum uulnerat tristitia, dum per minas tenebras offundit, confestim spei melioris lumen accendit, & timore perculsos his refouet uerbis, ueruntamē dixi, timete me, & suscipite disciplinam, & non exterminabo ex oculis illius. sed & paulo ultra progrediens, uerbis adhuc hilarioribus & humanioribus utitur, inquit enim, in tēpore illo dicit dominus, confide Sion, non dissoluantur manus tuæ. Dominus deus tuus in te potens, te saluabit, & super te lætitiā adducet, & renouabit te in dilectione sua, & contritos conglutinabit, & oppressos saluabit, & expulsos suscipiet.

hæc

hæc eadem & sancti uolunt ac prudentes, sed & meus exigit sermo. proinde sapientiæ uerba suscipite, diuinus Salomon ait, ne dum contemnitis, in malorum profundum incidatis: seu potius à propria imperitia, aut detinente uos molestia absorbeamini. Circulus quidam fratres in rebus est humanis. Deus, que nos per contraria erudit, ut quemadmodum omnia composuit & colligauit, ita etiam uniuersa inscrutabilibus eius ac inuestigabilibus deducat & gubernet iudicijs. inter cuncta autem præcipue res nostras: mouentur enim, ut ita dicam, uniuersa, circa immobilem: ipse tamen nulla mouetur ratione, sed in omnibus stabilis est & immobilis. tametsi hoc nostram effugiat imbecillitatem, in ijs, quæ quotidie eueniunt & accidunt. & hoc est dogma dei antiquum, immobile & diuulgatum: tenebras coram oculis nostris, eius esse latibulum, ita, ut quàm plurima dispensationis eius nequaquam cernere ualeamus, præterquàm in ænigmatibus obscuris & imaginationibus: siue ut arrogantiam nostram hoc pacto retundat, quo uideamus nos ad sapientiam ueram ac primam collatos, nullius esse momenti, & ita nos ad eum còuertamus, & semper quæramus ut splendore qui illic est illuminemur, Seu ut per inæqualitatem uisibilium & circumrotantium ad firma nos deducat & stabilia. Proinde quemadmodum dicebam, nihil est immobile, nihil planum, nihil per se sufficiens, nihil sibi in finem usq; simile, non lætitia, non tristitia, non diuitiæ, non paupertas, non fortitudo, non infirmitas, non humilitas, non potentia, non præsentia, non futura, non nostra, non aliena, non parua, non magna, non quæcunq; quis enumerare posset. quin illud æquale habet inæqualitas, ut omnia immutet, siquidẽ omnia facile circumuertit, transfert, & ex opposito statuit. adeo ut auræ citius, aut literis in aqua scriptis confidipossit, quàm prosperitati humanæ. siquidem inuidia successus, aduersitates uero misericordia interpolat. & sapienter quidem secundum intellectum meum ac mirabiliter, ne afflictio consolatione careat, nec prosperitas correptione. Sanè ad uiros prudẽtes, & qui aduersitatibus instructiores sunt redditi, ac instar auri igne purgati dicere pertinet, Bonum mihi, quod me humiliasti, tanquàm humilitas pariât ut iustificatio cognoscatur: acciditq; illis quẽadmodum & Petro, ut plus deo propter dolores appropinquent, ac benefactorem per tribulationes magis reddant familiarem. quandoquidem animæ afflictæ adest deus, & necessitas còuertit eam ad illum qui dare potest, ita, ut doni abundantia illud etiam assequatur, ut intelligat quid sit despiciendum. ac ideo fratres, in omni tempore, in aduersitatibus cunctis, sursum aspiciamus, ac spem bonam prætendamus. & quum prospere agimus timorem nequaquam abijciamus: nec quum aduersis conflictamur, animum despondeamus. memores simus in tranquillitate tempestatis, & in tempestate gubernatoris. nec in afflictionibus maledicamus, nec seruos imitemur malos, qui dominũ beneficientem palpant, à corripiente uero abhorrent: quandoquidem nonnunquam dolor melior est sanitate, & admonitio remissio-

ne, & uisitatio negligentia, & seueritas indulgentia, dicam breuiter, nec propter calamitates corruamus, nec propter prosperitates superbiamus. subiecti sumus deo, necnon inuicem nobis, ac principibus terrenis. Deo quidem propter omnia, at nobis inuicem propter charitatem fraternam, principibus uero propter recti ordinis decorem, & tanto plus quanto ipsi sunt humaniores & meliores, graue est illorum clementiā assiduitate ueniæ irritare, & ideo cauendum, ne ipsi ob illorum quoque asperitates pœnas expendamus, dum tranquillitatem turbamus, & lumini caliginem offundimus, ac melli admiscemus absinthium. Est enim ex legibus nostris hæc una admodum laudanda, & optime per spiritum lata: qui possibilitatem honestati admiscuit, & ita statuit, ut quemadmodum serui obtemperant dominis, & uxores uiris, & ecclesia domino, & discipuli pastoribus & magistris, ita etiam homines cuncti potestatibus subditi sint sublimioribus, non solum propter iram, sed & propter conscientiam, ac ideo & tributum soluant, & legem nequaquam ob malefactorum prohibitionem odio habeant, nec gladium expectent, sed timore purgati à potestate laudentur. atqui & amissis hæc est unica, recto enim parcit, superfluum uero abscindit, unus est sol, attamen sanos illuminat oculos, quum debiles magis obscuret, uis ut aliquid etiam de nostris dicere audeam: unus est Christus, sed in ruinam positus est, & in resurrectionem, in ruinam infidelibus, in resurrectionem credentibus. Et his quidem petra est offensionis, & lapis scandali, qui non cognouerunt nec intellexerunt, sed in tenebris ambulant, uel idola colunt, aut usque ad literam uident, & super hanc nec illuminari uolunt, nec possunt. Alijs autem lapis angularis & petra laudabilis, qui colligantur sermone, & in ipso ambulant, aut si uis, margarita illa quam bonus ille mercator, omnibus quæ habebat diuenditis emit. Nobis autem fratres tale quid accidit, quum uitam nostram emendare nolumus, sed contra potestatem indignamur, quale & ihs qui Agonotheten incusant tantumquam malum, quum ipsi in certaminibus sint ignaui, aut medicum tantumquam imperitum & temerarium incisionibus & adustionibus, quum ipsimet male sint affecti, & austerioribus indigeant remedijs. Et hæc mihi ad subditos, tam consolationis quam admonitionis gratia sint dicta. His ego pastor pauper paruum reficere uolui gregem, quum lex me adigat pastoralis, ut gaudeam cum lætantibus, & doleam cum mœrentibus. Quid autem de uobis dicemus principes, & in potestatibus constituti? iam enim ad uos sermo noster se uertit, ne minus uideamur æqui, quod priuatos recte admoneamus, uestre autem parcamus potestati, tantquam reuereamur libertatem à Christo nobis concessam, num uobis parcere oportet? aut maiorem priuatorum curam habere, uos uero negligere? qui tanto maiori cura digni estis, quantum etiam libræ examen plus trahit, quum in alteram partem uergit, maiori quoque indiget equilibrio: contrarium enim tam à nobis quam à sermone absit. Quid igitur dicitis? quomodo inter nos conueniet? Num sermonem suscipitis liberum?

& quod

& quod lex Christi uos meę potestati meoę subiecit tribunali. Imperamus enim & ipsi, addo imperio maiori & perfectiori: aut oportet potius, ut spiritus subsit carni: cęlestiaę terrestribus: suscipe igitur uocem liberiores, scio te ouem esse mei gregis, altaris sacerdotem, pastoris magni agnum, recteęp è supernis à spiritu directum, & lumine sanctę trinitatis, quemadmodum & nos, illuminatum. ac ideo breuis & succinctus ad te meus est sermo. Christi gratia regnas, Christi gratia dispensas, ab illo tibi datus est gladius, non ut illo utaris, sed ut eo mineris, & tanquam depositum purum tradenti custodias. Imago dei es, & imaginem per manus ducis hic dispensantem. ad aliam uero uitam transmutandam in quam omnes transmutabimur, postquam parumper in huius uitę carcere uel stadio, seu gaudio uano, aut umbra potius luserimus. honora naturam communem, uenerare exemplar, ad deum accede, sed non cum mundi dominatore: ad Christum dominum, sed non cum tyranno amarulento. ille homicida erat ab initio. ille primum hominem propter inobedientiam perculit. & calamitosam hanc uitam induxit. ac plecti & plectere propter peccatum lege statuit. Tu autem homo dei memineris, cuius sis factura, & quod uoceris, & quę habeas, & quantum debeas, à quo tibi euenerint, ratio, lex, prophetę, & ut deum cognoscas, & nequaquam de futuris desperes. propter hęc diuinam imitare clemētiā. hoc enim pręcipue homo diuinū habet, ut benefaciat. licet tibi deum fieri etiam si non laboraueris. ne igitur tempus in quo diuinus euadere potes negligas. alij pecunias expendunt, alij carnem propter Christum spiritui mortificant. & mundo penitus renunciant, alij deo dedicant charissima. certe enim sacrificium Abraham audiuiſti, qui promptus deo obtulit unigenitum quem habebat ex promissione, & ad quem spectabat promissio, quam sub initium à deo acceperat: à te autem nil tale petimus. unum pro omnibus exhibe, nempe clemētiā, qua deus magis gaudet, quā cunctis alijs: donum immaculatum, donum quod liberalitatem prouocat diuinā. admisce timori mansuetudinem, spe minas tempera: multa noui per benignitatem fuisse emendata, quum debita pœna esset remissa. etenim quum corripere possumus, & tamen indulgemus, beniuolentiā sperantem placamus. Proinde nihil te esse principatus persuadeat indignitas, nihil misericordiam & humanitatem excludat. non tempus, non potentia, non timor, non spes rerum maiorum, non confidentia opulentię. serua beniuolentiā in necessitatibus supernam. scēnerare deo misericordia: neminem pœnituit quod deo aliquid obtulit. largus est in retribuendo, pręcipue in rependendis bonis futuris, illis, qui aliquid eius gratia profuderunt, aut ei sunt scēnerati. Nonnunquam etiam in hoc refundit seculo, ob fidem posterorum. adhuc pusillum & mundus pertransibit, ac tabernaculum dissoluetur. redimamus tempus, fluxis comparemus stabilia. unusquisq; è nobis obnoxius est pœnæ, & terra hac multa fert debita. Indulgeamus igitur ut nobis indulgeatur, dimittamus ut nobis di-

*Imperatorem
alloquitur*

mittatur. Cernis in Euangelio? debitor quidam multorum offertur talento-
rum, cui debitum remittitur, ad bonum enim adducitur dominum, & illi in-
dulgetur, sed ipse non indulget, seruilis enim erat ingenij. ac igitur quamuis
humanitatem fuisset consequutus in magno, illam tamen minime impar-
tus est conseruo suo in paruo, neq; etsi nō aliud, magnanimitatis exemplum
in alio imitatus. at dominus indignatur, reliqua uero tacebo, præterquā
quod unicuique est melius, ut ad iudicium futurum probitatem afferat præ-
sentem. quid ais? nunquid sermonibus his, quos amare sapius es confessus,
te exorare possumus, princeps optime? utinam efficias ut & clementissime
addere ualeamus. aut nunquid oportet? ut ueneranda quoq; canicies ista, &
annorum numerus precibus suis intercedat, necnō longa sacerdotum series
& immaculata, quam forsitan & angeli reuerentur qui pure puro ministrāt,
tanquam ministerio eorum dignam? uerum his tibi persuadeatur, aut ma-
ius aliquid audebo, nam audacem facit dolor. Christum tibi intercessorem
adducam, necnon Christi monitionem propter nos factam, ac passionēs im-
passibilis cum cruce & clauis, quibus ego à peccatis sum solutus. sanguinem
quoque & sepulturam, & resurrectionem, & ascensionem, aut etiam men-
sam hanc ad quam communiter accedimus, & meæ salutis typos quos eo-
dem celebros ore, quo nunc fungor legatione, sacram dico & ad superna nos
ducentem mystagogiam. Quod si te non singula hæc mouent, at uniuersa in
unum collecta flectant. da nobis, ac tibi ipsi, gratiam hanc, necnon domesti-
cæ tuæ ecclesiæ, & uenerando Christi supplemento, quod nobiscum suppli-
care putato, si recte nostra successerit legatio. tanquam honoratioribus pro-
pter honorantem, pariterq; legi adigetur imperiali, si in hoc bene fueris ui-
ctus. uince nos clementia, ecce tibi meos adduco supplices, coram deo & an-
gelis, ac regno cœlorum, necnon retributione futura. meam honora fidem,
quæ mihi credita est, & quam credidi, ut & tua in re maiori honoretur &
perfectiori. Summa sermonis, habes & tu in cœlo dominum, talem erga te
fortieris iudicem, qualis & tu fueris erga subditos. utinam omnes meliora in
futuro, in præsentī uero seculo tolerabiliora consequamur. In Chri-
sto Iesu domino nostro, cui sit uirtus, gloria, honor, im-
perium, cum patre & sancto spiritu, quemad-
modū fuit, & erat, & erit, tam nūc
quā in secula seculo-
rum, Amen.

Qualis quantusq; orator beatus fuerit Gregorius, quàm uehemens in affectibus concitandis, quàm copiosus in locis Rhetoricis tractandis, quàm felix & floridus tam uerborum quàm sententiârum figuris: quàm grauis deniq; & acer, obiter tamen elegans, sublimis, ac redundans: uel unica hæc oratio, & abunde quidem ostendere potest. quam si quis diligenter legerit, nec sublimitatem Demosthenis, neq; puritatem desiderabit Ciceronis.

DIVI GREGORII NAZIANZENI THEOLOGI, DE PAupertate fouenda, seu de pauperum cura oratio.



VIRI fratres & commendici, omnes enim pauperes sumus, ac diuinæ gratiæ indigi, tametsi alius alium præcellere uideatur, si mensuris metitus fuerit paruus: hûc de pauperum amore sermonem suscipite, non negligenter, sed diligenter, ut cœlorum regno ditescatis. quîn & unâ nobiscum precemini, ut illum abunde uobis suppeditemus, ac sermone animas uestras pascamus, panemq; esurientibus frangamus, siue è cœlo cibum pluamus, instar Mosi illius ueteris, ac panem angelorum donemus: siue panibus paucis, multa etiam milia in deserto ad satietatem usq; pascamus, quemadmodû postea Iesus uerus ille panis, ac uitæ causa ueræ. Proinde nequaquam inuentu facile est, quænam ex uirtutibus præcellat, ut ei uictoriæ tribuatur palma. quemadmodum nec in prato odorifero, ac uarijs floribus distincto, flosculum discernere pulcherrimû & fragrantissimum, quum alius aliter odoratum & aspectum ad se rapiat, ac ut primum decerpatur suadeat. Pulchra hæc tria fides, spes, charitas, fideiq; testis Abraham, è fide iustificatus. Spei uero Enoch, qui primus sperauit inuocando dominum, sed & omnes iusti propter spem aduersitates tolerant. at charitatis testis diuinus est Apostolus, qui propter Israël, contra seipsum aliquid loqui est ausus. quîn & deus ipse charitas uocatur. pulchra est hospitalitas, cuius inter iustos testis est Loth Sodomites, sed non Sodomites moribus. inter peccatores autem Raab meretrix, sed nequaquam meretrix professione, quæ propter hospitalitatis amorem laudata est & saluata. Pulchra est dilectio fraterna, & Iesus testis, qui non solum frater noster appellari uoluit, sed & propter nos pati sustinuit. Pulchra est humanitas, eodem Iesu teste, qui nō solum hominem ad opera condidit bona, ac imaginem terræ admiscuit, ducem rerû pulcherrimarû & supernorum mediatorem, sed & pro nobis homo factus est. Pulchra est longanimitas, ac ille idem testis: non solum enim legiones angelorû contra inuasores & uiolatores petere noluit, sed nec Petrû solum increpauit quod gladiû sustulisset, uerum percusso quoq; auriculam reddidit, illud idem & Stephanus postea Christi discipulus fecit, quum pro lapidantibus se oraret. Pulchra est mansuetudo, quod Moses & Dauid præ alijs sunt testati, sed & horum magister, qui non contendit nec

uociferatus est, neq; in plateis uocem emisit, minū uero dūcentibus est relūctatus. Pulcher est zelus, testis uero Phinees, qui Madianitidem unā cum Israhēlite confodit, quo opprobrium ex filijs Israhēl tolleret, ex quo facto nomen etiam sortitus est, & post illum ihs, qui dicunt zelando zelauī domino. & zelo uos zelo dei. ac zelus domus tuæ comedit me. & non solum hoc dicunt, *Pati, affici* sed & patiuntur. Pulchra est castigatio corporis, idēq; tibi persuadeat Paulus, seipsum adhuc instruens, ac per Israhēl terrens eos, qui sibiīplis confidunt, ac corpori obsequuntur. sed & Iesus ipse tentatus ieiunabat, sicq; tentatorem superabat. Pulchræ sunt oratio & uigiliæ, quod tibi persuadeat deus, qui ante passionem uigilabat & orabat. Pulchra sunt castitas & uirginitas. & hoc tibi persuadeat Paulus, qui de his legem sanciuī, ac iuste conuubijs & cœlibatui præmia statuit. quin & Iesus ipse, ex uirgine natus, ut natiuitatem honoraret, prius tamen uirginitatem honestaret. Pulchra est temperantia, quod tibi persuadeat Dauid, quum à fonte temperaret in Bethleem, nequaquam bibens, sed solum aquam delibans, minime sibi indulgens ut affectum proprium alieno sanguine exatiaret. Pulchræ sunt solitudo & quies, quod me Heliæ docet Carmelus, eremus Ioannis, mons Iesu, in quem sapius illum secessisse, & per quietem cum seipso conuersatum esse apparet. Pulchra est frugalitas, idq; me Helias docet, à uidua sustentatus, Ioannes camelorum pilis tectus, Petrusq; obolaribus lupinis pastus. Pulchra est humilitas, cuius passim uaria occurrunt exempla, & præ alijs, quod saluator omnium & dominus, non solum se ad serui usque formam humiliavit, neque faciem sputis exponere, ac quum iniquis reputari erubuit, ille inquam, qui mundum à peccato purgauit: sed & discipulorum pedes in serui formā lauit. Pulchra est inopia ultronea, & pecuniæ contemptus, cuius testis Zachæus & Christus ipse existunt. ille enim ad Christi introitum paulo minus quàm omnia immolauit. hic autem diuiti illi quid perfectum esset, hac definiuit. & ut breuius etiam de ihs loquar, pulchra est contemplatio, pulchra est & actio. hæc enim hinc surgit, & ad sancta sanctorum procedit, mentemq; nostram ut cum deo uersetur deducit. illa uero Christum suscipit & ei ministrat, operibusq; amorem redarguit. Cæterum singularum harum, una quædam salutis est uia, quæ planè ad mansionem quandam æternam & beatam perducit. quoniam sicut uariæ sunt uitæ electiones, ita & multæ apud deum mansiones, quæ secundum dignitatem unicuique diuiduntur & distribuuntur. & hic quidem hanc excolit uirtutem, alius uero aliam, quidam etiam plures, nonnulli quoque omnes, si saltem est possibile, tantummodo ultra pergat quisque, & anteriora concupiscat, ac uestigia insequatur eius qui recte deducit & dirigit, quique per angustam uiam & portam ad latitudinem quæ illic est perducit. Proinde si Paulo credendū est, imò Christo ipsi, charitas prima inter mādāta & maxima, tanquam caput legis & prophetarū est censenda. at huius partes potissimas esse

esse inuenio curam pauperum, & erga cognatos misericordiam ac compassionem. nulla enim ex omnibus re deus perinde ac misericordia colitur, quoniam nil aliud tam peculiare est deo, quàm illa, ante quem misericordia & ueritas gradiuntur, & apud quem misericordia iudicio præponderat. Clementia enim nullæ rei magis quàm clementiæ retribuitur, ab eo qui iuste iudicat, & misericordiam in statera ponderat. Quapropter omnibus pauperibus misericordiæ uiscera sunt aperienda, ob quamcunq; etiam causam affligantur, iuxta mandatum, quod gaudere iubet cum gaudētibus, & flere cum flentibus, ac quum homines simus, hominibus quoq; probitatis symbolum exhibere tenemur, si uel propter uiduitatem indigeant, aut parentum desolationem, siue patriæ expulsionem, uel dominorum crudelitatem, seu principum ferociam, aut quæstorum inhumanitatem, siue latronum cædes, uel furum insatiabilitatem, seu bonorum publicationem, aut naufragium. Omnes enim commiseratione sunt digni, ac non secus ad manus nostras respiciunt, quàm nos quum quid indigemus ad manus dei. ex his uero ij, qui indigne affliguntur, & aduersitatibus degrauantur, maiori misericordia sunt digni, præsertim qui sacro morbo sunt corrupti, & qui usq; ad carnes ac ossa, nec non medullas, quemadmodum quidam execrando dicere solent, sunt exesi, & à maligno, humili, & infido corpore proditi. cui, quo pacto sim cōuinctus, & quonam modo, quum imago sim dei luto admixtus, ignoro. quod quum bene tractatur, rebellat. quum uero oppugnatur, deficit. quod tanquam conseruum diligo, sed ut hostem auersor. quod non secus ac uincula fugio, cohæredem tamen erubesco. subigere illud conor, sed non habeo cuius opera ad rem hanc utar pulcherrimam. licet quur natus sim haud ignorem, & quod me coram deo propter opera comparere oporteat. Parco illi tanquam cooperario, sed non habeo quomodo insolentiam eius effugiam, aut nequaquam à deo excidam, quum sim compedibus, quæ me ad terram detrahūt, & mancipant ligatus. Inimicus est mihi beniuolus, & amicus insidiosus. Proh copulam, & dissidium: quod timeo foueo, & quod amo timeo. prius quàm bellare incipio concilio, & antequàm pax fiat dissideo. Quænam igitur de me hæc est sapientia? & qualenam ingens hoc mysterium? num istud uult, ut quū particula simus dei, & è supernis defluxerimus, ne propter dignitatem efferamur, ac sublati factorē contēnamus: sed in lucta & cōtra corpus pugna, semper ad ipsum respiciamus, ac imbecillitatē nobis insitā dignitatis instructionē esse cognoscamus? uideamusq; quod illi idē maximi sumus, & abiectissimi, terrestres ac coelestes, tēporales & æterni, lucis heredes & ignis, seu potius caliginis, ad quamcunq; partem uergimus. talis est cōmixtio nostra, ac propter hæc, ut mihi uideat, ut si quando propter imaginē attollamur, propter terrā rursus deprimamur. uerū de his quicunq; uoluerit philosophetur, & nos quoq; in tempore plus opportuno unā philosophabimur. nunc autem me sermo impulit, ut de meæ carnis doloribus, meaq; imbecillitate

uerba

uerba in afflictionibus facerem alienis. Cæterum fratres, corporis, tanquam cognati ac conserui cura est habenda. nam licet animi affectu impulsus, illud accusauerim, nihilominus tamen sicut amicum propter copulantem amplector: obiter tamen propinquorum corpora nō minus quàm uniuscuiusq; proprium sunt curanda, tam eorum qui recte ualent, quàm qui eisdem confluantur infirmitatibus. omnes enim unum sumus in domino. siue quis diues sit, siue pauper, siue seruus, siue liber, siue sanus, aut male affectus corpore. unumq; caput omnes habemus Christum, ex quo etiam sunt omnia: & quod inter se sunt membra, hoc singuli sumus singulis, & omnibus omnes. nequaquam igitur negligendi seu contemnendi sunt, qui præ alijs in communem inciderunt languorem, sed nec plus est exoptandum, ut corpora nostra recte ualeant, quàm dolendum, quod fratrum male sint affecta: unicaq; securitas quum carnis, tum corporis nostri est censenda, ut erga illos humanitate utamur. Proinde ita consideremus: quidam ob unam rem tantum calamitosi existunt, ueluti paupertatem, quam breui forte, aut ætas, aut labor, aut amicus, aut cognatus, aut temporis uicissitudo dissoluet. alij autem nihilominus, si non plus etiam sunt ærumnosi, n̄ nempe, qui ægrotando & sibi ipsis opem ferendo tam res necessarias, quàm carnes consumunt proprias. tales enim semper maiori obnoxij sunt timori quàm infirmitati, aut spei etiam sanitatis: ita ut admodum parum emolumenti à spe adipiscantur, licet illa sola infortunatorum sit remediū. ad egestatem enim morbus accedit, malum alterum, immo malorum omnium contemptissimum, ac planè tale, ut à plurimis pro execratione usurpari soleat: est & tertium incōmodum, ut non solum à multorum accessu & aspectu arceantur, sed & abigantur, abominationiq; sint, & amuleto digni censeantur. quod quidem morbum illis grauiorem reddit, quum intelligūt se propter calamitatem suam odio haberi. Ego sanè, neq; sine lachrymis horum passiones fero, & memoria cōfundor: quod & uobis euenire cupio; quo ob lachrymas, lachrymas effugiatis. sed & scio, quod ex præsentibus n̄, quicumq; Christi ac pauperum tenentur amore, & dei ac à deo misericordiam sunt cōsequuti, unà patiantur: ac ideo uos quoq; passionis huius testes estote. expositum est oculis nostris spectaculum molestum & miseratione dignum, omnibusq; præter illos qui uiderunt incredibile. homines mortui & uiui. plurima corporis parte cera obducti. parum cogniti quinā olim fuerint, aut unde sint. seu potius eorū hominū qui olim fuerunt reliquæ miseradæ. patrū, & matrū, fratrū quoq; necnō locorū recensent signa. ego illius sum inquirunt, & hæc mihi mater, hocq; mihi nomē est: & tu mihi olim amicus fuisti, & notus: & hoc faciūt quoniā nihil habent qd ex ueteri charactere nosci queat. homines undiq; secti, ac pecunijs cassi, necnō afflictionibus ac amicis, homines qui omniū soli, sui ipsorū pariter miserētur, & odio tenent. nec habēt quæ potius deplorent: nū ea quæ iā nō amplius sunt corporis, aut quæ adhuc permanēt: quæ morbus præoccupauit, aut quæ morbo sunt

bo sunt relicta. illa enim infelicitè absumpta sunt, hæc autem infelicius saluata. & hæc quidem ante sepulturam euanuerunt, illa uero nemo sepelire dignatur. nam is etiam qui admodum bonus est & humanus, in his indolentiæ affectum perdidit. & hic solum obliuiscimur, quod caro simus, & corpora habeamus humilitate circumamicta. tantumque cognati illius curam habemus, ut & corporum nostrorum securitatem horum fugam censeamus. Sane ad pridem iam mortuum aliquis etiam accedit, ac forsitan ad foetentem etiam: aut animalium irrationabilium male olentia baiulat corpora, uel cœni illuuiem exhaurit. at hos pro uiribus fugimus. Proh inhumanitas, parum abest quin ægre feramus quod cum eis eundem aërem trahamus. Proinde quid patre est coniunctius? quid matre compatiens? uerum ab illis quoque excluditur natura. pater enim filium suum quem genuit, quem educauit, quem solum uitæ oculum habere sperauit, pro quo multa ac multoties deum rogauit, hunc tamen deploret, expellit tamen, & hoc quidem uoluntarie, istud autem tyrannice. Et mater quidem dolorum meminit, & in uisceribus dirumpitur, ac ualde miserabiliter illum reuocat, astansque non secus uiuentem deploret quam mortuum. fili infortunate inquit, & matris proles ærumnosa. quam acerbe nos morbus seiungit. fili miserande, fili, non amplius cognite. Fili, quem præcipitijs & montibus, & desertis nutriui, cum feris habitabis. scopulus aliquis te proteget, ex hominibusque solum pijsimi te aspicient. Insuper & miseranda illa Iob uerba adiicit, Quare in utero matris es formatus? ex uentre quidem egressus es, sed quare non confestim peristi, quo mors cum uita concurreret? quare non per abortum disparuisti, prius quam uitæ mala degustares? quare genibus te excepi? quare te uberibus lactaui? quum uitam tam miserandam uicturus esses: uitam longe etiam morte ipsa grauiorem? talia mater loquitur, fontesque emittit lachrymarum, ac amplecti uult infelix, sed filij carnem non secus ac hostilem exhorrescit. Quin publice etiam non contra fontes, sed infelices, proclamationes ac persecutiones fiunt. & quum homicida quispiam habitare audet, ac adulterum non tecti solum, sed mensæ etiam participem fecit. & sacrilegum uitæ socium accepit, ac is, qui illum male affecerant reconciliatus est. morbum autem huius, qui nihil læsit, tanquam crimen auersatur. sicque ægritudine plus habet malitia. & inhumanitatem quidem tanquam rem liberam amplectimur, compassionem uero tanquam turpem ingnomiosam esse censemus. expelluntur ab urbibus, expelluntur à domibus, concionibus, uis, conuentibus, panegyribus, ac conuiujs. proh calamitas. ab aqua ipsa, nec fontes illis communiter quemadmodum alijs scatent hominibus. sed & flumina non nihil fordidi ex illorum inquinamentis trahere creduntur. & quod præcipua admiratione dignum est, tanquam piaculum eos abigimus. rursusque tanquam nil nos læserint reuocamus. non domus illis attribuimus, non alimenta necessaria impartimur, non uulneribus curam adhibemus, non ægritudinem

tudinem pro uiribus tegumentis ornamus. quapropter die ac nocte oberant, nudi, & sine lare, uagi, morbum ostendunt, uetera enarrant, conditorum inuocant, mutuo aliorum membris pro suis utuntur amissis. adeo in membrorum usu ingeniosi, ut ad commiserationem moueant. frustulum panis poscunt, aut cibi pauxillum, uel lintheum aliquod hispidum, ad pudendorum tegimen, seu ulcerum solamen. est quæ illis humanus, non solum is qui eorum succurrit indigentia, sed qui ipsos haud aspere ablegat. multi uero ex eis nec panegyres ob uerecundiam fugiunt, sed è diuerso, propter necessitatem se illis ingerunt. de communibus his loquor & sacris quas nos ad medellam animarum adinuenimus, aut quum sacramenti alicuius causa conuenimus. aut ueritatis martyribus festa instauramus, ut quum eorum certamina ueneramur, eorum quoque pietatem imitemur. quin & coram hominibus ob calamitatis magnitudinem erubescunt. tametsi homines sint ipsi, mallentque montibus aut præcipitijs, uel syluis, siue nocte demum & tenebris contegi. nihilominus in medium proijciuntur, onus uere miserabile, & lachrymis dignum, etiam hoc fortassis non citra rationem, quo nobis imbecillitatis nostræ monimenta existant, obiterque persuadeant, ne rebus præsentibus ac uisibilibus mentem adhibeamus. proijciuntur autem hi quidem ob humanæ uocis desiderium, alij uero aspectus causa, nonnulli ut à delicatioribus, uel paruum uitæ colligant uiaticum. omnes autem aut aliquantisper se alleuiunt, dum luctum suum publice effundunt. quis non lamentationibus horum frangeretur? quum in commodulatione tam miseranda conueniant. qui auditus auditum hunc tolerare, qui uisus spectaculum tale sufferre posset? quidam enim unà decumbunt, male ab infirmitate coniuncti. & alius aliam quandam calamitatem ad prouocandam misericordiam subministrat, mutuoque morbi sunt additamentum, ob ægritudinem miserrabiles, longe uero ob compassionem miserrabiliores. circa ipsos, uero promiscue spectatores astant, & condolent quidem, sed momentanee. hi autem in sole & puluere ad hominum uoluantur pedes, nonnunquam etiam frigore aspero, & imbribus, nec non uentorum affliguntur turbinibus, tanto plus conculcati, quanto maiori nobis sunt abominationi. Quin etiam templorum cantibus mendicantium occinit luctus, ac contra uoces mysticas miserrabilis exuscitatur lamentatio. & quid opus est totam eorum calamitatem, hominibus, diem festum peragentibus proponere? fortassis enim & uobis luctum mouerem, si exacte cuncta tragice enumerarem, ita, ut calamitatis magnitudo, festi etiam lætitiā exuperaret. hæc igitur dico quoniam nōdum uobis persuadere potui, quod nonnunquam dolor tristitia honorabilior. & mæror panegyri, risuque nō bono, lachrymæ sint laudabiliores. illi igitur talia patiuntur, & longe etiā quàm dixi ærumnosiora. illi inquam, qui secundū deum fratres sunt nostri, etiam si non uelit. qui naturam sortiti sunt eandem, qui ex eodem luto sunt compositi, ex quo primum sumus facti, qui neruis & ossibus sunt compacti, qui cute &

te & carne, quemadmodū omnes sunt amicti: sicut diuinus Iob in loco quodam, dum inter ægrotandum philosopharetur, ait: quo nobis id quod apparet cōtemptibile redderet. Quin potius si id quod maius est dicere oportet, qui secundū imaginem illud idem quod nos sortiti sunt, ac fortassis plus etiā quā nos custodierunt, etiam si corpora eorum sint corrupta, qui secundum hominem internum, eundem Christum induerunt, ac eundem quem & nos arrabonem spiritus credūt: qui earundem participes sunt legū, oraculorum, testamentorum, sacramentorum, mysteriorū, spei quoq; pro quibus & Christus pariter est mortuus, qui mundi totius peccata tollit: qui uitæ supernæ coheredes sunt, licet multum à præsenti felicitate aberrant: qui cum Christo sunt sepulti, & unā cum ipso resurgent, si saltem unā patiuntur, ut unā glorificentur. Quid nos autem qui magnum & nouum nomen hæreditate sumus adepti, ut à Christo appellemur, gens sancta, sacerdotium regale, populus acceptus & electus, bonorum ac salutarium operū æmulator, discipuli Christi, mansueti illius & piij, & qui iniquitates nostras portauit, qui seipsum usq; ad nostram humiliavit massam, qui propter nos carne hac uili & tabernaculo terrestri factus est pauper, pro nobisq; doluit & languit, ut deitate locupletaremur. Quid nos igitur? qui tantum misericordiæ & cōpassionis exemplum accepimus, quid inquam de his cogitemus, & quid faciemus? despiciemus ne? prætergrediemur? relinquemus eos tanquam mortuos? tanquam abominabiles? tanquam serpentium & ferarum pessimos? Nequaquam fratres, non enim nos hoc decet, qui Christi oues sumus, pastoris illius boni, qui errantem conuertit, & amissam quærit, & debilem confortat. id enim nequaquam naturæ est humanæ, quæ compassionem lege statuit, pietatemq; & humanitatem ex æquali imbecillitate didicit. Cæterū si sub dio affliguntur, nos uero domus inhabitamus splendidissimas, lapidibus omnipharijs uernantes, auro & argento fulgentes, pauimentis tessellatis & uermiculatis, necnon picturæ uarietate oculos fallaciter inescantes, & has quidem inhabitamus, alias uero ædificamus, & quibus? forte nec hæredibus nostris, sed alienis ac peregrinis, & qui fortassis nos non amant, sed inimicissimis ac odiosissimis, quod quidem malorum est extremum. Et illi quidem frigent, rudibus & laceris induti centonibus, seu potius nec illos forte consequi possunt. nos uero delicate uestibus amicimur mollibus & laxis, necnon ex lino & serico tenuissime contextis, quibus magis dehonestamur quā ornatur. ita enim ego cuncta superuacua & curiosa uoco. intus uero cura quædam nos angit inutilis & stulta, tinearum nempe absumptio, & temporis, quod omnia consumit. Et inopes quidē nec in necessarijs abundant alimētis, o delicias meas, ac illorum ærumnas, sed ante fores nostras famelici, & ulceribus pleni iacent, & nec ad petendū à corpore adminicula habent, siquidem uoce priuati sunt, quo minus plorent, manibus quoq; ne illas suppliciter protendāt, sed & pedibus, ne ad abundantes accedant. spiritus autem ad consonantiam eiulatio

nis lamentabilis attractionem, malum grauissimum, ipsi leuissimū esse iudicant. solū oculis gratias habent, quod truncos suos nō uident. & tales ij sunt. nos uero splendidi, splendide in lecto sublimi & alto, stragulisq; superfluis, ac quas nec attingimus instructi recumbimus. & si uocem audimus mendicantem indignamur. Quin pauimentum nostrū odoriferis tegi oportet floribus, idq; sæpius, & extra anni tempus. mensam autem unguentis, ijsq; fragrantissimis ac diuersissimis, q̄ magis effœminemur inspergi. Puerosq; astra re, quosdā ornatu decoro, comaq; proluxa & effœminata, ac circa faciem plus curiose attonsa quā conducit ijs, qui splendidis oculis sunt decorati. alios autem calices summis tenere digitis, quantum possibile est decentissime pariter & tutissime. quosdam uero flabelli motu uentum capiti artificiose suscitare, ac manufactis auris carnis molem refrigerare, carniū præterea multitudinem mensam onerare oportet, quas nobis large omnia suppeditant elementa, aër, tellus, aqua, ac coquorum & opsoniorū commentis repleti, unūq; omnibus certamen esse, qui nam potissimum gulæ nostræ adulari possit, ac uentri ingrato oneri illi molesto, & malorum auctori, necnon bestię insatiabili & perfidissimæ, cum cibus euacuandis mox euacuandæ. Et pauperibus quidem magnū quiddam est aquæ facietas, nobis uero ad ebrietatem usq; uini exhauriuntur crateres, seu potius ultra ebrietatem etiam intemperantibus: & hoc quidem respicimus, illud autem tanquam odoriferum approbamus, de isto uero philosophamur. ac iactura censetur si non exoticum & generosum aliquod, ad indigenum tanquam tyrannis accedat. oportet enim ut ultra usum & delicati uel simus, uel uideamur, tanquam erubescamus si non mali, uentris, & eorum quæ sub uentre sunt serui censeamur. Cæterum cur hæc fratres & amici? cur & ipsi anima ægrotamus? morbo tantum etiam corporeo grauiore, quantum hunc inuoluntarium, illum autem ex proposito procedere scio. & hunc quidem cum uita nostra dissolutum iri, istum uero cum abeuntibus nobis transmutari. & hunc cōmiseratione prosequendum, illum autem ab ijs qui mentis compotes sunt odio habendum esse. Cur non adiuuamus naturam? cur non quum carnei simus, carnis humilitatem exornamus? cur in fratrum afflictionibus delitiose agimus? ne mihi accidat ut dum illi egent, ego uel ditescam, uel recte ualeam, nec illorum succurram uulneribus. non alimenta habeam necessaria, non tegmina, non sub tecto quiescam, nisi panem porrigam, nisi pro facultatibus meis uestimenta impartiar, nisi in domo excipiam. omnia enim Christo reponenda sunt, quo sublata cruce, rite illum sequamur, ac leues & expediti ad mundum subuolemus supernum, à re nulla detracti, & pro omnibus lucremur Christum, propter humilitatem exaltati, & propter paupertatē locupletati. aut ideo facultates nostræ cum Christo sunt diuidendæ, ut possidere, tanquam per bene possidere sanctificetur, & non habentibus sit commune. si uero mihi soli seminauerō, seminabo quidem, sed alij comedent. & ut iterum Iob uerba adducam, pro

pro frumētō oriatur mihi urtica, pro hordeo uero spina. uentus quoq; urens auferet, & tempestas meos surripiet labores, ita ut laborauerim in uanum. si autem horrea ex mammona ædificauero, mammonā thesaurizans, eadem nocte anima mea repetetur, ut rationem reddat pro ijs, quæ male thesaurizauit. Nunquam igitur uel tarde resipiscemus? nunquam ne stoliditatem ne dicam pusillanimitatem abiiciemus? Nunquam ne res humanas considerabimus? Nunquam ne ob calamitates alienas res nostras melius disponemus? nihil enim in rebus humanis stabile est natura. nihil plenum, nihil satis, nil quod in eisdem subsistat: sed circulus quidā res nostras circumrotat, aliasq; aliter fert mutationes, sæpius in die uno, nonnunquā etiam in hora: ac uentis potius credendum est instabilibus, necnō uestigijs nauis per mare currentis, noctiūq; somnijs fallacibus, quorū gratia cito euanescit, & ijs quoq; quæ pueri ludentes in harena fingunt, quā prosperitati humanæ. Prudenter igitur agunt, qui nequaquā rebus cōfidunt præsentijs, sed in futurum sibi thesaurizant, & propter humanæ prosperitatis instabilitatem, & inæqualitatem, bonitatem quæ nunquā est casura amāt: quo omnino ex tribus unū lucrentur: uel quod nunquā infortunate agant, quoniā sæpius numen pijs hominibus huius seculi bonis cōmodare solet, quo benignitate sua misericordiā prouocet: siue ut audacter in deo confidant, tanquā non propter malitiam, sed dispensationem quandam affligantur: aut demum ut ab ijs quibus bene fecerunt humanitatem, qua quū fortunate agerent, indigentes sunt prosequuti, tanquam æs repetere ualeant alienū. ait enim, ne gloriatur sapiens in sapientia sua, nec diues in diuitijs suis, neq; potens in uiribus suis, etiam si hic ad sapientiæ, ille autē diuitiarum, at iste potentia summū peruenerit: quibus ego ea quoq; quæ his adhærent addiderim, scilicet ne in gloria gloriatur is, qui est conspicuus, nec recte ualens in sanitate, neq; formosus in pulchritudine, non adolescens in iuuentute. deniq; ut breuiter dicam, nemo re ulla quæ in hoc mundo habetur laudabilis, infletur, sed in hoc solo gloriatur, ut deum intelligat, & quærat, patientibusq; condoleat, ac in futurum bonum aliquod sibi ipsi reponat. præsentiæ enim fluxa sunt & temporanea, & tanquā in calculorum ludo aliās aliter trañciuntur, & transponuntur, ac nihil tam proprium habent, ut id nō cum tempore desinat, siue ab inuidia haud immutetur. hæc autem stabilia sunt & permanentia, nec unquam euanescunt, aut intercidūt: neq; spes decipiunt credentiū, quapropter nihil mihi hominibus ex præsentijs bonis tutum, siue diuturnū esse uidetur. Proinde si quid aliud est quod ab artifice uerbo, & à sapientia quæ cuncta transcendit recte est excogitatū, hoc uel præcipuū est, quod in rebus ludimus uisibilibus, quæ aliās aliter mutantur & immutant, susq; deq; feruntur & subuertuntur: quo instabilitatem & inæqualitatem earum uideamus, & cogitatione nostra ad uitā rapiamur futurā. quid enim facturi essemus, si prosperitas nostra durabilis esset? quū adeo rebus minime permanētibus dediti simus, ac nos in illis uoluptas

& deceptio ita in seruitutē redegerit, ut nihil præsentibus nec melius, nec sublimius intelligere ualeamus. tametsi nos secundū dei imaginē, quæ in supernis existit, & nos ad se attrahit, factos esse & audiamus & credamus. quis sapiens, & hæc intelliget? quis transeuntia trāscurret? quis mentem adhibebit permanentibus? Quis de præsentibus tanquam abeuntibus sentiet? quis de speratis quēadmodū firmis? quis existentia ab apparentibus diuidet, hæc quæ sectabitur, ac illa cōtemnet? quis scripturā & ueritatem, quis tabernaculū, infernum, & ciuitatē supernam? quis peregrinationem & incolatum? quis tenebras segregabit à lumine? quis limi abyssum, & terrā sanctam? quis carnem & spiritū? quis deum, & mūdi dominum? quis mortis umbrā, & uitam æternam? quis præsentibus emet futura? quis diuitijs fluxis indissolubiles? quis uisibilibus ea quæ non apparent? Beatus igitur quicumque hæc rationis diiudicat acumine, & discernit, ac id quod melius est à deteriore segregat, ascensionēque in corde, quemadmodū in quodam loco diuinus inquit Dauid, disponit, ac totis uiribus uallem hanc lachrymarū fugit, & superna quærit, mundusque cū Christo crucifigitur, ac cū Christo resurgit, & cū Christo ascendit, uitæ non iam ruentis nec decipientis heres, ubi nō amplius anguis mordens est in uia, neque calcaneum obseruat & caput, obseruatus. Nobis autē reliquis idem Dauid tanquā præco quidam uocalissimus ab alto & publico præconio magna uoce clamat, graues corde appellans, ac diligentes mendaciū, admonetque ne nimium detineamur uisibilibus, neque uniuersam felicitatem aliud quid esse censeamus quā tempus frumenti & uini, iam corruptorū. Et fortassis beatus quoque Micheas in loco quodā hoc cognouit, ubi cōtra humi reptantia & apparentia insurgit, appropinquate, inquit, montibus æternis: surge & ambula, quoniam non est tibi hic requies. quod quidem non multum à uerbis ihs distat, quibus nos dominus & saluator noster adhortatur, dicēs: Surgite, eamus hinc. quibus tum non solum discipulos è solo illo loco excitauit, quēadmodū aliquis putare posset: sed semper & omnes discipulos suos à terra & terrenis ad cœlum & cœlestia traxit, obediāmus igitur uerbo, queramus requiem quæ illic est, abijciamus facultatem quæ hic est. quod bonū in illis est, hoc solum lucremur, possideamus animas nostras in eleemosynis, impertiamur pauperibus ex bonis nostris quæ hic possidemus, ut ditemur illis quæ illic sunt, da partem & animā, ac nō carni solum, da partem & deo, ac non solum mundo, aufer aliquid à carne, idque sanctifica spiritui. rape aliquid de igne, & longe remoue à flamma depascente. rape à tyranno, & concede domino, da partem septenario uitæ huius, sed & octonario uitæ quæ nos post hanc excipiet, da parum illi à quo plura habes, da omnia ei, qui tibi omnia* gratificatur, nunquā magnificentiam dei superabis, etiam si cuncta quæ possides relinquas, etiam si facultatibus tuis te ipsum adijcias, siquidem deo dare, accipere est. quantumcūque enim attuleris, semper plus est reliquū, & nihil dabis proprium, quoniam omnia sunt à deo, nam quemadmodum

Id est, largitur, ἁρπίζω

impossi

impossibile est, ut quis umbram suam transcendat, quæ illum ubiq; cōcomi-
tatur, & semper quantumcunq; progrediatur sequitur, seu corporis statura,
capitis altitudinem quæ supereminet semper exuperat, ita nec illis quas ex-
pendimus rebus deum superare ualemus. nihil enim illi præterquam sua da-
mus, neq; quæ illius excedant liberalitatem. Cognosce unde tu esse tuum ha-
beas, & quod respiras ac sapis, & quod maximū est, quod deum cognoscis,
regnum cœlorum speras, necnō cum angelis honorem æqualem, gloriæ con-
templationem, nunc quidem tanquam in speculo & ænigmate, tunc uero pu-
rius & perfectius, ut filius dei fias, cohares Christi, & ut audacter loquar, de-
us ipse. Vnde hæc habes, & à quo: siue ut parua recenseam, quis tibi dedit ut
cœli pulchritudinem uideas: solis cursum: lunæ circulum: syderum multitu-
dinem: ac in his omnibus consonantiam & ordinem, nō secus ac in lyra exa-
cte se habentem. horarum uicissitudines: temporum mutationes: annorum
circuitus: noctis & diei æquinoctia: terræ germinationē: aëris effusionem:
maris latitudinem intumescētē & quiescentem: flumirū profunditatem:
uentorum flatus: Quis tibi pluuias dedit: agriculturam, delicias, artes, domi-
cilia, leges, res publicas, uitam mansuetam, familiaritatē erga cognatos: un-
de tibi quod ex animantibus quædam cicura sunt, & iugum subeunt, alia ue-
ro in cibum sunt concessa: Quis te dominū & regem super omnia terrestria
constituit: Quis ne singula enumerem, omnia donauit: in quibus homo cæ-
teris præcellit. nōne ille qui nunc præ omnibus & ante omnes humanita-
tem à te expetit: nunquid erubescemus, quod quum tanta ab ipso partim ac-
ceperimus, partim uero speramus, neq; in isto humanitatē ei rependimus:
nunquid igitur quū nos à feris distinxit, & solos ex terrestribus ratione ho-
norauit, à nobis ipsis efferabimur, ac ita alimētis corrupemur, aut insanie-
mus: nil enim aliud quod dicam habeo, ut eundem panem & fursures, quæ
forsitan parce hominibus præbemus, bestijs etiam apponamus, ac natura il-
las præstantiores censeamus. & quale olim gigantum & reliquorum homi-
num genus, de quo fabulæ narrantur erat: ita & nos illis sublimes, & super
hominem erimus, quemadmodum Nemrod ille, & Enak genus, quod Israë-
lem olim excludebat: uel illi propter quos diluuium terram purgauit. Et ille
quidem nequaquam pater noster uocari erubescit, quum deus sit ac domi-
nus, nos autem cognationem nostram negabimus: Nequaquam fratres &
amici, ne fiamus dispensatores malī, earum rerum, quæ nobis sunt concessæ,
quo non Petrum audiamus dicentem, Verecundamini qui detinetis aliena,
sed potius dei æqualitatē imitemur, & nullus erit pauper. ne laboremus col-
ligendo & conseruando, quum alijs laborent inopia: ne acerbe nobis expro-
bret & minetur hinc quidem diuinus Amos uerbis istis, Age nunc qui dici-
tis, quando pertransibit mensis & negociabimur, & sabbata, & aperiemus
thesauros. & quæ sequuntur, propter quæ magnam & paruam mensuram
possidentibus, dei iram interminatur. Inde uero beatus Micheas, forsitan de

licias easdem abscindit, tanquam satietas iniuriam pariat & lasciuiam, in le-
 ctis detestatur eburneis, necnon unguentorum preciosorum illecebras, uitu-
 losq; armenti teneros, & hœdos gregis nō nimium pinguescere sinit, minus
 ut ad uocem organorum plaudatur, præcipue tamen ac longe plus redar-
 guit, si quid ex his firmum & durabile esse censeatur. forsitan autem hæc non
 tam grauiâ putat, tanquam ipse nihil pateretur super contritione Ioseph,
 quum illi delitijs interim diffluerent. hoc enim & ad satietatis accusationem
 adducit, quod quidem longe absit ut nobis accadat, nec tantū delictis nos im-
 mergamus, aut dei clementiam adeo contemnamus, ut pauperibus indigne-
 mur, etiam si non confestim ac pariter malitia iram inducat super peccato-
 res: sed potius primam & præcipuam dei legem imitemur, qui super iustos
 pluit & iniustos, qui solem suum omnibus pariter oriri sinit, tellurem autem
 cunctis terrestribus ad quietem pandit. fontes, flumina, ac syluas permis-
 sit, quemadmodum aërem naturæ uolatili, ac undam aquatilibus, primasq;
 uiuendi occasiones omnibus abunde donauit, non potentia occupatas, non
 legibus circumscriptas, non terminis discretas, sed planè communes ac lar-
 gas. & nihil præter hoc indigentes præposuit, naturæq; dignitatem parem
 doni æqualitate honorauit, ac diuitias bonitatis suæ abunde ostendit, at ho-
 mines quum aurum & argentum effodiunt, uestesq; molles ac superfluas,
 necnon gemmas splendentes acquirunt, aut alia eiusmodi, quæ belli seditio-
 nis & primæ tyrannidis fuere causa, supercilium stolide tollunt, ac infortuna-
 tis cognatis misericordiæ ianuam claudunt. & nec superfluis necessitati illo-
 rum subuenire uolunt, proh ruditatem, proh fatuitatem: nam si nihil aliud,
 certe hoc cogitandum erat, paupertatem & diuitias, necnon libertatem
 quam uocamus ac seruitutem, & eiusmodi nomina postea in genus irrupis-
 se humanum, & non secus ac morbos communes in malitiam incidisse, ac
 illius consilia esse. ab initio autem scriptura inquit, non ita erat, sed qui in
 principio hominem formauit, liberum illum ac suæ potestatis dimisit, soli le-
 gi subiectum, ac paradisi delictis opulentum, quod & reliquo generi huma-
 no per semen unum primum concedere uolebat. sola uero libertas & diui-
 tiæ, mandati obseruatio erant, paupertas autem seruitus & transgressio.
 postquam autem inuidiæ, & lites, necnō dolosa colubri tyrannis, identidem
 cupiditate ad uoluptates impulere, & contra audaciora debiliora concitauer-
 re, id quod consanguineum erat, in nominum scissum est diuersitatem, ac na-
 turæ generositas per auaritiam est dissecta, quum legem ad potentiæ subsi-
 dium assumpsisset. Tu uero ad primam honoris respice æqualitatem, & ne-
 quaquam in diuisionem nouissimam, non in legem dominantis, sed conden-
 tis. adiua pro uiribus naturam, ueterem honora libertatem, pudeat te tui
 ipsius, subiice ignominiam generi, tantum subministra, ut indigentiam infir-
 mi & inopis consoleris. tu, qui sanus es, qui diues es, tu qui non collapsus es,
 iacenti & contrito subueni, qui lætus es contristato, qui dextra polles illi qui
 sinistra

sinistra languet, da aliquid deo, quo te gratum ostendas, ac inter illos recensaris qui benefacere possunt, & non eos qui beneficio indigeant, quo non in alienas manus respicias, sed alij in tuas. non substantia solum ditescas, sed & pietate: non solum auro, sed & uirtute, uel ideo melior appareas, quo propinquo honorabilior fias, fias infortunato deus, misericordiam dei imitando, nihil enim adeo diuinum habet homo, quàm benefacere, quamuis ille plus, hic uero minus benefacit, uterq; ut arbitror, secundum suam potentiam, ille enim fecit, & quum soluit iterum componit, tu autem cadentem ne despicias, ille ob maximam misericordiam suam super omnia dedit, legem, prophetas, & ante illos legem naturalem, rerum agendarum citra scripturam indagatricem, redarguit, instruxit, demum seipsum pro mundi uita redemptionem dedit, apostolos donauit, euangelistas, pastores, doctores, sanationes, miracula, regressionem ad uitam, mortis dissolutionem, tropheum ex deuicta. Testamentum, unum in umbra, aliud uero in ueritate, spiritus sancti diuisiones, nouæ salutis mysterium illud. Tu autem si maiora etiam præstare potes, si & ea quibus anima beneficio afficitur, nam & his quoque te deus, si uolueris ditauit, neque in ijs benefacere cesses indigenti, seu potius cum primis & maxime petenti te tribue, prius etiam quàm petatur, tota die computando miseresce, & scœnera, strenuequæ sortem cum usura & augmento exige debito, ac semper capitali ascribe, quo paulatim in te ipso pietatis augeas semina. sin minus, saltem secundaria ac minora, & quæ tuæ potestatis existunt præbe, opitulare, cibum porrige, indumentum uel uile, pharmacum asser, uulnera colliga, interroga pauperem aliquantis per de calamitate sua, de tolerantia dislere, confide, accede, nil tibi deterius propterea accidet, nequaquam eodem morbo corripieris, quamuis nimium delicati quidam ita putent, rationibus decepti inanibus, seu potius ut molliem aut impietatem sub hoc excusent prætextu, ideoque ad timiditatem tanquam magnum quid & sapiens confugiunt commentum. & huiusce rei tibi fidem faciant tam colloquia, quàm medicorum filij, necnon qui cum illis habitant ministri, quorum nullus adhuc, quamuis cum his uersetur est periclitatus. Si autem tibi o serue Christi, ac amator dei & hominum, res hæc terribilis & suspicione digna uidetur, nil ingenerosum patieris, si fidei confidas. uincat timorem misericordia, dei timor teneritudinem, cogitationibus carnalibus pietas resistat: ne fratrem despice, seu prætergredere, ne auerferis tanquam piaculum, tanquam pollutionem, tanquam aliud quid fugiendum & exhorrendum, tuum est membrum, licet sub calamitate abscondatur, tibi relinquitur pauper, ueluti deo, etiam si illum ualde contempnim prætergrediaris. fortassis enim te his placabo uerbis, tibi humanitatis propositum est argumentum, etiam si te alienat alienus, quo minus tibi bene eueniat. Omnis qui nauigat, naufragio est proximus, & tanto plus, quanto nauigat audacius, ac omnis qui corpore est circumdatus, proximus

est corporis malis, ac tanto magis, quanto elatius pertransit, & ante se iacentem non respicit. Quandiu uento nauigas secundo, manum naufrago præbe. Quandiu recte uales, & diues es, afflicto succurre, ne expecta donec ex te ipso discas, quantum malum sit inhumanitas, & quantum bonum uiscera aperire indigentibus. ne uelis deum manum leuare contra supinos & prætercurrentes, sed in alienis calamitatibus hæc disce. da parum quid indigenti. non enim paruum est ei qui omnium est egenus. immo nec deo si pro uiribus dederis. Da pro magno promptitudinem, si nihil habes, uel lachrymulam. magnum remedium est afflicto misericordia, quæ ex animo procedit. compassio enim uera multum calamitatem subleuat. non sit homo tibi homini pecude uilior, quæ in foueam cecidit uel aberrauit. illud enim te lex extrahere & reducere iubet. quod si & aliud quid secretius & profundius ibi latet, quemadmodum multa legalis sunt profunditatis & sensus dubij, nequaquam meum est scire, sed spiritus, qui omnia scrutatur & cognoscit: sed quantum ego comprehendo, ac in meum intrat intellectum, ab humanitate erga parua ad maiorem & perfectiorem etiam nos exercet. nam quanta debetur ijs qui eiusdem sunt generis ac honoris, si usque ad irrationabilia etiam à nobis exigitur. hæc igitur ratio ac lex expetit, necnon homines illi qui sunt modestissimi, penes quos longe honorabilius est beneficium dare quam accipere. Cæterum quid de nostris dices sapientibus? nam de externis loqui omitto, qui affectionibus inuenerunt patronos, & lucri deo primas partes tribuunt. & quod hoc deterius est, dæmonibus quibusdam, & apud gentes quasdam homines inactandos esse putant. est quæ illis pietatis pars inhumanitas, ac talibus sacrificijs ipsi gaudent, necnon deos suos gaudere censent, mali malorum sacerdotes & mystæ facti. Cæterum sunt ex nostris quidam, quod & lachrymis est dignum, à quibus tantum abest ut condoleant & subueniant ægrotantibus, ut amarulenter etiam illis exprobrent ac insultent, frustra quæ ac uane philosophentur: nam quæ ex terra sunt loquuntur, ac in aërem uoces spargunt, & non in aures prudentium, & eorum qui eloquijs diuinis sunt assueti. à deo enim esse dicere audent, ut illi miseri sint, nos uero felices. & quis sum ego, ut decretum soluam dei, ac deo appaream melior? ægrotent, misere uiuant, infelicitè, sic uisum est deo. proinde si huc usque solum dei amatores existunt, non oportet ut obolos seruent, & miseris pueriliter insultent: ex ijs enim quæ dicunt manifeste ostendunt, quod nequaquam putent felicitatem suam ex deo esse. quis enim ita sentiret de indigentibus, si cognosceret deum largitorem eorum esse quæ possidet. eorundem enim hominum est & à deo habere, & secundum deum uti, ijs, quæ habent. utrum autem à deo sit ut illi male habeant nondum liquet, quandiu & materia, id quod inordinatum est, torrentis instar secum rapit. & quis nouit, utrum hic propter malitiam plectatur, ille uero tanquam laudandus extollatur: & non potius econuerso, ut hic propter malitiam exaltetur, ille

ille uero propter uirtutem probetur. & hic quidem plus tollatur, quā grauius etiam cadat: prius tamē uniuersa prauitas eius tanquam morbus quispiam erumpere sinatur, quo iustius etiā plectatur. ille uero ultra opinionē prematur, ut tanquam aurum in camino probatus, à malitia, si uel parum quid de illa habeat, purgetur. nemo enim à malitia omnino purus est, sicut audiui-
 mus. hoc nequaquam naturæ est generantis, tametsi quis alijs uideatur præstantior. siquidem tale quoddam in scriptura diuina mysterium inuenio, & longum esset omnes spiritus uoces quæ mihi illa ostendunt enumerare. Sed quis maris harenas, ac pluuiæ guttas, necnon abyssi profunditatem metiri posset? Quisue in omnibus diuinæ sapientiæ altitudinem indagare ualeret? sub qua & cuncta fecit & gubernat eo modo quo ipse uult & nouit. sufficit enim secundum diuinum Apostolum, ut cū admiratione solum, ea quæ nemo coniectura assequi aut contemplari potest prætereuntes dicamus, O altitudo diuitiarū & scientiæ & cognitionis dei, quā inscrutabilia illius sunt iudicia, & inuestigabiles uia eius: & quis cognouit mentem domini, ad extrema autem sapientiæ eius quis pertingere ualuit? Iob ait, quis sapiens & hæc intelliget. & nunquid id quod mensura cōprehendi nequit, mensurari poterit? Alius igitur in his audax sit & confidens, seu potius nemo sit. ego autem omnino supplicium quod hic irrogatur prauitati ascribere cunctor, quemadmodum & pietati remissionem malorum. ueruntamen est nōnunquam aduersitas improborū, quæ scelera abscindit ad quid utile: sicut & prosperitas bonorū, quæ ad uirtutem uiam sternit: at non semper, nec omnino. cæterum esse illud solummodo temporis est futuri, secundum quod hi quidem uirtutis præmia, illi autem malitiæ supplicia sument. resurgent enim scriptura inquit, in resurrectionē uitæ, illi uero in resurrectionem iudicij. quæ uero hic accidunt alterius sunt figuræ & institutiones, omnia tamen illuc tendunt, ut æqualitatis aliquid apud deū habeant omnino, etiam si nobis uideatur inæqualitas. quemadmodum & in corpore eminentiæ ac depressiones, magnitudines & paruitates, terræq; sublimia & ima, ex quibus pulchritudo mutua habitudine constare uidetur. nam & artificis fabrica circa materiam, eousq; inordinatam & inæqualem ualde artificiosa erat, ut illa ad operis alicuius præparationem recte perduceretur. quod & nos deprehendemus & fatebimur, quum absolutam artificij pulchritudinem exacte contemplabimur. Interim uero ipse nequaquam artificio caret. An hæc sine ordine disponuntur, quoniam nobis haud penitus sunt cognita? Proinde si similitudinem nostri morbi sumere oportet, haud multū à nauseantibus aut uertiginem patientibus distamus, quibus omnia inuerti uidentur, quum ipsi uertuntur ita & isti de quibus est sermo: nō enim tolerant ut deus sapientior sit q̄ ipsi, quū in contingenti aliq̄ uertiginē patiunt. aut necesse est, ut circa sermonē insudet, quo uel multo labore ueritas cōcedat, siue quū sapientioribus ex eis & spiritalioribus de his philosophari oportet, post q̄ donū hoc singulare, & nō omniū est cognitio: ac

affectus

in re leui

tio: ac ideo à uita puritate illud uenari, & à uera sapientia sapientiã quærere est necesse. at illi, proh imperitiã, ad paratiora uertuntur. & quũ ipsi penitus ob rationis defectũ fallantur, rationem omnino nõ cognoscunt, suntq; ob in scitiã sapientes, aut propter sapientiã, ut ita dicã, superuacaneã, nec prudentes, nec intelligentes. hinc est quod quidã fortunã & fati casum docuerunt, uere casum, & cõmentã fortuito cõficta. Alij uero astrarũ potentiã quãdã citra rationẽ, eamq; indissolubilem, quẽ res nostras ex suo connectat arbitrio, seu potius quẽ cõnexionẽ ipsã necesse sit: necnõ planetarum quorundã ac stellarum fixarum cõiunctiones, & separationes, motumq; omniũ rerũ dominũ esse. fuere & qui misero generi humano tradiderũt, quicquid unusquisq; imaginatione propria excogitare potuit. & quia intellectu suo & cõtẽplatione nequaq; ad prouidentiã diuinã pertingere poterãt, in diuersas opiniones & nominũ sectas sunt diuisi. sunt & quidã, qui paupertatẽ longe à prouidentia segregant, arbitrãtes solũ illa quẽ supra nos sunt ab ea dispensari: ad nos, qui potissimũ illa indigemus deducere sunt cõtati: tanq; timẽtes si multis beneficeret, melior iudicaret benefactor, aut ipsis deus labore fatigaretur, si plurimis afficeret beneficijs, cãterũ ualeant illi quicquid dicãt, bene enim scriptura eos prãueniens redarguit. uanũ enim inquit, factũ est cor eorũ insipiens. nam licet se sapientes appellarint, stulti tamen facti sunt, ac gloriã dei incorruptibilis immutarunt, fabulis quibusdã & umbris prouidentiã omniũ afficientes iniuria. Nos uero neq; ipsi talibus deliremus portẽtis, si saltẽ postq; ratione prãditi simus, ratio nobis curã est, rationiq; inseruimus: nec ita sentientes suscipiamus, licet in sermonibus absurdis & dogmatis admodum sint exercitati, ac nouitatibus oblectent. Sed deũ omniũ factorem & opificẽ esse credamus. quo pacto enim illud uniuersum cõtaret, si ipse id nõ sustentaret & moderaret? nos igit prouidentiã uniuersi huius cooperatricẽ & colligatricem asserimus: quoniã necesse est, ut prãuisa sint quẽ ab aliquo sint condita, nisi uniuersum sua sponte agitatum, quemadmodum nauis procellis confestim propter materiã ordinẽ turbatum dissolui & distrahi, penitusq; in confusionem antiquam & deformitatem reduci debeat. Sed & prãcipue in rebus nostris prãsidem suscipimus nostrũ, siue illũ factorem, siue conditorem appellare uolueris, licet uita nobis per contraria peragatur: quã propter hoc fortuita est & ignota, ut ob cõtẽplationis difficultatẽ, rationẽ super omnia admiremur: quoniã omne quod facile percipit facile etiam cõtẽmnitur: quã uero supra nos sunt quo minus cognosci ualent, tanto & maiori sunt admirationi. omne enim quod sensum effugit, desiderium quoq; exercet. Quapropter nec uniuersam sanitatem admiramur, neq; morbum contemnimus, minus uero diuitijs fluxis mentem adhibemus, aut plus q; bene habet uolubilitati operã impendimus, ac si cũ illa animã partẽ quãdam expenderemus. Sed nec contra paupertatẽ insurgimus, tanq; penitus sit reiicienda, partisq; damnatã, ac planẽ odio dignã. Quin & sanitatẽ stolidam, cuius fructus est pecca-

peccatum, contemnere, ægritudinem uero sanctam honorare scimus: ac eos qui passiones superarunt ueneramur, incerti num Iob quispiam in ægrotantibus delitescat, longe etiam recte ualentibus uenerabilior, licet sanie scateat, licet nocte tota dieq; affligatur, ac sub dio iaceat, à plagaq; & uxore, nec non amicis angustet, ita ut diuitias iniustas repudiemus, propter quas diues ille & iuste quidem in flamma torquetur, ac paruam guttam refrigerandi causa petit, & paupertatem iucundam, & philosophicam laudemus, cum qua Lazarus saluatur, ac in Abrahæ sinu requie ditatur, ac ideo mihi necessarium uidetur ut humanitate & misericordia erga indigentes utamur, quo ihs qui illos negligunt ora obstruamus, & stultis blateronibus nullam obloquendi occasionem præstemus, dum contra nos ipsos crudelitatem lege sancimus. Ceterum inter omnia plus mandatum ueneremur & exemplum, at quod nam mandatum? & hic quid proprium eius sit & germanum considerate, quicumq; à spiritu afflati fuere, non semel aut bis de indigentibus quippiam sunt locuti, aut unus dixit, alius uero tacuit, seu quidam plura, alij uero pauciora uerba fecerunt, tanquam de re quadam non multum ardua, aut admodum urgente, uerum omnes & singuli cum diligentia summa tanquam primum aut inter prima hoc præceperunt, nunc quidem adhortantes, aliquando interminantes, nonnunquam exprobrantes, quandoq; etiam recte operantes probant, quo commonitionis assiduitate mandatum imis mentibus inculcare possint, & ut in scriptura est propter miseriam inopum & gemitum pauperum nunc exurgam dicit dominus. Quis non timeret dominum exurgentem? & exurge domine deus meus, exaltetur manus tua, ne obliuiscaris pauperum tuorum, at nos exaltationem deprecemur, & ne uidere uelimus manum contra inobedientes leuatam, magis etiam super duros ingruentem, & non oblitus est clamoris pauperum, & non in finem obliuioni tradetur pauper. Et oculi eius qui palpebris potetior est & fortior, super pauperem respiciunt, at palpebræ ipsius exquirunt filios hominum, aut minorum, ac si quis dicat obseruat & secundaria. Sed dicet fortassis quispiam, hæc de pauperibus & inopibus iniuria affectis sunt dicta, non repugno, sed & hoc te ad misericordiam extimulet, quorum enim tanta habetur ratio, quum iniuria sunt affecti, eorum etiam maior est gratia, quum prospere agunt. si enim is qui pauperem ignominia afficit, exasperat eum qui illum fecit, is etiam factorem honorat quum inopem fouet. Rursum quum audis pauper & diues obuiauere sibi, ambos autem fecit dominus, non hunc pauperem, illum uero diuitem factum esse intelligas, ut magis etiam contra inopem insurgas, nondum enim liquet utrum diuisio illa sit à deo: sed creatura, inquit scriptura, dei pariter sunt ambo, licet externa sint inæqualia, hoc te ad cōpassionē & fraternum flectet amorem, ut quum ab illis inflaris, ab hoc tamen deprimaris, fiasq; te ipso moderatior. Et quid plus scriptura ait? qui miseretur pauperis scelerat deo. Quis debitorem talem non susciperet, redditurum in tempore sortem cum usura? Eleemosynis & fide

fide purgant peccata. miserescendo igitur purgemur. pulchra hac herba animæ abstergamus sordes & inquinamēta, dealbemurq; hi quidem uelut lana, alij autem tanquam nix, quisq; iuxta misericordiæ suæ modū. Dicam & terribilius quid: si tibi nulla est confractio, aut cicatrix, neque plaga adurens, seu lepra quædam animæ, aut pustula lucida illius index, quæ quidē parum lex mundabat, Christo tamen curatore opus est. cum igit uenerare, qui pro te uulneratus est & languit. ueneraberis autem si te humaniter & benigne erga Christi gesseris membra. Quod si animarum nostrarum latro ille & tyrannus tā uehemēter te uulnerauit, uel ab Hierosolymis Hierichunta descendente, uel alibi inermem aut imparatum adeptus, ita ut merito dicere possis corruptæ sunt & putruerunt cicatrices meæ à facie insipientiæ meæ: si igit ita habes, ut nec medelam quærere, neq; modum curationis inuenire scias: heu plagam inflictam, ad miseriam extremam uenisti. si autem nondū penitus animum despōdisti, nec omnino es immedicabilis, accede ad medicū, precare, uulnera uulneribus cura, paria paribus, seu potius minoribus maiora. curaberis enim, dicetq; animæ tuæ, Salus tua ego sum, & fides tua saluum te fecit, & ecce sanus factus es, necnon omnia humanitatis uerba, si solum te dolentibus uiderit humanum. Beati, inquit, misericordes, quoniam ipsi misericordiam consequent. ubi multiplex in beatitudinibus misericordia. Et beatus qui intelligit super egenum & pauperem. Et bonus uir, qui miseretur & dispensat: & toto die miseretur & scenerat iustus. Rapiamus igitur beatitudinem, intelligētes uocemur, siamus boni. neq; nox misericordiam abscindat. ne dicas, reuertere, & cras tibi dabo. nihil medium inter conatum & beneficium fiat. frange esurienti panem tuū, & pauperes tecto carentes in domum tuam inducas, idq; cum alacritate. qui enim miseretur, inquit, cum hilaritate, & bonum animi promptitudine duplicatur. quod enim cum tristitia aut ex necessitate datur, ingratum est & indecorum, beneficentia uero cum lætitia & non cum mœstitia est adornanda. si abstuleris, inquit, uinculum & electionem, uilitatem & censuram illam dico, siue ambiguitatem & murmurationis uerba, quid fiet: tanquā magnum quid & admirabile, qualis & quantā huius erit merces: erumpet lumen tuum temporaneum, & sanitates tuæ cito orientur. Quis igitur lumen & sanitatem nō desideraret, sed & Christi oculos ueneror, qui ut pauperes alamus nos hortantur. necnon Petri & Pauli in hac re ad stipulationem: nam quum Euangelium diuiderent, pauperes fecerunt communes: necnon adolescentis illius perfectionem, quæ in hoc definitur, ac tanquam lege roboratur, ut bona nostra inter pauperes distribuamus. Sed tu forsitan nequaquam necessariam, sed uoluntariā humanitatem esse putas: quod & ego potissimū cuperem & suspicari uellem, si me non per terreret manus sinistra, & hædi, & quæ à iudice exprobrant. nō enim quod rapuerint, non quod prædati fuerint, non quod sint mœchati, aut aliud quid prohibitum fecerint, ad ordinem hūc sunt damnati: sed quia Christum per egenos

egenos non sunt uenerati. Si igitur mihi obtemperabitis serui Christi, & fratres, ac cohæredes, dum adhuc tempus est Christum uisitemus, Christum alamus, Christum uestiamus, Christum colligamus, Christum honoremus, non mensa solum, quemadmodum nonnulli facere solent: non unguentis sicut Maria, non sepulchro solum instar Iosephi Arimathæi, nec alijs funebribus ut Nicodemus, qui ex dimidia parte Christum diligebat, neq; auro, thure, & myrrha ueluti præ iam enumeratis magi. Sed postquam omnium dominus misericordiam uult & non sacrificium, & super multos agnos pingues commiserationem, hanc illi per egenos & in terram hodie proiectos offeramus, ut quum hinc migrauerimus in æterna nos tabernacula suscipiant, in ipso Christo domino nostro, cui sit gloria in secula, Amen.

DIVI GREGORII NAZIANZENI DE STATV EPISCOPALI ET DOGMATE ORATIO INSTRUCTIVA



V V M præsentem linguæ considero morbum, necnon eos qui in uno die sapientes euadunt, Theologosq; electione creatos, quibus solū uelle sufficit, ut docti existât, supernam desidero sapientiam, ac stationem, secundum Hieremiæ uerba quæro nouissimam, & ut cum meipso solo conuersari possim: nihil enim mihi tale uidetur quale est sensus odio habere, ac extra carnem & mundum fieri, nihilq; ex rebus attingere humanis, nisi quod necessitas exigit summa, cū seipso loqui & deo, ac uitā uiuere longe rebus uisibilibus sublimiorem, semperq; Emphases diuinas puras secum ferre, minime infernis characteribus & errantibus pollutas, tanquam speculum dei purissimum ac diuinorum, qui est & semper erit, lumini assumens lumen, obscuriori lucidius, donec ad fontem radiorum hic nobis lucentium perueniamus, finemq; assequamur beatam, quum speculi imagines resoluentur in ueritatem. Quàm difficulter quis seipsum aut philosophia longa instruit, & paulisper animæ generosum ac lucidum ab humili & tenebris cōmixto depurat, nisi deum sortiatur propitium: aut ambo hæc, ut deorsum trahentem superet materiam: sed prius quàm illam quantum necesse est quis assequatur, & satis purgetur tam auribus quàm mente, nequaquam tutum esse scio, ut uel animarum curam suscipiat, aut ueræ Theologiæ se ingerat. Sed unde in timorem hunc incidi, ne me plus timidū quàm decorum sit censeatis, sed ob prudentiam laudetis. Audimus deum quum Mosi legem tradere uellet, plures ad montem aduocasse, ex quibus Aaron unus erat cum filijs duobus sacerdotibus, reliqui uero omnes à longe adorare iuebantur, ac solus Moses appropinquare, populus uero nequaquam unā ascendere: ac paulo ante hæc, alios quidem fulgura & tonitrua, necnon tubæ & mons totus fumans, & minæ, & horrores ac terrores tales deorsum stare faciebant, ac magnum eis erat solum dei uocem audire etiam ualde purificatis. Moses uero ascendit, ac in nubes intrat, cum deoq; congregitur, &

Q legem

legem accipit, multis literalem, alijs autem super multos spiritalem. Scio & Heli sacerdotem, ac parumper antea Ozam quendam. & ab hoc quidē pernam ob filiorum iniquitatem exactam esse, ob ea quæ in sacrificijs perpetrare fuerant ausi, licet pater impietatem hanc non approbasset, sed multoties multis reprehendisset. illum uero quod solum arcam attingere fuerat ausus, quum à iuuentis distraheretur. nam licet illam saluasset, ipse tamen periit, quum deus arcæ uenerationem custodiret. Sed & hoc noui, quod multis nec uilia templi tangere tutum erat, ac propterea aliorum & externorum opera indigebant: neque sacrificia ipsa ab illis quorum officium non erat absumi licebat. tanta confidentia ad sancta sanctorum accedere est necesse, ut uela & propitiatoriū siue arca penitus inspiciantur aut tangantur. Hęc ego quum sciam, & quod nemo magno deo, ac sacrificio, & pontifice dignus est, qui nō prius seipsum deo offert sacrificium uiuens, seu potius qui nō factus est templum dei uiuentis, & uiuens: ac igitur quomodo ego me audacter diuinis ingererem sermonibus? aut boni cōsulerem, si alijs se audacter ingererent? quādoquidem desiderium tale nequaquam laudabile est, conatus uero terribilis, ac ideo decet, ut unusquisq; primo se expurget, deinde cum puro conuersetur, si non uelimus Manoë illud audire & dicere, quum in dei contemplationem incidimus. Perij o mulier, quia deū uidi: seu Petri instar, Iesum à nauicula repellere, tanquam minime eo ob timiditatem digni, aut sicut Centurio ille, qui sanitatem pro filia expetebat, sanantem uero nequaquam suscipiebat. dicat igitur unusquisq; è nobis, quādiu Centurio est, & multæ in militiæ potentia, Cæsariq; deorsum trahenti & huius mundi militat domino. non sum dignus, ut tectum meum subeas. Quum autē Iesum uidebo, etiam si ætate spiritali adhuc sim paruus, Zachari illius instar, & super sycomorum attollar, mortificans membra super terram, ac euacuauero corpus humilitatis, tum Iesum excipiam, & audiam, hodie facta est salus domui huic, salutemq; consequar ac perfectiora philosophabor, bene expendens quæ male collegeram, siue pecuniæ illa sint, siue dogmata. Proinde postquā sermone Theologū purgauimus, age aliquid quoque uel breuiter de deo differemus. ipsi patri & filio, & spiritui sancto de quibus sermo est confidentes. opto autem, ut mihi Salomonis illud cōtingat, ut nihil imbecillitate mea proprium de deo cogitem uel dicam. Quum enim dicit, omnium hominū sum stultissimus, & prudentia hominis in me non est, non hoc ideo dicit quod insipientiam suam cognoscat: quo pacto enim hoc fieri posset, quum sapientiā præcunctis rebus alijs à deo petierit, illamq; unā cum speculatione, necnon latitudine cordis sit consequutus, maris harena etiam numerosiorem & largiorem. Quomodo igitur uir tam sapiens, & tale donū assequutus, seipsum stultissimum uocat hominum? ideo nempe, quod nequaquam prudentiam habeat propriam, sed diuina & perfectiori sit instructus. Sed & Paulus, uiuo, inquit, iam non ego, sed uiuit in me Christus. Verū illud de se non tanquam

penitus

penitus mortuo dicit, sed quod meliorem quàm plures alij uitam uiuat, ac uitam adeptus sit permanentem, & quæ nulla morte possit finire. Patrem igitur & filium, & sanctum adoramus spiritum, proprietates quidem separantes, diuinitatemq; unientes, & nequaquam tria in unum cōtrahentes, ne Sabellij morbo laboremus, nec in tria præter naturam existentia & aliena diuidentes, ne cum Ario deliremus. Quid enim necesse est tanq; ratum omnino in aliam partem declinantem, ui in alteram deflectere, ac cum peruerfione peruerfionem componere, & non ad medium dirigere, ac in terminis diuinæ manere pietatis? Quum autem medietatem dico, ueritatem intelligo, ad quam solam recte est respiciendum, mala præterea contractio, quemadmodum & absurdior diuisio est euitanda, ne quum in unam subsistentiam uerbum cōtrahatur, opus sit eos multimodæ deitatis nuda nobis relinquere nomina, qui eundem patrem & filium, & spiritū sanctum accipiunt, & qui non magis unū omnia, quàm nihil singula definiūt. definit enim illud esse quod est, si unum aliud exuperet & transcendat, neq; in tres diuersos & nequaquā consubstantiales ac discissos diuidimus, iuxta Arii recte appellatam insaniam, aut sine principatu, & inordinatos, & ut ita dicam, oppositos deos. hoc enim ad Iudaicam & uilem declinat humilitatem, si solum ingenito deitas ascribatur: illud autem in contrarium, malum tamen cadit æquale, tres supponere principatus, & tres deos, quod quidem prædictis etiā est absurdus. Decet autem quosdam non ita amare patrem, ut & patrem esse tollant. cuius enim pater erit, si filij natura fuerit segregata, & cum creatione alienata? Neq; ita Christi amatores esse, ut non hoc obseruemus quod sit filius, cuius *Patrem uocat* enim filius erit, si non ad causam referat patrem: neque patri principatus *causam* dignitatem tanquam patri & genitori. paruus enim & indignus esset principatus, si non diuinitatis causa existeret, quæ in filio & spiritu contemplatione deprehenditur. Quādoquidem necesse est unum custodire deum, & tres fateri subsistentias siue tres personas, & unamquaq; cum sua proprietate. *ὑποσώσεις* Custoditur autem iuxta sententiam meam unus deus, si filius & spiritus in unam referantur causam, non ut cōponantur, seu cōiungantur, ac per unum, & hunc deitatis, ut ita uocem, motum, necnon consilium ac existentia identitatem. Tres uenerare subsistentias, nullam tamen intelligas coniunctionem, uel dissolutionis uel confusionis, ne totum dissoluatur, per ea per quæ unum illud ornatur, plus quàm bene habet. uenerare proprietates, patris quidem & sine principio, & cum principio intellecti & dicti, principij autē tanquam causæ, tanquam fontis, tanquam luminis æterni: filij autē sine principio quidem minime, principij uero uniuersorum, principij uero quum dico, nequaquam tempus interponito, neq; medium quippiam inter naturam generantis & generati, ne diuidas naturam, quum male quid interposueris sempiternis & coniunctis. si enim tempus filio est longeuus, illius scilicet primū causa erit pater. & quomodo factor temporum sub tempus? quomodo autē &

dominūs omnium, si à tempore comprehenditur, & illi subditur: igitur sine principio pater est, non enim aliunde aut ab ipso illi est esse. At filius, siquidem patrem tanquam causam accipis, non est sine principio, filij enim principium pater tanquam causa. Si autem à tempore principium intelligis, sine principio est: non enim à tempore principium habuit, temporum dominus. Si autem ideo quia corpora tempori subijs, dignum putas, ut & filius temporis subdatur, circumdas etiam corpus ei qui corpore caret. Et si quia ea quæ apud nos gignuntur aliquando non erant, inde genita sunt, propterea & filium cogis ex non existentibus ad esse peruenire, comparas incomparabilia, deum nempe & hominem, corpus & incorporeum. num igitur & patitur & dissoluetur, quoniã & corpora nostra? Tu igitur propter hoc uis ita generari deum, quia etiam corpora. ego autem propter hoc non ita, quoniam ita corpora. quorum enim esse non est simile, horum nec generare est simile, nisi & ut alia seruiant materijs, sicut patiens & tristitia affectus, uel esuriens & sitiens, & quæ sunt corporis, aut pariter utriusq; affectus. Cæterū intellectus tuus hæc nō capit, de deo enim sermo est: noli igitur generationem aliter q̃ diuinam accipere. uerum si generatur, inquis, quomodo generatur? responde & tu mihi, dialectice insuperabilis, si creatur quomodo creatur, ac inde à me interroga, quomodo generetur. affectio enim circa generationem, affectio & circa creationem. aut enim reformatio affectio non est, ac cura & cognitio illius comprehensio, in partes explanatio. tempus est circa generationem, in tempore & creata. locus est ibi, locus & illic: frustratio circa generationem, frustratio & circa creationem. hæc audiui quum uos per philosophiam disceptaretis, quæ enim mens sæpe descripsit, hæc manus non perfecit. Sed uerbo inquis uniuersum constitit, & proposito: ipse enim dixit & facta sunt, ipse mandauit & creata sunt. Quū igitur dicis, uerbo dei omnia creata esse, non humanam creationem introducis: nemo enim ex nobis uerbo facit ea quæ sunt facienda. nihil enim nobis sublimius esset & liberius, si dicēdo opera adimpleri possent. Quod autem deus uerbo creat creanda, non id humana facit creatione: aut igitur ostende quod uerbo homo quoq; facit, aut suscipe quod deus non ut homo creat. Si enim uelle suo ciuitatem designauerit, ciuitas cōsistet: si filium facere uoluerit, filius factus erit. quod si aliud quoq; faciendum fieri uoluerit, statim uelle ad esse procedet. si autem nihil horum sequitur, uelle, dei autem uelle fabricatio est, aliter quidem homo fabricat, aliter quoq; omnium conditor deus. quomodo igitur creat: non humaniter, generationem autem cogit humaniter. tu quidem quum non esses postea fuisti. deinde genitus es, propterea non existentia in esse deducis. uel ut profundius loquar, forsitan neq; ipse ex nō existentibus deducis. quoniam & Leui inquit in patris adhuc lumbis erat, priusquàm in esse ueniret. nullus igitur offendatur uerbo quādoquidem filium nequaquam ita ex patre existere dico, tanquā in patre prius fuerit, ac post hoc in esse sit progressus. nihil enim quod

quod prius imperfectum fuit, postea perfectum erit, quemadmodū lex est motus nostri. & hæc quidem sunt tentantium, at illa eorum qui prompte omnibus quæ dicuntur astipulantur. Nos uero haudquaquam ita sentimus seu opinamur, sed pariter esse illum, qui sine principio est ingeneratum. semper autem erat, neq; enim unquam mens in non esse cadit: & filius erat genitus, ita, ut illi concurreret esse patris, generationisq; unigenitum, ex ipsoq; existeret, & non cum ipso, consilium principij. principij autem tanquam causæ, sæpius enim eundem circumuerto sermonem, quia crassitudinem tuam & mentis timeo materiale. Proinde si haud curiosus circa filij, siue generationem, siue substantiam, aut quomodocūq; dicere oportet, existis, uel si quis aliud quid magis his proprium cognoscit, uincat linguam meam quod intellectum est & cognitum. Quin neq; spiritus curiose scrutaueris processum. sufficit mihi audire, quod filius, quod ex patre, & quod hic sit pater, ille uero filius, & nihil in his curiose scrutor, ne in uocibus quæ penitus omnem elocutionem superant humanam, mihi accadat quod uisui, quum in radios dirigitur solares. Quantum enim quis plus & diligentius uidere uoluerit, tãto magis sensu læditur, & dum nimium cernere quærît etiam illo quod plus est priuatur, quū res quæ uideri debet longe etiam uisum exuperet, si illam totam uidere uolueris, & non ita quemadmodum cernere est tutum. Audis generationem, quomodo autem sit, noli nimis curiose inquirere. Audis spiritū procedere à patre, sed quomodo id fiat noli nimis anxie indagare. si autem in filij generatione & spiritus processione nimis curiosus esse uolueris, & ego de corporis & animæ tuæ cōmixtione exactius indagauero. Quomodo tu terra es & imago dei? quid est quod te mouet, aut id quod mouetur? quomodo illud idem mouet & mouetur? quomodo sensus in eodē manet, & quod externum est attrahitur? quomodo in te mens manet & generat sermonem, o vōs pater in alio intellectu? quomodo intellectus datur sermoni? & nondum de maioribus loquor, qualis est cœli reuolutio, quis motus stellarum, aut ordo seu mensura, uel coniunctio, siue separatio. qui nam termini maris, unde uentorum flatus, aut temporum conuersio, uel imbrium defluxus. si tu homo nullum horum cognoscis, cognosces forsitan quando deprehendes id quod est perfectum. uidebo enim inquit, cœlos opera digitorum tuorū, tanquam sit suspicio quod ea quæ nūc uidentur nequaquam sint uera, sed ueritatis simulachra. si te ipsum nō cognoscis, & quisnam sit is qui de his differit, si ea quorum sensus est testis haud capis, quomodo deum ex amissim qualis & quātus sit scire suspicaris? quod quidem magni defectus indicium existit rationis. Cæterum si mihi obtemperaueris Theologo nequaquam audaci, hoc quidem cape, illud uero capere time. hoc dilige quod in te manet, illud autē in supernis remaneat thesauris. ciuilitate ascende, per puritatē fabrices, qđ purū est. uis theologus aliquādo euadere, ac deitate dignus? leges serua, per mandata gradere, actio enim speculationis est fundamentum. ex corpore animę

laborem impende. Ceterum quis est ex hominibus, qui intantum attolli potest, ut ad Pauli mensuram pertingat? & tamen ille ait, se per speculum uidere & ænigma, ac tempus fore quum facie ad faciem esset uisurus. Quod si tu alijs in sermonibus es sapientior, omnino tamen deo es inferior. alijs forsanes prudentior, tantum uero à ueritate destitueris, quātum esse tuum dei esse est inferius. promissionem habemus, aliquando nos cognituros, quemadmodum & cogniti sumus. Si nequaquam possibile est, ut hic perfectam rerum omnium cognitionem habeamus, honora id quod deficit. Proinde quid est quod speramus? regnū fortassis dicis cœlorū. existimo autem nil aliud illud esse, q̄p ut assequamur id quod est purissimum & perfectissimū, at ex cunctis existentibus nihil est perfectius q̄p cognitio dei. uerū illud occupabimus, hoc autē anticipabimus, dū adhuc sumus super terra. istud uero illic reponemus, quo laboris & studiī nostri hanc habemus fructificationē, ut totam trinitatis sanctę splendentia, qualis sit & quāta, & quota, si ita dicere fas est percipiamus, in ipso Christo domino nostro, cui sit gloria in secula seculorum, Amen

DIVI GREGORII NAZIANZENI THEOLOGI ORATIO
funebris in Athanasium Alexandrię episcopum.



THANASIVM laudans uirtutē ipsam laudabo. hūc enim solum nominare, uirtutem ipsam est laudare, quoniam omnem uirtutem in se comprehendens habebat, seu ut rectius dicam, habet. deo enim uiuunt omnes qui secūdum deum uiuunt, etiam si hinc sint digressi: quem admodum & Abraham, & Isaac, & Iacob audit, deus ille deus, tanquam non deus mortuorum sit, sed uiuentium. uirtutem uero laudans deum ipsum laudabo, à quo hominibus peruenit uirtus, ut ad ipsum propter cognationem splendoris deducamur, seu potius reducamur. Quum enim plura existant ac maxima, quæ non facile recenseri possunt, qualia sint & quā magna, quæ ex deo habemus & habebimus, maximum est & clementissimum, quod ad ipsum inclinamur, & domestici eius sumus. quod enim sol est sensibus, hoc intelligentibus est deus. hic enim mundum illuminat uisibilem, ille uero inuisibilem. & hic quidem uisum corporalem illustrat, ille uero naturas intellectuales splendoras reddit. & quemadmodum hic uidentibus & uisibilibus, his quidem ut uideant, illis autem ut uideantur, uim subministrat, ipseq̄ inter uisibilia est pulcherrimus: ita & deus intelligentibus & intellectis, his quidem intelligere, illis uero ut intelligantur suppeditat, ac ipse inter intelligibilia est altissimus, in quo omne desiderium consistit, & super quem minime fertur. nil enim sublimius quid habet omnino desiderium, neq̄ mens sapientissima, & indagatrix seu curiosissima. hoc enim ex appetitiuis est nouissimum, & nondum in lucem editis totius contemplationis requies. Cuicunq̄ igitur cōtingit, ut per rationem & cōtemplationem materiam, & carnale hoc, siue nubem id, seu uelamen uocare oportet, segregare

gare, ac deo coniungi, & purissimum lumen assequi ualeat, quantum naturæ humanæ possibile est, beatus ille tam ob ascensionem quæ hic est, quàm diuinitatem ad quam aspiramus. & quam sapientiæ studium tribuit rectum, & super materialem dualitatem per unitatem, quæ in trinitate cognoscitur ascensio. quicumq; igitur per copulationem deterior est effectus, ac adeo luto immerfus, ut nequaquam ad ueritatis radios aspicere ualeat, nec super inferna attolli, quû sit ex supernis creatus, & ad superna uocatus, miser ille mihi ob cæcitatem existit, etiam si præsentibus bonis abundet, & tanto plus, quanto magis deluditur à copia, ac aliud quid bonum præ existente bono esse credit, malæ opinionis fructum decerpens malum, siue in caligine dampnanda, siue in igne uidendo, quem sicut lucem non cognouit. Et hæc paucis sint philosophata, tam præsentibus, quàm antiquis. pauci enim qui dei sunt, & si omnes illius sint creaturæ, legislatoribus, ducibus, sacerdotibus, prophetis, euangelistis, apostolis, pastoribus, & doctoribus, supplemento spiritali, ac congregationi omni. inter omnes autem huic quem nunc laudandum suscepimus. Quosnam autem dico? Enoch illum, Noë, Abraham, Isaac, duodecim patriarchas, Samuel, Dauid, Salomonem, quodamtenus Heliam, Heliseum, eos qui ante captiuitatem, nec non qui postea fuere prophetas. præterea & nouissima illa ordine, prima autem ueritate, quæ circa Christi fuere incarnationem, uel assumptionem, ante lumen lucernam, ante uerbum uocem, ante mediatorem mediantem, mediatorem inquam Testamenti noui & antiqui. Ioannem præcipue, discipulos Christi, eos qui post Christum populum uel purgarunt, aut per signa sunt cogniti, seu per uerbum manifestati, siue per sanguinem redditi perfecti, cum his Athanasio est certamē, & ab aliquibus parumper superatur, nonnullos etiā superat, si hoc nō nimis dictum est audacter: & hos quidē uerbis, alios uero operibus, quorundā mansuetudinē, aliorum uero zelū, nōnullorū pericula. & horū quidē plura, aliorū uero omnia est imitatus, ac aliud quid pulchritudinis ab alio sumpsit: non secus ac ij qui formas cū excellentiā depingunt: & in solā animā suam deduxit, ac unā uirtutis speciem ex omnibus diligenter collegit, eos enim qui sermonibus præstabāt, operibus: qui uero operibus excellebāt, sermonibus uicit, aut si uultis, sermone eos, qui sermone erāt celebres, operibus autē eos qui operibus fulgebant superauit, eos uero qui in utrisq; his mediocriter se habebant, in altero supergrediebatur. illos autem qui in utroq; summi erant, ambobus præcurrebat. Proinde & si magnum uirtutis exemplum hoc fuerit, anticipantibus, nilominus ad laudem nostri pertinet boni, quod ijs etiam qui post ipsum fuere reliquerit exemplum. Cæterū omnia illius recensere facta & admirari, longius fortassis foret quàm præsens sermonis fert series, ac potius ad historiam pertineret q̃ ad laudem, inter uota tamen mea est, ut illa aliquando describere, ac posteris uel instructionis, uel delectationis gratia tradere possim, quæadmodū & ille diuini Anthonij uitā conscripsit, uitæ monasticæ legislationem

De Constanti
nopoly loqui-
tur

Corpus
Christi

narrationis structura contentam. Proinde pauca illius ex multis recensēbimus, & quæ nobis memoria tanquam notiora suppeditabit, quo desiderio uestro satisfaciamus, & festiuitati debitum suum persoluamus, plurima uero tanquam penes scientes obmitteremus. Sanè haudquaquam sanctum aut tutum foret, impiorum uitas memoria honorare, eos uero qui pietate excellerunt silentio præterire, idquæ in ciuitate quam uix multa etiam uirtutis exempla saluare possent, quæ in diuinis non secus ac in equorum cursibus & theatro ludere consueuit. Athanasius igitur statim in moribus diuinis ac disciplinis est nutritus, parumquæ circularibus operam dedit artibus, ne illarum penitus ignarus esset, seu nesciret quas contemnendas esse censeret. haudquaquam enim sustinebat, ut animæ generosum & magnificum uanis exerceretur studijs, ne idem ei quod inexpertis accideret athleticis, qui quum aërem sapius uerberant quàm corpora, à certamine excidunt. in Testamento uero toto, tam nouo quàm ueteri, tantum se exercebat, quantum nec alius in uno. ditatus est igitur contemplatione, ditatusquæ uitæ splendore, ita ut mirabiliter utraq; cōnecteret, ac aurea inde fieret cathena, multis haudquaquam nexibilis. In uita enim contemplationem pro duce habuit, in contemplationem autem uitæ sigillo est usus. initium enim sapientiæ timor domini, tanquam uinculum quoddam primum, & sapientia timorem supergrediens, ac in dilectionem ascendens, quæ inde nos dei amicos & pro seruis filios facit. Ita igitur educatus & eruditus, quemadmodum & nunc oporteret illos, qui populo sunt præfuturi, & qui magnum Christi corpus tractare debent, secundum magnum itaque dei consiliū & prouidentiam, quæ à longe magnarum rerum subministrat occasiones, magno huic gradu addicitur, sitquæ unus ex appropinquantibus deo, appropinquanti, ac statione sacra, necnon ordine dignus censetur. quumquæ per omnem graduum transiret seriem, ut quæ interim acciderunt abscindam, populi illi concredita est præsentia. hoc est dicere orbis uniuersi præfectura. nec referre possum utrum uirtutis præmium, aut ecclesiæ fontem, ac uitam, sacerdotium acceperit. oportebat enim quum illa ueritatis deficeret siti, ut Ismahelis olim instar potu reficeretur, aut tanquam Helias ex torrente exsiccato terræ refrigeraretur humiditate, & parumper adhuc spirans reuiuificaret, ac semen relinqueretur Israël ne fieremus sicut Sodoma, & euenirent nobis talia qualia Gomorre: quarū prauitas est diuulgata, sed longe magis perditio illarum, utpote igne & sulphure submersarū. quapropter erectum est nobis cornu salutis, quū iam iaceremus, necnō lapis angularis excitatus est in tempore, qui nos tam sibi quàm nobis ipsis colligaret. siue ignis paruam & malam expurgans materiam, seu uentilabrū rusticanū, quod discernit quid sit ex dogmatis graue uel leue: uel gladius malitiæ radices exscindens. repperitquæ uerbū auxiliatorem suum, ac spiritus deprehendit qui pro eo spiraret. Ita igitur & propter hæc suffragio populi uniuersi, non per cades, seu tyrannice, sed spiritaliter & apostolice ad

Marci

Marci eleuatur thronum, non minus pietatis quàm præsidentia successor. hæc enim multiphariam ab eo, illa uero confestim post illum inuenitur, quæ & proprie relinquenda est successio. hoc enim concordia & throni est eiusdem, illud autem opinionis contraria, & throni diuersi. & hæc quidem nomen, illa uero ueritatem habet successionis, non enim cogens, sed coactus est successor. nec qui transgreditur, sed legitime proponitur. neq; qui contraria sentit, sed qui eiusdē fidei existit. nisi quis ita successorē dicere uelit, sicut ægritudinem sanitati, & lumini tenebras, & tranquillitati tempestatem, & defectum mentis intellectui. Postquàm autem ita præsfectus esset, ita quoq; disposuit principatum: non enim thronum pariter accepit, quemadmodum ij, qui tyrannidem quādam aut hæreditatem præter opinionem sortiuntur, ac propter satietatem uiolenter egit. hæc enim degenerantiū & adulterinorum sunt sacerdotum, & qui professione sunt indigni, qui nihil ad sacerdotiū affe-
Contra sacer
dotes impios.
runt, neq; boni consequendi gratia laborarunt, nilominus tamen & discipulos se & doctores pietatis esse ostentant, & priusquàm purgentur purgant. heri sacrilegi, hodie sacerdotes: heri sacrorum expertes, hodie in sacris duces. ueteres in malitia, at tenues in pietate. quod quidem opus est charitatis humanæ, & nequaquam spiritus. qui quum omnia per uiolentiam sunt scrutati, tandem pietati etiam uim inferunt. quorum mores haudquaquā gradum indicant, sed gradus mores, quum multū ordo immutetur. qui pluribus pro peccatis proprijs, quàm populi indigent sacrificijs, & omnino in uno ex duobus delinquant: aut quia quum uenia indigeant immoderate ueniam tribuant, tanquā malitia non sit rescindēda, sed docenda: aut principatus asperitate propria abscondant crimina. quorum neutrum ille fecit: sed operibus erat sublimis, prudentia uero humilis, uirtute quidem immutabilis, congressu uero admodum facilis, mansuetus, ira uacuuus, compassibilis, sermone suauis, moribus uero suauior etiā, forma angelicus, magis tamen angelicus mente, increpando tranquillus, laudando doctus, ita ut neutrum ex bonis ijs immodestia læderetur, sed ut increpationem faceret paternam, laudem uero principalem: nec tenerum fractum, neq; rigidum austerum, sed hoc quidem mansuetudinem, illud autem sapientiam, ambo autem philosophiam. Sanè minimum sermonis propter morum indigebat probitatem. ij enim ad instructionem erant sufficientes: minimum quoque uirga propter sermonem, minus etiā incisione propter uirgam, mediocriter uerberantem. Sed cur uobis hominem depingo, quem Paulus depingere præoccupauit? & hoc in ijs quibus pontificem magnum cœlos ascendentem decantat. hucusq; enim mihi sermo erumpere audet, quoniā Christos esse nouerat, qui secundū Christum uiuerent. illud aut in ijs quæ ad Timotheū scribens edocet, sermone effingens eum, qui Episcopæ sit præponendus. Si enim legem tanq; regulā, ei, qui in his laudandus est adhibere uolueris, manifeste iustitiam cognosces. adeste igitur, ac mecum circa sermonem laboranti panegyrim celebrate, ac
multa

multa obmittere uolenti, aliter tamen ab alio detento, nequaquam tamen id quod superat inuenienti, quemadmodum in corpore undiq; æquali & pulchro, quodcunq; enim mihi in mentem incidit, semper uidetur pulchrius, si biq; uendicat sermonem. Quapropter adestote, ac mihi, ut bona illius enumerem, opem ferte, quicumque illorum laudatores estis ac testes, certamenq; inter uos certetis pulchrum, tam uiri quàm mulieres, adolescentes & uirgines, senes cum iunioribus, sacerdotes cum populo, solitarij & promiscui, qui simplicitatem amplexi estis & uirtutem, qui contemplatione excellitis & operatione. Et hic quidem laudet ieiunia & orationes, tanquam in homine, corpore carente, & experti materiæ. ille autem in uigilijs & psalmodijs resonantiam, & assiduitatem minime superabilem. alius subsidium indigentium, alius contra eminentiam deiectionem, aut circa humilitatem demissionem. uos uirgines pronubum, quæ sub iugo estis moderatorem. solitarij pennis præditum, promiscui legislatorem, simplices ductorem, contemplatores Theologum, delicati refrenatorem, ærumnosi consolatorem, senectus baculum, iuuentus instructionem, paupertas largitorem, abundantia dispensatorem. Videntur & mihi uiduæ præfectum talem laudare debere. necnon orphani patrem, ac inopes pauperum curatorem, hospitesq; hospitalem, & fratres fratrum amatorem, infirmi medicum, immo si uis, agritudinem & medicamentum. Sani sanitatis custodem, omnes uero eum, qui factus est omnibus omnia, quo lucraretur omnes, aut quàm plurimos. hæc igitur quemadmodum dicebam alijs admirentur & collaudent, quibus uel minima illius admirari uacat. quum autem parua dico, illum sibi met ipsi comparans dico, ac gesta eius cum gestis ipsius confero. siquidem nequaquam pro dignitate, gloria dignum glorificabitis, etiam si splendidissime id feceritis, propter gloriam quemadmodum audiuius superabundantem. quoniam uel parua illius, alijs ad nominis sufficiunt claritatem, nobis autem (haud enim tolerabile est, ut obmisso sermone seruiamus minoribus) ad id quod præcipuum illius erat est conuertendum. Dei autem opus, de quo & sermo, ut aliquid magnificentia & anima illius dignum proferamus. Erat tempus quum nostra florerent ac bene se haberent, quando superuacuum illud & garrulum, necnon Theologiæ commentum, nequaquam introitum in diuinum habebat ouile, sed idem erat quod calculis ludere, uisum celeritate transpositionis fallentibus, aut coram spectatoribus omnipharijs, & effœminatis defaltare concentibus. de deo autem quid dicere, uel audire curiosum, sermonis uero syncerum & generosum pietas censebatur. Postquam uero Sexti & Pyrones, ac linguæ opposita, tanquam morbus quidam uehemens, & mores mali in ecclesiam irruperunt, & nugæ eruditio esse uidebantur, & ut Actorum liber de Atheniensibus inquit, nullæ rei alię uacamus, quàm dicere quid uel audire nouum, o quis Hieremias nostram deploret confusionem & excacationem, qui solus calamitates rite lugere sciebat.

Arius

Sextus

Pyron

Arius rabiem hanc inchoauit nomine infanus, qui & ob linguæ intemperan- Arius
 tiam poenas morte, in locis dedit impuris. uoti non egritudinis opus factus,
 Iudæ ob similem uerbi prodicionem sustinens crepationem. alij autem mor-
 bum suscipientes, artem struxere impietatis, ij nempe, qui ingenito diuinita-
 tem ascribunt, quum interim non solum genitum, sed & procedentem à dei-
 tate exterminent, nominis tantummodo participatione trinitatē honoran-
 tes, aut hoc minus seruantes. Verum non ita beatus ille, quum homo esset
 dei, & tuba ingens ecclesiæ. sed sciebat quod tria cōtrahere in numerū unum
 impietatis esset, & innouationis Sabellij, qui primus diuinitatis excogitauit Sabellius
 contractionem. tria uero diuidere naturis, incisionem præternaturalem esse
 diuinitatis. unicum igitur recte custodiebat, diuinitati enim: & tria pie doce-
 bat, proprietati enim: neq; unico confundeat, neq; tribus contrahebat, sed
 in terminis manebat pietatis, quo inclinationem in aliam partem & contra-
 rietatem effugeret immoderatam. ac ideo primum in synodo illa Nicæna,
 & prudentium numero, quos spiritus sanctus in unum collegit, quantum in
 ipso erat ægritudinem sedauit, nondum inter episcopos ordinatus, primus
 tamen ex conuenientibus ordinandus. nilominus tamen uirtute clarus erat
 & excellebat. deinde quum malum iam maligni turbine inualesceret, & plur-
 ima occuparet: hinc enim mihi dramata exordium sumunt, quibus paulo
 minus plena est terra, plenum & mare: plurimum circa ipsum bellum erat,
 tanquam generosum sermonis præfectum. siquidem potissimum in resi-
 stendo uersabatur pugna, aliudque aliunde affluebat molestum. impietas
 enim in malorum inuentione quàm ingeniosa existit, & admodum audax
 conatu. quo pacto enim hominibus parcerent: qui nec deitati parcent. Cæ-
 terum congressus unus difficillimus fuit, afferro enim aliquid & ipse ad dra-
 ma istud. Sed charum me solum inhihet patriæ, non quæ progenuit, sed
 quam malitia elegit. hæc enim sacra est, & omnibus ob pietatem cognita.
 at illi indigni sunt ecclesia quæ eos generauit, audietis autem & in uinea spi-
 nas pullulare. sed & Iudas ex discipulis unus, proditor erat. Sunt igitur qui De Gregorio
 illi qui nomine meo appellatur causam dimittunt, qui ob doctrinæ amo- loquitur
 rem Alexandriæ tum degebat, ibique omnem assequutus fuerat dexterita-
 tem, pariter inter filios honestissimus, & unus existens, cui ab Athanasio
 concrederentur maxima. rebellionem autem, ut aiunt, moliebatur patri &
 præfidenti, eratq; drama aliorum, & manus Absolon sicut ferebatur cū ipsis.
 proinde si quis ex nobis de manu nouit, propter quā sanctus mendacio fuit
 infamatus, & mortuo uiuente, & exilio iniusto, scit quæ dico. sed & uolens il- Vide historiā
 lius obliuiscor. ita enim habeo in dubijs, ut ad humanitatē inclinari censeam ecclesiasticā
 oportere, & crimina potius dissimulare q̃ cōdemnare. malus enim cito cōte-
 mnit bonū, at bonus haud facile malū. quod enim ad malitiā paratū nō est
 neq; ad suspicionē procliuē existit. Cæterū hæc iā non sunt uerba, sed opera,
 neq; suspicio incōperta, sed fides prædicata. monstrū Capadocēse ex ultimis
 diebus

Georgius. diebus excitatum, genis malignum, malignius mente, nec penitus liberum,
 Capadox sed permixtum, quemadmodum multos esse scimus. primo igitur mensæ
 alienæ seruus & placentis uendibilis, peritus omnia uentris gratia & facere
 & dicere: demum rebus se applicuit publicis, mirumque in modum fidem est
 consequutus, ita ut carnes suille, quibus milites sustentant illi concrederentur:
 inde fidem fregit, ac uentri seruiuit. quumque solum corpus residuum ei mane
 ret, audendum sibi esse censuit, aliamque ex alia permutans regionem & ciui
 tatem, quemadmodum solent fugitiui, demum communis ecclesiæ malo,
 tanquam plaga quædam Ægyptiaca, Alexandriam peruenit. ibi ab ober
 rando constitit, ac malitiam inchoauit. & erat inter reliqua nullius precij di
 gnus, non sermonibus præditus liberalibus, non conuersatione urbanus, non
 forma reuerenti conspicuus, sed solum fictione inani personatus. prauitate
 uero & rerum confusione omnium ualidissimus. nostis enim & referre scitis
 omnes quæ contra sanctum innouauit. sapius enim iusti in manus tradun
 tur impiorum, non ut ab illis puniantur, sed ut isti glorificentur. & mali qui
 dem in morte indecenti, sicut scriptum est: nilominus pii in tempore deriden
 tur præsentī, donec dei occultatur bonitas, necnon collectiones magnæ, quæ
 utrisque postea sunt repositæ, quum & sermo, & opera, & cogitationes iusta
 dei expenduntur statera, quum surrexerit ad iudicandum terram, uolunta
 tem coniungens & opera, denudaueritque penes ipsum signanda & saluan
 da. hæc tibi persuadeat Iob, & patiens, & loquens, qui homo erat uerax, irre
 prehensibilis, iustus, pius, & reliquis quæ de ipso referuntur præditus uirtuti
 bus. tot autem ab tentatore percellitur aduersitatibus, ac ita crebris & abun
 dantibus, ut licet multi multoties, omni æuo aduersitatibus fuerint conflicta
 ti, quidam etiam iuste afflictī, nullus tamen fuerit, qui illius supergressus sit
 calamitates. non solum enim substantiæ, possessionum, bonorum, ac nume
 rosum filiorum, necnon his quæ cunctis hominibus sunt charissima, amissio
 ne ita plectitur, ut nec deplorationi propter malorum crebritatem relinque
 retur locus: sed etiam plaga nouissima in corpore ipso immedicabiliter percu
 titur & ineffabiliter. accessit calamitati huic consolatio uxoris peruersa, quæ
 ultra corpus animam etiam affligere nitebatur. habebat autem & amicos
 præcipuos, consolatores malorum, ut ipse inquit, & nequaquam medicamen
 torum administratores. qui quidem afflictiones cernebant, sed illarum my
 sterium ignorabant. nequaquam enim plagam uirtutis experientiam, sed
 malitiæ exactionem esse censebant. nec solum censebant, sed nec illi grauiter
 exprobrare erubescabant: quum oportuisset, si etiam ob malitiam perpeffus
 fuisset, ut uerborum consolatione dolorem sedassent. & tales quidem Iob fue
 re res primæ, quibus est conflictatus. uirtutis enim certamen erat & inuidiæ:
 huius quidem ut bonum quod illi resistebat superaret, illius autem ut omnia
 ferens immobilis permaneret. & huius quidem ut prosperaret malitiam eius
 qui exercebatur, per punitionem recte agentium: illius autem ut conseruaret
 bonos

bonos,etiam si maioribus adhuc calamitatibus essent oppressi. quid autem ille, qui respondit per turbinem & nubem: qui tardus est ad puniendum, & uelox ad subueniendum, qui sortem iustorum haud penitus uirgæ dimittit peccatorum, ne iusti discant malitiam, terminat certamen, pugilemque uictorem claro pronunciat præconio, ac plagæ detegit secretum. censes ne me inquit, aliud tibi respondisse, quàm ut demonstreris iustus: hoc uulnerum remedium, talis certaminis corona, ipsa tolerantiae est retributio. nam reliqua forsitan parua sunt, tametsi quibusdam uideantur magna, & paruorum gratia dispensata, etiam si in duplo plus accipit quàm ei fuerat ablatum. Non igitur & hic quoque mirum, si Georgius plus haberet Athanasio, sed longe mirabilius, si iustus non tentaretur tentationibus, neque hoc mirum ualde, sed si flammæ pluribus essent contentæ. sic ille è pedibus est sublatus, exiliumque pulcherrime digessit. sacris enim & diuinis per Ægyptum monasterijs se ipsum obferens, illis tradidit hominibus, qui se à mundo seperarunt, & solitudinem amantes deo uiuunt, magis quàm cuncta alia quæ circumuertuntur corporibus. quidam enim penitus solitariam & incommixtam agunt uitam, solum cum semetipsis & deo loquentes, & unum hunc decorem scientes, quod in heremo esse cognoscuntur. alij autem dilectionis legem communiōe amant, solitarij pariter & mixti, alijs quidem hominibus mortui, nec non negocijs quæ in medio uersantur rotant ac rotantur, nosque labilibus ludunt mutationibus, inuicem se decorantes, ac uirtutem assidua additione augentes. Cum ijs magnus ille est conuersatus, tanquam omnium aliorum mediator esset & conciliator, eum imitatus qui sanguine suo distantia redegit ad pacem: sicque uitam solitariam cum communicatiua conciliauit, ostendens quod & sacerdotium philosophia existit, philosophiaque sacrorum indiget disciplina: ita enim utraq; coaptauit, & in unum reduxit, tam actionem quietam, quàm quietem negociosam, ut persuaderet uitam monasticam morum potius constantia, quàm corporis insigniri secessione. quemadmodum & Dauid magnus negociosissimus erat, ille idemque perquam solitudinarius. si saltem illud, solitarius sum ego donec pertransiuero, magnum est, & ad sermonis demonstrationem fide dignum. ac ideo ij qui inter alios uirtute præualent, illius sententia plus superantur, quàm quantum alios uincunt. & quum pauca ad sacerdotij afferunt perfectionem, pro ijs plura ad philosophiæ utilitatem recipiunt. Proinde lex illis erat, quicquid illi uidebatur, & rursus quicquid non uidebatur antiquabatur. & Moysis tabule illis erant dogmata eius, ueneratioque maior, quàm sanctis debetur ab hominibus. Quin etiā quum quidam aduenissent, qui sanctum tanquam feram indagabant, nec inuenire poterant, licet undique illum quæsiuissent, nullius precij dignos censuere missos, sed collum ad enses protendebant, tanquam pro Christo periclitarentur: ac pro illo extrema quæque pati maximam philosophiæ partem esse censebant, multumque longis ieiunijs, ac humi dormitationibus, necnon reliquis

R afflictio

afflictionibus, quibus illi semper oblectantur, diuiniorum & sublimiorum arbitrabantur. Ille igitur in his erat, & Salomonis dictum illud sapiens laudabat, omni rei suum esse tempus. ac ideo parumper se occultabat, donec belli tempus effugeret, ac pax se cum ipso ostenderet regrediente, quod & paulo post accidit. at Georgius licet ingens solitudo impediret, per Aegyptum discurrerebat, ac Syriam impietatis spoliabat potentia, nec non ortum quantum poterat scrutabatur, semper quod morbidum erat secum fumens, & leuioribus aut timidioribus adhærens. siquidem imperatoris conciliatus est simplicitati, ita enim leuitatem uoco, uenerans pietatem. etenim si uerum dicere oportet, zelum iam habebat, sed non secundum cognitionem. emercabatur autem præfectos, qui magis aurum quam Christum amabant: abundabat enim, quum ea quæ pauperibus debebantur male expenderet: & ex illis potissimum effœminatores, ac inter uiros uiriliter carētes, & generis dubij, impietate tamē manifestos, quibus quum ea quæ ad mulieres pertinent sint concedenda, nescio quo pacto Romanorum reges, quæ uirosum sunt illis committunt. His igitur maligni seruus uires acquisiuit, zizaniarum seminator, antichristi præcurzor. etenim eloquentia eius, qui tum inter episcopos primarius erat, tanquam lingua est usus, si alicui eloquentem uocare lubet, eum, qui non tam impietatis est doctor, quā inimicus & contentiosus. nam nomen lubens suppresserim. ipse autem manus loco multitudini erat, ueritatemque invertebat auro, quod per pietatem collectum, mali, impietatis faciunt instrumentum. ut igitur potētia illa penitus adimpleretur, primo quidem in sanctæ & egregiæ uirginis Theclæ Seleucia, postea etiam in urbe hac magna, synodus est congregata. unde effectum est, ut quum urbes illæ hucusque inter pulcherriimas fuissent cognitæ, hanc ob causam inter ignominiosissimas habeantur. siue turris confusionis, quæ pulchre linguas diuisit, quemadmodum & oportebat, nam mali gratia erat concordia: siue Caiphæ confessus, in quo damnatus est Christus: siue aliud quid tale conuentus ille est appellandus, qui omnia euertit & confudit, nam pium dogma & antiquum, ac trinitatis patrocinium dissoluit, iaciendo uallum, & machinationibus concutiendo cōsubstantialē. impietati autem fores referauit, per scriptorū medium, sub prætextu quidem uenerationis scripturæ, & usu nominum electorum, uere autē Arianiſmum introducens, sine scriptis, nam simile illud, secundum scripturas, simplicioribus illecebræ erant, impietatis contegentes hamum, aut imago ad omnes respiciens præſentes, non secus ac Cothurnus ille pedibus congruens ambobus, siue uniuscuiusque auræ uentilabrum. potestatem capiens a prauitate nuper scripta, & contra ueritatem machinatione. sapientes enim facti sunt ad malefaciendum, at bonum facere ignorauerunt. hinc subdola hæreticorum damnatio, quos sermone quidem declarabant, quo conatus eorum uerisimilis esse uideretur: opere uero ad ulteriora perducebant, impietatem nequaquam moderate, sed syngrapham incessanter criminantes. hinc iudices sa-

res sacrorum prophani, & mixtura noua, facies publica, & mystica problema. nec non iniqua uitæ scrutatio, ac sycophantæ mercede conducti, iudiciaque ob uerba etiam prolata. unde quidam iniuste à thronis sunt extrusæ, alij uero eorum loco introducti, & impietatis chirographa, tanquam aliud quid necessarium exacta, ac atramentum in promptu, & sycophantes iuxta. talia plurimi è nobis aliàs etiam inuicti pertulere, non quod intellectu caderent, sed scriptis seducerentur, & malis per utraq; in unum peruenirent, fumique si non ignis participes fierent, ob quæ sæpius sum collachrymatus, quum confusionem cernerem, tum uigentem, & recti uerbi persecutionem à uerbi præsidibus, nunc exurgentem. præsentem enim tempore pastores facti sunt insipientes, secundum quod scriptum est, Et pastores multi deuastarunt uineam meam. confuderunt partem desiderabilem, ecclesiam dei dico, multo sudore & labore, tam ante quam post Christum congregatam, sed & magnis dei pro nobis passionibus ipsis roboratam: exceptis admodum paucis, qui propter paruitatem fuere despecti, uel per uirtutem resistere ausi. quos oportebat ut pro semine & radice relinquerentur Israël, quo iterum refloresceret, & spiritus uiuificaretur affluentia. omnes se tempori adaptarunt, tantum inter se contendentes, ut quidam antea, quidam uero postea paterentur. & ut nonnulli propugnatores ac præsidēs fierent impietatis, alij autem in secundo constituerentur ordine, uel timore perculsi, aut proprii commodi gratia seruientes, seu adulatione inescati, siue ignorantia decepti, quod erat modestissimum, si saltem hoc ad excusationem satis est illis, quibus populi concredita est cura. quemadmodum enim leonum & animalium reliquorum motus non sunt idem, neque uirorum & mulierum, seniorum & iuniorum, sed non parum inter genera interest ac ætates, ita euenit & inter subditos & imperantes. fortassis enim popularibus qui talibus obnoxij sunt passionibus ignoscimus, illis enim sæpius saluti est quod sint inexperti. doctori autem, qui aliorum ignorantias emendat, quomodo hoc concedemus? si saltem non est falso nomine præditus. quomodo enim non absurdum est? Romanorum legem nemini ignotam esse debere, etiam si admodum rusticanus sit & imperitus. nec legem subuenire ijs, qui per ignorantiam delinquant. Salutis autem ductoribus salutis ignota esse principia, etiam si contingat in alijs eos simpliciores esse, & intellectu non adeo profundo. sed esto, detur uenia ijs qui per ignorantiam sequuntur, quid dices de alijs, qui industriam sibi uendicant? ob quas inquam causas præstantiores accusant, & pietatis scenam ut plurimum ludunt, tanquam apparuerit quid quod sit reprehendendum & exorbitant. Quin & scripturam audio dicentem, semel commotum esse cælum & terram, tanquam passi sint hoc & antea: quæ ut arbitror, ita insignes rerum ostendit innouationes, & nouissimum terræmotum, si Paulo credimus dicenti, nil aliud fore, quam secundam Christi præsentiam, & uniuersi huius transmutationem & transpo-

sitionem, in immobile & tranquillum. at temporis præsentis motum hunc nullo priorum arbitror esse minorem, per quem quidem à nobis mouetur quantum est philosophicum, & deo acceptum, & priusquam tempus sit eorum, qui in cœlestibus agunt. qui quum in reliquis sint pacifici ac modesti, hoc nequaquam æque ferent, ut deus propter quietem prodatur, sed & hic admodum bellicosi sunt & inexpugnabiles: talis enim est zeli feruor, ac citius minus decenter contra mouerentur, quam id quod decens est destituerent. sed & populi pars non minima unà abrupitur, alitum instar, sturnatim se aggregans, ac ne nunc quidem desinit assistere. Et hæc sunt quæ Athanasius egit, quandiu ecclesiam tanquam columna sustentauit, & quæ postea quam improborum calumnijs cessit. quemadmodum enim ij, qui præsidium aliquod forte capere intendunt, quum cernunt id aditu & captu difficile esse, ad artem se conuertunt. & quid inde? pecunijs aut dolo præfectum subtrahunt præsidij, ac ita iam præsidium sine ullo occupant labore: aut si mauis quemadmodum ij, qui Sampsoni insidiabatur, comam prius in qua habebat fortitudinem detondebant, inde iudicem manibus capiebant, postea illi quantum uolebāt illudebant, priusquam uiri fortitudo resistere posset: ita & contra nos alienigenæ potentiam nostram è pedibus sustulerunt, ac gloriam ecclesiæ abraferunt, & sic demum in impietatis & rebus & doctrinis delitiose egerunt. Interea deo inuisi pastoris fautor & protector, uitam cum morte mutauit, malum caput, regno non malo imponens, quod & inutile, ut ferūt, in nouissima spiritus exhalatione cognouit. nam unusquisque aptus rerum suarum iudex existit, propter iudicium quod illic est. tria igitur mala & quæ regno eius indigna essent sibi accidisse dixit, & generi cædem, & apostatæ liberationem, & fidei innouationem, ac cum uoce hac discessit: rursus igitur ueritatis sermo potestatem accepit, ac qui ui oppressi fuerant loquendi libertatem receperunt, quum zelus acueret iram, quod quidem Alexandrino accidit populo, admodum contra uiolentos concitato. nam quum nequaquam uiri tolerare possent immodestiam, noua morte, improbitatem, noua quæ iniuria mortem infamarunt. scitis camelum illum, & nouum onus, sublimitatem quæ nouam, ac circuitum primum, & ut arbitror, solum: quæ cuncta præsentibus quoque uiolatoribus minantur. postquam autem iniustitiæ tempestas uiolenta, pietatis intersector, maligni præcursor, tales poenas dedit, quas nec ego laudare possum: si quidem nō quæ illum pati, sed quæ nos facere decuisset considerare oportet: dedit tamen, quum ira populi uniuersi, ac impetus in illum grassaretur, regressus est athleta ex peregrinatione pulchra. ita enim fugam illius propter trinitatem & cum trinitate uoco. adeo autem beniuole exceptus est ab urbanis, & quasi ab Ægypto uniuerso, ut undique & ad omnem concurreretur locum altiorem, quo nonnulli Athanasij uoce solum, alij autem forma satiarentur. quidam autem, quem admodum & de apostolis audimus, ut umbra solum & noua corporis sanctifica-

etificarentur forma: ita ut licet multis, multoties, à multis omni iam tempore
 facti sint honores & occurfus, non tantum principibus publice & sacerdoti-
 bus, sed & priuatis illustrioribus, nulli tamen humaniores recenferi possint
 & splendidiore. nisi quis Athanasium ipsum cum his uelit comparare, &
 honorem qui ei in priori exhibitus est ingressu, quum ad eosdem & ex ea-
 dem regressus esset fuga. sed & talis de honore illo dicitur sermo. referatur
 enim etiam si uideatur superuacuu, tanquam condimentum sermonis, &
 flos redolens, quidam præfectus post illum ingressus est introitum, noster
 hic erat capadox, & ex potissimis. Philagrium illum sat scio nostis, & amo-
 rem quo illum homines prosequuntur, plus quàm ullum alium, honoremq;
 iuxta amorem, ut paucis uerbis illum planè cognitum reddam. cui & guber- *Alexandriae*
 natio, & legatio ciuitatis imperatoris suffragio iterum delata fuerat, ex hu-
 ius igitur comitibus quidam, cui populi multitudo infinita apparebat, &
 quam tanquam pelagi uastitatem nec oculis comprehendere poterat: ad
 quendam familiarem & amicum suum dixit, quemadmodū in talibus eue-
 nire solet: dic mihi optime, num prius tantam populi uideris multitudinem,
 & tam alacriter ad unius honorem effusam. quumq; iuuenis negaret, adde-
 retq; sibi uideri nec Constantium ipsum talem consequutum esse, tanquam
 mentione regis magnitudinem honoris ostendere uellet, blande ille & sua-
 uiter ridens, inquit, quid hoc tanquam magnum & mirandum dicis? uix ut
 arbitror, Athanasius magnus ita introduci posset: sed & ad sermonis confir-
 mationem iuramentum quoddam solitum addidit. id autem sermo eius uo-
 lebat, quod & uobis constare arbitror, ut is quem nūc laudamus regi etiam
 ipsi antefereatur. tanta apud omnes uiri erat ueneratio, tantusq; stupor in-
 troitus memorandi. per genera enim & ætates, necnon artificia, homines di-
 uisi erant. solet enim se ciuitas illa potissimum ita instruere, quum alicui ho-
 norem exhibet publicum. uerum quo pacto spectaculum illud ingens ser-
 mone explicare potero? fluuius erat unus, quem poëta quispiam auro fluen-
 tem, seu spiciferum nominare posset, per diurnum spacium, ac plus etiam à
 ciuitate, uice uersa per terram labens. permittite ut me paulisper narratione
 oblectem, illic enim uersor, nec facile à festiuitate illa sermonem abducere
 queo. Athanasium uero pullus gestabat, & ne me socordiae arguatis, tan-
 quam pullus ferè ille, Iesum meum. Siue populus fuerit gentilis, quem bene-
 factis ascendit, ignorantiae uinculis solutum: siue aliud quid sermo ostende-
 re uelit: ramiq; ipsum suscipiebant, ac uestis floridæ & uariæ substratio, quæ
 sub & super illum expandebatur, quum solum ignominia afficeretur subli-
 me, & quod simile non haberet, imago inquam, & ipsa aduentus Christi, ac
 præclamantes & præsultantes. nec solum puerorum turba collaudabat, sed
 omnis lingua concordans, & discordans inter se uincere contendebat: ut in-
 terim dicere obmittam, populi uniuersi plausum, ac effusionem unguento-
 rum, necnon peruigilium, & totam ciuitatem luminibus resplendentem, pu-

blicaque ac conuiuia priuata, & cuncta alia, quibus ciuitates lætitiā ostendere consueuerunt, quæ tum abundanter & præter mediocritatem in gratiam eius sunt impensa, ac ita & cum panegyri tali, admirandus ille ciuitatem suam recepit. uiuebat igitur quemadmodum populi decet præfectos, docebat autem non ut uiuebat, nec decertabat quemadmodum docebat. ac ideo minus quàm si qui ob sermonem aliquem decertabant periclitabatur. quum uero decertabat, plus honorabatur. sed nunquid illum ingressus quicquam post ingressum pudefecit? nequaquam, sed omnia inter se ita habebant, quemadmodum in lyra una, & harmonia eadem, uita, sermo, certamina, pericula quæ in regressione & quæ post regressionem per tulit. postquàm enim ecclesiam adeptus est, nequaquam ei accidit quemadmodum ihs, qui ob iram sunt excæcati: illi enim in quod incidunt, illud primum urgent & plectunt, etiam si aliquāter uenia dignum existat, quum superet ira. sed præcipue tempus illud, ad bonæ famæ existimationem sibi deseruire censebat. quoniam id quod male patitur, semper est modestius, quod uero retribuendi potestatem habet incontinentius. nam adeo mansuete & mite res illorum, qui ipsum offenderant tractabat, ut nec illis ipsis, si hoc dicere est possibile, uiri reditus esset iniucundus. Purgauit enim templum dei à cauponantibus deum, & uendentibus Christum, ut in hoc imitaretur Christum, præterquàm quod non placuit flagellum, sed sermonis persuasionem id perfecit. quod uero dissidebat, tam inter se, quàm cum semetipso conciliauit, nullo indigens adiutore. dissoluit autem ihs, qui iniuria affecti erant, tyrannides, nullum discrimen faciens inter eos qui patris suæ fuerant, uel contrariæ, suscitauitq; uerbum quod ceciderat. rursusque trinitas audax facta est loquendo, constituta super candelabrum, ac splendido unius deitatis lumine in animabus coruscavit omnium. & rursus orbi leges tulit, ad seque omnem conuertit cogitationem. hos quidem iubens, illos uero uocans. sed & quosdam qui non uocati accedebant sapienter instruens. omnibus autem legem unam proposuit, uelle. illud enim solum ad manu ductionem melioris sufficit. & ut summatim dicam, duorum lapidum naturas imitabatur laudabilium. factus enim est percutientibus adamas, dissidentibus uero magnes, qui ui naturæ ineffabili attrahit ferrum, & quod firmissimum est inter materias edomat. uerum hæc inuidia nequaquam permittere debebat, nec cernere, ut ecclesia rursus ad eandem gloriam eandemque resurgeret sanitatem, ac cito quod distabat, quemadmodum in corpore cicatricem duceret, & ideo suscitauit illi regem, qui à seipso deficeret, & sibi ipsi improbitate par esset. solo tempore destitutum. qui primus ex Christianis regibus contra Christum insaniuit, ac Basiliscum impietatis quem occulte in se ipso parturiebat, abunde peperit, postquàm tempus adeptus est, ac Cæsar designatus. malus contra illum qui ei regnum crediderat factus. peior uero contra deum, qui eum saluauerat. persequutionem enim excogitauit inhumana

inhumanissimam, ultra omnes quæ unquam fuerant. siquidem tyrannidi admiscuit persuasionem: patientibus enim inuidit, & honori qui debetur decertantibus, ac dubium reddidit certamen uirile, sermonum uersutias & nexus ad mores transferens. seu ut uerius dicatur, à moribus illis operam impendens, dum spiritum malignum, qui in eo habitabat artis imitatur uarietate. Ille igitur rem paruum esse censebat, uniuersum Christianorum euertere genus. magnam autem, ut Athanasium superaret, necnō uim quam is habebat in sermonibus, neminem enim uidebat machinationibus contra nos suis plus quàm uirum illum obuiare & resistere, quum assidue Christianorum exinanitio, prudentia illius gentili suppleretur additione. quod quidem admodum mirabile erat. hæc quum grauis ille cerneret ueterator & persecutor, non ultra in fictione perstitit, necnon illiberalitate sophistica, sed improbitatem detexit, ac uirum palàm è ciuitate in exilium pepulit. quum enim generosus ille in tribus uicisset certaminibus, oportebat ut nouissimum quoque, & liberationem assequeretur. uerum parum in medio fuit, quum iustitia execrandum illum Persis, ut ibi iudicaretur, tradidit. quæ & regem contentiosum remisit, mortuumq; illinc sine misericordia reduxit. & ut ego à quodam audiui, neque sepulchro conditum, sed à terra propter ipsum commota absorptum & concrematum. præludium, ut arbitror, supplicij quod illic est. Surrexit autem rex alius, nequaquam facie impudens quem Iouianus admodum prædictus, nec qui Israël malis premeret operibus & præceptis, sed ualde pius & mansuetus, qui ut optimum sibi regni iaceret fundamentum, & à laudabili legislatione unde oportet inciperet, episcopos ab exilio reuocauit, necnon alios omnes, & ante omnes eum qui uirtute superabat omnes, & qui manifeste pro pietate decertauerat. Sed & fidei nostræ ueritatem perquisiuit, à multis distractam & confusam, ac in multas opiniones diuisam, quo orbis uniuersus, si possibile esset in concordiam redigeretur, ac in unum spiritus ueniret cooperatione. sin minus, ut ipse saltem optimam sequeretur, & illi robur conferret, rursusq; ab illa reciperet. admodum sublimiter & magnifice de maximis cogitans. unde præcipue uiri patuit puritas, & fidei in Christum firmitudo. quum enim ex omnibus alijs, qui sicut & nos, uerbum in triplicitatem distribuunt, multi sunt, qui circa filium ægant, plures uero circa spiritum sanctum, pauci autem qui circa utraque hæc recte sentiant: primus & solus, aut admodum cum paucis, pro ueritate audaciam induit. adeo manifeste & palàm, ut trium, unam deitatem & essentiam, in scriptis confiteretur. & qui prius multo patrum numero gratificatus fuerat de filio, id postea ipse inspiratus de spiritu fecit sancto: donumq; regium ac rege præstitit dignum, pietatem nempe scriptam, contra innouationem non scriptam: quo rex cum rege, ac sermo cum sermone, necnon litera decertaret cum litera. hanc confessionem uidentur mihi uenerari tam ij, qui uersus occasum, quàm qui uersus ortum degunt. & hi quidem pietatem

ad intellectum usq; deducunt, si quid ipsis dicentibus est credendum. ultra autem non producant tanquam foetum mortuum, qui in matris occumbit utero. illi autem parumper succendunt, tanquam scintillam ac se expurgant tempus, aut ex orthodoxis feruentiores, cuius partis ego sum. nō enim plus audeo gloriari, quum haud amplius meam dispensem timiditatem, quem admodum intellectum marcidiorum. satis enim dispensabimus, si nequaquā alienum assumamus, & quod nostrum est corrumparamus. quod quidem malorum est dispensatorum: sed ut usuram in lucem deducam, & cum omni nutriam studio, ac omniū exponam oculis semper perfectam. Proinde ex operibus eius minus hoc admiratione dignum existit. qui enim opere pro ueritate periclitatur, quid mirum si literis illam quoq; confitetur. hoc uero ex uirigestis praecipue admirari cogor, ac damnū esset si taceretur propter tempus, in quo admodum multae pullulant dissensiones, ac ideo id praedictis addidero. siquidē actio illa ipsa, etiam qui nūc uiuunt instructio erit, si respexerimus illac. quemadmodum enim quum aqua quaedam intercідitur, nō solum tantum quantum manus reliquit hauriens, sed & quantum manu continet per digitos effluit: ita & in rebus nostris nō solum quantum impiū est discinditur, sed & id quod magis piū existit dilaceratur. non tantū in rebus paruis & neglectu dignis, id enim minus graue esset, sed iam circa ea uerba quae in sententiam ferunt eandem. quum enim una essentia, & tres substantiae, pie à nobis dicantur, illud enim diuinitatis naturā ostendit, hoc autem proprietates trium, quae etiam apud Italos pariter agnoscuntur, licet ob linguae per neseos angustiam, & nominum inopiam, substantiam nequaquam diuidere possint ab essentia, ac ideo personas introducūt, ne tres essentias suscipiāt. quid sit: ualde ridendū quidpiam, uel potius miserandum ob soni in loquendo angustiam, fidei subesse uisa est differentia. hinc postea Sabellismus tribus excogitatus est personis, & Arianismus substantiis tribus, contentionis figmenta. postea quid? quum semper paruum aliquid quod offendat adijciatur, idē contentio triste reddit, periculum imminet, ne unā cum syllabis abscindantur etiam termini. haec igitur beatus ille uidens & audiens, ac tanquam uere homo dei, & magnus animarum dispensator, absurdam illam & adeo irrationalem uerbi incisionem, nequaquam negligi oportere censens, hoc à seipso remedium attulit morbo. & quomodo hoc facit? utranq; aduocat partem admodum mansuete & humaniter, mentemq; dictorum diligenter est scrutatus. postquam uero unā sentire repperit, & in nullo circa sermonem differre, nomina concessit, rebus pacificauit. hoc longis laboribus & sermonibus quos omnes iam literis celebrant cōducibilis existit, quibus & contentionis quid adnectitur, & propter hoc forsitan circa sermonem quid innouatur. hoc multis uigiliis & in terra dormitationibus est honorabilis, quorum lucrum ad recte acta usq; procedit. hoc autem decantatis exiliis & fugis uiri dignum existit, pro quibus enim illa pati elegit, ipsa etiā post passionem

nem operam impendit, quod & in alijs faciens peregit, illos enim laudabat, hos uero mediocriter percutiebat, & horum quidē segnicie[m] suscitabat, aliorum autem feruorem cohibebat, & his ne aberrarēt prouidebat, alios autem aberrantes emendare studebat, moribus simplex, multifcius gubernatione, sapiens sermone, sapientior intellectu, humilis humilioribus, excelsior sublimioribus, amicabile, hospitalis, suplex, mala arcens, omnia unus uere, quæ gentilium filij diuersa deis suis celebrando attribuunt, addo & iugale, ac uirgineum, necnon pacificum, cōciliatiuumq[ue], & præmissiuum eorum, qui hinc festinant, & quæ mihi nomenclatura aut uiri suppeditat uirtus, ubiq[ue] corrādere uolenti. Quum igitur ita docens & edoctus uiueret, ut uita eius & mores definitio essent Episcopæ, dogmata uero rectæ opinionis norma, qualem pietatis retulit mercedem; nam nec illud præterire decet, in senectute bona uitam finiuit, additusq[ue] est patribus suis patriarchis & prophetis, necnon apostolis & martyribus, qui pro ueritate decertarunt. Et ut breuiter epitaphium quoque adiiciam, egressio[n]is honorem maiori honorate sumptu, quàm ingressio[n]is. siquidem multas mouens lachrymas, maiorem quàm quæ cerni possit circa eum gloriam omnium infundam mentibus. Cæterum o amicum & sacrum caput, quod & sermonis & silentij mensuram, inter reliqua tua bona, excellenter honorasti, hic nobis sermonem siste. qui si ueritate fuit minor, non tamen uiribus meis inferior; tu autem è supernis propitius nos respice, & populum hunc sanctum dirige, trinitatis sanctæ adoratorem, quæ in patre & filio & sancto ueneratur spiritu, contemplationeq[ue] comprehenditur, & nos in pace quidem foue, & compasce: in certamine autem dirige & suscipe, & cum te ipso statue, & ijs qui tales sunt ut tu, etiam si magna sit petitio, in ipso Christo domino nostro, cui omnis gloria, honor, potentia in secula, Amen.

DIVI GREGORII NAZIANZENI THEOLOGI IN
CYPRIANVM ORATIO



PARVM defuit quin Cyprianus nos effugisset, o iacturam grauem, idque uos tolerare oportuisset, quibus uir hic præ cunctis alijs admodum mirabilis existit, quem & annuis festiuitatibus honoratis & diebus. Cyprianus, inquam, cuius etiam ab obliuiosis in alijs meminisse necessarium foret, si saltem optimorum præcipue memoria est habenda, & quorum recordatio sancta pariter est & utilis. uerum cum usura debitum reddemus, dummodo adeo abundantes uideamur, & non penitus indigi simus & pauperes, tamen ualde pauperes existamus. sed scio, quod nobis ob procrastinationem & inopiam parcetis. quumq[ue] uir ille in omnibus magnanimis fuerit & philosophus, uel solum ideo gratias agemus, quod haudquaquam nos effugerit: gratias autem agemus, quoniam id dignum est. exordiendum autem tanquam ob
bonum

bonum uestrum reuertamur, ac pulchras dei mensuras, qui omnia pondere & mensura definit & dirigit, ex quiete ad sermonem, ex martyris amatore ad martyres, ex remissione corporali ad conuiuium spiritale. Proinde desiderauimus uos o filij, à uobisque desiderabamur, id enim credo, uidete patris beniuolentiam, quod mihi accidit dico, quod uero uobis testor: tantisperq; inter nos seiuncti fuimus, donec absentia desiderium cognoscere mus, & illius sumeremus experimentum. quemadmodum pictores tabulas, iterum sumus regressi. Quàm magnum memoriæ incentiuum est consuetudo, etiam perbreuis nrs qui moribus præditi sunt gratiosis, ac dei clementiam imitantur. Et quur, quum Christi simus discipuli, qui se propter nos ad serui usque formam exinaniuit, ac quum peregrini rerum essemus coelestium ad seipsum congregauit, inuicem amplecti haud deberemus & fouere spiritusq; unitatem in uitæ custodire uinculo: quæ legis ac prophetarum caput existit. Proinde unicum beneficentiæ ac primum hoc est, ut ocysime in mutuos ruamus amplexus, nequaquam enim dilationem fert zelus, ac nrs qui desiderio laborant tota uita dies est unicus. Secundum autem quod & maximum est, ne post festum demum curramus, aut martyrum priuemur celebritate, necnon delitijs & refrigerijs quæ inde nobis proueniunt. Ego enim inter alia planè me segniorem esse fateor, & omne desiderium deposui, postquàm me addixi Christo. nec quicquam eorum me attollit quæ alijs iucunda sunt & appetuntur. non diuitiæ deorsum trahentes & rotantes, non uoluptates uentris, ac satietas iniuriæ parens: non uestitus mollis circumfluens, non geminarum gratia splendens, non auditus præstigiens, non olfactus effœminans, non populi & theatri plausus insaniens, quos iam pridem appetentibus reliquimus: non quæcunque gustus nostri primi, ob quem perijmus, sunt foetus: sed & magnam eorum ignauiam esse scio, qui his se uincere, ac animæ generositatem uilibus his corrumpi sinunt, rebusq; fugitiuis non secus ac stabilibus adhibent mentem. at ego in re hac admodum insatiabilis sum, illamq; amplector, & affectum hunc meum magnifacio, ut martyrum oblecter honoribus, ac certantium exultem sanguine. aliorum sint certamina & uictoriæ, mihi autem curæ sunt coronæ. adeo gloriam illam præripio, adeoque recta facta mihi domestica facio. Proinde omnibus martyribus festiuitates sunt peragenda, omnibusq; prompte & lingua, & auditus, & intellectus aperiendus, tam illis qui aliquid de istis dicunt, quàm qui audiunt, omniaq; minora quàm illorum putanda sunt certamina. Ita enim res se habet, quod quum multa sint quæ nos ad meliora producant, ac multa quæ ad uirtutem erudiunt, uerbum, lex, propheta, apostoli, Christi passionibus ipsæ, martyris primi qui in crucem ascendit, ac me secum deduxit, ut peccatum meum illic affigeret, de serpente triumpharet, lignum sanctificaret, uoluptatem superaret, Adam rursum saluaret, imaginem ruinam minantem reuocaret: inter tanta tamen & talia

talia, non minus nos martyres instruunt, quum holocausta sint rationalia,
 sacrificia perfecta, oblationes acceptæ, ueritatis præconia, mendaciæ infama-
 tio, legis spiritualiter intellectæ adimpletio, erroris dissolutio, malitiæ perse-
 cutio, peccati submersio, mundi expurgatio. Tuum autem Cypriane no-
 men & opera plus mihi quàm martyrum aliorum sunt uenerabilia. si qui-
 dem nulla inuidia erga martyres instigat, mirabiliterquæ à uirtute tua supe-
 ror, ac memoria releuor, & tanquam numine afflatus, uoluptate corripior, ac
 modo quodam martyrii particeps fio, certaminiq; communico, & totus ad
 te transmigro. forte propter sermonum domesticitatem, quibus tantum
 alios superas, quantum ea quæ naturæ sunt rationalis bruta. Cooperatur
 autem, haud scio quo nam modo, amor inter conuenientes, non minus in re-
 bus alijs, quàm inter sanguine iunctos, forte etiam propter mutationem in-
 gentem & admirandam, quæ sermone etiam & exemplo melior existit, quo-
 niam sol diu nubibus obtectus lætius splendet. sed & uer post hyemis tristi-
 tiam est acceptius, iucundior & tranquillitas blanda ac mare quietum post
 seditiones uentorum & perturbationem aquarum litoribus alludens. hic
 Cyprianus ô uiri, quo uos qui nostis iucundiores reddamini ob memo-
 riam, qui uero ignoratis id quod pulcherrimum est ex nostris discatis nar-
 rationibus, necnon communem gloriam Christianorum. Hic inquam, in-
 gens olim Carthaginis nomen, nunc autem orbis uniuersi, diuitijs clarus,
 potentia conspicuus, genere cognitus. magnum enim nobilitatis indicium,
 quod in senatu clarissimus erat & præcipuus, flos iuuentutis, naturæ statua,
 eloquentiæ princeps, tam illius quæ ad philosophiam, quàm quæ ad aliam
 spectat doctrinam, idq; in quamcunque uolueris partem, ita ut non minus
 in unoquoque uarietas quàm subtilitas admirationi existeret. seu potius in
 singulis, doctrinæ uniuersæ excellentia summa. uel ut manifestius distin-
 guam, alios quidem uarietate, nonnullos uero sublimitate, quosdam etiam
 utroque, omnes autem omnibus superabat. Sermonum equidem, sermo-
 nes sunt testes, quos multos ille & præclaros nobis suppeditauit, postquàm
 dei clementia, qui omnia facit, & in melius disponit, studia ad meliora
 transtulit, rationeq; rationis defectum effugit. ad ea uero quæ sequuntur,
 haud scio quo pacto sermone uti, aut qualis fieri debeam. quomodo enim,
 non longum extenderem sermonem, illumq; penitus intempestiuum? si o-
 mnia Cypriani gesta recensere uellem. quomodo autem non magnopere
 præsentem offenderem? si de his reticerem. ut igitur per uiam mediam in-
 ter tempus & audientium desiderium incedam, ita mihi faciendum esse
 uidetur, ut alia quidem scientibus relinquam, quo ignorantes doceant,
 si saltem sunt quidam, ut utrinque pariter, tam ij qui gesta illius docent,
 quàm qui discunt, emolumenti quid capiant. Quandoquidem uiri illius
 solum meminisse, sanctificatio est, maximumquæ ad uirtutis exhortatio-
 nem incitamentum est sermo. breuiter igitur unius aut alterius ex gestis eius
 mentio,

mentionem faciēmus, præcipue illarum quæ nec data opera possibile esset ut obmitterentur. Prioris itaq; uitæ eius meminero, & quæ salutis ei uia, ac quæ uocatio, mutatio præterea fuerit ad melius. Cæterum admodum ingenerosum foret & pusillanimum, si censeretur, quod pugil ob memoriam iniuria afficeretur rudiorē. Nam hoc pacto nec Paulus ille magnus nobis esset laudāndus, & Matthæus publicanus inter pessimos habēdus esset, quem admodum & Cyprianus ipse. hic enim priorum persequutionum suarum meminit, zeliq; immutationis, quo ex prioris uitæ comparatione, magis benefactorem glorificaret. ille autem in discipulorū numero publicani sibi nomen imposuit, tanquam aliquid, quod inter honoranda esset insigne. Cyprianus uero longo sermone sui ipsius malitiam infamia notauit, quo & deo confessionē fructificaret, ac multis qui se à prauitate conuertunt uia ad spem fieret meliorem. Quæ igitur prauitas? & cōsiderate qualis ac quā magna. Dæmonum cultor erat, qui postea discipulus Christi: necnon persequutor amarulentissimus, qui magnus ueritatis pugil euasit: sed & uerbo & opere nostram perturbabat uiam, quoniam ambobus excellebat, qui & ambobus postea optimus fuit Christianus. Quantum uero malum fuit magia, his omnibus coniuncta: quæ inter reliqua eius opera notissima erat. necnon corporis insatiabilitas, quæ & eos qui inter alios sapientes sunt insanos reddere potest, ac deterius sapere cogit, non secus ac pullus indomitus rationē eripiens. Cæterum sermo nobis ad caput ipsum uenit, uerum non ideo quispiam ad priora Cypriani respiciens, uoluptatibus capiatur, sed posterioribus potius continens esse discat. uirgo quædam erat nobilis & decora, ob corporis elegantiam amore, propter morum uero præstantiam æmulatione digna, nam & forma erat conspicua, animi autem uirtute longe præstantior. huius pulchritudo fama diuulgata, iuuenem confestim amore sautiauit. audite uirgines, & unā exultate, immo quæ sub matrimonij iugo estis castæ ac castitatis amatrices. siquidem narratio hæc utrisque ornamento erit. uirgo igitur illa adeo forma erat speciosa, ut diuini Dauid carmen illi congrueret, dum ait, omnis gloria filiæ regis ab intra, erat enim sponsa Christi electa. pulchritudo singularis, statua animata, asylum oblationis, templum inaccessum, hortus cōclusus, fons signatus, ut aliquid illi à Salomone quoq; accinatur. solo enim Christo erat reseruata. huius amore magnus captus est Cyprianus, unde & quomodo ignoro, nam illa penitus tutam se & decore obseruabat. tangunt enim oculorum faces intangibilia etiam. instrumentum enim sunt expeditissimum, & nulla satietate implendum, ac non solum captus est, sed & sollicitauit. Proh stoliditatis, quod illam prædari sperabat, seu potius imprudentiæ. proinde is qui tale quid audebat, & ad audēdum persuadebat, ille idem erat, qui sub initium contra primam creaturam in paradysum proserpsit: & medius inter angelos stetit, Iob exquirens: tandemq; propter eandem audaciam à domino destructus est & interfectus, quod eum tentare auderet, qui tenta-

tentationi nequaquā subiaceret. siquidem dei apparentia, secundus illi Adam uisa est. ac ideo illum est adortus. ignorabat enim quum hominem aggrediretur, quod incideret in deum. Quid mirum igitur, si per Cyprianum, etiam animam sanctam & corpus nō tangendum tentaret. Ille igitur tentabat, sed nullo utebatur internuncio. nō muliercula aliqua, iam pridem ad negotium tale apta, sed dæmone quodam, & corporis & uoluptatū amatore. quoniam uirtutes defectrices & inuidæ, admodum celeres ad ministerium sunt tale, ac multos ruinæ suæ socios quærunt. erat autem conciliationis merces sacrificia, libationes, & per sanguinem ac nidorem placatio. talis enim merces debetur ihs, qui talia largiuntur. At illa postquàm malum sensit, ac insidias cognouit, puræ enim animæ ac deo forma similes, celeriores sunt ad uenationē euitandum, quàm dæmon ad persequendum, licet ualde sit uersutus, conatuq; uersipellis. Quid igitur facit? & quid contra prauitatis molitur opificem? Omnibus alijs obmissis, ad deum confugit, ac sponsum suū contra cupidinem execrandam protectorem facit. qui & Susannam liberauit, & Teclam salauit. hanc quidem à senibus amarulentis, illam autem à Proco tyranno, & patre magis etiam tyranno. & quis nam ille erat? Christus, qui & spiritus increpat, & eos qui in submersionis periculo erant subleuat, & pedestes per mare ambulat, & dæmonum legiones in profundum præcipitat, & liberat iustum ex lacu, leonibus pro cibo expositum, & manuum extensione feras superantem. liberat & prophetam profugū, à ceto deuoratū, qui in uisceribus etiam fidem seruabat. saluat etiam in flamma pueros Assyrios, quum rogam angelus refrigeraret, ac tribus se quartū adiungeret. hæc & plura alia quum commemorasset, uirginem Mariam rogauit, ut periclitanti uirgini opem ferret, ieiunijq; & humi cubationis pharmacū obiecit, ac interim pulchritudinem tanquam insidiatricem tabefecit, quo subtractione materiæ, passionū flammæ consumeret, simulq; deum humilitate placauit. siquidem ex cunctis rebus nulla magis quàm aduersitate colitur, ac lachrymis clementiā retribuit. Cæterum noui, quod reliqua narrationis desideratis, pro uirgine enim anxij estis, nec minus pro amatore, ne desiderium amborū in malum desinat. sed confidite, cupido enim fidei hospes efficitur, ac uirginem sibi ipsi desponsat amator. à Christo desponsatur, & cupidinum flamma est extincta, ueritatis autem accensa. qualiter & quo nam modo? atqui narratio mihi dehinc suauissima erit. uicit uirgo, uincitur dæmon: tentator ad amatorem accedit, uictum se prædicat: contemnitur, contemptus indignatur, ac contemptorem ulciscitur. ultio autem quænā fuit? in cultorem ipsum immigrat, quo malum malo pelleretur, & rabie rabiei medicamen fieret. à uirgine enim repellit, nō secus ac machina, à muro firmo & generoso, ob uerba & orationes profugus, ac cū eo qui illū miserat luctam inijt. proh miraculi, rursus ad mittentem reuertitur, & tanquam Saul alterū suffocare nititur. Quid igitur amator insipiens, & obsessus moderatus? mali solutionem quærat, inuenit. omnis enim

S qui

qui angitur ingeniosus existit. & quænam fuit solutio: ad uirginis deum confugit, quemadmodum Saul ad citharam & pulsationem Dauid, ad pastorem illius accedit, purgatur quemadmodum à cupiditate, propter plagam: ita & à spiritu maligno propter fidem in Christum. transfertur desiderium, diu tamen ei creditum non est, sed repulsam tulit. res enim incredibilis uidebatur & admiranda, Cyprianum aliquando Christianis annumerari. etiam si omnes homines Christi sequerentur fidem. Immutatur igitur, argumentum uero conuersionis manifestum, quod publice libros proposuit magicos, ac de malo thesauro, necnon infirmitate sua triumphum agit, prædicat stultitiam, splendidam ex illis concitat flammam, igni longam deceptionem consumendam exponit, quæ unicæ carnis flammæ nullam opem ferre potuerat. à dæmonibus deficit, deo redditur domesticus. O gratia quanta est, deum malo amore, & spiritu inuenit. Ouis sacra fit, caulæ sacræ. & ut ego à quodam audiui, minister etiam, multis rogatus ut in humilitate ob arrogantiam philosopharetur priorem, inde pastor factus est, & ferè ex pastorebus optimus & probatissimus. non enim Carthagenensium ecclesiæ præfedit soli, seu Africæ, quæ ex illo & per illum celebris in præsentem usque diem est facta, sed & hesperia uniuersa, immo orienti ferè ipsi, ad finem usque meridiei & septentrionis, quocunque ille admiratione sua peruenit. Sic Cyprianus factus est noster. hæc signorum & portentorum deus peregit. Hæc ille fecit, qui Ioseph per fratrum insidias in Ægyptum perduxit, ac illum per mulierem probauit, & frumenti distributione glorificauit, ac in somnijs instruxit, quo illi in terra aliena fides adhiberetur, & à Pharaone honoraretur, paterque multorum fieret milium. propter quos Ægyptus affligitur, mare scinditur, pane pluitur, sol sistitur, promissionis terra sorte diuiditur. nouit enim sapientia diuina, à longe etiam magnarum rerum iacere fundamenta, contrariaque contrarijs dispensare, quo plus miranda existat. Proinde ex Cypriani rebus pulcherrimis ad perfectæ laudis mensuram hæc sufficerent. nunc autem obmissa tot sunt & talia, ut si nihil ex prædictis ad laudem superesset, reliquis tamen omnes uincere posset. Nam ut media obmittam, ueluti pecuniarum contemptum, superbiam dissolutionem, corporis castigationem & puritatem, pristinis motibus contrariam, uestitus moderationem, sublimitatem in colloquijs, pariter & humanitatem, ita ut ex æquo tenuitas abesset & contumacia. humi cubationes, uigilias. nam licet tardius hæc didicisset, longe tamen præuenientes superauit. in sermonibus disceprationem, quibus uirtutes omnes docuit, & dogmatum ignorantiam purgauit, ac hominum uitas ornauit, & principalis ac regie trinitatis deitatem detruncatam, à quibusdam uero coartatam in pristinam dignitatem reduxit, in pietatis terminis unitatis & connumerationis permanens. hæc igitur propter multitudinem contraham, ac per uitæ illius dissolutionem orationem etiam dissoluam. Insaniebat contra nos Decius, ac omnes pœnarum formas

mas excogitabat . quædam igitur ex grauibus præsentia erant , alia uero in futurum expectabantur . æque autem decertabat , ut & Christianos tolleretur , & priores persequutores sequitia superaret . seu potius ut Christianos omnes , aut Cyprianum solum tolleretur , & coram tribunali sisteret . Quantum enim pietate & gloria uirum præcellere nouerat , tantum etiam sibi uictoriam splendidiorē & clariorem fore putabat , si illum superasset . solum enim hunc ex Christianis superesse , quem si uicisset , eadem etiam opera eos philosophia ipsa , ac sermonibus , necnon lingua prius priuare posse . Inde ipsos qui illis essent muniti , mutos & ratione cassos seducere pulcherrimum stratagemata fore censebat . nequaquam recte seu pie ita cogitans , sed potius contra rationem omnem , necnon consilia sua & conatus proprios . quod quidem & res ipsa ostendit . postquam enim Cyprianus aggressionem omnem ac tentationem uiriliter ac genereose repulisset , non secus ac petra marina incursiones aquarum , tandem in exilium à Decio est pulsus . Verum nequaquam illi curæ erat generositas sua , nec ideo oblectabatur quod esset saluatus , neque corporis securitatem ignominia , aut animæ periculum quieti præferebat : sed potissima eius cura erat , ne despiceret illos qui eo tempore periclitabantur , quum non esset qui eos ad certamina instrueret & hortaretur . siquidem non paruas sermo uires habet ad confirmandum animos eorum , qui iam in uirtutis stadio uestes deponunt . ac ideo corpore quidem aberat , spiritu uero aderat , certantesque certando adiuuabat . uerum quum lingua opem ferre nequirit , scriptis tamen succurrebat . & quomodo ? aliptes factus est , licet exul esset , adhortationesque conscripsit , & quæ pietati conuenirent literis mandauit , ac ita solus ipse plures ferè per epistolas martyres fecit , quàm omnes alij qui laborantibus assistebant . Persuadebat enim non patriam , non genus , non opes , non potentiam , non aliud quid terrenum , ueritati præferendum esse , necnon uirtutis præmijs , quæ recondita essent ijs , qui pro bono decertarent : illamque negotiationem optimam esse , ut paucosanguine regnum emeretur cælorum , ac gloria sempiterna pro rebus acciperetur temporarijs . unicam enim patriam sublimibus esse , Hierusalem nempe , quæ mente percipitur , & non eas quæ paruis terminis circumscribuntur , ac multos incolas permutant . unicum præterea generis esse splendorem , ut imago cōseruaretur , & primo exemplari assimularetur , quantum illac pertingere conceditur ijs , qui carne sunt ligati , & qui paruum boni defluxum suscipere possunt . Sed & unicam esse potentiam contra malignum fortitudinem , & animæ in certaminibus pro pietate uim inexpugnabilem & inuictam , quando malitia aduersus uirtutem decertat , mundusque contra mundum , solubilis nempe contra permanentem , & amarus agonotheses contra pugiles generosos , necnon Belial contra Christum instruitur . Propter hæc itaque gladium contemnendum esse persuadebat , ignemque frigidum esse censendum , ac feras truculentissimas cicures esse putandum , fa-

mem uero supernas existimandas esse delicias, lachrymas autem domesticorum, necnon luctus & ululationes negligendas esse tanquam maligni illacebras, ac diuini itineris impedimenta. hæc enim uirilium generosorum & prudentium intellectu animarum esse propria, sed & exemplum prope erat, ille idem qui hæc dicebat, ac scribebat, omniaq; cōtemnebat, ut solum Christum lucrari posset. Cyprianus igitur quum ita sentiret, talibusq; cogitationibus armatus esset, pugiles quāplurimos ad certamina instruebat, at quam mercedem inde retulit, largissimam & gloriosissimam. Martyr post omnes quos præmiserat est factus, caputq; illi ense est detruncatum, ita ut multis experimentis hanc tandem apponeret coronidem, sic ad Christum deducitur, sic ad Christum transfertur, qui antea impietate abundauerat, longe tamen pietate tum maior. Cyprianus magnus persecutor, & coronę susceptor, non minus mutatione quā uirtute admirabilis. Siquidem non tam magnum est typum seruare boni, quā pietatem induere nouam. hoc enim consuetudinis est, illud uero consilij sani. & huius quidem exempla sunt multa, illius uero pauca. Proinde in enarrandis illius miraculis parumper adhuc sermoni indulgebimus, quo tanto gratificemur pugili, tales igitur uiri fuere actiones, talisq; certaminis modus. Postquā uero uitam finiuit, si ita loqui phas est, & non potius rem illam ad deum profectionem, aut desiderij impletionem, seu uinculorum dissolutionem nominare oportet, miraculis etiam hic clauit, priori uita admodum dignis. erat nomen Cypriani apud omnes celebre, & non solum apud Christianos, sed illos etiam qui ad uersæ partis erant. probitas enim apud cunctos pariter uenerabilis existit, corpus uero latebat, eratq; thesaurus ille apud mulierculam quandam pietate feruidam, idq; tempore longo: siue quia deus deuotam illam honorare uoluerit, ac ideo illi martyrem cōcesserit: siue quia desiderium nostrum exercere destinauerit, num ægre laturos essemus, si martyrum priuaremur reliquijs. Quum uero martyrum deus nequaquam ferret, ut omnium bonum unius solum priuatum esset, neque commune in illius gratiam damno afficere uellet, per reuelationem corpus publicauit, idq; foeminæ cuidam tali honore dignæ manifestauit, quo & mulieres sanctificarentur: ac quemadmodū Christum antea pepererunt, discipulisq; ex mortuis resurrectionem annunciarunt, ita nunc quoq; una Cyprianum ostendit, altera uero ob communem utilitatem exhibuit. hoc ex illius bonis ultimū fuit. ita igitur ille in medium processit, admodum dignus ne ultra lateret. quomodo autem corpus furto subtractum sit, nequaquam explicare refert, quoniam sermo noster longe corporis honoribus melior est & sublimior. & hæc apud uos dicta sufficiant. haud enim scio num plura restent dicēda. nam si longum etiam sermonem extenderemus, nequaquam tamen digne illius uirtutes enumerare possemus, neq; ea quæ unusquisq; de uiro illo præsumit. hæc igitur breuiter percurrimus, ut debitum illius honorem, uel parumper delibaremus, reliqua uero

ro à uobis ipsis adiſciantur , quo & uos aliquid martyri offeratis . ueluti dæ-
monum purgationem , morborum diſſolutionem , futurorum cognitionem :
omnia poteſt Cyprianus , & puluis cum fide , quemadmodum norunt ij , qui
ſunt experti , ac miraculum ad nos uſq; tranſmiſerunt , temporiq; tradiderūt
futuro . quin potius maiora his offeratis , & qualia eos decēt qui illum rite ue-
nerantur , corporis nempe exinanitionem , animæ eleuationem , prauitatis de-
clinationem , uirtutis incrementum : uirgines carnis cōtemptum , mulieres or-
natum , uirtutis magis quàm corporis . Iuuenes contra animi paſſiones uirili-
tatem , ſenes cōſilia ſana , magiſtratus legum equitatem . qui in exercitu ſunt
manſuetudinem , eloquentes quod rationi conuenit . quin & ex noſtris qui di-
cam , ſacerdotes religionis cultum . qui ex populo ſunt obedientiam , qui in lu-
ctu conſolationem , qui proſpere agūt timorem , diuites diſtributionem , pau-
peres gratiarum actionem . omnes contra malignum & amarulentum perfe-
quutorem aciem inſtruant , ne apparens feriat , ne deliteſcens ſagittet , ne ſicut
tenebræ impugnet , ne ſicut angelus lucis illudat , & ad perditionis ſuffuretur
barathrum . Graue eſt oculis capi , ac lingua uulnerari , necnon auditu inefſca-
ri , iraq; feruidum ſuccendi , ac guſtu ſeduci , & tactu emolliri , armisq; ſalutis
pro mortis uti armis . opus eſt ut fidei muniamur ſcutō , & maligni inſidijs re-
ſiſtamus , ut cum Chriſto uincamus , & unà cum martyribus decertemus ,
quo magnam illam uocem audiamus , Venite benedicti patris mei , heredes
eſtote regni uobis parati . ubi lætantium cunctorum eſt habitatio , necnon
eorum qui choream ſaltant indefinentem , ubi ſonus eſt feſtiuitatem per-
agentium , noxq; exultationis , ac deitatis illuſtratio perfectior & purior ,
quàm ea qua nunc in ænigmatiſ & umbris fruimur . His ſi Cyprianus uene-
ratus fuerit , magis gaudebit quàm omnibus rebus alijs . hæc in uita adhuc
præſens docebat , ac nunc abſens omnibus , noſtra annunciat uoce . quam ne
quaquam deſpicietis , ſi ſaltem tolerantia illius , necnon pro ueritate certami-
na ac legatio hæc mea uobis curæ fuerint . Proinde hæc tibi diuinum & ſan-
ctum caput à me ſint primitiæ , hic tibi ſermonum & certaminum honor , nō
oleaſter Olympicus , non laurus ludicrum Delphicum , non pinus Iſthmi-
ca , non apium Nemeum , quibus ephebi remunerabantur infelices , ſed ſer-
mo qui admodum peculiaris eſt cultoribus ſermonis . quod ſi certaminibus
& ſermonibus tuis eſt dignus , hoc mihi ſermonis erit præmium . tu uero
nos ab alto propitiuſ reſpice , noſtrumq; ſermonem ac uitam dirige , &
ſanctum ouile hoc paſce , aut unà rege , ac reliqua quantum poſſibile eſt ad
meliora diſpone , moleſtosq; lupos ſyllabarum & uerborum uenatores il-
los abige , ac ſanctæ trinitatis , cui nunc aſtas , ſplendorem nobis perfectio-
rem & clariorem gratificare , quam adoramus , quam glorificamus , de cu-
ius nos re publica ſumus , adorantes patrem in filio , filium uero in ſpiritu
ſancto , cui & paulo poſt aſſiſtemus , ſynceriores & illæſi in ipſo Chriſto do-

mino nostro, cui omnis gloria, honor, & imperium in secula, Amen.

DIVI GREGORII NAZIANZENI THEOLOGI
IN MACHABAEOS ORATIO.



VID autem Machabæi: horum enim præsens est festiuitas, qui licet minus honorantur à plerisque, quod non Christi certarunt gratia, omnibus tamen ueneratione sunt digni, quod ob leges paternas fortiter egerint. quum enim ante Christi passionem martyrium sustinuerint, quid facturi erant, si post Christum persecutionem pertulissent, ac illius pro nobis mortem imitati fuissent? Qui enim sine hoc exemplo tanta eminere uirtute, quomodo non generosiores apparuissent, si cum exemplo periclitati fuissent? proinde licet sermo iste mysticus sit & absconditus, mihi tamen ac omnibus dei amatoribus admodum credibilis existit, ne minem qui ante Christi aduentum martyrio decessit, id sine Christi fide assequutum esse. uerbum enim quod postea temporibus proprijs libere prædicatum est, ijs etiam, qui mente puri fuerunt, antea cognitum extitit, quem admodum ex multis liquet, qui ante illud honorati fuerunt. non igitur despicendi sunt, quod tales ante crucem extiterint, sed propter crucem laudandi, ac honore qui ex sermonibus prouenit digni. non ut ijs gloria inde augeatur, nam quo pacto eorum gloria crescere posset, quorum res gestæ tam gloriosum quid habuerunt? sed ut glorificentur laude digni, uirtutemque æmulentur audientes, memoria, tanquam stimulo ad similia incitati. Cæterum quales nam hi fuere? aut unde, quæue sub initium institutione & disciplina impulsæ, ad tantum uirtutis & gloriæ fastigium sunt progressi? ut annuis his festiuitatibus ac panegyribus honorarentur. nam quod maior quam rerum uisibilium de eis opinio in omnium resideat animis, id liber de ijs conscriptus, discendi cupidis & studiosis ostendit. qui etiam docet, rationem, passionibus imperare, dominamque esse, siue ad uirtutem inclinet, seu malitiam. sanè & alios liber ille martyres celebrat, inter quos & horum meminit certaminum: mihi uero hoc tantum dixisse sufficiat, Eleazarum primitias tulisse inter eos qui hic ante Christum sunt passi, quemadmodum post Christum Stephanus. Vir sacerdos, & senex, canus capillis, canus & prudentia, prius quidem pro populo sacrificabat, & orabat, nunc autem semetipsum hostiam obtulit deo perfectissimam. purgationem plebis uniuersæ, dextrum certaminis procemium, adhortatioque loquens, & tacens. adduxit autem & filios septem, institutionis suæ indicia, hostiam uiuentem, sanctam, beneplacitam deo, omni legali sacrificio splendidiorē & puriorem. siquidem legitimum est & iustissimum, ut filiorum præclare gesta patri referantur accepta. Pueri autem illi generosi & magnanimi, generosa matris germina generosa, gloriosi ueritatis certatores, Antiochi temporibus excellentiores

celiores, Mosaicæ legis discipuli genuini, patriarum consuetudinum obseruatores diligentes. Numerus apud Hebræos laudabilis, & propter septenariæ quietis mysterium uenerabilis, unum spirantes, ad unum respicientes, unicum uitæ iter scientes, ut pro deo mortem sustinerent, non minus animis fratres, quàm corporibus, inter se de morte æmulantes. Proh miraculum, tormenta tanquam thesauros præripientes, sub magistra lege pericula pro alijs subeuntes, quæ non magis ingruentia formidabant, quàm cessantia quærebant, unum hoc declinantes, ne tyrannus eos punire differret, ac quidam ex eis incoronati discederent, inuitiq; à fratribus seperarentur, & mala uictoria superarent, ac nequaquam in patiendi periculum inciderent. Mater ibi erat animosa & generosa, puerorum simul ac dei amatrix, cuius materna uiscera ultra naturæ dilaniabantur rationem, non quia eam filiorum miseraretur cruciatus, sed quod timore angeretur ne paterentur, neque magis desiderabat abeuntes, quàm optabat ut residui alijs adhæcerentur, & horum quidem rationem habebat maiorem, quàm eorum, qui iam decesserant, nam horum certamen anceps erat, at illorum dissolutio secura, & hos quidem iam deo conciliauerat, illos autem ut deus acciperet curabat. O anima uirilil in corpore muliebri. O specimen admirandum & magnanimum. O sacrificij illius Abrahamici, nisi forte maius quid audendum sit, ille enim prompte unum obtulit, licet unigenitum, & qui ex promissione erat, & ad quem promissio pertinebat: & quod maius erat, quod non generis solum, sed & talium sacrificiorum primitiæ & radix constitueretur, at illa totum filiorum populum sacrificauit deo, tam matres, quàm sacerdotes, uictimis in iugulationem promptis exuperans, holocaustis rationalibus, sacrificijs se uigentibus, illa ubera ostendebat, & filijs enutritionem in memoriam perducebat. Caniciem prætendebat, senectutemq; pro supplicatione subiiciebat, nō ut salutem quæreret, sed ut passionem moueret, nec mortem, sed dilationem periculū esse censebat, nil eam flectebat, nihil emolliebat, nil audaciam eius minuebat, non tormentorum instrumenta exposita, nō rotæ expeditæ, non catapultæ, non ungularum acies ferrearum, nō enses, quorum acies iam subigebatur, non lebetes feruentes, non ignis incensus, nō tyrannus minans, non populus urgens, non genus inspiciens, non membra dilacerata, non carnes dilaniatæ, nō sanguinis riui fluentes, non iuuentus quæ consumebatur, non mala præsentia, non quæ expectabantur: sed & periculi prolongatio, quæ alijs in talibus grauissima esse solet, illis erāt leuissima, spectaculo enim oblectabant, & passionibus ferè moram innectebant, ita uaria tormenta illa tanquam nullius essent momenti cōtemnebant, quin etiam persecutoris sermones multiformes, conuitiantes, comminantes, blandientes, despiciébāt, quid enim ille non tentabat? ut quod sperabat assequi posset, insuper & puerorum ad tyrannum responsiones tanta sapientia ac generositate erant refer-

tā, ut si cuncta aliorum bona in unum fuissent congeſta, parua tamen eſſent
 ſi cum illorum fortitudine eſſent collata. immo fortitudo eorum parua fuiſ-
 ſet, ſi cum prudentia eorum in ſermonibus comparata eſſet. quin & ſolis il-
 lis contigit ut ita paterentur, ac interim contra minas perſequutoris & ter-
 rores imminentes adeo ſapienter reſponderent. quibus tamen pueri gene-
 roſi, uel parens generoſior nequaquam uincebantur. quum uero ipſa om-
 nibus ſuperſtes extitiſſet, ac animi dolorem cum amore temperaſſet, pul-
 chram parentationem illis ſeiſſam exhibuit. eos enim ſubſequuta eſt, quos
 paulo ante præmiſerat. & hoc quonam modo? ſponte ad periculum proceſ-
 ſit. at cum quali oratione funebri? pulchri ſanè puerorum ad tyrannum ſer-
 mones exiſtunt, pulchrorumquæ pulcherrimi. & quur non? cum quibus ſe
 inſtruebant, & tyrannum feriebant. at matris longe fuere pulchriorēs, pri-
 mo quidem conſolantes, poſtea uero funebres. Quinam igitur puerorum
 ſermones fuere? bonum enim eſt, ut & uos illorum reminiſcamini, ut quem-
 admodum certaminis habetis exemplum, ita etiam ſermones de martyrij
 laude in talibus habeatis temporibus. erant autem aliorum alijs, & ſecun-
 dum quod unumquenque uel perſequutoris ſermones, aut periculorum or-
 do, aut animæ armabat alacritas, & ſi typo effingere licet, tales erant. No-
 bis Antioche ac circumſtantes omnes, unus rex deus eſt, à quo facti ſumus,
 & ad quem conuertimur. unusquæ legiſlator Moſes, quem haud prode-
 mus ſeu offendemus. non per pericula uiri, ob uirtutem exantlata, ac mira-
 cula multa, etiam ſi alius adhuc Antiochus nobis minaretur, te etiam tru-
 culentior. una autem nobis ſecuritas eſt mandati obſeruatio, & ut legem
 qua muniti ſumus haudquaquam præuaricemur. una gloria omnem aliam
 gloriam præ illa contemnere. ſolæ nobis ſunt diuitiæ quæ ſperantur. nihil
 autem terribilius quàm à deo aliquid timere. cum his conſiderationibus ſu-
 mus inſtructi, ac ita armati. cum tali tibi iuuentute eſt controuerſia. Dulcis
 equidem mundus hic eſt, dulce & ſolum patrium, necnon amici & cogna-
 ti, coætanei quæ, ac templum iſtud magnum, & nomine tam celebre, ac pa-
 negyres patriæ, & myſteria, reliquaquæ cuncta quibus nos ab alijs diſſerre
 uidemur: non tamen dulciora ſunt deo, ac periculis quæ propter honeſta-
 tem ſuſtinentur. nec tu hoc cenſeas, alius nobis eſt mundus longe rebus uiſi-
 bilibus ſublimior & ſtabilior. Patria alia Hieruſalem ſuperna, quam nul-
 lus Antiochus obſidebit. & quia fortis eſt & inexpugnabilis, nullam timet
 deſolationem. Cognati uero nobis ſunt inſpiratio, & qui ſecūdem uirtutem
 ſunt nati. Amici autem prophetæ ac patriarchæ, à quibus nobis & pietatis
 eſt typus. Coætanei uero qui hodie nobiſcū periclitantur, & fortitudine ſunt
 cōtemporanei. Panegyres autem angelorum tripudia, myſterium quæ unum
 magnum ac maximum, & à multis abſconditum deus: ad quem & hæc re-
 ſpiciunt myſteria, deſine igitur nobis parua & indigna polliceri: non enim
 honora-

honorabimur inhonestis, neque lucrabimur damnosa. quoniam non tam infeliciter negociamur. desine etiam minari, aut contra minabimur. tuam impotentiam, & nostra argue supplicia. habemus & nos ignem quo persequutores puniamus. existimas tibi certamen esse cum gentibus ac ciuitatibus? necnon regibus effœminatissimis? ex quibus hi quidem uincunt, illi autem fortassis superabuntur. uerum nequaquam eis de talibus periculum imminet. Contra dei legem aciem instruis, contra tabulas à deo insculptas, contra paterna, ratione & tempore honorata, contra septem fratres unica anima colligatos, septem te trophæis infamatuos. quos uincere nequaquam magnum est, ab illis uero superari turpissimum. Illorum genus sumus & discipuli, quos ignis columna & nubis in uia deduxit. quibus mare diuisum est, & fluuius substitit, & sol sterit, & panis pluuia descendit, quorum manuum extensiones orationis gratiæ factæ multa milia in fugam conuerterunt. à quibus feræ superabantur, & quos ignis non tangebat, ac à quibus reges generositatem admirantes, abstinebant. dicemus & aliquid tibi cognitum. Eleazari mystæ sumus, cuius fortitudo tibi est comperta. prior pater certauit, nunc filij succedunt. prior abiit sacerdos, nunc subsequuntur sacrificia. multis nos terres, sed multo plura ferre sumus parati. & quid ô superbissime minis tuis nobis facere poteris? num persuadebis? at nihil fortius est ijs qui omnia ferre sunt parati. quur moramini lictores? quur cunctamini? quur mandatum tam egregium expectatis? ubi enses? ubi uincula? celeritatem exopto. maior ignis accendatur, bestię efferentur, tormenta augeantur, omnia sint regia & ambitiosa. ego primogenitus sum, primum me sacrificia. Ego nouissimus, ordo mutetur. sed & è medijs quidam inter primos existat, quo æquis partibus inter nos honoremur, sed parcis. expectas ne fortuitum quid aut contrarium? sepe ac iterum eundem repetemus sermonem. nequaquam immunda comedemus, nec offeremus. tu prius nostra ueneraberis, quam nos tua colemus. summa sermonis, aut crudeliora adhuc excogita tormenta, aut hæc à nobis contemni scias. & hæc quidem ad tyrannum. at quibus inter se adhortabantur? qualiaq; de seipsis spectacula exhibebant? quam fuere pulchra? quam sacra? omniq; uisione ac auditione dei cultoribus suauiora. Ego enim recordatione solum uoluptate impleor, ac cogitatione cum certantibus uersor, enarrationeq; exornor. amplectebantur se mutuo, & à collis pendebant. panegyris erat ac si certaminibus initiarentur. eamus fratres ad pericula clamabant, eamus, urgeamus nos dum excandescit tyrannus. nil nos emolliat, ut salute plectamur. conuiuium nobis propositum est preciosissimum, nequaquam illud negligamus. pulchrum est fratres cohabitare, conuiuium celebrare, ac unà conglobari. pulchrius uero pro uirtute periclitari. quod si possibile esset, corporibus etiam pro legibus certassemus patrijs, sed & mors ista inter laudabilia existit. uerum quia tempus hoc non admittit, corpora exhibeamus, etenim si nunc haud morimur, num ideo nunquam occumbemus

cumbemus: num generationi debitum suum non reddemus: ex necessitate gloriam faciamus, dissolutionem cauilemur, quod commune est proprium faciamus, morte uitam comparemus. nullus igitur è nobis animæ curam gerat, nec pusillanimis existat. Tyrannus postquàm in nos incidit, de aliorum transgressione desperet, periculis ordinem ipse statuatur, nos nihil in promptitudinis feruore dissentiamus, primusq; alijs uia existat, nouissimus uero certaminis signaculum. hoc nobis cunctis pariter infixum sit, quod cum perpetua domus nostræ laude coronabimur. & quod persequutor nullam è nobis partem accipere poterit, ut quemadmodum de omnibus gloriatur, ita unica intumescat prauitate, non minus transmigratione, quàm generatione, inter nos fratres appareamus, omnesq; tanquam unus periclitemur, & pro omnibus singuli. Eleazare suscipe, mater subsequere, Hierusalem mortuos tuos magnifice sepelito, si sepultura carebimus, posteris nostra referto. sed & amatoribus tuis religiosum unius uteri sepulchrum ostende. Et illi quidem talia dicebant & faciebant, & aprorum instar, dentes inter se acuentes, in ordine ætatis & promptitudine qualitatis confortabantur, uoluptatiq; ac miraculo erant contribulibus suis. terrori autem & stupori persequutoribus, qui quum totam gentem subegissent, adeo septem fratrum unanimitate sunt superati, ut nec spem meliorem haberent de alijs. at mater generosa, quum illi uirtute tot essent ac tales, animal inter legem & magnanimitatem medium, eousque gaudio pariter ac timore perfusa erat, in medioque duarum passionum campo constitit, gaudij ob uirilitem & ea quæ uidebantur, timoris uero propter ea quæ imminebant, ac poenarum immanitatem: & tanquam auis pullos quum serpens adreperit, aut aliud quid insidiatur, circumuolabat, circumgembat, supplicabat, simul certabat, & quid non faciebat, quod ad uictoriam consequendam deseruiret? sanguinis guttas rapiebat, membrorum detractiones colligebat, reliquias adorabat. cum uno loquebatur, & hunc offerebat, alium uero præparabat. omnes autem ita alloquebatur, Euge filij, euge optimi mei, euge in corpore constituti, corpore ferè cassi. Euge legis ac caniciei meæ defensores, necnon ciuitatis quæ uos aluit, & ad tantam uirtutis gloriam prouexit. adhuc parum & uicimus, fatigantur tortores. hoc timeo solum, adhuc parum & ego felicissima inter matres ero, uosq; beatissimi inter filios. sed matris desiderio tenemini? at nequaquam uos derelinquam. hoc uobis promitto, non enim ita natos odi. Postquàm autem defunctos uidit, ac securitatem ex complemento est assequuta, caput admodum læte cum magna sustulit constantia, non secus ac ij, qui in Olympiacis uincunt, manibusque extensis magna & splendida uoce: tibi, inquit, ô pater sancte gratias ago, tibi lex magistra, necnon pater noster Eleazare, qui ante filios tuos decertasti, quod meorum in partu dolorum fructum accepi, quodque mater facta sum omnibus matribus beatior. nihil mundo reliqui. omnia deo tradidi, thesaurum meum, spemque meam senilem, quam

quàm magnifice sum honorata, quàm abunde senectutis mercede perfruor, nutrimenti impensam uobis filij remitto, quum ita uos pro uirtute decertasse uideo. omnes coronatos conspexi tanquam benefactores intueor tortores, sed & parum deest, quin me tyranno ob seruatum ordinem gr̃atias habere fatear, quod me ultimam periculis seruauit, quod sobolem meam decertantem uidi, & cum unoquoque filio depugnaui. ita enim secura cum sacrificijs digrediar, non comas dilacerabo, non uestem discindam, non carnem unguibus secabo, non luctum instaurabo, non pr̃eficas conuocabo, non in tenebris me occultabo, ut aer mecum fleat, non consolatores expectabo, non panem luctus apponam: talia enim ignobilium sunt matrum, & quæ carnis tantum sunt parentes, quarum filij uitam sine digna aliqua finiunt relatione. mihi uero nequaquam mortui estis o filij charissimi, sed copiosum fructum produxistis, non me reliquistis, sed pr̃ecessistis: non defloruistis, sed solidati estis: non fera uos rapuit, non unda absorpsit, non latro iugulauit, non morbus dissoluit, non bellum absumpsit, non aliud quid paruum aut magnum quod hominibus accidere potest, flerem equidem & ualde quidem, si tale quid uobis accidisset. lachrymis tum ostenderem quod filiorum amatrix essem, quemadmodum nunc lachrymas repello. parua hæc adhuc existunt, uere uos deplorarem, si male saluati fuissetis, si à tormentis uicti essetis, si quis uos superasset quemadmodum nunc superati sunt persecutores. iam uero superstitibus uobis laus, gaudium, gloria, tripudia ac lætitia mihi accrescit. ego enim post uos immolabor. cum Phineæ collocabimur, cum Anna glorificabimur, pr̃terquam quod ille unus erat, nos uero tot scorticidæ, non corporum, sed animarum fornicationem confodientes. Et hæc quidem unum à deo datum, illum quæ nuper genitum, ego autem uiros septem, eosque uoluntarios sacrificauī. Hieremias funebrem mihi suppleat sermonem, non lugens, sed mortem laudans beatam. super niuem splendetis, super lac coagulati estis, super saphirum compositio uestra, deo, qui uos nasci fecit, ac mihi tribuit. & quid amplius? appone & me o tyranne filijs, si qua apud inimicos gratia est, quo certamen tibi sit uenustius, utinam & per omnia transeam supplicia, ut cruorem meum sanguini, & carnes meas seniles illorum admisceam carnibus. amo propter filios tormenta, quod si hoc denegas, puluis saltem pulueri iungatur. unumque nos excipiat sepulchrum. ne inuideas æqualis honoris mortem ihs, qui gloria sunt æquales. Valete o matres, ualete o filij, ita enutrite eos qui è uobis nascuntur. Pulchrum uobis certandi exemplum pr̃stitimus. talia dicebat, ac seipsam filijs adiungebat, sed quo nam modo? ad rogam accensum tanquam sponsum adcurrit, huic enim adiudicata fuerat: nec ducentes expectauit, ne corpus sanctum & generosum corpora tangerent polluta. Sic Eleazarus sacerdotio est perfunctus, cœlestibus initiatus, & initiatus, ac Hierusalem haudquaquam externo, sed proprio emundauit sanguine

sanguine, diemq; nouissimum mysterium quoq; fecit nouissimum. ita etiam filij iuuentute sunt defuncti, non quod uoluptatibus seruirent, sed quod passionibus refrenarent, ac corpora sanctificarent, ad uitamq; transferrent impassibilem. Sic mater fecunditate sua fructum accepit, sic uiuentes adornauit, & cum decedentibus quieuit. quosq; mundo genuerat, illos obtulit deo, ac dolores suos certaminibus annumerauit, partusq; consequentiam mortibus manifestam reddidit. à primo quidem filio usq; ad nouissimū, ihs quæ fuere certaminis. & quemadmodum in aquarum inundatione contingit, sic & uirtutem aliam super aliam ostendit, ad passionemq; adeo promptior erat periculis corroborata prioribus, ut tyranno gratū fuerit, quod non plurimorum mater esset: immo confusus & uictus discessit, ac primum tum didicit, quod non omnia armis subigi possent, quum pueros inermes adortus fuisset, qui sola pietate armati essent, & qui omnia potius pati quàm quæ ille iubebat facere parati erant. Hoc Iapte sacrificio securius & magnificentius fuit, nequaquam enim necessitate est persolutum, quemadmodum ibi promissionis feruore, ac uictoriæ factum est desperatione. uerum oblatio ista spontanea fuit, & quæ solum mercedem haberet speranda. Sed nec Danielis certaminibus hoc fuit ignobilius. qui quum in cibum datus esset leonibus, manuum extensione feras deuicit. Immo nec in Assyria pueris posterius, quos angelus refrigerabat in igne, quoniam legem seruabāt paternam, nec cibum tangere uolebant pollutum & prophanum. Quin nec certamen hoc gloria sua miraculis illis, quæ postea pro Christo sunt exantlata, inferius fuit. illi enim quem admodum in sermonis dicebam principio, Christi sequebātur sanguinem, & deus talium certaminum ductor erat, qui tantum ac tam admirandū pro nobis obtulit precium. his uero haudquaquam multa neq; talia uirtutis fuisse exempla. horum uirtutem uniuersa admirata est Iudæa, & tanquam ipsa coronata esset exultabat ac gestiebat. Certamen enim hoc maximum fuit, ex ihs, quæ unquam in ciuitate illa fuisse decertata. necesse enim erat, ut in die illa lex uel solueretur, uel glorificaretur, eratq; res tum quasi sub nouacula posita, & ad uniuersam Hebræorum gentem illorum pertinebant certamina. Sed & Antiochus ita stupore est percussus, ut minas uerteret in admirationem (nam hominum uirtutem, & hostes quoq; admirari norunt) quum ira deferbuiisset, & res per seipsam fuit expensa, adeo ut infecto negotio abiret, multis patrem Seleucum ob honorem genti, necnon magnificentiam templo impensam laudans, multis quoq; Simonem qui eum adduxerat inculpans. Proinde hos nos o sacerdotes matres & filij imitemur. Sacerdotes quidem Eleazari honorem, patris spiritalis, qui tam sermone quàm opere quod optimum esset ostēdit. Mulieres uero generosæ matris illius gloriam, quo uere filiorum amatrices esse uideantur, ac Christo sceturam suam offerant, nuptiasq; per talia sanctificent sacrificia. filij autem ut sanctos illos uenerentur, ac iuuentutem nequaquam in turpibus consumant affectibus, sed

in cer/

in certaminibus contra passiones initis, & ut contra assiduum Antiochū generose pugnent, qui contra membra cuncta decertat, illaq; multipliciter insecatur. cupio enim pugiles habere, qui omnis temporis, omnisq; sint modi, uniuersum hominum genus, ac ætatem omnem, quæ uel palam oppugnatur, uel cui clanculum tenduntur insidiæ: illamq; ueteribus adiuuare narrationibus, adiuuare & nouis, ac undique apiculæ instar utilissima colligere, in aluearij unius fœturam & suauitatem: quo tam per uetusta, quàm noua in nobis glorificetur deus, qui in filio & spiritu glorificatur, qui suos cognoscit, & à suis cognoscitur, confessus & cōfitens, glorificatus & glorificans, in ipso Christo, cui sit gloria in seculum, Amen.

DIVI GREGORII NAZIANZENI DE MODESTIA IN
DISCEPTATIONIBVS OBSERVANDA ORATIO



OSTQVAM tam prompte conuenistis, panegyrisq; tam celeberrima existit, & ideo potissimum lucri tempus adsit, age quid uobis mercis exhibebimus? Sanè si illa etiā alacritate hac minus digna sit, nostris tamen uiribus nequaquam inferior erit. illa enim requirit maiora, istæ uero adferūt mediocria. satius autem fuerit aliquid pro uiribus asserre, quàm in omnibus deficere. siquidem non ille qui talia præstare nequit, sed qui non uult, crimini obnoxius existit, nō minus in rebus diuinis quàm humanis. Proinde ego pastor sum paruus & inops, nec adhuc alijs, ut modeste loquar, placeo pastoribus. Cæterum num id propter claritatem, ac sermonem rectum, uel pusillanimitatem & inuidiam cōtingat, ignoro, deus autē, ut diuinus inquit Apostolus, nouit, diesq; reuelationis manifeste hoc declarabit, necnon ignis nouissimus, quo cuncta nostra dijudicabuntur & purgabuntur. nilominus tamen adnitar ne gratiæ donum abscondisse uideri possim, nec lampadem sub modio constituisse, neque talentum defodisse, quemadmodum sæpius à uobis audiui, quum segnitiam exprobraretis, uel taciturnitatem moleste ferretis, quo uos sermonibus ueritatis instruere, spirituiq; idoneos reddere ualeam. unde igitur fratres uos reficere incipiam? aut quibus sermonibus athletas, quorū præsens est panegyris honorabo? quid primum aut maximum dicam, quidue potissimum animabus nostris utile, seu præsentī temporī conuenientissimum proferam? ita enim cognoscemus quid nam ex sermone nostro sit pulcherrimum. pax nempe. addo & utilissimum. quid uero turpissimum & damnosissimum? discordia scilicet. postq; igitur ita interrogauī, ac respōdi, secundo quærere pergā, quid potissimum pacem dissoluat, quid uero discordiam introducat: ut quemadmodū in morbis causas abscindimus, ac fontes perturbationum nostrarū obturamus, uel exsiccamus: ita hic quoq; de fluxis, & quæ inde ortū sumūt interfcindamus. quandoquidem possibile haud est, ut nouissima recte cognosci queant, nisi prius bene considerentur principia. uultis ne igitur uos causam dicere & ma-

T nifestare

infestare: uel mihi incedenti cedere: & ego illam ostendam, & emendare curabo. nam licet ad dicendum sim paratus, longe tamen dicentes audire sum paratior. uerum sat scio, quod mihi cedetis, quoniam nos forsitan haud malos medicos in talibus existimatis, neque imperitos animarum curatores, siue male, siue bene creditis. cæterum admirari nolite, si sermonem proferam admirandum: nam quamuis sit mirandus, uerus tamen quemadmodum dico existit: sed & uos astipulabimini, si ad finem usque discere sustinebitis, & non quod reprehensione dignum censeo, ante finem propter feruorem assurgatis. turbarum igitur harum causa existunt naturæ feruidæ & immanes, non tamen planè igneæ & magnæ. nondum enim feruorem illum cognoscimus, sine quo impossibile est, ut aliquid egregium, & quod pietati cæterisque uirtutibus congruum sit, peragi ualeat. sed rationis defectu & imperitia sumus generosi, huiusque sobole praua, temeritate, siquidem temeritas inscitiae soboles existit. ingenia enim talia inualida sunt, pariterque tam ad uirtutem quam prauitatem segnia & inagilia, in neutramque partem multum uergentia, non secus ac motus torpidorum. generosa uero, quæ ratio instruit ac recte dirigit, multum ad uirtutis conferunt bona: quum uero à scientia & ratione fuerint destituta, nequaquam malitiæ dissimilia esse reperiuntur. nam & equum qui uictoriam reportare debet, ferocem & generosum esse oportet, siue bellatorem seu certatorem: qui inutilis esset, si frenum tolerare nesciret, seu exercitijs ad laborem mansuefactus haud esset. & hoc est quod plurimum membra distraxit, fratres seiunxit, ciuitates turbauit, populum in rabiem egit, gentes armauit, reges concitauit, sacerdotes inter se & cum plebe commisit. necnon populum inter se & cum sacerdotibus, parentes contra filios incitauit, filios aduersus parentes, uiros contra uxores, uxores aduersus maritos. cuncta demum beniuolentiæ nomina exacerbauit. dominos ac seruos inter se, præceptores & discipulos, senes ac iuuenes. sed & uerecundiæ legem, maximum ad uirtutem adminiculum, ignominia affecit. pro illaque per tinaciam introduxit, per quam facti sumus non tribus una, quod & olim opprobrium fuit populo Israëlito: neque Israël & Iudas, duæ unius & parui populi huius particulæ: sed per domus singulas, & coniugia, necessitudinesque sumus dissecti. & quemadmodum unusquisque contra seipsum est diuisus, ita & orbis totus ac genus hominum uniuersum, ad quod sermo currit diuinus, factusque est principatus multorum, omni principatu cassus, ac ossa nostra ad infernum sunt dispersa. oportebat autem postquam externos Christianorum hostes superassemus, ut inuicem nos consumeremus, ac uesanorum instar propriam dilaceraremus carnem, nequaquam sentientes, sed plus ob malum hoc gaudentes, quam si pacem inter nos haberemus, calamitatemque hanc lucrum existimantes, deoque cultum discidium exhibere credentes, quum diuidimur & incendimur: separatione nequaquam laudabili, sed uituperanda: nec puro, sed pernicioso incendio, & nequaquam

quaquam purgatio. non enim uerbum secans, quod Christi est machera, fideles diuidit ab infidelibus, nec ignis mittitur & accenditur, fides nempe & spiritus feruor, materiam absumens ac deuorans: sed planè contrarium euenit, ut prius consumamur, deinde etiam diuidamur. hoc est, quod ex una ecclesia multas fecit ac diuisit, non in unum Paulum, uel Cepham, aut Apollos, siue eum qui male plantauit, seu male rigauit, sed male multos ostendit Paulos, & Apollos, ac Cephas, à quibus etiam pro Christi magno & communi uocamur nomine. insuper & illorum esse dicimur. ac utinam hoc tantum dicere haberem, sed & multos (quod quidem horreo) induxit Christos, generatum nempe & creatum, & qui ex Maria ortum sumpsit, & resolutum in id unde ad esse processit, & hominem stolidum, & existentem, & apparentem. Sic & multos spiritus, nempe increatum, & creaturam, & efficacem, & nudum tantum nomen. Proinde decet, ut unum agnoscamus patrem, principio carentem, nec genitum, similiter & filium unicum ex patre natum. Spiritum quoque unum, substantiam ex deo habentem. patri quidem quod is sit ingenuus, filio uero quia genitus sit cedentem, in alijs autem naturæ eiusdem, parem dominatione, gloria, & honore. hæc scire, hæc confiteri oportet, cum his consistere. nugas uero uarias prophanasq; in sermonibus uocum nouationes, ociosis relinquere hominibus. Cæterum quidnam hæc cuncta excitauit, feruor nempe rationis expers, scientiaq; haud toleranda. necnon fluctuans fidei gubernaculum. hæc fratres quum sciamus, nequaquam segnes simus ad bonum, sed spiritu ferueamus, ne unquam paulatim ad mortem dormiamus, uel dormientibus praua nobis inimicus semina interferat. siquidem segnities somno est cognata. sed neque nimis feruidi & sine ratione, nostri solum amatores fiamus, ne à regia uia excidamus, omnino in uno aberrantes, uel quia stimulo propter segnitiam indigeamus, uel ob feruorem præcipitemur: sed ex ambobus quod utile est sumamus, huius quidem mansuetudinem, illius autem zelum: fugiamusq; id quod ex utrisque est noxium, huius quidem pigritiam, illius autem temeritatem: ne quum hic cessamus, nullum fructum inde feramus, ibi uero abundantes periclitemur. utraque enim sunt inutilia, tam segnities odiosa, quàm feruor, disciplinæ nescius. quoniam hæc nequaquam approximat bono, ille uero penitus exorbitat, ac de dextero dexterius aliquid facit. Quod & diuinus Salomon cognouit, dum ait, Noli declinare ad dextram, nec ad sinistram, neque propter contraria in æquale incidas peccatum. quandoquidem quod sui natura dextrum est, laudat, uias inquit, quæ à dextris sunt deus nouit, at quæ à sinistris peruersæ existunt. Quomodo igitur quod dextrum est laudat? ac rursus à dextro abducit? ab eo nempe quod dextrum uidetur, quum nō sit: ad quod alibi respiciens, ait, Ne fias nimium iustus, neq; sapiens immodice. siquidem eadem est animi passio circa iustitiam ac sapientiam, quæ & feruoris qui in re & sermone accidit, quum is extra honesti & uirtutis limites propter ex-

*Sec undum
Apolinarem*

cessum cadit. nam pariter tam defectu quàm augmento offenditur, quem admodum si regulæ quid addatur aut detrahatur. Nullus igitur plus iustus quàm bene habet existat, nec lege legalior, nec regula æquior, neq; mandato sublimior. Cæterum quo pacto id fieri poterit? si mundum inspiciamus, naturæq; legem collaudemus ac rationem sequamur, & nequaquam ordinem rectum afficiamus iniuria. & pariter sursum in cælum, deorsumq; in terram respiciamus. ita enim cognoscemus, quo pacto uniuersum illud constet, & unde, ac quid ante ornatum fuerit, & quod nam nunc nomen sit toto. Siquidem cuncta ordine decorantur, uerbumq; illa adornauit, tametsi quemadmodum unum, ita & uniuersa confusa licet subsistere potuissent. is enim qui nondum existentibus esse tribuit, fiendisq; Ideas ac figuras indidit, neq; ad uniuersum simul ostendendum & ornandum impotens erat: sed ideo primum quid & secundum numeratur, necnon & tertium, sicq; deinceps, quo confestim ordo rebus accederet creatis. Ordo igitur uniuersum constituit. ordo cœlestia continet & terrestria, ordo est in intelligibilibus, ordo in sensibilibus, ordo in angelis, ordo in astris, tam motu q̃ magnitudine, necnō habitudine inuicē & splendore. alia enim gloria solis est, alia uero lunæ, alia quoq; astrorum, gloria enim stella differt à stella. ordo in anni partibus & temporibus, quæ in mundo nunc progrediuntur, nūc iterum recedunt, ac per mediocritatem austeritatem mitigant. ordo est in diebus & noctibus, mensuris & interuallis. ordo in elementis ex quibus & corpora. ordo cælum circumuoluit, aërem expandit, terram supposuit, quæ & superposita est, naturam humidam effudit & coniunxit, uentos emisit, & non remisit. aquam nubibus colligauit, & non cohibuit, sed super faciem uniuersæ terræ decore & indifferenter sparsit. & hæc nequaquam parumper, neq; ad tempus unū paruum, aut ætatem unam, sed ut ab initio ad finem usq; per eandem uiam dirigantur & circumuoluantur, fixa & mobilia, solidata quidem uerbo, labilia autē motu. constituit ea in seculum seculi, præceptum dedit & non præteribit, firmitatis nempe. sed & id quod factum est, aut dehinc fiet, fluxum est. ubi igitur ordo dominatur, ibi uniuersum ornatus est ac pulchritudo inconuulsa. ubi uero ordinis & decoris est defectus, ibi in aëre quidem fulmina, in terra commotiones, in mari inundationes, in urbibus & domibus seditiones, in corporibus ægritudines, in animabus exoriuntur peccata. & hæc omnia nequaquam ordinis aut pacis, sed perturbationis & cōfusionis sunt nomina. Quin & corruptionem illam diuulgatam quam expectamus, nil aliud fratres, quàm inordinationis existimemus abundantiam. siquidem ordo colligauit, ordinis uero inuersio dissoluet, quum placuerit colliganti, ut dissoluantur uniuersa ac transmutentur. Ordo præterea cunctis animantibus generationem & cibum, necnon unicuiq; regiones suas proprias lege assignauit. Nemo enim Delphinum uidit terram sulcantem, neque bouem in unda laborantem. quemadmodum nec solem in nocte crescentem & decreascentem, siue lunam
interdū

interdium ignis flammam emittentem. Montiū excelsa ceruis, petrae uero per fugia sunt leporibus. fecit lunam in tempora, sol occasum suū nouit. Nox est, & homo sopore corripitur, animaliaq; sua fruuntur securitate, ac singula alimētum sibi à creatore quærunt concessum. Dies est animalia congregant, & homo ad opus se accingit, ordineq; iuxta legem ac rationem naturæ inuicem cedimus. adiiciam & quod maximum est, nobisq; perquam peculiare. Ordo hominem ex rationali irrationaliq; temperamēto composuit, ac mystice & ineffabiliter colligauit, puluerem menti, mentē uero spiritui. & ut mirabilius quid in suo faceret figmento, illud idē saluauit, & dissoluit. hoc enim superinduxit, illud uero subduxit, perinde ac in flumine, mortalitatisq; immortalitatem, per dissolutionem acquisiuit, quæ nos etiam à brutis segregauit. Ciuitates condidit, leges tulit, uirtutem honorauit, malitiā puniuit, artes inuenit, coniugia copulauit, uitāq; sobolis amore mansuefecit. ac maius quid quàm infernum desiderium illud & carnale, dei nempe indidit. & quid singula enumerare est necesse? Ordo existentium parens est ac securitas. & qui solus si uocem assumeret, ea quæ uerbi sunt, quod omnia fecit, recte explicare posset, quando uniuersa à deo essentiam recipiebant, & subsistebāt. ego cum eo eram cuncta componens, quum prepararet thronum suum super uentos, ac ætherem firmabat superiorem. quando fundabat terrā, & fontes tanquā fixas sub cœlo constituebat, ac spiritui oris sui uim omnē largiretur. Cæterum quam ob rem hæc cuncta enumerauit? aut quo nam diu iam noster dirigatur sermo? Ordo etiam in ecclesijs ita statuit, ut alij sint oues, alij uero pastores: ita ut hi imperent, illi uero obediant. sitq; hoc tanquam caput, illud pedes, istud manus, hoc oculi, illud uero aliud corporis membrū, quo omnia recte inter se conueniant, commodumq; tam ad præfectos quàm subditos redundet. & quemadmodum in corporibus membra nequaquā inter se dissident, sed cuncta corpus unum ex diuersis sunt composita, nec idem omnium est officium ac usus, ad mutuam necessitatis beniuolentiam. neq; oculus graditur, sed ducit, quemadmodum nec pes cernit, sed uadit, nec lingua excipit uoces, id enim ad auditum pertinet: sicut nec auditus loquitur, nam linguæ id est officium. nasus uero odoris est instrumentum, at guttur cibum gustat, inquit Iob. manus aut dandi & accipiendi est instrumentū, mens uero cunctis hominibus dux est, penes quā & sentire, ac in quam est sensus. Ita & apud nos, qui commune corpus Christi sumus, omnes enim corpus unū in Christo, ac per unum Christum inter nos membra sumus. hoc enim imperat ac præsidet, istud uero obedit & dirigitur, nec amborum idem est officium, quemadmodum nequaquam eorundem est imperare & subesse, sed ambo unum fiunt, in unum Christum, ab eodem composita & conglutinata spiritu, licet imperantes à subditis rursus, tanquam medium, & doctrina, & exercitatione, & ætate distent, licet etiam inter duces tantum intersit, quantū spiritus prophetarum alijs subiectus est prophetis. Noli contendere, quū Pau-

lus dicat: & alios quidem in ecclesia constituit, primum apostolos, secundo prophetas, tertio doctores. primum propter ueritatem, secundum propter umbram, tertium propter mensuram utilitatis ac splendoris. & spiritus quidem unus est, gratiæ uero dona nequaquam sunt æqualia: quoniam nec receptacula eiusdem spiritus æqualia existunt, siquidem huic per spiritum sermo datur sapientiæ, uel contemplationis, alij autem sermo scientiæ seu reuelationis, alij fides solida, & haudquaquam dubia, alij uero operationes uirtutum & miraculorum sublimiorum, alij dona sanationum adiutoria siue præfecturæ, gubernationes seu refrenationes carnis. linguarum genera, interpretatio linguarum, tam maiora quàm secundaria dona, iuxta analogiam fidei. hunc fratres ordinem ueneremur, hunc etiam seruemus. sit aliquis auditus, ille lingua, hic manus, alius uero aliud quiddam. hic doceat, iste uero discat: ille bonum proprijs operetur manibus, in distributionem egentium, & inopum. iste imperet, & prior periculis obijciatur, hic autem iustificetur per ministerium, at alius doceat cum decore. Prophetæ duo uel tres loquantur, idque uicissim, & unus interpretetur. alio uero declarante, primus cedat. & hic quidem discat in obedientia, ille autem suppeditet in hilaritate, alius uero ministret in alacritate. Ne omnes simus lingua, quod frequentissimum est, ne omnes apostoli, ne omnes prophetæ, ne omnes interpretemur. magnum quiddam est de deo loqui, sed longe maius seipsum expurgare deo. quandoquidem in animam scelestam nequaquam ingreditur sapientia. & ideo seminare iubemur ad iustitiam, & colligere fructum uitæ, quo illuminemur lumine cognitionis. Et Paulus quidem propter dilectionem domini uult nos cognosci, propter cognitionem uero doceri. sciebat enim uiam hanc ad cognitionem opinionis inflatæ optimam esse. Magnum quid est docere, uerum discere periculo caret. quur te ipsum facis pastorem, quum sis ouis? quur caput esse contendis, quum pes existas? quur exercitum ducere quæris, quum inter milites adhuc censearis? Quur magnum, sed neutiquam tutum lucrum maris sectaris, quum sine periculo terram colere possis? Sane si uires secundum Christum, sensusque habeas exercitatos, tibique lumen splendeat cognitionis, loquere sapientiam, quæ profertur inter perfectos, necnon absconditam in mysterio. & illam quum tempus caperis, & tibi concredita fuerit. Quid enim apud te ipsum habes, quod tibi datum non sit? aut quod nequaquam acceperis? Si uero adhuc paruulus es, & humi reptans intellectu, nec sufficiens ut cum sublimioribus progrediaris, fias Corinthius. lac te alat, quur cibum quæris solidiorem, quem membra non concoquunt, ac nutrimentum faciunt per imbecillitatem. loquitor quidem, si quid melius habes quàm quod taceatur. siquidem ordinem labijs ornare opus esse laudabile nosti. ubi uero silentium melius est sermone, ibi quietem dilige. decet enim quædam dicere, alia audire, nonnulla laudare, aliqua uero amarulenter reijcere. Num ignoratis fratres certamen nostrum, qui cum

autori/

autoritate hic praesidemus. & haec multis ex uobis tanquam lege sancimus. forsitan autem nec plures è nobis ipsis illud cognoscimus. quod & lachrymis dignum existit, quemadmodum apud deum omnis cogitatio sermo & opus expendatur: & non apud deum solum, sed & homines multos, qui tarde quidem rerum suarum iudices, cito uero aliorum indagatores existunt, & qui facile alijs maxima quàm nobis minima concederent: nam & si imperitiores sint, citius tamen impietatem nostram quàm mediocrem eorum cognoscunt ignorantiam. Nonne scitis quale donum dei sit taciturnitas, & in omni sermone loquendi carere necessitate, ac in potestate habere, ut quis illum uel depromat, uel obmittat, sicquē sibi ipsi sermonem & silentium recondat. siquidem omnis sermo natura debilis est & uolubilis, nec propter sermonem oppugnantem libertatem habet. & tanto plus ille qui de deo est, quanto maius est subiectum, & æmulationis plus, ac periculum grauius existit. & quid timebimus? aut cui confidemus? numeri, aut sermoni, uel auditui? etenim in tribus his periculum uersatur: nam cognoscere est difficile, exprimere uero impossibile, at auditum acquirere purum, operosius longe. Sanè deus lux est, ac lux quidem summa, cuius tenuis defluxus quidam ac irradiatio omne lumen exuperat infernum, etiam si splendidissimum appareat. Sed uidesne? nostram conculcat caliginem, tenebrasquē posuit inter nos & ipsum quò se abscondit, quemadmodum olim uelamen inter Moysen & cecitatem Israël, ne facile natura tenebricosa pulchritudinem reconditam & paucis dignam cernere possit. & ne quum eam facile consequatur, facile etiam propter condituræ facilitatem perdat. Lumen autem quod cum lumine conuersatur, semper propter desiderium ad superna eleuat, mensquē purgata purgato appropinquat. & hoc quidem partim nunc apparet, illud uero postea. præmium uirtutis & anhelationis, quæ hinc est ad eum, aut etiam communicationis. nunc enim inquit, per speculum uidemus & ænigma, tunc autem facie ad faciem. nunc scio ex parte, tunc autem cognoscam quemadmodum & cognitus sum. & quum tanta sit humilitas nostra, qualis est promissio? tantum deum scire quantum cognoscemus. Hæc Paulus magnus ille ueritatis præco, gentium doctor fidelis, qui magnum circulum Euangelij expleuit, nemini alij uiuens quàm Christo. qui ad tertium raptus est coelum, paradisi inspector, qui propter perfectionem desiderabat dissolutionem. Sed & Moyses uix dei posteriora uidit per petram: quæcunq; illa fuerint, & quænam sit petra illa: quum multis rogasset promissionem obtinuit, nō tantum tamen uidit quantum desiderauit. sed plus fuit id quod eum latuit quàm quod apparuit. licet Moyses esset deus Pharaonis, ac tantum populum educeret, tantamq; uirtutem in signis ostēderet. Tu uero quemnā ex cœlo cibasti? quam aquā è petra elicuisti, quodnam mare uirga diuisti, quē populum per humidum tanquā siccum eduxisti, quos hostes submersisti, quos ignis ac nubis

columna deduxisti, quem Amalech debellasti, oratione ac manuum extensione, quæ uenturam olim crucem mystice præfigurabat, ut inter calamitates ponas, si deum nequaquam absolute deprehendere possis. & propterea omnia moueantur ac suscipi decepti ferantur. Postquam autem Moyses fecimus mentionem, nonne hinc etiam gratiæ didicisti consequentiam, necnon ordinis legem? Etenim si Moyses es, in nebulam ingreditor, & deo loquitor, ac uocem audito, & legem suscipito, legemque ferto. Si uero Aaron, ascende quidem, sed extra nubem, iuxta tamen statum. Si autem Ithamar es, seu Eleazar tertiusque post Moysen, uel est senatu quispiam, aut est numero Septuaginta illorum, etiam remotius consistito, statione tertium occupans ordinem. Si uero unus es est populo & multitudine, nequaquam monti appropinquato, nequum illum tetigeris tanquam bestia lapideris. deorsum maneto, ac uocem solam audito, teque hac sanctificato ac purgato, quemadmodum in ordine es constitutus. & ut te pluribus erudiam, quisnam sacerdotum initiabat manus? Moyses, quis ex initiatis primus fuit? Aaron, insuper quisnam diuina curabat? quisnam populo respondebat? quis in sancta ingrediebatur sanctorum, præterquam unus? num ille semper? nequaquam, sed semel in anno. Qui nam præterea gestabant tabernaculum, præterquam leuitæ? & si quidem quemadmodum erat ordinatum, nam aliqui preciosiora, aliqui uero secundaria portabant, quemadmodum ferentium exigebat dignitas. quum autem illud custodiri oportebat, quinam custodiebant? aut quomodo custodiebantur? hi qui erant deputati, & eo quo oportebat modo. nihil enim non præscriptum erat, aut inordinatum, nec ex minimis quidem. Nobis uero si gloriola quædam uel parua contingit, & sæpe nec illa quidem, sed forte duo aut tria uerba scripturæ expendimus, eaque confuse ac stolide, tum illud est sapientia uno die adepta, turrisque in Chalane, quæ recte linguas diuisit, unde & contra Moysen arrogantes fieri est necesse, necnon ut Dathan simus & Abiron, iniuri & impij, quorum pertinaciam fugiamus, nec arrogantiam imitemur, ne finem eundem fortiamur. Proinde si placet alium tibi ordinem in medium producam, eumque laudabilem, ac commemorationi huic & adhortationi præsentem admodum convenientem. Cernis ne Christi discipulos? qui omnes sublimes sunt, & electione digni. hic enim Petra uocat, eique ecclesiæ fundamenta concreduntur, ille uero plus diligitur, ac supra pectus Iesu recumbit. & reliqui præminentiam hanc benigne ferunt. sed & illos in montem ascendere oportebat, quo forma splenderet, & diuinitatem ostenderet, ac illum qui in carne delitescere ostenderet, at quinam unam ascenderunt, neque enim omnes miraculi inspectores erant. Petrus & Iacobus, & Ioannes, qui præ alijs & erant & numerabantur. rursus illi idem ei in agonia constituto, & parumper ante passionem secedere affuere, eodem enim Christus illos honore afficiebat. omnia enim cum ordine & decore peragebant. nunc enim de hoc Petrus quærebat, de illo uero Philippus, de isto Iudas, de alio Thomas, de hoc uero alius quispiam.

nec

nec omnes idem, nec omnia unus, sed quisque suo loco & singulatim, ac si dixeris quicquid unusquisque indigebat, sed & aliud alijs uidebatur. uult aliquid dicere Philippus, & id solus haud audet, sed & Andream secum sumit. Indiget Petrus ut aliquid quærat, & Ioanni annuit. ubi hic austerum? ubi imperandi desiderium? quo pacto potius quum discipuli essent mansueti & humilis Christi, cor ostendere potuissent? serui propter nos facti qui serui eius sumus, & qui omnem gloriam in omnibus patri acceptum tulit, quo nobis exemplum boni ordinis & modestiæ tribueret. à qua tamen tantum absumus, ut gratum mihi foret, si non omnes temeritate antecelleremus. tamen si illam in rebus maximis maximis etiã ostendamus hominibus, num ignoratis quod humilitas haud tantum in paruis indicetur. nam per ostentationem etiam & falsam uirtutis fieri solet figuram, quantum probatur in maioribus. nec mihi humilis est ille qui de seipso parua loquitur, & hoc inter paucos & raro, neq; is qui humiliter alloquitur humiliorem, sed qui mediocriter de deo uerba facit, & alia quidem dicere, alia uero subticere nouit. in quibusdam uero ignorantia fatetur, ac cedit sermoni illius, cui plus est cõcreditum, conceditq; aliquem plus esse spiritalem, & in contemplatione magis profundum. Sanè turpe est, ut quis uestem & uictum eligat, non splendidior, sed uiliorem, genuumq; callis, ac oculorum fontibus, ieiunijs insuper & uigijs, in humo præterea dormitatione, labore, ac cunctis in rebus humilitatem, & propriæ imbecillitatis cõscientiam ostendat: in sermonibus uero de deo se cunctis præferat hominibus, & planè imperatorem & tyrannū agat, nulliq; omnino cedat, sed supercilia ultra omnes legis doctores attollat, quum interim humilitas cum gloria securitatem etiam habeat. Sed hic ex feruentioribus quispiam supplodet ac dicet, nūquid de deo tacebimus? & hoc tu iubes? & de quo potius quàm de illo dicemus? & quonam constituemus istud, semper laus eius in ore meo. & benedicam dominum in omni tempore. & ecce labia mea nō prohibebo. uerbaq; talia proferet præmeditata & huc spectantia. huic mansuete, & nequaquā molestis occurrere decet uerbis, ut hinc modestia doceatur. Nequaquā silere iubeo ó sapientissime, sed haud cõtentiose de certare. non ueritatem occultare, sed haud præter legem docere. siquidem inter primos ego sapientiam laudo eorum, qui in diuinis exercentur literis, seu exerceri cūpiunt. nec unquā exercitio huic aliquid prætulero. nec male à philosophia ipsa audire uellem, tãquam sapientiam ac disciplinam spernerem, obiter tamen immodestiam fugio, & insatiabilitatem reprehendo. malimq; ignauior quàm curiosior haberi, si non utraque effugere possem: moderatusq; esse & timidior, quàm audacior uocari. tu uero quum ego tibi prohibeam intemperantiam, uniuersum me cibum prohibere putas, aut etiam cæcitatem laudare, quia modeste contueri iubeam. Si tibi sermo est prudens, responde quippiam, ait scriptura, & nemo te prohibebit. sin minus, uinculum labijs tuis imponatur. quãto magis hoc congruit ijs, qui ad docendum sunt

sunt parati: si tibi tempus est, doceto. sin minus linguam coherce, auditum solue. Diuina quidem contemplare, uerum in terminis maneto. loquere quæ sunt spiritus, & si possibile est nil aliud. & potius loquere, quàm anhelando præcipita. bonum enim est ac diuinum, rerum diuinarum recordatione semper ad deum extimulari. sed ut scias quid tibi sit dicendum, ne patris naturam nimis curiose rimato, unigeniti essentiam, spiritus gloriam & potetiam, unam in tribus deitatem & splendorem, naturam inseparabilem, & confessionem, necnon gloriam ac spem eorum qui crediderunt. utere uerbis consuetis, ratio pertineat ad sapientiores, sufficiat tibi ut habeas fundamentum, superædificet uero artifex, satis sit ut cor pane roboretur, obsonia autem uaria opulentioribus dimittantur. nemo sanæ mentis te iudicabit, quod non oppipare cibes, sed quum nec panem apponere, aut aquam ad bibendum præbere, siue Christi discipulum, seu alium quendam his æqualem referre poteris. Noli uelox esse in sermonibus, sapientia te iubet: ne ditiori te æquipares, quum sis pauper, ne sapientioribus sapientior esse quæras. Sapientia est, ut quis seipsum cognoscat, & haudquaquam extollat: ne illi idem quod uocibus eueniat, quæ penitus deficiunt, quum nimis immodeste proferuntur. melius est sapientem cedere ob modestiam, quàm imperitum ob temeritatem intumescere. celeritas tibi sit ad confessionem usq̃, quum illa à te requiritur. in reliquis uero timidior esto, ibi enim tarditas, hic uero celeritas est in periculo. quur tibi molestum est, si non in omnibus sermonibus præcellis? & præidentiam habeas in omni problemate & quæstione, sed alij sapientiores te, uel audaciores etiam uidebuntur. Deo sint gratiæ, quod egregia donat, & per communia saluare nouit, & quod miraculum hoc non solum circa sermonem, sed & circa creationem ipsam sit, si aliquando considerare uolueris, neq̃ in creaturis prima quorundam sunt, sed omnium, communisq̃ est gratia unius figmenti: quemadmodum in fide quæ saluant non sunt potentiorum, sed uolentium. quid pulchrius aëre, igne, aqua, terra, pluuiâ, fructibus tam domesticis quàm syluestribus, tecto, indumento. & horum quidem usus aliquando omnium est communis, aliquando uero quorundam medio crite priuatus. nec aliquis adeo tyrannus est, ut solus communi gratia frui uelit. Sol omnibus æqualiter oritur, diuitibus cælum pluit, & pauperibus. communis diei ac noctis est uicissitudo, commune donum sanitas, cõmunis uitæ terminus, communis mensura, & corporis gratia, communis uirtus sensuum. forsitan & pauper ideo plus habet ex ijs quod maiores gratias agit, fruitorq̃ suauius communibus, quàm ij qui opibus longe excellunt. hæc igitur communia sunt, & honore æqualia, iustitiæq̃ diuinæ argumenta. Aurum autem & lapides splendentes ac preciosi, uestiumq̃ mollicies ac superfluitas, necnon mensa adurens & insana, & labor qui in acquirendis impendit possessionibus, paucorū sunt gloriatio. præterea & hoc ego circa fidē cōsidero. cõmunia sunt lex, prophetæ, testamenta, testamentorū oracula, gratia, institutio

institutio, perfectio, passio Christi, creatura noua, apostoli, Euangelia, spiritus distributio, fides, spes, dilectio in deum & ex deo, ac nequaquam ad mensuram, quemadmodum olim mannae donum, ingrato & non cognoscenti Israel, sed quantum unusquisque uult. uerum ascensus illustratio parua quidem quam hic assequimur, stabiliior autem quam speramus. & quod maximum est, patris & filii, & spiritus sancti cognitio, ac primariae spei nostrae confessio. quid his maius? quid etiam communius? quae uero super haec sunt, tametsi raritate sua honorabilius quid habeant, necessitati tamen sunt posteriora. nam ea sine quibus Christianum esse impossibile existit, utiliora sunt istis, quae pauci adipiscuntur. Proinde diues est aliquis contemplatione, ac super multos tollitur, spiritaliaque comparat spiritualibus, ac trifariam scribit super tabula cordis sermonem, qui aedificat omnes seu multos, uel aliquos pro plurimis, seu omnibus, licet pauper etiam existat, neminem tamen tolerat, sed in profundis ambulat, quin eleuetur ducatur, & a mente feratur: & si uult ad coelum usque tertium, Pauli instar, tantum id cum ratione & scientia fiat, ne exidat propter elationem, nec propter uolatū altiore decidat. quis inuideret tam laudabili ascensionem? & qualis casus talis? elatione circumagi, & humanae inclinationis humilitatem cognoscere, quantumque a summitate is etiam deficit, qui omnibus est sublimior. Alius autem paruus est intellectu, & pauper lingua, sermonumque uersutias ignorat, ac captiones sapientium & aenigmata, necnon Pyrronis instantias ac prohibitiones, uel oppositiones syllogismorumue Chrysippi resolutiones, seu ex Aristotelis artibus artes malas, aut Platonicae facundiae incantamenta, quae male in ecclesiam irrupere nostram, non secus ac flagella quaedam Aegyptiaca. habet tamen ille unde & per quae nam uerba saluetur. nihil charitate est ditius. nequaquam, inquit, necesse est, ut in coelum ascendas, ut illinc Christum detrahas: neque ut in abyssum descendas, ut illum inde a mortuis extrahas, uel ut curiose primam inquiras naturam, seu dispensationem nouissimam. prope te ait, uerbum est. thesaurum hunc intellectus habet & lingua. hic quidem credens, illa uero confitens. quid his opibus succinctius? quid dono hoc facilius? confitere Christum, & credas illum a mortuis suscitatum esse, ac saluaberis: siquidem & credere solum iustitia est, salus autem perfecta confiteri, loquendique libertatem addere scientiae. tu quid salute maius quaeris? gloriam nempe quae illic est & splendorem: mihi uero maximum est ut saluer, & futura effugiam tormenta. tu per uiam incedis minime tritam, & incessu difficilem. ego uero per regiam & quae multos saluauit. Nil fratres fide nostra iniustius esset, si in sapientes solum caderet, & eos qui sermonibus & logicis praestant demonstrationibus. oporteret enim ut multi hanc, non secus ac aurum & argentum, necnon alia quae apud multos rerum infernarum studiosos censentur preciosa, consequerentur. quod enim sublime esset, & ad quod pauci pertingere possent, deo placeret & esset acceptum: quod uero propinquius foret, & a multis consequi ualeat

qui ualeret, despiciendum esset & uile. siquidem nec hominibus modestis accideret ne pro uiribus expeterent honores, sed solum gauderent ijs quos antea haberent. Nōne deus, cuius multa sunt ob quæ admirationi est, nihil tam peculiare habet, quàm ut omnibus beneficiat? Noli igitur ignominia afficere cōsueti. noli uenari noua, quo inter plurimos excellas. melius est portio parua cum securitate, quàm magna cum anxietate, Salomonis te doceat consilium. & melior est inops in sua ambulans simplicitate, quemadmodum & per hoc sapienter dicitur prouerbiū. Pauper in sermone & scientia uerbis simplicibus incedit, & in illis tanquam fragili rate saluatur, longe magis quàm insipiens & uersutus labijs, qui in sermonis demonstratione confidit, & Christi crucem euacuat. Res quàm sermo melior, propter uim quæ est in sermone. ubi demonstrationis imbecillitas, ueritatis est minutio. quur ad cœlum euolare quæris, quum pedester existas? quur turrim ædificas, quum nequaquam sumptus habeas? quur & tu manibus undam mensuras, & cœlum palmis, ac uniuersam terram pugno? uasta sunt elementa, & solum à factore suo mensurata. Primo te ipsum cognosce, quæ in manibus sunt animaduerte. quis nam sis, & quomodo factus & compositus, ut imago existas dei, & deteriori colligatus. & quid sit quod te moueat. quæ circa te sapientia & quodnam naturæ mysterium. quomodo mensureris loco, mens tamen non definiatur, sed hic manens omnia scrutetur. quomodo uisus paruus, ad plures tamen pertingat. & utrum sit uisus receptio quædam, uel potius ad illum transitio. quomodo illud idem moueat & moueatur, per uoluntatem gubernatoris. quæ præterea quies motus, quæ sensuum distributio. & quomodo per hæc mens communicet cum externis, externaq; capiat. quomodo species suscipiat, & quomodo memoria conseruatio sit rei receptæ. & qualiter recordatio rei præteritæ sit resumptio. quomodo sermo mentis sit fœtura, sermonemq; in alio generet mente. & quomodo sermoni datur intellectus, quomodo corpus nutriatur per animam, quomodoq; anima per corporis moueatur passionibus. quomodo illam timor congelet, audacia soluat, contrahat tristitia, diffundat uoluptas, tabefaciat inuidia, extollat superbia, spes alleuiet: quomodo ira in furorem agat, pudorq; per sanguinem rubescat, nunc per hunc auctus, mox per illam diminutus. quomodo passionum notæ fiant in corporibus. quæ sit rationis præeminentiā, & quomodo his omnibus imperet, affectionumq; mansuefaciat commotiones. quomodo sanguine & respiratione cohibeatur, id quod corpore caret. quomodo horum defectus animæ sit secessio. hæc uel his similia considera ô homo. nondū dico cœli naturam & motum, ordinemq; astrorum, necnon elementorum commixtionem, & zodiaci differentiam, ac uirtutum cœlestium fundamentum & structuram, & omnia in quæ opificis diffunditur uerbum. necnon prouidentia & dispositionis rationes. & tum (quamuis nondum dico confidens, sed timens) ad sublimiora accede, necnon ea quæ uires tuas exuperant. Proinde

omnis

omnis sermo litigiosus & ambitiosus præcipuum exercitium est ad cōtentio-
nem maiorem. oportet igitur ut quemadmodum pueros prius moribus for-
mamus, quo posteriora effugiant uitia: ita etiam ne in sermone circa parua
uideamur temerarij & ineruditi, ne circa maiora meditatione abutamur. fa-
cilius enim est sub initium prauitate non maculari, illamq; ingruentem effu-
gere, quàm quum processerit abscindere, & ea superiorem apparere. quem-
admodū facilius quoq; est lapidem sub initium retinere, quàm quum è ma-
nibus missus est reuocare. Si uero incōtinentior es, & morbum cōtinere ne-
quis, hæc meditare, in his uersare, ambitioq; tibi euacuetur in ijs quæ pericu-
lo carent. sed tu hæc nequaquam suscipis: nec lingua tua frenum habet: neq;
impetum cohibere potes: omnino tamen resistere oportet, & primæ uiolen-
tiæ nequaquā succumbere, nisi & ibi mensura sit cognitionis, & plus magnus
esse uelis quàm expediat. at tu nequaquā fratrem iudicas, neq; timiditatem
impietatem esse putas, neq; immodeste reprehendis, aut etiam desperas, tu
qui modestiam promittis. uerum hic uelim mihi humilis appareas, quātum
est possibile, hic fratrem tuum honorato, non cum suo damno. nam hic iudi-
care & uilipendere à Christo spe sola est eijcere. & latens triticum, tuo forsi-
tan honorabilius, cum zizanijs euellere. Cæterum corrigendus est ille, facias
igitur hoc modeste ac humaniter, & nequaquam ut inimicus, nec ut medi-
cus incidens, ac non solum agnoscito quemadmodum ille inuri aut incidi de-
beat, sed & teipsum ac propriam cognosce infirmitatem. quur enim si oculo-
rum teneris morbo, sol tibi uideatur obscurus: quid autem si cuncta tibi cir-
cumueri uideantur, quum tu nauseam patiaris, aut etiā sis ebrius: ignoran-
tiamq; propriam aliorū esse censes. proinde multū iactari & tolerare opor-
tet, prius quàm alterius cognoscatur impietas. nequaquā simile est plantam
aliquam excindere, aut florem etiā odoriferum, ac hominem. Imago dei
es, & imaginem dei condemnas. Iudicaberis & tu qui iudicas. alienum iudi-
cas seruum, & quem alius gubernat. ita fratrem tuum probato, tanquam &
tu eadem mensura sis iudicandus. ac ideo haudquaquam in abscindendo se-
stina, aut confestim membrum alienes. incertum enim est, ne ideo quod sa-
num est corrumpatur. uerum admone, hortare, increpa, medicamēta habes,
regulas habes, Christi es discipulus, humilis & mansueti, qui iniquitates no-
stras portauit. quod si primum tibi resistit, longanimis esto: si uero secundo,
desperare noli. adhuc sanādi tempus est. at si tertio, fias agricola humanus,
dominum roga ne excindatur, aut odio habeatur, sterilis illa & inutilis ficul-
nea. sed ad illam te cōuerte, & eius curam gere, eamq; stercoreato, per cōfessio-
nem quæ occulta prodit, & manifestis pudorem iniicit, ac turpiora rectius in-
stituit. quis scit utrum immutetur, ac fructum ferat: Iesumq; à Bethania re-
deuntem pascit. affer remedium aliud cōtra fratris putorem, siue sit uel esse
putetur, tu qui spiritali unguento inunctus es, quod pigmentarij arte sit con-
fectum, ut hoc bono tuo tribuas odori. Nō est echidnæ uenenum malitia il-

lius, ut percussus cōfestim dolore corripiaris & corrūmparis. ac ideo uenia tibi dāda, si bestiam illam fugeris aut occideris. igitur si potes fratrem curato: sin minus, in hoc saltem eris securus, quod nequaquam illius particeps fueris prauitatis. odor est insuauis animi eius morbus, quē tua forsitan abiget fragrantia, quum superauerit. cito tale quid pro conseruo & cognato tuo suscipiam, quale zelotes Paulus cogitare & sibi imprecari est ausus, quo si possibile esset, Israël Christo conciliaret. tantum illi compatiebatur. at tu sapius ob suspicionem solam fratrem abscindis, & quem forsitan bonitate lucrari posses, hunc tu perdis temeritate, membrum tuum, pro quo mortuus est Christus. Si igitur tu fortis es, Paulus inquit, de esca differens, sermoniꝫ confidis, ac generositati fidei, fratrem tuū ædifica, nec cibo tuo eum subuerte, qui per Christum communi passione est honoratus. nam & si res sit alia, utpote de esca mentionem faciens, adhortationis tamen sermo, cōmunem in se utilitatem habet. Sanè & apud nos, quemadmodū ueteres sapientes Hebræos legem condere deceret. illi enim nequaquam permittebant, ut iuuenes sacros legerent libros, tanquam inutiles animabus adhuc infirmis ac tenellis. quo non omni nec semper concederentur omnia, sed præscriberetur quibus fidei imbui deberent sermonibus. de illis dico, qui nō omnino abiecti essent, ac ingenio segnes, seu nimis gloriæ cupidi, aut contentiosi, uel erga pietatē feruentiores quā deceret. isti enim illac ordinandi essent, ubi nec seipso, uel alios offendere possent: ac ij qui inter illos sermonibus modesti, ac uere ornati & prudentes essent, libertatem haberent sermonis. reliqua autē multitudo quæ ab hac uia oberrat, & qui loquacitate ac morbo qui nunc uiget detinent, ad aliam uirtutis speciem minus periculosam dirigerentur. ubi negligentia & infatiabilitas magis pia, & minus foret nociua. Si enim quemadmodum unus est dominus, una fides, unum baptisma, unus deus pater omnium, & per omnia, & in omnibus: ita & una solum salutis esset uia, per sermonem nempe & contemplationem, oporteretꝫ eos, qui ab hac exciderent, omnino aberrare, & à deo excidere, nec non spe futura: nihil esset, nec in cōsulendo talia, neq; in obediendo periculosius. sed quemadmodum inter homines multæ sunt differentia uiarum, ac electionum instituta, tam maiorum quā minorum, splendorum ac periculorum: ita & in diuinis, nō unica solum uirtutis est uia per quam saluamur, sed plures. & quod plures solum sint apud deū, hoc ubiq; diuulgatum est, ac omnium celebratum ac cognitum linguis, ob nullam aliam causam, quā quod multæ sint uia quæ illac ferunt. quædam periculosiores, clariores tamen, aliæ uero humiliores, sed tutiores. quur igitur securiores relinquimus? & ad hanc unam nos cōuertimus, quum sit lubrica ac perniciosa, & quoniam ferat ignorem. siquidem non omnibus idem cōuenitibus, sed alijs alius, iuxta uarietatem ætatis ac habitus. quod uero uita quæ in sermonibus uersatur, omnibus conueniens sit, hoc ego nequaꝫ dicerem, nec dicentibus assentirer. si itaq; mihi obtrēperabitis iuuenes & senes, populi principes

principes ac subditi, solitarij & populares, superuacaneas ac inutiles cōtēctio-
nes ualere sinetis, per uiamq; & conuersationē, necnon sermones minus peri-
culosos deo appropinquare studebitis, quo ueritatē ac cōtemplationē quę il-
lic est assequamini, in Christo Iesu domino nostro, cui omnis gloria in secula

DIVI GREGORII NAZIANZENI THEOLOGI ORATIO
ad Heronem philosophum, ab exilio regressum.



PHILOSOPHVM laudabo, tametsi corpore egrotem.
philosophicum enim est, laudare philosophū. laudabo
autem eum admodum iuste, quoniam quū ipse sit phi-
losophus, ego adeo philosophiæ sum cultor, ut & sermo-
nem laude dignū censeam: ac ideo, si nihil aliud, saltem
hoc philosophabor, ut admirationi sit philosophus. ete-
nim iuxta sententiam meam philosophandū, honorādāq; est philosophia.
si nolimus penitus ab honesto excidere, aut rationis expertes censerī, quū ra-
tione præditi sumus, & per uerbum ad uerbum festinemus. philosophice igi-
tur quemadmodum & in alijs solemus, uir celebretur, & fama eius temporis
diuturnitati mandetur. nō enim ideo illū laudamus uti glorificemus, id enim
philosopho admodū ingratum esse scimus. nec sermo rebus aliquid adijcere
potest, quoniā nec ob imbecillitatem suam quid illarū dignitatī adimere ua-
let: sed ut nobismetipsis prosimus, siquidem hoc nequaquam cōtemnit phi-
losophia, ut uitam nostram, opera ac studia beneficio aliquo afficiamus. est
enim beneficentia prima, ut honesta laudētur, siquidem ueri amoris hospes
laus est, amor autem uirtutis, uirtus uero beatitudinis, at illa desiderabilium
uertex est summus, & ad quem omnis studiorum nostrorum motus tendit.
Huc igitur ad sis philosophe optime & absolutissime, addo & ueritatis mar-
tyr exactissime. Ad sis huc nothæ philosophiæ redargutor, præcipue illius,
quæ non nisi per eloquentiam incantare solet. ultra illam uero nihil præsta-
re seu potest, seu uolet. Qui in uirtute dexteritate polles quantum & ad cō-
templationem, quantumq; pertinet ad operationē: qui sub alia forma in no-
stris philosopharis, & forsan non sub alia, si saltem angelicum est splendoris
gestatio & claritas. quū enim illi formantur corporaliter, symbolum hoc esse
censeo puritatis, quæ secundū eorum est naturam. Huc igitur mihi ad sis phi-
losophe, & sapiens quidem: quodātenus enim philosophia est amanda, aut
nequaquā philosophia existit. non enim parit impudentiā, sed audaciā: nec
gulam, sed uictum quotidianū: neq; adlatrationem, sed conseruationem ho-
nesti, & curam animarum, adulationisq; tantum, quantū secundū naturam
est domesticum, adlatrationis uero quātum est alienum. Huc mihi ad sis, ac
iuxta sacra consiste, & mensam hanc mysticam, necnō meipsum, qui rerum
sacrarum ac diuinarū princeps sum, ad quæ te, & sermo, & uita tua ac purga-
tio per passionem facta perduxit. Huc ad sis, ut te nostra ornem corona, ac ui-
ctorem te uoce pronunciem splendidissima, non in medijs Olympijs, aut in

paruo Græciæ theatro, nec quod pancratio, uel cæstu, aut cûrsu, seu in aliò paruo uiceris certamine, siue pro præmio depugnaueris uili, aut in honorem Herois alicuius, aut dæmonis, qui ob calamitatem quandã aut fabulam honorantur. talia enim sunt illorum pura & honoranda. quæ tempus stultitiæ suæ patrociniũ sumpserit, cõsuetudinemq; pro re legitima. Sed coram deo & angelis, totiusq; ecclesiæ congregatione, uictorem hæresiũ ementitarum, in honorem dei uiui, qui nos propria sua passione pati docuit, quorum certaminum regnũ est cœlorum, homoq; deus euadit, omni passione sublimior. Cæterum quale est præconium illud? equidem si breuiter & exacte audire desideratis, hic est ueritatis athleta, nequaquam fictus, hic trinitatis ad sanguinem usq; propugnator, hic est persequentium & male afficientiũ passionis promptitudine persequutor. nil enim ita uincit persequutorẽ sicut promptitudo passionis. Si uero præconium perfectius & amplius audire cupitis, hic est optimus ex optimis, ac nobiliũ nobilissimus. atqui non illam dico nobilitatem quam multi putant. Apage, nequaquam nostrum est, nec philosophicũ, eam admirari, quæ ex fabulis & sepulchris procedit, ac iam diu supercilia tollit. nec illam quæ ex sanguine oritur ac literis, quam noctes cõferunt, & regum forsitan, nec nobilium manus, nobilitatem uelut aliud quiddã imperantes. uerum de illa loquor, quam pietas ac mores suis consignat sigillis, & quæ ad primũ bonum unde facti sumus est ascensio. quæ & unica nobilitatis huius est demonstratio. Siquidem generosus iste, non solum nobis est athleta, sed & ex martyrum numero, ita ut uirtutis exemplum illi sit peculiare. Cuius autem? quãtum pertinet ad sapientiam orbis uniuersi. illa enim nequaquam angustis se terminis circumscribi patitur. quantum uero ad corpus, Alexandrinus. quæ ciuitas nobis, & cõfestim post nos adnumeratur, cuius feruor ex omnibus quæ omnino subsunt imperio, perquàm peculiaris existit, cuius & illud est pulcherrimũ, quod Christiano censetur nomine, & singulari ad hoc fertur affectione, cum electione incepta, natura uero confirmata. quum enim pietati feruor accedit, rectus amor procreatur, qui amor fidei quoq; est securitas. Sanè ita educatus est & institutus, quemadmodum talem & ex talibus prognatũ, & qui talis erat futurus decebat. Postquàm autem tempus adesse uisum est, quo uitæ fieret electio, magnum quid & iuuenile ausus est, quodq; multis esset sublimius: delicias contempsit, at longe magis substantiam & potentiam, ac inter cæteros illos, qui his adhiberent mentem, & has quidem tanquam mali affectionem primam, illam autem ueluti paupertatem extremam, at hanc sicut imbecillitatem supremam despexit & dimisit. nil enim bonum esse censebat, quod possessores haud facerent meliores, sed ut plurimum deteriores. neque id quod in finem usq; apud dominos suos haud permaneret. Philosophiam autem animi passionibus dominam constituit, ac uiriliter honestati est cõiunctus, omnemq; materiam inutilem extirpauit, priusquàm à materia infici posset. naturæ præterea magnitudine,

& ele

& electionis generositate super uisibilia surrexit, innitens firmioribus. Postquam uero ita decreuit, nequaquam sibi deliberandum censuit, quam nam philosophiam eligere deberet. num illam quæ ab extra sub ueritatis umbra, aut intra sub figura & problemate ludit, seu potius nostram & humilem illam aspectu, sublimem uero recessu, ad deumq; perducentem. uerum toto calculo nostram elegit, nequaquam penitus ad deteriora mentem conuertens, nec per sermonis elegantiam abstractus, qua sola sapiunt qui gentilibus incumbunt. Illud autem primum philosophice egit, ut ex uis nostris eam cognosceret quæ magis foret eligenda, & utilior ipsi pariter & Christianis cunctis. siquidem ubiq; proprium ac commune pariter connectere, animæ arbitratur esse perfectæ, ac philosophicæ. neque enim quenquam sibi soli natum esse, sed omnibus qui eiusdem participes sunt naturæ, & qui ab eodem & propter eadem sunt procreati. Quum autem uideret uitam solitariam & priuatam, multis inconuenientem & alienam, tametsi ardua esset & super humana, sed solum apud illos consistere, qui singulari præstarent uirtute, & qui dilectionis communitatem, & hominum conuersationem abnegassent, quam in primis inter laudanda esse cognoscebat, præterea & reprobendam, tanquam quæ nec in rebus exercitaretur agendis, nec alijs quid impartiretur. uitam uero communem & mixtam uirtutis experimentum esse, quæ se etiam in multos extendat, & quam prope ad diuinam accedat æconomiam, quæ & omnia fecit, & amicitia colligauit. insuper & genus nostrum quum à bono, propter malitiam ingressam, excidisset, per commixtionem & conuersationem nobiscum factam iterum reuocauit. hæc quum cognouisset ac secum deliberaisset, simulq; gentilem superbiam reprimere bonum censuisset, quæ non nisi ueste trita, barba prolixa & simulata gloriatur honestate, quid facit, & quomodo philosophiam tractat: per mediam quandam uiam inter illorum superbiam, & nostram incedit sapientiam. & horum quidem formam & umbram, nostram autem ueritatem & sublimitatem philosophice obseruat, ac ideo Peripatos, & Academias, necnon uenerandam stoam, ac spontanea illa Epicuri, unà cum atomis & uoluptatis decertatione, pariter cum suo Poëta quam longissime remouet & ablegat. Cynicorum uero impietatem penitus est auersatus, at quod superuacuum non esset laudauit: hoc est quod nunc uidetis. Canis cōtra existentiam illorū, & sapientiæ amator contra insipientes, super omnia uero Christianus: uicitq; contumaciam illorum figuræ similitudine, quorundam autem qui apud nos sunt insolentiam habitus nouitate: ostendens quod pietas haudquaquam in paruis consistit, neq; in seueritate philosophicum, sed in animi soliditate, & mentis puritate, ac recta ad honestum inclinatione: ut cunq; figura habeamus, & cū quibuscunq; conuersemur: siue etiam solum nobiscum, segregantes mentē à sensibus: seu etiam cum multis & cōtribulibus, proprium facientes communia, & philosophantes in quibus minime philosophantur alijs, nō secus ac archa

Platonem
taxat
Aristotelem
notat

illa Noë in diluuiio, longe diluuiio etiam leuior, & montis rubus, qui licet ignis esset, nequaquam tamen comburebatur. magna Moſis uisio illa, nec enim patiantur id, quod multis accidit, non magis quam adamas quum percutitur. sed alios per seipſos quantum fieri potest meliores reddunt. huius philosophiæ fructus nequaquam urbes sunt sermone constructæ. organa quædam musica, ut ipsi aiunt, & Tragelaphi, quæ cuncta solum lingua componuntur, nec Kategoriæ quædam, & resolutiones, ac mixtiones, nec consonantiæ, ac plusquam consonantiæ, sapientiæque cum sermonibus fabricata. neque lineæ quædam, nullibi consistentes, nec stellarum connexiones & figuræ, contra prouidentiam excogitata. hæc enim illi secundaria erant & superuacua, ac ideo solum lusa, ne ludamur ab ijs, qui se scire simulant. Proinde quidnam primum existit, cui præcipue est studendum? nempe ut secundum diuinum David, iuste & libere loquamur coram principibus & regibus, ac nequaquam timeamus, populi, rationis expertis, merito corripiendam infamiam, non indignantium principum potestatem, non domorum inter se dissidentium pestem, non ineruditorum ruditatem, non cruditorum superbiam, non diuitias se efferentes, non satietatem iniuriantem, non paupertatem male afficientem, non iram efferuescentem, & rationem expellentem, non uoluptatis immodestiam, non risus incontinentiam, non argenti tristitiæ cessationem, non iuuentutis inæqualitatem, non senectutis pusillanimitatem, non uiduitatis desolationem, non pupillarem desperationem. Sanè ea quæ syllogismorum sunt & linearum, necnon eorum qui stellis inhiant, nemo prudens magni æstimabit, si considerauerit, quod nec syllogismorum conuersio, nec terræ commensuratio, neque astrorum reuolutio, uitæ nostræ aliquam conferat utilitatem, nec damnum, etiam si cuncta euanescant. si uero ea de quibus iam dixi sublata fuerint, omnia confundentur, & ad nihilum redigentur. Cæterum quid dicere refert quantum hæc Antisthenis superbia, & Diogenis obsonijs, ac Cratetis nuptijs communibus meliora sint & sublimiora, uerū parcamus illis ob reuerentiam nomenclaturæ, quo æqualiter uiro fruantur. Proinde ut nos ea quæ in medio sunt contrahamus, modestiam, continentiam, alacritatem, gratiam, cōmunionem, humanitatem, & alia in quibus uir iste super omnes excelluit, ad ultimum ordine, uirtute autem primum conuertamur. fuit olim tempus, quū ab hæresibus tranquillitatem essemus nacti, quū cessassent Simones & Marciones, & Valentini quidam & Basilidæ, necnon Cerdones, Kerinthique, ac Karpocrates, & omnes illorum nugæ ac monstra, qui ut plurimum totum deum dissecebant, & pro bono cōtra creatorem pugnant. deinde in proprio submersi fuere profundo, omniaque ut dignum erat silentio sunt obruta. Montani uero spiritus malignus, & Mani caligo, necnon Nouati audacia, seu puritas, Sabellique malum, monarchiæ patrociniū euauit & discessit. & una quidem opinio in partem deuoluta est aduersam, alia uero penitus despecta, & propter imbecillitatem suam reiecta,

nec

nec in ulla re alia ecclesiam læsit. siquidem persequutiones illam per passio-
 nes splendidiorum reddunt. uerum non multum temporis intercessit, quum
 iterum tempestas cōtra ecclesiam insurrexit, superbia iniquitatis, supplemen-
 tum impietatis, malorum spirituum legio, lingua Antichristi, mens iniquita-
 tem cōtra altitudinem loquens, deitatis incisio, cuius primus conatus nō fuit
 adeo molestus, ultimus uero longe molestissimus, & nequaquam Iudæ pro-
 ditione inferior. Arius ille, qui recte insanus est appellandus, is ab urbe inci-
 piens Alexandrina, ibi enim malum illud excogitauerat, inde tanquam im-
 mitis flamma à parua suscitata scintilla, per magnam orbis partem cucurrit.
 uerum à patribus nostris extinctum est, quū pius tum numerus Niceæ con-
 uenisset, & intra certos terminos, ac uerba propria Theologiā stabiliuisset.
 uerum rursus regnum impium, rursus malum reuertitur, & non secus ac ex
 ulceribus recis sanies effunditur, & lupi graues, alius aliunde nos discer-
 pens, ecclesiam dilacerant, sacerdosq; contra sacerdotem armatur, ac popu-
 lus contra populum insanit. Rexq; impietati tribuit audaciam, ac leges con-
 tra rectam fert opinionē, sed nec mulieres penes ipsum in precio fuere. Qua
 Tragedia, quis ea quæ tum euenere mala explicare posset? fugas, bono-
 rum publicationes, ignominias, ad loca deserta commigrationes. Infinito-
 rum hominum & ciuitatum sub diuo macerationes, quum imbre & niue un-
 dique premerentur, regressiones inde, nam nec in solitudinibus sine pericu-
 lo diuersari poterant: sed & his grauiora etiam, nempe uerbera, mortes,
 triumphos episcoporum, philosophorum, uirorum, mulierum, iuuenum, se-
 num: hos grauiora excogitantes, illos grauiora superaddentes, alios uero
 præfectos, impietati deseruientes, quos plerunque solum in altum extolle-
 bat quod amarulentiores uiderentur, quam imperantis esset uoluntas. ue-
 rum splendida persequutio paulo antea finem est sortita, quum Persia be-
 ne pro nobis iudicasset, ac scelestum illum sustulisset, & ob multorum san-
 guinem ab uno sanguine pœnas exegisset. Nuper uero indecens illa ince-
 pit, ac pietatis prætextum habuit, ut Christianos plecteret. uerequē Chri-
 stianis incubuit, & tanto persequutione priore illa difficilior facta est quan-
 to tum certamen splendidius erat & illustrius, nunc autem passio certamine
 caret, apud eos qui nequaquam iusti passionū iudices existunt. Proinde uul-
 tis ne ut theatro lachrymas commoueam, licet constantissimo & affectioni-
 bus superiori. unum quod tum factum est ad memoriam reducam, sunt au-
 tem sermonis huius testes quàm plurimi. siquidem ad multorum auditum
 tragediæ illius peruenit calamitas, sed & futura, ut arbitror, ætas, temporis
 illius narrationem retinebit. Nauis quæ seniore quendam ferebat, qui ob
 nullum scelus commissum, sed solam fidem periclitabatur, in pelagus dedu-
 cta est: non ut ascensorem saluaret, sed perderet. eratq; nauigans promptus,
 quoniā pius existerat. Ignis uero unā cū nauigante proficiscebatur, at persecu-
 tor ob pœnæ delectabatur nouitatem. Proh spectaculū, proh representationē.

Constantij &
 Valentis im-
 peria

Iulianum
 Sub Valente

Heliodorus
 presbyter

Navis erat in mari, theatrum autem in littore quum hi gauderent, illi uero
 lugerent. sed quo pacto paucis multa recensere possem? Incenditur ignis,
 consumitur navis, unà conflagrat nauigans, ignis commiscetur aquæ, con-
 curruntque in unum contraria, ad pñ hominis supplicium, ac duo elementa
 unum corpus inter se diuidunt, ignisque mari peregrinus, supra undas tol-
 litur. O tu quisquis es celeriter accede, tanquam ad mansuetum & huma-
 num, quumque accesseris spectaculum miserabile & incredendum repe-
 ries, nauem sine gubernatore, sine tempestate naufragium, ac senem in ci-
 nerem conuersum, & neque in cinerem, sed in undis dilaceratum. uerum
 nec unquam sacerdotium tantum fuit, quantum ut finem consequeretur
 tam speciosum. si uero non finis, saltem fuit sepulchrum, quod quidem &
 malis quoque debetur. talis fuit impij illius classis, talis & pñ exitus. Sanè
 nunquam ignis fuit purior, nec apud superos quid crudelius illo, qui talia
 imperabat. Sed quur in alienis expatior? ad tuum iam transeundum est
 certamen, ad tuosque pro p etate agones, quos cunctis subire uolentibus,
 tanquam signaculo bono roborasti. Pullulabat equidem in ciuitate tua hæ-
 reseos huius malum, unde & initium sumpsit. Post sanctissimum autem
 orbis oculum, & sacerdotum archisacerdotem, tuæ professionis magistrum,
 & priorum certaminum, quæ pro pietate pertulerat doctorem, uocem
 illam magnam, fidei sustentaculum, secundum Christi lampadem & præ-
 cursores (si fas est hoc dicere) in senectute bona constitutum, & dierum se-
 cundum deum plenum, post calumnias, post certamina, post decantatam
 illam manum, post mortuos uiuentes, Trinitas pro qua depugnabatur, ad
 seipsam reuerfa est, & ad statum suum reposita. scio autem, quod omnes ex
 sermonibus his Athanasium cognoscitis. Deinde secunda quædam Ægy-
 pti plaga & flagellum, ueritatis proditorem illum in ecclesiam introduxit.
 Lucius luporum pastorem, qui super ouile ascendit latro. secundus Arius, turbida,
 & ad bibendum pestilens lacuna, impij fontis fluuius largior. Sanè refer-
 re piget, iniquitates & cædes, per quas fera illa sacrum occupauit thronum,
 necnon prauī introitus præludia. nilominus tamen pauca è multis deplora-
 bo, quæ & uos deplorabitis, & plus quàm deplorabitis. ad hunc autē luctum
 diuini Dauidis uerbis utemur, Deus, ingressi sunt gentes in hæreditatem tu-
 am, inquinauerunt templum tuum sanctum, & quæ sequuntur, exposuerunt
 morticina seruorum tuorum in cibum uolatilibus & dilaniationem feris. ad-
 dam his & alia eiusdem ex alio luctu & cantu: quanta mala inimicus in san-
 cto tuo perpetravit? & gloriati sunt qui te oderunt, in medio festiuitatis tuæ.
 quomodo enim non sunt gloriati? quomodo non inquinauerunt templum
 calamitatibus multiplicibus & malis omnimodis? præfuit enim uir diuinita-
 tis contemptor & iniquus, & nec nomine quidem Christianus. hoc enim ex
 iniuria illa grauissimū fuit. sed qui ab idolis in dei templum irrepsisset, ab im-
 pio sanguine ad abominabiliora & scelestiora, quæ forte cōtra nos per iniuri-
 am

Athanasium

Vide historiā
ecclesiasticā

Lucius

riam dæmonibus sacrificabat. adiungebaturq; illi potentia ira flagrans, & exercitus alienus, ac immitis, contra inermes & perituros. Expulsus est sacerdos sancti illius successor, qui lege & ordine spiritus erat delibutus, canicieq; ac prudentia uenerandus. Regnabat autem Tabeel ille hæres rerum alienarum, erantq; contra sanctos arma, contra asylum manus scelestæ, contra cantus tubæ, sed & sequentia mihi considera, uiros cadentes in sanctis, mulieres pedibus conculcatas, ex hisq; aliquas cum onere naturæ, partus immaturos, seu ut exactius dicam, nondum partus, uirgines miserabiliter distractas, ac turpius uerberatas. pudet enim me coram uiris & mulieribus modum referre, ac sermone turpitudinis secreta detegere, quemadmodum tum fuere detestæ, pudet referre, quod quædam ob spectaculi turpitudinem se in puteum, qui in templo erat deiecerint, aliæ autem ex superioribus se præcipitauerint, nonnullæ uero iacentibus accumulatae fuerint, cædes super cædes, cadauera super cadaueribus sacrosancta contaminatis cõculcata pedibus, altaria figuris & cantibus. Et ut audio (quor hoc audax lingua profert) saltationes super illis, & ecclesiæ resonantias crepitaculis uiolatas, linguas blasphemias super sacris thronis cõcionantes. Mysteria in comedias conuersa, psalmodias tacentes, & pro illis ululatus excitatos, sanguinis riuos, lachrymarum fontes, sacerdotes ductos, monachos dilaceratos, totâ discursionis imaginem, qua olim Assyrii per sanctam discurrerunt Hierusalem, quâ nec sermo digne explicare, nec auditus percipere posset, sed sola Hieremiæ anima, & uox, ut deceret deplorare ualeret, qui & lachrymarum fontes expetit, & ex muris super talibus lamentans afflictionibus protestatur, cantuq; luctû ciet, quod Sion festiuitates suas nequaquam celebrat. Proinde quemadmodû hæc acta sunt, ortus nouit, deplorauiq; occasus. uere enim symbola fuere uecordiæ. Sacerdos expulsus triumphum egit. quo pacto ante Romanorum ecclesiam uestem sanguinolentam pro mortuis exposuit, ibiq; per silentij accusationem uniuersis lachrymas excussit, ut calamitatem ob oculos poneret, & in afflictionibus adiutorem inueniret. te igitur tanquam illius susceptorem cognoscimus. quandoquidem id quod excellit, præcipue ob imbecillitatis calamitatem flecti solet, & propter benignitatē ultro assistit oppresso. hanc uero laudem ex alijs prijs nullus tulit. tu autē tanto plus cõmotus es, quanto sermone eras perfectior, & zelo feruentior, ac ideo pro sermone decertabas. pugnabas & pro pietate, necnō alijs multis, quibus tu & faciendo & dicendo pro bono cõtendebas. Docens, admonens, impugnans, reprehendens, cõminans, confundens indoctos, principes priuata publica omni tēpore & loco. Tandem impij potestatis insania dilaceratus es. O calamitas generosa. Proh sacra tua uulnera, probū corpus flagellis cẽsum est, sed non secus pertulit, ac si aliū spectaret patientem. uinculis ligatū est id quod cerni potest, sed nō destructum mentis generosum. uiolentiā in conspectu omniū notasti infamia, tacensq; factus es tolerantiæ doctor. Cæterū quid factū est postq; lingua loqui desin-

è pa

è patria pelleris in exilium, qui nullam domū sciebas, etiam alienam, ut mihi
 uideatur, quo alij tua instruerentur pietate. Oasiosq̃ desertū inhumanum fa-
 ctum est tibi refugium, quod deinde propter te solum fuit sacratissimū. Pro-
 inde & nos exilij tui participes facias, postq̃ te nobis reddidisti, exhibeasq̃
 nobis theatrum reuersionis. quos nam ibi philosophari docuisti? quos nam
 ab impijs purgasti opinionibus? quos nam ad pietatē reduxisti? nam & ibi
 mihi docendi locū uidere uideor, festiuitatem illam & panegyrim circa te ce-
 lebratam. Sed & illud nobis referto, habebas ne in corporis reliquijs conso-
 lationem aliquam? aut solū in paupertate philosophabaris? habebasne cer-
 taminis socios quosdam, aut illis carens sustinebas. Desiderabasne sorores
 tuas puritatis & castitatis tuæ socias, aut etiā cōsuetudine harum sublimior
 eras. Flexit ne te senis matris desolatio? aut ualde cōfidebas quod illi tanquā
 rem ad securitatem maximā relinqueres pietatem? Cæterum postq̃ ad nos
 reuertendo, bene egisti, teq̃ desiderantem desideratis iterū reddidit ille, qui
 glorificat eos, qui ipsum glorificant, amatq̃ amātes, qui timentibus eum uo-
 luntatem infundit, & mortuis resurrectionem inspirat: qui Lazarū iam qua-
 triduo sepultum, te uero post annos quatuor expulsū, præter spem uiuifica-
 uit & reduxit, ossaq̃ ossibus, ac harmoniam ad harmoniam coniunxit, uisio-
 nem Ezechielis inter prophetas admirandi & sublimissimi: rursus eandem
 mihi habeas operationem & audaciam, ne uidearis propter passionem deter-
 ritus esse, uel ob timiditatem perdere philosophiam, confunde mihi, quem-
 admodum prius gentiliū infelicitatem, necnon deorum eorum multitudi-
 nem, omni diuinitate carentē, ueteresq̃ & nouos deos, ac turpes illorum fa-
 bulas, sacrificiaq̃ etiam his turpiora, dum cœno cœnum purgant, quemad-
 modum à quodam ex ipsis dicere audiui. dico autem corpora corporibus, ir-
 rationabilibus sua, & figmēta uenusta, mendaciaq̃ his turpiora. quibus qui-
 dem si diuinitatem definiunt, infelicem illam esse ostendunt. si autem osten-
 dunt, fatuitatis redarguunt. ni enim res ita haberet, discerent profecto quis
 esset sermo, & quale nam circa hæc turpitudinis mysteriū. oportet enim rem
 turpem, nec emphasim habere bonorum. Si autem aliud quid ultra hæc esse
 dicunt, quomodo, aut quibus sermonibus, uel Theologis id persuadebunt?
 Præterea & hæreseum confunde insolentiam, tantoq̃ feruentius quāto gra-
 uiora es perpeffus. Generosius enim est ex passionibus philosophicum, non
 secus periculis, quā ferrum candens aqua frigida solidatū. Definito & no-
 stram pietatem, docens unum esse deum ingenitum patrem, unū autem ge-
 nitum esse dominum filium. Deum quidem quum secundum seipsum dici-
 tur appellatum, Dominum autem cū patre uocatum: hoc quidem propter
 naturam, illud autem propter monarchiam. Vnum autem spiritum san-
 ctum, qui ex patre procedit, aut progreditur. Deum illis, qui intellectu intel-
 ligunt adiacentia, ab impijs autem impugnatum, quibusdam præter illos co-
 gnitum, spiritalioribus autem & dictum. non quod pater principio subda-
 tur, ne

tur, ne primo quid prius introducamus, ex quo & esse primum subuertitur: neq; sine principio filium & spiritum sanctum, quo nō illud quod patris est proprium distrahamus, non sine principio, & sine principio, quo pacto? admirabile enim, non sine principio, causa quidem, ex deo enim, etiā si nō post ipsum, quemadmodū ex sole lumen: sine principio autē, tempore, non enim tempori subiacent, ne fluxum senius sit stabilibus, & existētibus quę existētia carent, neque principatus tres, ne gentilitatem sapiat deorum multitudo, neq; unicum (id enim est Iudaicum) angustum quendam inuidū & impossibilem, aut quod diuinitas in seipsam resoluat, quod nōnullis placuit, qui ex patre filium produxerunt, ita, ut rursus in seipsum resolveretur, aut quod naturę confundantur, & diuinitas alienetur, quod præsentibus placet sapientibus, ita, ut timendum sit, ne pater & filius inter se depugnent, aut nequaquā plus ualeant quā creaturę, neq; ingenitum filiū, unus enim est pater, neq; filium spiritum, unus enim est unigenitus, quo diuinitates illę habeant unitatem, hic quidem filiationis, iste autem processionis, & nequaquam filiationis, Patrem uere patrem, & longe patribus nostris ueriores, quoniam singulariter, siquidem proprio quodāmodo est, & non sicut corpora, & solus, non enim cū coniugio, & solius, unigeniti enim, & solum, nō enim filio prior erat, & totus pater, & totius, nostrum enim incertum est, & ab initio, nō enim postea, Filium autem uere filium, quoniam & solus, & solius, & singulariter, & solum: non enim & pater est, & totus filius, & totius, & ab initio, nunquam filius esse incipiens, deitas enim nequaquā est ex pœnitētia, neq; ex processione ut aliquādo desinat, Esse illud quidem patri, idem illud esse filio, spiritum sanctum uere sanctum, non enim & aliud tale est, nec ita, neq; sanctificatio ex additione, sed sanctitas, non magis aut minus, nequaquam temporaliter, incipientem aut desinentem, siquidem commune est patri & filio, & spiritui sancto natos nō esse, nec non communis diuinitas, filio autem & spiritui sancto illud ex patre, siquidem proprium patris est, quod generatus non sit, filij autem generatio, at spiritus sancti emissio, Quod si modum quæris, quur occuparis in ijs, qui se solum mutuo cognoscunt, & inuicem cognoscuntur, ac inuicem testimoniū perhibent, fias nobis prius, qui illic postea splendebimus tale quid, sicut prædictum est, aut talis, & tum cognosces tantum quantum mutuo cognoscitur, nunc autem solum scire doce, unitatem in trinitate, & trinitatem in unitate adorandam esse, mirabiliter se habentem, tam in diuisione quā in unione, ne timeas affectiones, si generationem fatearis, ego tibi huius rei sponsor ero, quod diuine, sed non humane, siquidem nequaquam humanum est à seipso consistere, timeatur potius tempus, & creatura, non enim deus est, si generatus sit, caue ne dū innouando deo patrocinaris, deum tollas, seruo æquale faciens, quod deo est æquale, tu qui seruitutis libertatem, recte confiteris dominationem, ne timeas antecessorem, non enim necessitatem habet deus, siue præponatur, siue nō præponatur, qui in omnibus diues

diues existit. Timeat præterea alienatio, & poena talibus imminens Theologis. præcipue illis, qui spiritum blasphemant sanctum. monarchiam nequaquam male mulctes, ita ut illam uel contrahas, uel disseces, neque trinæ deitatis crimen uerecundaris, quoad alius dualem uerecundatur deitatem, siue deitatem contrahit, seu indigentem facit, aut cogitationibus suis penitus submergit, tibi uero permaneat diuinitas, etiam si rationis imbecillitas deficiat, siquidem melius est rationem cum spiritus laborare deductione, quam socordia indulgendo, manifeste impium esse. Despice mihi instantias & oppositiones, ac pietatem illam nouam, sapientiamque humilia loquentium, & minoris æstima quam araneorum telam, quæ muscas quidem retinet, à uestis uero dirumpitur. nedum digitis aut alio quodam corporis membro robustiori, unum solum timeri doce, fidem sophismatis includere, nequaquam enim graue est sermonibus superari. siquidem non omnium est sermo, sed longe grauius est diuinitatem offendere. spes enim pertinet ad omnes. uerum scio quod tu hæc promptius & perfectius tecum philosophaberis. hoc mihi tua spondent uulnera, ac corpus tuum quod pro pietate passum est. nos quoque quantum possibile est unam tecum philosophabimur. Tu autem quum pulchra peregrinatione peregrinatus fueris, trinitatis mihi memor esto, in tabernaculis habitantis, si deus saltem in manufactis habitat. & parui huius ueris, nequaquam ex paruis pietatis seminibus. licet adhuc parui, & pauperis, ac paulatim collecti, facti enim sumus tanquam stipulas colligentes in messi. siquidem propheta illud hoc tempore proferre decet, & tanquam racemuli in uindemia, quum non supersint racemi. Cernis quanta sit congregatio? ac ideo adnitere ut aream nobis ditiozem, torcularque reddas abundantius. Quin & tu nostram enarra uocationem, peregrinationemque incredibilem, quam nequaquam tanquam unam diffluentes delicijs, sed unam patientes sustinuimus. quo grauius participes facti, gloriæ etiam fiamus participes. habes populum hunc in orationibus adiutorem. gregem numero perpusillum, at non pusillum pietate cuius paucitatem magis ueneror, quam multitudinem aliorum. hæc dicit spiritus sanctus, cum hoc & ignis descendet, & feras demulcebis, & potentes mansuefacies. sic in exilium pelli, sic iterum remitti, & ad nos redire oportebat, ditissime diuitum, iterum coronatum quo nobiscum decantaret Epinicium, nunc & postea, in Christo Iesu domino nostro, cui sit gloria in secula, Amen.

DIVI GREGORII NAZIANZENI ORATIO AD
eos, qui in classe ex Ægypto aduenerant.



DE OS qui ab Ægypto sunt loquar. iustum enim est, postquam adeo alacriter conuenerunt, zelo uincente inuidiam, ab illa Ægypto quam fluuius è terra exundans ditat, & suo tempore irrigat, ut & ego parumper eos imiter, qui in talibus facundiam suam ostentant. ditauit & illam antea Christus meus, in Ægyptum fugatus, nunc autem

autem ab Ægypto regressus. tum quidem ob Herodis infanticidium, nunc autem propter curam parentum. Christus nouus erat cibus eorum, qui bene esuriunt, aut maior cibi largitio, quàm quæ explicari aut credi potest. panis è cælo descendens, ac uitam tribuens mundo, quæ corrumpi aut dissolui nequit, de qua & nunc quoq; spiritum dicentem audire uideor, ex Ægypto filium meum uocaui. à uobis enim sermo in omnes resonauit homines, sanè creditus & confessus. uosq; præ alijs cunctis fructum fertis optimum, præcipue qui nunc recte creditis, quantum ego cognosco, qui talis cibi non solum sum amator, sed & suppetitor. & non publicus solum, uerum iam etiã extra patriæ terminos constitutus. uos enim populos ac ciuitates alitis corporaliter, quantum uos impellit humanitas: alitis & spiritaliter, non populum aliquem, aut ciuitatem hanc, uel illam, paruis limitibus circumscriptam, tametsi altum spirent, sed paulo minus orbem uniuersum, subuenitisq; fami non pane solo, siti uero aqua, quæ esurire nequaquam magnum est, & non esurire facile. sed famem sedatis auditione uerbi dominici, quã pati miserrimum est, nunc uero sanare laboriosissimum, quoniam superabundauit iniquitas, paucosq; inuenio, qui illam recte curent. talis erat Ioseph uester frumenti distributor, immo & noster, qui & per prudentiam summam famem præuidit superuenturam, sermonibusq; curauit dispensatiuis, bobus tam pulchris, ac pinguibus, quàm macris & famelicis remedium afferens. Et Ioseph utrum uis accipe, siue immortalitatis & amatorem, & creatorem, & cognomine eundem, siue eum qui illius est in cathedra & caniciei successor, nouum illum Petrum, non minus nobis uirtute quàm nomine clarum, à quibus medium excisum est & cõtritum, tametsi parumper adhuc & debiliter palpitet, tanquã serpentis cauda detruncata. ex quibus ille in senectute bona uitam finiuit, postquàm multa certamina exantlauit, ab alto (recte noui) res inspiciens nostras, manumq; porrigens ijs, qui laborant pro bono, & tanto plus, quanto magis à uinculis est liberatus. hic autem ad eandem dissolutionem uel resolutionem festinat, ad eademq; certamina agitur, iamq; supernis appropinquat, ac ideo adhuc in carne uersatur, quo nouissimis sermone opem ferre possit, uiamq; sibi cum uiatico præparet largiori. talia uos habetis magnorum & doctorum, & ueritatis propugnatorum, alimenta ac propugnacula, quibus non tempus, non potestas, non sermo, non inuidia, non timor, non accusator, non calumniator, non is qui palàm oppugnat, non qui clàm insidiatur, non opinio nostra, non aliena, non aurũ, tyrannus occultus, qui nunc ut plurimum res peruertit humanas, ac eis illudit, non obsequia, non cauponiatio, non exilia longa, & numeranda: bona enim eorum publicari nequierunt, ipsiq; propter magnas diuitias, inopiam nempe, nequaquam comprehendere potuerunt: non aliud quicquã ex omnibus rebus uel præsentibus, seti futuris, persuadere ualuit, ut improbi ac trinitatis fierent proditores, offenderentq; diuinitatem. sed potius è diuerso, periculis sunt roborati, & ad pietatem

Athanasius

Petrus episcopus
Alexandrinus

tem facti feruentiores . nam ut talia paterentur , amorī tribuerunt Christi, qui & magnanimis illis , tanquam arrabon factus est ex certaminibus . & hæc Ægypte præsentia tua sunt miracula, ac quæ de te referuntur. Tu uero mihi hircos illos recense Mendefios, Apimq; Memphiticum, uitulū bene pastum & pinguem, necnon Isidis mystas, ac Osiridis dilanationes. & uenerandum Apim tuū , lignum cum fabula & tempore adorandū, stultitiāq; adorantium materiam, tanquam incognitam ac cœlestem, materiam tamen etiam si mendacio astipulari uelit: hisq; turpiora etiam, bestiarum nempe & reptilium quorundam multipharia figmenta , super quæ cuncta elatus est Christus, Christi q; præcones. alij aliter, unusquisq; uero iuxta tempus suum inclaruit, inter quos & nūc quoq; enumerati fuere patres, quorum fama magis hodie cognita es admiranda , quā omnes alij relationibus omniū tam uetustis quā nouis, ac ideo te amplector ac saluto ó popule optime. Christi amator præcipue, ad pietatemq; feruentissime, ac te ducentibus digne. nihil enim maius hoc, quod dicam habeo , neq; cum quo lautius uos hospitio accipiam. suscipiam autem uos lingua parumper, multum autem animi motibus, popule meus, meum enim uoco, qui mecum sentit ac sapit, quiq; ab eisdem patribus sit institutus, ac eiusdem trinitatis adorator . Popule meus, meus enim etiam si inuidis haud ita uideatur. & ut plus affligantur qui talia patiuntur, ecce manus tibi do cōmunionis, tot testibus tam uisibilibus quā inuisibilibus interuenientibus, omnemq; calumniam noua depono bonitate, Popule meus, meus enim, tametsi minimus ego id quod maximū est mihi uendico, talis enim spiritus est gratia, eiusdem honoris eos censeat, qui eiusdem sunt opinionis . Popule meus, meus enim etiam si multum hinc distes, quoniam diuine colligati sumus, ac alio modo quā crassitudine . corporalia enim loco coniunguntur, animæ uero spiritu conglutinantur. Popule qui prius pro Christo pati studebas, nunc uero si mihi parueris, nequāquam inimicis male feceris, sed satis magnum tibi erit lucrum, quod faciendi potestatem habeas , censeasq; Christo latrā offerre , quemadmodum tunc constantiam , ita tempore præsentī modestiam . Popule in quem procliuus est dominus, ut bene faciat, quemadmodum ut male afficiat aduersarios. Popule quem dominus sibi elegit, ex omnibus quos uocauit. Popule domini manibus depicte, cui, tu uoluntas mea es ait dominus , & portæ tuæ insculptæ, cum reliquis. Popule, uerū admirari nolite, si ob insatiabilitatem sapius illud idem repeto , siquidem assidua uestra oblector appellatione , quemadmodum ij , qui spectaculis quibusdam uel auditionibus satiari nequeunt. Sed ô dei popule , & noster , pulchra quidem fuit festiuitas pridiana, quam in mari celebrastis, & quasi oculorum gratia quædam quum pelagus arboribus instratum esset, & manufacta nube absconsum , nauiumq; pulchritudo & uelocitas , tanquam ad pompam adornaretur . & uentus secundus in pupes incideret, ac si satellitis munere fungeretur , ac de industria ciuitati ciuitatem

uitatem præmitteret marinam . uerum longe pulchrior hæc est quam nunc uidemus ac magnificentior . non enim multis offerentes uos commiscetis, nec multitudine pietatem metimini , nec magis sustinuistis populus fieri seditiosus , quàm populus dei uerbo purgatus . Sed quæ ad Cæsarem pertinuerunt Cæsari dedistis , quæ uero dei , obtulistis deo : huic quidem uectigal, huic uero timorem: populumquæ uestris alentes , ad nos uenitis alendi. nam & nos frumētum diuidimus, forsitan distributione uestra nequaquam deterius. adestote igitur , ac panem meum comedite , ac uinum bibite quod misqui uobis . aduoco uos cum sapientia ad mensam meam . siquidem animi uestri laudo gratitudinem, & ad promptitudinem uestram accurro. quoniam ad nos tanquam portum singularem confugistis , & ad similes uobis accurristis, fidei quæ cognitionem honorastis, ac inter absurda esse reputastis, quod conuiciatores rerum supernarū, unā sentire & inter se concordare possint, & putare quod per unumquenquæ marcidum, recte disponi ualeat cōcordatio communitatis , non secus ac funium nexibus complicata . uos uero nihil intelligere, nequæ unanimiter colligari posse , quos tamen magis conueniens est illis longe præstare, quum diuinitatem connectemus. proinde ne frustra ad nos accurrisse uideri possitis , nequaquam tanquam inter peregrina uel aliena, sed uestra directi, & recte à spiritu deducti, breuiter uobis de deo philosophabimur, ac uestra cognoscetis, quemadmodum ij, qui armorū insignibus suæ partis homines cognoscunt, duas differentias in existentibus cognosco supernas, dominationem, & seruitutem, nō illas quas tyrannis apud nos discidit, seu inopia seiunxit, sed quas natura separauit, si ita uocare lubet: nam primum super naturam est, ex his igitur hæc creatrix est, & principalis ac immobilis, illa autem creata subiecta & mobilis . & ut succinctius dicam, hæc est supra tempus, illa uero sub tempore . uocatur autem illa deus , ac in tribus maximis consistit, causa, opifex, & perficiente. Patre inquam, filio, ac spiritu sancto, quæ quidem non ita inter se sunt diuersa, ut natura incidi: nec ita coangustata , ut una circumscribi possint persona . hoc enim Arianæ est insanix, illud autem impietatis Sabellianæ . uerum singulariora sunt quàm ea , quæ omnino diuidi possunt . abundantiora autem quàm quæ perfecte sunt unita . hæc autem & nobiscum est , uocaturquæ creatio . licet alia super aliam attollatur, secūdam analogiam approximationis ad deum, hæc quum ita se habeant, ij quorum cor est ad dominum, nobiscum accedāt, unicamquæ deitatem in tribus adoremus . nihil humilitatis nomine, inaccessibili gloriæ afferentes, sed unius dei sublimitates, in tribus semper in gutture nostro gerentes . cuius enim naturæ magnitudo , proprie ob inexpertum & indefinitum exprimi nequit, quomodo illi humilitatem ingereremus? Quicunquæ uero aliter sentit de deo , ac ideo unicam & super omnia existentem essentiam in naturæ secat inæqualitatem, mirum si non romphea pœnas luat, pars quæ illius cum infidelibus statuatur, ac malæ opinionis malum fructum, & nūc &

postea decerpat. De patre enim quid dicere oportet? cuius magnitudo, ab omnibus qui naturales adepti sunt cogitationes, uidetur concessa. tamen si ille primas ignominie partes tulerit, quum primus à ueteribus innouatoribus in bonum diuisus sit, & fabricatorem. De filio uero & spiritu sancto considerate, quàm simpliciter & breuiter differemus, si quis est qui de his dicere possit, quod mutabiles sint & alieni, siue tempore uel loco, seu potentia uel operatione præscripta, aut non naturaliter boni, seu non à semetipsis mobiles, uel sui arbitrij, siue non operatores, nec decantandi, uel timendi: ostendat hoc, & nos amabimus, conseruorum uenustate glorificati, etiam si deum plectamus. si uero omnia quæ pater habet filij sunt, excepta causa: ac omnia quæ filius, spiritus sunt, excepta filiatione, & ijs quæ corporaliter de ipso dicuntur, propter meum hominem, meamque salutem, ut id quod meum erat, acciperet, quod uero suum, per nouam tribueret commixtionem: uel tarde tandem uos sophistæ delirare cessate, & à uerbis nouis abstinete. & quur moriemini domus Israël, ut ex scriptura uos deplangam? Quantum ego sermonis ueneror appellationes, quum tantæ sint, tam sublimes & magnæ, quas & dæmones formidant: tantum etiam ueneror spiritus honorem æqualem, timeoque minas illis præscriptas, qui cum blasphemant. at blasphemia nequaquam est Theologia, sed à diuinitate se abalienare. uerum hic obseruandum, quod blasphematum dominus erat, quod autem ulcisceretur spiritus sanctus, tanquam dominus. non fero ut cum illuminatione sim absque lumine, adulteremque in re aliqua ex tribus his quicquam, in quæ sum baptizatus, & cum quibus sepultus sum in aqua, non in regenerationem, sed ad mortificationem initiatus. audeo quid proloqui, ó trinitas parce arrogantie, nam de anima periculum imminet. Imago sum & ipse dei, gloriæ supernæ, etiam si in infernis agam. non mihi persuadetur, ut ab eo saluer, cui honore sum æqualis. si spiritus sanctus non est deus, deificetur primo, & ita me deificabit, id quod mihi honore est æquale. nunc autem quænam est deceptio gratiæ? tanquam in deum credere, obiter tamen impium euadere: alia confiteri, & alia docere. quales hi sunt sermonis nexus, & deceptiones? qui per alias interrogationes & confessiones in aliud ferunt. uæ meo splendori, si post ab lutionem inquinor. si splendidiores uideo eos qui nondum sunt purgati. si mala baptizatoris opinione ludor, si spiritum quero meliorem, & non inuenio. da mihi balneum secundum, & de primo male sentias. quur mihi inuides initiationem regenerationis? quur me quum templum sim spiritus, tanquam dei habitaculum facis creaturæ? Quur hoc ex meis honoras, illud autem ignominia afficis? male iudicans diuinitati, quo me priues gratia, seu potius meipsum gratiæ subducas. aut totum honora Theologe uane, aut totum inhonora, ut si etiam impie agas, te ipsum tamen sequaris, nō iudicans inæqualiter id, quod natura sua eiusdem est honoris. summa autem sermonis, cum Cherubin glorifica, qui tres sanctitates in unam contrahunt dominationem

nationem. tantumq; primam exemplificant essentiam, quantum laboris cupidis aperiunt alas. Cum Dauid illuminare, ad lumen dicentem, in lumine tuo uidebimus lumen. quale? tanquam in spiritu filium. quo quid genitum fuit lucidius? Cum Ioanne tonitruui filio, tonitruū moue, nihil humile de deo refona, neque terrestre, sed sublime & altum, illud, In principio erat, & apud deum erat. & deum uerbū cognosce. & deum uerum ex patre uero. sed non conseruum bonum, filij appellatione sola honoratum: cōsolatoremq; alium, alium scilicet quā loquentem. Dei autem uerbū, & quum legis, Ego & pater unum sumus, cōnexionem essentiae speculari. Quum autem ad eum perueniemus, ac mansionem apud ipsum habebimus, subsistentiarum diuisionem considerabimus. Quum autem patris, & filij, & spiritus sancti nomen, tres illae proprietates cum Luca tibi inspiratae fuerint, cum Apostolorū actibus cōuersare. Cur cum Anania & Saphira, nouis ordinariis sophistis? si saltem nouum est rerum propriarum furtum, subtrahe autem non argentum, aut aliquid aliud momenti parui, quemadmodum linguam auream uel tenuem, aut didrachmam quemadmodum olim miles insatiabilis: sed deitatem ipsam subripito, non hominem mentiens, sed quemadmodum audiui? sti deum. Venerare praeerea potestatem ob reuerentiam spiritus, qui super quos & quādo uult spirat. cum ihs qui cum Cornelio sunt ante baptisma uersare, cum alijs uero post baptisma, per apostolos. quo utrinque, tam de ihs ex quibus procedit, heriliter, & non seruiliter, & à quibus quæritur ad imitationem, testimonium de spiritus diuinitate præbere possis. Cum Paulo theologo te exhibe, qui in cœlum raptus est tertium, qui nonnunquam tres enumerat subsistentias, sed hoc indifferenter ac non seruato ordine: qui prænūmerat, qui unum numerat, qui subnumerat, ut in aliquo honorem naturæ ostendat æqualem. nonnunquam autem trium meminit. aliquando quorundam, aut cuiusdam, quo omnino subsequeretur is qui erat omissus. sed & aliquando operationem dei tribuit spiritui, tanquam nihil differat. quandoq; pro spiritu Christum inducit. & aliquando diuidit substâncias. unus deus in quiens, ex quo omnia, & nos in ipsum: & unus dominus Iesus Christus, per quem omnia, & nos per ipsum. quum autem unam contrahit deitatem, quoniam ex ipso, & per ipsum, & in ipsum omnia: scilicet spiritus sancti, quem admodum multis in scripturæ ostēditur locis. ipsi sit gloria in secula, Amen

BEATI GREGORII NAZIANZENI

theologi ad Arianos, & de seipso Oratio.



VI tandem sunt qui nobis paupertatem exprobrabant, diuitiasq; iactitabant: qui multitudine ecclesiam definiebant, ac pusillum ouile contemnebant: qui diuinitatem mensurabant, ac populum concitabant: qui harenam honorabant, & luminaria afficiebant iniuria: qui uiles colligebant lapillos, margaritas uero contemnebant: ignorant enim quod non tantum hare

næ numerus stellas exuperat, gemmasq̃ splendentes lapilli, quantum hæc
 illis puriora sunt ac honorabilia. rursus indignaris? rursus armaris? rursus
 iniuria est fides noua. Parumper cõtine minas ut loquar, nec afficiamus iniu-
 ria, sed refellamus, non minemur sed exprobremus, non percutiamus sed cu-
 remus, sed & hæc tibi iniuria uidetur. Proh superbia, hic tu seruũ facis, quod
 honore est æquale, sin minus suscipe loquendi libertatẽ, & frater opulentior
 corripit fratrem. Visne ut ea proferam, quæ olim deus contra Israel, dum
 exasperatus esset & indignaretur? Popule meus, quid feci tibi? aut in quo te
 affeci iniuria, aut in quo te conturbauis? Verũ potius contra te iniuriantẽ ser-
 mo erit, in uanũ enim tempus inter nos tẽrimus, & quod unanime est, aliena
 gloria dissoluimus, parũ deest quin inter nos inhumaniores facti simus & fe-
 rociore, q̃ barbari illi, qui nunc nos oppugnãt, quos trinitas dissoluta copu-
 lauit: excepto quod hospites nequa q̃ percutimus hospites, neq̃ alterius lin-
 guæ, eos qui sunt alterius linguæ, quæ res uel parua calamitatis est consolatio.
 Verũ inter nos, tanq̃ eiusdem domus, ferimus & agimus, aut si mauis,
 eiusdem corporis mēbra absumimus, & absumimur, ac nondum hoc mole-
 stum est, licet tale existat, sed quia additionẽ ablationẽ esse censemus. Post
 quam igitur ita habemus, & secundũ tempora credimus, age cõferamus inui-
 tem tẽpora, tu regem tuũ, & ego meos. Tu Achab tuum, ego Iosiam, enarra
 mihi tuã mansuetudinẽ & ego tibi meã referam audaciã, seu potius ferocita-
 tem tuã multæ & linguæ & libri recensebũt, quos ut mihi uideat futurũ osten-
 det tẽpus, rerũ statua immortalis, Ego uero & meã enarrabo, quẽ populum
 contra te induxi, ferocia ruentem? quos milites instruxi? quem Imperatorẽ
 ira flagrantem & præfurentibus ferociorem? & hunc nec Christianũ, sed pe-
 culiarem religionem, & contra nos impietatem suis adducentẽ dæmonibus,
 quos nam orantes & manus ad deum tollentes obsedi, quos psalmos tuba-
 rum strepitu interturbauis? quorum mysticum sanguinem, cæso miscui san-
 guini? quorũ fletus luctu cessare feci? Tragœdias spiritales perditionibus,
 ac lachrymis lachrymas mouens compunctionis, ex qua nam orationis do-
 mo sepulchrum feci? Quænam ministerij uasa, ac multis ad tangendũ pro-
 hibita, manibus iniustorũ exposui? uel Nabazardan principi cocorum, uel
 Balthasar male in sanctis delicate agẽti, ac poenã arrogatiæ dignã penden-
 ti, altaria dilecta, quemadmodũ diuina inquit scriptura, nũc aut impie defœ-
 data, qualis autẽ adolescẽtulus uester est? qui per nos petulanter saltauit, &
 turpibus se inflexit motibus, seu potius, per quẽ talẽ ego magnũ ac diuinũ
 defaltaui mysteriũ? Cathedra uenerãda, uirorumq̃ uenerabiliũ statio & re-
 quies, ac multos pios exhibẽs sacerdotes, qui in supernis diuina peragũt my-
 steria, postea q̃ autem super te ascendit cõcionator gentilis, ac lingua praua,
 res infamans Christianorũ, te autẽ uirginum pudor & castitas, quæ nec ui-
 rorum modestorũ aspectus toleras, quis è nobis pudefecit, & iniuria affecit?
 usq̃ ad ea quæ cerni non debent, & impiorũ uisui exposuit, spectaculum mi-
 serandum

Valentem

Iulianum

Gesta Arria/
norum cõtra
fideles

ferandum, & Sodomitico igne dignum? obmitto enim mortes dicere, pudicitia læsa tolerabiliores, quas nam feras in sanctorum misimus corpora? tanquam naturam publicantes humanam, unum solum accusantes, quod non impietati accederemus, neque cōmunionē pollueremur, quā instar colubrorū fugimus uenenī, nō corpus solum offendētem, sed profunda etiā denigrantem. Quibus obiectū fuit quod mortuos sepelirent? quos & feræ discerpserant, & quale crimen hoc, alio theatro & alijs feris dignū? Quorū episcoporum seniles carnes unguibus discerpimus cruētis, præsētibz fidelibus, qui nullā opem ferre poterāt, pręterq̃ lachrymas fundere, ut cū Christo suspenderent, passionem superarent, ac precioſo sanguine populum aspergerēt, & tandem ad mortem; deductæ cum Christo sepultæ sunt & conglorificatæ, qui mundum per uictimas tales & sacrificia superauit. Quos nam presbyteros cōtrariæ naturæ elementa, aqua & ignis diuiserunt? flammā attollentes extraneam super mare, qua nauis in quā fuere intruſi pariter est combusta. quinimo ut plurima ex nostris obmittā malis, ipsi quoq; principes inhumanitatem talem abhorruerūt, tametsi ob gratiam talia cōcessissent, nam licet cupiditati morem gessissent, odio tamen habuerūt institutū. siquidē hoc erat temporis, istud uero cōsiderationis, & hoc quidem iniquitatis regis, illud autem conscientia legum, quibus indicare oportebat. Seu ut antiquiora dicamus, & ea quidem eiusdem sodalitij: quas nam manus abscidimus, aut mortuorum uel uiuentium sanctorum esse sumus mētiti, ut fidem per experientiam impugnem. Quorum exilia tanquam beneficia enumerauī? & nec philosophorum sacrorum ueneratus sum congregationes sacras. Vnde supplicatores quærebātur, sed potius ē conuerso, quos nam feci martyres qui pro honesto periclitabantur. Quibus carne ferē & sanguine carentibus, meretrices introduxi, sermonem de pudicitia accusans. Quemnam piorum ē patriā expuli, aut in uirorum iniustorum manus tradidi, ut tanquam bestia in obscuris coercerentur domibus, ac inter se separarentur, siquidem hoc Tragœdiæ est grauissimum, fame & siti macerati, cibumq; sub mensura capientes, & hac tenuissima, quum interim neq; dolentes uidere sinerentur. Et qui nam erant illi? nempe quibus nec mundus dignus erat. Sic uos fidem honoratis, sic hospicio suscipitis. sed plurima horum uos ignorare simulatis, & admodum recte, propter multitudinem eorum quæ petulanter egistis, & in committendo delicias, at qui patiuntur, magis recordantur. Et quid plus dicam. Sed & qui nam in tempore facti sunt uiolentiores? non secus ac fues, qui se circa haram urgēt. quæro mihi hesternam uestram uictimam, senem illum & Abrahamicum patrem, quem ab exilio reuertentem lapidibus excipistis, medio die, media urbe. nos uero cædes, si non molestum est dicere, prohibuimus periclitantes etiam, quomodo in his tibi placabilis ero, dicit alicubi in scriptura deus? quid horum laudabo magis? ob quæ nam uos honorabo? Verum postquam tua talia sunt, ac ita se habent, dic mihi &

Heliodorus

Theodolus

Valens

Anastasi
manus

S. Eustathius

S. Paulus cū
socijs à Mace
donianis in
terfectus.

Obijciatur
Gregorio pa-
tri: humilitas

meas iniustitias, quo malus esse desinam, uel erubescam: ut queam dmodum ego potissimum opto, nihil peccem: sin minus, ut ab iniustitijs meis reducar. secunda hæc pars est recte sapientium. sum enim accusator mei ipsius. secundum iustum, in confessione sua, gaudeoq; ab alio curari. sed parua inquit tibi est ciuitas. & ager aridus, ac ingratus, paucisq; ad habitadum sufficiens, atqui optime potius ob ea male sum affectus, q; quod male fecerim. etiam si sit molestum. & siquidem inuitus, erubesco tam infortunate agens, sic enim dicatur. si uero uolens, philosophor. quid nam ex his reprehendendum? nisi quis delphino exprobrat quod non in terra uersatur, bouicq; quod nō sit marinus, & murenæ quod non in terra pariter uiuat & aqua. nobis uero aiunt obuenere & theatra, & regia, & ea quæ pulcherrima sunt & maxima. & incredibile hoc opus, unda nēpe aëria, sub terra fluens, & statua illa tam splendida & ueneranda, & forum plenum, & populus copiosus. & uirorum nobilium confessus laudabilis. atqui cur non addis, & situs oportunitatem, & terram, & mare, tanquam certantes, cuius potius ciuitas esset, & quod nam ex illis, ob commoditatem suam sedem regiam suscipere dignum esset. Itaq; in eo uos iniuria afficimus, quod uos magni & plusquam splendidi, nos uero parui, & a paruis ortum habentes. atqui & multi alij in hoc uos afficiunt iniuria. imō potius omnes, super quos excellitis. Sanē & hoc uos addere decet, quod nec ciuitatem ampliamus, nec muris circundamus, neq; certaminibus gloriamur equestribus, non stadijs, non uenationibus, & cæteris his similibus. non balneis deliciosis, & splendidis, marmoribusq; exornatis, & naturam feruē mutantibus. mare autem nōdum uobis abstulimus. nec horas corrupimus. quemadmodum tu fecisti nouus scilicet opifex, quo suauissime pariter & tutissime uiueremus. adde si lubet & alias accusationes, qui dicis, meum est argentum, ac meum est aurum, dei nempe uoce utens. Nos neque diuitijs gloriamur, nec rei fluxæ quid addere, lege nostra admonemur. non redditus numerosos, tam annuos quam menstruos. non mensæ sumptuositate præstare cupimus, ac delicijs uētris insensati. nihil enim laudamus quod gutturi est acceptum, sed quod abiectum est pariter & uile. Viuimusq; ad eo simpliciter ac frugaliter, ut parumper à brutis distemus. quæ & ipsa uasorum apparatu ac omni carent lautitia. sed cur non uestitus quoque mei accusas uilitatem? nec non uultus habitum, nequaquam decorum? quandoquidem & his quosdam admodum humiles, efferri uideo. sed omisso capite, cur non ea nobis obijcis quæ pueri Helisæo, reliqua enim subdicebo. imperitiam autem haudquaq; accusas? nec q; tibi aspere ac erudite loqui uideor. uerum quonā in loco statuis? haud esse loquacē, nec urbane risum elicientē, præsentibusq; gratificari, neq; multa concionari, seu proloqui aut etiā obloqui, quæ temere incidunt, aut in buccam ueniunt, ita ut sermo plenus sit molestia. non nouam Hierusalem, Zeuxippū nempe uisitantem, neq; domū ē domo permutantē, adulantē, & uētri indulgentē. sed ut plurimū domi manētē, moestū

& affli-

& afflictum, ac cum memetipso exactissimo factorum meorum scrutatore cōgredientem, & me culpa dignum propter delicta censentem, & quomodo hæc nobis permittis, & non etiam reprehendis? quam suavis es & humanus. Ego autem ita uetuste & philosophice sentio, ut unum solum cælum, & hoc omnibus commune esse credam, communem & solis ac lunæ circuitum, communem & astrorum ordinem & positionem, communem & diei ac noctis æqualitatem & commoditatem, insuper & temporis cernens uicissitudines, pluuias, & fructus, necnon uirtutes aeris uiuificatiui, præterea flumina, cunctis pariter fluere, communes diuitias & abundantias, unicam & eandem esse terram matrem & sepulchrum, ex qua orti sumus, & in quam dissoluemur, quum alius nil alio plus habeat: sed & præter hæc communem sermonem, legem, prophetas, Christi passionem ipsam, per quam sumus reformati: non quod ille plus, alius minus, sed omnes eiusdem Adami participes, & ab angue decepti simus, peccatoque & morti obnoxij, ac per cœlestem Adamum iterum saluati, & ad uitæ lignum per ligni ignominiam reducti, unde excidimus. Proinde & Samuelis Ramathaim magni patris parua mihi imposuit patria, quæ prophetam nequaquam ignominia affecit, nec propter seipsam magis, quam illum facta est honorabilis, ex qua is haudquaquam prohibitus est deo tradi prius etiam quam natus esset, & uaticinando cernere futura, nec hoc solum, sed & reges ungere, & sacerdotes, ac eos iudicare qui ex splendidissimis orti erant ciuitatibus. Sed & de Saule audiui, quod quum patris asinos quæreret, regnum inuenit, quin & Dauid ipse ex pascuis ouium, in regem & iudicem est sublatus. Quid autem Amos, nonne caprarius erat & mora colligebat? prophetiæ tamē fidem faciebat. Sed cur Ioseph præterirem? qui & seruus factus est, & frumenti distributor in Ægypto, & pater multorum milium, qui Abrahamo fuere promissi. Abraham autem, ut quid maius dicam? nonne erat exul? Moses uero, nonne primo fuit expositus? inde legislator, & imperator eorum qui ad terram promissionis fuere deducti, de quibus magna dicunt & admiranda. Decepit me & Carmelus Heliæ, ac currus ignis, illum suscipiens, palliumque ab Heliæ ex exceptum, maioris uirtutis quam Serum fila, & uestimenta auro intertexta. Imposuit & mihi eremus Ioannis, quæ maximū inter natos mulierum habuit, cum cibo illo zona & uestitu. Sed & supra hæc aliquid audebo: deum rusticitatis meæ patronum inueni, cum Bethleem constituar, cum præsepio inhonorabor, per quæ tu deum ignominia afficis, quid mirum? si ob eam causam præconem quoque eius cōtemnis, his addā piscatores, & mendicos Euangelizantes, desine igitur ciuitatum gloriari excellētia, uenerare cōtemptum, & ignominia affectum, peregrinum illum, nondum dico qui aurum generat in harena, & lapides splendentes inter petras, quibus si contulero quæ in ciuitatibus sunt uilia, forsan haud bene dicendi audacia uti possem. Sed dicet forsitan quispiam ualde cōstringēs & carnis amator: p̄co iste noster peregrinus est & exul, atqui apostoli nonne multarum gentium & ciuitatum inter quas diuisi erant, peregrini erant? quo undique

Euangelij

Euangelij curreret uerbum, ac nihil sine triplicis splendoris lumine esset & ueritate minus illustratum, ihsq; qui in tenebris & umbra mortis sedebant nox solueretur ignorantiae, ut nos in gentes, ipsi autem in circumcisionem, Paulum dicentem audiuiſti, Sit Petri Iudaea, Pauli gentium uniuersitas, Lucas ad Achaïam mittatur, Andreas ad Epirum, Ioannes in Ephesum, Thomas in Indiam, Marcus in Italiam. & quid de alijs omnibus dicam? ut non singulatim cuncta recenseam, inter quos fuere peregrinati. Illis igitur exprobrato, uel mihi ignoscito, aut ostende ubi inter prædicandum ueritatis uerbum offenderim. Proinde postquam parum decenter de his differui, age decentius philosophabor. heus uos, omnibus sublimitus una patria est Hierusalem superna, cui conuersationem nostram referuamus, omnibus genus idem: si considerare uolueris inferna, terra est: si superna, inspiratio quam accepimus, & seruare iussi sumus, & cum qua me ante tribunal parere oportet, ac rationem supernæ reddere nobilitatis, & imaginis. Vnusquisq; igitur nobilis est, qui illud quod ex uirtute est, & ad archetypum inclinât, consequutus est & custodit. Ignobilis uero omnis, qui malitia confundit, & formam aliam, anguis nempe inuocat. Infernæ uero patriæ, & genera hæc uitæ nostræ temporalis & umbræ, nil nisi ludus sunt: siquidem uniuscuiusque patria erat quam occupauerat, uel per tyrannidem, uel ob calamitatem aliquam, cuius omnes peregrini & incolæ sumus, etiam si multum nominibus ludamus. nam genere sunt nobiles, qui olim fuere diuites, aut nunc sunt inflati. Ignobiles autem, qui ex inopibus nati sunt patribus, aut ob calamitatem, aut potius mansuetudinem, quomodo igitur olim opulenti esse potuissent, quum diuitiæ incepere? aut calamitosi ubi aduersitates cessauere? & his quidem nihil datur, illis uero nil adiicitur. & ita ego de his sentio, & propterea relinquo te sepulchris superbire & fabulis, ego uero quantum possibile est conabor, ut me ab omni purgem deceptione, quo nobilitatem custodiam seu reuocem. Sic itaque & propter hæc restiti uobis, licet paruus sim, & è patria natus ignobili, & hoc nequaquam uolens, seu sponte, instar multorum, qui nunc se uiolenter ecclesiasticæ immiscent præfecturæ. sed uocatus & coactus, sequens spiritum & timorem, seu ut diutius hic decertarem inaniter, & neminem ab errore suo liberarem. Verum qui sterilitatem meæ exoptant animæ, intelligent num mendax sit sermo necne. postquam autem ueni, & forsitan nō cum potestate mala, ut parumper gloriar in stultitia mea, quem insatiabilem sum imitatus? quid tempori tribui? licet talia haberem exempla, sine quibus non malum esse difficile est, & rarum. ob quas ecclesias uobiscum decertauimus? ob quas pecunias? licet in ambobus ultra necessitatem abundetis, aut potius indigi sitis. quibus nam literis regijs contemptim inuidimus? quos potentes sectæ uestre coluimus? quorum audaciam imitati fuimus? quæ uero contra me facta sunt, ne hoc eis domine in peccatū statuas, tunc quoq; dixi, memineram enim in tempore Stephani uerborum. sed & nunc

nunc oro, conuitijs impetiti benedicimus, persequutionem sustinentes toleramus, blasphemijs laceffiti consolationem accipimus. Si autem ideo iniuste ago, quia hæc tanquam tyrannidem fero, gratiam mihi huius facite iniustitiæ. nam & aliorum tuli tyrannidem, & deo sint gratiæ, quod mansuetudinem illam tanquam iniustitiam effugerim. ita enim cogito, longe altioribus quàm humanis utens considerationibus. quota pars est hæc sputorum & colaphorum Christi, pro quo & per quem hæc sunt pericula. quæ omnia nec unicæ spinæ coronæ, quæ uictori nostro coronam abstulit conferenda puto, per quam & disco uitæ asperitate coronari. non unico calamo, propter quod maligni dæmonis cessauit potestas, non unico felli, non unico aceto, per quod ab amaro sanari fuimus gustu, non unicæ in passione mansuetudini. Proinde osculo quoque traditus reprehendit quidem, sed non corripuit. & licet tam subito captus exprobrat, attamen sequitur. indignatur quidem, quod Malcho fuerit abscisa auricula, sed restituit. si quis in sindone fugit, illum rursus tegit. Quod si ignem imprecatus fueris Sodomiticum contra ducentes, non exaudit. Si latronem adeptus fuerit in cruce suspensum, propter bonitatem suam in paradysum introducit. Omnia igitur humani illius humanitatis sunt plena. ac ideo nos decet, ut tanquam ueri discipuli Christi ambulemus. turpe enim esset, quum deus propter nos sit mortuus, si æqualibus nostris nequaquam parceremus. hæc animo perpendebam, & perpendo, & considerate num recte & quæ & sæpius antea uobiscum sum philosophatus. habeant illi ædes, nos illum qui in ædibus est. habeant templa, nos deum. & ut templum uiuum fiamus dei uiui, sacrificia animata, holocausta rationabilia, uictimæ perfectæ dei, propter trinitatis adorationem. habeant illi populos, nos angelos: illi audaciam, nos fidem: illi minas, nos preces: illi uerbera, nos tolerantiam: illi aurum & argentum, nos uerbum purum. finxisti tibi ipsi duplicitatem & trinitatem, agnosce uerba scripture, domum perflatilem, interstinctam pro feris. uerum non sunt hæc fide mea altiora, nec non cœlestibus ad quæ tendo. Paruum mihi est ouile, sed non super præcipitio. Caula est mihi angusta, sed lupis inaccessibilis. insuper nec latrones recipimus, neque fures, nec alieni ingredi possunt. Videbo hanc, certo scias latissimam, ac multos qui nunc lupi sunt, inter oues numerari, forsan inter pastores etiam. hoc mihi annunciat pastor ille bonus, propter quem animam posui pro ouibus, non timeo gregi huic paruo, nam recte sentit, cognosco enim meos, & à meis cognoscor, talia sunt quæ deum cognoscunt, & à deo cognoscuntur. Oues meæ uocem meam audiunt, quam è diuinis audiui uerbis, quam à sanctis didici patribus, quam & pariter omni docui quo. etiam quum tempora ne quæque se his cōformarent, sed nec docere cessabo, ea cum quibus natus sum, & cum quibus sum abiturus. has cum nomine uoco, non sunt enim sine nomine, quæ admodum nec stellæ sine numero, & appellatione, & sequuntur me, enutrio enim eas super aquam quietis. Sequentur & unumquemque pastorem talem, nonne uidetis quæ libenter

libenter illi uocem meam audiunt? Alienum autem non ita audient, sed ab eo fugient. quoniam iam cognitionis habitum sunt adepti, uocis domesticæ & alienæ. Fugient Valentinum, qui unum diffecat in duo, non alium boni conditorem credentes, & abyssum, & silentium, & mysticum æuum, omnia abysso & silentio digna. Fugient Marcionis deum, ex elementis & numeris confectum. Montani malum, & muliebrem spiritum. Mani materiam cum tenebris. Nauati superbiam, & in uerbis puritatem. Sabellij dissolutionem & confusionem, ac talem, ut ita dicam, coadunationem, ut tria in unum contrahat, non tamen in tribus unum definiri concedat. Arii & sequacium eius naturarum alienationem, nouumq; Iudaismum, solummodo ingenito dei tatem ascribentiū. Photini infernum Christum, & qui à Maria incepit, mei autem adorant patrem, & filium, & spiritum sanctum. deum patrem, deum filium, deum, si non exacerbo, spiritum sanctum. Vnam naturam in tribus proprietatibus, liberis, perfectis, per seipsas subsistentibus, numero diuisibilibus, deitate indiuisis. has mihi concede uoces omnes, qui hodie minitaris. aliorum autem curam gerat, qui uolet. nequaquam pater filio inuidet, nec filius spiritui sancto. sed offendit quum dico, si creatura, nequaquam deus est, quod est creatum. nec ego permitto, ut inuideatur illi quod est perfectum. unus dominus, una fides, unum baptisma. si hoc abrogo, apud quod nam erit secundum? quid dicitis submergentes? uel rursus immergentes, est ne possibile quenquam esse spiritalem, sine spiritu? igitur ad spiritum usq; equaliter honora spiritum. uenerare autem tu, qui in creaturam & conseruum es baptizatus. nonne ita res se habet? multa dicis, non te negabo pater initio carens, non te negabo unigenitum uerbum, non te negabo spiritus sancte. scio quid sim confessus, cum quo sim constitutus, à quo sim separatus, nequaquam mihi necesse est, ut fidei docear uoces, & discam infidelis esse, asserere ueritatem, & mendacio adhærere, tanquam purificandus aqua submergi, at tamen emergere sordidior, tanquam cœlo correptus baptizari, & in aqua mortificari, eorum instar, qui dolore obeunt in partu, & regenerationem accipere cum qua mors concurrit. Quir me pariter beatum facis, & miserum? nouiter illuminatum, & absq; lumine? diuinum, ac dei expertem? quo & in resurrectionis spe naufragium faciam. breuis sermo, es ne memor confessionis, cum qua es baptizatus. In patrem, recte, præterquàm quod adhuc est Iudaicum. in filium, recte, hoc iam non amplius est Iudaicum, attamen nondum perfectum. in spiritum sanctum, plus quàm recte: simpliciter igitur hæc. sed est ne nomen horum commune? ita commune. & quod nam? dei scilicet. in hoc commune nomen crede, feliciter age, & regna, & hinc ad futuram perges beatitudinem, quæ est, sicut mihi uidetur, exactior horum deprehensio, ad quam & nos perueniemus, in ipso Christo domino nostro, cui sit gloria in secula, Amen.

DIVI GREGORII NAZIANZENI ORATIO DE SE
ipso, ad eos qui illum cathedram Constantinopo
litanam concupiscere diuulgabant.



AD MIROR quid nam sit quod à meis perpeSSI sitis ser
monibus, & quam ob causam tam uehementer uocem
accusetis nostram? abiectam, exilem, & quæ forsitan nil
habeat iucunditatis. siquidem illud idem uobis propter
nos accidisse uidet, quod ferro ob lapidem magnetem,
ut à me & inter uos quoque pendeatis, ac unum sentia
mus, deique simus omnes, ex quo sunt omnia. Proh catenam admirandam,
quam spiritus nectit sanctus, uinculis indissolubilibus compaginatam. Pro
inde huius rei causam nondum noui, quum mihi ipsi conscius sim, me alijs
haud esse sapiētiorem, nisi illud quis sapientiā meam existimare uelit, quod
sciam me nequaquam esse sapientem, neque ueræ ac principali sapientiæ uel
parumper appropinquare. quod quidem præcipue ij qui nunc sapientes esse
uidentur, de seipsis censere deberent, quum admodum facile sit seipsum deci
pere, & credere se aliquem esse quum nihil sit penitus, sed solum ab inani glo
ria inflatus. neque enim primus sum, qui uobis orthodoxum sermonem præ
dicaui, quem uos præcipue estis amplexi. sed aliorum sequutus sum uestigia
& hos uestros. decet enim ut ueritatem loquamur, si saltem uos Alexandri
celebris illius discipuli estis, magni trinitatis pugilis ac præconis, & qui tam
opere quàm sermone impietatem exterminauit. memores enim estis uocis il
lius apostolicæ, quæ impietatis principem confudit, in locis spurcitia linguæ
dignis, quo iniuria iniuriam ulcisceretur, & iusta morte infamaret mors ani
marum iniusta. nequaquam igitur uobis alienum fontem eliciuimus, quem
admodum illum quem Moses in locis aridis ostendit ijs, qui ex Ægypto per
sequutionem sustinebant, sed absconsum & conclusum, per magni Isaac pue
ros reclusimus, non solum fontem aquæ uiuæ fodientes, sed à Philisteis obstru
ctum repurgantes. Cæterum nequaquam sum ex numero inflatorum & elo
quentiorum, neque adulando beniuolentiā suffurari possum. sicuti uideo mul
tos, qui nunc se sacerdotali principatu dignos esse profitentur, qui simplicem
& rudem pietatem nostram arte condidere, & nouam politicæ formam, à fo
ro in sancta, ac à theatris ad sacrorum disciplinam transtulerunt, multis haud
inspiciendam: ut duæ essent scenæ, si libere dicere oportet, quæ tantum inter se
distarent, ut hanc omnes norint, illam uero quidam. & hæc sit ridicula, at ista
ueneranda. quodque hæc theatrica, illa uero spiritalis. uos testes estis, & deus,
diuinus inquit Apostolus, quod nequaquam nos hinc partem accipimus,
sed tanquam rudes ferè, & agrestes, necnon assentatores, & illiberales cri
minamur, quum nimium uobis resistimus: nonnunquam uero asperiores
uidemur, quum non secundum rationem uestram sentimus. & hoc pridiana
contra nos facta ostendit innouatio, quum uos o popule zelo & ira feruens,

Y clamantes

clamantes nos & dolentes super thronum hunc statuistis . quem utrū tyrannicum dicere oporteat, seu potius sacratissimum, ignoro. constituistis igitur, cupiditate leges transgressi: ubi adeo feruentioribus quibusdam indignati fuimus, ut resiliē, amoremq; erga nos in inimicitias conuerterunt. non enim plus consideramus quarum rerum gratia gratificemur, quā ob quas prodesse ualeamus. Quæ igitur causa est, ut tam nos, quā sermones nostri desiderentur? uos igitur illam ostendite & adducite, ac affectus uestros ipsi cognoscite, aut inter nos publicate, & tanquā alijs nobis præceptoribus utamini. nostrum scio magni facietis sermonem, si saltem quiete illum suscipere uolueritis. quur igitur non auditis & consideratis? ego enim talium non malus sum coniectator . uidemini mihi quia ipsi nos uocastis, domestico subuenire iudicio, ac ideo uestram fouere uenationem. Natura enim ipsa ad omne quod ei domesticum est benigne se habet, siue res sit quæ possidetur, siue germen, siue sermo. & propter beniuolentiam libenter propriæ suæ subditur tutelæ. Secundo autem nihil adeo ueneramini, sicut quod ab impudentia & uiolentia sumus alieni: necnon à theatro & panegyrico: sed & cedere, & modesti esse scimus, ac tanquam in communi communis expertes, & solitarij simus. ac ut succinctius aliquid philosophicum dicam, nequaquam artificiose, seu politice à nobis adinuentum, sed simpliciter & spiritualiter honoratum. non enim ut quæramur abscondimur, neque ut digniores uideamur, tanquam ij, qui res pulchras parumper ostendunt, mox subtrahunt, quo præsidencias fugiendo, & honores tales contemnendo, ostendamus quietis nos amore teneri. Tertio quia uidetis qualia patiamur, quum externe impugnemur, interne uero insidijs appetamur. quoniam secundum Danielem egressa est iniquitas ex senioribus, qui uidebantur iudicare Israël. ac ideo indignamini, moleste fertis, nec habetis quomodo uindictis eum, qui tyrannide est oppressus, solumq; pro omnibus affertis commiserationem. commiseratio igitur pudori commixta, amor est factus, & hoc honoris mei est mysterium. Postquā autem sermones fuere id ob quod est pugnatum, & superuacua, & inuida lingua, quam in externis instructam sermonibus, diuinis nobilitauimus, & amaram ac ad potum inutilem aquam, uitæ ligno edulcorauimus, perpeffi estis passionem quandam satis liberam, hoc amare propter quod oppugnamur. Quur enim non deliram amplectimur doctrinam? quur non aridam & deorsum uergentem? quur quum multos hac gaudere uideamus, non philosophamur peregrina & aliena, ac contra linguas contrarias consistimus? decens est, ut audaciæ subueniant considerationes, fidesque nominetur irrationalitas, quam quidem dilexi, & ipse, bene scitis, Piscator existens, hoc enim promptum est multis in excusationem imperitiæ. Utinam periisset ex hominibus inuidia, consumptio eorum qui illa detinentur, patientium uenenum. uerum ex omnibus passio hæc iniustissima pariter est & iustissima. cum quia omnes perturbat bonos, tum quia

quia consumit obnoxios. Sanè ijs qui nos primum laudarunt, nequaquam maledicam, non enim sciuerunt finem laudis, quam forsitan pro conuicijs addiderunt, quo inuidiam compesceret. hæc enim & luciferum obscurauit, qui propter elationem cecidit: haud enim ferre poterat, quod diuinus esset, nisi etiam deus censeretur. Inuidia Adamum è paradiso eiecit, à uoluptate & muliere deceptum, persuasum enim illi erat, quod deus esset futurus. Inuidebat igitur, quod eousque à cognitionis ligno esset prohibitus. Inuidia Caim fratricidam fecit, quoniam sacrificium sanctius non attulisset. Inuidia mundum immundum aqua cooperuit, & Sodomitas igne obruit. Inuidia Datham & Abiram instigauit quum aduersus Mosen insanirent. Mariam lepra percussit, quoniam tantummodo contra fratrem obmurmurasset. Inuidia prophetarum sanguine terram infecit, & sapientissimum Salomonem mulieribus obnoxium reddidit. Inuidia Iudam ad prodicionem induxit, qui ob paruum argentum perpetravit, quod strangulatione dignum esset. Inuidia Herodem puerorum fecit homicidam, & Pilatum Christi interfectorem. Inuidia populum Israëliticum, eo peccato contaminauit & maculauit, ut ne nunc quidem ab illo respiret. Inuidia apostatam tyrannum *Julianum* contra nos excitauit, cuius adhuc relictæ sunt carbones, licet flammam euaserimus. Inuidia pulchrum ecclesiæ corpus dissecuit, ac in diuersa & contraria studia diuisit. Inuidia nobis Hieroboam reduxit, seruum peccati, & linguæ *Maximum* uinculum iniecit, non enim ferre potest, ut trinitas splendeat, & tota diuinitate reluceat, ac uenerandos uobis faciat peculiare eius præcones. Sed uobis nugari uidemur, tali utentes similitudine: attamen uix liber totus desiderio nostro sufficeret, etiam si scriptor sermo, ualde recte, ac iuxta desiderium nostrum causas conscriberet. & de his quidem ita sentio. Postquam autem cerno quosdam ob iniurias indignari, & calamitatem suam, nostram ducere ignominiam, age, & de ista breuiter philosophemur. Ego igitur si humanum quid & paruum cognosco, uel cathedræ huius curam gessi, siue à principio astiti uobis cū canicie hac, & imbecilibus his tam tempore quam ægritudine membris, aut hanc nunc fero ignominiam, erubescerem profecto coram cælo & terra, quæ antiquis consueuere testimonium præbere. Erubescerem coram cathedra hac, ac sancto hoc confesso, sanctoque & nuper instituto populo, contra quem tanta malarum potestatum acies est instructa, quo prius dispergeretur quam congregaretur, & antequam generaretur occideretur, secundum Christum iam formatus. erubescerem coram meis studijs & laboribus, necnon ueste hac detrita, ac solitudine, reuersio neque, postquam unà uiuimus, ac uita hac mea omni carente apparatu, mensaque tenui paulo minus uolatilibus lautiori. proinde quidam etiam de nobis disseminarunt, quod mulieres alienas concupiuimus, quum nec propriam habere uoluerimus. utinam nec & Gabaonitæ nostri plures haberent: quos, quemadmodum noui, nec ad ligna incidenda, uel aquam bai-

Constanti
nopolis

landam, spiritus susciperet sanctus, quandiu ad sacra accedunt, cum talibus & uitæ & sermonis stigmatis. Si autem cum sermonibus patrocinales uenimus, uiduæque, & huc usque sine uiro ecclesiæ, pro uiribus astitimus, quasi procuratores curam illius gerentes, & alium sponsum qui dignus pulchritudine eius uidetur adducentes, ac plures uirtutis dotes regiæ intulimus urbi, nunquid nostra laudanda est dexteritas, aut potius reprehendenda suspcio? quod aliorum animi iudicamur passionibus. Proinde uir bone, si nauis tempestatibus iactatæ manum porrigeremus, aut ciuitati obsessæ, aut domui igne succensæ turmatim uasis & instrumentis succurreremus restinctoribus, planè nos submersores uocares, aut ciuitatis uel urbis amatores, & non potius præfectos & curatores. sed ais, non ita multis egisse uideris. uerum quid mea refert, si plures, immo omnes opinione potius quàm ueritate ducantur. siquidem hoc in controuersia uersatur, num iuste egerimus, uel ecclesiam miserandam aut beatam reddiderimus. uideri uero illud tuum, nihil ad nos, non secus ac somnia aliena. non ita inquis, homo multis uideris. nunquid terra uertiginem patientibus stare uidetur? & ebrijs, sobrijs esse putantur, qui sunt sobrijs? & non potius cum capite ambulare, aut inuerti mel autem, nunquid amarum est? etiam si ægrotantibus quibusdam, ac male affectis ita uideatur. non igitur in his res se ita habet, quemadmodum uidetur patientibus. Ostende igitur eos, qui sane sentiunt ita affectos esse, tumque nos admone, ut manus demus. aut cognosce, quod non illi quibus persuadetur, sed qui in eadem permanent sententiâ sint meliores. at non ita inquirunt, uideris multis. at deo ita. & si non uideor, notum est illi, qui omnia cognoscit, prius etiam quàm facta fuerint, qui singulatim corda nostra fecit, qui cuncta opera nostra intelligit, motus & cogitationes, cum quibus etiam comparebimus. nihil ipsum ex rebus latet existentibus, nec latere potest, qui aliter nostra uidet quàm uident homines. homo enim faciem, at deus cor intuetur. scripturæ tenorem audiui, crede igitur: quoniam maior illi cura est habenda, quàm rebus alijs simul cunctis ab ijs, qui mentis compotes existunt. proinde si consilio duorum hominum in re eadem uteris, unius prudentis, alterius uero imperiti, nonne desipere uideris, si omisso prudentiori imperitoris consilium sequeris? Nec Roboram laudatur, quod reiecto seniorum consilio, iunioribus paruit. tu uero, quum ea quæ dei sunt, ac hominum expendis, quæ hominum sunt diuinis præponis. at quur tu non mihi obtemperas, & rectius sentis? sed ob tuas aiunt, iniurias erubescimus. at ego propter uos, quia erubescitis. si enim iuste hæc nobis accidunt, potius nobis est erubescendum, quàm propter nos uobis. non quia magis dehonestamur, quàm quod ignominia simus digni. si uero crimen iniuste nobis à calumniatoribus obijcitur, contra illos potius quàm nos indignari oportet. illi enim si male sunt affecti, uituperandi sunt: si autem me malum censes, optimum esse suspicator. Quid enim facere oportebat

oportebat: num plus malum esse, ut tibi magis placerem, nequaquam hoc mihi consulto, etenim si me recte agentem, errare suspicaris, minime tui causa recte agere intermittam. non magis enim tibi, quam mihi ipsi uiuo, in omnibusque ratione pro consultore utor, & dei iustificationibus à quibus sum mancipatus, nemine reprehendente. & ut multorum obmittam condemnationem, solum iudicium internum, & quod in nobis ipsis est, effugere nequimus, ad quod solum respiciendum, & recta uia est incedendum, censere uero illud, quum erit suscipiemus, ut humanum quid dicam. si autem ex aduerso ceciderit, ualere sinemus. & nihil ab esse propter censere auferemus. & sic se res habet, si quis id quod bonum est, alicuius rei gratia exercet, non tamen planè uirtutis gratia, ad bonum tamen illud aliquando peruenit, idque assequitur. quemadmodum is, qui lucri causa nauigat, eò peruenit quò tendit, etiam si non lucretur, qui enim bonum propter seipsum honorat & fouet, quoniam rem amat stabilem, firmam etiam circa illud habet animi propensionem, ita ut diuini quid patiat, & dei illud dicere possit: Ego ille idem sum, nec immutor, nequaquam igitur transmutabitur, nec transponetur, neque unà cum temporibus ac rebus concidet, alius ex alio factus, ac multos assumens colores, quemadmodum polypi à petris, quibus adhærent, manet igitur ille idem solidus in dissolubilibus, & inuertibilis in uertibilibus, petra, ut arbitror, contra uentorum impetum & undarum, quæ non concutitur, neque absumitur ab ijs, quæ illam oppugnant. Et de his tantum sit dictum, nequaquam enim mihi uacat, ut contra linguas decertem, forsitan & hæc plura sunt quàm decet. Nunc uero ad uos grex meus, sermo dirigitur, uos mihi facti estis, inquit Paulus, gloria & gaudium, & exultationis corona, uos responsio mea estis, erga eos, qui me discutiunt: ut illis tanquam in architectura, aut pictura rationem exigentibus, sufficiat, ut uos fabricam & picturam meam ostendam, sicq; à molestijs liberer, opus enim inquit, sermone est fortius, ita & ego uos ostendens conuitia supero, sed quomodo supero? primum quidem si confessionem in patrem & filium, & spiritum sanctum immutabilem, & firmam custodieritis, nihil addentes, & nihil subtrahentes, neque aliquid ab una deitate diminuentes, imminutio enim unius, imminutio est totius, eos uero qui aliud quid sapiunt, aut dicunt, aut naturarum mensuris, illud quod unum est dissoluunt, aut diuidunt, tanquam pestem ecclesiæ, & ueritatis uenenum auerfemini, non quod illos odio habeatis, sed ut casus eorum uos misereat. Secundo autem, si in rebus gerendis ueræ rationis sectatores uos exhibeatis, quo in uirtute sitis ambidextri, & non ab altera parte destituamini, uos reges purpuram ueneremini, siquidem legislatoribus etiam uerbum, legem feret, cognoscite quantum id sit quod uobis est concreditum, & quid magnum de uobis mysterium, mundus uniuersus uobis subditus, paruo diademati, & breui panniculo innitens.

Superna solius dei sunt, inferna autem & uestra, ut dei euadatis, in uestra situm est potestate (ut quid audaculum dicam). Cor regis in manu dei esse, & dicitur & creditur. ibi sit potentia uestra, & non in auro & phalangis. Vos qui circa regiam uersamini & thronos, nolite potestate nimium attolli, nolite immortaliter sentire, de his quæ immortalia non sunt. fideles manete dominis uestris, deo autem prius, per quem & his quoque crediti & traditi estis. Qui generis nobilitatem iactitatis, moribus nobiles uos ostendatis, aut uobis molestum aliquid dicam. nobilium autem genus, uere nobilissimum esset magis quàm uestrum, si non & libri ignobiles uobis describerent. Vos sapientes & philosophi, uenerandique barba ac ueste trita, Vos sophistæ & grammaticæ, & qui publicos plausus uenari soletis, haud scio quo pacto sapientes uocari potestis, quum nec primam causam habeatis: uos qui de diuitijs illud dicere auditis, diuitiæ quum affluunt, nolite illis cor apponere, scitote, quod rei confidatis instabili, exonerate aliquid à naue, quo nauigetis leuius. si tibi aduersi quid accidet, in illum transfer, cui tua concredis. Vos qui diffluitis delicijs, auferte aliquid carni, ac date spiritui. prope est pauper, ægritudini succurre. in hunc proijcito aliquid quod tibi superest. nonne & tu ægrotas, quum digerere nequeas, & ita bibas, & crapuleris, & aqua inflatus sis intercuti, & satietatem satietate degraues. infirmitatibus igitur inuolutus, non negliges hic Lazarum tuum, ne ex te faciat diuitem illic. Vos ciuitas magna, primi cum primis confestim, aut neque in hoc morem geratis, exhibeatis uos mihi primos, non prauitate, sed uirtute, non dissolutos, sed recte institutos. siquidem turpe est ciuitatibus dominari, uoluptatibus uero superari: aut in alijs modeste agere, sed circa cursus equorum, & theatra, & stadia, & uenationes adeo insanire, tanquam talia uitam faciant: & ciuitatem ita ludis deditam esse, quæ prima sit inter ciuitates, quam & alijs exemplar esse totius boni conuenientissimum foret. hæc igitur contemnite, & dei ciuitas eritis. manibus domini depingimini, & assistetis nobiscum coram magno ciuitatis præfecto, splendidi splendide. postea hoc uobis annuntiabo, In ipso Christo domino nostro cui sit gloria, honor, potentia in secula, Amen.

Constantinopolis

O R A T I O D I U I G R E G O R I I N A Z I A N Z E N I

quum post ea quæ contra Maximum gesta fuerant reuerteretur ex agro.



DESIDERABAM uos ó filij, parique mensura desiderabar, credo etenim, si sermoni fidẽ adhibere oportet, nã per gloriationem uestram, quam habeo in Christo Iesu domino nostro. hanc enim iuramenti formulam, sanctus mihi fecit spiritus, quo erga uos mouemur, ut præparemus domino

minò populum super substantialem. Sanè fidem quanta sit considerate. quod enim ad me pertinet, credo. quod uero ad uos, dilato. nec mirum, quorum enim communis est spiritus, communis est & affectus. quibus autem pati est æquale, illis etiam credere est æquale. nam qui nihil passus est, nec alij credere potest. qui autem patitur, ad assentiendum est promptior, testis uisibilis, affectus inuisibilis: figuræ alienæ, speculum peculiare. quapropter nequaquam à uobis longius discedere uolui, tametsi satis moleste & ægre ferrem, non solum quæ in ciuitatibus accidunt, ueluti timores, tumultus, fora, theatra, gulam, iniurias, impellentia & impulsæ, offendentia & offensa, lugentes, gaudentes, nubentes, sepelientes, laudantes, blasphemantes, materiæ malitias, mundi concussiones, cum immutationibus undique uolubilibus, tanquam in euripo & flatibus: sed & magis iam ueneranda hæc, & honorabilia: de ijs dico, quæ circa gradum hunc & sacram sunt mensam, ubi nos dominari uidemur, & appropinquare deo: timeo autem ne male appropinquemus, & tanquam stipula igni, ignem nequaquam ferentes. uerum enim uero ad uos sum reuersus, ui quidem distractus, sponte uero regressus, idquæ promptissime, ac pedibus spontaneis. quum ratio spiritus ita nos deduceret, & tanquam fluctus quidam in pronum nos impelleret. Sanè dies unus tota uita est hominis, ijs qui desiderio laborant. nam Iacob illud aliter mihi habere uidetur, qui annis quatuordecim, Laban Syro pro duabus seruiuit uirginibus, nec laborem sensit. erant enim illi, inquit, dies cuncti sicut dies unus, quia diligebat eas. forsitan quia in oculis erat id, quod desiderabatur, etiã si dilatio triste quid haberet: adeo id quod ad fruendum est expositum, imminuit desiderium. quemadmodum quidam ante nos dixit. Ego igitur quum apud uos agerem, minime sentiebam affectum. quum uero separatus essem, desiderium cognoui, tyrannum illum dulcem. nec nouum quid, si enim bubulcus adeo conqueritur, quum uitululus ab armento aberrauit: & pastor quum ouis gregem dereliquit: aut auicula fortum suum desiderat, quem nuper reliquerat: ut fistulas sumat, & in speculam quandam ascendat, ac tristitiæ inflet calamos, reuocetque aberrantia tanquam rationabilia: & si exaudiunt, plus gaudet, quam ob alia cuncta simul, quorum curam non gerebat: auicula uero cum stridore ad nidum aduolat, ac in stridentes incidit pullos, alisque confouet: quanto maiori curæ, oues rationales idoneo pastori esse debent? præcipue quum aliquali-ter pro illis fuerit periclitatus. nam & id amoris aliquid addit. ac ideo graues istos lupos timeo, ne tenebras obseruantes, gregem nostrum diripiant, sermonibus direpticijs & uiolentis. temporis enim opportunitatem quærunt, quoniam in aperto uires nullas habent. Timeo & latrones ac fures, ne atrium transcendant, uel per impudentiam compilent, uel per deceptionem furentur, ut iugulent, occident, ac perdant, rapientes rapinas.

deuorantes animas, quemadmodum ex prophetis quidam inquit: Timeo & posticam, ne aliquis ex ijs qui heri ac pridie à nobis stabant, illam apertam inueniat, sicq; perinde ac domesticus ingrediatur, tanquam alienus uero insidietur, multę enim ac uarię sunt insidię illius, qui hæc operatur: nec aliquis talis est architectus, ac tam uersipellis, quemadmodum sophista malitię, aduersarius ille. Timeo quoque, quod canes iam uiolenter pastores esse contendunt, quod mirum quidem est, quum nil habeant pastoralis præterquam ut comam præscindant, quam male produxerant, qui neque carnes permanent, nec pastores fiunt, excepto quod dilaniant, discerpunt, ac laborem dissoluunt alienum, quoniam longe facilius est destruere, quam conseruare, & homo quidem inquit Iob, nascitur labore, fabricatur & nauis labore, per laborem etiam domus construitur, occidere uero, uel dissoluere, aut incendere unicuique est perfacile. Quapropter ne nunc quidem admodum gloriantur, qui canes in gregem instigare contendunt, qui nec unicam ouem ostendere possent quam congregassent, uel saluassent. non enim benefacere didicerunt, qui scelera perpetrant, si autem gregem perturbant, hoc & tempestas modica, hoc & morbus paruus, hoc & bestia unica subito inuadens, facere potest. Desinant igitur qui ob propriam gloriantur ignominiam, ab improbitateq; si saltem possunt desinant: procidant, adorent, ac plorent coram domino, qui fecit illos, & gregi se coniungant, qui non omnino immedicabiles existunt. hæc timidus ego & abstinens suadeo pastor, ac ob securitatem hanc non secus ac socordiam accusor, non enim sum ex pastoribus illis, qui lac deuorant, & uelleribus amiciuntur, & quod pingue est mactant, & laboris occidunt assiduitate, aut uendunt, ac dicunt: Benedictus dominus, ditati sumus, quum se ipsos & nequaquam agnos pascant, si propheticę uocis memor es, per quam illi pastores malos expellunt. sed illorum magis memor sis, qui cum Paulo dicere possunt, Quis languet, & ego non langueo? Quis scandalizatur, & ego non cura ardeo? non quæro uestra, sed uos. Conflagraui cum æstuante in die, & cum frigescente in nocte alii: uox est pastoris patriarchę, licet nequaquam ouium insigniorum, & futuri torcularis curam gereret. Ita igitur & propter hæc ac ita se habentia uobis restiti. Postquàm autem restiti, age rationem reddamus de ijs, quæ interim emendauimus. Quoniam bonum est nos censere, non ob uerba solum & opera, sed & omnis temporis & horę ipsius minimæ ac breuissimæ momenta rationem nobis reddendam esse. Sanè uos mihi operationem uestram iactatis, ac ego in medium ponam, quæ cum memet ipso meditans, philosophatus sum. quamnam contemplationem ex sublimioribus illis, aut à me acceptam obseruastis, aut à uobis ipsis attulistis? siue in Theologia, siue in alijs doctrinis, qualia ego multa & sæpius uobis exhibui, siquidem non solum mutuum quæro, sed & usuram: non talentum solum

solum, sed & lucrum. ne quis abscondat & infodiat id quod ei creditum est, & defraudet id quod ei mutuo datum est, tanquam paruum, quum interim aliena appetatis. Quam igitur operationem laudabilem, aut non sinistre sapientem fructuose attulistis? quo lux uestra coram hominibus luce-
ret, & ex fructu arbor ostenderetur, & per discipulos magister cognosce-
tur. Sed dicet aliquis, qui uestra spectat: nam multi sunt, quidam ex bona uoluntate, alij autem ob curiositatem: quod deus est in uobis, non solum prædicatus, sed & adoratus. Quemadmodum enim nullum opus sine fide est approbatum, quoniam multi, gloriæ gratia, illi, quod honestum est dant operam, aut etiam instinctu naturæ aliquid boni agunt: ita & fides sine operibus est mortua. ne quis uos decipiat inanibus uerbis, ex ijs qui prom-
pte omnia concedunt propter unum, nempe, ut impie agatur in dogmatis, & mali operis mala persoluatur merces. Ostendite igitur ex operibus fi-
dem, religionis uestræ fertilitatem, num in uanum laborauerimus? num manipuli uestri uim habeant ad faciendum farinam? & digni sint, ut reponan-
tur? quo promptius uos excolamus. quis nam fructum faciat centenarium, quis sexagenarium, quis demum uel tricenarium. aut rursus num quis ex tricenario ad sexagenarium excreseat? siquidem ordinem hunc in Euange-
lijs habemus, qui in centenarium desinat, ut progrediens sicut Isaac, ma-
gnus fiat, procedens à uirtute in uirtutem, cantilenas decantans ascensio-
num, ascensionemque in corde reponat. Sanè fructum quæro superabun-
dantem ad rationem uestram. uestrum enim non meum est lucrum. immo
& nostrum, quia uestrum, quum utilitas à uobis in nos redundet, tanquam
in reuerberatione radiorum. Nunquid pauperes alitis? num peregrinos su-
scipitis? num sanctorum pedes lauatis? num delitiose fluxu uiuitis uentri?
detur enim. Num secundum mandatum delitiose agitis? quibus delicijs nil
est melius, neque stabilius ijs, qui delitiose agere uolunt. num quempiam mini-
strantium altari, & qui honeste pauper est (permittite enim mihi hoc dicere)
pro uiribus alitis? quo illi indefinenter magis altari deferuiant, & uestra acci-
pientes sua repensent. quàm turpe est nos hæc expetere, & uos nequaquam
exhibere. hæc nō ideo admonui, quo tales erga me fiat. melius est enim mi-
hi mori, quàm gloriationem meam exinaniri. & ut Euangelium quod hic
fructificaui, sine remuneratione perdam. siquidem Euangelizare necesse est,
contentio uero inutilis. sed ut uos discatis Christo benefacere, quum mini-
mo alicui benefeceritis. quemadmodum enim omnia, sicut ego, excepto pec-
cato, pro me factus est Christus: ita & minima quoque mea in seipsum susci-
pit, quum domum impartiris, quum uestem, quum captiuum uisitas, quum
ægotantem inuisis. uilissimum etiam, quum potu frigido, solum refrigeras
linguam sitientem. quemadmodum decuisset Lazari pauperis, à diuite qui
in flamma laborabat, & pro præsentibus delitijs præmium sumebat, quod
Lazari inopiam & exulcerationem neglexisset, ut in alio seculo Lazari ope
indigeret,

indigeret, & uoti compos non fieret. Quæ igitur à uobis exigimus hæc sunt, quæ si feceritis, scio quod non erubescitis, neque à nobis rationem postulabitis, neque in nouissimo die, in qua cuncta nostra congregabuntur, secundum ut dictum est, Et ego ueniam, ut cogitationes & opera uestra congregem. & Ecce homo, & opus ipsius, & præmium eius cum eo. Et hæc sunt nostra, quæ uobis à solitudine offero. Postquam & Helias suauiter philosophatus est Carmelo, & Ioannes eremo, & Iesus ipse, opera quidem turbis, preces autem ocio & solitudini. qui plurima mei causa lege sanciuir, ut arbitror, quia oportebat aliquo modo quiescere, & sincere communicare deo, ac mentem parumper reducere ab erroribus. ipse enim nequaquam indigebat secessione, nihil enim in se habebat quod emendaret, quum deus esset, & omnia impleret: sed ut nos disceremus, & operationis tempus, & negocia sublimiora. Quæ sunt igitur solitudinis? Vellem enim tanquam bonus mercator, & ubique lucri cupidus & hic quoque uobis mercis aliquid afferre. Deambulabam ociosus in littore, inclinante iam die. consueui enim semper curas talibus dissoluere remissionibus. Nam nec arcus sufferre potest, ut assidue intendatur, sed indiget ut parumper quandoque laxetur, si rursus usui esse debeat, & nequaquam inutilis sagittario in tempore necessitatis. deambulabam igitur, & pedes me ferebant, aspectus uero ad mare dirigebatur. erat autem spectaculum illud nequaquam iucundum, licet aliàs sit gratissimum, quum tranquillum est & purpurascit, leuiterque ac placide littoribus alludit. Sed quid hoc erat? dicam enim lubens uerbis scripturæ, uento magno flante, insurgebat mare & fluctuabat, unde autem quemadmodum in similibus fieri solet, partim à longe intumescabant, ac paulatim attollebantur, inde con fractæ littoribus illidebantur, aliæ autem proximis impactæ scopulis, ac repulsæ, in spumamque uersæ, leuitate sua in altum iactabantur. tum conchæ, & phucus marinus, necnon ex ostreis leuissima quæque nunc expellebantur, & eijciebantur, nunc uero rursus resorbebantur, quum unda rediret. at quædam immobilia erant & firma, nihilque perpetiebantur, nec perturbabantur, præterquam quod undis tundeantur. hinc ego ad philosophiæ utilitatem aliquid desumpsi, & quemadmodum cuncta mecum expendere soleo, ac præcipue quum mihi à negocijs contingit ocium, ita & tum mihi euenit. siquidem non inane fuit spectaculum illud, sed uisio ista facta est mihi institutio. Nonne igitur dicebam, mare uita nostra est. humana enim multum falsi ac instabilitatis habent. uenti autem sunt tentationes incidentes, & quæ inexpectate eueniunt. quod mihi & admirandus ille Dauid cognouisse uidetur, dum ait: Salua me domine, quoniam ingressæ sunt aquæ usque ad animam meam. & libera me à profundo aquarum. & perueni ad imum maris, ac tempestas me submersit. ex ijs autem quæ tentabantur, quædam mihi ostrearum demortuarum testæ leuissimæ uidebantur, quæ flatu hinc inde iactarentur. & nil omnino tentationibus

tionibus resistebant, non enim in seipsis robur habebant, & gravitatem consilij sapientis, quibus aduersitatibus resistere possent incidentibus. quidam autem uidebantur petra, petra illa digni, supra quam firmati sumus, & cui seruimus: quicumque sapienti usi ratione, & multorum exuperantes humilitatem omnia tolerant, constanter & inconcusse, deridentque eos, uel misereantur eorum qui concutiuntur. hoc quidem propter sapientiam, illud autem propter humanitatem. ipsi autem inter turpia ponunt, absentia mala contemnere, seu potius non timenda esse: praesentia uero inculpare. & quae nam ex his? transitoria nempe, non secus ac stabilia. & extra tempus philosophari, at in necessitatibus omni carere prudentia. Quemadmodum si quis se optimum censeat athletam, quum tamen nunquam in stadium descenderit: aut gubernatorem eximium, qui in tranquillitate multum de arte gloriatur, in tempestate autem gubernacula relinquit. Caeterum postquam semel in hos incidi sermones, ad aliam quoque deueni similitudinem, admodum rebus praesentibus conuenientem. forsitan me senem & fabulae narratorem existimatis, licet illam uobis explanauerim: sed parcendum mihi puto, quum sciam scripturam saepius ad demonstrationem manifestiorem talibus uti. Arbor quaedam est fabulosa, quae excisa magis germinat, & contra ferrum decertat. & si quid mirabilius in re mirabiliori dicere oportet, morte uiuit, & abscisa pullulat, nec non consumpta augetur. haec referunt fabulae, & arbusculi illius natura talis est. mihi autem manifeste uidetur, tale quid philosophum esse, qui per afflictiones clarescit, & ex grauibz materiis facit uirtutis. ac in aduersis gloriatur, nec dextris iustitiae armis extollitur, nec sinistris deprimitur: sed semper ille idem, licet non in eisdem permanet, tanquam aurum in fornace igne examinatum. Proinde ita confideremus: si quis generosus est, sanguinis etiam nobilitatem ostendit, quo dupliciter nobilis appareat, & natalibus, & uirtutibus. si uero ignobilis secundum stemmata, & lutum hoc ex quo facti sumus, si saltem lutum multum differt a luto: splendidam opponit actionem, & quam unusquisque sibi ipsi uel ad melius, uel deterius fingit. Aliam uero nobilitatem quae statuis insculpitur, aut per generationem feritur, tanquam adulterinam aut precij nullius paruipendit. Triplex enim genus est. primum quod ex supernis hausimus, quo omnes aequaliter nobiles sumus. quoniam secundum imaginem dei sumus facti. aliud genus a carne exordium sumit, quam uis haud sciam, num quis eo nobilis esse possit, quum sit corruptioni subiectum. tertium genus est, quod a prauitate, aut uirtute initium sumit, de quo plus aut minus participamus, secundum quod, ut arbitror, plus imaginem puram custodimus, aut corrumpimus. Hanc nobilitatem unusquisque uere sapiens, & philosophus amabit. Quartum uero genus, quod per literas fit & edicta, tum precio dignum censebo, quum & pulchritudinem, quae in coloribus est, suscipiam. Simiamque uenerabor, quum leo

leo esse iubebitur. Sanè si quis iuuenis est, animi affectibus uiriliter resistat, & in hoc sua fruatur iuuentute, ne quid iuuenile patiat, sed senilem prudentiam in uigenti ostendat corpore. & plus uictoria gaudebit quàm si in Olympiaco coronaretur certamine. in communi enim orbis theatro uincet uictoria innocenti. Porro si quis in senium uergit, nequaquam tamen anima senescat, suscipiat dissolutionem, tanquam præscriptum, necessariae libertatis diem. Placide ad reliqua pergat, ubi nemo amplius intempestius est, uel senex, sed omnes spiritali ætate perfecti. Quod si pulchritudinem quis nactus est, pulchritudini pulchritudinem addat. animæ nempe, corporis, quod si flos pertransit inoffense, uergit ad seipsum, neque nouit an sit uisus turpis aspectu, pulcher uero recessu, non secus ac rosa odora in calice suo recondita, redolet etiam si non amplius floreat. Siquidem uera pulchritudo apud filios hominum, nullo unquam tempore ab extra se spectandam præbet: uerum obtutum ad internum flectit hominem. Quod si quis bona est ualitudine, sanitate ad optima utatur: admoneat uerbis, redarguat, fiducia liter agat, uigilet, humidormitet, ieiunet, materiam extenuet, terrestria & cœlestia speculetur, omni studio mortem meditetur. Si uero aliquis ægrotat, pugnet. quod si succumbit, uincat, & assequatur ne amplius pugnet. Si uero diues est aliquis, à diuitijs philosophari incipiat, distribuatur indigentibus de ijs quæ possidet tanquam aliorum dispensator: quo illis ob distributionem bene eueniat, ipse uero ad deum subleuetur, nihil præter crucem & corpus possidens. Quod si pauper est, in deo sit diues, & ut diuites rideat, quod semper acquirunt, semper tamen egent, ideo nempe, quod plus indigent, ac ita bibunt ut plus sitiant. Esurit quis, cum uolatilibus pascatur, qui uitam sine semine & aratro agunt. cum Helia apud mulierem uiuet Sareptanam, ubi uasculum olei non deficiet, nec hydria farinae minuetur, sed hoc semper fluet, hæc autem coletur abundantius, quo uidua honoretur hospitalis, nutriatque nutrientem. Sitit aliquis, fontes habet & flumina. potum haud inebriantem, nec qui mensuratur, etiam si cuncta ob ariditatem deficiant. Porro si quis alget, hoc & Paulo accidit: sed quousque? est aliquid & petrae indumentum, de qua re tibi Iob fidem faciat, dum ait: Quia amici etum non habebant, petra amiciebantur. quin & perfectiora mihi considera. maledicatur alicui, in hoc uincat, ne ipse remaledicat. persecutionem patitur, toleret. blasphemia impetitus, deprecetur. calumniam sustinet, oret. in dextra gena percussus, sinistram præbeat. quod si tertia superesset, & illa offerri deberet, quo magis percutientem longanimum esse doceat, opere instruens quod sermone est impossibile. Exprobrabit quis? hoc & Christo accidit. honoretur ergo ignominia communicatione, etiam si audit quod Samaritanus sit, etiam si dæmone obsessus dicatur, omnia cum deo suscipiantur. siquidem multa adhuc defunt, etiam si multa patiat, acetum, fel, corona spinea, sceptrum ex calamo, chlamys coccinea, crux, clau

clauī, latrones unā cruci affixi, prætereuntium illusio: deum enim plus habere oportet, in eo quod plus fert ignominia. nihil philosophia est inexpugnabilius, nihil quod minus lædi queat: omnia prius cedunt quàm philosophus. Onager est in deserto, ait Iob, ociosus & liber, ciuitatis irridens multitudinē, exactoris tributi inculpationem nequaquā audiens. Monoceros est animal liberū, si uoluerit tibi seruiet, siue eum ad præsepe alligaueris, seu sub iugum miseris. Quod si ab omnibus quæ in terra sunt excludatur, adaptat sibi alas, aquilæ instar, & conuertit se ad domum illius, qui fecit eum, & ad deum aspirat. Dicam & summatim quid. Duo sunt insuperabilia: deus, & angelus: tertium uero philosophus, immaterialis in materia, in corpore intircumscriptus, *Philosophus* in terra cœlestis, in passionibus passionum expers. in omnibus cedit, præter quàm prudentia: uincit uincentes, & eos qui se uincere putant. Proinde post quàm sermo noster philosophum descripsit, inde initium sumens, unde dicebam, Age, & nos ab his nostra expendamus: nam & ego spiritum dei habere uideor, & si alicui horum uulnerabilis & comprehensibilis esse censeor: ut si ij qui nos odio habent, & oppugnant, inueniant succumbentem: conatui tamen, & si non professioni ignoscant: si uero meliorem pugnantibus & subliorem, aut prauitatem abijciant, aut uiam magis nouam maliciæ excogitent, præsentemq; hanc contemnant: & nequaquam præter prauitatem & stultitiam etiam criminentur, tanquam in uanum peruerse agentes: & neq; in hoc cui maxime student offendere scientes: quid enim obmitterent, quos omnia audere uidemus, in quo homo hominem offendere posset? Imperitum uocant: at ego unam sapientiā esse scio, timere deum: siquidem, Initium sapientiæ, timor domini est. & finis uerbi, totum audi, Deum time. Hæc Salomon sapientissimus. Ostendant igitur me absq; timore esse, & uincant. Aliam autem sapientiam partim negligere, partim uero adipisci opto, sed & spero, spiritui confidens. Sed paupertatem, diuitias meas, mihi exprobrant. Sed utinam & pānos hos attritos exuere possem, quo nudus uitæ huius spinas effugerem. Utinam & cito fragile hoc corporis deponam indumentum, quo accipiam leuius. Patria extorrem uocant, quàm abiecte de nobis sentiunt. Vere iniuri & ofores hospitem, siquidem, heus uos, patria mihi est circumscripta, omnis patria, & nulla: tu autem nonne peregrinus es & aduena? nequaquam tuam laudo habitationem, si ita sentis: timendū enim ne uera excidas patria, ad quam nostræ ciuitatis spem reponere oportet. Senectutē autem & malam ualetudinem nobis exprobrare noli: nō totum hoc materiæ est, & naturæ. Nam, ut aliquid ex meis noscas secretis, est adhuc aliquid quod cogitatio expendit, ut parumper etiam glorier, neq; tu tam obesus, & carniuorus suaue es spectaculum: utinam & te quoq; canicies commendaret, & pallor, quo prudēs esse credereris & philosophus. Et quid plus? A thronis quibusdam deturbant: sed ab illis, ad quos libenter uel nunc, uel prius ascendi: beatos autem cenfeo eos, qui ascenderunt: tu autem mihi illos suaues facis, cum

Z tu tam

tu tam indigne ascendis. nōne pridie in ijs quæ acciderunt, meam uobis opī
 nionem ostendi. aut illa erant deliciæ, & desiderij experimētum: artifices do
 losi, omnia sua de alijs propria suspicantur & dicunt. quid autem contritio?
 quid execrationes: quas publice aduersus nos ipsos fecimus: quid autem la
 chrymæ: & ut nobis fieremus miserabiles. sed & paulo minus odiosi propter
 concertationes. præsidentia nos priuant, quàm olim prudens quis miraba
 tur: nunc autem, quemadmodum mihi uidetur, fugere præcipui est intelle
 ctus. propter eam enim cuncta nostra agitatis & perturbatis, propter eam
 fures orbis in suspitione sunt, & bello quodā stolido, & quod nec nomen ha
 bet. propter eam periculum nobis imminet, ne inter homines connumere
 mur, quamuis à deo simus creati, & magnum & commune nomen amitta
 mus: ita ut satius foret, ne præsidentia unquam fuisset, nec loci præeminen
 tia, nomenq; tyrannicum, & à uirtute sola cognosceremur. Nunc uero de
 xtrum illud, & sinistrum, & medium, & sublimius, & humilius, & præcessio,
 uel simulatio, nōne multam fecit cōtritionem inaniter, ac multos in foueam
 impulit, & in sinistram hœdorum manum abduxit. non ex inferioribus so
 lum, sed etiam ex pastoribus, qui cum doctores essent in Israel hæc ignora
 runt. Ab altaribus nos excludunt. sed ego aliud noui altare, cuius typum ge
 rant, quæ nunc uidentur. super quo nec ascia nec manus ascendit, neq; quod
 ferrum audiuit, neq; aliquid arte fabricatū aut uarium. Sed totum opus men
 tis est, & contēplationis ascensus. illi astabo. ibi offeram acceptabilia. & hosti
 am, & oblationes, & holocaustomata, longe meliora q̃ quæ nunc offerūtur,
 quantū ueritas melior est q̃ umbra: de quo & Dauid ille magnus mihi phi
 losophari uidetur, dum ait, Et introibo ad altare dei: qui spiritalem meam læ
 tificat iuuentutem. ab hoc altari nec omnis mihi insidiā auellet. Sed à ciui
 rate depellent. uerum non ab ea quæ in supernis est. Verum hoc agant qui
 nos oderunt, & assidue oppugnant, donec autem non possunt, aquæ nos as
 pergant guttis, seu aura uerberent. aut in somnijs ludant: ita ego illorum ui
 debo bellum. Sed pecunijs spoliabunt. Verum quibus: si meis, alas mihi in
 cident, quas nequaquā habeo. si uero ecclesiæ, hoc utiq; est pro quo omne bel
 lum. propter hoc & fur loculorum indignatur, & deum potentissimū triginta
 prodit argenteis. tanto precio, nequaquā proditus, sed proditor dignus erat.
 Verum domus occludent, alimenta abscindent, amicos abalienabūt. admo
 dum enim multos ut cernis degrauauimus. qui ultro etiā accersunt. nō enim
 ingrati erimus. quod si etiā degrauamus, parcendū est magis quàm adden
 dum. huius rei causa est, domus quædam pia & deo chara nos pauit, qualis
 Helisæum Sunamitidis. cognatorum corpus est. cognatorum spiritus. om
 nia liberaliter. à quibus & populus iste instituitur, suffurans adhuc pietatem
 persecutam, non sine timore & periculo. rependat ei deus in die retributio
 nis. Delicias autem si sequimur, delicias è nobis capiant, qui nos persequun
 tur, non enim aliud quid maius mihi imprecabor. Amici autem nil mali
 patientes

patientes, recte scio, nos effugient, hoc enim pariter iniuria afficere & una dolere fecit. Verum iam pridem assueti sumus, ut ab his despecti, eorū feramus superbiam. Nam ex amicis meis & proximis aliqui manifeste aduersus me appropinquauerunt, alij autem qui erant humanissimi, à longe steterunt, & in nocte hac omnes scandalum sunt passi, sed parum aberat, quin & Petrus me abnegaret. & forsitan nec amare fleret, quo peccatum curaret. solus ego audax & confidentiæ plenus, ut uidetur. solus bene sperans in terribilibus. solus tolerans & publica præponens, & propria despiciens. & ortui & occasui pugnando cognitus. Proh desperatio. si consistent aduersum me castra, non timebit cor meum. si insurgat aduersum me præliū, in hoc ego sperabo. tantum abest ut existimem timendum esse aliquid ex præsentibus, ut intermissis proprijs, deplorem eos qui me offendunt olim membra Christi, membra mihi honoranda. etiam si nunc sint corrupta, membra huius pascuæ. quæ amisi paulominus quàm collegi. quomodo distracta estis, & distraxistis. tantumquam iuuentuæ è uinculis laxatæ. quomodo altare contra altare erigitis? quomodo facti estis in desolationem repente? quomodo, & uos ipsi mortificati estis incisione, nosq; dolere fecistis? quomodo simplicitate pastorum in gregis dissolutionem abusi estis? non enim illos ob inexperientiam inculpabo, sed uos ob prauitatem inculabo. perditioni tuæ Israel quis subueniet? quoniam pharmaco utar conglutinatiuo? quibus alligaturis? quomodo coniungam dissidentia? quibus lachrymis? quib. sermonibus? quibus orationibus curabo id, quod est attritum? forsitan hoc modo. Trinitas sancta, mansueta, & perfecta, ac recte à nobis copulata ac uenerata. tuum est hoc opus. tuaq; emendatio. tu nobis istos restitue, in tantum distantes quod separationem unitatem esse doceant. & nobis ob labores hos retribue cœlestia, & seditione carentia. sed & quod præcipuum est & maximum, ut te perfectiorem & puriorem deprehendant. Quomodo tu ipsa & unitas esse nosceris, & trinitas inueniris, quomodo ingenitum, & genitum, & procedens, una sit natura tres proprietates, unus deus, super omnes, & per omnes, & in omnibus. neq; præponendus, neq; postponendus, nec diminuendus, neq; incisus. hoc quidem nuper deprehensus, hoc uero inquisitus. forsitan aliquando quantus existas deprehenderis, ab ijs, qui te hic bene quærunt, per uitam & contemplationem. tibi sit omnis gloria, honor, & potestas in secula Amen.

ORATIO BEATI GREGORII NAZIANZENI

habita in præsentia episcoporum centum quinquaginta.



V O M O D O uobis Pastores chari, & compastores, quo-
rum pedes frugiferi sunt, & qui annunciatu pacem, & bo-
na cum quibus aduenistis, res placent nostræ: oportune
autem hoc tempore uenistis, non ut oues errantes reduca-
tis, sed ut pastorem peregrinum consideretis. quemadmo-
dum se habeat peregrinatio nostra, & quis nam illius fru-

ctus, seu potius spiritus qui in nobis est, cui semper cōmunicatis, & nūc cōmunicamus, nihil propriū habere desiderantes, nec forte habentes. igitur inter uos ipsos perpendatis, & discatis, censoresq; sitis rerum nostrarum meliores, num oporteat, ut quemadmodum, quum in administratione rei militaris, seu præfectura populari, aut dispensatione domestica, pecuniarum exigitur ratio, ita nos quoq; publice illam reddere, ob ea propter quæ accusamur. haud enim uerecundamur si iudicati fuerimus, quoniam pro parte etiam iudicamus, & ambo hæc cum eadem dilectione, quæ lex uetusta est. Nam & Paulus non ideo Euangeliū apostolis communicauit, ut contenderetur, cum contentio ab omni spiritu bono sit remota, sed ut firmaretur, id quod emendatum erat, aut emendaretur, quod emēdatione indigebat. saltem tale quid erat in ijs, quæ ab eo dicebantur uel fiebant, quemadmodū ipse ostendit, de seipso scribens. Quoniam & spiritus prophetarum prophetis subijcit, secundum disciplinam spiritus, qui cuncta bene dispensat & diuidit. Si hæc autem illius, & quorundam sunt propria, ego uero publice & omnibus rationē reddo, mirari nolite, potius enim utilitatem ex argumentorum libertate capere uolo, quemadmodū & ille, quā ut uidear deficere, in eo quod decet, ne fortē in uanū curro, aut curram, nec aliter me excusabo, quā quod sermonem per species diuidam. Quæ igitur excusatio mea est: si falsa reprehēdite, si uera testimonium præbete his, de quibus est sermo. Vos enim mihi & defensor, & testes, & gloriationis estis corona, ut & ego quid ex Apostoli dictis iuueniliter usurpare audeam. Ouile hoc aliquando paruū fuit & imperfectū, quantum pertinebat ad uisibilia, sed nec ouile erat, uerum parui ouilis uestigium, & residuum, inordinatū, Episcopo cassum, & indefinitum, nec pasqua habens libera, neq; caulam, errabat in montibus & speluncis, ac cauernis terræ, cum aliud aliter esset dispersum & segregatum, sicut unicuiq; cōtingebat, tectum, aut pastum, propriam uē suffurans salutem, quemadmodum ouile illud quod leones expellunt, aut tempestas dissoluit, aut tenebræ disijciunt, quemadmodum deplorant prophetæ, dum calamitates tales populo æquiparant Israelitico, quum traderetur gentibus. Deplorauius & nos ea quæ luctu digna duximus, cum expelleremur, & abijciebamur ad omnem montem & collem, sicut pastor errans in eremo, & hyems quædā mala ecclesiam detinebat, ac feræ potentes grassabantur, quæ ne nunc quidē post tranquillitatem redditam nobis parcunt, sed sine pudore, tempore etiam sunt uiolentiores, ac tristis quædam caligo omnia occupauerat, & obtexerat, multū nostra Ægyptiaca plaga grauior: de caligine loquor quæ tangi poterat: propter quam parū aberat, quin inter nos nec cernere potuissemus, & ut aliquid maiori compassione dignum dicam, tanquam patri nos tradenti cōfusus: Abraham non cognouit nos, & Israel non cognouit nos. Sed tu pater noster es, & ad te aspicimus, præter te alium non cognoscimus, nomen tuū nominamus, propter illud excusabo. Sed & iudicia loquar ad te, inquit Hieremias, facti sumus

sumus tanquam ab initio, quum nō coercebas nos, & latebat nos testamen-
tum tuum sanctum, & abstulisti à nobis misericordiam tuam. propterea fa-
cti sumus opprobrium dilecto tuo. nos trinitatis adoratores. perfectæ deita-
tis profugi perfecti. & qui nihil super nos acceptum nobis ferre audemus. ne
que tantum, sicut impie & deo pugnantes, attolli linguis, ut dominationem
faciamus cōseruam. sed traditi sumus propter alia peccata nostra. & quia ne-
quaquam digne ad mandata tua conuersi sumus. quia post malas nostras
ambulauimus cogitationes. propter quid enim aliud traditi essemus? uiris
iniquissimis & pessimis, ultra omnes qui habitant orbem terrarum. Ex qui- *Iulianus*
bus, primus Nabuchodonosor nos oppressit, qui cum Christo contra Chri-
stum insaniuit, & propterea Christum odio habuit, quoniam per ipsum sal-
uatus fuerat. & pro sacris libris impia suscepit sacrificia. comedisset me. diui-
sisset me. abscondisset me caligo tenuis. ne & flens quoq; à scriptura discedā.
nisi dominus succurrisset mihi, & ipsum iuste manibus dedisset iniustorum,
ad Persasq; ablegasset. qualia dei sunt iudicia? & super sanguinē iniustum,
sanguis effusus est iuste. quum hic solum non amplius ultio cunctaretur di-
uina. parum enim abfuit quin anima mea in inferno habitaret. Ceterū nec *Valens*
secundus illo humanior fuit, si non grauior etiam. & tanto magis, quia Chri-
sti præ se nomen ferens Christum mentiebatur, eratq; Christianis oppro-
brium. quibus & facere impium erat, & pati ingloriosum: quoniam in re nul-
la iniuriam pati uidebantur. neq; magnificum martyrii nomen adipisci po-
terant, sed & hic suffurabatur ueritatē, quod Christiani paterentur, & tamen
sicut impij corriperetur. Heu in quantis malis uersati sumus. quoniam ignis
deuorauit speciosa orbis. reliqua depasta est locusta, & reliquias locustæ de-
uorauit erugo. inde & bruchus, ac inde nescio quid præter hæc, semper aliud
super aliud pullulans malum. quis temporis illius ærumnas cunctas, & quæ
tunc nos comprehenderunt enumerare posset? siue id exactionem uocare
oportet, siue probationem, siue examinationē, excepto eo quod transiimus
per ignem & aquam, & peruenimus ad requiem, bona eius uolūtate qui nos
saluauit. Sed ut redeam unde me impetus abstulerat. rusculum hoc aliquan-
do paruulum erat & pauperculum. & nondum pietatis seminibus & doctri-
nis excultum. sicut deus totum hunc mundum excoluit. sed nec pauperis ali-
cuius erat egeni. uel mediocris, ut uidetur. imò nec colebatur totum. nec hor-
rea uel aliud tale habebat. nec falce dignū. nec cumulo. neq; manipulos par-
uos. sed immaturos. & qualia sunt reiectamenta, quæ nec manū implent me-
tentis. nec quæ prætereuntium prouocarent benedictionem. Nunc uero tale
nobis rus est. talis & messis. magnum quidem, & segete egregium. pingue
quoq; contemplatori occultorum, & tali agricola dignum. multa animarum
armans milia. recte uerbo excultum. non tamen multis cognitum. nec subito
in unum congregatum. sed paulatim collectum. sicut calamus tempore mes-
sis. & sicut racemus in uindemia, cum non superest uua. sed & hæc mihi ad-
Z 5 denda

denda uidentur, admodumq; opportune. tanquam speculatorem in eremo inueni Israel. & sicut acinum unum, aut alterum maturum, in racemo immaturo. benedictionem quidem domini custoditam, & primitias consecratas. excepto adhuc pauco & raro, & quod nequaquam implet os comedentis, & sicut signum super colle. & sicut nauis malum super monte. seu aliud quid singulare. & quod non à multis est contemplabile. & hæc prioris fuere paupertatis & tristitiæ. Postquam autem deus depauperans & ditans. mortificans & uiuificans. qui facit omnia. & præparat solum uoluntate. qui facit ex nocte diem. ex hyeme uer. ex tempestate tranquillitatem. ex terræ siccitate humiditatem. & hoc sæpius ob unius iusti preces. qui multam etiam patitur persequutionem. Qui māsuetos tollit in altum, peccatores autem ad terram usq; humiliat: illud ad seipsum dixit: Videns uidi afflictionem Israel, & non addent ultra, ut luto & lateribus illum affligant. & dicens cōsiderauit. & cōsiderans saluauit. & eduxit populum suum in manu forti, & brachio excelfo. In manu Moïsis & Aaron dilectorum suorum. quid sit? & quæ miracula perpetrantur? ea nempe quæ libri referunt, & memoria conseruat. nam ultra illa in uia facta, & strepitum magnum, succinctius quid dicam. Ioseph solus in Ægyptum est delatus. & paulopost sexaginta myriades ex Ægypto sunt reuersæ. quid hac re mirabilius? seu maius diuinæ magnitudinis testimonium, quàm ex rebus fermè impossibilibus facere possibilis? & ut terra promissionis hæreditate possideretur, propter unum qui odio habitus fuerat. qui enim uenditus erat genti alienæ, in gentem excrescit magnam. & parua illa propago uinea fit speciosa. & tanta, ut flumina transcendat, & extendatur usq; ad mare, ex terminis dilatata in terminos, cuius gloria montiū contegit excelsa, attolliturq; supra cedros. & hæc sunt miracula dei. sed ut montes & cedros omittamus, talis olim erat grex iste. nunc uero ita obediens & dilatatus. & licet olim non esset populus, in talem tamē paulatim auctus est numerus: prophetizo autem quod plus augebitur. hoc enim mihi sanctus spondet spiritus, si quid in me est propheticum, & ego futura cerno. sed & ob præcedentia cōfido. & tanquam uerbi collectaneus, futura intellectu deprehendo. longe magis enim mirandum est, quod ex tam paruo numero, adeo aucta sit, quàm quod nunc in summum ueniat splendorem. Ex quo enim coepit congregari, ab eo qui uiuificat mortuos, ossaq; ad ossa coniuncta sunt, & harmonia ad harmoniam, & aridis datus est spiritus uitæ, & renascentiæ, recte scio quod uniuersa impleri oportet resurrectio. ne extollantur in semet ipsis, irritatores, & umbram amplectentes, aut è somno suscitati, seu auras spirantes. uel nauis uestigia per undas aliquid habere putent. Ululauit pinus, quoniam cecidit cedrus: aliorum erudiantur malis, & discant, quod non in finem usq; opprimetur pauper. neq; deitas detruncata & diuisa sustinebit. ne in excessu, quemadmodum Abacuc inquit, detruncantur capita potentum

rentum. nostis id quod imperat, & cui imperatur: ac quomodo potissimum deitas iniuria afficiatur, difracta, condituraq; pari deitatis degrauetur honore. Videor & mihi hanc uocem audire ab eo qui in unum colligit dispersos, & suscipit oppressos, dilatabo adhuc terminos tuos, ac illos extendam in dexteram & sinistram ac Caulam tuam, inquit, firmabo. ego te tradidi, & ego tibi succurram. In ira parumper te percussi, & in misericordia æterna, glorificabo te. Maior mensura est clementiæ quàm mensura emendationis. illa propter malitiam, hæc uero propter trinitatem adoratam. illa propter purgationem, ista autem propter meam gloriam. qui glorifico glorificantes, & ad æmulationem prouoco æmulantes. Ecce hæc à me sunt obsignata. & hæc est retributionis lex indissolubilis. tu uero mihi recense parietes, & incrustationes, & calculum ornatum, & cursus longos, & recursus, & auro splende, & circumspende. hunc quidem ut aquam seminasti, illud autem ut arenam collegisti, ignorans quod melior est manifesta fides, quàm impietas multiplex, & plures sunt deo tres collecti in nomine domini, quàm multi negantes diuinitatem: si saltem unum Abraham, omnibus præponere uolueris Chanææis, & unum Lot omnib. Sodomitis, & Madianitis Moysen peregrinum & exulem. quid autem trecenti illi, qui cum Gedeone deprehensi fuere? nonne milibus multis qui reuersi sunt præferendi erunt? quid uernaculi Abraham, qui paulò plures illis erant? multos tamen reges, & exercitum tam copiosum persequuti sunt, & in fugam uerterunt. licet numero essent pauci. Illud autem quomodo nostis? quod si fiet numerus filiorum Israel tanquam harena maris, reliquum saluabitur. quid autem hoc? referuau mihi septem milia uirorum, qui non incuruauerunt genua sua coram Baal. nonne ita seres habet? nonne nequaquam in plurimis clarescit Deus. Tu mihi numeras myriades, Deus autem saluandos. & tu quidem immensitatem terræ, ego autem uasa electionis. nihil enim deo tam magnificum, sicut sermo depuratus, & anima perfecta in doctrinis ueritatis. Quid enim dignum est factori omnium? & apud quem omnia, & in quem omnia? dare aliquid & offerre deo, nequaquam unius manus opus est, aut substantiæ, sed nec si quis uniuersam opulentiam humanam aut copiam in unum conferret, illum honorare posset. Nonne cælum & terram ego impleo? dicit Dominus. & qualem domum mihi ædificabis? aut quis mihi locus erit ad requiem? Proinde postquàm necesse est à dignitate aberrare: quod secundum est, à uobis pietatem peto, diuitias mihi communes & condignas: quibus fortè ualde diuitem superat, admodum pauper, si est magnanimus. siquidem contentio talis professionis est, & nequaquam abundantia. Hæc enim, ut sciatis, è manu uestra accipiam. aulam meam conculcare, ne addatis, sed calcabunt eam pedes mansuetorum, cognoscentium me, & uerbum meum unigenitum, & spiritum sanctum, sanè, & legitime, donec hæreditate acceperint monumentum meum sanctum, ad tempus arca apud alienigenas. nunc autem pa-

rumper delictosi sitis in alienis, & fruimini uoluntate. quia quemadmodum me reiicere deliberatis, ita & ego abiiciam uos, ait Dominus dominator omnium. hæc mihi uisus sum à domino audire dicente, & scire faciente: & ultra hæc etiam, deum, ad populum clamātem, qui ex paucis factus est iam multus, & satis ex disperso collectus, ac forsitan ob misericordiam non amplius inuidiæ obnoxius. transite per portas meas & dilatemini, ne semper laboretis habitantes in tentorijs, nec super uos affligentes gaudeant. ad angelos uero præsidentes ait: credo enim alios alijs præesse ecclesijs, quemadmodum me Ioannes in Apocalypsi docet: Viam facite populo meo, & lapides è uia proiciatis, quo nihil sit populo impedimento, neq; offendiculo in itinere & introitu diuino, nunc quidem ad manufactā, paulopost uero ad Hierusalem supernam, & sancta sanctorum, quæ ibi sunt. & quæ finem tandem esse scio ærumnarum præsentium & anxietatum, ijs qui bene incedunt. Inter quos & uos estis uocati sancti. populus acceptus. sacerdotium regale. funiculus domini fortissimus. à stilla fluuius totus. à scintilla lampas cœlestis. ex grano sylua arborum, super quibus requiescunt uolatilia. Tale donum uobis offerimus Pastores chari. tales adducimus. talibus nostros excipimus amicos, & hospites, & comperegrinos. nihil his pulchrius aut splendidius, uobis offerre possumus, etiam si ea quæramus quæ maxima habemus. quo sciatis nos peregrinos esse, sed non indigētes. uerum pauperes, multis autem ditantes. hæc si parua sunt & momenti nullius, audire uolo quænam sint maiora, & preciosa. Si enim ciuitatem, orbis oculum, terra & mari fortissimam, & quasi ortus & occasus uinculum indefinens: in quā undiq; summa concurrunt, & unde incipitur tanquam ex emporio quodam fidei communi: si hanc inquam, satis firmatis, & stabilitis sermonibus, hominum non magnorum, tot præcipue linguis perturbatam, & ita ubiq; facitis, ocium alibi magnum & studio dignum est agendum. Si autem id facitis sermonibus hominū laudatorum, date aliquid & nobis. ut pro his contendamus, & ipsi partem aliquam uisibilibus his inferamus. extolle oculos per gyrum & uide, omnis qui meorum sermonum es. scrutator: uide coronam gloriæ connexam, pro mercenarijs Ephrem, & corona iniuriæ. Vide confessum presbyterorum, canicie & prudentia ornatum. diaconum modestiam, non longe ab eodem remotam spiritu. Lectorum decorem. Populi discendi ardorem. quantāque tam in uiris quàm in mulieribus uirtutis sit æqualitas. quantum rursus sapientiæ in uiris. quantum in simplicioribus. qui omnes sapiunt diuina. quantum in imperantibus, quantum in obedientibus. qui hinc omnes bene incipiunt. quantum in militibus. quantum in nobilibus. quantum in sermonibus, & circa sermones. omnibus dei militibus. qui in alijs mansueti sunt, sed pugnares pro spiritu. omnibus qui supernum uenerantur senatum. ad hanc manum adduc peditatum. spiritum nempe uiuificantem. omnibus ratione præditis, tanquam ueris uerbi existentis cultoribus. mulierum quoq; quæ sub

iugo magis deo. quàm carni sunt colligatæ. mulierum quæ sine iugo sunt & liberæ. omne quod depuratum est deo. quicquid ex iuuenibus constat. quicquid ex senibus. quibus hoc quidem recte procedit in senectute. hoc autem manere cogitur immortale. spe renouatum meliori. ad hanc coronam de qua loquor nectendam. non secundum dominum loquor. nihilominus tamen loquar. & ego adiumento ero plectentibus. hoc enim & aliquo modo meorum sermonum opus existit. non eorum quos proiecimus. sed quos dileximus. neque meretricium. quemadmodum quidam dixit. qui nos diffamauit. tam sermone quàm opere scortator. sed ualde modestorum. ex his enim quidam & mei spiritus germen sunt & fructus. quemadmodum generosus nouit spiritus. eos qui corporibus renunciarunt. Quin etiam testimonium sat scio. mihi præbent omnes ex uobis grati. postquam omnes excoluimus. & merces mihi sufficiens est confessio sola. nil aliud enim querimus. nec quaesiuimus. Virtus enim precium haud curat. sed solum ad id quod honestum est respicit. quo permaneat uirtus. Vultis & addemus aliquid iuuenilius. cernite linguas contrarias. mansuetas. & qui contra diuinitatem pugnant quiescentes. & hoc est spiritus. & hoc nostræ est agriculturæ. non enim indocte docemus. neque iniurijs decertamus. quemadmodum accidit multis. qui sermone pugnant contra loquentes. paruiterque intellectus. iniurijs quandoque detegunt. illi enim sermones. quemadmodum & sepiæ atramentum. contra seipsos expuunt. quod effugiant uenantes. aut latitent indagantes. Sed ostendimus quemadmodum in pugna pro Christo sit decertandum. pacificum illum & mansuetum. & qui imbecillitates nostras portauit. neque quiescimus iuxta sermonem ueritatis. obmittentes aliquid de mansuetudine propter gloriam. bonum enim haud male uenamur. quum uero legitime pugnauius. quiescimus & intra leges nostras & regulas spiritus nos continemus. Et de his quidem ita sentio. & cunctis animarum dispensatoribus ac sermonis quaestoribus legem fero. ne rebus exasperentur duris. nec extollantur secundis: sed ratione utantur in sermonibus. & neutram supergrediantur mensuram. sed oportet forsitan desiderantibus uobis fidei etiam ipsius sermonem ostendere. si saltem aliquem habemus. Ego enim memoriam sanctificabor assiduitate. quum populus hic utilitatem capit. talibus præ cunctis alijs gaudens sermonibus. Vnde uos cognoscere poteritis. utrum non frustra odio habeamur. ob manifestationem ueritatis. dum cum quibusdam decertamus. alios uero praueniunt. quemadmodum enim in submersione aquarum. quædam penitus in profundo celantur: quædam uero impulsa ebulliunt. audituique eiectionem promittunt. differunt tamen: quædam uero resorbentur: ita hi. qui de deo philosophantur. ne dicam qui penitus sunt ingrati. hi enim omnino occultam & latentem in se habent pietatem. alij autem parturiunt. qui quidem id quod impium est. fugiunt: quod autem pium est. nequaquam libere profitentur. siue quod domestica quadam dispensatione utantur in sermonibus: siue quia

quia ob timiditatem illac fugiant. & mente quidem recte ualent, ut aiunt, populum autem nequaquam sanant, tanquam suam & non aliorum admistrarent præsidentiam. quidam autem publicāt thesaurum, dum nequaquam dolorem in pietatis tolerant partu, neq; ut soli saluentur salutē putant, si non & alijs quod bonum est impartiuntur. Cum ihs ego censerī opto, aut illi mecum, quo pulchram audeamus audaciam, nempe, ut pietatem confiteamur. Vnus igitur & brevis tenor nostri est sermonis, & tanquam inscriptio omnibus nota. Populus hic legitimus trinitatis adorator existit, ita, ut potius à uita hac diuelli uellet, quàm aliquid ex trib. diuellere à deitate. Vnanimis. eiusdem feruoris. pari ratione, tam inter se, quàm erga nos, & trinitatē affectus. Verum ut hæc singulatim ac breuiter percurrā, sine principio & principium, & quod cum principio est. Vnus deus. neq; illius quod principio caret, sine principio natura, ingentū est. neq; una est natura, quoniam non hoc est, sed quia hoc, existentis positio. non illius quod non existit sublatio. neq; principium, quia principium illius, quod principio caret esse prohibetur. non enim natura ipsi principium est, quemadmodum nec illi quod sine principio est. nam circa naturam hæc sunt. at hæc non natura & quod cum eo quod est sine principio & principij nil aliud quoddam quàm illa. Nomē autem quod principio caret, Pater. principio autē filius. hoc autem quod cum principio. spiritus sanctus. natura autem tribus una. deitas. Vnitas autē Pater, ex quo & ad quem reliqua reducuntur. non ut coniungantur, sed ut contineantur. neque tempore, neq; uoluntate, neq; potentia segregata. hæc enim multa inter nos suscitauerunt dissidia, quum unusquisq; cum seipso, & alio contendit. quibus autem simplex est natura, & esse illud, illis etiā unitas est dominus. Verum contentiosas sermonis appellationes, & quæ alteri etiā parti adaptari possunt, necnon concertationes ualere sinamus, ne in uno contraria, Sabellij errorem sequamur, & contractione mala diuisionem soluamus. neque in tribus Ariū cōtra unum imitemur, & diuisione mala unum subuertamus. non enim ob malū male gloriari oportet, id quod quæritur, sed à bono non aberrare. proh quàm sunt hæc maligni ludus, qui male res nostras expendit. Nos autem per mediam & regiam incedimus uiam, in qua id quod uirtutis est consistit, quemadmodum uidetur ihs, qui in his sunt potentes. Credimus in Patrem, & filium, & spiritum sanctum. cōsubstantiales, & unius gloriæ. in quibus & baptisma perfectionem habet, tam in nominibus, quàm rebus. non isti qui initiaris. negas illum cui diuinitatem adimis, & confiteris deitatis defectum. & sic conuenimus. Vnum siquidem substantia cognoscitis, & indiuisibilis mansuetudinis: tria autem subsistentijs, siue personis, quibus placet. non enim de his turpiter digladiamur, tanquam impietas nobis in nominibus, & nequaquam lateat in rebus. Quid enim dicitis, qui tres infertis subsistentias? non tamen tres suscipitis essentias? hoc dicite. scio ita deprehenſi ualde clamabitis. Vnam enim & eādem trium illorum docetis, quid autem

qui

qui personas, non unum, tanquam compositum confingitis: & personarum trium, uel humana etiam forma totum. apage. & uos reclamabitis, neque enim persona ulla dei est, qui sic habet, quid igitur uobis uolunt subsistētia, aut personarum addam enim, tria esse ea quæ sunt diuisa, non naturis, sed proprietatibus, admodum recte. quomodo igitur quidam cōuenient unum potius & illud idem dicere, quàm sic habere, si in syllabis dissiderent, cernitis ne qualis ego sim uobis conciliator: à litera uos reducens ad mentē. quem admodum ueterem, ita etiam nouam. Sed iterum ad eundem reuertendum est mihi sermonem. Hoc igitur ingenitum est, illud uero genitū. at istud procedens, dicatur, & intelligatur, si nomina fingere lubet, non enim timemus ne aliquando incorporalia corporaliter intelligatis, quemadmodum uidetur calumniatoribus deitatis. Conditura autem dei quidem dicatur, magnum enim nobis & hoc, deus autem minime, aut tunc suscipiam condituram esse deum, quando & ego fiam proprie deus. sic enim se res habet. si enim deus, nequaquā conditura est. apud nos enim cōditura eorum est, qui nequaquam dei sunt. si autem conditura, non deus. temporaliter enim incepit. qui autem initium habuit, erat cum non erat, neque senius quod non erat. hoc non proprie erat, quod autem non proprie erat, quomodo esset deus? non igitur conditura ex tribus, neque unum, aut aliquid hoc deterius per me factū est, quasi non solum conditura sit, sed nostra etiam uilius. si enim ego in gloriam dei, hoc autem propter me, temon propter plaustum, & clausura propter ianuatam. Vinco causa, quantum creaturis Deus est excelisior, tantum id quod per deum me sustinet, illo quod per me est factum, inhonorabilius est. Sanè Moabitis quidem & Ammonitis ad ecclesiam dei ingredi non licet. sermonibus nempe dialecticis & maleficis, qui nimis anxie generationem dei scrutantur, & processum ineffabilem, audacterque contra diuinitatem insurgunt: quasi illi soli attingere possint, ad ea quæ supra rationem sunt: aut nihil sint cuncta, quia ipsi comprehendere nequeunt. Nos uero scripturas sequimur diuinas, & impedimenta soluimus imminētia. Salutis curam gerimus, & omnia prius audemus, quàm innouare quippiam de deo, testimonia autem alijs relinquimus, quum iam ante sæpe ac multum de hac re sumus loquuti, & nobis non frustra. Sed & ualde mihi turpe esset nunc fidem colligere eorum, qui olim crediderunt, siquidem nequaquam ordo est bonus, docere prius, & deinde discere. non solum diuina, & quæ magnitudine sua sunt talia, sed neque aliud quid ex paruis & parum dignis, ex scripturisque soluere contrarietates, & explicare, cum tempus non sit. illæ enim diligentiam exigunt maiorem, quàm propositum præsentis requirit impetus. Sermo igitur noster, ut summatim dicam, talis est, & hæc percurri, non ut contra diuinitatis certam impugnatores. Iam sapius enim decertauimus, licet mediocriter. Sed ut uobis ostenderem characterem meorum dogmatū, sin nimis uestrorum, ego concertator, & contra ipsos, & pro eisdem consistens. Et hæc uobis
uiri

titi meæ administrationis est expurgatio: quod si laudabiliter habeo, Deo
 gratias, & uobis qui iussistis: si uero spe inferius, & ita gratias: scio enim quod
 non omnino sim reprehensibilis: nec uobis dicentibus diffido. Num in re ali
 qua populum hunc circumuenimus? num in quibusdam nobis ipsis profui
 mus? quo uitio multos laborare uideo. Num in aliquo ecclesiã offendimus?
 alijs forsitan qui uos causam dereliquisse putant, nostrũ opposuimus sermo
 nem. Vos autem in re nulla, quemadmodũ mihi conscius sum læsi: non bo
 uem à uobis accepi, inquit Samuel ad Israel, cum super rege disceptaret, non
 animas uestras donis redemi, testis est mihi dominus in uobis: ita & de ijs
 quæ plus sunt dico, ne singula enumerem, sed purum & incorruptum conser
 uauī sacerdotium. Si autem potentiam amaui, uel cathedrarum eminẽtiam,
 aut regũ calcare aulas: nil splendidi mihi restet, aut quod possideo abijciam.
 Quid igitur est quod dico? Non enim ego uirtutis operator, sum absq; mer
 cede, neq; eò uirtutis perueni: date mihi laborũ mercedem: sed quam namq;
 quam non facile acciperent quidam, qui omnia facile faciunt: sed quam mihi
 quærere tutum est: liberate nos à lōgis laboribus. Veneramini caniciẽ hanc:
 honorate peregrinitatem. Alium adducite, qui plus quàm nos sit decoratus:
 qui puras habeat manus: qui uoce non imprudens existat: qui sufficiens sit,
 ut omnia uobis gratificet, & curas discernere noscat ecclesiasticas: quoniam
 nunc maxime tẽpus est, ut id fiat. Videtis enim quomodo se corpus hoc ha
 beat nostrum, & tempore, & infirmitate, & labore consumptum. Quid opus
 est uobis sene timido & inuiri uiro? & qui per singulos dies, ut ita dicã, mor
 ritur, non corpore solum, sed & curis: ita ut uix hæc proloqui queat, fidem ha
 bete uoci doctoris: nunquam enim non habuistis, modeste laborauī accusa
 tus: laborauī & contra sermonem & inuidiã: cum hostibus pariter decertans
 & nostris. Hi enim pectora nostra percutiunt, & minus efficiunt: quod enim
 palàm hostile est, facile custoditur. isti autem tergum obseruāt, & ualde sunt
 molesti: quod enim suspicione caret, fraudi est oportunius. Sanẽ si guberna
 tor quispiam esset & ualde peritus, inde multũ circa nos & nauem maris fer
 ueret unda, multusq; unà nauigantiũ esset tumultus, cum aliĩ reluctarentur
 alijs, & tam inter se quàm cum undis decertarent, quomodo resistere posset
 apud gubernaculũ residens, ita ut & contra undas, & unà nauigantes decer
 taret, & sine periculo nauẽ ex duplici saluaret tempestate: quibus enim omni
 bus unà laborantibus, difficilis erat salutis adeptio, quomodo possibile erat
 ne submergerentur, si inter se decertassent? & quid alia dicere attinet? Cate
 rum quomodo hoc bellũ sedabo sacrum? dicatur enim aliquid & de pugna
 sacra, tanquam Barbarica: quomodo colligabo, & in unum reducam eos, qui
 è diuerso sedent, & contrario pascunt modo: populumq; his cooperatorem,
 pariter & aduersarium: non secus ac in hiatibus terræ motus, ea quæ sunt ui
 cina & coniuncta: aut in morbis pestilentialibus, ubi ministri & domestici se
 gregantur, quoniam morbus facile inficit, non solum autem hoc, sed & orbis
 fines

fines, unā cum seditiosis patiuntur: ita, ut in partes diuidatur contrarias, ori-
 ens & occidens, & periculum immineat, ne quemadmodum in opiniōibus,
 sic etiam in limitibus fiat diuisio. quamdiu durabit hoc, meus & tuus: uetus
 & nouus, rationabilior uel spiritalior, generosior uel ingenerosior: quis multi-
 tudine sit ditior uel pauperior. pudet me honoris, si ab alijs nomen sortior,
 quum sim à Christo saluatus. nō tolero cursus uestros equestres, & theatra,
 nec nō hinc inde uergentem insaniam. in expensis & studijs unā iungamur,
 disiungamur, contra fremamus, paulo minus quin & aërem uerberemus,
 quemadmodum illi, & puluerem spargamus in cœlum, tanquam mente ca-
 pti. sub personis enim alienis contentiones explemus proprias, maliq; eua-
 dimus litis arbitri, & iudices rerum ingrati. hodie unā confidemus, & gloriæ
 sumus eiusdem, si saltem ita ferunt nos ducentes: cras in sedibus contrarij, &
 opinionis diuersæ, si in contrariū flauerit spiritus. sed & cū inimitijs & ami-
 citijs nomina etiā imponunt: & quod est molestissimum, non pudet nos,
 quum contrarijs utimur auditoribus, neq; illos firmos habemus, quū aliās
 alios nobis faciat contentio. Euriporum enim instar, aut reciprocationū im-
 mutamur marinarum, ac tanquam pueri in medio ludimus, & illudimur fo-
 ro: nam ualde turpe est, & nequaquam nostrum, ut exercitia relinqueremus
 domestica, & cum alijs sentiremus. quemadmodum enim ætatē maturam
 nequaquam puerorum decent ludi, ita non oportet, quū alij ferunt & ferun-
 tur, ut tu melius quā multi cognoscas. at ego potius eligerem unus esse ex
 illis, quod & sum, cum libertate secreta. Cæterum erga alios taliter afficior,
 non confero multa cum multis, neq; per eādem uiam ire sustineo, temerari-
 us forsitan & imperitius, attamen ita afficior, tristitia aliorum me oblectat, &
 aliorum oblecto tristitia: ita, ut nec admodum mirarer, si ligarer tanquā in-
 utilis, & delirare uiderer multis: quod cuidam qui apud gentiles philosopha-
 tus esse dicitur, accidisse uidetur, quia sapientiam tanquam insaniam accu-
 sasset. omnia enim deridebat, quæ risu digna uidisset, etiam si multi illis stu-
 derent, etiā si mero plenus esse uideretur: quemadmodum & Christi euenit
 discipulis, cum loquerentur linguis, ignorantes quod uirtus esset spiritus, &
 nequaquam mentis excessus. Sanè, nostra considerate crimina, tot sunt an-
 ni inquit, ex quo ecclesiam cum temporis potentia, & prædominantis du-
 cis impetu, nunquid opus illud magni est momenti? Verum quantæ nobis
 imitationes factæ sunt: quot manifesti obuenerunt calumniatores, quid mole-
 sti non sumus perpeffi: nōne iniurias: nōne minas: nōne fugas: nōne
 pecuniarum raptus: nōne bonorum publicationes: nōne presbyterorum
 incendia marina: nōne naues inquinatas sanctorum sanguine: & pro na-
 uibus factas sepulchra. nōne presbyterorum, episcoporum, seu ut exactius
 dicam, patriarcharum iugulationes publicas: nōne omnem locum inac-
 cessum esse pijs solum: nōne molestias cūctas: quas quis enarrare posset:
 pro quibus quid retribuimus facientibus: postquam nobis faciendi data est

A* potestas

potestas. beneficia retribuimus, & eos qui nos iniuria affecere docuimus. Obmitto alia, sed nostra. ut nō dicam tua. nōne persequutionem pertulimus? nōne iniuria sumus affecti? nōne ab ecclesijs sumus expulsi? nōne populum sustinuiumus insanientem? Præfectos iniuriantes? Reges cum mandatis iniuste opprimentes? & quid postea accidit? fortiores facti sumus, & diffugerunt persequutores. satis enim mihi uindicta est illa, cōtra eos, qui nos affecere iniuria, ut potestatem habeam faciendi similia. sed illis non ita uidetur. admodum enim perfecti sunt & iusti circa retributionem. ac ideo ea exigunt quæ temporis sunt huius. Quisnam præses, inquit, plectitur? quinam populus corripitur? qui populi incensores? at securitatem nobis ipsis & infuturum gratificauimus. forsitan & hæc nobis obprobtabūt? nam & mensæ exprobrauerunt lauticias, nec nō habitum uenerabilem, præcessiones uero, & uenustum illud erga obuiantes. ignorabam enim quod nobis contra consules & præfectos certamen esset, & ex militibus clariores, qui nō habent quoniam projiciant sua. & oportet nobis uentrem constringere, mendicis delicatis, ne superflue abutamur necessarijs, & ea quoque quæ offeruntur diminuerē. Equis uero portari delicatis, & splendidis circumferri curribus, cum pompa & plausu deduci, & omnes nobis tanquam bestijs cedere, & locū dare, aut à longe etiam timere superuenientes. Si hæc molesta fuere dimittatis. hanc mihi condonate iniustitiam, alium præponatis qui placeat multis. mihi autem solitudinem & rusticitatē, & deum ipsum relinquite, cui soli & per frugalitatem placebimus. Sed graue erit si priuabimur sermonibus, & colloquijs, & panegyricis, & domibus, & amicis, & honoribus, & pulchritudine ciuitatis, & magnitudine, quæ undique resplendēt, & fulgore perstringunt ad se aspicientes. sed nō abintro oblectāt, neque tantū, quantū perturbor & polluo à perturbationibus, quæ assidue interueniunt, & tumultu. nec accersiri potero ad tam multos. non enim sacerdotes quærunt, sed rhetores. neque animarū dispensatores, sed pecuniarum custodes. neque sacerdotes puros, sed adiutores fortes. respondeo aliquid pro ipsis. ita nos ipsos docuimus, qui omnibus facti sumus omnia. Vtrum ut omnes saluemus, aut perdamus, ignoro. quid dicitis, persuademus ne uobis sermonibus his? & uicimus. aut necesse nobis est, ut sermone utamur ualidiori ad persuadendū? Ita per trinitatē ipsam, cuius legatione fungimur, & uos fungimini, ad spem nostrā cōmunē & populi huius coadunationem. date mihi gratiā hanc. me iuxta uotum meum dimittite. dimissio, certaminis mihi fiat liberatio. date mihi literas dimissorias. quæ admodum imperatores militibus. & si uultis cum testimonijs dexteritate, ut honoris etiam præmium habeam. sin minus, quemadmodum uultis. nequaquam circa illud laborabo, postquam deus nouit quemadmodum se habeant nostra. sed quæ pro me inducemus? providebit sibi ipsi dominus de pastore qui præsit, quemadmodum ouem uidebit fructificantem. hoc unum opto, sit aliquis cui inuideatur, & non cuius misericordia quis ducatur. non qui in

qui in omnibus gratificetur, sed qui in quibusdam, melioris gratia resistere
 sciat. hoc enim in seculo isto lauiissimum est, in futuro autem utilissimum.
 Vos igitur de dimissorijs cogitate literis, & ego uobis ecclesiæ reddam ordi-
 nationem. Vale tu Anastasia, mihi pietatis cognomine insignita. tu enim *Templū res*
 sermonem nobis excitasti, etiam cum adhuc communis uictoriæ locus con- *surrectionis*
 temneretur. Noua selom, in qua primum tabernacula firmauimus, cum qua
 draginta annis in eremo obtraxsemus. tuq; magnum hoc templum & ce-
 lebre, noua hæreditas, quod nūc uti magnum esses à sermone accepisti. quæ
 enim antea Iebus eras, ex illa Hierusalem fecimus. Valete & uos qui post
 illud rectis uocationibus, alius alia ciuitatis pars esse censimini, tanquā uin-
 culis colligati, & qui prope habitatis, quos post imbecillitatem hanc nō nos,
 sed gratia nobiscum impleuit, rebus non speratis. Valete Apostoli incolæ
 optimi, qui mei certaminis fuistis doctores. quamuis enim uos non sapius
 celebrauerim, at forsitan Pauli uestri Satanam, ut me colaphiset in corpore
 ad communem circumtuli utilitatem. propter quem & nunc à uobis disce-
 do. Vale mihi o kathedra, sublimitas inuidiæ & periculo obnoxia. Arch-
 presbyterorum confessus, ac sacerdotum, ueneratione & tempore honoran-
 dus, quantum aliud quod circa sacrā mensam deo ministrat, ac deo appro-
 ximanti appropinquat. Valete Nazaræorum chori, psalmorū cantus reso-
 nantes, totius noctis stationes, uirginum puritas. mulierū decor, uiduarum
 & orphanorum turba, pauperum oculi ad deum & nos respicientes. Valete
 domus hospitales, & Christi amatores, ac meæ imbecillitatis susceptores.
 Valete meorum sermonum amatores, & cursores, & concursores, necnon ca-
 lumniatores, manifesti & occulti. Valete cancelli ipsi, qui ob sermonum me-
 orum auditum uehementer urgebamini. Valete imperator & imperatrix,
 & quicquid in regia ministrat & domesticum est. num imperatori fidum
 ignoro, deo autem ut plurimum infidum. manibus plaudite, iubilate. Rhe-
 torem uestrum in altum tollite, mala uobis lingua moueatur, & loquela. nun-
 quid aliquando tacebitis? pugnabitis enim per manus etiam nigri, nam
 quod imminet tacebitur. Vale o ciuitas magna & Christi amatrix, testimo-
 niū enim præbebo ueritati, etiamsi æmulatio nequaquam sit secundum
 cognitionem, meliores nos fecit separatio, accedite ad ueritatem, immutami-
 ni uel tarde. honorate deum plus quàm estis consueti. siquidem emenda-
 tio nequaquam turpitudinem habet, sed mali conseruatio perditionem.
 Vale ortus & occasus, pro quibus & cum quibus pugnauimus, testes estis,
 quod pacem uobis reddidi, etiamsi pauci meam imitabuntur cessionem,
 haud enim deum amittunt qui throno cedunt, sed supernam habebunt ka-
 thedram, quæ sublimior est & securior. Super omnia uero & præ omni-
 bus clamabo, ualete angeli huius ecclesiæ, ac mei aduentus & discessus præse-
 sti, si saltē in manu dei nostra sunt. Vale mihi o trinitas, meditatio mea &
 ornamentum. hisq; salua maneas, pariter & eos salua. populum hunc me-

um, meū enim etiā si frustra dispensamus: mihiq; semper exaltata & au-
cta nuntieris, tam uerbo quā polīcia. Filioli seruate mihi depositum, me-
mores estote lapidationis. Gratia domini nostri Iesu Christi sit cum om-
nibus uobis.

BEATI GREGORII NAZIANZENI THEOLO-
GI AD CLIDONIVM EPISTO-

LA PRIMA



HONORANDISSIMO ac deo acceptissimo compres-
bytero Clidonio, Gregorius in domino salutem. Intelli-
gere cupimus, quā nam hāc sit innouatio in ecclesia, ut
liceat unicuiq; uolenti, & incedenti secundum quod scri-
ptum est, per omnem gregē recte pastum, furtiuis gras-
sari ingressibus, seu potius doctrinis prāditorijs. ete-
nim si ij etiam qui iam irrumpunt, in aliquo de fide nostra certiores fieri cu-
perent, non tamen absque monitione nostra id audere deberent: siquidem
prius persuadere oportuisset, aut etiam perpeti debuissent, ut eis fuisset per-
suasum, si saltem rationem quandam nostri haberent, tanquam timentium
deum, & pro uerbo laborantium, ac ecclesiam iuuantium, sicq; inde inno-
uare. hoc pacto enim conuicatoribus etiam nostris respondere possemus.
postquam autem cum, & sine scriptis, tam hic quā remotius, & cum, & si-
ne periculo fides nostra prādicata est, quomodo hi quidem talibus nos ad-
oriuntur: illi autem quiescunt. nec solum illud graue est, licet graue sit, quod
homines ij, uanam eorum gloriam animabus simplicioribus per deterio-
res instillant: sed quia nos mendacijs suis differunt, quasi illis astipulemur,
& eadem cum eis sentiamus, hamum illecebris cōtegentes, & per fictionem
hanc, uoluntatem eorum male adimplentes, sinceritatemq; nostram, qua
iplos fraterne & nequaquam aliene aspiciamus, maliciā uiaticum facientes,
nec solum hoc, sed quia ab occidentali synodo se susceptos esse dicunt, quem
admodum audio, à qua prius fuerant damnati, sicut norunt omnes. Si enim
aut nunc, aut prius suscepti sunt, qui cū Apolinario sentiūt, ostendant hoc,
& nos acquiescemus. constabit enim quod recta coadunati sint ratione: ne-
quaquam enim aliter suscipiuntur, etiam si suscipiantur. ostendant autem
plane, aut per communionem meam, aut per epistolas communicatiuas,
ita enim lex exigit synodalis. Si autem hāc uerba sunt, & fictio decoris gra-
tia, & ut multis persuadere possint adinuenta, ut fidem faciāt per personas,
doce eos quiescere, & redargue, siquidem hoc professionem tuam decere
existimamus. Non decipiantur homines, nec decipiant, hominem stultum
susipientes dominicum: quemadmodum ipsi dicunt. seu potius dominum
nostrum & deum. non enim segregamus hominem à deitate, sed unum &
eundem esse docemus. prius quidem non hominem, sed deum & filium
solum

solum, & ante omnia secula, sine corpore & ihs quæ sunt corporalia, carnem pro nostra assumpsisse salute, passibilem carne, impassibilem deitate, corpore circumscriptibilem, incircumscriptibilem spiritu, eundem terrestrem & cœlestem, uisibilem & cognoscibilem, capacem & incapacem. Vt toto homine, eodem & deo, totus homo reformaretur, cadens sub peccatum. si quis igitur uirginem Mariam nequaquam dei genitricem esse credit, is etiam à deitate sit separatus. Si quis dicit Christum per uirginis uterum tanquam canalem cucurrisse, & non in ipsa formatum fuisse, diuine pariter & humane: diuine quidem, quia sine uiro, humane autem natiuitatis lege: pariter impius habeatur. Si quis dicit formatum fuisse hominem, deinde subingressum esse deum, is sit damnatus. hoc enim nequaquam generatio, sed generationis est fuga. Si quis duos introducit filios, unum quidem ex deo & patre, secundum autem ex matre, & non unum & eundem: adoptione filiali, quæ promissa est ihs, qui recte credunt, exciderit: natura enim sua duo sunt, Deus & homo, quoniam & anima ac corpus. filij autem non duo, neque dei. non enim hic duo sunt homines, licet Paulus id quod internum est hominis & externum, sic uocauerit. & si breuiter dicere oportet: aliud quidem aliud est, ex quibus est saluator, nisi idem sit inuisibile, uisibili, & quod tempore caret illi quod tempori subiaceret. non alius autem & alius: hoc enim absit, ambo enim in commixtione: deo quidem homine facto, homine autem facto deo, aut quomodocunque quis uocauerit. dico autem aliud & aliud rursum prout de trinitate habet, ibi enim alius & alius, ne quis substantias confundat: non aliud autem & aliud. Vnum enim tria, idque diuinitate. Si quis dicit in Christo tanquam in propheta secundum gratiam operationem factam, & non iuxta essentiam coniunctam & admixtam fuisse: uacuum sit operationis melioris, seu potius plenus contrariæ. Si quis non adorat crucifixum, anathema sit, ac dei adnumeretur interfectoris. Si quis Christum ex operibus sanctificatum, aut post baptisma, aut post resurrectionem ex mortuis, diuinæ filiationis dignum factum dicit, sicut ij quos Græci ascripticios uocant, anathema sit. quod enim coercibile est, aut promouibile, aut sanctificabile nequaquam deus est, tametsi paræ demonstrationis gratia ita dicatur. Si quis dicit Christum sanctam nunc carnem deposuisse, diuinitatemque nudam esse à corpore, & non cum carne uel uenturum uel esse, non uideat gloriam aduentus eius. Vbi enim est corpus? si non cum eo, qui illud assumpsit. non enim secundum Manicheorum nugas in sole repositum est, ut honoretur per ignominiam. aut in aërem diffusum uel dissolutum, tanquam natura uocis, aut fluxus odoris, & corruptionis cursus, nequaquam consistens. ubi autem est quod post resurrectionem tangebatur? aut quod uidebitur aliquando à configentibus? Deitas enim secundum seipsam inuisibilis est, sed ueniet cum corpore, quem admodum meus est sermo, talis, qualis uisus est à discipulis in monte, aut

A* ; ostendatur

ostendatur quod deitas superauerit carnale. quemadmodum autem hæc dicimus deponentes suspicionem, ita & illa scribimus emendantes innouationem. Si quis dicit Christum carnem à cœlo traxisse, & non hinc & à nobis esse, anathema sit. nam illud, secundus homo è cœlo, & qualis cœlestis, tales etiam cœlestes. & nemo ascendit in cœlum, si non è cœlo descendit, filius ille hominis. & si aliud tale, censendum est quod dicatur propter unionem cœlestem, sicut per Christum facta sunt omnia. & Christum in cordibus nostris habitare dicimus, non quod deus appareat, sed cognoscatur. sicut naturis commixtis, ita etiam uocationibus & deprehensionibus, inter se cognatis, rationi innotescat. Si quis in hominem sperat dementem, dementis est, & planè indignus ut saluetur. quod enim indeprehensibile, illud etiam immedicabile est. quod autem mouetur deo, illud & saluatur, si Adam ex dimidia peccauit parte, dimidium quoque id est quod comprehendere & saluari debet. Si autem totus, toto expurgatur genito, ac totus saluatur. non igitur nobis ob salutem inuideant uniuersalem, neque ossa solum, & neruos, & hominis figuram, saluatori circumdent. si enim homo anima caret, illud etiam Ariani dicunt, quo & super diuinitatem passionem illam inducant, ut quum corpus moueatur, id etiam patiat. si autem animatus est, & nequaquam intelligens, quomodo erit homo? homo enim non est animal quod ratione careat. & necesse est figuram quidem esse humanam, animam autem equi cuiusdam, aut bouis, aut bruti alterius ratione carentis. hoc igitur erit quod est saluandum, egoque à ueritate aberrauì, dum aliud honorauì, & alius gloriatur. si autem homo intelligens est, & non ratione carens, desinant aliquando tam stolide sentire. Sed sufficit, aiunt, diuinitas pro mente. quid hoc ad me? diuinitas enim cum carne sola non est homo. nec cum anima sola, neque ambobus sine mente, quæ & magis homo est. seruat igitur hominem totum, & admiscet deitatem, ut me perfecte beneficio afficiat. sed non capit, inquit, duo perfecta. nequaquam, si corporaliter consideraueris. sacer enim modius non capit modium, neque corporis unius locus, duo aut plura corpora. si autem tanquam intelligibiliter, & incorporaliter, considera quod & animam, & uerbum, & mentem, & spiritum sanctum ille idem cepit, & ante me patrem & filium & spiritum sanctum mundus iste. compositio hæc inquam, quæ ex uisibilibus constat & inuisibilibus. talis enim est intelligibilium natura, ut incorporaliter, & indiuisibiliter, & inuicem & corporibus admisceantur: quoniam & uoces plures, unus separando discernit auditus, & aspectus multorum, uisibilia eadem, & odorifera odor, quum tamen sensus inter se non coangustentur, aut comprimantur, neque sensata minuantur multitudine susceptionis. ubi autem & perfectum, mens hominis aut angeli comparatione deitatis, ut alterum attenuetur præsentia maioris. non enim splendor quispiam soli comparari potest, nec humor paucus flumini, ut parua assumamus.

domus

domus quidem splendorem, terræ autem humorem, & ita separantur maiora & perfectiora. quomodo enim separari possent duo perfecta? à domo splendor & sol, à terra autem humor & fluuius. hoc consideremus, quandoquidem res hæc multa cura est digna. Num ignorant? quod id quod ad aliquod est perfectum, ad aliud est imperfectum. sicut collis se habet erga montem, & granum sinapis erga fabam. aut aliud quid ex seminibus maioribus, etiam si ex homogenis maius esse dicatur: aut si uis angelus Deo comparatus, homo uero angelo. mens igitur nostra perfecta est, & principatum obtinet, quod uero animæ est & corporis, non simpliciter perfectum est. Dei autem seruus, & subditum, attamen non una dominatur, aut honoris est eiusdem. Quoniam & Moyses deus erat Pharaonis, Dei autem seruus, quemadmodum scriptum est. & stellæ quidem nocte lucent, oriente autem sole occultantur, ita, ut in die cognosci nequeat, num supersint. & lampas parua, si magno igne fuerit fota, nec extinguitur, nec apparet, neque separatur, sed tota relucet igne, quum superet id quod excellit. Sed mens nostra inquit est damnata. at quid caro, nonne & illa est damnata? igitur & illam abijce propter peccatum, aut hanc aggrega per salutem. si id quod deterius est assumitur, quo per incarnationem sanctificetur, cur non & id quod melius est assumeretur, ut sanctificaretur per humanitatem assumptam? si coenum fermentatum est, & noua massa facta, o sapientes, cur non etiam imago fermentaretur? & ad deum exclamaret, per diuinitatem facta diuina. sed & hoc addendum est, si mens tanquam peccatrix omnino despicienda est, & condemnanda, ac propter hoc corporis cura habenda, mentis uero est abijcienda, parcendum est ijs, qui mente aberrant: dei enim testimonium manifeste ostendit seruitutis impossibilitatem. dicam quid maius. tu uir bone propterea mentem meam ignominia afficis, tanquam pro hominis cultore, carnis etiam sim cultor, quo deum colliges carni, tanquam aliter non possit. ac ideo muri interstitium tollis. at meus sermo quis? hominis minime philosophi, & indocti. mens commiscetur menti, tanquam proximiori, & magis domestico. ac ideo carni, per medium deitatis & crassitudinis. Sed & quisnam illis sermo sit de humanitatis assumptione uideamus. si enim incarnationis ut ipsi dicunt, & ideo capitur deus qui aliàs incapax existit, ac sub carne tanquam inuolucro cum hominibus conuersatus est: uenustum habent prætextum, ac fabula est non inepte simulata, ne dicam quod aliter conuersatus est nobiscum, quantum possibile erat. ueluti in rubo ignis, & prius in forma humana. Si autem ideo ut solueret damnationem peccati, simile simili sanctificans, tanquam carni colligatus, propter condemnationem carnis, & animæ propter animam, ita & menti propter mentem, non solum aberrantem in Adamo, sed prius male habentem, quemadmodum medici dicere solent in ægitudinibus. quod enim mandatum suscepit, illud & mandatum non seruauit; quod autem non ser-

uauit, illud & transgressionem est ausum: quod autem transgressum est, hoc potissimum salute indigebat: quod autem salute indigebat, hoc & assumptum est, mens igitur assumpta est, hoc iam ostensum est, etiam si haud uelint, geometricis, ut ipsi dicunt, ad actionibus & demonstrationibus. tu autem æque facis, ac si quis oculum hominis aberrantem curret, quum pes agrotat: aut pictorem non apte pingentem imitaris. nam quod pictum est immutas, at pictorem nequaquam emendatum exhibes. Si autem impediti intellectu ab his fugiunt ad possibilitatem, asseruntque deo possibile esse hominem etiam sine mente saluare, possibile etiam est sine carne, solo uelle, quemadmodum & alia cuncta operatur, & operatus est incorporaliter. tolle igitur cum mente & carnem, ut uerba tua plane sit perfecta. Verum à litera decipiuntur, ac ideo ad carnem procurrunt, scripturæ intellectum ignorant: quapropter nos quoque hoc eos docebimus. Quum enim ubique in scriptura homo & filius hominis appellatur, quid oportet scientibus dicere? si autem in hoc fundamentum ponunt, Verbum caro factum est, & habitauit in nobis, ac propterea ab homine adimunt quod est pulcherrimum, perinde ac si qui pinguiora auferunt cum pellibus, quo deum prohibeant à carne, tempus est ut illis dicatur, Deum solum carnis esse deum, & non etiam animarum, secundum quod scriptum est, quemadmodum dedisti ipsi potestatem uniuersæ carnis, & ad te omnis caro ueniet, & benedicat omnis caro nomen eius sanctum, hoc est omnis homo. num oportebit patres nostros rursus incorporaliter & inuisibiliter, in Aegyptum descendere? ac solum Ioseph animam, à Pharaone ligari, quia scriptum est, in septuaginta quinque animabus descenderunt in Aegyptum, & ferrum pertransiuit animam eius, rem quæ ligari nequit. ignorant enim qui hæc dicunt quod per synecdochen sint prolata, à parte totum ostendentem, sicuti & pulli coruorum inuocant deum, quo uolatilis demonstraretur natura, & pliadum & uesperis & arcturi mentio fit pro omnibus astris & horum dispensatione, sed nec aliter possibile erat dei circa nos dilectionem ostendere, quam carnis facere mentionem, & quod propter nos etiam ad id usque quod deterius est descendit, siquidem carnem anima esse uiliorem unusquisque confitebitur prudens. illud igitur, & uerbum caro factum est, idem mihi posse uidetur, sicut quum dicitur, peccatum eum factum esse & execrationem, non ideo quod in hæc transmutaretur, quomodo enim? sed ut per hæc ostenderetur, quod iniquitates nostras suscepit, & infirmitates nostras portauit, & hæc sufficiant in præsentem, quoniam manifesta sunt & multis captu facilia, non enim quia libros exarare, sed quia deceptionem cohibere uoluimus, hæc scribimus: perfectiorem uero de his sermonem, si uidetur per diffusiora etiam dabimus. Cæterum nequaquam obmittere decet, id quod his est grauius: necesse est ut excindantur hi, qui uos perturbant, ac secundum Iudaismum, secundamque circumcissionem, secunda etiam introducunt sacrificia.

Si enim

Si enim hoc eis concedatur, quid prohibet rursus nasci Christum ob iniquitatem eorum: ac rursus à Iuda tradi, nec non crucifigi, sepeliri, & resurgere, quo cuncta eiusdem impleantur consequentiæ, secundum reuolutionem solarem, quæ hæc circumuertit, eodem motu astrorum. quæ enim responsio hæc est: quædam ex ijs quæ tum acciderunt, euentura, alia autem nequaquam. hoc ostendant sapientes, & qui librorum decertant multitudine. Proinde quum sermone etiã inflati de nobis circa trinitatẽ mentiantur, quasi nequaquam sane circa fidem sentiamus, sicq; multos decipiunt, necessarium est & illud cognoscere, Quoniam Apollinarius quidem diuinitatis nomen sancto tradens spiritui, uirtutem diuinitatis haud custodiuit. quum enim ex magno, & maiori, ac maximo trinitatem constare asserit, tanquam ex splendore, & radio, & sole, spiritus & filij & patris, scala hæc est diuinitatis, quæ non in cœlum perducit, sed ex cœlo deducit. Nos autem deum cognoscimus, patrem, & filium, & spiritum sanctum: & hæc non ut nominationes nudas dignitatum & potentiarum, secantes æqualitates: sed unicam & eandem tanquam appellationem, ita & deitatis naturam & essentiam & potentiam. Si igitur hæc recte dici censet, accusat autem hæreticorum communionem, ostendat quis hoc faciat ex nostris: & persuadebitur nobis, aut resipiscemus: sed ante dijudicationem, nec in alia re tutum est quid innouare. Nos igitur de his, tam deum, quàm homines testamur, & obtestamur: ac ne nunc quidem, ut recte scias, hæc scripsissemus, nisi uideremus ecclesiam dilaniatam & incisam, tam alijs culturis, quàm hoc confesso stulticiæ. Si quis autem hæc quæ dicimus & obtestamur, aut propter necessitatem, seu timorem humanum, uel propter pusillanimitatis absurditatem, siue propter paucendi & gubernandi defectum, aut quia ad opiniones peregrinas & innovationes sit inclinatus, nos contemnit, tanquam precij nullius, accurrit autem ad talia, ac pulchrum ecclesiæ corpus conscindit, ipse condemnationem suam portabit, quicumque ille tandem sit, rationemq; deo reddet in die iudicij. si autem longi sermones, & noua psalteria nec non resonantiæ David æquiparatæ, ac carminum gratia tertium esse censentur testamentum: nos quoque psalmos loquemur, & multa scribemus, uersusq; componemus, quoniam & nos spiritum dei habere uidemur: si tamen hoc spiritus gratia existit, & non potius innouatio humana. hæc coram multis obtestata esse uolumus, ne conscientiam nostram degrauiemus, si malum hoc neglexerimus, & prauum dogma, à nostra socordia occasum & uiresumat.



V V M multi reuerentiam tuam adeunt, ac plenariā de fide instructionem quærunt, per quā amanter à nobis breuem quandam definitionem, & nostræ regulam opinionis requisuisti. propterea tuæ scripsimus reuerentiæ, id quod & ante literas cognoueras. quod nihil æque ac fidem Nicenam à sanctis patribus; qui illic ob Ariæ hæreseos purgationem cōuenerant, honoramus, aut honorare ualemus. sed eiusdem fidei sumus, & deo dante erimus, supplentes id quod illis de spiritu sancto non plene dictum est. quoniā quæstio illa nequaquam tum mota fuit. quod scire oporteat unius deitatis esse patrem, & filium, & spiritum sanctum, eos qui deum & spiritum cognoscunt. qui igitur ita sentiunt & docent, ipsi communicato, id enim & nos facere solemus: qui uero aliter habent, ab ipsi auerferis, alienosq; existima, tam à deo q̃ ab ecclesia catholica. Quoniam autem de deo homine facto, seu incarnatione quoq; mouetur quæstio & hanc omnibus ita secundum nos definias, quod filium dei natum ex patre, & postea ex uirgine Maria in unum contrahimus, & nō duos filios uocamus, sed unū, & eundem in indiuisibili deitate & honore adoramus. quod si quis his non astipulatur, uel nunc uel postea, ipse deo rationem reddet, in die iudicii, hoc igitur firmamentū, & oppositio nostra, erga stultā eorum de mente opinionem, breuiter talis est, & ita se habet. ferē enim soli docēt & ita sunt affecti, ut stultā mentē rescent. Cæterum ne nos accusent, tanq̃ fidem Vitalij dilecti, quā tu repetis, à beato Damasio Episcopo Romano in scriptis datā, prius quidē susceperimus, nūc uero reiecerimus, age breuiter de his q̃ tractemus. hi enim quū discipulis suis addictis, & mystis, de absconditis theologicū instillāt sermonē, quēadmodū & Manichei ipsi quos electos uocāt, totū eis morbū reuelātes, uix carnē etiā saluatori tribuūt: quū uero communibus de incarnatione opinionibus, quas scriptura subministrat redarguantur & premūtur, ipsi quidē dictis assentiūt, circa mentē uero male sunt affecti, nō sine anima neq; ratione, uel absq; mēte seu imperfectū cōfidentes hominē. animā autē & rationē ac mentē deitatē ipsam introducūt, tanq̃ ipsa sola carni sit admixta. sed nō nostræ & humanæ, si & id quod peccato caret melius q̃ nos erat, & passionū nostrarū expurgatio. & ita hoc, quod nos autem Christi mentē habeamus, male & admodum fatue reprehendūt, mentem diuinitatem Christi dicentes, & non sicut nos accipientes: quoniā ip̃i qui eorum mentem expurgant, imitatione mentis illius, quam saluator pro nobis suscepit, & ad ipsum tanquam comprehensibilem dirigunt, illi mentem Christi habere dicuntur: quemadmodū testimoniū præbere possent, quod carnem Christi haberent, qui carnem suam refrenarent, ac propterea eiusdē corporis fierent ac participes Christi: & quemadmodū tulimus imaginem terrestris, ita inquit, feremus & imaginem cœlestis. sic autem & perfectis illis, homo, non qui tentatus est, per omnia nostra, excepto peccato, sed illud

illud quod ex deo & carne commixtio esse docetur. hoc enim inquit, quid perfectius. eandem etiam improbam uocem, de suscepta ingerunt humanitate. nam humanitatem illam nequaquam in homine factam fuisse, quam ipse assumpsit, exponunt. secundum dictum illud, ipse enim nouerat quid esset in homine, sed cum hominibus egit & conuersatus est inquit, ac docent, ad illamque confugiunt uocem, & post hac in terra uisus est. & cum hominibus dicunt, est conuersatus. & cur quis ultra certaret? quid ea quae hominum sunt tollunt, & imaginem interne, externum nostrum, per personam nouam & uisibilem expurgant. adeo sibi ipsis repugnantes, ut per carnem aliquando, alia etiam, crasse & carnaliter interpretentur. hinc enim secundi eis Iudaismi impetus exordium sumit, nec non mille anni illi. & ementitae in paradiso deliciae. & nos eadem ferme, rursus in eisdem resumere asserunt. nonnunquam autem opinionem potius quam ueritatem carnis introducere, ac si nequaquam nostri instar patiatur. nec ea quae a peccatis sunt libera. ad hocque Apostoli abutuntur uoce, nequaquam Apostolice intellecta aut dicta. saluatorem nostrum in similitudine hominum esse natum, & forma inuentum esse sicut hominem. quasi haud quaquam humana figura in his sit ostensa, sed imaginatio quaedam deceptura & putatiua. quoniam igitur illae eadem uoces recte intellectae pie sunt, male autem expositae impium quid habent, quid mirum, si nos Vitalij quoque sermones in magis piam susceperimus partem? quum ita uoluntas nobis persuaderet: alij autem erga mentem eorum quae scripta sunt efferuntur, quod & mihi Damasus ipse docere ac una marcessere, in prioribusque permanere enarrationibus uidetur. sicque illos releuare a culpa, & literulam cum fidei inuertere detestatione, obiter tamen ob deceptionem eorum quam ex simplicitate est passus indignari. ob haec igitur redarguti nequaquam indignentur, sed conuertantur, nec false traducantur, sed corripiantur. a ianuisque deleant magnam illam, & admirandam eorum rectae opinionis superscriptionem, ac praconium, cum qua confestim ingredientibus cum quaestione ac disceptatione occurrunt, ac dicunt, adorare oportere, non hominem diuinitate praeditum, sed deum carne circumseptum, qua re quid fieri posset absurdius, tametsi noui ueritatis pracones, admodum uerbo illo gloriantur. siquidem gratiam quandam habet sophisticam, ob conuersionis dexteritatem, nec non suffragium monstrosum, indoctos oblectantem, est tamen ridiculis ridiculosius, ac stultis stultius. si quis enim uocem, homo, & uocem caro, in deum mutaret, ex quibus hoc quidem nobis placet, illud uero ipsis: deinde uteretur conuersione hac admiranda, & qua deus cognoscitur: quid restaret, quam quod adorare oporteret, non carnem deum celantem, sed deum hominem uestientem. proh absurditas, sapientiam cum Christo recoditam. & hodie nos irridet, quum potius lachrymari deberet, si enim ante hos annos triginta fides incepit, quum quadringenti fere sint anni, ex quo manifestatus est Christus, Euangelium

Euangelium nostrum in tempore tanto fuit inane. Inanis & fides nostra, & ij qui testimonium præbuerunt frustra sunt testificati, frustra etiam populo præfuere præfules tales ac tanti, gratiaq; est mensurarum, & nequaquam si dei. quis autem non eorum oblectaretur doctrina? quum manifeste ea quæ Christi sunt diuidunt. Sanè natum esse, & tentatum, & esuriisse & sitiuisse, laborasseq; & dormiuisse humanitati attribuunt: quod autē ab Angelis glorificatum est, & tentatorem deuicit, & contriuit, simul & quod super mari incessit, deitati ascribunt. & hoc quidem: ubi posuistis Lazarum, nostrum esse dicunt, at clamare illud: Lazare ueni foras, & quadriduanum suscitare mortuum, super nos. & quod decertauit, & cruci est affixus, & sepultus, cooperimenti, sed illud: confisus est & resurrexit, & ascendit repositionis. deinde nos accusant, tanquam duas introducamus naturas seiunctas & pugnantes, & quæ immensam ac admirandam mensurent unitatem. decet autem ne ipsi id agant, propter quod nos accusant, aut non accusent ob ea quæ ipsi faciunt. nam si seipsos sequi uelle deliberarunt, nequaquā ea quæ illorū sunt propria, aduersariorū esse dicant. sed talis est rationis defectus, ut & contra seipsum, & ueritatem decertet: ac ideo nec ipsi ad se ipsos reuertuntur, aut cognoscūt, uel erubescunt. q; si quis putat sponte nos hæc uel scribere uel dicere, & non ui adactos, unitatemq; destruere, & minime illam asserere, is se male sentire sciat, nec recte de nostro coniecturare desiderio, quibus nil pace preciosius est, nec fuit, quemadmodum & opera ipsa ostendunt, tametsi ea quæ ipsi contra nos agunt & innouant, concordiam penitus excludant.

EPISTOLA GREGORII NAZIANZENI AD NEOTARIIUM
Episcopum Constantinopolitanum.



DEICVRA, quæ superioribus temporibus ecclesias custodiebat, penitus uitā dereliquisse uidetur præsentem. Vnde anima mea tot calamitatibus est immerfa, ut mihi nec propriæ uitæ aduersitates inter mala esse censeantur, licet talia sint ac tanta, ut si cuiquam alteri acciderēt, intoleranda esse putarentur: sed solummodo ad cōmunia ecclesiarum incommoda respicere cogor, quarum nisi præsentī tempore diligens in emendando cura habeatur, paulatim res ad omnimodā animi progredietur desponsionem. siquidem nescio quis eos, qui Arii, seu Eudoxii hæresim sequuntur, ad tantam stimulet uecordiam, ut quasi temeritate quadam impulsī, morbo suo pompam instaurantes, ecclesias colligant, ac si hoc ex commissione faciant. Qui uero secundum Macedonium contendunt, in eam progressi sunt secordiam, ut se ipsos episcoporum nomine decorent, ac diuulgent, se loca ad nos spectantia electione sua occupaturos. malum uero sinus nostri, Eunomius, non iam eo contentus est, ut supersit, sed iacturam esse putat, nisi cunctos in suam trahat perditionem: & hæc quidem tolerabilia. Caterum inter calamitates ecclesiasticas omnium grauissimum est, Apo-

est, Apollinaristarum temeritas, quos haud scio, quomodo tuā negligat sanitas, ut sibi ipsis, sicut & nos congregandi uendicent facultatem. quum igitur omnino per omnia secundum dei gratiam, diuinis instructus sis mysterijs, non solum ut rectæ rationi opem ferre noscas, sed & ijs quæ apud hæreticos contra fidem innouantur sanam: haud forsitan absurdum est, ut ueneratio tua nostram audiat paruitatem, quoniam Apollinarij uolumen in manibus meis est, in quo cuncta superat, quæ ad uniuersam hæreticā pertinent prauitatem. affirmat enim carnem nequaquam acquisititiam esse, secundum dispensationem, ab unigenito filio assumptam, iuxta ordinem naturæ nostræ, sed à principio in filio, carnalem illam naturam esse, ac dictū quoddam Euangelicum, male in testimonium huius assumens absurditatis prætendit, inquiring, quod non bis in cælum ascendit, si non è cælo descendit filius hominis, ita, ut priusquam descenderet filius fuerit hominis, quodq; descendendo carnem adduxerit propriam, illam nempe, quam in cælis ante secula habebat, & consubstantialē. rursusq; apostolicum quoddam affert dictum, totius corporis mutilans seriem, quoniam secundus homo è cælo. facit inde hominem illum, qui à supernis uenit, mentem non habere, sed diuinitatē unigeniti, mentis naturam replentem, partem factam, esse humani temperamenti, tertiam particulam animæ & corporis, secundum humanum modum circa ipsum existentium, mente uero non existente, sed illius locum dei uerbo implente. nec hoc solum graue est, sed & hoc omnium grauissimū, quod ipsum unigenitum deum, iudicem omnium, autorem uitæ, mortis destructorem, mortalem esse facit, ac propria eius diuinitate passionem suscepisse, & in tridwana illa mortificatione corporis, diuinitatem quoq; unā cum corpore occubuisse, ac ita à patre rursus à morte resuscitatum esse, sed & alia quæ talibus addit absurditatibus, longum esset explicare. si igitur qui taliter sapiunt, congregationis potestatē adipiscuntur, consideret prudentia tua egregia, ne si inter nos pullulare incipient ea, quæ illi sentiunt, potestatem quoq; accipiant congregandi, quod nil aliud esset, quàm eos ueriores nostro censerī dogmate. Si enim illi tanquam pie agentes, docere ut sentiunt, ac audacter quæ per ipsos inuertuntur prædicare poterunt dogmata, manifestū est quod ecclesiæ debilitabitur sermo, tanquam ueritas apud ipsos existat. duos enim de re eadem sermones contrarios natura non admittit. quomodo igitur magnanimitas tua, & intellectus sublimis, nequaquā ad tātī mali emendationem, assueta loquendi utitur audacia? proinde quum id antea factum haud sit, nunc saltem tua in uirtute inimitabilis excitetur perfectio, doceatq; imperatorem pijsimum, quod reliqua diligentia, quam ecclesiæ impendit, nullius sit utilitatis, nisi tale malum, in sanæ fidei purgationem, propter illorum cohibeatur temeritatem.

DIVI GREGORII NAZIANZENI IN ELECTIONEM DOA-
rensiū Homilia, Eulalio exhibita Episcopo.



RATRES, sermonem nostrū suscipite, licet minimus sit, licet multū destituatur dignitate, deus tamē dominus misericordiā iudicio ponderare nouit iusto. suscipit enim plantationem Pauli, tanquam Pauli, necnon Apollo rigationē, & uiduæ asses duos, humilitatemq; publicani, ac cōfessionem Manasse. suscipite sermonem nuper conditum, ob pastorem nuper creatum. suscipite uocem gratiarum actiuam, ob miracula uisibilia. nos enim parui sumus, & minimi inter filios Israël. uerū nil prohibet quin parui quoq; abūde gratias agant. laudē igitur perfectiorem deo reddāt perfectiores omnes. nos uero iuxta uires nostras hodie illā afferemus. Quir igitur non canitis domino canticum nouum? quoniam mirabilia fecit. insaniebamur, pugnabamus, expellebamur, iam grauiā quādā aderrant, alia uero sperabātur. uerū quis tempestatē mutauit in tranquillitatem? quis contriuit arma, romphæam, ac bellū? quis expulsos nos & desolatos suscepit? nōne tu deus hæc es operatus? dominus fortis & potēs, dominus potens in prælio. hic mare diuisit, hic populum exulem pauit in eremo, hic petram fonte humectauit, hic Amalec mystica & abscondita manuū figura debellauit. hoc enim sacerdotis manus in monte leuatae, & in orationē figurata efficere poterant, quod nec multitudo posset infinita. hic muros sine pugna & bello subuertit. & ut nouissima dicam, hic Goliath sustulit, contra magnum Dauid audentem, elatum illum & superbum, ac sobolem gigantum. & ideo unanimiter dicamus, Benedictus dominus, qui non dedit nos in uenationem dentibus eorū. anima enim nostra torrentem pertransiuit, & tanquam passerulum nos liberauit à laqueo uenantium. Iubilate animæ cūctę uehementer, deīq; dona annunciate ingentia. non uenimus mittere macherā, sed pacem: non uenimus ad ignominiam pastoris magni, qui in splendida hac præsidet ciuitate. honorabilem scimus, caput cognoscimus, sanctū uocamus, iniuria etiam affecti. solum filiorum sis amator, ac uniuersæ prouidentiam gere ecclesiæ. sacerdotum numerum auximus, non minuiimus, hereticorum subuersionem, & nō orthodoxorum diminutionē curauimus. quid ais fili Dathan & Abiran, duxq; immodeste? qui contra Moſen ausus es, & manibus nos cōtrectasti, quemadmodum illi linguis, seruum magnum. nunquid exhorrescis? nunquid cōuerteris? nunquid quū hæc cōsideras, caro tibi in terra rubescit. interim manus has ad deum extendis, interim dona adducis, interim pro populo oras. timeo ne deī romphea aliquādo te deorsum deiciat, & nō quiescat. non pastori tuo magnopere gratificabor, sed tu magnopere te ipsum læsisti, quoniam te alienū à gratia dei reddidisti. Nunc uero pastorū optime, & absolutissime, huc mihi adesto, ac populū tuū nobiscum, & ante nos suscipe, quē spiritus sanctus tibi cōmisit, quem adducunt angeli, cui uita

uita & mors fidem faciunt. si autem thronū per tentationes & impedimenta
 es consequutus, mirari noli. nihil magnum, est reprobum. nihil inexplora-
 tum. sequitur enim, scriptura ait, humiles, id quod rarū est, sublimes autem
 quod difficiliter retineri potest. audiuiſti quid dictum sit, quod per tribulati-
 ones multas in regnum cœlorū nos intrare oportet. dic & tu, pertrāsiuimus
 ignem & aquam, & eduxisti nos in refrigerium. proh miraculi. in uespere du-
 rabit fletus, mane uero exultatio erit. permitte ut nugentur bellātes, & osci-
 tent, in uanumq̃ canum instar latrent, nos uero à bello abstinebimus. Do-
 ce adorare deum patrem, deum filium, deum spiritum sanctum, in substan-
 tijs tribus, in gloria una, & splendore uno. quod perierat quērito, debile con-
 fortato, forte custodito. talem in spiritalibus à te beneficentiam petimus, qui
 eam quam in mundanis habes cognoscimus. cæterum armaturam perfecti-
 orem à maioribus accipe imperatoribus, per quam maligni iacula ignita ex-
 tingueret ualeas, & adducere domino populum acceptū, gentē sanctam, sa-
 cerdotium regium, in Christo domino nostro cui sit gloria in secula Amen.

BEATI GREGORII NAZIANZENI

ad uirginem Oratio exhortatoria.



VIRGO sponsa Christi, sponsum tuum semper glorifica. te
 ipsam tam sermone quā sapientia puram conserua, quo
 splendida uiuas, cum splendido, in secula. siquidem coniugi-
 um hoc longe præstantius est quā corruptibile. Virtutes
 intellectuales, in corpore adhuc cōstituta, imitare. super ter-
 ra, ad angelicam accede conuersationem. hic uincula sunt, & dissolutio, cor-
 poraq̃ ex corporibus. in supernis autem tantummodo unitas, quæ nunquā
 dissoluitur. quam gerūt, primores, radij trinitatis purissimæ, spiritus & ignis
 ministri mandatorum dei. materia uero corporalis commixtionem adin-
 uenit. natura semper fluida. hanc deus certis discreuit limitibus, lege nupti-
 as sanciens. tu uero quum materiæ opus effugeris, supernisq̃ sis coaptata,
 quemadmodum mens copulat menti, per harmoniam diuinam, contra car-
 nem pugna, suppetiasq̃ ferto imagini. dei enim spiraculū es, deteriori colli-
 gata, quo ex certamine ac uictoria coronam accipias, ac terram in supernis,
 recte subiectam spiritui, statuas. Proinde laudabiles sunt & nuptiæ, præ nu-
 ptijs tamē puritas. nuptiæ indicatiū sunt perturbationis, castitas uero splendo-
 ris. nuptiæ parentes sanctorū. puritas autē sacrificiū. hanc etiā temporibus ho-
 norarūt opportunis, Adam in paradiso, Moyses legē adducens, Zacharias
 pater præcursoris. nuptiæ & uirginitas, radix sunt sponsæ dei. interim tamē
 carnis & uredinis seruitus. olim quū lex erat & umbra, ceremoniæq̃ tempo-
 rariæ, tum primatū habebāt nuptiæ, tanq̃ adhuc infantes. postq̃ uero emi-
 grauit litera, subinductusq̃ est spiritus, & Christus, quū processisset ex uirgi-
 ne in carne passus est: tunc effulsit castimonia, diuidens mundum. illac cum
 Christo ascendētem transire oportet. Recte incedis uirgo, in montibus sal-

ueris, ad Sodomam ne respexeris, ne in salis statuam obdureris. Non nimium te carnis perterreat natura, nec tamen nimium tibi confidas, ne aliquando deficias. scintilla accendit calamum, aqua uero flammam extinguit. remedia uirginitatis puræ, habes quàm plurima. Dei te timor solidet. ieiunium te attenuet. uigiliæ temporariæ, lachrimæ, strati duricies, amor totus ad deum rite ordinatus. & qui omne desiderium à supernis alienum, sopiat. qui cadit erigatur, qui naufragium fecit misericordiam assequatur. tu uero recte nauigabis, si spei uelum suspenderis. non rerum earum quæ deorsum trahunt, sed quæ in supernis statuunt. pauci sunt pennati, plurimi uero male currunt. cecidit lucifer, sed cælum est angelorum. Iudas erat proditor, at undecim luminaria. solum totam te ipsam uirgo puram cōseruato. ne Christi tunicam contamines immaculatam. oculus tibi sit modestus. lingua autem uirginescat. mens uero nequaquam sit impudica. non risus. nec pes inordinate incedat. Vestem tuam sordidam, ac comam squalidā, plus quàm margaritas, aut ornatum ueneror sericum. pulcher flos est uerecundia, ac ornamentum magnum pallor, capitisq; tegumentum egregium. omnes te decorent uirtutes. alia imaginem, quæ ex deo est coloribus adulteret. tabula animata, turpis accusatrix est fuci illiniti. tu uero formam qua præcellis, ut plurimum mortifices. pulcher enim animæ ex deo ornatæ, est splendor. Virorum aspectum fuge. & si fas est castorum quoque, ne forsitan uulnereris, uel uulneres macula. oculum pro oculo ne reddito, nec sermonem connectito sermoni. non gena genis audaciam tribuat. nil tibi cum gustu ligni exerati, ne te serpens à uitæ ligno eiciat. Sed & hoc audi uirgo, nequaquam illi qui præest cohabita, quum Christum habeas sponsum, qui ob puritatem tuam Zelotypus existit. quur enim quum carnem fugis, ad carnem mihi reuerteris? non omnes splendorem tuum capiunt. nam quemadmodum rosa inter spinas, ita in multis uersaris; & super laqueos graderis malignos. Proinde hic parat thalamos. illa uero efferat spōsum. alius fiat pater. hic propter orbitatem turbetur: quantum malum est dolo r partus? sapius sit abortus. quantus zelus? ne consortem suffuretur amica. quid autem dicam de educatione, & institutione? deinde contemni. & acerbas laborum accipere retributiones? Tibi uero unica sit cura, ut semper ad Deum respicias. edendi necessitatem, in habitaculo humili, parua expleat placenta. hinc enim tentator Christum etiam tentare est ausus, iubens ut esuriens lapides in panes cōuerteret. Victus enim gratia nil unquam turpe sustinebis. nam si credideris, nunquam te olei uasculum destituet. Coruus te pascet, quemadmodum Heliam in deserto. Nosti quemadmodum Tecla ex igne & à feris sit erepta: ac Paulus ille magnus esurierit, ac prompte alserit: ut & tu uirgo ad Deum solum respicere disceres, qui tot milia in deserto pascere nouit. pulchritudo marcescit, gloria euanescit. diuitiarum affluentia nil fidendum. potentia uero est paucorum. tu autem postquam uersutias mundi uilis effu-

gisti

gisti, ridens ac læta in sancta ingredi sanctorum, ubi cum angelis choream duces indefinentem, locum longe filijs ac filiabus sortita meliorem. Proinde uirgines solum Christo uigilate, lætæq; sponsum lampadibus suscipite. quo unâ ingredientes, sponsi pulchritudinem inspicere, & supernis admisceri ualeatis mysterijs. in Christo Iesu domino nostro. cui sit gloria in æternum.

BEATI GREGORII NAZIANZENI IN
DICTVM EVANGELII
ORATIO



IESVS, qui piscatores elegit, & ipse piscatur. locumq; ex loco permutat, quam ob rem non ideo solum, ut plures dei amatores accessione sua lucraretur, sed ut mihi uideretur, quo loca plura sanctificaret. fit Iudæis Iudæus, ut Iudæos lucraretur. ijs uero qui sub lege erant, tanquam legi subiectus, ut eos qui sub lege erant redimeret. infirmis tanquam infirmus, ut infirmos saluaret: fit omnia omnibus, ut lucraretur omnes. cur autem dico omnia omnibus? quoniam quod Paulus non tulit, ut de eo diceretur, id saluatorem perpeßum esse inuenio. non enim Iudæus fit solum, ac nomina quæcunque absurda sunt & flagitiosa in se excipit, sed quod his omnibus absurdius existit, & peccatum ipsum, & execrationem ipsam. ueruntamen non est, ita tamen audit. quo pacto enim peccatum esset, qui nos à peccato liberat? aut quomodo esset execratio, qui nos à legis execratione redemit? sed ut eo usque humilitatem ostenderet, nosque ad humilitatem, quæ sublimitatis est hospes, formaret. quemadmodum igitur dicebam, piscator fit, omnibus se adaptat. sagenam explicat. omnia sustinet, ut ex profundo piscem extrahat, hominem nempe in salis & instabilibus uitæ undis natantem. propterea & nunc, quum sermones hos consummasset, è Galilæa discessit, uenitque in fines Iudææ, ultra Iordanem. recte in Galilæa peregrinatur, ut populus qui sedebat in tenebris, uideret lumen magnum. in Iudæam autem transit, ut à litera surgentibus, spiritum sequi persuadeat. & nunc in monte docet, nunc disserit in plano. aliquando nauem conscendit, interdum uero tempestatem increpat, forte etiam somnum capit, ut somnum quoque benedicat. forte etiam laborat, ut laborem sanctificet. forte etiam lachrymatur, quo lachrymationem laudabilem reddat. de loco in locum pergit, qui à nullo loco comprehendi ualeat, intemporalis, incorporalis, indeprehensibilis, qui idem & erat, & fit, & supra tempus fuit, sub tempus uenit, & qui inuisibilis erat, uidetur etiam. in principio erat, & apud deum erat, & deus erat. tertium erat, numero confirmatum. quod erat exinaniuit, & quod non erat assumpsit, non duo fa-

ctus, sed unum ē duobus fieri sustinens. Vtraque enim Deus, & assumens, & assumptum, duæ naturæ in unum concurrentes. non filij duo. ne mendacio diffametur cōmixtio. ille qui talis & qui tantus erat. Caterum quid rursus patior? in humana incidi uerba. quomodo enim id quod simplex est, tantum est? quomodo autem id quod sine quantitate est, tale? sed ueniam date sermoni, minuto organo de maximis loquor. Verū tamen sermones hos, tanquam à corpore prolatos, & ueritate imbecilliores, tolerabit ille qui maximus est, qui longanimis est, natura illa, quæ specie caret & corpore. si enim carnem suscepit, talem etiam feret sermonē. Et sequutę sunt eum turbæ multæ, & sanauit eos, ibi ubi multorū erat solitudo, si in propria mansisset specula, si non ad imbecillitatem hanc descendisset, si id quod erat permanebat, inaccessible se seruans & incomprehensibilem, pauci forsitan eum sequuti fuissent, & nescio an pauci etiam, fortassis Moyses solus, & ille tantum, ut uix dei posteriora cerneret, nubem quidem ingrediens, extra molem corporalem constitutus, aut à sensibus separatus: dei autem naturam tenuem, corporeque carentem, aut nescio quomodo quis uocaret, quo pacto uideret, qui corpus erat, & oculis expositus sensibilibus? Verum postquam propter nos exinanitus est, postquam descendit, exinanitionem autem gloriæ dico, ueluti remissionem seu diminutionem, propter hoc comprehensibilis fit, sed ueniam interim mihi date, quoniam rursus passionē quandam patior humanam, ira & dolore ob meum repleor Christum, sed & uos compatiamini, quando Christum meum ob ea contumelia affici uideo, propter quæ potissimum honorari debebat. ideo ne dic mi inglorius, quia propter te est humilis? ideo creatura, quia creaturæ curam gerit? ideo temporari subditur, quia eos qui temporari subsunt uisitat? sed & omnia fert, omnia suscipit, & quid mirum, alapas tulit, sputa excepit, fel propter gustum meum gustauit, fert ut nunc lapidetur, non solum à calumniatoribus, sed à nobis ipsis, qui pii uidemur, nam de incorporeo differere, ac corporeis uti nominibus, fortassis est calumniantium. sed rursus imbecillitati meæ ueniam date, inuiti enim lapidamus. Verum quum nullum aliud mitius uerbū interloquendum occurrit, illo uti fuimus coacti. Verbum esse audis, & super uerbum es, super lumen es, & lumē uocaris. Ignis esse audis, quum nequaquam sensibilis existas, sed quia leuem & prauam purgas materiā. Gladius, quia deterius à meliore secas. Ventilabrum, quia repurgas aream, & quicquid leue est ac uento obnoxium reijcis: quicquid uero graue, in horrea reponis. Securis quia ficum instructuosam detruncas, postquam diu longanimis fuisti, quoniam prauitatis radices exscindis. Ianua, propter introductionē, uia, quia recte illa ambulamus. Ouis, quia uictima, pontifex, quia offers corpus, filius, quia patris, rursus irritō linguas, rursus cōtra Christū insaniunt quidā, seu potius cōtra me, qui dignus sum factus sermone, Preco sicut Ioānes fio.

Vox

vox clamantis in deserto, uere olim deserto & inaquoso, nunc autem & ualde quidem habitato. Cæterum sicut dicebam, ut ad meum sermonem recurrerem, propterea sequutæ sunt eum turbæ multæ, quia ad infirmitates nostras conscendit. Inde quid accesserunt, inquit, ad eum pharisei, tentantes ipsum, & dicentes; Licet ne homini ex omni causa uxorem suam dimittere? iterum pharisei tentant, iterum qui legem legunt, illam non cognoscunt, iterum qui legis sunt interpretes, alijs indigent doctoribus, & qui de resurrectione tentant, & qui circa perfectionem legales se esse audiunt, & Herodiani de censu, & de potestate alijs, sed & de nuptijs rursus quidam, nuptiarum interrogant conditorem intentabilem, qui ex causa prima, uniuersum genus hoc hominum constituit, at ille respondens dixit eis: Nonne legistis, quod is qui fecit ab initio, masculum & foeminam fecit eos. Sanè quæstiones aliquas soluere, in nonnullis uero quærentium ora obstruere norat: ut quum rogarent in qua potestate hæc facis? quoniam admodum imperite interrogabant, sed & ipse quærebat, nunquid baptisma Ioannis ex cælo esset, uel ex hominibus, & utrinque quærentes interturbabat. & ita nos quoque Christum imitari ualemus, aliquando ora eorum, qui curiosius nobiscum disputant obstruere, ac econuerso quæstionibus ineptioribus, quærentium dissoluere ineptias, nam & nos quoque in uanis aliquando sumus periti, ut de insipientia glorier, quum autem uidet quæstionem indigere consideratione, tunc quærentes nequaquam responsione prudenti censet indignos. Proinde qui quæstionem hanc quæsiuit, castitatem mihi honorasse uidetur, & responsionem exegisse humanam, castitatem inquam, circa quam multos male affectos uideo, ac legem eorum inæqualem esse & imparem. Quir enim mulier aliquando plectitur, sed uiro parcitur? & mulier male mariti thalamo consulens, mœchatur? & hinc amara legum pœna, uir autem ob scortationem, uxori haudquaquam est obnoxius, non suscipio legislationem talem, non laudo consuetudinem, uiri erant qui legem tulere, ac ideo contra mulieres lex hæc est lata. Quin etiam patribus super filios potestatem dederunt, at quod debilius erat incuratum reliquerunt. Deus uero non sic, sed lex hæc, Honora patrem & matrem prima est, ut tibi bene fiat in repromissionibus, & qui maledicit patri aut matri, morte occumbat, similiter & bonum honorare, & malum cohercere, & benedictio patris confirmat domus filiorum, maledictio autem matris eradicat fundamenta. Videte æqualitatem legislationis, unus factor est uiri ac mulieris, una terra uterque, imago una, lex una, mors una, resurrectio una, æqualiter ex uiro & muliere nati sumus, unum debitum parentibus debetur à liberis, quomodo igitur tu castitatem exigis, quam tamen nequaquam rependis? quomodo petis, quod non reddis? quomodo in corpore honore æquali, leges fers inæquales? Sanè si deteriora consideras, peccauit mulier, hoc idem & Adam, ambos serpens decepit, nequaquam hoc inuentum est debilius, illud uero robustius, si uero consi-

deras meliora, utrosque Christus passionibus saluat. pro uiro caro factus est, & pro muliere etiam. pro uiro mortuus est, sed & mulier morte est saluata. ex semine Dauid nominatur, uirum forsitan honorari censes, sed & ex uirgine nascitur, & hoc pro mulieribus. erunt, inquit, in carnem unam. Caro igitur eundem habeat honorem. Proinde Paulus, exemplo legem fert castitatis. qui, & quo nam modo? mysterium hoc magnum est. Ego autem ad Christum refero & ecclesiam. bonum est mulieri Christum uenerari per uirum, bonum & uiro ecclesiam non afficere contumelia ob uxorem. uxor inquit, ut timeat uirum, nam & Christum. sed & uir, ut foueat uxorem. Christus enim & ecclesiam. Verum dictis, aliquid elaboratius addemus: emulge lac, & buti- rum habebis, inquirere & inuenies fortassis, quod magis te nutriet. Videtur mihi sermo hic secundas reijcere nuptias: si enim duo sunt Christi, duo etiam mariti, duæ quoque uxores. si autem unus est Christus, unum caput ecclesiae, & caro una: secundæ respuantur. quod si secundas prohibeo, quæ ratio erit tertiarum? primæ legis sunt, secundæ indulgentiæ, tertiæ uero præuari- cationis. & quod ultra hæc, suile magis, quam aliud quicquam, multa nequitia habens exempla. Sanè lex ob omnem causam diuortium permittit. Christus autem nequaquam ob omnem causam, sed solum à meretrice separari concedit. omnia uero reliqua boni consulere iubet. & ideo à meretrice, quoniam adulterat genus. alia autem fortiter & sapienter sustinemus, seu potius uos sustinetis, quicumque iugum nuptiale suscepistis. si libellos deprehenderis amatorios, illos subtrahere. si linguam proteruam, moderare: si risum meretricium, mœstam reddere: si sumptuosam & potum immodestam, corripere: si obambulationes intempestiuas, cohercere: si oculum sublimem, castiga. non temere uxorem reijcias, aut ab ea separeris. incertum est quodnam periclitetur, num id quod depellit, seu depellitur. fons aquæ ait, tibi sit proprius, & nemo alie- nus tecum communicet. & pullus gratiarum tuarum, & cerua amicitia tuæ tecum conuersetur. tu igitur nunc haudquaquam fluuius fias alienus, neque alijs magis quam uxori tuæ placere uelis. quod si aliò raperis, cur membrum tuum ob impudicitiam lege notas? & sic saluator. quid autem pharisei? asper illis sermo uidetur. nam & alia quæ bene se habebant, tam pharisæis qui tum erant, quæ ipsi qui nunc sunt displicebant. pharisæum enim non solum genus, sed & mores faciunt. Ita & Assyrium noui, & Ægyptium professione sua, cum talibus constitutum. Quid igitur pharisei? si ita cum uxore se habet causa, non expedit uxorem ducere, sed nunc hoc discis pharisæe, quod nequaquam expedit uxorem ducere? prius autem nesciebas, quando uidebas uiduitates, & orbitates, mortesque intempestiuas, ac plausus successorem, luctum, & inter nuptias sepulchra, & filiorum mortes, & liberos prauos, & partus imperfectos, & matre carentes, & uniuersam circa hæc comœdiam seu tragœdiam, utraque enim proprie dixeris. Expedit uxorem ducere, & ego suscipio, honora- biles

biles enim nuptiæ & cubile impollutum . expedit autem moderatis , & non infatigabilibus , quique carnem plus quam oportet honorare uolunt . quando quidem hoc solum nuptiæ , & coniugium , desideriumque successionis liberorum . Bonæ sunt nuptiæ , quoniam multos deo offerunt acceptos . quum autem materiam inflammant , & spinas subiiciunt , & tanquam malitiæ uia esse inuenitur , tunc & ego dicam , nequaquam expedit uxorem ducere . bonæ sunt nuptiæ , sed nequaquam dicere habeo , quod uirginitate sint sublimiores . nihil enim magnum quid esset uirginitas , si non pulchro pulchrius foret . nolite ægre ferre quæ iugo subditæ estis . oportet deo magis obedire quam hominibus . attamen uirgines & nuptæ , inter uos colligimini , unumque sitis in domino , ac mutuo uobis ornamento . non esset cœlebs , nisi & nuptiæ . unde enim in uitam hanc ingressa est uirgo ? & nequaquam coniugium pudicum , nisi uirginem fructificaret deo & uitæ . honora & tu matrem tuam ex qua genitus es . honora & tu eam quæ ex matre est , & matrem . nam licet mater non sit , Christi tamen sponsa existit . Pulchritudo manifestata haud celatur , at occulta à deo cernitur . omnis gloria filiæ regis intrinsecus , fimbria ornata aurea & circumamicta , siue actionibus , siue contemplationibus . quæ igitur sub iugo est , aliqua in parte Christi sit . at uirgo tota Christi . & illa quidem non omnino irretiatur à mundo , hæc autem nulloatenus sit mundi . etenim quod pars est coniugata , id totum est uirginis . elegisti angelorum consortium , cum innuptis constituta , in carnem ne elabere , non rursus ad materiam feraris , ne materiæ nubas . etiam si aliàs innupta permaneas , oculus scortans , nequaquam uirginitatem custodit . lingua scortans , cum dæmone commiscetur . pedes inordinate incedentes , morbum arguunt , aut morbo mouentur . sed & cogitatio uirginescat . non euagetur , non oberret , ne figuras operum in se ferat malorum . nam & figura pars est scortationis . non idola fingat , animæ exosa . At ille dixit eis , Non omnes capiunt sermonem , sed ij quibus datum est . Videte rei sublimitatem , indeprehensibilem ferè inuenietis . quomodo enim non melius carne est , non generare carnem , id quod à carne genitum est ? Quomodo non Angelicum , carni alligatam , non secundum carnem uiuere : sed naturam esse sublimiorem . caro mancipat mundo , cogitatio uero ad deum eleuat : caro degrauat , cogitatio pennas adhibet : caro ligat , sed desiderium dissoluit . tota anima coram deo statuaris uirgo . hæc enim lex uiris pariter & mulieribus sit lata . & nihil tibi ex alienis placebit bonis , quod quidem accidit multis : non genus , non diuitiæ , non thronus , non magistratus , non pulchritudo quæ in coloris specie & membrorum imaginatur compositione , temporis & morbi ludus . si totam uim amoris in deum exoneraueris , si non duo concupiueris , fluxum & permanens , uisibile & inuisibile , sed tantum uulnerata es sagitta electa , pulchritudineque ac

magnitudine sponsi, ut ex naturali cantu & carmine dicere possis, dulcedo es & totus desiderium. Cernitis quod fontes, plumbeis inclusi fistulis, quum ualde ob angustiam urgentur, & in unum feruntur, adeo plerunque aqua uim exuperant naturalem, ut etiam ad superna prorumpant, quum assidue à sequentibus propelluntur. Ita etiam, si cupiditatem extinxis, & tota deo agglutinaberis, in altum eleuaberis, unde non decides, unde non seperaberis, tota Christi permanseris, donec sponsum tuum uideas Christum, inaccessibilem te seruat, tam sermone quàm opere, uita, cogitatione, & mortu. undique te malignus tentare satagit, omnia speculatur ubi iaculetur, ubi uulneret, ne quid nudum & plagæ inueniat obnoxium. quanto puriorem uidet, tanto magis inquinare contendit. siquidem splendide uestis sordes sunt manifestiores. ne oculus oculum trahat, ne risus risum, ne consuetudo noctem, ne nox perditionem. quod enim particulatim subtrahitur, & furto surripitur, insensibile ad præsens damnum habet, sed ad summam malitiæ omnia. Non omnes, inquit, sermonem hunc capiunt, sed ij quibus datum est. quum audis datum esse, nihil hæreticum patiaris, neue naturas inducas, siue terrestres, seu spirituales, uel medias. Sunt enim quidam adeo male affecti, ut arbitrentur quosdam omnino naturæ esse perituræ, alios autem saluandæ, nonnullos uero ita habere, sicut eos liberum arbitrium, uel ad melius, uel ad deterius impellit, aliumquæ alio plus minusue idoneum esse. id & ego accipio, non tamen aptitudinem ad perfectionem sufficere puto. cogitationem uero esse, quæ illam infestet, ut natura ad opus progrediatur, quemadmodum & lapis pyrites, ferro malleatus ferrum fit. quum uero audis quibus datum est, adde datum quidem ijs, qui uolunt, & qui assentiuntur. etenim quum audis, non est uolentis nec currentis, sed misipientis dei, tibi consulo ut sermonem hunc acceptes: quoniam enim nonnulli sunt, qui ob iustitiam propriam tam magnifice sentiunt, ut totum sibi ipsis acceptum referant, ac nihil factori & instructori, bonorumquæ tribuant largitori, hos sermo hic docet, quod & bonum uelle diuino indigeat auxilio, seu potius eligere utilia, diuinum quid & clementiæ suæ donum existat. quod enim saluamur partim è nobis, partim à deo esse oportet. propterea inquit, Non uolentis, hoc est, non solum uolentis, nec currentis, sed & dei misipientis. Deinde quoniam uelle à deo est, merito totum acceptum fertur deo: quantumcunque igitur cucurreris, quantumcunque certaueris, indigebis eo qui coronam præbet. Nisi dominus edificauerit domum, in uanum laborant qui edificant eam. Nisi dominus custodierit ciuitatem, frustra uigilant qui custodiunt eam. noui, inquit, quod non leuium est cursus, nec potentium bellum, neque pugnantium uictoria, non feliciter nauigantium portus, sed dei est uictoriam perficere, ac nauem saluam in portum deducere. nam licet hoc alibi & ad alium dictum sit sensum, necessarium tamen duxi, ut quum mihi in mentem uenisset, prædictis etiam adijceretur, quo uobis de diuitijs meis

meis gratificaret. Proinde rogauit mater filiorum Zebedei, filiorum amore impulsæ, & mensuræ eorum quæ peteret ignara: attamen ob amorem nimium, & beneuolentiam filijs debitam illi fuit parcendum: nil enim matrum exuperat misericordiam, & hoc dico quo matres ex legis uigore honoremus, rogauit igitur mater illorum, ut unus à dextris, alter à sinistris assideret. at quid saluator? prius rogat, num poculū bibere possent, quod ipse bibiturus erat. quumq; hoc fuisset confessum, saluator suscepit. sciebat enim quod & ipsi eodē forent cōsumendi, seu potius cōsumi debere. quid ait? poculum quidē bibent, à dextris autē & sinistris assidere, non meū, inquit, est dare, sed ijs quibus est datū. nihil igitur est mens imperator? nihil labor? nihil ratio? nihil sapientiæ studiū? nihil ieiunare? nihil humi dormire? nihil uigilare? nihil fontes lachrymarū stillare? frustra hæc omnia? sed & Hieremias hæreditario sanctificatur iure, & alij ex matre segregantur. timeo ne absurda surrepat cogitatio, tanquam anima in alio egerit loco, inde corpori huic colligata, & quod ex conuersatione quæ illic est, quidam prophetiam acceperint, alij uero qui male uixerunt condemnentur. Cæterū quia tale quid credere, admodū est absurdum, ac minime ecclesiasticū, alij in talibus ludant dogmatibus, nobis autem ita ludere tutum non est: sed & ibi quibus datū est adde, ijs qui sunt digni, qui ut tales sint non solum à patre acceperunt, sed & sibipsis contulerunt. sunt enim Eunuchi, qui ex matris utero eunuchi sunt nati, & reliqua. admodum uirile aliquid uellem, de ijs, quibus ualde gloria mini, uos, qui à natura estis eunuchi. fortassis enim castitas inuoluntaria, in experientiam haud uenit, neq; continentia per probationem est examinata. quod enim à natura bonum, reprobum est: quod uero ex professione, laudabile. quæ gratia est igni, quia urit? nam ut urat ex natura habet. quæ aquæ, quod deorsum fertur? hoc enim à conditore habet. quæ niui ob frigiditatem gratia, aut soli quia splendet? splendet enim etiam si nolit. gratificare mihi ut uelis meliora: gratificaberis autem, si caro natus, spiritus fias: si carnis mole plumbea depressus, rationis auxilio pennatus euadas. si cœlestis inueniaris, humilis factus: si carni colligatus, super carnem appareas. proinde quum carnalia sapere nequaquā laudabile existat, aliud quid ab eunuchis peto, ne fornicamini circa diuinitatē: coniuncti Christo, Christū ignominia afficere nolite: à spiritu initiati, ne uobis ipsis honore parem spiritū faciatis. si adhuc hominibus placere, Paulus inquit, Christi seruus nequaquā essem. si creaturæ serui, minime Christianus nominabor. etenim quā ob rē Christianus uenerabilis habet? nōne ideo quia deus est Christus? sin minus, hoc mihi ut homini accidit, amore erga ipsum sum affectus. Quin & Petrum ueneror, non ideo tamen Petrianus uocor, nec Paulianus, quia Paulum honoro. non sustineo, ut cum à deo factus sim, ab hominibus nomen fortiar. Itaq; si ideo Christianus uocaris, quia in deum credis, uoceris, & in nomine

aut

aut re permaneas. si autem ideo quia Christum amas ab ipso cognominaris, nihil plus illi alijs dabis cognominibus, quàm quæ ab exercitio uel operatione imponuntur. Videte eos qui equorum student cursibus, qui à coloribus nominantur, & partibus quibus operam impendunt. uos enim nomina nostis, etiamsi ego haud dicam. si ita Christianus uocaris, admodum parua est appellatio, etiamsi ualde ob eam plaudas. si autem quia deum credis, operibus ostende quod credas. si deus creatura est, etiam nunc seruis creaturæ, ultra creatorem. si creatura est spiritus sanctus, frustra baptizatus es. & duabus quidem partibus sane sentis, seu potius nec illis. at omnino in una periclitaris. Crede trinitatem margaritam esse unam, undique similem, & æqualiter splendentem. margarita enim si in aliqua parte deturpatur, tota eius gratia euanescit. ita quum filium ignominia afficis, quo patrem uenereris, nequaquam honorem tuum suscipit, ob filij dehonestationem pater minime glorificatur. si sapiens filius lætificat patrem, quanto magis filij honor, honor erit patris? quod si hoc quoque suscipis, noli filium glorificare per ignominiam patris. similiter neque pater ob filij ignominiam glorificatur, si inhonestas spiritum sanctum, non suscipit honorem tuum filius. quamuis enim haud sit ex patre, quemadmodum filius, ex eodem tamen est patre. aut totum honora, aut totum inhonora, quo tibi ipsi morem geras. nō suscipio uenerationem tuam ex dimidio. totum te pium esse uolo, sed sicut uolo, ignosce affectui. nam pro ijs etiam qui me odio habent doleo. membrum eras meum, licet nunc abscisum, forsitan & iterum membrum eris, ac ideo humaniter loquor: & hæc propter Eunuchos, quod circa deitatem sint modesti, siquidem nō solum peccatum quod per corpus committitur scortatio & adulterium uocatur: sed quomodocunque peccaueris, maxime si circa diuinitatem præuaticatus fueris, sed forsitan unde hoc ostendamus, quæris? scortati sunt ait, in operibus eorum. cernis ne opus scortationis esse uituperium? & adulterati sunt inquit in ligno. uides & ceremonias quasdam esse adulterinas? ne igitur adulterium perpetres in anima, quum castus sis corpore: ne ostendas te minus uoluntarie castum in carne, ex quibus nequaquam es castus, in quibus potens es scortari. cur fecistis impietatem uestram? cur omnes ad deterius prolabimini? ut illud reliquum sit, uel eunuchum quempiam, uel impium uocari. Vitis agrege mini, uel sero quid uirile sapite. fugite muliebria, ne nominis turpitudinī præconiū quoque accedat turpitude. uultis ne ut parumper adhuc sermōni immoremur, uel satis sunt quæ diximus? attamen reliquis honorentur eunuchi. laudabilis enim est sermo. sunt enim Eunuchi inquit, quidam ita ex matris utero Eunuchi geniti, & sunt eunuchi qui castrati sūt ab hominibus, & sunt qui castrauerūt se ipsos propter regnū ccelorum. Videat mihi sermo iste admodū à corporibus differre, & per corpora quædā longe sublimiora designare

designare. sermonem enim hunc ad corporales tantummodo detorquere eunuchos, res admodum parua est, & momenti nullius, planeq; sermone indignum existit. ac ideo nos aliquid spiritu dignum cognoscere decet. uidentur igitur homines quidam à natura ad bonum aspirare: natura autem quū dico, nequaquam uoluntatem liberam reijcio, sed utraque pono, & ad bonum aptitudinem, & ex natura ad opus perducentem idoneitatem. quidam enim sunt quos uerbum expurgat, & eorum passiones castrat: illos esse puto qui ab hominibus castrantur, quum instruens sermo deterius à meliore secernit, hoc quidem reijciens, illud uero statuens. Veluti istud, declina à malo & fac bonum, quod quidem spiritalem castitatem ædificat. & hanc quidem laudo castrationem, ac ualde laudo, eiusq; doctores pariter & discipulos. quoniam hi bene castrent, illi autem pulcherrime castrentur. Sunt & qui se ipsos castrant ob regnum coelorum. alijs nulli contingere præceptores, uerum laudabiles sibiipsis facti sunt magistri. non docuit te mater quod decet, non docuit te pater, non presbyter, non Episcopus, non alius quispiam, quibus docendi munus est concreditum: at tu rationem quæ in te est excita, scintillamq; honesti per liberam accende uoluntatem. te ipsum castra, te ipsum emacula, radicem excinde maliciæ, instrumenta elimina, tantumq; uirtutis habitum adipisceris, ut quasi impossibile sit ad deteriora te prolabi: ac ideo castrationem illam laudo, & forte magis quàm aliam: qui capere potest capiat. Vitram partem uolueris suscipe, uel magistrum sequere, uel tibi ipsi magister fias. unum solum turpe est, ab animi passionibus non castrari. ceterum in passionum castratione nihil interest, & qui docet figmentum dei est, & tu inde es factus, licet magister rapiat gratiam, licet bonum fiat tuum, nilominus bonum est. solummodo affectus nostros castremus, ne radix aliqua amaritudinis suppullulans perturbet: solummodo sequamur imaginem, solummodo ueneremur archetypum. corporales exseca affectiones, excide & animales: quanto enim preciosior anima est corpore, tanto honorabilius est purgare animam quàm corpus. Si autem corporis purgatio laudabilis est, considera mihi quantum animæ sit maior & sublimior. Arrianam castrato impietatem. Castrato Sabellij opinionem prauam. ne plus contrahe quàm bene habet, nec male diuide: nec in unam personam contrahe tria, neque tres naturarum facias diuersitates. laudabile est unum bene cognitum, & tria bene diuisa, quum personarum, at non deitatis sit diuisio. hanc laicis legem statuo. hæc & presbyteris præcipio, simul & ijs, quibus imperandi gubernacula sunt concredita. Iuuate uerbum omnes quibus à deo concessum est, ut iuuare ualeant. magnum est cædes coercere, adulteria punire, fures refrenare: sed multo maius est pietatem lege sancire, & sanum sermonem donare. non tantum sermo meus potest, qui pro trinitate depugnat, quantum mandatum: quum ora occludis eorum qui male habet: quū opẽ fers oppressis: quū homicidâ coerces: quū occidere uetas:

uertas: non de corporali morte solum loquor, sed & animæ: omne enim peccatum animæ mors est. & hic sermo sistatur. reliquum est, ut oremus pro ijs qui conuenerunt. Viri pariter & mulieres, principes & subditi, senes & iuuenes cum uirginibus, uniuersum genus ætatis, omne ferte damnum, siue pecuniarum, siue corporum, solum unum non audeatis ut diuinitatem mulctetis. adoro patrem, adoro filium, adoro spiritum sanctum. seu potius adoramus. Ego & ante omnes qui hæc dico. Ego & post omnes, & cum omnibus, in ipso domino nostro Christo, cui sit gloria & imperium in secula Amen.

BEATVS GREGORIUS NAZIANZENS

ad Euagrium de deitate.



AD MODVM te miror, & ualde ob prudentiã tuam obstu-
peo, quia contemplationum talium & quæstionum causa
existis, ac nos interrogationibus exactissimis ad dicendi ne-
cessitatem & solitudinẽ demonstrationis compellis, dum
quæstiones adeo necessarias & utiles nobis offers. constat
enim quod omnis alia necessitas à tergo est relinquẽda, donec ad interroga-
tiones manifeste respondeamus. Quæstio igitur tua quam attulisti, talis ac
de re fuit tali. qualis nam patris, & filij, & spiritus sancti esset natura. quam
quis recte essentiam potius quàm naturã appellarit. num simplex, uel com-
posita. si enim simplex, quomodo numerum ternarium suscipiet, in prædi-
ctis: quod enim simplex, necesse est ut unius sit speciei, & sine numero: quod
uero sub numeros cadit, necesse est ut incidatur, etiam si nequaquam nume-
ris supponatur. incisum uero affectum est, quum affectio sit incisio. si igitur
natura melioris simplex, superuacua fuerit nominum positio. si uero nomi-
num uera sit positio, & oporteat nominibus credere, id quod uniforme est
& simplex, confestim sublatum erit. quæ igitur rei sit natura, à nobis exquisi-
uisti. horum igitur demonstrationes ueritatis sermo exacte in medium de-
ducat: non fidei haud demonstrati imaginationem, ob defectum demon-
strationis, irrationabiliter prætendens, neque fabularum ueterum testimo-
nijs absurditatem fictionis suæ abscondere tentans: sed quæstionis exacti-
ora manifestabit, & considerationum rectitudine theorematidis fidam cer-
titudinem, manifeste ostendet. reliquum igitur est, ut sermo iam inde no-
bis initium sumat, ac explicetur quomodo diuinitas sit accipienda, num
simpliciter, aut tripliciter. ita enim nos nominum triplicitas & dicere & cre-
dere cogit, quibus nonnulli, quum abusi sint, absurda & omnino uana inducere
dogmata, essentiã, unã cum nominũ accusatione, affectionẽ diuisionis susti-
nere opinantes. Verũ illi, quemadmodũ & tu ais, obmittendi sunt, quum ran-
cide opinionis suæ patrocinetur dogmati, ac intellectũ eorũ, ad rectã cogni-
tionis deprehensionem dirigamus. Sub initium igitur supponemus, quod
sit deus. sicq; ad demonstrationes perueniemus. simplex est omnino, & in-
diuisibilis essentia. simplicitatem uero, & quod sine corpore sit, à natura
est conser-

est conſequuta. ſed fortaffis ſermo diuiſionis nominum mihi obſtat: quoni-
am numero ternario, melioris unitatis ſpeciem aufſert. uerum abſit, ut pro-
pter unitatis ſpeciem, cōfeſſionem patris & filij, & ſpiritus ſancti effugere co-
gamur. indiuiſibilem enim melioris unitatem, nequaquā offendit poſitio no-
minum. ſiquidem intelligibilia, & nominibus infinita, licet multimodis no-
minibus apud ſingulas gentes uocentur, extra omnem tamen ſunt nomen-
claturam. quoniam intelligibilia, & corpore carentia, nullum nomen propri-
um habent. quomodo enim proprie uocarentur ea, quæ oculis noſtris haud
ſubiſciuntur, nec intellectu capi poſſunt humano? accipiatur enim à nobis,
breuiſſima ex nominibus particula, anima uidelicet, pro cognitione exacta
totius. anima enim nomine appellatur ſcæmineo, quum tamen ab omni ſcæ-
minea diſtet natura. ſecūdum enim eſſentiam ſuam, nec uir eſt, nec ſcæmina.
pariter & ſermo, qui ipſius gratia eſt procreatus, maſculinū quidem nomen
habet, attamen & ipſe quemadmodum dicimus, extra omnem, ſiue maſculi-
nam, ſeu ſcæmininam corporalitatem eſt. ſi igitur intelligibilium nouiſſima,
anima, & ſermo, nequaquam proprium nomē habent, quo pacto prima, &
omnia illa intelligibilium intelligibilia, proprijs nominibus uocari dicemus?
cæterum nomenclatura propter neceſſitatem prodeſt, quoniā nos ad cogni-
tionem perducit intelligibilium. Quidam autē nomenclaturis eſſentiam pa-
riter, craſſe quidem, quaſi ſubdiuidi exiſtimantes, planē diuinis indigna, ſuis
opinantur cogitationibus. ac ideo decet, ut ueritatis ſciamus cognitiones, &
quod indiuiſibilis & uniformis diuina, & inſeparabilis eſt eſſentia. ſed ad
utilitatem ſalutis animarum noſtrarum, etiam diuidi uidetur nomenclatu-
ris, ac diuiſionis neceſſitatem ſuſtinere, ſicut diximus. quemadmodum enim
anima intellectualis quum ſit, & cognitionum infinitarum multitudinē gi-
gnit, non tamen ob id cognitionis diuiditur affectus, neq; ob multitudinem
cognitionum anima unquam propter antea concepta eſt egena, ſed ditior
potius quàm pauperior euadit, eodem etiam modo, quo & enunciabilis, illo
etiam cōmunis omnibus nobis eſt ſermo. ſiquidē indiuiſibilis eſt ab anima
quæ illum profert, pariter & ab audientium animabus: nilominus tamen ibi
conſiſtit, & ab illa non eſt ſegregabilis, ab iſtis uero repertibilis. unitatem au-
tem potius quàm diuiſionem, ipſorumq; & animarum noſtrarum operans.
ita mihi noſcas & filium, nunquam à ſpiritu eſſe ſegregabilem. & ab hoc rur-
ſum, ſpiritum ſanctum, quemadmodum & à mente cogitationē. ſicut enim
inter mentem, & cogitationem, ac animam diuiſio cognosci poteſt nulla, aut
inciſio quædam, ita neque inter ſpiritum ſanctum, & ſaluatoris patrem, inci-
ſio aut diuiſio cognosci poteſt unquam. quoniam ſicut diximus, natura co-
gnoscibilium & diuinorum indiuiſibilis exiſtit. aut etiam ruruſus, quemad-
modum impoſſibile eſt, inter circulum & radium diuiſionem inuenire, pro-
pter impoſſibilitatem & corporis defectum, ſimplicitatemq; & inſegregabi-
litatem: ſed radius adnexus eſt circulo, & econuerſo circulus tanquam oculus
fluuiatilis

fluuiatilis radios infundit toto, tanquā diluuios quosdam luminis nobis procreans, abundeque ornatum subministrans. Ita etiam fermè radij quidam patris super nos demittuntur, lucidus nempe Iesus, & spiritus sanctus. quemadmodū enim lucis radij habitū inter se iuxta naturā habent indiuisibilem, & nec à luce segregantur, aut inuicem abscinduntur, & ad nos usque gratiā luminis mittūt: eodem etiam modo saluator noster, & spiritus sanctus, geminus patris radius, ad nos usque ueritatis lumen subministrat, patrique cōmunicat. Et quemadmodum quum humor nectareus, à fonte aliquo aquarum copiose scaturiens, profluuiō suo abundantiam ostendit, inde lapsu perenni in flumina duo inciditur, unicam ex uno fontis ortu uim à principio continens, bifariam autem fluminum formatur specie, sine nocumento tamen essentiae flumen illud diuiditur: fluuiorum enim positione tantum fluor ille discriminetur, at humoris qualitatem unam & eandem continet, etiā si flumen utrūque, ut dictum est, quā longē distare, & multum à fonte abesse uideatur: principium enim ad continuitatem fontis cōmunem cum sua habet matre. Similiter etiam omnium bonorum deus, ueritatis ille administrator, & saluatoris pater, prima uitae causa, ac immortalitatis planta, fons uitae sempiternae, bifluam quandā filiū & spiritus sancti, cognoscibilem ad nos demisit gratiam: ipse uero nullum propterea nocumentū in essentia est perpeffus. nullā enim imminutionem propter istorum ad nos demissionem, & ad nos usque accessum, sustinuit. nec illi propterea à patre separationem ullam sustinuerunt, indiuisibilis enim, quemadmodū sub initium diximus, meliorum est natura. Proinde plurima adhuc honoratissime, ac praedictis copiosiora, ad manifestam necessitatis patris & filiū, & spiritus sancti interrogationē inueniri possent, quomodo ipsam accipere oportet. uerū postquam facile est tibi, & tui similibus, citra molestiā plurima discere, ideo iuste censui, de contemplatione tali sermonem hic sisti debere.

F I N I S

BILIBALDVS PIRCKHEYMHERVS

REVERENDO PATRI VENZESLAO LIN
co sacrae theologiae doctori, ac Augustinen/
sium uicario dignissimo. s. d.



N TIBI pater reuerende, diui Gregorij orationes, quas
ni tantopere efflagitasses, diutius pressissem. Verum memi/
neris, & iubentis, & obsequentis periculum esse cōmune. No/
sti enim quā moleste quidam ferūt, cum Laicos, ut appel/
lant, sancta manibus uersare cernunt, tāquam committatur
piaculum, si Christianus Christiana tractare audeat. Accedit his iuriscōsul/
torum quorundam reprehensio, quoniam ueneranda & fructifera legū ma/
iestate neglecta, ad sterilia hēc, & ut ipsi contendunt, inania diueterim stu/
dia, cum nec interim amici boni cōsulant, quod tot curas, cum publicas tum
priuatas, etiam literarum degraue incommodo. ut obiter Criticorum con/
temnamus latratus. Adde quod hēc, non tam eruditis, q̃ sacris scripta sunt
uirginibus, nempe Caritati & Claræ sororibus meis suauissimis. Quapro/
pter longe tutius fuisset, tacēdo inuidiam effugere, quā sua sponte grassan/
tem, ultro irritare. Verum cum ita tibi uideatur, age cōtempto liuore, ratem
procellis committamus. forsitan æquus lector, conatum nostrum laudabit,
aut saltem non reprehendet. Cæterum de uiri sanctitate, eruditione, ac elo/
quētia, nil scribere attinet, cū omni æuo ob uirtutes innumeras maior sit ha/
bitus, quā cui inuidia nocere posset humana. Hoc uero haud mihi præte/
reundū erit, longe me labore minori, imò felicius, ni fallor, Demosthenis ora/
tiones totidem uertere potuisse, quā uel umbram quandam Gregorianæ
assequi facundiæ: id uerum esse experietur, quicumq; in eandem descenderit
palestram. Nil igitur mirum, si quædam duriora, aut etiam obscuriora uide/
buntur, cum Latinis non eadem liceant quæ Græcis, & author ipse, in lin/
gua sua, non tam multiplici uerborum nouatione sit uarius, quā sententia/
rum grauitate insignis. Quod si æmulis hęc nostra displicuerint, fingāt me
interim potasse, aut etiā nucibus lusisse. alius maiora ac splendidiora, in dei
templum afferat, ego quod potui feci, non ignarus, bonitatem diuinam, ani/
mum etiā, ubi uires deficiūt, paterne respicere. Bene uale pater obseruande
Nurenbergæ ex ædibus nostris 4. Non. Martij. An. Salutis M D XXI

GREGORII NAZANZENI IN THEOPHANIA seu Natalem Saluatoris nostri Oratio.



CHRISTVS nascitur, gloriamini. Christus ex cœlis, occurri/
te. Christus super terrā, exaltemini. Cātate domino omnis
terra: & ut simul utraq; complectar, lætentur cœli, & exultet
terra, propter cœlestem, deinde etiam terrestrem. Christus
in carne, cū tremore & gaudio exultate, tremore ob peccatū,

Aa gaudio

gaudio propter spem. Christus ex uirgine, mulieres pudicitiam induite uirgineam, ut Christi efficiamini matres. Quis non adoret primæuum? Quis non glorificet postremum? iterum soluuntur tenebræ: rursus lux oritur, iterum Ægyptus caligine plectitur: rursus Israel columna illuminatur. Populus qui sedebat in tenebris ignorantia, uideat lucem magnam scientia. uetusta præterire, ecce noua facta sunt omnia. Litera cedit, spiritus præcellit, umbræ dissipant, ueritas ingreditur. Melchisedech adducitur, matre carens absque patre nascitur, sine matre prius, absque patre posterius. Naturæ leges soluuntur, mundum superiorem repleti oportet. Christus iubet, ne reluctemur, omnes gentes manibus plaudite, quoniam puellus natus est nobis, & filius datus est nobis, principatus cuius super humerum eius, cum cruce enim pariter attollitur, uocaturque nomen eius, magni consilij patris nuncius. Proin clamet Ioannes, uiam præparate domini, & ego diei huius proclamabo uirtutem. carne carens caro efficitur, uerbum crassescit, inuisibilis cernitur, impalpabilis contrectatur, tempore carens incipit, dei natus, hominis fit filius. Iesus Christus heri & hodie, ille idem & in secula, exprobrat licet Iudæi, irrideant Gentes, nugentur Hæretici, tum credent, cum illum ad cælos uiderint ascendentem: quod si non tum, at de cælis uenientem, & tanquam iudicem confidentem: & hæc quidem alia. Nunc uero dei apparitio, seu natalis nobis solennitas erit. utroque enim modo dicitur, & res una, duobus nuncupatur uocabulis. Apparuit enim deus hominibus per natiuitatem, existens siquidem, & semper existens, ex semper existente, supra causam & rationem: non enim ratione sublimior erat ratio. Homo autem propter nos factus est posterius, ut qui esse dederat, etiam bene esse conferret, seu potius, ob scelera à bene esse deflectentes, rursus per incarnationem ad illud reduceret. Nomen uero, quia apparuit, Theophania: quoniam autem natus est, Genethlia, ea propter nobis dies festus ducitur, ideo hodierna peragitur celebritas. Quoniam deus ad homines accessit, ut & nos ad deum accederemus, seu ut magis dicam proprie, reuerteremur, ut ueterem exueremus hominem, nouum indueremus: & quemadmodum in Adam mortui eramus, ita in Christo, uiueremus Christo, cum illo nati, cum illo crucifixi, cum illo sepulti, cum illo resurgentes: pulchram etenim uicissitudinem hanc me pati, est necesse. Et quemadmodum ex melioribus euenire tristiora, ita ex tristioribus reuerentur meliora, ut ubi abundauerat peccatum, ibi superabundaret & gratia, & si gustus damnauerat, multo magis Christi passio iustificaret. Ergo igitur festiuitatem hanc celebremus, non Panegyricè, sed diuine, non mundane, sed supermundane, non rem nostram agentes, sed illius qui noster est, seu potius domini, non quæ sunt infirmitatis, sed curationis, non formationis, sed reformationis. Verum quo pacto id perficiemus? nequaquam fores coronemus, non choros instauremus, non compita uiarum exornemus, non oculos pascamus, non auditum oblectemus, non odoratum effœmine mus, non gustui lenocinemur, non tactui obsequamur, hæc enim ingressus sunt

sunt ad peccatū & uia pronā . non uestimentis teneris ac fluidis, ex quibus id quod pulcherrimum, planè est inutile, molliter induamur. non gemmarum splendoribus, non auri fulgoribus, non colorum fucis, naturalem mentientibus pulchritudinem, & propter imaginem repertis. non commessationibus & ebrietatibus, quibus cubilia colligata, & impudicitias annexas esse scio . Quandoquidem malorum doctorum, malæ & disciplinæ . seu potius prauorum seminum, prauæ sunt segetes. non toros altos, uentri delicias concinnantes, sternamus. non uini flagrantiam, non coquorum commenta, non unguentorum honorem sumptuositates. non preciosum stercus nobis terra & mare suppeditet. hoc enim nomine, ego delicias honorare noui . Non alter alterum incontinentia uincere studeamus. incontinentia enim mihi omne quod superuacuum, & præter necessitatem est. & hoc alijs, eiusdè luti & mixturæ esurientibus & egētibus. Verū hæc Gentilibus, pompisq̃, ac solennitatibus relinquamus Græcorū, qui deos nidore asserunt gaudere, & uētre consequenter numen uenerantur, cum mali, malorū dæmonū & factores, & sacerdotes, & cultores existant. Nos uero qui uerbum adoramus, si quid oblectari oportet, in uerbo, legeq̃ diuina, & illius explicatiōe, & reliquis ex quibus præsens consistit solennitas, oblectemur, ut domesticæ sint deliciæ, nec ab inuitate alienæ. Proinde si placuerit (ego etenim uos hodie cōuiuio excepi) optimis uobis hospitibus, de his sermonē quantū potero, laute ac liberallyter apponā, ut perspiciatis, quemadmodū pascere queat, peregrinus indigenas, & agrestis urbanos, delicatos delicijs carens, & affluentia claros, pauper & inops, atqui iam hinc exordiar. Cæterū uos, qui in talibus oblectari soletis, mihi & mentem, & auditū, & cogitationē expurgate. Quandoquidē de deo, & diuinus erit sermo, ut illis repleti delicijs, quæ nūquam euanescent, abeat. erit uero copiosissimus pariter & compendiosissimus. ita, ut nec defectu offendat, neq̃ facietate reddatur insuauis. Deus equidē semper erat, estq̃, ac erit. quin potius, semper est. nam erat, & erit, nostri temporis, & fluxæ naturæ sunt particulæ. At ille, existens est semper. Ita enim ipse Moyse in monte oracula pandens, semetipsum nominauit. totum enim in seipso comprehendēs esse cōtinet, quod nec incipit, neq̃ desinet. tanquā pelagus quoddam essentia immensum & indefinitū, omnem transcendens sensum, & temporis & naturæ. solum menti, umbræ instar depictū, idq̃ subobscurè, & per exigue, non ex ijs quæ in ipso, sed quæ circa ipsum sunt, alia ex alia imaginatione, in unum quoddam ueritatis simulacrum concepta. prius quàm teneatur, effugiens. & antequam cognoscatur, euanescent. tantisper illuminans, id, quod in nobis principatum obtinet, & hoc in puris solum, quantum uisum, fulguris nō subsistens ictus: ideo ut mihi uidetur, quo cōprehensibili illo, ad se attrahat. Quod enim penitus est incomprehensibile, id etiam nec spe, aut aliquo conatu acquiri potest. ac eo quia difficulter comprehendi potest, admirationi sit, admiratū uero plus desideretur. desideratū autem purificet: pu

rificatū ūero deo similes reddat. Cum autē tales euaserimus, tanquam cū domesticis iam cōuersatur (iuuenile quid sermo noster audet) deus, dñs unitus, & cognitus, & tantū forsitan, quantum iam cognoscentes cognoscit. Infinita igitur diuinitas, & cōtemplatu haud facilis, ac penitus hoc solū ex illa deprehensibile quod sit infinita. Quod si quis existimet eo quia simplicis sit naturæ, aut penitus esse incōprehensibilē, aut perfectē discerni posse, ab illo secundum quod ens simplicis sit naturæ quæremus: non enim natura eius est simplicitas, quemadmodū neq; in cōpositis, quoniā cōposita sunt solum. Cæterum cum infinitū dupliciter cōsideretur, & secundū initiū, & secundū finem (quicquid enim super hæc est, nec in illis cōtinetur, infinitū existit) Cū igitur mens in supernā respicit profunditatē, nec habet ubi cōsistat, ac in cōtemplationibus de deo, destituit, tum infinitū illud, & impenetrabile, principio carens appellat. Cū uero ad inferiora & postrema aciem deflectit, tum id immortale, & incorruptibile uocatur, cum uero totum cōnexum fuerit, tum æuiternum nūcupatur. æuum etenim, neq; tempus, neq; temporis est particula aliqua: non enim mensurabile est, sed quod nobis tempus, solis cursu cōmensuratū existit, hoc æuiternis est æuum, quod cū existentibus pariter extenditur, tanq; motus quidam, & spaciū temporale. Et hæc mihi de deo nunc philosophanti, sufficiant: neq; enim ultra hæc tempus permittit, quoniā institutum nostrum, nō de Theologia, sed de euangelica est dispensatione. Cū uero deum nomino, de patre, & filio, & spiritu sancto loquor: neq; enim diuinitas supra hæc à nobis diffunditur, ne deorū populum introducamus, nec infra hæc constringitur, ne diuinitatis inopiam decernamus, uideamurq; propter Monarchiā iudaizare, aut propter multitudinē abundantē grācissare. in utrisq; enim simile est malum, licet in cōtrarijs inueniatur: & ita se habent sancta sanctorū, quæ à Seraphin conteguntur, & trinis glorificantur sanctificationibus, in unam coeuntes dominationē, & deitatē. Quemadmodum & alius quidā, qui ante nos fuit, pulcherrime & sublimissime differuit. Postq; uero bonitati diuinæ nō sufficiebat, ut solum cōtemplatione sui moueretur, sed oportebat bonum latius diffundi, & longius procedere, ut plura essent quæ beneficio afficerētur, id enim summæ erat bonitatis: primū quidem angelicas, & cœlestes excogitauit uirtutes, statimq; excogitatio opus fuit, uerbo pariter adimpletum, & spiritu cōsummatum: & ita substituerunt splendori secundi, primi illius splendoris ministri: siue eos spiritus intellectuales, siue ignem immaterialem & incorporeum, siue naturam quandam aliam appellemus: quoniam ijs, quæ enumerauimus, admodum propinquos esse suspicandum est. equidem dicere uolo, immobiles eos ad malum, solumq; boni habere motus, utpote qui circa deum uersentur, & primordio suo ex deo resplendeant. nam quæ sequuntur splendoris sunt secundi. Quod uero nō penitus immobiles, sed difficulter mobiles æstimari, & nominari debeāt, ille mihi fidem facit, qui propter splendorem Lucifer, propter elationem uero caligo

ligo, & factus & dictus est: ac pariter quæ sub ipso erant defertrices potētie, scelerū opifices ob boni fugam, nobisq; authores. Ita igitur, & propter hæc, sibi intelligibilis, cōstitit mundus, quemadmodū ego de his philosophatus sum, tenui sermone ardua expendens. Cæterū postquam illi prima recte successerāt, secundario mundū excogitauit materiale, & uisibilē, ac is est, è cœlo & terra, & eorum quæ in medio sunt cōmixtio illa, & concretio: laudabilis quidem, propter uniuscuiusq; rei industriam singularem, longe uero laudabilior, ob cōcinnitatem, & consonantiam, quæ ex omnibus cōstat, cum aliud erga aliud decore se habeat, & cuncta cum uniuersis, ad unius mundi perfectionem, recte conueniant: ut deus ostenderet, non solum naturā sibi esse domesticam, sed quod omnino alienam substituere potens esset. Etenim naturæ intellectuales, & mente solum cōprehensibiles, diuinitati sunt domesticæ: alienæ uero penitus, quæcunque sub sensum cadunt: & ex illis longe magis, quæ omnino inanimatæ sunt, & immobiles. Sed quid nobis hæc, forsitan dicet quispiam, festi amore ualde detentus, & feruentior: ad metam equum impelle, & de ijs quæ ad festū pertinent, ac quam ob rem hodie cōsedimus philosophare, faciam id quidem, & si paululum altius, ita sermone & desiderio adigente, orsus fuerim. Mens igitur iam & sensus, ita inuicem discreta, intra terminos cōstitierant proprios, & uerbi creatoris excellentiam, in se ipsis extollebāt, taciti laudatores, & assidui magnificentiae præcones. uerū nondum ex utrisq; factum erat temperamentū, neq; contrariorum cōmixtio aliqua, sapientiæ maioris, ac uarietatis illius, quæ circa naturas uersatur cognitio: neque bonitatis diuitiæ omnes cognitæ erant. Hoc igitur opificis uerbū ostendere uolens, animal unum, ex utrisq; inuisibili inquam & uisibili natura, hominem fabricat: ex materiaq; iam existente corpus sumit, à semetipso uero uitam immittit, quam quidem animā rationalem, & dei imaginem, scriptura nominauit: tanquam mundum secundariū quendam, in paruo magnum in terra statuit, angelum alium, cultorē mixtū, uisibilis creaturæ spectatorem, intelligibilis uero mystem: eorū quæ in terra sunt regem, superno regimini subiectum, terrestrem & cœlestem, temporariū & immortalem, uisibilem & intelligibilem, medium inter magnitudinē & humilitatem, eundem spiritū & carnem: spiritum propter gratiam, carnem propter elationem: illud ut secum maneat, ac benefactorem glorificet, hoc ut patiat, instruaturq; ut ad magnitudinē enitatur, patiensq; admoneatur: animal quod hic informe, aliò uero transferatur: & quod finis est mysterij, si ad deum declinauerit, diuinitatem assumat. Ad hoc enim me dirigit, mediocri quod hic est ueritatis lumen, ut claritatē dei & uideamus, & sustineamus: dignam illo, qui nos colligauit, & dissoluet, rursusq; sublimius colligabit. Hunc ergo hominē in Paradiso collocauit (quisquis aliquādo erat Paradisus ille) libero arbitrio illum honorans: ut bonū eligentis nō minus esset, q̃ illius qui semina dederat: immortaliū plantarū colonū, diuinarum forsitan cogitationū, simpliciorum

pariter, & perfectiorū, nudum simplicitate, ac uitæ innocētia, absq; omni uelamine & prætextu. Talem enim esse decebat, qui erat ab initio, deditq; legem, liberū habenti arbitriū, materiam nempe. At lex erat præceptum, quæ planta esset attingēda, & à qua abstinendū: illa uero cognitionis erat lignū. Haud male sub initiū plantatū, neq; inuidiose prohibitū, ne huc deo rebelles linguas suas dirigāt, serpentē uel imitent. Sed bonū quidem, si opportune sumptū fuisset. Etenim cōtemplatio erat planta, quemadmodū cōtemplatio mea, ad quam solū habitu perfectiores tute ascendere poterāt: minime uero simplicioribus bona, nec qui appetitu erāt auidiore, quemadmodum nec teneris, & lacte adhuc indigētibus, cibis solidior cōuenit. At postq; diaboli inuidia, mulierisq; transgressione, in quā uti fragilior incidit, & ad fidendum aptior, perducta est, proh meę imbecillitatis (mea etenim fuit primæui parētis) traditi mandati oblitus homo est, amaroq; succubuit gustui, pariter & à uitæ ligno, & paradiso, & à deo, propter prauitatē extorris agitur, pellisq; induit uestibus: carne forsitan crassiore, & mortali, & reluctāti: tumq; primū, propriā agnoscit turpitudinē, à deiq; abscondit facie, indeq; lucratur quippiam, mortē nempe, ac peccati abscissionem, ne malum esset immortale, sitq; pœna misericordia: ita enim deum punire arbitror. At homo multifariam antea, ob multa correptus scelera, quæ ob diuersas causas, ac tēpora uaria, ex prauitatis germinauerāt stipite, uerbo, lege, prophetis, beneficijs, comminationibus, uerberibus, inundatiōibus, incēdijs, bellis, uictorijs, cladibus, prodigijs ex cœlo, prodigijs ex aëre, ex terra, ex mari, improuisis hominū, ciuitatum, gentiū, subuersiōibus, quibus omnibus, de peccati tantū agebatur exterminio. Tandē ob grauiore morbos, fortiori opus erat pharmaco, propter homicidia mutua, adulteria, periuria, insanos masculorū amores, omniumq; malorū nouissimū & primum, idololatriā ac honoris adorādī, à factore ad facturā, translationē. Hæc igitur postq; maiori indigebāt auxilio, maius quoq; assequūtur: hoc autē ipsum dei erat uerbum, omnibus seculis antiquius, inuisibile, incōprehensibile, incorporeū, ex principio principiū, lux è lumine, fons uitæ & immortalitatis. Archetypi imago, signaculū immotū, similitudo incōmutabilis, patris diffinitio, ac ratio, ad propriam procedit imaginem, carnemq; ob carnē gerit, ac animæ rationali, propter meā cōmiscetur animā, simili simile expurgās, exceptoq; peccato, p omnia homo efficit. nascitur quidē ex uirgine, cuius caro ac anima, iam antea à sancto purgata erat spiritu. Decebat enim, ut ita generatio ornaret, prius tamē uirginitas honore decoraretur. Procedēs autē deus, post assumptionē, unū ex cōtrarijs duobus, carne & spīritu, ex quibus hic quidē deus erat, illa uero in deitatis cōsortium assumpta, ô mixtura noua, ô temperamentū admirandū, existēs nascitur, increatus creatur, intangibilis tāgitur, per mediū animæ rationalis, inter carnis crassiciem, & diuinitatē interpositā. ditans depauperatur: ob meam enim pauper est carnem, ut ego sua locupleter diuinitate, plenus exinanitur: siquidem

siquidem parūper sua exinanitur gloria, ut ego suā cōsequar plenitudinem; quæ nam bonitatis diuitiæ? Quid hoc ad me mysteriū illud? particeps fue-
 ram imaginis eius, uerū non cōseruauī. At ille meæ sit particeps carnis, ut &
 imaginē saluet, carnemq; immortalitate donet, secundā cōmunicat cōmuni-
 cationem, longe priore admirabiliore. Quoniā tunc quidē quod melius erat
 impartitus est, nūc uero deterioris efficit particeps: hoc priore diuinius, hoc
 mentem habētibus sublimius. Sed quid nobis ad hæc dicent calumniatores
 amarulenti? diuinitatis censores, rerū laudandarū accusatores, circa lucē te-
 nebroſi, circa sapientiā indocti, pro quibus Christus gratis occubuit, creatu-
 rē ingratę, diaboli plasmata. Num dei beneficentiā criminaris? num propte-
 rea est paruus, quia propter te humilis, quia propter errantem pastor uenit
 bonus, qui animā pro ouibus suis ponit, montes & colles, in quibus idolis sa-
 crificabas, peragrās, errātemq; inuenit, ac inuentū humeris imposuit, quibus
 & lignū, ac impositū ad supernā reduxit uitā: reductum uero permanētibus
 annumerauit. Quia lucernā accendit, carnem quidē propriā, domumq; uer-
 rit, mundū à peccato mūdans, ac drachmā quæsiuit: imaginē nempe regiam
 uicis cōfusam. & ob drachmæ inuentionē, amicas sibi cōuocat uirtutes, ac læ-
 ticiæ participes facit, quas & domesticæ conuersationis effecerat ministras:
 quia & lucernæ præcuratrici, lumen quoq; succedit splendidissimū, uociq;
 uerbū, & pronubo sponsus, præparāti domino populū acceptū, & præmun-
 danti, ad suscipiendū spiritū per aquam. Hæc deo exprobras? propter hæc
 uiliore reputas? quia linteo præcingit, pedesq; discipulorū lauat, optimāq;
 uiam sublimitatis, humilitatē esse demonstrat. Quia propter animā humi in-
 curuatam humiliatur, ut erigeret quod ob peccatū deorsum uergebat. Proin-
 de cur nō & hoc criminaris? q; cū publicanis, & apud publicanos manduca-
 uit, publicanosq; instruxit: ut & ipse quid lucrifaceret: quid nam tandē? pec-
 catorum salutē. Num quis ideo medicū accusat? quoniā ad morbos sese de-
 mittit, foetoremq; sustinet, ut ægrotantibus sanitatē restituat. Num eum qui
 misericordia ductus in foueam se declinat? ut delapsū pecus ex legis insti-
 tuto conseruet? demissus est quidē, uerū ut homo: duplex enim erat, nam &
 laborauit, & esuriit, & sitiuit, & decertauit, fleuit quoq; sed lege corporis. Si
 autem ueluti deus, quid hoc? bonam patris uoluntatem, legationē esse pu-
 tato, ad quē refert quæ sua sunt, & tanq; principium honorat, eum, qui auo-
 caret, & ne uoluntati diuinæ resistere uideatur. Quoniam & traditus dicitur,
 sed & seipsum tradidisse scribit: & à patre resuscitatus, & resumptus esse, sed
 & seipsum resuscitasse, & iterum rediisse legitur: illa bonæ uoluntatis, hæc ue-
 ro sunt potestatis. At tu quæ illum minorem reddunt, enumeras: quæ uero
 sublimiorem retices: siquidem quod passus sit imputas, uerum quod spon-
 te, non adiungis. Quemadmodū & nunc quoque uerbum patitur: à quibus-
 dam enim ut deus ueneratur, & cōfunditur: ab alijs tanquam caro uitupera-
 tur, & à deitate separatur. Quibus irascatur, seu potius quibus dimittat plus?

num male confundentibus, aut male separantibus: nam & illos diuidere, & hos cōnectere oportebat, illos quidē numero, hos uero diuinitate. carnem ca uillaris: uel eum Samaritanū appellas: ut quod est deterius taceam. hoc & Iudæi faciunt. fidē diuinitati denegas: at illud nec dæmones. O & dæmoni bus incredulior, & Iudeis ingrator. illi filij appellationē, æqualis honoris uo cem existimabāt: hi uero expellentē deum esse nouerant. credebāt enim ob ea quæ patiebantur. Tu autē neq; æqualitatem cōcedis, neq; diuinitatē fate ris. satius tibi erat circūcidi, aut à dæmonibus agitari (ut ridiculi quippiam di cam) quàm in præputio, & bona ualetudine, tam scelerate, & impie sentire. Proinde paulo post uidebis Iesum in Iordane, meam purificare expurgatio nem, seu potius purificatione aquas sanctificantē. Nō enim qui mundi pec cata tollit, purificatione indigebat. Videbis & cœlos se scindētes, & à spiritu cognato testimonium accipientē, tentationem subeuntem, & uincentē, ange lorumq; ministerio fruuentem, ac omnem ægritudinē, & omnem languorem curantem, mortuosq; uiuificantem, utinā & te quoq; in scelerata opinione tua demortuū: ac dæmones expellentem, nunc per semetipsum, nunc per di scipulos: hominesq; innumeros, paucis pascentē panibus, per mare gradien tem: ac traditum, & crucifixū, simulq; cruci mea suffigentem peccata: tanq; agnum productū, & tanquam sacerdotem producentē: quasi hominem sep ultum, uerum ut deum resurgentem, inde ascendentē, & cum gloria sua re/ deuntē. Quot modo, de singulis Christi mysterijs laudes celebrādæ essent? Quorum tamen omniū summa est una perfectio & restauratio mea, & ad primum Adam reuersio. Nunc uero mihi partum fūscipe: & exulta, si nō ut Ioannes ab utero, saltem ut Dauid, propter archæ requiē: & descriptionem uenerare, per quam in cœlos ascriptus es: ac natiuitatem, per quam à uincu lis natiuitatis solutus es, cole, & Bethleem pusillam, quæ te ad Paradisum re duxit, honora: & præsepe in quo cum ratione careres, à uerbo enutritus es, adora. Cognosce ut bos possessorē (Esaias te hortat) & tanquā asinus præse pe domini sui: siue ex animalibus mūdis sis, & sub legem ac ruminationem uerbi reductis, ad sacrificiumq; idoneis: siue ex immundis hucusq; nec cibo nec sacrificio aptis, gentilis quoq; portiuncula, cum stella curre, ac cum Ma gis offer munera, aurū, thus, & myrrham, tanquā regi, & tanquā deo, & tan quam propter te mortuo. Cum pastoribus glorifica, cum angelis subsalta, cum archāgelis hymnum cane: cōmunis sit celebritas, cœlestium, & terre/ strium uirtutū. Credo etenim & illas hodie pariter nobiscū exultare, ac festi uitatē agere. Nam & hominū, & dei tenent amore, instar earū, quas Dauid introducit, post passionē Christū cōcomitantes, & occurrentes, ac inuicē ad portarū eleuationē hortantes, unum quod circa Christi natiuitatem euenit, odio prosequere. Herodis nēpe infanticidiū: seu potius & hoc uenerare, tan quam coætaneā Christi uictimā, ac nouæ iugulationis sacrificiū præcidaneū. Quod si in Ægyptū fugerit, prompte unā fugito: bonū enim cū Christo per secutionem

secutionē sustinere, ac pariter fugere. cū uero in Aegypto demoratur, ipsum ex Aegypto, rite ibi adoratū, reuoca. per omnes Christi ætates, ac uirtutes, irreprehensibiliter perge. tanq̃ Christi discipulus purgeris. circūcidaris, tegimen quod à generatione reliquū est, abice. dein in templo doce, diuina uenientes expelle. & si ita pati necesse erit, lapideris. lapidantes sat scio, latebis, ac per medium illorum, tanquā deus effugies: uerbū enim lapidari nequit. Quod si ad Herodem ductus fueris, ne multis responde. plus silentiū tuum reuerbitur, quā aliorū sermones prolixos. Sed & si flagellaberis, reliqua etiam appetite. propter gustum fel degusta, acetū bibe, sputa quære, alapas excipe, colaphos quoq̃, spinis coroneris, asperitate uitæ quæ secundū deum est, purpuram indue, arundinē suscipe, ab ueritatem illudentibus adoreris. Demū unā crucifigaris, unā moriaris, prompte unā sepeliaris. ut & simul resurgas, & simul glorificeris, & simul regnes, deum quantū uisibilis est cernēs, qui in trinitate adoratur, & glorificatur, quē & nunc nobis manifestari, quantum carne uinctis est cōprehensibilis, optamus in Christo Iesu domino nostro, cui sit gloria in secula, Amen.

GREGORII NAZANZENI THEOLOGI IN SAN
cta epiphaniarum lumina Oratio secunda.



R VRSVS Iesus meus, & rursus, mysteriū, mysteriū haud fraudulētum. nec quod indecorum, aut erroris ac temulentiae sit Gentilis. Ita enim ego illorū pura appellarim, & mecum sentire arbitror, quotquot recte sapiūt, uerum mysteriū excelsum, ac diuinum. & quod claritatem supernā conciliare ualeat. Sacer enim hic quo conuenimus luminū dies, quemq̃ hodie celebrare dignū duximus, exordium quidē à Christi mei baptismo sumit, uerū luminis, illuminantis omnē hominem uenientē in hunc mundū. Operatur autē & meam purgationem, auxiliūq̃ prębet luminī, quod superne ab ipso accepimus, ac sub initiū per peccatū obscurauimus, & confudimus. Vocem igitur audite diuinā in me quidē myste, ac talium sacrorū principe, uehementer resonātem, utinā & in uobis, ego sum lux mundi, & ideo ad illum accedite, & illuminamini, ac uultus uestri lumine uero signati, haud confundentur. Tempus est regenerationis, renascamur superne. tēpus reformationis, primū Adam resumamus. nō quod sumus permaneamus, uerū quod eramus fiamus. Lux in tenebris lucet, uitæ huic & carunculæ. ac tenebræ eam insectantur quidē, sed non cōprehenderunt. de contrarijs loquor uirtutibus, quæ uisibilem Adam impudenter aggredebantur, sed in deū incidentes, uincebant: ut nos tenebras deponētes, luci appropinquaremus, inde & lux efficeremur pfecta, perfecti luminis germina, Videtisne diei huius gratiā, cernitis ne mysterij uirtutē? num à terra eleuamini?

eleuamini? num in supernis statuimini? manifeste uoce nostra, & inductione exaltati. & magis etiam cōstituemini, postq̃ a uerbo prosperatum fuerit uerbum. Nunquid talis est purificatio aliqua legalis & umbratilis? quæ temporalibus proſit asperſionibus, cinereq̃ uituli purificet inquinatos. Num tale quid Gentiles in ſuis celebrant ſacris, quorū ſolennitates cunctæ, ac myſteria mihi nugæ ſunt, dæmonum inuenta caliginofa, & mentis figmenta infelices, tempore adiuta, è fabulisq̃ ſuffurata. Nam quæ ut uera adorant, ea tanquam fabuloſa occultant, cum tamen deceret, ſi uera eſſent ne fabulæ nuncuparentur, aut ſi nō turpia, ut palām oſtenderentur. Si uero mēdoſa, ne admiratione digna cenſerentur, neq̃ tam impudenter de eadem re, penitus diuerſas opiniones haberēt: ueluti pueri in plateis ludentes, uel potius uere infelices uiri, ſed ab hominibus prudentibus, & uerbi adoratoribus, minime comprobata, qui cōmenta hæc, & ſordidam ueri ſimilitudinem execrantur. Non ſunt hic Iouis Cretenſiū tyranni natalia, & furta. licet Gentilibus diſpliceat, neq̃ Curetum ſonitus, & plauſus, ſaltationesq̃ armatæ, plorantis dei uagitus cælantes, ut patrē filiorū oſorem lateret, quandoquidē periculum erat, ſi puer ſe uagitu prodidiſſet, ne illum ut lapidem deglutiret. Non Phrygum emaculationes, & Tybiæ, & Corybantes, & quibuſcunque homines circa Rheam inſaniunt, talia deorū matri ſacra inſtaurantes, talibuſq̃ iniciati ſacris, qualia talium matri ſunt cōuenientia. Nec puella quæpiam nobis rapiſ, ac Ceres errat, & Celeos quosdam introducit, ac Triptolemos, & Dracones, ac quædam facit, quædā uero patitur. Erubeſco enim in lucem proferre, nocturna ſacra, ac ex turpitudine myſteriū facere. Nouit hæc Eleuſis, & ſilentiorum uere ſilentio digna, nouere myſtæ. neq̃ ſunt hæc Dionyſius, ſœmurq̃ imperfectū, quod ſœtum cum dolore parit, tanq̃ aliud quiddam capite ſit prior, ac ſemiuir deus, & ebriorū chorus, exercitusq̃ laſciuus. ac Thebanorū hunc uenerans dementia, & Semeles fulmen adorandum. Neq̃ meretricia ueneris myſteria, quæ ut ipſimet ſatentur, turpiter & naſcitur, & ueneratur. Non Priapi quidam, prurientesq̃ Priapi alij, rebus & formis obſcœni, neq̃ Tauricæ gentis hospitalis cædes, & Laconū Epheborū cruor, qui ſuper aris, dum flagris cæduntur, ſpargitur. & in hoc ſolū male uiriliter agentes, a quibus colitur dea, & hæc uirgo. nam illi idem & molliciem honorant, & audaciam uenerantur. ubi autem Pelopis carnificinam, famelicos deos paſcētem collocabis? amarulentamq̃, & inhumanam hospitalitatem? aut ubi Hecates terribilia & tenebricoſa phafmata? Trophonijq̃ ludos ſubterraneos, & oracula? ſeu Dodoneæ quercus nugalia, aut Delphici Tripodis commenta? uel Caſtaliæ pocula diuinatricia? tantum propriam taciturnitatem nō diuinatia, nullibi eſt magorū immolatio, & fibrarū ſectilis præſcientia. Chaldeorumq̃ Aſtronomia, & natiuitatū ratio, cœleſtium motu noſtra quoq̃ circumuoluens, qui nec de ſeipſis, utrum aliquādo erāt, aut futuri ſint cognoſcere poſſunt, nec ſunt hæc Thracum orgia, a quibus ut fertur, ſuperſtitiones ſumplere

sumpsere initium, non Orphei sacra, & mysteria, quæ adeo Græci ob sapientiam admirati sunt, ut & lyræ pulsu uniuersa illum traxisse effingant. neque Mithri supplicia, digna, quæ sustineantur ab ijs, qui talibus inſitiantur. neque Osiridis dilaniatio, calamitas alia apud Aegyptios uenerata. non Isidis infortunia & Hirci mēdesiorum uenerabiliores. Apidisque præsepium: uitulo, Memphiticorum amentia delicate se oblectante. neque honores, quibus Nilum infamant frugiferum, ut ipsi collaudant, & spiciferum, felicitatemque cubitis mensurantem: ut dicere obmittam, serpentium, & animalium omnigenum honores, & dedecoris ambitionē, quibus singulis, proprie festiuitates quædam sunt & mysteria. Verum in omnibus, communis malorum Dæmonum cultus, adeo, ut si omnino ipsos impie agere oportebat, & à dei opinione excidere, ac in idola, & artis opera, manuumque figmenta impingere, nil aliud ipsis, à sanæ mentis hominibus imprecandum foret, quàm ut talia uenerarentur, & tam officiose colerent, quo eam quam oportebat erroris mercedem, quemadmodum Paulus inquit, in ijs quæ uenerantur reciperent. nō magis illa honorantes, quàm propter illa ignominia affecti. abominabiles ob errorem, sed longe abominabiliores, ob uilitatem eorum quæ adorant, & colunt. ita, ut quanto magis illis ipsis quæ uenerantur, insensati existant, tantum dementia, quantum ea quæ adorantur uilitate exuperet. De his igitur inter se ludant Gentilium filij, ac dæmones, à quibus illis ea insita est dementia, ut dei honorem ad seipsos pertrahant, & alios aliter opinionibus fœdis, & imaginationibus distrahant: ex quo nos à ligno uitæ eiecere, cum lignum cognitionis, non in tempore, neque oportune degustauissemus, nunc tanquam imbecilliores inuadunt, ductoremque animum surripiunt, & passionibus fores referant. nō enim ferebāt cum natura essent inuidi, hominesque odio haberet, seu potius ob propriam maliciam tales effecti essent, ut terreni, celestia consequerentur, cum ipsi ab alto, in terram decidissent, nec ut transmutatio tanta gloriæ, primarumque fieret naturarum. hæc est facturæ persecutio, propter hoc imago dei afficitur iniuria. & quemadmodum quia mandatū seruare haud dignum duximus, libertati erroris traditi sumus: ita quia aberrauimus, ignominia affecti sumus, in ijs, quæ coluimus. Nō enim hoc solum malum erat, ut qui facti eramus ad opera bona, in gloriam & laudem factoris, & quantum erat possibile, ad imitationem dei, fieremus receptaculum omnium uiciorum, quæ interiorē male pasceret & consumerent hominē. sed & hoc, quod deos uitiorum statueremus patronos, ut non solum absque poena peccatum, sed & diuinum esse cēferetur. ad talem siquidem confugerūt excusationē adorantia, nobis uero, quemadmodum gratia diuina, concessum est infelicem effugere errorem, ad ueritatemque accedere, ac deo seruire uiuēti & uero, creationemque supergredi, primos quoque motus, & quæ tempori subiacent cuncta superare: ita, & de deo, ac diuinis & scimus, & differemus, inde exordium sumētes, unde incipere est melius. melius uero, unde Salomō nos ordiri docuit, initium sapiētiae inquit, timor domini

mini. cur uero initiū appellat sapientiæ, timorē? quoniā non à cōtemplatio
 ne incipientes, in timorem desinere oportet. cōtemplatio enim effratos,
 forsitan etiam per præcipitia impelleret. sed timore instructos, & purgatos,
 & ut ita dixerim extenuatos, ad superiora extolli. ubi enim timor, ibi mādā
 torum est obseruatio: ubi uero mandatorum obseruatio, ibi & carnis est pur
 gatio, quæ animæ nebulas offundit, nec radios diuinos pure intueri permit
 tit. ubi autē est purgatio, ibi illuminatio: illuminatio uero desiderij est imple
 tio, illis, qui maxima, aut ea quæ sunt maximī, aut præter magnum quid cur
 piunt. Quapropter primo purgari, inde cum puritate uersari conuenit. si no
 bis accidere nolumus, quod populo Israelitico, qui gloriā uultus Moyſi ferre
 nō poterat, & propterea uelamine indigebat. aut quod Manue euenit, cum
 in dei incidisset imaginationē, & dicere nolumus, perimus ô mulier, quoniā
 deum uidimus. Seu ut Petrus Iesum à nauicula dimittere, tanq̃ præsentia
 sua indigni. cum uero Petrum nomino, unūquemq; per undas intelligo gra
 dientem: aut si nolumus ut Paulus, lumine orbari, qui cum eo quē persequer
 batur, prius quā à persecutionibus purgatus esset, conuersabatur. seu po
 tius magni luminis splendore paulisper illuminari: aut si ut Centurio sanita
 tem quidem expetere uelimus, at curantem ob laudatam timiditatem in do
 mum suscipere nolumus. Dicat igitur unusquisq; è nobis, donec nondū pur
 gatus, sed adhuc seculi Centurio est, multæ etiam in malicia potentia, Cæsa
 ricq; eorum qui deorsum trahunt imperatori militat, non sum dignus ut sub
 tectum meum intres. Cum uero Iesum cernere desiderat, & si spiritali ætate
 adhuc pusillus existat, tāquam Zachæus ille, super Sycomorum attollatur,
 mortificans membra quæ super terram sunt, & corpus humilitatis transcen
 dat. tum sermonem accipiet, & audiet, hodie salus facta est huic domui. salu
 temq; consequetur, & perfectiora colliget, bene spargens & effundens, quæ
 male ut publicanus, collegerat. Ille idem enim sermo, & terribilis est indignis
 propter naturam: propter misericordiā tamen recte percipitur, ab ijs qui ita
 sunt animati, ut impurum & brutum spiritum, ab animabus abigant, & ani
 mas suas agnitione exornent, & decorent, neq; segnes aut ociosas relinquant,
 ne maiori apparatu, iterum à septem maliciæ spiritibus, quot & uirtutis con
 numerantur, occupari queant. etenim quod expugnatum difficilius, hoc etiam
 maiori cura est dignius. Sed ut mali fuga, uirtutisq; operatione, totū Chri
 stum, aut quantum possunt, ad seipsos introducant, ita ut nil uacuum, quod
 maligna uis rursus implere ualeat, relinquant, ne fiant nouissima peiora prio
 ribus, & propter incursus uehementiam, & custodiæ munitionem, expugna
 tionisq; difficultatem. Cum uero omni custodia propriam obseruauerimus
 animā, & ascensus in corde disposuerimus, nobisq; ipsis renouauerimus no
 ualia, in iusticiāq; seminantes, quemadmodū Salomoni & David & Hiere
 miæ uidetur, illuminabimus nobis ipsis lumen cognitionis: tunc dei loque
 mur sapientiā, in mysterio absconditam, alijsq; resplendebimus. interim au
 tem

tem purgemur, & initiemur uerbo, ut cum maxime nobis metipsis benefecerimus, deo similes efficiamur. adueniens quoque uerbum suscipiamus. & non solum hoc, sed & uincamus, & alijs luceamus. Postquam autem uerbo auditores expurgauimus, agite, de solennitate iam disseramus. pariterque ferias, cum festi amatricibus, & deo acceptis peragamus animabus. & quoniam festi summa, dei est memoria, dei quoque memores simus. Etenim celebrantium sonus, qui illic, ubi exultantium omnium est habitaculum, peragitur, nil aliud, quam hoc solum esse puto, ut deus laudetur, & glorificetur, ab istis, qui coelesti illa rep. digni censeantur. quod si praesens sermo, quid, ex istis, quae iam antea sunt dicta continebit, nemo miretur. Non enim eadem solum, sed de eisdem dicam, lingua, mente, & intellectu perhorrescens, cum de deo loquor, quem beatum & laudabilem affectum uobis quoque opto. Caeterum de deo cum dico, uno lumine pariter, & tribus illuminamini: tribus quidem secundum proprietates, uel si alicui ita libuerit appellare secundum hypostases, seu personas. Minime enim de uerbis pugnamus, dummodo syllabae ad eundem sensum perducant. uno autem secundum substantiae, siue deitatis rationem: diuiditur etenim indiuisibiliter, ut ita dicam, & coniungitur diuisibiliter. unum enim in tribus deitas, & tria in quibus est deitas: uel ut exactius loquar, quae est deitas. excessus uero, & defectus obmittamus, ne unitatem confusionem, seu diuisionem efficiamus diuidium: ex aequo enim a nobis absit, & Sabellij contractio, & Arrii diuisio, ex contrario mala, impietate tamen aequalia. Cur enim deum uel male coniungere, aut in inaequalitatem concidere necesse est: nobis autem unus est pater, ex quo omnia, & unus dominus Iesus Christus per quem omnia, & unus spiritus sanctus, in quo sunt omnia: non tamen naturam illius ex quo, & per quem, & in quo secamus: quoniam nec praepositiones, aut nominum ordo quid immutabunt. sed unius, & inconfusae naturae proprietates designamus. & hoc manifestum est, quoniam in unum rursus congregantur: si illud apud Apostolum, non in cassum legitur, quia ex ipso, & per ipsum, & in ipsum omnia, ipsi gloria in secula, Amen. Pater itaque pater est, & initio carens: non enim ex quoquam: filius est filius, non tamen absque initio, nam ex patre est: si uero a tempore initium sumis, & ipse sine initio est. nam temporum factor temporum non subditur. Spiritus sanctus, uere spiritus est, ex patre quidem procedens, non tamen filialiter, quoniam non generatur, sed procedit, si quid in nominibus claritatis gratia innouare oportet: neque enim pater ideo ingenuitus non est, quoniam quid genuit: neque filius ideo non genitus, quia ex ingenito. quo pacto enim? neque spiritus, si aut in patrem, aut in filium refunditur, quoniam procedit, & quia deus est: quamuis impijs haud uideatur. proprietas siquidem immobilis est: quomodo enim proprietas permanebit, si commoueatur & transfundatur? Qui uero id quod ingenuitum est, & genitum, deorum homonymorum naturas constituunt, forsitan & Adam & Seth, quoniam hic quidem non a carne processit, plasma etenim erat: ille uero ab Adam & Eua genitus

est, inuicem iuxta naturam diuersos esse contendent. Vnus igitur deus in tribus, & tria unum, quemadmodum præfati sumus. Postq̃ uero illa, seu illud, ita se habebat, nec solum in supernis adorationē cōtineri, sed & in inferioribus adoratores quosdā esse oportebat, quo omnia dei replerent gloria, quoniam & dei erāt, propterea homo creatur, ac dei manibus & imagine honoratur. Hunc autem diaboli inuidia, & amaro peccati gustu, à deo, qui eum fabricauerat, miserabiliter separatum, negligere dei minime fuit. Quid sit? & quid nam magnū hoc de nobis mysteriū? innouatur natura, fitq̃ deus homo, & qui super cœlū cœli, ad proprię glorię & claritatis orientem ascenderat, ad nostrę imbecillitatis & humilitatis occidentē se demittit: & dei filius, hominis filius, & fieri, & uocari sustinet, nō immutans quod erat, absurdū etenim id, sed quod nō erat assumens: siquidem misericors erat, ut incōprehensibilis, mediante carne cōprehenderetur, ac nobiscum tanq̃ ex cortina cōuersaretur: quandoquidē purā ipsius ferre diuinitatē, nō eiusce naturę erat, quę in generatione & corruptione cōsisteret, propterea immixtibilia commiscemtur, nō generationi solum deus, aut carni mens, aut tēpori tēpore carens, seu mensurę immensurabile: sed & partus uirginitati, ac inhonorato, id quod omni honore erat sublimius, passioniq̃ impassibile, & corruptibili immortalē. Nam quia malicię Sophistes insuperabilē se putauerat, deitatis nos spe decipiens, carnis prætextu & ipse decipitur: ut quemadmodum Adam adoriens, in deum impegerat, ita & nouus Adam ueterem restauraret, carnisq̃ solueretur condemnatio, dum carne mors mortificatur. Proinde iam antea ego solennitatis dux, uosq̃ pariter, rite natiuitatis festum mundane penitus, & supermundane peregrimus, cum stella cucurrimus, cum Magis adoraui-mus, cū pastoribus illuminati sumus, cū angelis glorificaui-mus, cum Simeone in ulnis baiulauimus, cū Anna decrepita, & casta pariter cōfessi sumus, & gratias egimus ei, qui in sua propria, tanquā peregrinus, ut peregrinū glorificaret aduenit. At nūc aliud Christi negociū, aliudq̃ mysterium: læticiā continere nequeo, numine impellor, parumper tanquā Ioannes euāgelizare conabor, si nō præcursor, saltim de heremo. Christus illuminatur, cum illo pariter coruscemus: Christus baptizatur, unā descendamus, ut & unā ascendamus: baptizatur Iesus, hoc solum, quemadmodū & alia accurate obseruare necessum est, quis sit, & à quo, & quādo? nempe purus à Ioanne, & à signis incipiens, ut & nos quid discamus, & in quibusdam erudiamur. Siquidē ad purgationē præparari, humilitatē præ se ferre, & in perfectione spiritalis, & corporalis ætatis prædicare, hoc ad eos pertinet homines, qui rudes ad baptismum properāt, & nō antea exacte se præparāt, neq̃ propter habitum ad bonum, diligentem redemptioni gratiā referunt. Quāuis etenim baptismatis gratia, remissionē præteritorū habeat, quippe gratia est: tamen præcipue tum cauendū erit, ne ad eundem uomitum redeamus: illud uero ad eos spectat, qui per dispensatores mysterij extollunt, ut dignitate aliqua excellent.

Tertium

Tertium illos tangit, qui iuuetuti cōfidunt, & omne tēpus doctrinæ, & prælationis esse existimāt. Iesus purgatur, & tu purgationē contemnis: ab Ioanne, & tu cōtra præconē tuum insurgis. triginta annorū erat, & tu anteq̃ tibi genæ barbitio uestiantur, seniores doces, uel docere credis, cū nondum neq̃ ætate, neq̃ moribus uenerabilis habearis. Sed in prōptu Daniel est, & molesta quædā, iudices adolefcētes, exempla q̃ in linguis: omnis enim qui inique agit, ad excusationē paratus est, uerū nō id quod raro accidit, ecclesiæ lex est. quandoquidē nec una hirundo uer efficit: neq̃ linea una Geometrā, neq̃ nauigatio una rei maritimæ gnarum. præterea Ioannes baptizat, accedit Iesus, sanctificans quidem baptizatorē ipsum, uerum hoc manifestū est, ut ueterem Adam omnino in aquis sepeliat, sed ante hæc, & per hæc, sanctificaret Iordanē: ut quemadmodū spiritus erat, & caro, ita spiritu sanctificaret, & aqua, baptista nō suscipit, Iesus cōtendit, mihi opus est, ut à te baptizer, inquit lucerna ad solem, uox uerbo, amicus sponso, qui inter natos mulierū super omnes, primogenito omnis creature, qui exultauit in utero, illi qui in utero adoratus est, cursor & præcurrēs, apparenti, & apparituro, mihi opus est ut à te baptizer. adde quoq̃, propter te: sciebat enim martyrio se baptizandum fore. & tu ad me uenis, hoc quoq̃ prophetice. Cognoscebat enim, q̃ post Herodē, Pilatus insaniturus esset, seq̃ præcedentē insecuturū Christū. at quid ad hæc Iesus? sine modo: hoc enim dispensatio. sciebat enim, quod paulo post ipse, baptizatorem suum esset baptizaturus. at quid est uentilabrum? purgatio. qd uero ignis? illius quod leue est cōsumptio, ac spiritus feruor. sed quid securis? insanabilis animæ excisio, etiā post stercorationē. quid autē gladius? incisio uerbi, secernēs deterius à meliori, & diuidēs fidelem ab infideli, & exuscitans filiū & filiā & nurū, patri & matri & socrui: noua & recentia, ueteribus & obscuris. at quid corrigia calciamēti, quā tu, qui Iesum baptizas, nō soluis? heremi incola, absq̃ cibo degens, Helias nouus, propheta maior, quoniā quem prædixeras cernis, ueterū & nouorum mediator, quid hoc est? ratio aduentus eius, & carnis, cuius nec extremū dissolubile, non solum ijs qui adhuc carnales & infantes in Christo existunt, sed nec illis, qui Ioanni in spiritu sunt æquales. sed & Iesus ex aqua ascendit: nam secū mundum pariter eleuat, cœlos q̃ uidet apertos, quos Adam sibi ipsi, & descēdentibus clauferat. Quemadmodū cum Romphea ignea paradisum, Proinde & spiritus deitati testimonium perhibet, nam simili suo cōcurrit: & ex cœlis uox, inde enim erat is, cui testimoniū perhibet. & tanq̃ columba, honorat enim corpus, quoniā & hoc in deum assumptū est, corporaliter apparet: & simul à longe stetit columba, ut diluuij solutionē annunciatet. Porro si in magnitudine & pondere diuinitatē dijudicas, & propterea ò de magnis paruiloque, paruus tibi uidetur spiritus, quoniā in forma apparet columbæ, poteris cœlorū quoq̃ regnū ignominiosum putare, quoniā grano cōparatur sinapi: & Iesu magnitudinē, superare aduersariū, quoniā ille mons magnus

uocatur, Leuiathan quoq; & rex corū qui in aquis. iste uero agnus, & Margarita, & gutta, & similibus nūcupatur uocabulis. Ceterū quoniam baptis-
 matis est sollemnitas, oportetq; parumper cōformari ei, qui pro nobis formā
 suscepit humanā, & baptizatus, & crucifixus est, age, & quippiam de baptis-
 matū philosophabimur differentia, ut hinc discedamus purgati. baptizauit
 Moyles, sed in aqua. & antea in nube, & in mari, sed per figurā, ut & Paulo
 uidetur. siquidē mare aquæ, nubes uero spiritus, at manna panis uitæ, potio
 uero petrae, potionis diuinæ erat figura. baptizauit quoq; Ioannes. uerū nō
 iam Iudaice. quoniā non in aqua solum, sed & in pœnitentiā. non tamē per-
 nitus spiritaliter, haud enim addidit in spiritu. baptizat Iesus. uerum in spiri-
 tu. hoc erat perfectio. & quomodo nō deus, ut parumper speculationi indul-
 geam, unde & tu fieres deus. scio & quartū baptisma, quod per martyriū &
 sanguinem fit, quo & Christus ipse baptizatus est, longe reliquis uenerabi-
 lius: quoniā ita baptizati, secūdis sordibus haud inquinantur. Scio etiam &
 quintū lachrymarū nempe. sed laboriosius. sicut ille qui per singulas noctes
 lectum lauat suum, & stratum lachrymis. proh maliciæ, cuius putruerunt &
 cicatrices, qui lugēs ac mœstus incedit, qui imitatur conuersionē Manasse &
 Niniuitarū miserandam humilitatē. qui publicani in templo loquit̃ uoce, &
 ultra iactatorē iustificatur Phariseū. qui tanq; Cananæa incuruatur, & mi-
 sericordiam quærit, & micæ, canis cibum esurientis desiderat. Ego igitur, ho-
 minem enim me esse fateor, animal mutabile, & naturę fluxę, baptisma hoc
 prompte suscipio, & adoro largitorem, & alijs impertior, & ingero misericor-
 diæ misericordiā. Noui etenim q̃ infirmitate circūdatus sum, & quemadmo-
 dum mensus fuero, remetietur & mihi. tu uero quid dicis? quā legem statuis
 Phariseæ nouelle? & nomine pure, nō tamen uolūtate, qui & post eandem
 imbecillitatē, ea nobis quæ & Nouatus profers. nō pœnitentiā suscipis, non
 plāctibus locum præbes. cur nō & lachrymas lachrymaris? ne tu quoq; ta-
 lem iudicē cōsequaris? non Iesu misericordiā ueneraris? qui infirmitates no-
 stras accepit, & ægritudines portauit. qui nō propter iustos uenit, sed ob pec-
 catores, in pœnitentiā, qui magis uult misericordiā q̃ sacrificium. qui septua-
 gies septies peccata dimittit. quā beata esset altitudo tua, si puritas existeret,
 & non superbia. qui legē fers super hominē, & desperatione aufers emenda-
 tionem. æquale enim est malum, & dimissio absq; castigatione, & castigatio
 sine uenia. quandoquidē illa totas relaxat habenas, hæc uero nimīū restrin-
 git. ostende mihi puritatē, & tuam suscipiam audaciā. Nunc uero timeo, ne
 dum scateas ulceribus, introducas quid incurabile. neq; enim Dauid recipis
 pœnitentē, cui & propheticā gratiā pœnitentia cōseruauit. neq; Petrum ma-
 gnum, passione quadā humana ob salutem affectū. at Iesus recipit, & trina
 interrogatione & confessione, trinam reparauit negationē. neq; eum qui per
 sanguinē pœnitentiā peregit suscipis. siquidē & hoc tuæ est arrogantia. ne-
 que eum qui in Corintho legem transgressus est, at Paulus dilectionē ad-
 didit

didit, postq̃ emendationē conspexit, & causam quoq̃, ne talis ampliori absorbeatur tristitia, correptionis degrauatus immodestia. neq̃ uiduis adolescentibus, propter ætatis imbecillitatem nubere permittis. At Paulus hoc ausus est. ubi tu scilicet magister, in quartū cœlum ascendisti, & aliū paradisum & arcaniora audiuiſti, & maiorē q̃ Paulus circuitum, Euangelij prædicatione expleuiſti. sed nō post baptismū hæc inquis. quo nam pacto hoc demonstrabis? aut ostēde, aut nō dī iudica. si uero dubiū est, uincat misericordia. sed Nouatus inquis nō recepit eos, qui in persecutione lapsi sunt. quid hoc, si nō pœnitētes, iuste. nec ego quidē recipio eos, qui aut penitus nō, aut minus digne flectūtur, neq̃ emundatione scelera cōpensant. cum uero recepero, competentem ipsis locū distribuo, & si lachrymis rigatos uidero, Nouatū nō imitabor. etenim quæ mihi lex erit, Nouati inhumanitas? qui auariciā idololatricam secundā non corripuit, fornicationē uero tam acerbe condemnauit, ac si carne & corpore careret. quid dicitis? persuadebimus ne uobis sermonibus istis? huc cū nobis hominibus consistite. magnificemus pariter dominū. ne mo uestrū dicere audebit, etiam si ualde sibi ipsi cōfidat, noli me tangere, purus enim sum. & quis talis quemadmodū ego. impartimini & nobis quoq̃ aliquid splendoris. uerū non persuadebimus, at tamen pro uobis lachrymas effundemus. igitur isti quidē si uoluerint, per uiam nostrā, & Christi: sin minus, per suā incedant. Forte ibi igni obuiantes, baptisate ultimo baptizantur, laboriosiori, & prolixiori, quod materiā tanq̃ fœnum deuorat, & omnis maliciæ leuitatē consumit. nos uero Christi baptisma hodie uenemur, ac rite festiuitatē peragamus. nō uentris delicijs uacātes, sed spiritaliter exultantes. uerū qualiter delicijs indulgebimus? lauamini, mūdi estote. equidem si peccatis eritis rubei, & paulo minus sanguinei, tanq̃ nix dealbabimini. si uero coccinei, & penitus sanguinū uiri, ad lanæ candorem reducemini. penitus autē purgamini, & purgabimini. quandoquidē nulla re adeo lætatur deus, quemadmodū hominis emēdatione, & salute. ob quā omne uerbum, omneq̃ mysteriū. ut efficiamini tanquā luminaria in mundo, alijs hominibus uirtus uiuificatiua. ut lumina perfecta magno lumini astantes, luminarium festiuitati quæ illic peragitur inītiāmini. splendentes trinitati, purius & absolutius. cuius nūc per q̃ mediocriter, unicū splendorē, ex una suscipimus deitate, in Christo Iesu dñō nostro. cui sit gloria in secula seculorū, Amen.

GREGORII NAZANZENI THEOLOGI IN SAN
ctum Lauacrum Oratio tertia.



HIERI splēdidissimi luminarium diei solennitatem peregrimus, etenim ob salutē nostram lætari decebat, & longe magis quā ob carnaliū amicorū nuptialia, aut natalia, nominū ue impositionē, aut comæ primitias, domesticaliaq̃, & anniuersaria, aut ob quascūq̃ festiuitates alias, quæ ab hominibus celebrari solent. Hodie

uero breuiter de baptismo, & quæ nobis inde beneficentia euenit, differemus. tamen heri urgenti hora nostra accelerauerit oratio, sermonisque pariter satietate declinauerit, satietas etenim inimica est auribus, quæ admodum cibis superflua corporibus. Proinde dicendis animū adhibere decet, ac non incassum sed prompte de talibus sermonem suscipere. quandoquidem & illud illuminatio est, cum mysterij uis cognoscitur. triplicem itaque scriptura nobis generationē ostendit, unam ex corporibus, aliam ex baptismo, tertiam ex resurrectione. Ex quibus hæc nocturna, serua, & passiva est. illa uero diurna, libera, & passionū solutiva, omnes generationis sordes abscindens, ac ad supernam uitam perducens. at tertia plus formidanda, succinctiorque, quandoquidem omnem creaturā celeriter colligit, ac coram creatore sistit, ut de præsentis seruitute, & ijs quæ hic gessit, rationē reddat. num carnem solam secuta sit, aut & spiritui obtemperauerit, ac propter creationem gratias dignas retulerit. Has itaque natiuitates cunctas, Christus meus, in seipso honorasse uidetur. primam inspiratione principali ac uitali, secundam uero incarnatione & baptismo, quo ipse baptizatus est, at tertiā resurrectione, cui ipse initiū dedit, ut quemadmodū in multis fratribus primogenitus fuerat, ita & ex mortuis primogenitus fieri haud dedignaretur. Proinde de natiuitatibus duabus, prima inquam & nouissima, philosophari temporis non est præsentis. at de media, & quæ nunc nobis est necessaria, quæ & luminariū dies cognominatur, iam uerba faciemus. illuminatio splendor est animarū. uitæ translatio. inquit sitio per quam ad deū cōscientia attollitur. illuminatio adiutoriū nostræ est imbecillitatis, illuminatio carnis est abiectio, spiritus affecla, rationis participatio, creationis emendatio, peccati diluuiū, luminis cōmunicatio, tenebrarū dissolutio. illuminatio ad deū est uehiculū, Christi peregrinatio, fidei sustentaculū, mentis perfectio, regni cœlorū gloria, uitæ permutatio, seruitutis ablatio, uinculorū solutio, fœderis cōmutatio. illuminatio (quid necesse est plura enumerare) ex dei donis est pulcherrimū, & magnificentissimū. Quemadmodum quædā sancta appellantur sanctorū, aut quod excellentius & magis proprium est cantica canticorū, ita & illa omnibus reliquis, qui apud nos sunt splendoribus, est sanctior. uocatur autē donum hoc, quemadmodū & dator eius Christus, multis ac uarijs nominibus. siue id nobis ob exuberantiam rei accadat læticiam (delectantur enim qui alicuius rei magno tenentur amore, iucunde circa illius uersari nomina) siue quod beneficia innumera nobis denominationū multitudinem struant. donū igitur appellamus, beneficium, baptisma, unctionē, illuminationem, incorruptionis indumentū, regenerationis lauacrū, signaculum, omne quodcunque preciosum est. Donū quidem, quoniā cum nil contulerimus, nobis datum sit. beneficiū tanquā debentibus. baptisma, tanquā peccata in unda pariter sepeliantur. unctionem uero, tanquā sacra sit, & regia. siquidē hæc erāt uncta. illuminationē autē, tanquam splendorē. indumentum, ueluti turpitudinis tegumentū. Lauacrū uero, tanquam

quam ablutionē. at sigillum, tanq̃ conseruationē, & dominationis designationem. Illuminationi igitur huic, cœli cōgaudent. hanc, ob splēdoris cognitionem, glorificāt angeli. illa supernæ felicitatis est imago. hanc, tametsi laudibus extollere cupiamus, nō tamen ut dignū est ualemus. Deus etenim lumen est sublimissimum, inaccessibile, ac ineffabile, quod neq; mente cōprehendī, neq; sermone exprimi potest, omnē naturā rationalē illuminās. illud in intelligentia, quod sol in sensu, existens, tāto magis cōtemplatione intellectum, quanto plus purgamur: ac quantū magis contemplamur, tanto plus dilectū: & quantū magis diligimus, tanto plus rursus cognitū. seipsum contemplans, & cōprehendens, pauca extrarijs effundens, lumen inquam, quod in patre, & filio, & spiritu sancto cōtemplari potest, quorum diuitiæ sunt cognatio eadem, & unica splendoris eruptio. Secundū lumen angelus est, primi illius luminis defluxus quidā, aut depēdentia, cuius intuitu, & ministerio splendorē obtinet. quāuis ignorem, utrum ordinis statione de lumine participet, seu splendoris commēuratione ordinē assumat. Tertiū lumen homo est, quod & extrarijs patet. siquidē hominē lumen appellāt, propter rationis uim quæ in nobis esse deprehēditur. potissimūq; ex nobis eos, qui deo sunt similiores, & illi magis approximant. Noui & aliud lumen, à quo primæuæ tenebræ dispelluntur, quod in principio diuisum, in cōditione uisibiliū substitit. quæ diuisio, & circularem astrorū ambitū, & resplendentia supernā, mundūq; illuminat uniuersum. quin & mandatū primogenitum, datū primogenito, lux erat. quandoquidē mandatum lucerna est legis, ac lumē. & ideo mandata tua lumen quoddā super terra. tametsi inuidæ ingressæ sint tenebræ, ac maliciā produxerint, lumen tamen est, lex scripta, figurale & cōmensuratum, ijs qui suscipiūt, sub umbra ueritatē describens, & magni illius luminis mysteriū. quandoquidē & Moysis facies illo glorificat. & ut plura lumina ex scriptura proferamus, lumen equidē fuit ex igne, quod Moyse apparerat. quandoquidē rubum inflammabat, sed non cōburebat. ut & naturam ostenderet, uimq; suam manifestaret, erat & illud lumē, quod in ignis columna Israel deducebat, ac desertū ad cultum reducebat. lumen erat, quod Heliam in ignis curru rapuit, non tamen raptū exussit. lumen erat, quod pastores circūfulsit, cum lumen omni tempore carens, luci cōmisceretur temporaneæ. lumen erat, currentis ad Bethleem stellæ pulchritudo. ut & Magos deduceret, ac lumini superno, quoniam ad nos accessisset, dona ferret. lumen erat, diuinitas illa, quæ se in monte discipulis ostendit, ac eos uisu tantillū priuauit. Lumen erat uisio quæ circa Paulum coruscavit, calamitas pariter & oculorum quæ animæ curauit tenebras. quin & lux est, supernus ille splendor, ijs qui hic sunt expurgati. quoniam iusti ut sol splendebunt. in quorum medio deus stetit, cum dii essent & reges, impartiens ac diuidens supernæ beatitudinis dignitates. iuxta hæc lux est peculiaris baptismatis illuminatio, de qua nobis nunc sermo est, magnum, & admirandum nostræ

salutis continens mysteriū. postquā enim nil peccare dei, ac primæ & incompositæ naturæ est proprium (simplicitas enim pacifica existit & seditione caret) quin & dicere audeo angelicæ quoq; quia huic propter dei propinquitatem est q̄ proxima: at peccare humanū, ac infernæ est cōpositionis (etenim cōpositio dissidiū est initiū) indignū arbitratus est dominus, facturā suā sine auxilio derelinquere, aut sua culpa periclitans negligere dissidiū. uerū, quem admodum cum nō esset, illam creauit, ita & creatam reformauit: reformatio ne diuiniore, & prima longe excelsiori. quæ quidē inchoantibus est sigillū, at ijs qui robustiori sunt ætate, gratia, & passiua imaginis ob maliciā emendatio. ne desperatione deteriores effecti, ac semper ad peiora declinantes, tandem propter desperationem à bono, & uirtute penitus excideremus. seu in malorū abyssum, ut dici solet incidētes despiceremus. sed quo instar eorum qui uia lōga peregrinātur, diuersorio labores recrearemus, ita quod reliquū uix esset, refecti, ac expediti perageremus. siquidē ipsa baptismatis gratia ac uis, nō mundi diluuiū ut olim, sed uniuscuiusq; peccati continet purgationē. & omnimodā sceditatum & iniquationū, quæ à prauitate ingressæ sunt, reiectionem. Proinde cū duplices simus, ex anima dico & corpore, illud q̄ uisibilis, ista uero inuisibilis sit naturæ: ita & duplex est purgatio, per aquam inquam, & spiritū. & hæc quidē uisibiliter ac corporaliter suscipitur, at illa incorporaliter & inuisibiliter cōcomitur. ac una quidē est figuralis, sed altera uera. quæ & profunda expurgat, prioris generationis adiutoriū existēs. nouos pro ueteribus, ac dei similes, pro eo quod nunc sumus, efficit. absq; igni conflans, & sine cōfractione irradians. si enim breuiter dicere oportet, baptismatis uis, cum deo uitæ secundæ, ac purioris cōuersionis est pactū cēsendum. Quapropter admodum timendū, ac uniuscuiusq; anima omni custodia obseruanda, ne pactū hoc fallere uideamur. si enim pacta humana, non absq; dei indignatione frangūtur, quāto periculo obnoxij erimus, si ea pacta quæ cum deo ipso pacti sumus, transgredi inueniamur? ac non solum aliorū peccatorū rei erimus, sed & ueritati de mēdacio ipso rationē reddere cogamur? & hæc cum non super sit regeneratio secunda, neq; reformatio, seu in pristinum statum restitutio, etiam si per q̄ uehemēter illam lachrymis & multis quæramus suspirijs, ex quibus uix quidē iuxta diffinitionē meam, & legem, cicatricum euenit obductio. quamuis ueniat, id q̄ credimus, quod si & cicatrices quoq; delere possumus, amplector id utiq; quandoquidē & ipse misericordia indigeo. ueruntamen secūda nō indigere purgatione, sed in prima firmiter persistere, longe est cōducibilis, quam scio esse cōmunem, & facilem, ac honore æqualem omnibus, seruis, dominis, pauperibus, opulētis, humilibus, excelsis, nobilioribus, ignobilioribus, debētibus, nil debētibus. quemadmodum aeris spiritū, & luminis effusionē. annui temporis immutationem, ac creaturæ aspectum, ob magnas & communes omnibus nobis delicias, & fidei portionem æqualem. graue igitur est, pro medela faciliore, laboriosiorē

struere

struere, ac gratiā abijcere misericordie, suppliciumq; acquirere, & emendationem peccato cōpensare. quot enim effundemus lachrymas, ut & fons restitueretur baptismatis? quis fideiussor erit, q; ad finem usq; medela sit duratura? sed & nil debētes, iudiciū quoq; nos excipiet, ac debita illic excussio. at tu humanissime ac optime agricola, dominū rogabis, ut ficui adhuc parcat, & illam inculpatam, quoniam fructum haud ferat, nondum excidere iubeat, sed permittat, ut illi fimum circumponas, lachrymas scilicet, suspiria, reuocationem, in humo dormiturationē, uigilias, animæ ac corporis liquefactionem, propter manifestæ & turpioris uitæ correctionē. incertū autem est, nunquid huic dominus sit parsurus, tanq; ociose locū occupanti, qui alia indigeat misericordia, ac deteriori ob longanimitatē illam euadenti. Igitur cum Christo per baptismā sepeliāmur, ut cum illo surgamus, cum illo descendamus, ut & pariter exaltemur. cū illo ascēdamus, ut cum eo glorificemur. quod si post baptismā tentator, & lucis persecutor te inuasit, inuadit enim (nam & uerbū & deum meū sub prætectu inuasit) lumen occultum propter id quod manifestum est, habes in quo uincas. ne time certamen, obice aquam, oppone spiritum, in quo omnia membra maligni succēsa extinguentur. spiritus sanē est, uerū dissoluens deserta. aqua quidē est, sed flammæ extinctiua. Quod si indigentia prætendat, nam & hoc facere ausus fuit, ac iniecta fame ut lapides panes si aut quærat, ne ipsius te lateant uersutia, cum docet quæ non didicit. uerbum oppone uitale, quod panis est ē cœlo demissus, ac mūdo uitam conferēs. quod si uana gloria tibi insidiabitur, nam & illud facere solet, statuens super tēpli pinnaculum, ac te deorsum dicens, ob diuinitatis ostentationem præcipita, ne propter elationē assentiaris. si hoc affecutus fuerit, non illic consistet. insatiabilis est. omnia scrutatur. Christo enim adulari uidet, attamen in malignum terminat. hæc belli ipsius formula. sed & scripturas latro nouit: ibi enim de pane scriptum est, hic uero de angelis. siquidem scriptum est ait, quoniam angelis suis mādauit de te, & in manibus portabunt te. O Sophista maliciæ. cur sequentia suppressis? recte enim id noui, tametsi tu si leas, quoniam super te aspidem & basilicum ascendam, & super serpētibus & scorpionibus, trinitate circūseptus, ambulabo. quod si te insatiabilitate oppugnare conatur, omnia ostentans regna, tanquam illa uno tempore momentoq; & ictu oculi præstare possit, adorationem expetēs, tanquam mendicum contemne, ac signaculo cōfusus responde. & ego dei sum imago. nondum propter elationem ueluti tu, à superna excidi gloria. Christum indui. Christū baptisinate acquisiui. tu me adora. discedet, recte noui, his deuictus & ueluti à Christo, lumine primo, ita & ab ijs qui ab eo illuminati sunt confusus. talia lauacrum ijs qui illud sentiunt confert. tam uaria recte esurientibus cōiuiua præbet. baptisemur igitur ut uincamus. participes fiamus aquarum purgatiuarum. hyssopo expiabilioribus, uitulorū cinere sanctioribus, qui cōmunicantes expurgat, ac aliqualem corporis purgationē, non tamen omnimodam

omnimodam peccati sublationē cōtinet. cur enim oporteret semel purgatos iterum purgari: baptisemur hodie ne cras cogamur: & ne differamus beneficium tanquā maleficium, neq; expectemus donec maiori cōtaminemur malicia, ut maiorem cōsequamur remissionē, neq; Christi caupones, ac Christiani institores, neq; maius assumamus onus q̄ ferre possimus, ne unā cū naui ipsa submergamur, gratiamq; naufragio perdamus, omnia, quoniam plurima sperauimus amittentes. dum adhuc cogitationū tuarum dominus existis, ad donum accurre. dum adhuc nec corpore nec mente agrotas: aut præsentibus ita uideris etiam si sapias, cum nondum in aliorū arbitrio tuum consistit bonū, sed tu ipse illius dominus es, dum adhuc lingua non balbutit, & officio suo fungi potest: neq; offendantur ut nil ultra dicā iniciationis uerba: dum adhuc fidelis fieri poteris, nō simulans sed confitens: non miserandus, sed beatitudinē cōsecutus. dum adhuc tibi manifestum est donum, & non iam dubium, gratiaq; profundum attingere potest, & necdum corpus ad sepulturā abluitur, dum nondum pro te lachrymæ effunduntur tuū indicantes exitum: & hæc forsitan in tui gratiam expressæ, uxorq; & filij, peregrinationem tuam deplorant, ac uerba exquirūt tristitia: dum nondum medicum desperantem de te cernis, tibi promittentem, quorū nec ipse dominus existit, nutuq; salutem tuam trutinantē, ac de ægritudine num ad mortem tendat philosophantem: siue ut dissimulando mercedem augeat, aut salutis desperationem uel obscure indicet, dum nō adhuc inter se pugnant baptisator, & pecuniarum cumulator, isto ut uaticum præpares, illo ut hæres inscribaris cōtendente: cum tempus utraq; haud cōcedat. cur febrem præstolaris benefactorem, & non deum? cur tempus, & non rationem? cur amicū insidiatorem, & nō desiderium salutare? cur non potestatem, sed uiolentiā? cur non libertatem, sed angustiam? cur ab alio necesse est discere exitum, & non tanq̄ iam instantem cognoscere? cur medicamēta nil tibi profutura quæris? cur diem Criticum sudantem? cum forte exitus instet: te ipsum ante necessitatē medicare, te tuīpsius misereat, ueram imbecillitatis medelam, Pharmacum salutis, tibi ipsi adhibe. donec uento nauigas secundo naufragiū formida, & minus nausea grauaberis. timor te adiuuet: laudetur donum, & non lugeatur. talentū exerceatur, & nō defodiatur: sit aliquid in medio gratiæ, & resolutionis, ut non solum literæ deleantur malæ, sed & meliores inscribantur, ut non solum gratiā, sed & retributionē consequaris, ut nō solum ignem effugias, sed & gloriam hæreditario iure assequaris, quæ si exerceatur dono gratificatur. siquidem pusillanimis magnū est, si effugiant examen: magnanimis autem, ut retributionem consequantur. Etenim tres esse scio saluandorum ordines, seruitutem, sub mercede mereri, filium esse: si seruus es, plagas uerearis: si mercenarius, ad id solum ut accipias attende: si ultra hos & filius, tanquam patrem reuerearis: operare bonum, quoniam bonum patri obedire, & si nil tibi inde euenire debeat, nam hoc ipsum merces tibi erit,
ut patri

ut patri gratificeris, hæc nos contemnere haud uideamur: absurdū enim est pecunias corradere, sanitatē uero suspendere, & corpora quidem emū dare, animæ uero purgationē negligere, infernæq; seruitutis libertatē quærere, supernæ uero nullā curā habere: & ut magnifice habites, uel induaris, omnem operam adhibere, uerum ut tu metipse longe dignior sis minime curare: & ut alijs quidem beneficias promptum esse, tibi ipsi uero haud uelle prodesse, quod si bonum tibi esset uenale, nullis parceres pecunijs, cum uero coram te exposita sit misericordia, beneficium paratū contemnis, omne tibi tēpus ab lutionis sit, quoniā & omne resolutionis, cum Paulo tibi clamo uoce magna, ecce nunc tempus acceptabile, ecce nunc dies salutis: siquidem nō unum tempus, sed omne quod præsens est definit. & iterum, euigila dormiens ac surge ex mortuis, tibiq; apparebit Christus, dissoluens noctem peccati: quoniam iuxta Esaïam, spes praua in nocte, conducibilisq; est matutinū cōprehendere tempus, semina in tēpore, ac fructum collige, aperiq; horreū cum tempus adest: ac in hora planta, & uindemiabis racemū maturum: uernoq; confusus tempore ē portu solue, rursusq; inchoante hyeme, ac cum mare furit, nauem subducas: sitq; tibi belli & pacis tempus, & nuptiarū, & non nuptiarū, & amicitiae & separationis, si ista indigueris: & penitus omnium rerū, si quid Salomoni credendum est: utilis nanq; admonitio. Proinde semper quæ salutis sunt operare, ac omne tibi tēpus baptismatis sit terminus: si enim semper hodiernum negligis, ac crastinum obseruas, paulatim dilationibus à maligno (ut facere solet) deceptus, mihi dicente da quod præsens est, deo quod futurum, mihi iuuentutem, deo senectutē, mihi uoluptates, illi quod inutile est, in quali nam periculo constitutus eris? quot nam præter spem accidunt? quandoquidem aut bellum consumpsit, aut terræ motus absorpsit, aut mare hausit, aut fera rapuit, aut ægritudo perdidit, aut mica strangulauit uilissimā (Quid enim homini facilius quàm mori, & si admodum propter imaginem superbis) aut potus superabundās extinxit, aut uentus præcipitauit, aut equus discerpsit, aut medicamentū data opera insidiosum sustulit, casu quoque nonnunquam pro salutari, uenenosum deprehensum est: aut iudex inhumanus, aut carnifex inexorabilis, aut quid simile, quod exitū maturat, omni fortio rem remedio: quod si te ipsum sigillo præmunieris, & quod futurū est pulcherrimo ac firmissimo tutum reddideris auxilio, corpusq; & animam unctione & spiritu signabis, tanquam Israel olim, nocturno & præsidario primogenitorum sanguine & unctione, quid tibi accidere, aut molestias exhibere poterit? prouerbiū audi, Si enim inquit, sedebis, absque timore eris: si uero decubueris, iucunde somnum capies, & à Dauid persancte dictū est, non timebis à timore nocturno, ab incurso & dæmonio meridiano. Hoc enim tibi uiuenti maximæ erit securitati: agno enim signato, haud facile insidiæ fiunt, non signatum uero furibus obnoxium est: hinc uero migranti sepulchrū erit exquisitissimū, omni tegumēto splendidius, auro preciosius, tumulto magnifi-

magnificentius, funebribus certaminibus uenerabilius, maturis primitiis opportunius, quibus mortui mortuis gratificantur, ex consuetudine legem facientes, omnia tibi transeunt, omnia auferuntur, pecuniæ, opes, regna, splêdores, & quæcunq; infernæ sunt reuolutionis: tu uero si uitâ in securitate transiges, minime ab ijs, quæ tibi deus in salutis auxilium cõcessit, offenderis. Sed forsitan times, ne gratiam corrumpas, & propterea differs purgationẽ, tanquam quæ tibi secundo obtingere nequeat: uerum nunquid times, ne ab persecutore tempore tibi immineat periculum, & quod maximum ex omnibus habes, amittas Christũ? Proinde ideo, ne fias Christianus fugis? apage nõ fani timor hic est, insipientis cõsideratio hæc, proh quàm incauta cautela, si ita dicere oportet, proh spiritus maligni Sophismata, qui cum caligo sit, lucem tamen simulat: & cum aperto Marte non præualet, occulte insidiatur. cumq; scelestissimus existit, consiliarius fit bonus, ut omnino aliquo modo præualeat, ipsiusq; insidias minime effugiamus. talia igitur callidus ille machinatur: siquidẽ cum manifeste, ut baptisma contemnas persuadere nequeat, propter formationis securitatem, tibi damnũ inferre conatur. ut te lateat quod id quod times propter timorẽ patiaris, & dum donum corrumpere uerearis, penitus à dono illo excidas. & hic quidem talis est, nec unquam à sua cessabit uersutia, quoad nos ad coelos, unde ipse excidit tendere cernit: tu uero homo dei, insidias aduersarij cognosce. nam contra inimicissimũ, & de rebus maximis tibi certamen est: ne suscipe inimicum consiliariũ, ne contemne fieri & nominari fidelis: donec es Cathecumenus, in foribus pietatis uersaris, introire te oportet, aulam pertransire, sancta contemplari, in sancta sanctorum reclinare, trinitati coniungi. magna sunt pro quibus pugnas, magna quoq; indiges munitione: obice scutum fidei, timebit te cum armis pugnantem: propter hoc te gratia exuere conatur, ut facile inermem & incustoditũ superare possit, omni ætati baptisma conuenit, omni uitæ formæ, omnibus cõgruit hominibus. Iuuenis es, contra passiones consiste, cum baptismatis auxilio in dei connumeraberis acie, contra Goliath decerta, accipe millenarios, uel decem millenarios: ita ætate perfrue, uerum ne patiaris iuuentutem tuam marcescere, fidei imperfectione mortuam: si uero senex es, fataliq; necessitati propinquus, caniciem uenerare, prudẽtiam eam quam exigit, pro illa quam nũc habes imbecillitate exhibe, paucis diebus subuenias, senectuti purgationem committe. quid ea quæ iuuentutis sunt times? in extrema es ætate, ultimumq; trahis spiritum, & ut mortuus laueris expectas, nõ magis miserandus quàm odio dignus. num uoluptatum reliquias expetis? cũ tute uitæ sis residuum. turpe est senescere ætatem, non tamẽ senescere lasciuiam, sed te ob purgationis cunctationem, aut talia pati aut ita uideri. Quod si tibi infans est, non surripiat malicia tempus, ex puericia sanctificetur, ex unguibus spiritui consecratur. tu ob naturæ imbecillitatem signaculum reuereris? quàm pusillanimis mater, ac fidei modicę. At Anna prius quàm natus esset

Samuel

Samūel, illum deo uouit. natumq; confestim sacris initiat, ac in sacra educat stola, non humana formidans, sed deo credēs. nil tibi opus est uinculis, & incantamētis, per quæ malignus ingrediat. qui in tenerioribus, à deo reuerentiam surripere, & in seipsum trāsferre conatur. da infanti trinitatē, magnam & præstantissimam custodiam. Cæterū cur non cum adhuc uirginitatē conseruas, purgatione signaris? proin hanc in uitæ assume consortiū, & conuersationem. illa tibi uitam ac rationē dirigat, omne membrum, omnes motus, omnem sensum. honora ipsam, ut te decoret, ut capiti tuo coronam tribuat gratiarū. corona uero deliciarum protegaris. quod si nuptiis ligatus es, signaculo quoq; hoc nuptiæ colligentur, tibi ipsi hanc, modestiæ tutelam ascisce. quot eunuchis, quot ianitoribus firmiorem esse arbitraris? quod si nondum carni colligatus es, ne timeas sanctificationem. etiā post nuptias purus eris. meū sit periculum. ego huius rei sum cōciliator. ego pronubus. nō enim quia uirginitas honorabilior est, ideo nuptiæ inter ignominiosas. imitabor Christum pronubū purum, ac sponsum, qui & mirabilia in nuptiis peragit, copulationemq; sua honorat præsētia. tantummodo puræ sint nuptiæ, ac sordidis affectibus incōtaminatæ. unū solum postulo. accipe à dono securitatem, retribueq; dono in tēpore suo puritatē. donec exoptas gratia tibi est exposita, omni honorabilior negotio. hæc ex cōmuni assensu ac approbatione: nō enim legē ferimus, sed hortamur. & quia te ex tuis aliquid accipere uolumus. & propter cōmunem securitatis uestræ gratiā. Cæterū ut summam dicam. non est uita, nec studiū, hæc dono cōducibilius. suscipe igitur tu qui in libertate es frenū. qui in seruitute æqualitatem honorum. qui in tristitia consolationem. qui in iucunditate correptionem. qui pauper es diuitias tutissimas. qui opulentus pulchrā illam quam possides domesticā administrationem. nihil cōtra salutē tuam false excogites. nullam deceptionē struas. nam & si alios, certe nosmetipsos fallere haud ualemus. ac ideo periculosum & stultū est si bñpsi illudere. uerū in medio rerū populariū uersaris, & inquinari. moleste tamē fers quod tibi misericordia disperdat. purus sermo. igitur si tibi possibile est, cum pulchro comitatu turbas fuge. Aquilæ, uel ut rectius dicam Columbæ, pennas sume. Quid enim tibi & Cæsari, uel quæ Cæsaris sunt? quousq; non desinis? ubi peccatū non est, ibi nec macula. non si Anguis in uia te momorderit, quo minus te ad deū conuertas, prohibere poterit. eripe animam tuam è mundo. fuge Sodomam. fuge incendiū. perge, nec retrospicias, ne forte in salis statuam obdureris. in montibus, ne unā deprehendaris, salueris. Quod si detētus es, uiolentisq; colligatus uinculis, ab illis te extrica, seu potius ego extricabo. optimum siquidem est bonum hoc cōsequi, ac purgationem cōseruare, si tamen utraq; adipisci haud licebit, melius est nonnunq; minime popularibus rebus inquinari, q̃ penitus excidere à gratia. quemadmodū ut arbitror melius est à patre, uel domino aliquātisper corripī, quā penitus expelli, ac parumper illuminari, q̃ omnino tenebris obnubilari. ad

sapientes autem spectat, ut quemadmodū bona quæ sunt meliora ac perfectiora, ita ex malis quæ sunt minora & leuiora eligant. Quapropter ne nimium purgationē uerearis, siquidem semper id quod emendatū est, cum circumstantiis suis, à iusto & misericorde nostro diiudicat iudice, ac sapius qui popularibus rebus obnoxius fuit, parumper emendatus, plus cōsecutus est, quàm is, qui in libertate sua non penitus se emēdauit. Quemadmodum ut arbitror magis mirandū est, quempiam pedicis uinctū, aliquātisper progredi, quàm cum nihil degrauat uehementer currere, ac per coenum parumper defcedari, quàm in mūda uia, omnino mundū remanere, huius sermonis testimonium est, quod Raab meretricē, in alijs non laudandam, solum iustificauit hospitalitas, publicanumq; nullo alio testimonio suffultum, extulit humilitas, ut & tu disceres, tibi facile desperandū non esse. Cæterum quid plus cōsequat dices, si baptismate præoccupatus fuero, ac mihi ipsi uitæ delicias etiā celeriter abstulero? sine me prius frui uoluptatibus, ac tum demū consequi gratiam, nam neq; qui in uinea diutius laborauerunt, plus adepti sunt, cum etiam ultimis par merces persoluta fuerit, liberaſti nos, heus tu, à molestia, quicumq; tandem es qui hæc dicis, uix dilationis causam latentem aperuisti, etenim quamuis te ob prauitatem non laudē, quia tamen libere prolocutus es laudo. Cæterum huc adſis, ut tibi parabolam interpretemur, ne ob scripturarum ignorantia lædaris. Primum scriptura hic non de baptismate loquitur, sed de ijs, qui diuersis temporibus credere incipiūt, in pulchramq; uineam, ecclesiam nempe, ingrediūtur, nam quacumq; die & hora unusquisque crediderit, ab illa & mercedem repetet. Dein si laboris mēſura, plus, qui præuenere intulerunt, non tamen mēſura uoluntatis, propter quā forsitan nouissimis plus debetur, quāuis sermo hic admirandus quodāmodo uideatur? atqui tardioris in uineā ingressus, tardior uocatio in causa est, nūc inter reliqua, quid intersit cōsideremus, etenim illi nō antea crediderunt, neque ingressi sunt, prius q̄ cum eis de mercede conuentū esset, n̄ uero absq; conuentione ad opus ingressi sunt, quod maioris fidei est indicium, & illi quidē inuidæ ac susurrantis esse naturæ inuenti sunt, at n̄ ob nil tale inculpantur. Præterea illis merces erat quod dabatur, & si improbi erāt, his uero gratia, ita ut dum insipientiā declinant, forte etiā eo, quod plus erat priuati fuerint. Proinde quid & ipsis tardioribus euenerit discamus, nempe mercedis æqualitas, quo pacto igitur patrem familiās accusant, tanq̄ propter æqualitatē sit inæqualis? nam hæc omnia primoribus sudoris auferunt gratiā, & si diutius laborauerint, ex quibus cōtigat iustam quoq; esse æqualitatis distributionem, cum labori uoluntas sit repēsa. Cæterū si etiā lauacri uirtutē, parabola hæc, iuxta tuam interpretationē designat, quid te prohibet prius ingredi ac sudare, & nō inuidere nouissimis? ut illud plus nō ex misericordia cōsequaris, retributionemq; non ut gratiā, sed plane debitū accipias, deinde ut illac ingredientes operarios, à uinea non aberrantes deprehēdas, quod ne tibi eueniat periculum

periculum imminet. proinde si constat quod in cōsequendo dono ita. sapias, & tam maligne quæstū sequeris, tibi quoniam ad tales confugas cogitationes, & quia aliquid ultra domini misericordiam lucrari anniteris, parcendum erit, ut obiter dicere prætermittam, quod ille qui plus laborat, ideo maiorem reportat mercedem, quoniā nō penitus suis cauponatur cogitationibus. uerum si tibi periculum imminet, ne penitus ob mercaturam à uinea excidas, & in caput tuum tam uilia garrias, age meis obtempera sermonibus. obmitte argutas has disceptatiunculas ac obiectiones, & absq; ratiocinationibus ad donū procede: ne antea à spe excidas, & tu qui talia Sophistice obtēdis, proprio periculo erudiaris. atqui nōne misericors inquis deus est? quin & hominū mentes nouit, ac uoluntatem probat, ac pro baptismo, desiderium accipit baptisandi. Aenigmati rem dicis similem. quod ille qui lumine caret, deo, propter misericordiam illuminatus cēseatur. aut quod regnū cœlorū quis misericordia cōsequi studeat, absq; eo quod quæ regno digna sunt operet. ego uero quemadmodum habeo, ita de his dicere ausim. mihiq; & reliquos qui sapiunt, & donū hoc adepti sunt astipulatuos existimo. ex hominibus quidā, penitus & à deo, & à salute propria erant alieni, omnē prauitatis speciem exercētes, & mali esse data opera studentes. nōnulli uero semimali, quo pacto? quoniā medij inter uirtutē & iniquitatē uersabātur. qui & si malum perpetrabant, perpetrato tamen nō applaudebāt. quemadmodū nec febricitantes ægitudini suæ. aliqui autē & ante sanctificationē laude digni erant. nōnulli à natura, alij uero quia summo studio se ipsos baptismati purgabāt. fuereq; post sanctificationē meliores, & securiores. meliores ut bonū consequerentur. securiores uero, ut illud cōseruarent. ex horū numero penitus malis, fuere meliores, qui aliquid à malicia demebant. at illis qui parumper maliciam refrenabant, adhuc meliores qui feruidi erant, & se ipsos ante baptismum emēdabant. etenim aliquid plus habēt, mercedē nempe. nō enim quemadmodum lauacrū peccatorum habet extinctionē, ita & correctionis sublationem. atqui & his quoq; meliores, qui gratiā hanc ut boni agricolæ colūt, & quammaxime ut mūdi sint se expoliunt. ita ut aliqui qui à dono hoc excidunt, omnino beluini aut ferini sint, secundum quod stulticia aut prauitate plus sunt coinquinati. quibus ob reliqua scelera neq; gratiam hanc ualde uenerabilem esse existimo. Verū cū gratia sit, si obtingit amplectuntur, sin minus cōtemnunt. alij uero donū hoc cognoscūt ac uenerantur, uerū protelant. nōnulli propter socordiam, at alij propter rerum mundanarū cupiditatem. quidā uero suscipere capaces nō sunt, aut ob infantiam sæpius, aut propter calamitatē quandam cōtra uoluntatem eorū incidentē. ob quam neq; si uoluerint, gratiā hanc consequi possunt. quemadmodū igitur in illis, ita etiam in istis differentias deprehendimus q̄ plurimas. siquidē deteriores sunt cupidis & socordibus, qui donū hoc omnino despiciunt. at illi improbiores ijs, qui ob ignorantiam & tyrannidem à tanto excidunt dono. nam tyrānis nil

est aliud quàm error non uoluntarius. arbitror igitur primos quèmadmodũ ob reliquam eorũ improbitatem, ita & ob lauacri cõtemptum supplicia expensuros. secundos uero pœnas daturus, sed minores quidem, quoniam nõ magis prauitate q̃ stulticia frustrationẽ sibi pepererint. tertios aut̃ neq; pœna seu gloria à iusto iudice affectum iri. tanquam nõ signatos, noxa tamẽ carentes. magisq; damnum patientes, q̃ cõmittentes. nõ enim quicumq; supplicium haud meretur, ideo iam honore dignus est. quemadmodũ neq; qui non honorandus, ideo puniendus erit. quin & hoc cõsidero, si quempia homicidam ex sola uolũtate, & absq; homicidio iudicas, baptisatus quoq; tibi est, qui baptisma desiderat, etiam absq; baptismate. si uero hoc non ita se habet, quomodo ergo illud? intelligere nequeo. uerũ si ita uolueris, & si tibi ad baptismatis uim solum sufficit desideriu, per illudq; te gloria dignum cẽses, sufficiat igitur & tibi ad gloriam, solum gloriæ desideriu, ac intelliges, quantum sit damnum hanc haud consequi, etiã si eam uehementer desideres. Ergo igitur cum uoces has audiueritis, ad tantum accedite donum, ac illuminabimini, & uultus uestri à gratia non aberrantes, haud erubescunt: illuminationeq; dum tempus est suscipite, ne uos tenebræ ab illuminatione separatae insequantur, ac comprehendant. ueniet nox cum nemo operari poterit. post præsentem hanc liberationem. Hæc Dauid uox est, illa autẽ luminis ueri, illuminantis omnem hominẽ uenientem in hunc mundum. quin & amarulente Salomonem uobis tardioribus & segnioribus opprobare existimate. quousq; dicentem, piger dormis? aliquando è somno surge. at tu iam illud, iam aliud fingis. excusationesq; peccatis protendis, dicens, luminarium expectabo diem. Pascha mihi honorabilius erit. Pentecosten præstolabor. cum Christo illuminari satius erit. Cum Christo in resurrectionis resurgere die. Spiritus honorare apparitionẽ. at quid inde? ueniet repente finis, in die quo non expectas, & in hora quam non cognoscis. dein tibi adueniet tanq; comes prauus, gratiæ inopia. in tantisq; bonitatis diuitijs famesces. quapropter contraria contrarijs colligere decet. cum celeritate messẽ, cum fonteq; refrigerium. tanq; ceruum sitientissimum uelociter fontes transcurrere. laticibusq; cursus laborẽ extinguere. & non Ismahel instar, aquarũ inopia arescere. uel ut in prouerbio est, in medio fonte siti cruciari. ineptum est mercatum prætergredi, & postea negotiationẽ quærere, ineptum trans manna currere, ac inde cibum desiderare. malum serum consiliũ, posteaq; damnum sentire, cum nulla damni est reparatio, post uitæ præsentis peregrinationẽ, ac amarum unicuiq; uiuenti exitum, peccatiumq; ultionem, & purgatorũ splendentiam. quapropter ad gratiã suscipiendã cuctari nolite, sed accelerate, ne latro uos anticipet, ne mœchus præueniat, ne insatiabilis plus acquirat, ne homicida bonũ hoc præripiat, neq; publicanus, neq; meretrix, neq; uiolẽtus quispiam, ac regni cœlestis raptor. siquidẽ lubens propter bonitatem, uim ac tyrannidem patitur. tarde heus tu, ad iniquitatem accede, uelociter uero, mihi acquiescens

acquiescens, ad salutem. æqualis enim prauitas est, & ad malum promptum, & ad bonū esse tardum. Si ad uoluptates uocaberis, ne accelera. si ad abnegationem, resulta. si praua tibi officina dixerit, ueni nobiscum, sanguinis particeps fias, condemnemus in terram uirum iustum, iniuste, auditum ne præbe. quoniā duo maxima lucraberis. nam & illi peccatum suum patefacies, ac temetipsum à praua societate eximes. si uero tibi dicit magnus ille Dauid, uenite exultemus domino. si propheta alius, uenite ascendamus in montem domini. si saluator ipse, uenite ad me omnes laborantes & onerati, & ego uos reficiam. uel surgite eamus hinc: clari clare super niuem fulgentes, super lac micantes, super lapidem Saphirum resplendentes. non renitamur neque tardemus. Petrum & Ioannem imitemur. ac quemadmodum illi ad resurrectionem & sepulchrum, ita & nos ad lauacrū festinemus, concurrentes, præcurrentes, ut tantū bonum certantes præripere ualeamus. Proinde ne abeundo dicas, reuertor ac cras baptisabor, cū hodie bene tibi euenire possit. adsit mihi mater, adsit pater, fratres, uxor, filij, amici, omne quod mihi preciosum est. tumq; saluabor. nunc uero nondū mihi tempus ut illustrer adest. atqui timendum est ne luctus socios accipias, quos læticiæ socios fore sperasti. ne igitur donec ueniant expectes. turpe est dicere, ubi id est, quod mihi in baptismate fructū afferre debet. ubi splendida qua fulgeam stola. ubi quæ ad susceptionem meorū necessaria sunt baptizantiū, ut etiā apud illos clarescam. ualde enim ut cernis hæc sunt necessaria, adeo, ut & gratia quoq; propter talia imminuatur. Cæterū noli de magnis humiliter loqui. nil ignominiosum patieris. maius est q̄ ea quæ cerni possunt, mysteriū hoc. tibi ipsi fructū parias. Christum indue. refice me ciuilitate, ita ego susceptus gaudeo. pariter & deus, qui maxima quoq; largitur. nihil enim penes deum tam magnū, quod nō & pauper præstare possit, ne in hac parte pauperes deterioris esse conditionis inueniantur, cum nō habent, ut cū diuitibus decertēt. nam in reliquis inter diuitias & paupertatē differentia est, hic uero qui promptior ille est & ditior, nil te moretur ulterius, neq; tuā impedit promptitudinem. dum uerhemens est desideriū, populi desiderati, dum calidum est ferrū, frigido temperetur, ne quid interueniat & desiderium præcidat. Philippus sum, fias tu Candaces. dic & ipse. ecce aqua. quid me baptizari prohibet. rapias tempus. tanti boni gaudio afficiaris. & si solum dixeris, baptizatus eris, baptizatusq; saluaberis. quod si corpore Aethiopi similis eris, anima tamen dealbaberis. acquire salutem, qua nil sublimius, aut honorabilius est, ihs, qui mentem habent. ne dicas, Episcopus me baptizet, & hic Metropolitanus, uel Hierosolymitanus. Siquidē nō locorū est gratia, sed spiritus. ne dicas, nobilis ille sit. indignū etenim est, si baptisatori ignobilitas exprobetur. ne dicas senior sit, sed & celebs, & ex cōtinentibus illis & qui angelica uiuunt cōuersatione. nam molestum esset, si purgationis tēpore sordibus inquinarer. uerū ne tu quæras prædicatoris seu baptizatoris dignitatem, alius rei huius est iudex, & ab-

fconditorum cenfor. quandoquidē homo secundū faciem, deus autem iuxta
 cor diiudicat. tibi autē unusquisq; ad purgationē fide dignus cenfeatur. tan-
 tummodo sit ex approbatis, & nō manifeste damnatis, neq; ecclesiæ alienę.
 noli iudicare iudices, tu qui indiges medela. noli mihi dignitates eorū qui te
 purgāt, curiose expendere. neq; ex maiorū prosapia iudica. etenim alius alio
 melior uel humilior, at te unusquisq; est sublimior. Ceterū ita considera: sint
 annuli duo, aureus hic, ferreus alius, uterq; eadē regia imagine sculptus. Ce-
 ræ ambo imprimantur. quid inter signū hoc, & illud intererit? nihil. discer-
 ne materiā in cera, etiā si sapientissimus existas. dic quod nam ferri, quodūe
 sit auri signaculum, sed quo pacto unum est? quia inter materiam, non cha-
 racterem est diuersitas. ita & tibi sit omnis baptizator. qui tamen si conditio-
 ne excellat, æqualis tamen baptismatis uis est. ac unusquisq; tibi æqualis sit
 expurgator, qui fide eadem est formatus. quin nec tu diues, unā cum paupe-
 re baptizari dedigneris. nec tu generose cum ignobili. nec tu domine cum eo
 qui hucusq; seruus fuit. nondum tantū humiliatus es, quantum cui hodie tu
 baptifaris Christus. qui propter te & serui formam suscepit. quacūq; die in
 melius mutaberis, omnes ueteres cedēt characteres, omnibus forma eadem
 Christus præpositus est. quin ne dedigneris tuū prodere peccatū, cum scias
 quemadmodū Ioannes baptizabat. ut confusione præsentī futuram effuge-
 re possis. quandoquidem & illud pars quædam supplicij quod ibi est existit.
 ostendesq; pariter, quod peccatū odio habueris, cum illud tanq; contume-
 lia dignum traduxeris, & de eo triumphaueris. Proinde ne ægre feras exor-
 cismi culturā longiorē, neq; ob illius prolixitatē defatigeris. ea etenim q; rite
 quæ ad gratiam spectant peragantur, est index. quid tantum pateris quan-
 tum Æthiopum regina? quæ ex finibus terræ excitata est, ut sapientiam ui-
 deret Salomonis. & ecce plus hic, penes eos qui perfecte cōsiderant, Salomo-
 ne. ne igitur seu ob uiæ longitudinē, seu maris latitudinē: non ob ignem, si &
 is quoq; obftet: neq; propter aliud quodpiam siue magnū siue paruum im-
 pedimentum, cuncteris, quin Charisma hoc consequaris. quod si absq; labo-
 re & negotio uoti compos euadere poteris, quanta amentia erit tātum pro-
 telare donum? sitientes inquit, uenite ad aquā. Esaias te hortatur. & qui nō
 habetis argentū, euntes emite, & bibite uinū absq; precio argenti. o quæ cele-
 ritas misericordiæ, o quæ facilitas cōmutationis, solum uolueris, & bonū hoc
 emptum erit. nam deus alacritatē ipsam, pro magna acceptat condemnatio-
 ne. sitit sitientes. potum præbet bibere uolentibus. benigne cōfert beneficē-
 tiam cū inuocatur. paratus est. donando magnificus. iucūdius dat q̃ aliq; ac-
 cipiunt. tantūmodo nos sermonis uilitatem eitemus, ne parua ac largitore
 indigna petamus. beatus à quo potum postulat Christus, tanquā à Samarit-
 tana illa, dabitq; ei fontem aquæ salientis in uitam æternam. beatus qui in
 omni aqua, & omni anima cras aranda & riganda, seminat. quā hodie bos,
 & asinus, terrestrem, ac inaquosam, rationisq; defectu oppressam cōculcat.

beatus

beatus ille qui etiam tanquā ē torrente aut putealī fune, ex domo domini re-
 ficitur. sicq̃ pro funis gerulo, frumenti baiulator. ac agricultura sua cibū hu-
 manum, & minime asperum, ac inutilem colit. quam ob rem omnis adhiben-
 da est diligentia, ne à cōmuni aberremus gratia. sed dicet quispiam: sint hæc
 de ijs, qui baptisma expetere possunt, quid uero de infantibus ais? qui neq̃
 quid gratia, quidue sit pœna cognorunt. num & illos baptizemus? maxime
 quidē, si periculum aliquod imminet. melius est enim nondum rationis com-
 potes sanctificari, quā non signatos & initiatos uita excedere. idq̃ nobis
 designat. post octauā diem circūcisio illa. quæ figurale fuit signaculū, ac pro-
 pter irracionales adhuc introducta. quemadmodum & propter rationis ex-
 pertes postium inunctio illa, custodiens primogenita. de alijs uero cōsiliū
 do, ut triennium expectent. aut paulo minus, seu plus. ut & quid mysticum
 audire & respondere possint. & si nō perfecte, attamen figuraliter intelligāt.
 ac ita sanctificent animas & corpora, magno illi sanctificationis mysterio. si-
 quidem ita se res habet, quod tum uitæ criminibus obnoxij esse incipiūt, cū
 iam sermo formatur, ac ipsi mysterium discere possunt. nam peccata quæ ex
 ignorantia eueniūt, propter ætatem noxa carent. pariterq̃ lauacro munitio
 erecta est, omni ratione cōducibilior: propter periculorum casus, qui repente
 nobis accidunt, cūctis auxilijs fortiores. Sed Christus inquis, cū tricesimum
 ageret annum baptizatur, & hoc cum deus esset, & tu me ad baptisma festi-
 nare iubes. Cæterū cum deum nominas, quæstionem dissoluisti. ille etenim
 purgatio ipsa erat. nec purgatione aliqua indigebat. uerum tibi purgatur,
 quemadmodum & propter te carnem induit, cum carne careret. nec illi peri-
 culū imminebat, si baptisma protelaret. ipse enim passionis, quemadmodū
 natiuitatis, sibi ipsi conseruator erat. at tibi non de minimis periculum sub-
 eundum est, si absque baptismo decesseris: cum solum corruptioni genitus
 sis, & non incorruptibilitatem indueris. quin & hoc considero, quod tem-
 pus istud baptismatis ei necessarium erat. at tibi non eadem subest ratio.
 Etenim Christus manifestatur cum triginta esset annorum, & nō antea, ne
 ostentator quispiam esse uideretur. quod animi uitium, insolentium est pro-
 prium. & tanq̃ ætas illa, perfectam uirtutis approbationē, ac docendi tem-
 pus contineat. postq̃ autem eum pati oportebat, passionē, quæ mundi esset
 salus, omnia quæ passionis erant ad passionē concurrere necesse erat, appa-
 ritionem, baptisma, supernū testimoniū, præconiū, multitudinis concursus,
 miracula. & tanq̃ corpus unum fieri, non distractū neq̃ spacijs intercisum.
 Siquidem ex baptismo & prædicatione initiū sumpsit, currentiū terræ mo-
 tus. ita enim scriptura tēpus illud appellat. at ex multitudine, signorū osten-
 sio, & miracula euangelio adiūcta. ex illis uero inuidia, ex qua odiū: ex odio
 autē insidiæ, & proditio. ex qua crux, & ea quibus saluati sumus. ac Christi
 quidem res tales, ac ita se habent, quantum nobis est comprehensibile. for-
 sitan & alius reperiri sermo posset longe hoc arcanior. at quæ necessitas tibi

posteriori, ob præcedentia exempla male deliberare. quandoquidē & multa alia recēsenda essent, quæ tum aliter quæ præsentia se habere uident. nec huic conueniunt tempori. ueluti hoc est, ieiunauit parum ante tentationē. nos uero ante Pascha. & ieiuniū quidem est unū, sed nō parū inter utrumque temporis interstitium. & Christus quidē contra tentationes suū obicit ieiuniū. nostrū uero ut Christo cōmoriāmur operatur, ac purgatio est, quæ festiuitatem præcedit. & hic quidem dies ieiunauit quadraginta. nam deus erat. at nos uiribus nostris hoc cōmensuramus. rametsi quibusdā zelus, etiam supra uires aliquid anniti persuadet. rursus Paschæ sacra, cum discipulis in cœnaculo, ac post cœnam dieque unica ante passionē celebrat. nos uero ea in orationis domibus. & ante cœnā, ac post resurrectionē peragimus. surrexit die tertia. nos post longum tempus. ac minime res illius cum nostris conueniunt, neque temporaliter cōiunguntur, sed ideo nobis sunt traditæ, ut rerū nostrarum figura quædam, & non in omnibus similes essent. quid igitur mirū, nos quoque baptisma præoccupare, tempore uero discrepare? quod tu mihi uideris, tanquam magnū quid, & miraculi instar, contra propriam salutem obijcere. Proinde si mihi obtemperaueritis, tales sermones ualere sinetis, uos uero bono obuiam tendetis: ac duplex certamen decertabitis. unum ut uosmetipsos ante baptisma purgetis, aliud uti baptisma pure cōseruetis. quandoquidem eiusdem difficultatis est, & bonū aliquod assequi, & partū tueri. sæpius enim qui studio quid præripuit, id pigritia corrumpit. quod uero socordia perdidit, id diligentia reparauit. bona tibi erunt auxilia, ad ea quæ desideras cōsequenda, uigiliæ, ieiunia, humidormituritio, orationes, lachrymæ, ærumnæ, indigentium opitulatio. hæc tibi eorū quæ adeptus es, gratia pariter, & cōseruatio fiant. multis mādatis beneficentiæ memor esse iuberis. illam haud negligas. si pauper accedit, memineris quot tu mēdicis es diuor. Quod si forte Lazarus quispiam, panis aut potus indigus, tuis adiacet foribus, mysticā ad quā accessisti uenerare cœnā, panē quē sumpsisti, poculū cuius particeps factus es, Christi passionibus sanctificatus. si peregrinus uagus, si aduena tibi obuiā factus fuerit, propter illū suscipe, qui pro te exul factus est. idque in proprijs. & qui in te per gratiā habitat, ad supernumque domiciliū pertrahit. fac sis Zachæus, qui heri publicanus, hodie est magnificus. omnia ad Christi recollige ingressum, ut magnus appareas, & bene Christū cōspicias, etiam si corporali ætate sis pusillus. si ægrotus quispiam expositus est, seu uulneratus, tuā uenerare sanitatem, & uulnera quibus te Christus liberauit. quod si nudū cōspexeris, ueste contegas, tuumque incorruptibilitatis honora indumentum. at Christus hoc est. quandoquidem omnes quicumque in Christo baptisati sumus, Christum quoque induimus. si uero in debitorem quempiā incidis, omnem Syngrapham, siue iustam, siue iniustā discerpe, in memoriāque redige, talenta infinita, quæ tibi Christus gratis remisit. ne fias exactor amarulentus, debiti minoris, & hoc quibus nam? cōseruis equidem tuis, cum tibi plus à domino

domino sit dimissum, ne & tu propter illius misericordiā poenas expendas, quam minime, sumpto exemplo imitatus es. fiat tibi balneū, nō corporis solum, sed & imaginis. nō quod tantum peccata abluat, sed & mores emēdet. nō solum quod pristinam illuuiem detergat, sed & fontem purget. non tantum bene possidere, sed & bene expendere formetur. aut quod est perquā facile, male possessum abijcere. cur enim peccatū tibi remitti, iniuria uero affecto damnū à te nō refarciri deberet? unde duo tibi accidūt mala, & ut iuste nō possideas, possessaq; detineas. huius quidē remissionem accepisti, in hoc uero iniurius es. nam hodie apud te est alienum. nec deletum est peccatum, quamuis tēpore sit intercisum. hoc enim ante baptisma factū est, illud uero post baptisma remanet. siquidē lauacrū eorū qui peccauerūt, nō qui peccāt, remissionē cōtinet. oportet aut cum purgatione nō dolose, sed sincere agere neq; gratiā hāc ad peccatorū occultationē, sed liberationē habere. Beati quorum remissæ sunt iniquitates. siquidē hoc ad omnimodā spectat purgationem. & quorum tecta sunt peccata. hoc ad eos pertinet, qui nōdum penitus sunt purgati. beatus uir cui non imputat dominus peccatū. tertius peccantiū ordo, quorum opera non laudanda, uoluntas uero poenæ obnoxia non est. quid igitur dico, & quis nam sermo meus? heri fuisti anima Chananæa, ac propter peccatum incuruata, hodie à uerbo es eleuata, ne rursus incurueris, & in terram inclineris, tanquam uinculis à maligno sis degrauata, incuruationemq; patiaris haud curabilem. heri fuisti arida, fluxu scatens sanguinis. siquidē mortaliter peccasti. hodie exiccata reuirescis. Christi enim himbriam tetigisti, & fluxum abscidisti. custodi mihi purgationem, ne rursus sanguine fluas, & à Christo deprehendi possis, tanquam salutē surripueris. displicet enim Christo, ut sapius suppiletur, tametsi admodū sit misericors. heri in lecto decumbebas, derelictus & neglectus, nec habebas hominē, qui cū aqua turbata esset te in piscinā mitteret. hodie inuenisti hominē, eundem & deū. seu potius deum hominē. leuatus es à grabbato, seu potius grabbatū tulisti, beneficentiamq; palām confessus es. noli rursus in grabbatum peccati decidere, mala corporis quiete uoluptatibus relicta. sed ut habes uade, memor mandati: ecce sanus factus es, amplius peccare noli, ne tibi deterius quid accidat, cum malus post beneficium appares acceptū. Lazare exi foras. audisti uocē magnā in sepulchro positus. quid enim uerbo sonorius. & progressus es, nō diebus quatuor, sed multis demortuus. sed triduo illi cōsurrexisti, & à funeralibus solutus es, ne rursus mortificeris, & fias cum habitatibus in sepulchris, neq; cum nexibus domesticorū peccatorum constringaris: cum incertum sit, an iterum à sepulchro resurgas, usq; ad ultimam & cōmunem resurrectionem, quæ omnem creaturam in iudicium adducet: non curandi, sed iudicandi gratia, & ut rationem reddat de ijs quæ aut bene, aut male thesaurizauit. si huc usq; lepra, deformi nempe improbitate, scaturiebas, nunc uero praua cicatrix obducta est, saluāq; recepisti imaginē, mihi sacerdoti tuā ostende

ostende purgationem, ut cognoscam, quantum illa, legali sit preciosior. ne fias ex nouem ingratis unus, sed decimum imitare. etenim quamuis Samaritanus erat, alios tamen animi gratitudine exuperabat. caue ne rursus male pullules, corporisque uitium curari nequeat. quod si prius manus tua quaestu exaruit, ac parsimonia, hodie extedatur cum distributione & misericordia. pulchra est medela ægrotantis manus, distribuere & dare pauperibus. large quæ possides exhaustire, donec etiam fundum tangamus. forsitan hoc pacto Sareptanæ instar, tibi præparabit, maxime si Heliæ nutriueris. bonum est, bonam illam cognoscere opulentiam. nempe propter Christum egere. qui & propter nos inopiam pertulit. si mutus fuisti ac sermonis expertus, sermo tibi resonet, seu potius resonantem conserua. aures ad disciplinam domini, & admonitiones, tanquam anguis ad incantationem ne claudas. si cæcus es, & absque lumine, illumina oculos tuos, ne unquam dormias in mortem. in lumine domini, lumen inspicere. in spiritu, dei filium. splendeat tibi trinum & indiuisibile lumen. si totum susceperis sermonem, omnes pariter Christi medelas ad propriam accommodabis animam. quibus singulatim unusquisque sanatur. tantum charitatis mensuram ne ignores. tantum dormienti tibi & securo, spiritus malignus zizania non superseminet. tantum cum ob purgationem odiosus maligno sis factus, rursus te ipsum miserabilem propter peccatum ne reddas. tantum propter opera bona tibi haud applaude, nec immoderate attollaris, ne subleuatus deprimaris. tantum assidue purgationem operare, eleuationes in corde suscitans. & eam quam gratis consecutus es remissionem, etiam per diligentiam conserua, ut remissio tibi à deo sit, à te uero fiat conseruatio. sed quo pacto id fieri poterit? semper parabola illius memor sis, tibi quoque optime & perfecte opem tuleris. exiuit à te impurus ille, & materialis spiritus, baptismo expulsus, non fert persecutionem, non sustinet absque domo & lare degere, pergit per loca inaquosa, & diuinæ irrigationis arida, ibi uersari cupit, circumerrat, quærens requiem, nec inuenit: in baptisatas incidit animas, quarum prauitatem lauacrum eluerat, timet aquam, purgatione suffocatur, quemadmodum legio mari. rursus conuertitur ad domum suam, unde egressus est, impudens est, pertinax est, iterum periculum facit, iterum experitur. quod si locum quem ipse uacuum reliquit, Christum inhabitare & implexisse reperit, iterum repellitur, infecto negotio discedit, miserandus errore redditur. si uero in te scopis mundato & ornato, locum inuenit uacuum & ociosum, quem ad illius susceptionem præparasti, uel ipse infiliens præoccupauit, cum maiori inhabitabit apparatu, fiuntque nouissima peiora prioribus: quoniam tum quidem & emendationis & securitatis spes erat, nunc uero manifesta est malicia, boni fuga prauitatem attrahens, & propter hoc stabilior habitatori redditur possessio. Proinde iterum tibi in memoriam illuminationes reuocabo, sæpiusque ex diuinis oraculis illas repetam (etenim ipse quoque illarum recordatione iucundior ero. quod enim lumine iucundius? nisi qui lumen gustauerunt) & unde diuerteram te reducam. equidem lumen oritur iusto, & huius comes

comes laticia. lumen autem iustis semper. at tu mirifice, ad deum dicitur, a mon-
 tibus illuminas aeternis. angelicis ut arbitror uirtutibus, quae nobis ad melio-
 ra cooperantur. Dominus autem illuminatio mea, & saluator meus. Dauid
 audiuit dicentem, nonnunquam cum postularet lumen & ueritatem sibi emi-
 ti: nonnunquam uero cum gratias ageret, quod illud consecutus esset, osten-
 dendo dei lumen super se: hoc est percipiendo & cognoscendo signa splendo-
 ris concessi. proinde unum solum lumen fugiamus, amari illius ignis scetum,
 ne obuiemus nostri ignis lumini, ac flammæ qua exuramur. quin ignem esse
 scio expurgatiuum, quem Christus supra terram iacere uenit. ignis & ipse in li-
 teris sacris uocatus. materiae hic & habitus maligni est consumptiuus, qui &
 celeriter uult succendi. etenim beneficentiae celeritatem desiderat. quoniam &
 ignis carbones nobis auxilio tribuit. noui praeterea ignem non purgatiuum,
 sed afflictiuium, siue Sodomiticum qui super omnes pluit peccatores, sulphu-
 re & tempestate permixtus, siue qui paratus est diabolo & angelis eius, siue
 qui ante faciem domini incedit, ac undique inimicos eius deurit. & his etiam
 horribiliore, qui indefinenter addictus est uermi, inextinguibilis, improbisque
 sempiternus. haec enim cuncta occultae sunt potentiae. nisi cui humanius quid-
 dam hic loci sentire gratum sit, tamen cum ultoris dignitate. quemadmodum
 igitur duplicem ignem, ita & lumen duplex esse scio. unum quod rationis no-
 strae lampadem ad dei semitas dirigit, alterum fallax & curiosum, ueroque lu-
 mini contrarium. illud se esse simulans, ut quid apparenti suffuretur. hoc lu-
 men & caligo est, tamen splendor eius meridies uideatur. ita audio de iis qui
 semper in meridiana fugiunt obscuritate. hoc quoque nox est, & illumina-
 tio censetur, iis qui delicijs sunt eneruati. Quid enim Dauid ait? nox circum
 me miserum erat, & ego ignorabam, siquidem delicias illuminationem esse
 suspicabar. sed lumina quidem talia ac ita se habent. nos uero illuminemus
 nobis ipsis lumen cognitionis. quod fiet, si in agrum iustitiae seminemus, &
 uindemiemus fructum uitae. actio etenim speculationis est hospes. ut inter
 alia & hoc discamus, quid uerum sit lumen, & quid falsum. ne decipiamur,
 cum in peius tanquam in bonum inciderimus. siamus lux, quemadmodum
 discipuli a magno lumine audire meruerunt, dicente, uos estis lux mundi.
 siamus luminaria in mundo, uerbum uitae continentia, hoc est uiuificatiua
 alijs potentia. diuinitatis lumen sumamus. primi & purissimi luminis lumen
 accipiamus. ad splendorem ipsius pergamus, priusquam pedes nostros in
 montes obscuros & hostiles impingamus. donec dies est, tanquam in die
 honeste ambulemus. non in comestationibus, & ebrietatibus. non in cubili-
 bus, & impudicijs, quae noctis furti existunt. cuncta membra fratres pur-
 gemus, sensus omnes sanctificemus. nil profanum in nobis remaneat, neque
 quod prioris fuerit generationis, nil non illuminatum relinquamus. illumine-
 mus oculos, ut recte uidere possimus. & nullum Idolum fornicarium, in nobis
 ipsis, ex uisione nimis laboriosa curiosaque feramus. etenim quamuis affectu
 non

non adoramus, animam tamen, si trabs aut festuca in nobis erit, inquinamus. Purgemur igitur, ut & quæ aliorum sunt cernere ualeamus, illuminemur auditu, illuminemur lingua, ut audiamus quid loquetur dominus deus, ad auditumque nostrum perueniat misericordia illa matutina, ut audire possimus, exultationem & læticiam in diuino auditu resonantem, ut non simus ensis acutus, neque nouacula acuata, neque sub lingua uersemus laborem & dolorem, sed de sapientiam in mysterio reconditam loquamur, linguas uenerantes igneas, faciemus odoratum, ne effœminemur, neque pro odore precioso puluerem, sed quod pro nobis effusum est unguentum, spiritualiter adipiscentes, odoremus, tantum ex illo delibuti ac transmutati, ut & proprium suauitatis nostri odorem sentire ualeamus, purgemus gustum, tactum, guttur, non molliter diffluentes, & leuitate gaudentes, sed uerbum quod pro nobis caro factum est, ut dignum contrectantes, Thomam in hoc imitantes, non saporibus & obsonijs titillati, fratribus amariorum etiam titillationum, sed gustantes & cognoscentes, quod Christus dominus, melior & permanens est gustus, neque amare amarum & ingratum insidiatorem refocillemus, emittentem, & non retinentem quod commissum est, sed melle dulcoribus hunc lætificemus sermonibus, & ultra prædicta, bonum est qui capite purgati sunt, ut quemadmodum purgatur caput, ita & sensuum officinæ, Christi dominetur caput, ex quo omne corpus constituitur, bonum est ut supergredientem iniquitatem nostram ac meliorem partem superantem prosternamus, bonum est & humeros sanctificare ac purgare, ut crucem possint tollere Christi, non facile uni cuique tollendam, bonum manus, & pedes mūdare, manus quidem ut in omni loco sancte tollantur, ac Christi disciplinam adimpleant, nequando irascatur dominus, per operaque fidem uerbis faciat, quemadmodum per ea uerba, quæ in manus Prophetæ huius dedit, pedes uero, ne ad sanguinis effusionem, neque ad maliciam cursu sint ueloces, sed ad Euangelium, & supernæ uocationis brauium parati: & ut Christum lauantes & purgantem suscipere ualeant, quod si uentris quoque aliqua est purgatio, quæ alimēta, quæ ex uerbo sunt capiat & reddat, bonum & hunc non ex delicatis, & profluentibus replere cibis, sed præcipue illum purgare ac tenuiorem reddere, ut uerbum domini in medio sui suscipere possit, & recte super Israel errante dolere, Proinde & cor, ac intestina honore digna inuenio, siquidem hoc mihi persuadet Dauid, qui cor mundum in se creari, & spiritum rectum in uisceribus innouari precatur: intellectiuam arbitror partem, ac huius motus seu cogitationes ita ostendens, at quid lumbi? quid uero renes? nam nec ista præteribimus, adhibeatur & his purgatio, sint lumbi uestri præcincti, & fortiter constricti, instar populi Israelitici, cum olim secundum legem Pascha celebraret, etenim nemo mundus ex Aegypto egredietur, neque exterminatorem effugiet, qui hæc non didicit, at illi pulchra alteratione alterati sunt, omnem penitus affectum ad deum transferentes, ita ut dicere possint, domine ante te est omne desiderium

desiderium meum. & diem hominis nō desideravi, etenim desideriorum spiritus, uirū fieri oportet, sic enim uobis & Draco, qui uires quāplurimas in renibus & lumbis obtinet, pessundabit, cum ipsius potētia in his locis fuerit mortificata. ne mireris autē, si turpitudinibus nostris superfluum honorem impertiar, sermone illas mortificans & refrenans, in materiaq; subsistēs. cuncta membra terrestria, deo donemus, cuncta deo offeramus, non iecoris fibras, non renes cum pinguedine, nō corporis partem aliquam, non hoc, seu illud, cur enim nobis aliqua inhonora erunt? uerum totos nos ipsos offeramus, rationalia fiamus holocaustomata, sacrificia perfecta. nō brachium solum, nō pectusculum solum, sacram faciamus particulam. parum enim hoc est, sed totos nos ipsos dedamus, ut totos nos recipiamus. quandoquidem hoc est pure recipere, si deo ipsam salutem nostram obtulerimus, ac sacrificauerimus. Proinde in omnibus & ante omnia, pulchrum mihi serua depositum: cui uiuo, & cum quo publica dispenso, & quod emigrans recipiam, cum quo & aduersa cuncta fero, ac delectabilia cuncta contemno. Patris scilicet, & filij, spiritusq; sancti cōfessionem, hanc tibi hodie credo, cum hac te simul baptizo, & cōdecoro, hanc tibi in omni uita sociā, & tutricem tribuo, unicam diuinitatem & potētiā, in tribus singulatim repertam, & tria comprehendentem particulatim, neque substantia, uel natura inæqualem, neq; excessu uel imminutione auctam, aut diminutam, undiq; æqualem, undiq; eādē, unius in cœlis pulchritudinis, & magnitudinis, trium infinitorum, connaturalitatem infinitam. Deum unumquemq; in semetipso contemplandum, sicut patrem, ita & filiū, sicut filium, ita & spiritum sanctum, ut tamen uniuscuiusq; proprietates conseruetur, & tria hæc pariter deus esse intelligantur, istud propter cōsubstantialitatem, illud uero propter monarchiā, non dico unum solum cognosci & tribus illuminari debere, nō dico tria diuidi & in unum referri debere, cū unūquodq; ex tribus imaginatione consideratur, illud omne puto, nam & uisus impletur, & pluralitas effugitur, nō habeo qui magnitudinem huius comprehendam, ut dem quod plus est, illi, quod defectū patitur, cum tria speculatione cōtraho, unam cerno lampadem, nec habeo quo diuidam, aut mensurem lumen adunatū, tu geniturā formidas, ne deus quid patiatur, qui nō patitur, ego uero cōdituram timeo, ne deū per iniuriā, & iniustam offendam incisionem, aut filium à patre, seu à filio spiritus substantiam abscindam, siquidem hoc est admirandum, quod non solum deo conditura attribuitur, ab ijs, qui peruerse diuinitatem ponderant, sed & ipsa cōditura rursus in seipsam inciditur, ut quemadmodū ab abiectis, & deorsum uergentibus, filius à patre secernitur, ita rursus spiritus à filij dignitate segreget, ut & deus iniuria, & conditura, hac noua afficiatur Theologia, nil heus uos, ex trinitate seruū, nec (ut ex sapiente quodā audiuiſtis) conditū & aliunde indutum est, si adhuc hominibus placerem, Christi seruus, diuinus inquit Apostolus, non essem, si adhuc condituram adoro, aut in conditura baptizabor.

D d non

non equidem iustificatus sum, neq; priorem immutauī generationem. quid dicā ad eos qui Astartem adorant, aut Chamos abominationē Sidoniorū, seu Astri figurā: cum parumper super hæc deus, ab idolatris, præterq; cōditura & factura habeat. Ego aut nō adoro duo, quorū pariter nomine baptizatus sum, aut adoro cōserua. serua etenim sunt, quāuis parumper honorabiliora, quoniā & in conseruis differentia est, ac prælatio. uolo patrē maiore dicere, quoniā & æqualem esse æqualibus, est & esse. hoc enim ab omnibus cōceditur, & timeo ne principiū minorū faciā principiū, idēq; iniuria ob prælationē afficiam. nō enim illi ad gloriam cedit, ex quo ei, aut illis qui ex ipso sunt, accidit humiliatio. tuam præterea timeo infatigabilitatē, ne dum maius sumas, bifariam incidas naturam, & omnia in maioris usum conuertas. non enim iuxta naturā maius est, sed causam. nil enim inter ea quæ essentia sunt consubstantialia, maius est, uel minus. uolo filium præferri spiritui ut filium, & non concedit mihi baptisma per spiritum purgari: sed times forsitan, ne triplicem uituperes deitatem: tu bonum hoc habero, in tribus unitatem: mihi pugnam remitte. permitte me nauis esse fabricatorem. tu illa utere. & si alius nauis est fabricator, me domus accipe architectum. tu illam cum securitate inhabita. etiam si nihil laboraueris, nihilominus tamē prospere nauigabis, aut domum inhabitabis. cum ego hæc construxerim, tu uero circa ista nil elaboraueris. cernis ne quanta sit animi beneuolentia: cernis ne bonitatem: meum sit bellum, tua uictoria. ego impressionem faciam, tu uero pacificus quiesce. pugnantī orationem impende propter fidem manus præbens. tres habeo lapides, quos funda in alienigenam iaciam. tres habeo sufflationes, super Sareptanæ filium, quibus uiuificabo mortificatos: tres habeo luationes, super lignorum strue, quibus purgabo sacrificia. ignem quod admirabilius est, aqua suscitans, ac mysterij uiribus utens. Prophetas ignominia notabo. sed quid lōgioribus est opus sermonibus: etenim docendī nō contradicendī tempus est. obtestor coram deo, & angelis electis, cum hac baptiseris fide. & si uel aliter, aut ut meus exigit sermo es inscriptus, huc adsis, & inscribaris, ego harum rerū non ineptus inscriptor ero. scribens quæ scripsi, & docens quæ & didici, & quæ ab initio in hanc usq; caniciem conseruaui: meum sit periculum, meus & honor. qui animæ tuæ sum dispensator, & qui te per baptisma expurgo. quod si ita habes, ac pulchris signatus es literis, custodi mihi quæ scripta sunt, temporibus mutabilibus, immutabilis, in re immutabili perseverans. bene inscriptus, Pilatum male, contra meliorem scribentē imitare. ihs qui aliter tibi persuadere conantur, dic, quod scripsi scripsi. etenim puderet me si malum remaneret immotum, bonum uero tam facile moueretur. decet enim facile mutabiles esse à malo ad bonum, immutabiles uero à meliori in deterius. si sic & per hanc baptizaris doctrinam, ecce labia mea non prohibebo. ecce manus spiritui accōmodo. acceleremus ad salutē, surgamus ad baptisma, exilit mihi spiritus, promptus est expurgator.

paratum

paratum est donum. quod si adhuc claudicas, & nō suscipis perfectionē diuinitatis, quære baptizatorem, aut submerforem, mihi uero diuinitatem incidere haud uacat, ac te in regenerationis tēpore morti tradere, ut nec Charisma, neq; spem gratiæ consequaris, in pauco salutis faciēs naufragiū. quod si quid aufers deitati trium, totum detraxisti, & tibi ipsi quoq; salutē. Quod si nulla figura adhuc, neq; melioris, neq; deterioris literæ in tua est anima, ac hodie te inscribi oportet, à nobisq; figurari, ad perfectionē: age intro in nebulam ingrediamur, des mihi tabulas cordis tui, ego tibi Moyſes ero (si dicere fas est) inscribam digito dei decalogū nouum, inscribam breuem salutis uia, quod si qua est fera, hæretica & irrationalis, deorsum maneat, aut à uerbo ueritatis lapidationis periculum subibit. baptizabo te docens, in nomine patris, & fili, & spiritus sancti. at nomen commune tribus unum est. uidelicet diuinitas, cognosces tam figuris quàm uerbis, ut quemadmodum totam abijcies diuinitatis incredulitatem, ita toti diuinitati conglutineris. Crede uniuersum mundum, quantum est uisibilis, quantumq; inuisibilis, ex nihilo à deo esse factū. prouidentiaq; factoris gubernari. ac in melius suscepturum mutationem. crede nullam esse mali essentiam. neq; illius regnum, aut principio carere, aut à seipso subsistere, aut à deo factum esse. sed nostrum hoc, & maligni, qui nos ex nostra inertia inuadit, & non conditoris opus esse. crede filium dei, uerbum æternum, ex patre absq; tempore & corpore natum. hūc nouissimis diebus propter te genitum esse, ac filium hominis ex Maria uirgine processisse. ineffabiliter, & absque sorde ulla. nil enim quod sordidum deus, & per quem salus est. totum hominem eundem, & deum. pro uniuersis passum. ut uniuersaliter tibi conferret salutē, uniuersam peccati dissoluēs cōdemnationem, impassibili deitate, passibili humanitate. intātum propter te hominē, ut tu propter illum deus fieres. hunc propter iniquitates nostras, mortem pertulisse, crucifixum, & sepultum. quantū mortē gustare fas erat. & tertia die resurgentem, ascendisse in cœlum. ut te deorsum iacentē sursum adduceret. iterumq; rediturum aduētū suo glorioso, iudicantē uiuos & mortuos. non amplius in carne, nec tamen sine corpore, sed corpore diuiniore, rationibus quibus ipse nouit, & ut conspici possit à transfigentibus, deusq; remaneat citra crassiciem. accipe præterea resurrectionem, iudiciū, retributionem, iusta dei statera. hanc autem lumen esse mente purgatis existima. hoc est ut deum uidere, & cognoscere ualeant, iuxta rationem purgationis, id & regnum cœlorum appellamus. Tenebras autem ihs, qui in ratione sua obcæcati sunt. hoc est alienationem à deo, iuxta proprietatem obtusitatis præsentis. decuplum operare bonum, super hoc doctrinarum fundamento, quoniā fides sine operibus mortua est, quemadmodum & opera absq; fide. habes ex mysterijs ea quæ pandi licet, & à multorum auditu non abscondita. at reliqua trinitate cōcedente intra te perdisces. quæ & apud te ipsum occultabis, signaculo obfirmata. excepto illo quod tibi euangelizabo. statio in quā post

baptisma ante magnum altare constitueris, uenturae gloriae est praeludium. Psalmodia cum qua suscipieris, laudis uenturae est antecambulatoria. lampades quas accendis, uenturae est illuminationis mysterium. cum qua obuiabimus sponso, splendidae & uirginales animae, splendidis lapidibus fidei. nec propter socordiam dormientes, ne nos quem praestolabamur, inopinate adesse lateat. neque absque comessatione, & oleo, ac bonis operibus egentes. ne a sponsi consortio excidamus. uideo enim calamitatem eam per quam miserabilem esse. ille enim aderit, cum uociferatio occursum exiget. at quaecumque prudentes erunt animae, cum splendore luminis, & largiore illius alimento obuiam fient: aliae uero perturbabuntur, & oleum ab habentibus, non in tempore petent. at ille ingredietur cursim, & haec simul ingredientur. aliae uero excludentur, quae ingrediendi tempus in praeparatione consumpserunt. multaque deplorabunt, sero quae poena socordiae sit addiscentes, cum non amplius ad sponsum ingredi ualebunt, licet multis rogauerint, quem male a seipsis excluderunt, alium modum qui nuptiis priuat imitantes. quas pulcher pater pulchro praeparauit sponso. aut propter uxorem sponsam nouam. aut propter agrum, nuper emptum. aut bouem iugum quod peruersae possederunt. propter mortuos maiori affecti supplicio. nullus enim abiectus & ignauus, neque sordide & haud nuptialiter uestitus ibi erit. tametsi iam seipsum futurae dignum censet luminum gestationi, ac se clam immisceat, spe uana deceptus. Ceterum quid erit ubi ingressi fuerimus? tum sponsus nouit quae docebit, & quae animabus pariter ingressis apponet. apponet autem quemadmodum arbitror, ut perfectiora & puriora doceat. quorum & nos qui haec docemus, & qui discimus participes erimus. in ipso Christo domino nostro, cui gloria & imperium in secula. Amen.

GREGORII NAZANZENI THEOLOGI IN SAN-
ctum Pascha Oratio quarta.



SUPER custodiam meam stabo, admirandus ille Abacuk inquit, & ego cum ipso hodie, concessa mihi a spiritu potestate ac contemplatione. & considerabo & cognoscam, quid uisum, quidque mihi dictum fuerit. steti enim ac consideraui. & ecce uir super nubes ascendens, & hic sublimis ualde. & aspectus eius, tanquam aspectus angeli. & stola eius, tanquam splendor fulguris perstringentis. & extendit manum suam ad ortum, ac clamauit uoce magna. & uox eius quasi uox tubae. & in circuitu eius, tanquam multitudo coelestis erat exercitus. dixitque, hodie salus mundo uisibili, & inuisibili. Christus ex mortuis, cum ipso euigilate. Christus in se ipsum, reuertemini. Christus ex sepulchro, a uinculis peccati liberemini. inferni portae referantur, & mors dissoluitur, & uetus Adam abiicitur, nouus uero adimpletur. si qua noua in Christo est fabricatio, renouemini. &
haec

hæc ille dixit. at cæteri, quoniã nobis Christus per generationem infernam apparuisset, illud ut antea cantabant. Gloria in excelsis deo, & in terra pax, in hominibus bona uoluntas. cum quibus & ego inter uos hæc resono, utinã uocem quoq; angelica illa dignã, & in omnibus resonantẽ finibus, assumere possem. Pascha domini. Pascha. & iterũ dico Pascha, honor trinitatis, ipsa festiuitatum nobis festiuitas, ac celebritatũ celebritas. tantum omnes exuperans, non solum humanas, & terra reptantes, sed iam & Christi ipsas, & ab ipso institutas, quantũ sol stellas. Proinde, pulchra nobis hesternæ fuit splendoris & luminariũ celebritas, quã publice & priuatim peregrimus. uniuersum hominũ genus, parua, dignissima tamen expensa, igne noctem magni luminis instar illuminantes, quantũ superne cœlum relucet, mundum uniuersum sua illuminans pulchritudine, quantumq; supercœleste lumen, inter angelos primæ resplendet naturæ, quod post primũ illud quod ibi est lumen scaturijt. quantumq; in trinitate refulget. apud quam omne lumen consistit, ex indiuisibili lumine participans, & honorem assumens. pulchrior deniq; hodierna est festiuitas, & splēdidior. quoniã lumen hesternum, magni luminis exorientis præcursor erat. & tanquam læticia quædam festum præcedēs. hodie uero resurrectionem ipsam celebramus. non amplius speratam, sed iam cōsummatam, & mundum uniuersum sibi conciliantē. alius igitur aliud tempori huic fructificet, & festiuũ afferat donũ, siue paruum, siue maius, ex spiritalibus & deo acceptis, quantum unusquisq; ex sua habet facultate. nam dignum uix angeli quoq; præstare possent, primi illi intelligētes, & puri supernæ gloriæ contemplatores, & testes. tametsi ihs, omne laudationis genus sit cōprehensibile. nos uero id quod habemus pulcherrimũ, & honorificentissimum, sermonem nempe offeremus, præcipue cū uerbum, ob rationalis naturæ laudamus beneficentiam. inde igitur exordium assumam: non possum enim de sacrificio magno & omnium dierum maximo sermones sacrificās, ad deum sermones non referre, ac inde facere initium. mihi igitur qui in talibus oblectari soletis, & mentem, & auditum, & intellectum expurgate, post quã de deo & diuinus erit sermo, ut non delitijs uanis discedatis. erit autē copiosissimus, pariter & compēdiosissimus: ne propter defectum offendat, neq; propter satietatem reddatur iniucundus. Deus equidem semper erat, estq; ac erit. quĩ potius semper est. nam erat, & erit, nostri temporis, & fluxus naturæ sunt particulae. at ille existens est semper. ita enim Moyse, in monte oracula pandens, semetipsum nominauit. totum enim in seipso cōprehendens esse cōtinet. quod nec incipit, neq; desinet. tanq; pelagus quoddã essentia immensum, & indefinitũ. omnem transcendēs sensum, & tēporis & naturæ, solum menti, umbræ instar depictus. idq; subobscure, & perexigüe. non ex ijs quæ in ipso, sed quæ circa ipsum sunt. alia ex alia imaginatione, in unũ quoddã ueritatis simulachrum cōcepta. prius q̃ teneatur effugiens, & ante quã cognoscatur euanesceat. tantisper illuminans, id, quod in nobis princi

patum obtinet, & hoc in puris solum, quātum uisum, fulguris nō subsistens ictus. ideo ut mihi uidetur, quo tenui illo, ad se attrahat. quod enim penitus est incōprehensibile, id etiam nec spe, aut aliquo conatu acquiri potest. quod autem difficulter comprehendī potest, admirationi est. admiratum uero plus desideratur. desideratum autem purificat. purificatū uero deo similes reddit. cum autem tales euaserimus, tanquam cum domesticis iam cōuersatur (iuuēnile quid sermo audet) Deus, dñs unitus & cognitus. & tantū forsitan, quantum iam cognoscētes cognoscit. infinita igitur diuinitas, & cōtemplatu haud facilis. ac penitus hoc solum ex illa deprehēibile, q̄ sit infinita. quod si quis existimet, eo quia simplicis sit naturæ, aut penitus esse incomprehēibilem, aut perfectē discerni posse, ab illo secundū quid ens simplicis sit naturę quæremus. non enim natura eius est simplicitas. quemadmodū neq; in compositis, quoniam composita sunt solum. Cæterū cum infinitum dupliciter consideretur, & secundū initium, & secundum finem, quicquid enim super hæc est, nec in illis cōtinetur, infinitū existit. Cū igitur mens in supernā respicit profunditatē, nec habet ubi consistat, ac de deo cōtemplatio deficit, tum infinitū illud, & impenetrabile, principio carens appellat. cū uero ad inferiora & postrema aciem deflectit, tum id immortale & incorruptibile uocatur. cū uero totum connexū fuerit, tum æuiternum nuncupatur. æuum etenim, neq; tempus, neq; temporis est particula aliqua. non enim mensurabile est. sed quod nobis est tempus, solis cursu cōmensuratum, hoc æuiternis est æuum. quod cum existentibus pariter extenditur, tanq̄ motus quidā, & spaciū tēporale. & hæc mihi de deo nunc philosophāti sufficiant. neq; enim ultra hæc tempus permittit. quoniā institutum nostrū nō de Theologia, sed de Euangelica est dispēsatione. cū uero de deo loquor, de patre, & filio, & spiritu sancto dico. neq; enim diuinitas supra hæc à nobis diffunditur, ne deorū populum introducere uideamur. nec infra hæc cōstringitur, ne diuinitatis inopiam decernamus. aut propter Monarchiā iudaizantes, aut propter multitudinem abundantem græcissantes. in utrisq; enim simile est malum. licet in cōtrarijs inueniatur. & ita se habent sancta sanctorū, quæ à Seraphin cōteguntur, & trinis glorificātur sanctificationibus, in unā coeuntes dominationē, & deitatem. quemadmodū & alius quidā, qui ante nos fuit, pulcherrime & subtilissime differuit. postq̄ uero bonitati diuinæ nō sufficebat, ut solum cōtemplatione sui moueret, sed oportebat bonū latius diffundi, & longius procedere, ut plura essent quæ beneficio afficerentur: id enim summæ erat bonitatis: primum quidē angelicas & cœlestes excogitauit uirtutes. statimq̄ excogitatio opus fuit, uerbo pariter adimpletū, & spiritu cōsummatum. & ita substiterūt splendores secūdi: primi illius splēdoris ministri. siue eos spiritus intellectuales, siue ignem immaterialē & incorporeū, siue naturā quandā aliam appellemus. quoniā n̄s quæ enumerauimus, admodū propinquos esse suspiciādum est. equidē dicere nolo, immobiles eos ad malum, solumq̄ boni habere motus

tus. utpote, qui circa deum uersantur, & primordio suo ex deo resplendeant, nam quæ sequuntur splendoris sunt secundi. quod uero non penitus immobiles, sed difficulter mobiles, æstimari & nominari debeant, ille mihi fidem facit, qui propter splendorem Lucifer, propter elationē uero caligo, & factus & dictus est, ac pariter ob boni fugam, quæ sub ipso erant desertrices potētiae, scelerum opifices, pariter & nobis auctores. ita igitur, & propter hæc, sibi ipsi intelligibilis cōstitit mundus: quemadmodū ego de his philosophatus sum, tenui sermone ardua expendens. Cæterum postq̃ prima recte successerant, secundo mundū excogitauit materialē, & uisibilem. ac is est, è cœlo, & terra, & eorum quæ in medio sunt, commixtio illa & cōcretio. laudabilis quidē, propter uniuscuiusq̃ rei industriam singularem. longe uero laudabilior, ob cōcinnitatem & cōsonantiam, quæ ex omnibus cōstat. cum aliud erga aliud decore se habeat, & cuncta cum uniuersis, ad unius mundi perfectionem, recte conueniant. ut deus ostenderet, non solum naturam sibi esse domesticam, sed quod omnino alienā substituere potens esset. etenim naturæ intellectuales, & mente solum comprehensibiles, diuinitati sunt domesticæ. alienæ uero penitus, quæcunq̃ sub sensu cadunt. & ex illis longe magis, quæ omnino inanimatæ sunt, & immobiles. Mens igitur, iam & sensus, ita inuicem discreti, intra terminos cōstitierant proprios. & uerbi creatoris excellentiā, in se ipsis extollebant. taciti laudatores, & assidui magnificentiae præcones. uerū nondum ex utrisq̃ factum erat temperamentū. neq̃ contrariorū cōmixtio aliqua sapiētiae maioris, ac uarietatis illius, quæ circa naturas uersatur, cognitio. neq̃ bonitatis diuitiæ, omnes cognitæ erant. Hoc igitur opificis uerbum ostendere uolens, animal unum, ex utrisq̃, inuisibilis inquam, & uisibilis naturæ, hominē fabricat. ex materiaq̃ iam existente, corpus sumit. à seipso uero uitam immittit. quam quidē animam rationalem, & dei imaginē scriptura nominat. tanq̃ mundum secundariū quendam, in paruo magnum, in terra consistentem angelum alium, cultorē mixtum, uisibilis creaturæ spectatorem, intelligibilis uero mysterium. eorum quæ in terra sunt regem. superno regi mini subiectū. terrestrem, & cœlestem. temporariū, & immortalem. uisibile, & intelligibile. mediū inter magnitudinē, & humilitatē. eundem spiritum, & carnem. spiritū propter gratiam, carnem propter elationē. illud ut secum maneat, ac benefactorem glorificet. hoc ut patiat, patiensq̃ admoneatur, instruaturq̃ ut ad magnitudinē enitatur. animal quod hic informetur, aliò uero transferatur. & quod finis est mysterij, si ad deum declinauerit, diuinitatem assumat. ad hoc enim me dirigit, mediocri quod hic est ueritatis lumē, ut claritatem dei, & uideamus, & sustineamus. dignam illo, qui nos colligauit, & dissoluet, rursusq̃ sublimius colligabit. hunc ergo hominem in paradiso collocauit, quisquis aliquando erat paradysus ille, libero arbitrio illum honorans. ut bonum eligentis, non minus esset, quàm illius qui semina dederat. immortalium plantarum colonum, diuinarum forsitan cogitatio

num, simpliciorum pariter, & perfectiorum. nudum simplicitate, ac uitæ innocentia. absque omni uelamine, & prætextu. talem enim esse decebat, qui erat ab initio, deditque legem, liberum habenti arbitrium, materiam nempe. at lex erat præceptum, quæ planta esset attingenda, & à qua abstinendum. illa uero cognitionis erat lignum. haud male sub initium plantatum, neque inuidiose prohibitum. ne huc deo rebelles linguas suas dirigant, serpentem uel imitentur, sed bonum quidem, si opportune sumptum fuisset. Etenim secundum meam contemplationem, contemplatio erat planta. ad quam solum habitu perfectiores, tute ascendere poterat, minime uero simplicioribus bona, nec qui appetitu erant auidiore. quemadmodum nec teneris, & lacte adhuc indigentibus, cibus solidior cõuenit. At postquã diaboli inuidia, mulierisque transgressionem, in quam uti fragilior incidit, & ad fidendum aptior, perducta est. Proh meæ imbecillitatis. mea etenim fuit primæui parentis. traditi mādati oblitus homo est, amaroque succubuit gustui. pariter & à uitæ ligno, & paradiso, & à deo, propter prauitatem, extorris agitur. pelliceisque induitur uestibus. carne forsitan crassiore, & mortali, & reluctanti. tumque primū, propria agnoscit turpitudinem. à deique absconditur facie. indeque lucratur quippiã. mortem nempe, ac peccati abscissionem. ne malum esset immortale. sitque poena misericordia. ita enim deum punire arbitror. at homo multifariam antea, ob multa correptus scelera, quæ ob diuersas causas, ac tempora uaria, ex prauitatis germinauerunt stipite, uerbo, lege, prophetis, beneficijs, comminationibus, uerberibus, inundationibus, incendijs, bellis, uictorijs, cladibus, prodigijs, ex cælo prodigijs, ex aere, ex terra, ex mari, improuisis hominum, ciuitatum, gentium, submersionibus, quibus omnibus, de peccati tantum agebatur exterminio. tandem ob grauiore morbos, fortiori opus erat pharmaco. propter homicidia mutua, adulteria, periuria, insanos masculorum amores, omniumque malorum nouissimum & primum idololatriam, ac honoris adorandi à factore ad facturam translationem. hæc igitur postquam maiori indigebant auxilio, maius quoque assequuntur. hoc autem ipsum dei erat uerbum. omnibus seculis antiquius, inuisibile, incomprehensibile, incorporeum, ex principio principium, lux è lumine, fons uitæ, & immortalitatis. Archetypi imago, signaculum immotum, similitudo incommutabilis, patris diffinitio, ac ratio. ad propriam procedit imaginem, carnemque ob carnem gerit. ac animæ rationali, propter meam miscetur animam, simili simile expurgans, exceptoque peccato per omnia homo efficitur. nascitur quidem ex uirgine, cuius caro ac anima, iam antea à sancto purgata erat spiritu. decebat enim ut ita generatio ornaretur, prius tamen uirginitas honore decoraretur. procedens autem deus, post assumptionem, unum ex contrarijs duobus, carne & spiritu, ex quibus hic quidem deus erat, illa uero in deitatis consortium assumpta. ô mixtura noua, ô temperamentum admirandum. existens nascitur, increatus creatur, intangibilis tangitur, per mediū animæ rationalis, inter

inter carnis crassiciem, & diuinitatem interpositæ. ditans depauperatur. ob meam enim pauper est carnis, ut ego sua locupleter diuinitate. plenus exinanitur. siquidē parumper sua exinanitur gloria, ut ego suam cōsequar plenitudinem. quæ nam bonitatis diuitiæ? quid hoc pro me mysterium illud? particeps fueram imaginis eius, uerū non cōseruaui, at ille meæ fit particeps carnis, ut & imaginem saluet, carnemq; immortalitate donet. secundam communicat cōmunicationem, longe priore admirabiliorem. quoniam tunc quidem quod melius erat impartitus est, nūc uero deterioris efficitur particeps. hoc priore diuinius. hoc mentem habentibus sublimius. sed cur nobis hæc, dicet forsitan aliquis feruentior, & admodum festi amore detentus. ad me tam equum urge. & de ijs quæ festi sunt, ac ob quæ hodie cōsedimus, nobis philosophare. faciam id quidē, & si paululum altius orsus fuerim, ita sermone & desiderio cogente. uerū haud fortassis ab re erit, discendi cupidis, & bonarum rerū studiosis, de ipsius paschæ appellatione, breuiter quid explanare. quandoquidem illa haud inepta ad audiendum erit introductio. Pascha hoc magnum & uenerādum, Hebræorum lingua, phaska appellatur. significat autem uox illa, transitū. historice quidem, ex Aegypto fugam, & transmigrationem in Chananæā, spiritaliter autē ab inferioribus ad superiora, terramq; promissionis processum, & ascensum. uerū quemadmodū sæpius in scriptura accidere inuenimus, ut illa nomen aliquod, ab obscurioribus ad manifestiora, aut à rudioribus ad uenustiora transmutet: ita & hic quoq; factum cernimus. quidā enim salutaris passionis nomē hoc esse existimantes, ad uocē adaptarunt Græcā. ut pha in pa, & k in ch transmutarent, ac diem Pascha nominarent. cumq; uocē hanc cōsuetudo suscepisset, fortiorē reddidit, cum multorū auditus, tanq; magis pio accessisset uerbo. Proinde legem tantummodo futurorū ac intelligendorum umbram esse, ante nos diuinus ostendit Apostolus. & ante illum deus, cum Moyse de his legem ferens, per oraculum respōdit. uide enim inquit, ut omnia facias per figurā tibi in monte demonstratam. ostendens uisibilia, umbratilem quandam designationē, & rerum inuisibilium esse præmonstrationē. & credo sanē nil ex his temere, aut citra rationem, terrestrēue esse institutū. neq; quod dei legislatione, uel Moyse indignum mysterio existat. quamuis admodum sit difficile, si quis ad tenuiora descendere uelit, ex singulis umbris, singulas inuenire speculationes. quemadmodum quæ de tabernaculo ipso, & de mensura, & materia, & de Leuitis qui illud portabant, & ministris, quæ etiam de sacrificijs, expurgationibus, & oblationibus sunt constituta. solum contemplabilia ijs, qui Moisaica sunt uirtute, aut quàm propinque ad illius accesserint doctrinā. quandoquidem & in ipso monte deus per imaginationē deprehenditur ab hominibus. & hoc ideo, quoniā ipse parumper ē domestica descēdit specula, illud uero quia nos ex inferna eduxit humilitate. ut à natura mortali mediocriter, & quantum tutum esset, incapax capi posset, non enim aliter possibile erat
ad deum

ad deum cogitatione peruenire, si materiali corpori, & colligatæ mentis crassitudinī subuentum haud foret. Proinde non omnes dignitate præditi, eiusdem ordinis & status esse uidentur, sed alter alterius. unusquisque ad mensuram, ut arbitror, suæ puritatis. ex quibus aliqui omnino sunt depulsi, ipsæque tantum permissum est uocem audire superiorē, tanquam beluinis moribus, & diuinis mysteriis indignis. nos uero inter omnino crassiores sensu, & nimium speculatiuos, ac in altum sublato, mediū incedamus. ut nō penitus seignes & immoti maneamus, neque curiosiores quā debeat existamus, à propositoque excidamus, ac alieni fiamus. ex quibus primū Iudaicum est, & abiectum. alterum uero somniorū interpretationi simile. utraq; uero reijcienda. Cæterum de his, quantū nobis erit possibile ita differemus, ut non nimium inepti, neque multis ridiculi uideamur. existimamus igitur, cū ob originale cecidissemus peccatū, ac propter uoluptatem, ad idololatriā usque, & illicitū deuoluti essemus sanguinem, iterū regredi, & ad pristinū redire statum oportebat. per uiscera misericordiæ dei patris nostri, nō tolerantis damno affici tantū propriæ manus opus, hominē nempe, sed quo pacto reformaretur, & rursus aliquid fieret? id quod uehementer medelam reijceret: tanquā inobediens, & quod minime propter longi tēporis superbiam corrigi posset. nempe, ut mansueto & humano curationis modo, ad correctionem induceretur. cum neque ramus incuruus, subitam inflexionē & producentis manus uolentiam ferret, citiusque frangeretur, quā dirigeretur. neque equus ferox & adultus, absque assentatione & demulsiōe, freni susciperet tyrānidem. Propterea lex nobis in subsidium datur, tanquā uallum quoddā, inter deum, & idola medium. ut ab illis nos abduceret, ad illum uero reduceret: ac paruum quid sub initium cōcedit, ut etiā quod maius esset accipere posset. sacrificium enim eo usque concedit, ut deum esse ostēderet. inde tempore suo sacrificia quoque dissolueret: ac sapiēter nos parua subalternauit surreptione, iamque persuasione exercitatos, ad euangelium traduxit. sic itaque, & propter hæc, lex ingressa est scripta, in Christo nos cōgregans: & ista sacrificiorum est ratio, quemadmodum meus ostendit sermo. ne autē sapiētiæ profunditatem ignores, illiusque inuestigabiliū iudiciorū diuitias, neque sacrificia penitus inania, neque imperfecta, neque ad uilem tantum procedentia sanguinē dimisit. sed magnū illud, & insacrificabile (ut ita dicam) sacrificiū, quod in prima natura legalibus intermixtum est hostijs, non pro parua orbis parte, neque pro paucis, sed toto mundo purgationē obtulit æternā. Quapropter agnus sumitur, ob innocentiam nempe, ac ueteris nuditatis indumentū. talis etenim hostia, propter nos oblata, incorruptibilitatis est, & uocatur indumentū. perfectus autē, non ob diuinitatem tantū, qua nil est absolutius: sed & propter unctionē, deitati adiunctam, factamque illud idem; quod eam unxit. quin dicere audeo, deo æqualem. masculus autem, tanquam pro Adam oblatus, seu potius forti illo, qui primus sub peccati iugum cecidit, quid fortius, & quod potissimum, nil muliebri

muliebre, aut minus uirile in seipso ferret. sed & iuxta multifariam potestatem, clamauit, uirginalium & maternorū ui uinculorū, masculinūq; ex prophetissa genitum est. quemadmodum Esaias euāgelizauit. anniculus ut sol iusticiæ, aut quod inde defluerit, aut uisibili circūscriptum, & in seipsum conuersum sit. bonitatisq; corona benedicta, ac undiq; sibi ipsi æqualis & similis. nec solum illud, sed tanq; uirtutum circulum uiuificans, quæ uirtutes suauiter amicitia & ordinis lege, inuicem cōmixtæ & temperatæ sunt. immaculatus autem & purus, tanquam maculas, & quæ à malicia pullularūt uitia & inquinamēta, sanans. quamuis enim peccata nostra suscepit, & infirmitates portauit, non tamen ipse quid sanatione dignum pertulit. etenim cuncta iuxta nostram expertus est similitudinem, peccato tantum excepto. qui enim lucidū in tenebris lumen persequitur, non cōprehendit. quid plus? mensē inchoat primus. quin potius mensis est initium. siue aliquis apud Hebræos à principio exitit, seu postea hinc exordium sumpsit, & primus esse suum à mysterio suscepit. At decima die mensis. numerus enim iste perfectissimus est. ex unitatibus, prima unitas perfecta, & perfectionis generatiua. seruatur autem in diem quintum. forsitan, quoniam meum sacrificiū sensuum est purgatiuum. ex quibus peccatum oritur, & circū quos bellum uersatur. quicq; in se peccati stimulum suscipiunt, eligitur autē non ex agnis solum, sed & à specie deteriore, & sinistra manus hædis. quoniam non solum pro iustis, sed & peccatoribus iugulatur. forsitan & pro his magis, quāto plus indigemus misericordia. nil autem mirum, si potissimum per domos singulas requiritur agnus, sin minus, at per domos familiarum, ob paupertatem contributione acquisitum. quandoquidem optimū est, ut unusquisq; sibi ipsi potissimū ad perfectionē sufficiat, & uictimam sanctam, uiuentemq; deo uocāti, qui pro toto & uniuersis oblati est, adducat. sin minus, ut cooperatoribus ad hoc utatur, qui ob uirtutē cōsanguinei, & moribus similes existant. id enim mihi uelle uidetur, cum uicinis cōmunicare uictimam, si indigeant. hinc sacra nox, & effusæ huius præsentis uitæ nocti cōtraria, per quā primæuæ soluuntur tenebræ, & cūcta in lucem, & ordinē, ac formā deueniunt. ornatumq; pristina accipit deformitas. hinc Aegyptum fugimus, triste & persequens peccatum: Pharaonemq; tyrannū inuisibilem, & asperos operū præfectos, ad superiorem transmutati mundū, à lutoq; & lateritio opere liberamur. nec nō à straminea & fallaci, carnis huius commendatione. ne in tam multis stramineis superet cogitationibus. hinc agnus iugulat. iugulanturq; sanguine precioso, opera, & sermones, pariterq; habitus, ac actus, hostiarum nostrarum ianitores, mentis inquam motus, & dogmata, qui ex speculatione, probe referantur & clauduntur. quandoquidē & in occupationibus quoq; modus quidā seruandus est. hinc extrema & grauissima persecutoribus plaga, & nocte quoque digna. Aegyptusq; primogenita domesticorū operū & cogitationum deplorat, id & semen chaldaicum delendum à scriptura uocatur, & infans

Babylonia

Babylonia, petrae allidenda & soluenda. Aegyptijsq; omnia clamoris & uociferationis plena. tum unctionis pudore & timore à nobis illorū recedet exterminator. inde septennaria fermenti (hic enim numerus mysterijs est conuenientissimus, & mundo huic perquam congruus) à ueteri & acida prauitate sublatio. nō fermenti illius ex quo panis conficitur, & quo uescimur. sed ut nullam cōspersionem Aegyptiacam, ac reliquias Pharisaicae & sacrilegae frumentum doctrinae. & illi quidē lugeant, à nobis uero agnus manducatur, ad uesperam quidem, quoniam Christi passio ad consummationem seculorum. & quoniam in uespera discipulis mysteriū communicat, peccati soluēs tenebras. non elixatus, sed affatus. ut nihil cōtemplatione careat, neq; humidum aut dissolubile quid, sermo noster cōtineat, sed totus cōpactus sit, & solidus, ac igne lustrali probatus, & ab omni materia siluestri liber, & alienus. bonisq; adiuuemur carbonibus, qui intellectuale nostrū inflāment & expurgent, ab eo qui ignē super terram eiacularus est, malorum habituum consumptiuo, & ut inflammare possit festināte. Quicquid igitur ex sermone carnale est & nutritiuū, cum intestinis & mētis deuoretur occultis, cōsumaturq; ac in spiritalem digestionē cōferatur, ad caput usq; & pedes. id & primas diuinitate speculationes, & nouissimas carnalitatis sollicitudines designat. nec dimittamus quicq; nec usq; mane relinquamus. quoniam multa ex mysterijs nostris, neq; externis sunt publicanda, neque super noctem hanc aliqua est purgatio. & illis qui rationis sunt compotes, haud laudabilis est dilatio. Quemadmodum enim in ira die tota nō perseuerare, sed ante solis occasum illam dissoluere, bonum & deo est acceptū, tēporaliter & anagogice (si quidem nō est securū nobis iratis iusticiae solem occidere) ita cibū talem non pernoctare, neq; in posterū usum reponere decet. quicquid uero osseum est, & ad uescendū inutile, ac nobis cōtemplatu difficile, haud cōfringatur, male diuisum & intellectū. ut obiter dicere omittam quod nihil nec secundū Iesu historiam cōminutum sit, quāuis propter sabbatum, mortē celerem crucifigentes procurarēt. nil uero abiiciatur, aut hinc inde trahatur. ne sancta canibus, & malis dent uerbi dilaceratoribus. quemadmodū neq; porcis, splendida, & margaritica uerbi. sed igne cōburantur, quemadmodū & holocausta. cūcta spiritui indaganti & sciētī attenuata & saluata. non aquis perditā, nec tanq; à Moyse uituli caput dispersa, quod Israel ob duricie exprobrationē segregabat. proinde dignū est, ut nec comestationis modum prātereamus, ne lex tibi quoq; speculationē laboriose in litera exerceat. absumimus enim sacrificium festinanter. Azyma cum amarulentis comedentes. lumbos accincti. & calciamentis induti. seniliter baculos tenentes. festinanter equidem, ne nobis tanq; Loth illi accidat, qui mandatū est transgressus. neq; circūspiciamus. nec in omni subsistamus loco. sed in monte saluemur ne à Sodomitico & peregrino cōprehendāmur igne. neue ob conuersionem ad deterius, in falsis statuam uertāmur. id enim cunctatio efficere solet, cum amarulentis autē,

propter

propter amaram & arduam secundum deum uitam, maxime inchoatibus, longe tamen uoluptatibus altiore. Etenim si Christus nouū est iugum, ac onus leue ut audis, id tamen propter spem & retributionem, quæ longe prauitate præsentī abundantior est, euenit. alioqui nemo nō diceret, euangelium longe difficilius & laboriosius legalibus esse constitutionibus. nam legis finis peccatorum est prohibitio, nos uero causas feruē ut opera reprehendimus. Non mœchaberis lex inquit. tu uero nec cōcupiscas. quoniam ex cōspectus curiositate & assiduitate passio hæc adurit. Non occides illa iubet. tu uero neq; contra percutientem repercutias. sed teipsum tanto magis percutienti offeras, quantū hoc propius, quā illud, ad sapientiā accedit. Nō peierabis illa præcipit. tu autem penitus neq; parū, neq; multum iurabis. quoniam iuramentum generat periurium. ne domū ita domui copules, illa præcipit; neq; agrum agro, ut pauperē opprimas. tu uero prompte, etiam quæ iuste possides abiice, & pauperibus denuderis, ut expeditus crucem tollas, & eas cōsequaris diuitias, quæ cerni nequeūt. Proinde lumbi irrationabilibus sunt dissoluti, quin nō ligati. neq; enim rationem habent, qui uoluptatibus subiiciuntur. ut dicere obmittam, quod animalia rationis expertia finem cōmotionis nouere naturalis. tibi autem castitatis zona astringatur, quæ concupiscibilem & brutam, quemadmodum diuina inquit scriptura, affectus turpitudinem cōstringat. ut purus comedas pascha, mortificans membra quæ super terrā sunt. imitansq; zonam Ioannis heremitæ, & præcursoris, ac magni ueritatis præconis, scio & aliam esse zonam, militarem inquam, & uirilem, propter quam Azoni Syriæ quidam & Monozonī nominantur. de qua, & deus Iob de turbīne dicit, non ita, sed accinge sicut uir lumbos tuos, desq; responsionem uirilem: quam diuinus quoq; Dauid, se dei adiutorio accinxisse gloriatur. ac deum ipsum, uirtute amictū & præcinctū, propter impios nempe, inducit. nisi quis potius existimet, id, quod potentiā ipsius ambit, & quasi eleuat, eo demonstrari pacto. quemadmodū cum & lumen tanq; amictum induit. etenim uirtutis eius & luminis potentiam, quis sustinebit? proinde & nouum quid lumbis, & ueritati perquiro, quid autem hoc est? beatum Paulum dicere nostis, state igitur lumbis uestris præcincti in ueritate. ne quādo cōtemplatiui instar, concupiscibile constingat. nec aliō ferri permittat. neq; enim quod amore erga aliquid affectum est, æque uult ad alias uoluptates eandem uim habere. calciamenta uero: is enim qui sanctam & diuinā tramitis terram calcare debet, calciamenta soluat necesse est, instar Moysis illius in monte uirtutis montuum ferat, neq; medium inter deum & homines. perinde ac si discipulus quispiam, ad euangelium mittatur philosophice & tenuiter. quem ultra uigilantem, baculi defectū, & uestitus simplicitatem, etiam nudis pedibus incedere oportet. ut pedes eorum qui pacem euangelizant, frugiferi appareāt, & aliud bonum omne. qui uero Aegyptū fugit, & Aegyptiaca, calceos induat, cū reliquæ securitatis gratia, tum propter scorpiones & serpen

tes, quales multos nutrit Aegyptus, qui calcaneum observāt, quos calcare iubemur, de baculo uero, & eius anigmate, ita habeo. scio enim sustentatiuum unum esse, alium uero pastorem & instructiuū, quiq; rationales oues conuertat. nunc uero lex ad illum quo te firmes, hortatur, ne alicubi cōsideratione labaris, cum de sanguine, & passione, necnon dei morte audis. ne forsitan dum deo patrocinari conaris, sacrilegus esse uidearis. sed absq; cōfusione & dubio, comede corpus, & sanguinē bibe. si saltem uitæ desiderio teneris. neque sermonibus qui de carne habentur fidem deneges. neq; ob passionem, offendaris. constans esto, firmus, stabilis, in nulla re propter aduersariorum sermones fluctues. neq; suadele uerbis distraharis. super altitudine tui ipsius cōsiste, in aulis Hierusalem pedes tuos statue, super petrā firma, ne secundū deum gressus tui fluctuent. quid ais? ita hæc uisā sunt, ut ex Aegypto camēno ferro egrediaris. deorumq; multitudinē ibi relinquant. ut Moyse, ac illius legi & militiæ subiiciaris. adducam quid & nō meum, seu potius admodum meum, si spiritualiter considerare uolueris. ab Aegyptiis uasa, aurea & argentea cōmodato sume, cum illis iter arripe. ex alienis cōmeatum quære. seu potius ex tuis. tibi debetur seruitutis, & latericij operis merces. quin tu quoque de repetitione uasre quid excogita, honesta spolia, annitere. ibi enim uarias exantlasti ærumnas. contra lutum depugnasti. miserum scilicet hoc & sordidum corpusculum. ciuitatesq; cōdidisti alienas ac noxias. quorum memoria cum sono perdetur. quid plus? gratis & absq; stipēdio egredere. at quid relinques Aegyptiis, & contrariis potestatibus? ea nempe quæ male pepere, & peius expendent. non sunt eorum. prædati sunt, rapuerunt ab illo, qui dicit meum est argentū, & meum est aurū, ac cui uolero dabo. heri illorum erat, perittebatur enim. hodie tibi cōtulit dominus, & tribuit, bene & salu- tiferē utenti. faciamus nobis ipsis amicos ex mammona iniquitatis, ut cum defecerimus, recipiamus in tēpore iudicij. etenim si quāpiam Rachel es, aut Lia, anima patriarchalis, ac magna, patris tui cū inueneris idola surripe: non ut conserues, sed ut deleas. si autem Israelita es sapiens, ad terram promissionis defer. & propter illa persecutor doleat, & sapiat deceptus. quoniā frustra tyrannidem exercebat, ac meliores seruitio premebat. Proinde si ita facies, sicq; ex Aegypto egrediaris, planē noui, quod à columna ignis & nubis, die ac nocte deduceris. desertū mansuescet, mare tibi diuidetur. Pharao submergetur, panis de cœlo pluet, petra fonte scaturiet. Amalec debellabitur, non armis solum, sed & bellicosius iustorum manibus. interim oratione rem age, & crucis trophæo, insuperabile flumē deficiet, sol stabit, & luna firmabitur, muri etiam absq; machinis corruent, crabrones præcurrent, ut uiam præparent Israel, alienigenas uero repellant. ac alia quæcunq; præter illa, & cū illis narrantur, ne in longum sermonem protraham, à deo tibi dabuntur. talem festiuitatem hodie peragis. talia pro te geniti natalia, & pro te passi celebras parentalia. tale tibi Paschæ mysterium, hæc lex statuit, hæc Christus adimple-
uit, qui

uit, qui literæ est dissolutor, spiritus adimpletor: qui per ea quæ passus est pati docet, & ea per quæ glorificatus est pariter gloriari donat. Cæterum iam rem & doctrinam scrutemur, à multis neglectam, à me uero diligenter inuestigatam. cui enim pro nobis sanguis, & cuius rei gratia effusus est. preciosus ille & salutaris dei, & pontificis, & sacrificij, etenim detenti eramus à maligno, sub peccati iugum missi, ac prauitatis mercedem uoluptatem accipiebamus. si igitur solutio nullius est alterius quàm eius qui detinet, quæro cui hic effusus sit, & quam ob causam? etenim si improbo, proh quanta erit iniuria, si non solum à deo, sed & deum ipsum redemptionis precium latro accipit, tam immensam tyrānidis suæ mercedē, propter quā iustius erat, ut nobis parceretur. si uero patri, primo quæro, quo pacto? nō enim ab illo detinebamur. secundo, qua ratione unigeniti sanguis patrē oblectare poterat? qui nec Isaac sanguinē, à patre oblatū suscepit, sed uictimā immutauit, ac pro rationabili sacrificio, hircum subiecit. aut constat ne? quod pater filij sanguinē suscepit, cum neq; peteret neq; indigeret. Cæterū propter dispensationem, sanguis tam preciosus effusus est, & quia deum res humanas, per hominē sanctificare oportebat, ut ipse nos, ui tyrannū superans, eriperet, ac per filij intercessionē ad se cōgregaret. idq; in honorē patris ita disponentis. cui cuncta uidetur tulisse accepta. & Christi quidem res ita se habēt. suntq; ut plurimum silentio colendæ. at anguis æreus, propter angues quidē mordentes pendet, non solum tanq; figura illius, qui pro nobis passus est, sed ueluti exemplar. saluatq; in eum intuentes, nō quia uiuere sit creditus, sed quia interfectus, & potestates quæ sub ipso erant pariter secū occiderit, dissolutus, ut dignus erat. & qui nam illi decens à nobis sepulturæ honos exhiberi poterit? ubi mors est stimulus tuus? ubi inferne uictoria tua? in cruce uulneris, uiuificanti occideris, exanimis, mortuus, immobilis, incultus, & si figurā anguis seruas, in alto turpiter suspensus. Cæterū iam Paschæ fiamus participes, figuraliter tamē adhuc, & si Pascha hoc ueteri sit manifestius. siquidem Pascha legale, audenter dico, figuræ figura erat obscurior: at paulo post, illo perfectius & purius fruemur, cū id ratio nostra in regno patris nouū bibet, detegens & docens, quæ nunc mediocriter ostendit. nouum etenim semper existit id, quod nuper est cognitū. sed quale desiderium, qualisq; erit fruitio? nostra quidem ut discamus, illius autē ut doceat, ac discipulis suis sermonem communicet. siquidem doctrina etiam nutrientis existit nutrimentum. Sed adeste, & nos legis participes fiamus. Euangelice, & non literaliter perfecte, & non imperfecte, sempiternæ, & non temporaliter, faciamus caput, nō Hierusalem inferiorem, sed Metropolim supernā, non quæ nunc ab exercitibus subigi potest, sed illam quæ ab angelis glorificari est digna. sacrificemus nō uitulos iuuenes, neq; agnos cornua producentes & ungulas, in quibus multum est demortui, & insensati. sed sacrificemus deo hostiam laudis, super altare supernum, cum cœtu superno: uelum primum transeamus, secundo ap-

propinquemus. ad sancta sanctorum penetremus. dicam quid maius. nos ipsos deo sacrificemus. seu potius per singulos dies. & motus cunctos. sacrificemus. omnia pro uerbo suscipiamus. passionibus passionem imitemur. sanguine sanguine decoremus. Crucem prompti tollamus. dulces clauis. etsi ualde dolorifici. siquidem magis est eligendum. ut cum Christo. & pro Christo patiamur. quam cum alijs delictis fruamur. Si Simon es Cyrenæus. tolle crucem & sequere. si latronis instar cum illo crucifigeris. tanquam gratificans. deum cognosce. si ille cum iniquis. propter te & peccata tua. reputatus est. tu per illum fias iustus. adora illum. qui pro te suspensus est. & suspensus aliquid etiam à malicia acquire. eme morte salutem. cum Iesu in paradysum ingredi. ut discas à quibus excideris. pulchritudinem quæ ibi est contemplare. murmuratorem extra cum blasphemia mori relinque. si Ioseph es ab Arimathæa. pete corpus à crucifigente. tua fiat mundi purgatio. quod si Nicodemus es. nocturnus ille pius. unguetis illum sepeli. si uero Maria aliqua existas. aut alia Maria. aut Salome. aut Ioanna. mane luge. prior uide lapidem reuolutum. forsitan & angelos & Iesum ipsum. loquere aliquid. uocem audi. quod si audieris. ne me tange. à longe consiste. uenerare uerbum. sed non cōtristeris. nouit enim à quibus primum uideri debeat. innoua resurrectionem. Eux auxiliū feras. ut quemadmodum illa prima cecidit. ita & tu primo Christū salutes. ac discipulis indices. Petrus fias. aut Ioannes. ad sepulchrum festina. præcurre. simul curre. pulchrū certa certamen. & si uelocitate præuenieris. studio tamen uince. ne prætergredere monumentū. sed ingredi. si uero instar Thomæ relictus fueris. discipulis congregatis quibus Christus apparuit. cum uideris. noli esse incredulus. & si incredulus sis referentibus saltem crede. quod si nec illis. at clauorum uulnera fidem faciant. quod si ad infernum descendit. unā descende. cognosce & illic Christi mysteria. quæ nam dispensatio duplicis sit descensus. quæ ratio. num cum ibi apparet. omnes pariter saluet? aut solū credentes. quod si in cælum ascendat. simul ascende. angelis qui obuiam mittuntur. aut illum suscipiūt intermisceris. portas attolli iube. sublimiores fieri. ut ex passione sublimiorem accipiant. ihs. qui propter corpus & passionis signa dubitant. cum quibus ascendens non descendit & propterea interrogant. quis est iste rex gloriæ. responde. quia dominus fortis & potens. in omnibus. & quæ semper fecit. & facit. maxime in præsentis prælio & trophæo pro genere humano. binæ quoque interrogationi. binam des responsionem. quod si admirabuntur. ac secundum Esaïæ dicent oracula. quis est iste. qui aduenit ex Edom. & terrenis? aut quo pacto rubra sunt uestimenta. sanguine & corpore carentis. tanquam uinitoris & torcular calcantis? tu pulchritudinem stolæ corporis. quod passum. & passione decoratum est. prætende. quia nil amabilius. necque est speciosius. sed quid nobis ad hæc dicent calumniatores. amarulenti diuinitatis cēsores. rerum laudandarum accusatores. circa lucem tenebrosi. circa sapientiā indocti. pro quibus Christus gratis occubuit.

creatura

creaturæ ingratae. diaboli plasmata. num dei beneficentiam criminaris? propterea est paruus, quia propter te humilis, quia propter errantem, pastor uenit bonus, qui animam pro ouibus ponit, montes & colles, in quibus idolis sacrificabas peragrans, errantem inuenit, ac inuētum humeris imposuit, quibus & lignum, ac impositum ad supernam reduxit uitam, reductū uero permanentibus annumerauit, quia lucernā accendit, carnem nempe propriam, domumq; uerit, mundum a peccato mundans, ac drachmam quæsiuit, imaginem nempe regiam, uitæ confusam. atq; ob drachmæ inuentionem, amicas sibi conuocat uirtutes, ac læticiæ participes facit, quas & domesticæ cōuersationis effecerat ministras: quia & lucernam præcuratricem, lumen quoq; sequitur splendidissimum, uocemq; uerbum, sponsus pronubum, præparantem domino populum acceptum, & præmundantem, ad suscipiendum spiritum per aquam. hæc deo exprobras? propter hæc uiliore reputas? quia litho præcingitur, pedesq; discipulorū lauat, optimamq; uiam sublimitatis humilitatem esse demonstrat. quia propter animam humi incuruatam humiliatur, ut erigeret quod ob peccatum deorsum uergebat. Proinde, cur non & hoc criminaris? quod cum publicanis, & apud publicanos manducauit, publicanosq; instruit, ut & ipse quid lucrifaceret. quid nam tandem? peccatorum salutem. num quis ideo medicum accusat? quoniā ad morbos se demittit, foetoremq; sustinet, ut ægrotantibus sanitatem restituat. num eum qui misericordia ductus in foueam se declinat? ut delapsam pecus ex legis instituto conseruet? demissus est quidem, uerū ut homo. duplex enim erat, nam & laborauit, & esuriit, & sitiuit, & decertauit, fleuit quoq; sed lege corporis. si autem ueluti deus, quid hoc? bonam patris uolūtatem, legationem esse putato. ad quem refert, quæ sua sunt. & tāquam principium honorat, eum, qui æuo caret. & ne uoluntati diuinæ resistere uideatur. quoniam & traditus dicitur, sed & seipsum tradidisse: & a patre resuscitatus, & resumptus esse scribitur: sed & seipsum resuscitasse, & iterum rediisse legitur. illa bonæ uolūtatis, hæc uero sunt potestatis. at tu quæ illum minorem reddunt enumeras, quæ uero sublimiorem retices. siquidem quod passus sit imputas, uerum q; sponte, non adiungis. quemadmodum & nunc quoq; uerbum patitur, a quibusdam enim ut deus ueneratur & confunditur, ab alijs tanquam caro uituperatur, & a deitate separatur. quibus irascatur, seu potius, quibus dimittat plus? num male contrahentibus, uel male separantibus? nam & illos diuidere, & hos connectere oportebat, illos quidē numero, hos uero diuinitate. carnem cauillaris? uel eum samaritanū appellas? ut quod est deterius taceam. hoc & Iudæi faciunt. fidē diuinitati denegas? at illud nec dæmones. o & dæmonibus incredulior, & Iudæis ingrator. illi filij appellationē, æqualis honoris uocem existimabant. hi uero expellentē deū esse nouerant. credebant enim ob ea quæ patiebantur. tu autem neq; æqualitatem concedis, neq; diuinitatem fateris. satius tibi erat circūcidi, aut dæmonibus agitari (ut ridiculi quip-

piam dicam) quàm in præputio, & bona ualitudine, tam scelerate & impie sentire. Cæterum bellum hoc aduersus illos, uel tarde resipiscentes, si uoluerint, dissoluetur, aut nolentibus, sed ut habent habentibus, transigetur. penitus re nulla indigebimus, cum pro trinitate, cum trinitate decertamus, nunc uero nobis, ita sermonis summam facere necesse est, facti sumus, ut bene nobis eueniat, bene nobis euenit, postquã facti sumus. paradysus fidei nostræ commissus fuit, ut oblectaremur: legem accepimus, ut illam obseruantes, clari euaderemus, non ignorante deo, quid futurum esset, sed lege liberam uoluntatem refrenâte, decepti sumus, postquam in nos inuidia grassari cepit, excidimus, postquam transgressi sumus, ieiunauimus, postquam non ieiunauimus, cognitionis ligno succumbêtes, etenim uetus erat mandatũ, nobisq; cõtemporaneum, animæ custodia quædam, & deliciarum refrenatio, quod merito suscepimus, ut si illud non seruaremus, excideremus, seruantes uero reciperemus, indigebamus ut deus carnem assumeret, & mortẽ subiret, ut uiueremus: unã moreremur, ut purgaremur: unã resurgeremus, postquã unã mortui essemus: unã gloriam assequeremur, postquam unã surrexissimus. equidem multa temporis illius extitere miracula. Deus crucifixus, sol obscuratus, & rursus illuminatus. oportebat enim creaturas, creatori compati, uelut scissum, sanguis & aqua ex latere profluens, hoc tanquã hominis, istud uero tanquam ultra hominem: terra commota, petra scissæ, mortui resurgentes, in fidem nouissimæ & communis resurrectionis, signa sepulchri, & post sepulchrum, quæ cuncta, quisnam digne laudare posset? nullum uero sicut meæ salutis miraculum, guttæ sanguinis pauca mundum uniuersum reformantes, in omnibusq; hominibus, id, quod coagulum in lacte sunt, nos in unum colligentes & contrahentes. Cæterum ô Pascha magnum & sacrum, totiusq; mûdi expurgatio, tecũ enim tanq; cum animato aliquo colloquar. O uerbũ dei, & lumen, & uita, & sapientia, & uirtus, etenim cunctis tuis gaudeo nominibus. O mētis magnæ illius, foetus, & cogitatio, & sigillum. O uerbum intelligibile, & homo uisibilis, qui cuncta fers, coronatus uerbo potentia, nunc quidem sermonem hunc habes, non ut primitias aliquas, sed forsitan nostræ fructificationis supplemētum, eundem gratificum & supplicem, ne mali quicquã patiamur, extra necessaria & sacra, quibus æque uiuimus, corporis quoq; tyrannidem, quam contra nos gerit, siste. cernis qualem domine, & qualiter incuruet, nisi per tuum suffragium, aut à te ipso purgemur, quod si digne ex desiderio nostro dissoluemur, & cœlestibus suscipiemur tabernaculis, forsitan & ibi acceptabiliter tibi sacrificabimus, super

sancto tuo altari. O pater, & sermo, & spiritus sancte,

quoniam tibi omnis gloria, honor, & po-

testas in secula, Amen.

GREGORII NAZANZENI THEOLOGI IN SAN
ctam Pentecosten Oratio quinta.



In festiuitate ista, paucis philosophabimur, ut spiritualiter festiuitatem peragamus. alia enim circa alia est solennitas. uerbi autem cultoribus, uerbum. ex uerbisq̃ potissimum uerbum illud, quod tempori est conuenientissimū. nihil enim ex rebus bonis, ita delictiorem quempia oblectat, quemadmodum festi amatorem, ut spiritualiter festiuitatem peragat. proinde ita consideremus. solennitatem & Iudæus celebrat. uerum secundum literam. nam cum legem sectetur corporalem, ad legem spiritalem peruenire nequit. celebrat & gentilis. uerum secundū corpus, & deos suos, ac dæmones. ex quibus aliqui, & secundum illos ipsos, uitiorū sunt autores. alij autem propter uitia coluntur. quapropter etiam uitiosa est eorum solennitas, ut dei sui honor sit, peccata perpetrare. ad quem, tāquam præstantissimum, uitia refugium habent. proin & nos quoq̃ festiuitatem celebramus, sed ut spiritui uideatur. uidetur autē, cum honestum quid dicimus aut peragimus. & hæc est nostra solennitas, ut animæ thesaurū quendā colligamus. ex rebus stabilibus & firmis, minimeq̃ fluxis ac labilibus, & quæ parumper sensui blandiuntur, plurimū uero, iuxta meā opinionē lædant & offendāt. sufficit enim corpori malicia sua. cur enim flammæ copiosior subiiciatur materia, aut bestię cibis præbeatur lautior, ut insolentior fiat, & impetu uiolentior. Idcirco spiritualiter peragenda est festiuitas. initium autem uerbi (quandoquidem latius aliquantisper dicendum est) nobis uerbum erit. politiorumq̃ gratia, sermonem nostrum elegantiorē esse decet, ut illum tanq̃ cōdimentum quoddam, festiuitati intermisceamus. Numerū septenarium, ex Mosis instituto, Hebræorū celebrant filij, quemadmodū post illum Pythagorici quaternariū, quem etiam iuramenti statuerunt formulam. sed & octonariū, & tricenariū, Simonis & Marcionis sectatores, à quibus & seculæ quædā, eiusdem numeri denominant ac uenerantur. quibus nam proprietatis rationibus, aut propter quā numeri huius uim, ignoro, uenerātur igit̃ Hebræi numerū hunc, quoniam constat, quod deus sex diebus, materiā substituit & formauit, omnibusq̃ speciebus & uarietatibus exornauit, & mūdum hunc quem cernimus perfecit. septimo uero ab operibus requieuit, quemadmodum & sabbati indicat appellatio, quæ requiē significat Hebraice. quod si de his altior quædam est ratio, alijs explicandam relinquo. Cæterum honor ille, non solum in diebus, sed etiam in annis, ab ipsis obseruatur. dierum igitur sabbatum illud est, quod indefinenter ab ipsis ueneratur. quemadmodum & æquali numero fermenti sublatio. ex annis uero septimus, remissionis est annus. idq̃ non solum in septimanis, uerumetiā in septimanarū, tam dierum q̃ annorum, obseruatur septimanis. dierum igitur septimanæ, quin

quagesimum generat diem, qui apud eos dies sanctus appellatur. Annorum uero septimanæ, annū illum, qui apud eos iubileus uocatur constituunt, qui terræ remissionem, pariter & seruorum continet libertatē, emptorumq; possessionum, ad priores dominos reuersionem. offert enim gens illa, nō solum germinantium, & primogenitorum, sed & dierum, & annorū primitias, deo. ita honorandus ille septenarius numerus. Pentecostes honorem introduxit. si enim septem, in semetipsa multiplicata fuerint, quinquagesimam generat, minus die uno, quem ex futuro præoccupauimus seculo, qui octauus est, ille idem & primus, seu potius unicus, & indissolubilis. ibi etenim præsentē animarum sabbatissimum cōpleri necesse est. ut pars tribuatur, his qui septem, & pars his qui octo, quemadmodum iam ante nos quidam, Salomonis dicta interpretantes, ostenderunt. Proinde de septenarij numeri honore, multa extant testimonia, sed nobis ex multis pauca sufficiēt. Septem igitur sunt, qui honorifici uocantur spiritus: siquidē operationes spiritus sancti, Esaiam spiritus uocasse arbitror. sed & secundum Dauid, eloquia domini septies expurgata dicuntur. iustus quoq; sexies ex necessitatibus liberat, in septimo autem malū ei nequaquā appropinquat. peccatori uero nō solum septies, sed septuagesies septies dimittitur. & rursus ecōuerso, laudabilis etenim prauitatis est cohercio. Cain enim septēpliciter condemnatur, hoc est ob fraternam cædem pœnas luit. Lamech uero septuagesies septies, quoniā post legē, & condemnationem, homicidiū perpetravit. mali quoq; uicini, septuplū in sinum suum recipiunt. septem quoq; columnis, sapientiæ domus firmatur. totidem etiā oculis Zorobabel lapis exornatur. septies quoq; in die deus laudatur. quin & sterilis septem parit. numerum perfectum, qui imperfecto numero, in filijs est contrarius. Quod si uetustas etiā historias cōsiderare oportet, septenariū numerū in progenitoribus quoq; Enoch translatione honoratū perspicio. considero etiam Abraam, uigesimum primū patriarchatu glorificatum, mysterij maioris accumulatione. nam septenarius triplicatus, hūc constituit numerum. audebit forsitan quispiam, ex penitus modernioribus, & ad nouum Adam peruenire deum meū & dominū Iesum Christum, qui ueteri Adam illo, qui sub peccati iugum cecidit, septuagesimus septimus connumeratur, si quis diligenter Lucæ genealogiam excusserit. Considero quoque septē tubas Iesu Naue, totidemq; circuitus, & dies, & sacerdotes, quibus hierechunticij quatiuntur muri. quemadmodū & trinas Helix prophetæ mysticas sufflationes, quibus filio Sareptanæ uiduæ, uitā inspirauit. eiusdemq; numerū eundem, in lignorum compositione, cum igne à deo demisso, sacrificium consumeret, & prophetas ignominia notaret, qui ex prouocatione illud idem facere nequibāt. pariter & septimam nubis inspectionem puero iniunctam. Helisei quoque, parem super filio sunamitidis incuruationem, qua illi spiritum uitalem reduxit. eiusdē dogmatis esse arbitror, ut populi omittam candelabrum, septem cauliculis & lucernis fabricatū, quod in
septem

septem diebus sacerdos consummatur. in septē quoq; diebus leprosus mundatur. totidē plebs innouatur. in septuagesimo anno populus a captiuitate reducitur. ut quod est in monadibus, id fieret & in decadibus, ac in numero perfectiore, septenarij numeri honoraret mysteriū. sed quid mihi remotiora dicere opus est? Iesus ipse, perfectio pura, in heremo quinque panibus, quinq; millia pascere sciuit. sciuit & rursus septem millia quatuor. & satietatis quidē reliquā, ibi cophini duodecim, illic uero sportæ septem, neutrum ut arbitror absq; ratione, seu spiritu indignū. Proinde, si cum temetipso considerare uolueris, multos obseruabis numeros, qui profundius quid, quā quod apparere uidetur continent. at numerus iste, præsenti temporis est conuenientissimus, quoniam propter rationes forsitan prædictas, aut his proximas, seu quasdam diuiniore, Hebræi diem quinquagesimum uenerantur. quē & nos quoq; ueneramur. quemadmodū & alia quædam Hebræorū, figuratē apud illos celebrata, mystice uero ad nos relata. Hæc itaq; de diei solennitate prolocuti sumus. nunc ad sermonis reliqua progrediamur. Pentecosten celebramus, spiritusq; sancti aduentū & promissionis gratiā, speiq; impletionem, ac mysteriū tantum, ut magnum sit, pariter & uenerabile. etenim corporalia Christi finem habent, seu potius quæ corporalis sunt aduentus. nam corporis dicere dubito. quoniā nulla mihi persuadebit ratio, quod corporis abiecerit pulchritudinē. quæ uero sunt spiritus incipiūt. at quæ nam Christi fuerunt corporalia? uirgo, natiuitas, præsepe, fasciæ, angeli glorificantes, pastores accurrētes, stellæ motus. Magorū adoratio, & munerū oblatio. Herodis infanticidium, Iesus in Ægyptum fugiens, ex Ægypto rediens, circumcisus, baptizatus, superne testimoniū accipiens, tentatus, lapidatus propter nos, quibus ob uerbi afflictionem figurā dari oportebat, proditus, crucifixus, sepultus, resurgens, ascēdens. qualia etiam nunc quoq; patitur, à Christi quidem osoribus, quæ sunt ignominia, & sustinet, nam longanimis est. à Christi uero amatoribus, quæ sunt afflictionis, ac differt, quemadmodum illis iram, ita nobis commoditatis occasionem. illis forte pœnitentiæ tempus tribuens, nostri autem desiderij experientiam capiens. si non in tribulationibus, & pro pietate certaminibus deficimus. tanquam diuinæ dispensationis, & incomprehensibilium bonorum suorum, quibus sapienter nostra dirigit ratio superna. & Christi quidem res ita se habent. reliqua uero uidebimus gloriosiora. & iam uidimus. quæ uero sunt spiritus sancti, adsit mihi spiritus, ac eam quam cupio eloquentiam tribuat. quod si non tantam, at quantam temporis huic conuenire nouit. aderit omnino heriliter, & non seruiliter, neq; ut quidam arbitrantur, mandatum expectans. spirat enim ubi uult. & super quos uult, & quando, & quantum. ita enim nos & sentire, & dicere, inspiramur à spiritu. spiritum igitur sanctum quidam ad creaturam deducunt, iniuriosi & serui mali, malorumq; pessimi. siquidem mali serui, dominum irritare solent, & contra dominationem insurgere, sibi ipsiq; id, quod liberū est, conseruum

conseruū facere. quidam autē deum esse arbitrantur, numine afflati, & intelligentia clari: quidam uero & prædicāt, si fidelibus, alti, si uero abiectis, minus sunt in gubernando periti: cum cœno margaritas, & debili auditui, tonitrus sonum, & oculis debilioribus solis splendorem, & cibum solidum, ihs, qui adhuc lacte aluntur, committant. ipsos enim paulatim ad ulteriora producere oportet, & perfectiores admonere, lumenq; lumini conferre, & ueritati ueritatem conciliare. quapropter & nos interim, perfectiorem obmittamus sermonem. nondū enim tēpus est, sed ita cum illis differemus. si enim, heus uos appello, neq; increatum confitemini spiritum sanctum, neq; tempore carentem, contrarij spiritus manifesta in uobis est actio. date enim zelo quid, & ausibus parumper. si uero adeo sapitis, ut manifestam fugiatis impietatem, & illum qui uos liberos fecit, extra seruitutem ponatis, reliqua uos metipsi, cum spiritu sancto, & nobiscum considerate. credo enim uos aliquam liter ipsius participes esse, & iccirco, tanquam cum domesticis iam considerabo. aut date mihi medium inter seruitutem & dominium, ut ibi spiritus sancti dignitatem ponam: aut si seruitutem fugitis, non dubium est, ubi constitutis, id quod quæritur. sed propter syllabas indignamini, & uoce lædimini. & hoc uobis offensionis lapis, & petra scandali efficitur. quandoquidem & Christus id nonnullis effectus est. humanum hoc uitium. uerum inuicem spiritaliter subsidium feramus, potiusq; fratrum, quam opinionum nostrarum amatores fiamus. date nobis uirtutē diuinitatis, & uobis dabimus concessionem uocis. confitemini naturam diuinam, in uocibus alijs plus uobis amplectendis, & tanquam languentes uos curabimus. in nonnullis quoque uoluptatibus uestris morem geremus. turpe enim turpe est, & à ratione factis alienū, anima uos esse robustos, & in uocis sono tam abiecte sentire. thesaurumq; tanquam alijs inuideatis, occultare, & non linguam quoque sanctificare. turpe autem est, nos ipsos illi quod reprehendimus obnoxios esse. & cum sermonis uilitatem cognoscamus, nos quoque in literis tam abiecte fermocinari. unius deitatis, heus uos, trinitatem confitemini, aut si mauultis unius naturæ, & uocem illam deus scilicet, à spiritu nobis postulabimus. etenim planè scio, qui primum contulit, dabit & secundum. præcipue si decertatio fuerit timiditas spiritalis, & non pertinacia diabolica. quin manifestius, & succinctius dico: nolite nos ob uocem reprehendere altiore, minime enim ad altiora contendentibus inuidendum est: neque uos, quod illac peruenire nequistis, criminabimur, quoad per aliam uiam, ad idem seramini hospitium. non enim uincere, sed fratres recipere quærimus, quorum separatione affligimur. hæc uobis dicimus, apud quos uitale quid inuenimus, & qui de filio recte sentitis, quorum uitam admiramur, sermonē uero haud laudamus. Proinde cum ea quæ spiritus sunt habeatis, spiritum quoque suscipite. ne solum decertetis, sed & legitime. quo uobis corona illa conuersationis merces concedatur, ut spiritum perfecte confiteri, ac nobiscum, & ante

nos

nos quemadmodum dignus est, prædicare ualeatis. Audeo & quid maius pro uobis, Apostoliciq; illud dicere, tantam uestri curam gero, tantumq; uestrum illum habitum decoru ueneror, ac colorem abstinentiæ indicem, & sacras has congregationes, necnon uirginitatē puram sinceritatemq; ac per uigilem psalmodi resonantiam, paupertatis præterea, fratru, & peregrinorum amorem, ut anathema esse à Christo, & tanq; condemnatus, quid, pati sim paratus, tātum ut à nobis staretis, pariterq; trinitatē glorificaremus. de alijs uero, qui manifeste mortui sunt, quid dicere oportet? quos solus Christus suscitare potest, qui uirtute sua mortuos uiuificat, qui male loco separantur, sermone uero colligantur, tantumq; inuicem discordant, quantum oculi strabii, idem uidētes, & non uisu, sed positione dissidentes, quibus & si quod strabi sint, obici possit, non tamen quod cæci. Cæterum postquam sufficienter quæ ad nos pertinet, roborauimus, age rursus ad flamen reuertamur, quin & uos quoq; iam subsequi arbitror, spiritus sanctus, erat quidem semper, & est, & erit: neque incipiens, neq; desinens, sed semper patri, & filio, coordinatus, & connumeratus, neq; enim decebat, aut filium aliquando defuisse patri, aut filio spiritū, in maximo enim ignominiā pateretur diuinitas, ac si ex poenitentia, ad perfectionis plenitudinē peruenisset, erat igitur semper participans, non particeps effectus, perficiens, nō factus perfectus, implens, nō impletus, sanctificans, nō sanctificatus, deificans, non deificatus, sibi ipsi hoc semper, & illis quibus cum cōstituitur, inuisibilis, tempore carens, incomprehensibilis, impermutabilis, absq; qualitate, absq; quantitate, absq; specie, intangibilis, per se mobilis, semper mobilis, libere agēs, per se potens, omnipotens, si ad primā causam, quemadmodū unigeniti omnia, ita & ea quæ sunt spiritus, referantur, uita, & uiuificans, lumen & luminis dator, per se bonus & bonitatis fons, spiritus rectus, principalis, dominus, mittēs, segregās, sibi ipsi templa constituens, dirigens, operans, gratias ut uult diuidens, spiritus adoptionis, ueritatis, sapientiæ, intellectus, scientiæ, pietatis, consilij, fortitudinis, timoris descriptorū, per quem pater cognoscitur, & filius glorificatur, à quibusq; ipse solus cognoscitur, una coordinatio, unus cultus, adoratio, uirtus, perfectio, sanctificatio, & quid multa? omnia quæ pater est, filij sunt, præter q; ingenuus, omnia quæ filius est spiritus sunt, præter generationē, hæc autē secundū meum intellectū, substantias nō separant, sed circa substantiā separantur, parturis cōtradictiones? at ego sermonis cursum, honora diem spiritus, cohibe parum si potis es, linguā, de alijs linguis sermo sit, has uenerare, aut quia cū igne apparent pertimesce, hodie instruemus, cras decertabimus, hodie festiuitatem celebrabimus, cras turpiter conflagemus, hæc mystice, illa theatrice, hæc ecclesijs, illa triujs, hæc sobrijs, illa temulentis, hæc sunt studio forum, illa spiritui illudentium, Cæterū postquam ea quæ aliorum sunt dissoluimus, age nūc nostra astruamus, spiritus igit, primū in angelicis & celestibus, & quæ primæ post deū, & circa deum sunt, operatur uirtutibus, non enim

enim aliunde perfectionem & splendorem, & quod difficulter, seu ad maliciam penitus non moueantur, quàm à spiritu sancto habent. dein in patribus operatus est, & prophetis, ex quibus ij, deū contemplati sunt, aut cognouerunt, illi uero quod futurum erat præsciuerunt. mente à spiritu informati, & futura tanquam præsentia cognoscentes, talis siquidem spiritus uis est. inde in Christi operatus est discipulis. siquidem in Christo dicere obmittam. cui aderat, non ut operans, sed ut ei, qui æqualis esset gloriæ, testimoniū perhiberet. & in illis trifariam, prout capere poterant, trinisq; temporibus, nempe, prius quàm Christus passione glorificaretur, postquā resurrectione glorificatus esset. & post ascensionem eius ad coelos, aut reuersionē, aut quomodo unq; dicere oportet. & prima quidē operatio manifesta est, infirmitatū nempe, & malignorū spirituum purgatio, non utiq; absq; spiritu facta. dein de post dispensationem, insufflatio, quæ manifeste diuinior erat inspiratio. Tertio uero præsens ignitarū linguarū distributio, quam nunc peragimus. Cæterum prima est obscurior, secunda uero manifestior, præsens autē perfectior, non iam amplius operatione, ut antea præsto, sed existentia. ac si quis dicat, unā cōuersans, & unā degens, decebat enim cum filius corporaliter nobiscum conuersatus esset, spiritū sanctū quoq; corporaliter apparere. cumq; Christus ad seipsum reuersus esset, spiritum quoq; sanctum ad nos descendere. uenientem quidem ut dominum, non tamen ut deo contrarium missum, tales enim uoces, non minus concordiam ostendunt, quàm naturam separant. & ideo post Christum, ut tanquā consolator, haud nos derelinquat. alius autem, ut tu honoris æqualitatem consideres, siquidē alius, alius q̃ ego intelligitur, illud autem eiusdem dominationis, & non ignominiae est nomē. scio enim quod alius, non de alienis, sed de consubstantialibus dicitur. in linguis uero, propter communionem, quàm cum uerbo habet. igneis autem, quæro utrum propter purgationem. sciebat enim uerbum, & ignem nobis, purgatiuum, quēadmodum si quis uoluerit, multipliciter discere potest. aut propter essentiam, nam ignis est deus noster, & ignis consumens maliciam. licet iterum suspirans consubstantiali, indigneris, diuisis autem linguis, propter gratiarū diuersitates, sedentes autē, quia id regium, & propter requiem in sanctis, quoniam & dei thronus Cherubin, in loco autem superiori (ne curiosior quàm oporteat esse uidear) propter ascensum illorum, qui eum suscipiunt, & à terra eleuationem, quoniam & aquis diuinis, superiora quædā teguntur, per quæ laudatur deus. & I E S V S ipse in superiori mysteriū cōmunicat, ijs qui altiora peragunt, ut illud ostendatur, quod aliquantisper deum ad nos descendere oporteat, quod & prius super Moysen factū esse scio, nos autem ascendere, & ita fieri cōmunionem dei, ad homines, commixtione digna, donec autē utrumq; in proprio manet statu, hoc quidē in specula sublimi, illud autem in humilitate depressa, incommixta est bonitas, & incōmunicabilis misericordia, & Chaos ingens in medio, ac ineluctabile, non solum à diuite

à diuite illo ad Lazarum, quod & ab exoptato Abraam sinu prohibet, sed quod & naturam generatam & fluxam, ab ingenerata & permanente excludat. proinde spiritus iste & à prophetis est prædicatus. ueluti spiritus domini super me, & requiescent super eum septem spiritus, & descendit spiritus domini & deduxit eos, & spiritus sapientiæ repleuit Beseleel, tabernaculi architectum, & spiritus exacerbans, & spiritus Heliam in curru eleuans, & ab Heliseo dupliciter quæsitus, & Dauid spiritu bono & principali deductus & confirmatus. atqui & à Iohel antea prædictus est, dum dicit: & erit in diebus nouissimis, effundam à spiritu meo super omnem carnem, credentem scilicet, & super filios uestros, & super filias uestras, & reliqua. quin spiritum postea filius glorificauit, quemadmodum & patrem. ab eo glorificatus est, quemadmodum à patre. sed & promissio illa tanquã abundans, quod perpetuo unã nobiscum cõuersaturus, & simul permanens esset. siue nunc, cum ihs, qui in tempore isto digni sunt, siue postea, cū illis, qui in uenturo seculo digni erũt. si eum nostra saltem conuersatione, integrum conseruabimus, & non assiduus peccatis repellamus. Proinde spiritus iste, cū filio pariter, & creaturam & resurrectionem condidit, quod tibi istud persuaheat. uerbo domini firmati sunt cœli, & spiritu oris eius omnis uirtus eorum. spiritus diuinus qui fecit me, & spiratio omnipotētis quæ docuit me, & iterum: emittis spiritum tuum & creabũtur, & renouabis faciem terræ. creat etiam regenerationem spiritalem. & hoc quoq; certissime credas, neminem posse regnum uidere, aut accipere, qui non superne regeneratus sit spiritu, & à priori generatione, quæ notis est mysteriũ, purgatus fuerit, reformatione diurna, & lucida, qua unusquisque per seipsum reformatur. proinde spiritus iste, nam sapiētissimus est, & pijsissimus, si pastore acceperit, psalter qui malignos incantet spiritus, facit, & in regem Israel exaltat. si caprariũ, morum euellentẽ, prophetã reddit. Dauid & Amos considerato, si adulescentulum industriũ acceperit, seniorum iudicem, etiam præter ætatem constituit, testis est Daniel, qui in lacu uicit leones. si piscatores inuenerit, per illos, uerbi nexibus, Christo mundum piscatur totum. Petrum mihi sume, & Andream, necnon tonitruum filios spiritalia insonantes. si publicanos inuenerit, discipulos sibi lucratur, & animarum negociatores constituit. indicat id Mattheus, heri publicanus, hodie Euangelista. si persecutores feruentes, zelũ transfert, & Paulos facit pro Saulis. & tanto plus ad pietatem immutat, quanto in maiori prauitate eos deprehendit. præterea spiritus iste mansuetus est, & à peccantibus exacerbatur. cur non igitur potius ipsius mansueti, & haud irati, dignitatem fateri, & blasphemiam fugere conemur? aut cur illum irremissibiliter irascentem uidere, uelle debemus? ille quoque spiritus, & hodie me uobis audacem præconem facit. si nihil persuadentem, gratias deo. si uero persuadentem, & ita gratias agimus. illud quidem ideo, ut ihs qui uos oderunt parcat, hoc autem ut nos sanctificet, mercedem hanc, pro Euangelij sacrificio sumentes, ut per

sanguinem perfecti reddamur. loquebantur igitur, peregrinis & non pater-
 nis linguis. & hoc miraculum magnum, ut sermo ab ijs qui non didicerant,
 pronunciaretur. eratq; id incredulis, & non credentibus signum, ut per il-
 lud increduli accusarentur, quemadmodum scriptū est. quoniam in linguis
 alienis, & labijs alienis loquar populo huic, & neq; sic me exaudiet, dicit do-
 minus. audi autem parumper, hic subsiste & inquire, quomodo distingues
 sermonem? siquidem dictio ambiguum quid, & puncto segregandum cō-
 tinet. audiebat enim unusquisq; linguam suam, ac si dicatur, una effunde-
 tur uox, multæ uero aeris reuerberatione, audiebātur. & ut apertius dicam,
 ex uoce fiebant uoces. aut quod ibi, audiret, sit cessandum. & lingua sua lo-
 quentes, reliquo sit addendum. ut loquentes uocibus sit audientiū, proprijs,
 sicut & uerbum alijs. cui & magis accedo. illud enim audientium magis, q̃
 dicentium erat miraculum. & ita dicentium, ut de ebrietate criminarentur.
 unde patet, quod ipsi in uocibus, ex spiritus gratia, operarentur mirabilia.
 proinde, & prisca illa uocum diuisio laudabilis, cum turrim ædificarent, qui
 male & impie eadem lingua colloquebantur. quemadmodum & nunc quo-
 que, nonnulli facere audent. nam uocis diuisione, dissoluta fuit conspiratio.
 quæ & conatum dissoluit. at longe maiori laude digna, ea lingua, quæ nunc
 mirabilia operatur. siquidē ab uno spiritu, in multos effusa, rursus in unam
 reducit concordantiam. estq; gratiarum discriminatrix, quæ alia indigent
 gratia, ad melioris discerniculum. nam omnes laudabile quid cōtinent. quin
 & illa pulchra esse fertur, de qua dicit David, submerge domine, & diuide lin-
 guas eorum. cur nam? quia dilexerunt omnia uerba submersionis, linguæ
 dolosæ: tantum non manifeste linguas has, quæ diuinitatem incidunt accu-
 sans. uerum hæc de his sufficiant, quia autem Iudæis religiosissimis, Hieru-
 salem habitantibus, Parthis, & Medis, & Elamitis, Ægyptijs, & Libijs, Cre-
 tensibus, & Arabibus, Mesopotamitis, & meis Cappadocibus, ac ex omni-
 bus gentibus, quæ sub cœlo sunt, Iudæis ibi congregatis, linguæ loqueban-
 tur, dignum est uidere, si & id noscere lubet, qui nam erant illi, & ex qua ca-
 ptiuitate. nam illæ in Ægyptum, & Babylonem completæ erant, & pridem
 reuersione solutæ. at quæ sub Romanis accidit nondum facta erat, immine-
 bat autem, propter crucis sceleratam audaciā debita. reliquum est ergo hanc
 eam suspicari, quæ sub Antiocho accidit, quæ non multum annis illis uetu-
 stior erat. quod si quis expositionem istam, tanquam curiosiorem non acci-
 pit, nec uetustam hanc esse captiuitatem, neque quæ in magnam orbis para-
 tem effusa sit contendit, ac probabiliorem quærit, illi forsitan credere præsti-
 terit, quod cum populus sæpius, & à pluribus, ut Esdras refert, translatus fue-
 rit, quædam tribus reuersæ, nōnullę uero ibi relictæ fuere, quas in gētes mul-
 tas dispersas fuisse, ac tūc ex illis quosdam affuisse, & miraculi participes ex-
 titisse. & hæc propter discendi cupidos indagata sint. forsitan non frustra. &
 quia ad præsentem quid conferunt diem, & quia à nobis ita sunt collecta.

Sed

Sed iam conuentum soluamus . sufficit enim sermo, festiuitatem uero nunquam celebranda enim est, nunc quidem corporaliter, paulo uero post penitus spiritualiter . ubi & rerum harum rationes agnoscemus , purius & manifestius, in ipso uerbo, & deo, & domino nostro Iesu Christo ueræ saluandorum festiuitate, & exultatione, cum quo, gloria, & honor, patri, cum sancto spiritu, nunc & in secula, Amen.

GREGORII NAZANZENI THEOLOGI IN NO
uum Dominicum, necnon in tempus uernum ac mar-
tyrem Mamantem Oratio Sexta.



VT Encænia honorètur, uetusta lex est, & quæ bene se habet, seu potius, ut noua per Encænia colantur. id quod non semel, sed & sæpius. quoties unaquæque anni reuolutio eundem reducit diem, ne bona temporis obliterètur iniuria, neue obliuionis profunditate labefactata euanescant, innouatur equidem apud Esaïam, insulæ ad deum, quemadmodum legimus, sed quas nam insulas, has esse suspicemur? ecclesias nempe ut arbitror, à gentibus nuper constitutas, & ex infidelitatis falsugine suspicientes, ac firmitatem stabilem deo suscipiètes, apud alium quoque prophetam, murus innouatur æneus . anima ut puto solida, & auro similis, ac pietati cõnexa, quin & canticum nouum domino canere iubemur. siue quia in Babylonem, & confusionem prauam, à peccato detracti, ac inde in Hierusalem saluati simus, & quoniam illic canticum diuinum, tanquã in terra aliena canere nequiuimus, hic cationem nouam ordiamur, & rem publicam statuamus: siue ut in bono perseueremus, necnon proficiamus. & hoc quidem iam recte instituti, illud uero innouatoris spiritus ope, recte instituentes. innouatur & testimonij tabernaculum, id quod sumptu ingenti, quemadmodum deus ostendit, & Beseleel absoluit, & Moses fixit. innouatur & Dauid regnum, ac non semel, sed primo quum ungitur, secundo uero cum in regem promulgatur, facta sunt & in Hierosolymis Encænia, hyems erat incredulitatis, & Iesus aderat, deus & templum, templum nouum, quod uno die solueretur, & triduanum resurgeret, in secula permanens, ut ego quoque saluer, & à ueteri casu reuocer, siamque creatura noua, per misericordiam talem reformatus, Proinde, diuinus quoque Dauid, cor mundum in se creari, ac spiritum reatum in uisceribus innouari desiderat, nõ tanquam ac si nõ haberet, quis enim si non Dauid, tam magnus, sed quia cognoscebat illud quod tum habebat, nouum, & assidue augmētandum esse, & quid mihi plura Encænia adducere necesse est? quibus præsentia, & quæ hodie celebramus, dum uitæ post mortem appropinquamus, declarare ualeam, Encænia Encænia fratres à nobis peraguntur, sæpius enim præ læticia eadem repetere iuuat, & quæ nam

Encænía : uos qui scitis docete, qui uero ignoratis, auditum innouate. Deus erat lumen, inaccessibile, & incomprehensibile, neq; incipiens, neq; desinens, neq; mensurabile, semper fulgens, tripliciter micans, paucis quantum sit, contemplatione cognitum. quin nec paucis quidem, ut arbitror, sunt & lumina secundaria, à primo lumine splendorem trahentia, potestates nempe, quæ cum ipso uersantur, ac spiritus ministrantes. At lumen hoc quod apud nos est, non solum posterius incepit, sed & nocte interfecatur, & noctem pariter, diei æqualitate interfecat. uisu cognitum, in aereq; diffusum, ac recipiēs id quod tribuit. nam uisui ut cernat largitur, & primum à uisu cernitur, uisibilibusq; circumfluens, fiduciam confert. Deus enim cum mundum hunc cōstituere uellet, qui ex uisibilibus pariter, & inuisibilibus cōsisteret, magnū & admirandum maiestatis suæ præconem (siquidem æuiternis ipse lumen est, & nil aliud, quid enim secundo indigerent lumine, qui maximum haberent?) inferioribus, & quæ circa nos sunt, primam luminis huius uim splendidam protulit. conueniebat enim lumini magno, ut opificium ex lumine inchoaret, quo tenebras, inornatamq; & rudem, ac eo usque cuncta obtinentem, dissolueret confusione. & hoc sub initium, non per instrumentum aliquod, aut solem, ut mea fert opinio, ostēdit. uerum incorporaliter, & absque sole. postea uero & soli quoq; lumen impartitus est, ut uniuersum illuminaret orbem. Etenim postquam alijs materiam subdidit, formam inde fecit, unicuiq; ordinem & figuram & magnitudinem attribuēs: uerum ut quid maiori admiratione dignum faceret, hic materiæ formam præposuit. solis enim forma lux est. Inde uero materiam quoque introduxit. oculum nempe diei, solem hunc condens. ita igitur quid primum in diebus numeratur, & secundum, & tertium, & deinceps ad septimum usque diem, & operum quietem. quibus diebus ea quæ facta sunt distinguuntur: rationibus inenarrabilibus ordinata, & haud confuse ab omnipotenti edita uerbo: & cui solū considerare aut dicere, est opus constituisse. nil uero mirum, si homo nouissime prolatus est, manu dei, & imagine honoratus. oportebat enim tanquam regi, prius regiam constituere, & ita demum regem, omnibus iam stipatum, introducere. si igitur mansissemus quod eramus, mandatumq; seruassemus, fuisset equidem quod non sumus, post scientiæ lignum, ad uitæ lignum accedentes. & quid nam facti fuissetus? immortales nempe, & deo appropinquantes. Postquam uero maligni inuidia, mors in mundum intrauit, & hominē dolose fefellit, tum quoq; propter uitia hæc, patitur deus, factus homo. medicatq; caro ut deponatur, quo nos illius mendicitate ditescere possemus. hinc mors, & sepultura, resurrectioq;. hinc creatio noua, & post festiuitatē festiuitas. & iterū ego cōcionator, meam innouās salutem. nōne igitur dicet quispiam, dominica prima, quæ noctem sacram & luminariū sequitur festū, Encæniū erat? cur igitur tu festiuitatis amator, & multas cōcinnans iucunditates, iterū hodie solennitatē illam introducis? cæterū nox illa salutare erat

erat, ipsa salutis natiuitas. hæc uero sepultura, & resurrectioni est contermi-
na. ipsa quoq; generationis secundæ expurgatio. ut quemadmodum prima
creatio initium à dominica sumit, id enim manifestū est, nam ab illa septima
sabbatum fit, quæ & operum est requies: ita & secunda rursus ex eadem ini-
tium auspicetur, cum prima sit illorū, quæ post ipsam sequuntur, & octaua
illorum quæ eam præcessere. sublimi, sublimior. mirabili, mirabilior. nam ad
supernum transfert statum. quā & diuinus Solomon mihi innuere uidetur,
cum numero septenario, partem tribuit, uitæ illum fanciēs præsentī, partem
quoq; octonario, seculo nempe futuro, & ex ea quæ hic est felicitate, & quæ
illic existit instauratione. sed & magnus Dauid, eidē, psalmos de octaua ac-
cinere uidetur. quemadmodū & Encæniorū diei huic psalmū alium. domus
innouationem quādam appellans. quæ quidem domus nos sumus, qui dei
templum esse, & uocari, ac fieri digni facti sumus. Encæniorum igitur ratio-
nem habetis. uerū innouamini, & ueterem hominem abijcite, ac in uitæ no-
uitate uersate, omnibusq; ex quibus mors oritur, frenum imponite, omnia
membra gubernate, omne prauum ligni cibum odio habete, aut euomite, &
propter hoc solū ueterū reminiscamur, ut illa fugiamus. formosus erat aspe-
ctu, & esu suauis, q̄ me enecauit fructus. fugiamus formosa, nos ipsos intuea-
mur, ne te pulchritudinis uincat concupiscentia, neq; tuis rapiaris palpebris,
si possibile est & ad despectū usq; Euam cōsiderabis. dulces illas illecebras,
ac cōdemnabile uenenū. quo enim pacto facile mulier aliena saluabit, quem
etiā propria perdidit. ne te gutturis irriter appetentia, per quod omne quod
datum est absumitur, & prius quā sumatur honorū, sed postq̄ sumptum
fuerit inhonestum. odor te effœminauit, odora fuge. tactu es emollitus, te-
neris & mollibus renūcia. auditus te decepit, ianuam fallacibus & superfluis
appone sermonibus. os tuum dei uerbo aperi, ut spiritū haurias, & non mor-
tem attrahas. cum quippiā ex prædictis te illexerit, memineris qui nam sis,
& unde perieris. si parūper à ratione deflexeris, ad teipsum redi, prius quā
omnino excidas, & in mortem feraris. sed & pro ueteri nouus fias, & animæ
noualia perage. Contra solum serpentem, propter quem excidisti, irascere.
omne desiderīū tuum, ad solum deum, & nil aliud insidiosum & lubricū diri-
gatur. omnibus consideratio adhibeatur. nec quod melius est à peiore traha-
tur. ne fratrem tuū odio habeas, idq; sine causa, pro quo Christus occubuit,
tuusq; frater factus est, cū deus esset & dominus. ne inuideas egregie quid
agenti, licet illi inuisus fueris, ac postq̄ inuidiā eius rescuisti, insidias quoq;
ei struxeris. ne lachrymas sperne, qui multis lachrymis digna perpetrasti, &
tamen postea misericordiam consecutus es. pauperem ne repellas, qui diui-
nitatis possides diuitias. sin minus, saltē ne pauperis iniuria ditescas. id enim
apud insatiabiles frequenter accidere solet. hospitem ne contumelia afficias,
pro quo Christus hospes factus est. cuius omnes nos peregrini & aduenæ
sumus, ne & tu quoq; paradisi hospitio, ut olim excludaris. impertias indi-

genti tectum, indumentum, cibum, qui in ijs, etiā ultra necessaria delicate oblectaris. diuitias ne ama, nisi ut pauperibus subuenias. dimitte, cū & tibi dimissum sit. misere, cum misericordiam sis consecutus. humanitatem humanitati accumula. donec tempus est, omnis tibi uita innouetur. omnis conuersationis uia. uos mulieres quæ iugo subditæ estis, aliquid deo quoque date, nam mancipatæ estis. uos uirgines, omnia deo tribuite, nam solutæ estis. & cum libertatem fugiatis, nolite seruas uoluptates surripere, quia non uiris, & tamen uiris cohabitatis. non suscipio eas, quæ semper uoluptatis recordatione fluctuant. quin & publicam odi conuersationem. uos principes potentiorum, & qui in altis sedetis thronis altiore timete. nil non durabile mireris. nec quod durabile est cōtemne. nil amplectaris, quod & detentum elabitur. noli imitari quicquam, nō ex ijs quæ inuidia, sed quæ odio habentur. ne nimium attollaris, quo non altius ruas. ne stude improbis melior uideri, cū uero bonis deterior fueris, dole. ne casum proximi rideas. quantum uero potes secure transi. sed & humi iacēti manum porrige. in aduersis prosperiora speres. Cū uero feliciter agis, aduersa quoque expecta. annus unicus quatuor fert tempora, & unicum temporis momentum, rerum mutationes plurimas. solitudo tibi uoluptatē interpollet. tristitiam uero spes melioris. sic innouatur homo. sic Encæniorum honoratur dies, huiusmodi delictis, huiusmodi epulis. ne conspiciaris inquit, uacuum coram me, sed si quid boni habes, cum te metipso afferto. nunc autē appareas nouus, moribus alius, penitus immutatus. uetera transierunt, ecce noua facta sunt omnia. hoc festiuitati fructifices. pulchra alteratione altereris, ne tam alte sapias. sed David illud decata, ipsa alteratio dextræ est altissimi. à quo omnis hominibus est emendatio. non uult te unquam ratio in eodem subsistere, sed semper mobilem, & ad bonū mobilem, ac penitus nuper cōditū esse. si peccas, te cōuertit, si emēdaris instigat. heri temporis fidem habebas, hodie dei fidem cognosce. quousque ambobus claudicas poplitibus? quousque dispensabis? quin aliquando ut ædificeris annitere. heri ut aliquis uideri posses magni æstimabas, hodie quod sis æstima. quandiu somnia? quin tibi ueritas aliquando elucescat. heri spectaculis oblectabaris theatralibus, hodie cōtemplationi incumbere. heri cōuiciator fuisti, & animi impotēs, hodie benedictus sis, & māfuetus. heri ebrius, hodie sobrius. hodie uinū, cras aquā bibens. hodie in lecto elephantino delicate cubans, & odoriferis delibutus unguentis, cras humi stratus, & peruigil. pro scurra maturus. pro accurate compto, incultus. pro superbo & arrogante, compositus. pro auro ornato, frugalis. pro elato demissus. Si ita sentias, & ita facias, tibi cœlum nouū erit, terraque noua, ac reliqua, ubi horum rationem habueris. Sed iam trāseo, ut quæ temporis cōueniunt, pariter celebremus. siquidē benigne cuncta ad celebritatē hanc cōfluunt, unaque exultant. cerne enim qualia sint quæ uidentur. temporis regina, dierum reginæ pompam instaurat, ac illi cōfert, omne quod pulcherrimū est & iucundissimū.

nunc

nouam, in Christo Iesu domino nostro, cui omnis glo

gloriam dei patris, Amen.

Ff 4 Illustri



QVVM infelicis huius seculi nostri calamitates animo reuoluo, Comes Illustris, planè mihi Constantini Magni, ac Constantij tēpora rediisse uidentur, quibus ecclesia Dei infinitis erroribus, præcipue uero Ariana agitata fuit insania, ac tantū nō penitus euerfa. Cæterū, quēadmodū subito Iulianus ille apostata emerfit, ac nimia uitæ licentiā, rixandiq; libidine acerbissime cōpescuit, ita summo opere timendum erit, ne & præsens ætas, aliquem nobis Iulianum suscitet, qui effrenem ac nimis petulantem λογμαρχίαν, necnon conuiciandi rabiem plus quā gētilem, tumultus, & seditiones coherceat. Verū hæc diuinæ relinquēda erūt prouidētiæ, quæ peccata nostra iusta punire nouit uindicta. Proinde quum nuper huiusce rei ergō, Gregorij Nazanzenij uiri doctissimi ac sanctissimi, orationes duas, contra Iulianum Cæsarem, in linguam uertissem Latinam, quo temporis illius tragœdia fieret manifestior, uicq; forte per hanc urbem ad cōuentum Ratisponentem legatus transires, ac me ob ueterem nostram amicitiam, perquā humaniter in ædibus proprijs uisitares, & inter cætera has quoq; uidisses, hortatus es, ut illas in publicū emitterē. Qua in re ut amplitudini tuæ morem gererem, id potissimū sub nomine tuo clarissimo facere uolui: quo tuo patrocinio securius in publicū procederent, ac tu tanquam Græcæ linguæ peritissimus discernere posses, quanta arte, quantaq; felicitate, fuerint cōscriptæ. tametsi non ignorem, uix me umbram Gregorianæ eloquentiæ attingere potuisse. Sed nec hoc me latet, phrasim aliquāto esse duriorē, in cui tamen fidē interpretis, q; elegantis paraphrastę, officio fungi, quum sciam quosdam, dum nimis politi in uertēdo uideri uolunt, ab authorum etiā animi cōceptu, nonnunquam excidisse. Quis enim sermonis grauitatem tantam, sententias adeo crebras, necnon tropos ac schemata, quibus ubique uir tantus redundat, adeo feliciter repræsentaret, ut ornatum pariter uenustum, subtilitatemq; tam exactam retinere uideretur? nec alia causa excidisse reor, quod adeo pauca ex tam multis Gregorij scriptis ad Latinas aures peruenerint, quā quod homines difficultate absterri, trāslationis munus tam arduū, subire nequaq; ausi fuerint. quod quum doctissimis hominibus acciderit, nemo bonus mihi uicio uertere poterit, si nec ego quemadmodum uoluissē, rem absoluerim, maxime quum studia mea legalia, longe à tali remota sint professione, ac nunquā ad iucundiora hæc, nisi animi causa, aut ægritudinē solandarū gratia, diuertere soleā. Tu igit uir generosissime, officiū hoc nostrum benigno animo suscipe, & si deus annuerit, breui alia quoq; Theologi huius, ita enim à Græcis adpellat, scripta in publicū exire uidebis, præcipue uero orationē elegantissimā de munere Episcopali, quam me tūc in manibus habere uidisti. Interim bene ualeat amplitudo tua, & Soliniana historia, quemadmodū rogauī, animo ne excidat, ex adibus nostris Kalendis Iunij Anno salutis M D XXVII.

GREGORII NAZANZENI THEO

logi, in Iulianum Imperatorem Oratio in famatrix prima,

~~De huiusmodi interpret.~~

VDITE hæc omnes gentes, percipite uniuersi qui habitatis orbem terrarum. siquidem omnes adpello, tanquam è specula quadam sublimi & in medio cõstituta, magno & alto præconio. Audite populi, tribus, linguæ, uniuersum genus hominũ, ætas omnis, & qui nunc uiuistis, & qui de hinc nascituri estis. & ut maius sit mihi præconium, omnis cœlorũ uirtus, angeli omnes, quorũ opus est tyrãni huius destructio, nō qui Seon regē sustulere Amorreorũ, neq; Og regē Basan, principes paruos, & qui paruum orbis partē, Israel nempe, affligebant, uerũ draconem, desertorē illum, animo elatũ, Assyrium, cõmunem omnium inimicũ & hostem, multis quidē super terra insanientē ac cõminantem, multa quoq; cõtra cœli altitudinem impie deblacteratē ac meditantē. Audi, cœlum & percipe terra, tempus enim aduenit, ut eadē cum Esaia prophetarũ uocalissimo proloquar, in hoc tantũ diuersus quod is ob populi Israelitici flagitia talia annunciat & obtestatur: ego uero cõtra tyrannum & peruerse agētem, & ruina impietate sua dignissima cadentē. Audi & tu quoq; magni Cõstantini anima, si quis superest sensus, necnon reliquorũ Imperatorũ, quæcunq; ante illum Christo nomina dedistis, sed illius tanto inter omnes plus, quãto magis Christi hæreditate adaucta es, rursusq; illā in hanc auxisti potentiā, ac tẽpore ita stabiluisti, ut omnium qui unq; extitere Imperatorũ fueris laudatissimus. Proh dolor errore erratũ est, domestica pietate tua admodũ indigno, q; inscia Christianis Christi educaret hostē: & in hoc solo ex omnibus minus recte humanitate est usa, ut seruaret & ad regnũ promoueret eũ qui male seruatus esset, peiusq; foret imperaturus. Quapropter admodum gaudendum est, tanq; ob impietatis dissolutionē, rebusq; Christianorũ in antiquũ statũ reuersis, idq; præcipue sermone, ac ideo sermonē deo offerā gratificũ, omni irrationali sacrificio sanctiorē & puriorē. nō iuxta sceleratos illius sermones & nugas, sacrificiaq; lōge sceleratiora, quorũ abundātia & opulentia, nil nisi impietatis erat potētia, insipiensq; ut ita adpellem, sapiētia: quoniam uniuersi seculi huius potestas & disciplina, in tenebris oberrat, longeq; à ueritatis exorbitat lumine. quæ quum talis sit, & apud tales, fructus quoq; habet tales, quales gramen cito exarescens, & herbæ uirentes, breui ruens, & patres perditos cum sonitu sequens, longe casu quàm impietate manifestiores. Cæterũ quis nam mihi hodie laudis sacrificium offerēti, incruentumq; sermonis honorē attingenti, theatrũ exhibebit gratiarum actione dignũ? aut quis mecũ lingua tantum resonabit, quantũ uolucro? quis uē auditũ sermoni promptē accõmodabit? Siquidē uerbo nō solũ gratia quæ est per uerbum

uerbum, domestica existit, quū inter alia sua nomina & hac quoq; gaudeat nomenclatura, tametsi uirtute differat ab adpellatione, sed & hoc uindictæ est conueniens, ut sermone plectatur iniquitas contra sermones cōmissa, qui quū cōmunes sint omnibus ratione præditis, Christianis tamen, ac si ipsius tantum fuissent, inuidit. planè irrationaliter circa sermonis rationes cogitās, omnibus, ut ipse putabat ratione præcellens, primum quia peruerse adpellationem ad opinionem trāsferbat, perinde ac sermo Græcus ad religionem potius quàm linguam pertineret, ac ideo nos à sermonibus, tanquam alieni boni surreptione abegit, ac si ab eis quoq; artibus, quæ à Græcis sunt reperi-
tæ arcuisset, siquidē hoc sibi propter cognominationē differre putabat. Deinde quia nos latere censebat, q̄ nequaquā bono aliquo ex potissimis priuare deberet, qui alioqui sermonis ornatū cōtemnimus, ueruntamē pietatis formidabat argumenta, ac si ea uim suam in sermonis eloquētia, & non potius in ueritatis haberet cognitione ac cōsideratione, à quibus nos prohibere impossibilius est, q̄ à Dei cessare confessione, donec linguā habemus. nam inter cætera sermonē nō secus ac corpora deo sacrū censemus, quoniā sermonibus pro ueritate decertare decet. Quapropter quū hāc promulgaret legē, Attice quidē nos loqui prohibuit, sed uera dicere haudquaquā potuit inhibere. quin potius, hoc pacto propriā redarguit uecordiā, nō tamen effugit redargutionē, quoniā ignorabat, quod ita sermonibus se magis obnoxiiū redderet, Siquidē haudquaquā uiri erat confidentis, nec legitimis, & ad religionem spectantibus, sermonibus uē ipsis conueniebat, ut nostros coherceret sermones: nō secus ac si quis seipsum præstantissimū cēseat athletā, ac dignū putet præ omnibus superiorē pronuntiari, obiter tamē iubeat, ut nemo strenuus decertet, aut in arenā descendat, quod quidē ignauix potius q̄ fortitudinis est indicium. Decertantibus enim & nō ociose spectantibus corona debet, & ijs qui totis nitunt uiribus, nō qui multa præditi sunt potestate Sanè quū omnino nobiscū cōgredi, & ad manus uenire timuisti, hoc ipso te profligatū esse esse ostendisti, ac uictoriā etiam nō decertantibus cōcessisti, quū ne decertaretur decertares. Et hæc quidē sapiens Rex noster ac legumlator egit, ut nil tyrannide sua careret, ac sub initium imperij sui rationis etiam se expertem esse manifeste ostenderet, præ cæteris aduersus sermones tyrannidem exercens. Proinde nos ob sermones ipsos deo gratias agere decet, quod iterū libertatē sint adepti: eūq; potissime alijs etiā honorare oblationibus, sine ulla pecuniarum, opumue parsimonia, quos à tēporis ac tyrannidis iniuria Dei benignitas conseruauit. Præ cæteris tamen sermonibus illum honorare conuenit, iusta ac communi fructificatione, omniū qui compotes facti sunt gratiæ. Et hos quidem de sermonibus sermones habuisse sufficiat, ne si longius euagati fuerimus tēpore excidamus, aliudq; potius q̄ cuius gratia conuenimur egisse uideamur. Nūc uero ad celebritatē sermo mihi exilit & ruit, cum ijsq; quos adesse uideo cōgaudere incipit, & omnes ad spirituale conuocat tripudium

tripudiū, quicunq; ieiunijs, fletibus, precibusq; diurnis ac nocturnis incum-
bentes, liberationem à præsentibus orabant malis, ac per q̃ commodum in
afflictionibus remedium, spem non pudescientē ostenderunt. uocat & eos
sermo noster, q̃ maximis exantlatis laboribus & certaminibus, innumerisq;
& grauissimis exagitati tēporis calamitatibus, iuxta uocē Apostoli, Specta-
culū facti sunt mundo, angelis & hominibus, corporibus quidē laborantes,
animabus uero inuicti permanētes, omnia in Christo qui eos roborauit ua-
lentes. Vocat & eos sermo noster, qui mundanā maliciā deposcere materiā
ac potestatē, raptumq; seu bonorū direptionem cum gaudio pertulere. Nec
non eos, qui ut fert iniuste in exiliū sunt pulsi, siue illi fuerint mariti, siue uxo-
res, seu parentes, uel filij, aut quibuscunq; alijs, modico in hoc cōtubernio co-
gnominibus cōtinemur: qui omnes ad breue tēpus diuisi, pro Christi passio-
nibus, Christi fructificauerūt sanguinē, illud nunc idonee dicant & canāt. Be-
ne traduxisti homines super capita nostra, transuimus per ignē & aquam,
& eduxisti nos in refrigerium. Quin & aliam partē ad Panegyrim uoco, qui
deum quidē uniuersorū cōfitentur, ac eousq; considerationibus suis sane sen-
tiunt, in rationibus uero prouidentiae haudquaq; incedūt, quæ sapius ex con-
trarijs meliora dispēsat, emēdationemq; benignitate prouocat: sed propter
animæ inopiam ac leuitatē, quum impiū nimis insolenter agere cernūt cogi-
tatione exæstuant & flagrant, peccatorū pacē (ueluti Psalmus inquit) haud-
quaq; ferentes, neq; dei cōsiliū expectantes, aut ad finē usq; longanimes
permanētes, semper uero præsentīū & uisibiliū serui existentes, talibus mira-
culis ad cognoscendam ueritatē confirmātur. Voco & eas animas, quæ circa
mundi huius scenā & magnū affectæ sunt theatrū, idq; uerbis Isaia, mulie-
res à spectaculo redeūtes huc adestote, & animę oculū ab externa oberratio-
ne cōuertite, attendite & cognoscite, quoniā ipse est Deus, exaltatus in genti-
bus, exaltatus in terra, semp in omnibus quę fecit admirādis, & mirabilibus
etiā præsentibus manifestior. utinā mihi chori pars esset & illud systema, qd'
hactenus deo accinit, carmē minime absonū uel reprobū. Credo enim quod
& paulo post dignū sit futurū, nescio quid patior, repēte immutatur, & in di-
uersum abit, neq; propter cōmunem læticiam (quod & magis miror) in cho-
rum hunc exit, sed in stationem quandā propriam, nequaquam cōcinnam,
nec bene resonantē choreā hanc, tantū enim dicere forsitan ipsi cōcedent, sed
qualem & quam, nam etiam si zelus eloqui gestit, fides tamen uincit. repri-
mam igitur sermonis iniucūditatem spei pudore, adhuc mēbra mea foueo,
adhuc plus dilectioni tribuo priori, quā contemptui præsentī, ac ideo ero
longanimior, quo improperando fiam feruentior. unam partē è uiuentium
genere à panegyri arceo, suspirans quidē ac dolens, forteq; propriā nōdum
cognoscentes aut ignorantes perditionem lugens deploro. Siquidem hoc
ex calamitate eorū maxime est miserandū. Repello & obiter eos, qui haud-
quaquā in solida & firma seminati sunt petra, sed in arido ac sterili, Sunt &
qui

qui ad uerbum accedunt leuiter, ac pauca fide suffulti, & quia terram profundam non habent, cōfestim pullulant & coalescunt, quo propinquis placeāt: deinde ob breuem maligni inuasionem, paruumq; temptationem & æstum marcescunt & emoriunt. Porro adhuc deteriores illis & à panegyri sunt depellendi n̄, qui nec parumper temporis restiterunt infelicitati, & ijs qui mala captiuitate nos captiuarunt, iussu eius qui in altum ascendit & iuste nos captiuebat: uerum ex superfluitate adparere mali & uiles, nec ad paruum resistentes tempus, quum nulla urgerentur pressura aut tentatione, propter uerbum scandalisati, uerum pusilli lucri, obsequiū, aut paruæ potentiae gratia, propriam miseri uendiderunt salutem. Sanè postquam sermone choripurgauimus multitudinem, agite totis uiribus corpore expiati & anima, una resonantes uoce, planeq; spiritu concordēs, epiniciū illud decantemus carmen, quod Israel cecinit super Ægyptijs, rubro mari submersis, inchoante Maria, tympanumq; pulsante. Cantemus domino, gloriose enim glorificatus est, equum & ascēsores proiecit, non in mare, in hoc enim carmen immuto, uerum sicut illi placuit, & quemadmodum is iustū censuit, qui omnia facit & immutat, sicut quodam in loco Amos in Prophetia sua diuinissime philosophans inquit: qui conuertit matutinum in umbram mortis, diemq; obtenebrat in noctem, & tanquam per circulum quendam dirigit, ac uniuersum mundum circumgirat, necnon & res nostras fluctuantes, mutationibus quidem mobiles ac circūuertibiles, aliterq; alias se habētes, ordine uero prouidentiae firmas & immobiles, etiā si per cōtraria meant, uerbo quidem manifestae, nobis autē incognitae, qui deponit potentes à throno, & nudum ornatur diademate, & hoc ē diuina decerpo scriptura, qui genua habentibus imbecilla audaciam praestat, & peccatoris ac improbi brachiū cōstringit. & haec ex alia scriptura secūdum quod unumquodq; mihi ad memoriā uenit, quo multa mihi cantationem cōpleant & ad gratiarū actionem redundant. Qui tribuit uidere, impij etiam super cedros elationem, rursusq; subuersionem, ut amplius non sit, quum maliciam ipsius ueloci ac securo pede euadere ualeamus. Quis haec pro dignitate decantare, & tam diuine prolata enarrare posset? Quis domini potentias eloqui, seu laudes ipsius cūctas auribus inuulgare quiret? Quam nam uocem aut quam sermonis uehementiā aliquis miraculo huic adaptaret? Quis contriuit arma, frameam, & bellum? Quis confregit capita draconū super aquā? Quis dedit ipsum cibū populis illis, quibus etiam tribuit? Quis tempestatem permutauit in serenum? Quis dixit mari sile, compescere, & in te tibi conterentur undae? & contriuit quidem breui elatum ac efferuescentem, Quis supra serpentes & scorpiones ambulare dedit? non clam amplius calcaneū obseruantes, iuxta damnationem, sed palam inuadētes, caputq; attollentes, quod ad conculcandū erat damnatū. Quis fecit iudiciū & iustitiam inopinate? Quis non penitus dimisit uirgam peccatorū? Igitur confidenter iustorū sorti loqui decet, uel ut modestius dicam

eam,forti ipsum cognoscentiū.Nō enim tanquā iusti traditi sumus, id enim pauci ac rari,quo tanquā athletæ generosi tentatorē pudefacerent:sed tanquā peccatores sumus damnati,inde misericordiā paterne ac benigne consecuti, quo saperemus percussi,ad ipsumquē reuerteremur admoniti. quandoquidē nō in furore arguti sumus,nequē in ira correpti,sed in utrisquē & recordationis & remissionis amorē suū ostendit. Quis ultionē fecit in gentibus,redargutiones in populis? Dominus fortis & potens,dominus potēs in bello. Vnam inuenio uocem cantionis, rebus ferē dignā præsentibus, quā ante nos Isaias protulit,tempori huic admodū cōuenientem,ac cū magnitudine beneficentiæ decertantē. Lætetur coelū desuper,& nebulae destillent iusticiam, emittāt montes læticiā,& colles exultationē. quandoquidē omnes creaturæ ac potentiaē cœlestes,taliū quoquē,quēadmodum & meus hic sermo sunt conscia. Nō solum enim nobiscū suspirat & dolet creatura,quæ corruptioni huic deseruit infernæ,de oriūdis loquor & desinēdis, expectans finē horū ac reuelationē, quo & tum speratam cōsequatur libertatē,tanquā nunc audiens, illis propter cōditoris potentiā alligata,sed & unā gloriatur ac exultat, pariterquē cū filiis lætatur Dei. quur igitur nō & ego diuinā enarrans potentiā, diuinas quoquē uoces emitterē? Exultet deserta & ut liliū floreat ecclesia,uidua heri ac pridie,ut uidebat, & uiro orbata, ac omnis qui odiosa ac iniucunda impietatis hyeme hucusquē perturbatus fuit:quoniā misertus est dominus populi sui,& hæreditatē suam nō dereliquit,quoniā opera fecit mirabilia,consilium uerū, antiquum,id autē erat ut bonam suam ostenderet uoluntatem, timentibus eum,& qui in misericordia eius sperarent,quoniā portas æreas cōtriuuit,& portas ferreas cōfregit,quoniā propter iniquitates nostras humiliati sumus,sed reuocati sumus,& cōtrito laqueo solidati sumus,in gratia dei nos uocātis, & humiles corde consolantis. Cernitis ne quemadmodū connecto cātum,uerbis pariter diuinis ac sententijs,& haud scio quomodo alienis efferor sermo nemquē exorno,ac ob uoluptatē tanquā numine afflatus reddor.reijcio autē omne quod humile est & humanū, alia alijs cōcordans & coaptans, in unū quæ eiūsdē sunt spiritus perducēs. Sanē prius dei mirabilia ostendit, Enoch translatus,Helias susceptus, Noe saluatus,qui & semina generum salauit, in paruo ligno mundū,quum homines orbis fugerent diluuiū,quo rursus terra magis pijs ornaretur colonis. Abraham uocatus,ac filio præter ætatem honoratus,in fidem seminis alterius promissi. unigenitum prompte offerēs in sacrificium,& uictima hospitalis pro filio supposita.admirāda impiorum perditio igne & sulfure submersorū,piorū ereptio, mirabilior etiam salis statua de mala cōuersione triumphans. Ioseph uenundatus,& amatus, & continens,& à deo sapientiam edoctus,& libertate donatus,& dominans,& frumentum ad maiore œconomiam expendens. Moses dei adparentia dignus redditus,lege instructus,ac legē instruēs,& Deus Pharaoni factus,& Israel ad terram promissionis educens. Aegyptiorumquē plagæ enumeratæ, & sal-

uatio laborantiū in medio Aegyptiorū, ac mare cedens uirgæ, sermonemq̃
 intelligens, & hos quidem tanquā in arido transmittens, alios autē iuxta na-
 turam eius obruens, & alia hæc sequentia. columna nubis dies obumbrans,
 columna ignis noctem illuminans, ambæ uero uiam ostendentes. Panis in
 eremo pluuiā delapsus, cibus è cœlo demissus, hic quidē usui conueniens, hic
 uero usum exuperans. Aqua ex petra, & hæc quidē data, illa uero edulcora-
 ta. Amalec oratione debellatus, & occulto & mystico manuū mysterio. Sol
 firmatus, & lunæ cursus precibus interpellatus, & Iordanis abscessus. Muri sa-
 cerdotum circuitu & tubarum clangore, necnon uirtute cantus rythmici con-
 quassati. Terra & uellus, uicissim & rigata & sicca permanens. Vis in capil-
 lis, toti æquiualens exercitui. Manipuli pauci lambentes, & uictoriā se conse-
 qui posse credentes, paruusq̃ numerus spei innitens, plures superant chilia-
 des. Porro quid necesse est singula enumerare? quæ per Christū ipsum eue-
 nere secūdam salutarem eius præsentia, & incarnationē, quæ miracula post
 eum, & per eum, à sanctis apostolis eius & uerbi ministris sunt facta. quorū
 enim libri & monumenta hæc continere possent? & hæc hactenus. Adeste
 igitur ac audite, & ego enarrabo uobis omnibus qui timetis Deum, quo ge-
 neratio altera & successiones generationū diuinæ potentia cognoscāt mira-
 cula, quoniam illa ostendere possibile haud est, nisi periculi adpareat magni-
 tudo. Verum id fieri nequit, nisi morū prauitatem Iuliani redarguamus, ac
 ostendamus, ex quibus initijs & maliciæ seminibus in hanc inciderit infelici-
 tatem, dum paulatim impietatem adauget tanquā uenenum reptilium, aut
 earum ferarū quæ sunt perniciosissimæ, intermittens cūcta illius gesta, libris
 & historijs tragice decantare: haud enim nobis ocium superest prolixiora
 quàm præsens patitur propositum corradere: sed pauca quædam ex multis
 percurrentes, tanquam tituli inscriptionē quādam posteris relinquemus, ser-
 mone facta eius magis propria & manifesta tātum recēntes. Ille igitur &
 prius à magno conseruatus Cōstantino, qui nuper à patre potentiam susce-
 perat, quoniam exercitus contra duces arma sumpserat, rerum nouarū timorē
 re inuolutionem quærens, ac ideo per nouos præfectos negocia administra-
 bat regia. Seruatus igitur unā cum fratre, salute incredibili & admirāda, nec
 deo ob salutem gratias habuit, neq̃ Imperatori per quē fuerat saluatus, sed
 erga ambos se malum esse ostendit, huic quidem propter defectionis partu-
 ritionem, illi uero propter rebellionem. Cæterū prius mihi dicere necesse est,
 de eorum more uiuendi & obsequio, ac in qua nam regia prouincia regie,
 à rege humanissimo, tanquā generis reliquias regno seruantes, fuerint edu-
 cati. Primo enim ille excusationem admittebat, quod ea quæ in principio re-
 gni fuerant inuoluta, haudquaquā ex illius sentētia fuissent perpetrata. De-
 inde regni cōmunionem magnanimitatem ostendere studebat. Tertio uero
 principatum stabilire, ac collegarū augmento firmiorē reddere quærebat,
 quod quidē erat cogitantis utiliora q̃ sapiētiora. Postquā uero ab omnibus
 rebus

rebus ocium sunt nacti, de regno tamen futuro adhuc cogitarent, ætate autē simul & spe secundas principū partes nō offerente, incumbēbāt quidē inter alias disciplinas uniuersæ scientiæ circulari, quū auunculi iussu, & regie quidē instituerentur. Vtebantur autem ut plurimū philosophia nostra, nō ea tantum quæ circa sermones uersatur, sed & ea quæ per mores pietatē continet, cum uiris studiosissimis cōuersantes, & rebus plurima refertis gratia, ac multum uirtutis specimen habentibus incūbentes, siquidē seipsos cleri adscribere collegio, ita ut & sacros populo legerent libros, nihilominus & hoc illis in honorē cedere arbitrantur. quin & quod longe maius erat ornamentū, pietatem tam martyrum memoria sumptuosissima, quā magnificentia oblationum, necnon omnibus quibus diuinus timor designari potest colebant, ita, ut ueræ philosophiæ & planē Christi præ se ferrent amorē. Gallus quidem uera nitens pietate, pius enim erat licet natura esset feruidior, recta tamē pietatis sectabatur studia. Iulianus uero tempori obsecūdans, māsuēdudinis simulatione mores celabat improbos. testimoniū autem erat (haud enim possem transcurrere miraculum quod accidit, quū ualde memoria sit dignum, multosq; impios erudire possit) quod ambo, martyribus quemadmodum dixi operā impendebant, ac splendide utrinq; certabāt, multa manu, & impensis templum erigētes. uerū quia amborū labor haudquāq; eadem fiebat intentione, ideo nec ad unū procedebat finē. huius enim opus de seniore loquor fratre, iuxta rationē perficiebat, tanq; deo oblationē prompte, instar Abellis sacrificio admittente, rectē quidē oblatū & diuisum, eratq; tanquā primo geniti consecratio & augmentū. alterius autē (proh ignominia impiorū, quæ iam inde testimoniū præbebat, ac paruis indicijs ardua præfagiebat) tanq; Cain sacrificiū, martyrum Deus repudiabat. & Iulianus quidē laborabat, terra autē quod laboratū erat, contemnebat at ille magis cōtendebat, illa uero impuri fundamenta ad pietatē suscipere respuebat, tanquā imminētem ex illo terremotū, clamore præfagiens, martyresq; impijssimi honorans dedecore. Hoc igitur opus prophetia quædā erat posterioris uiri procacitatis & uecordiæ, necnon in martyres uituperij, & cōtra sacras ædes iniquitatis, alios quidē latēs, persequutorē uero à lōge persequens, ac impietatis conatus præsignans. Proh anima ad male agendū prudens, propriū autē non effugiens tormentum. Proh dei potentia ingens, qua quod futurū erat abscondebatur, ut uel impietatem absunderet, uel futuri ostenderet præscientiā. Proh admirandum plus tamē uerū quā admirandū miraculum. Proh fraternus martyrum amor, non suscipiebant honorē eius, qui multos martyres ignominia erat affecturus. nō cōueniebat ut eius admitterent dona, qui multos in fidē certatores erat ostēsurus, seu potius ipsi quoq; certamini inuisurus. uel ut uerius dicam, non ferebant ut soli inter martyres afficerentur iniuria, quū alijs munera sacris manibus offerretur, pieq; illi colerētur. nec sophistæ maliciæ concedere uolebant, ut de iniurijs gloriari posset, ne eadē manu monumenta

quædam martyrum erigerentur, alia uero diruerentur, & hi quidem martyres honorarentur, illi uero ignominia afficerentur, quum sub hoc honoris prætextu uerissima contineretur ignominia, & ne iuxta magnitudinem iniuriæ apud se ipsum sapiens esse censeretur, ac si coram Deo omnium perspicacissimo & sapientissimo, quemadmodum hominibus latere posset, qui sapientes comprehendit in malicia, haudquaquam in uolucro obscuro, sed cognoscit intelligens, nec superatur deprehensus, etenim si martyrum Deus impietatem haud cõpescuisset, seu animo cõceptam & latentem maliciam, tanquam fluuium malum cõfestim exiccasset aut abscidisset, rationibus quas ipse secundum ineffabilem sapientiam suam & gubernationem nouit, per quam etiam Amorreorum iniquitates expleri disposuerat: oportebat tamen prauitatem odio haberi, honoremque multorum gratia repudiari, quo Dei circa omnia incidentia æqualitas & puritas ostenderetur, qui enim dixerat, Israel impie agenti, si offeretis similaginem, uanum sacrificium, abominatio mihi erit. Neomenias enim ipsorum & Sabbata, necnon magnam diem haud admittebat, utpote qui plenus esset, & haudquaquam rerum indigeret humanarum & paruarum, quo gauderet ihs quæ indigne offerrentur, & qui iniusti sacrificium, si etiam uitulus existat, tanquam canis fastidit, & thuris odorem quasi blasphemiam, necnon meretricis munus ex templo eliminat & repellit, solum autem sacrificium honorat, quod puræ manus offerunt purissimo, mensque excelsa & sanctificata, quid mirum, si neque illius suscepit honorem? maligne & maligna intentione oblatum, equidem non uidet Deus ut homo, neque inspicit manifesta, sed in hominem latentem, ac internam maliciam, aut uirtutis considerat officinam, & hæc ita se habent, quod si quis credere nolit, illos ipsos qui coram uiderunt testes adducemus, multi enim sunt qui nobis ac posteris miraculum hoc memoriam tradiderunt, & adhuc tradent, Postquam uero in uiros euasere, ac iam philosophiam attigerant dogmata (quod utinam nunquam uenisset) uimque ex sermone acquisiuerunt, quæ mansuetis quidem uirtutis est armatura, scelestioribus uero maliciæ fit aculeus, non iam amplius morbum penitus quantum erat celare poterat, neque omnino impietatis dolum in seipso tantum, philosophice exercere ualebat, sed tanquam ignis in materia delitescens, & si nondum flammam claram emittat, est scintillis tamen quibusdam micantibus, aut fumo est profundo emergente, indicatur: aut si mauis, quemadmodum fontes, qui per fistulas quasdam ui spiritus sub terra feruntur, postea nec spacium latum, neque exitum habent liberum, sapientius terram inflant, & inferne submurmurant, impetu quidem spiritus impulsus, sed ui superna cohibiti & intercisi: ita & ille plurimum impietatis, ob temporis gratiam, & institutionem Constantij imperantis abscondebatur, nondum enim tutum erat palam impie agere, nonnunquam tamen mentis detegebat arcanum, acutioribus impietate quam intellectu, præcipue in sermonibus ad fratrem, plus quam bene haberet, pro gentilibus contendens, nempe sub prætextu, tanquam sermonem exerceret tenuem, ceterum hæc potius contra ueritatem erant exercitamenta, quum omnibus gauderet quibus impij denotarentur mores

Postquam

Postquam uero humanitas Imperatoris, fratrem Gallum Regem declarasset, ac partem orbis haud paruam illi assignasset, obtigit huic, ut multa licentia & securitate, perditissimis frueretur sermonibus, & praeceptoribus. Eratque illi Asia impietatis schola, ubi circa Astronomiam, & natiuitates, necnon praenotionis deliratur phantasia, horumque sectatricem incantationem. unum tamen adhuc reliquum erat, nempe, ut impietati potentia quoque accederet, nec multum intercessit temporis, quum & hanc illi obtulit, multiplex multorum ex nostris iniquitas, necnon laudabilis Christianorum conuersatio, quae ad summum, ut ita dicam peruenierat, ac mutationem quarebat contrariam. praeterea potestas, honor, ac facies, quibus reddimur procaces. constat enim longe difficilius esse, bona retinere parua, quam quae desunt acquirere: faciliusque prosperitatem elabentem per diligentiam reuocare, quam praesentem conseruare. nam ut parceremus recte dicunt, perditionem praecedit iniuria, insolentiam uero humiliatio. uel ut apertius dicam, iniuria sequitur perditio, humiliationem autem gloria. Dominus enim superbis resistit, humilibus uero praestat gratiam. contrariaque compensat contrarios, qui & uniuersa iuste metitur. hoc & diuinus callebat Dauid, quum inter bona etiam, afflictionem poneret, sedque gratias corripiendi agere fateretur, tanquam ei iustificationes inde discere contigisset. Et priusquam humiliare: inquit, ego deliqui, propterea eloquium tuum custodiui. mediam inter delicta & emendationem ponens humilitatem, tanquam ex delictis foret generata, delicta quoque illam generassent. siquidem peccatum humiliationis est mater, conuersionis uero humiliatio. Nos igitur quum mites essemus & modesti, sumus exaltati, paulatimque adaucti, ac in hanc formam & multitudinem deo manuducente progressi. Verum postquam saginati fuimus lasciuire coepimus. Et quia alas dilatauimus, etiam illas contrahere sumus coacti. Et eam gloriam ac uirtutem quam in persecutionibus & tribulationibus acquisiuiimus, hanc quum bene ageremus dissoluimus. Nunc uero ad reliqua sermonem conuertamus. Interea Caesari Gallo regnum pariter cum uita ademptum est. quae uero interim acta sunt obticebo, utrique parcens, & Constantio interficienti, & Gallo interfecto. nam amborum ueneror pietatem, non laudo audaciam. etenim quum oporteret, ut in aliquo delinqueret, nam homines erant, hoc forsitan est quod quis in ambobus laudare haud potest. nisi hunc uelimus accusare, alteri uero culpam dimittere. At Iulianus confestim fraterni regni haeres effectus, sed non pietatis, paulo post eius etiam a quo rex fuerat factus, sit successor. hoc quidem illo uolente, illud autem communi fine cogente, quum uinceretur morte, uniuerso mundo perniciose ac mala. Caeterum quid hoc rei est imperatorum diuinissime, Christi quoque amator praecipue? Cogor enim illum tanquam praesentem & audientem inculpare, etiam si eum reprehensione nostra longe meliorem esse sciam, cum deo constitutum, & coelestis gloriae haeredem effectum, ac in tantum segregatum, quantum etiam ad melius transiit regnum. quum nam tale cepisti consilium? quum intellectu & prudentia omnes longe superes, non solum tui temporis reges, sed etiam priores.

qui Barbaros in circuitu expurgasti, tyrannosq; domi mancipasti, hos quidē uerbis, illos autē armis. & hæc ita egisti, ut neutrum ab altero turbaretur. quāuis enim trophæa tua cū armis ac bellis parta, magnifica extiterint, maiora tamen & illustriora fuere, quæ sine sanguine acquisuisti, ad te enim undiq; legationes deueniebant, & preces, ex quibus quædam obediebant, aliæ uero imperiū expectabāt. omne autem quod sperabatur, simile erat iam capto, qui manu Dei ad omne cōsiliū & opus deducebaris, nec manu magis quā intellectu. quāuis manus potius q̃ intellectus admirationi erat. magis tamen in ambobus pietate excelebas. quonam modo in hoc solo negotio imperitus adparuisti & incircūspectus? qd sibi inhumanæ humanitatis uoluit celeritas? quis nam dæmon cōsilio accessit? quo pacto hæreditatem ingentem, paternumq; ornamentū, Christi nomine insignitos dico, gentem ubiq; per terrarū orbem resplendentē, regium sacerdotium, multo labore ac sudore adauctū, ita in paruo tēpore ac breui momento cōmuni psequutori offerens tradidisti? Proinde fratres his forsitan sermonibus impie uobis & ingrate agere uideor, quoniā non cōfestim ad hæc accusationis uerba, ueritatem etiam adduco. atqui abunde respondi, per ea ipsa quæ obieci, si accusationi mentem adhibeatis. hinc solum enim accusatio remissionē habet. nam quum probitatem dixi, responsionem quoq; ostendi. quis enim ignorat qui Constantium uel mediocriter nouit, pietatis gratia, & amore nostri, omnia bona nobis uoluisse, adeo, ut nō solum Iulianum lubens præterisset, aut generis totius honorem, imperiūq; additionē neglexisset, sed & regnum ipsum & omnia quæ possidebat, quin & animā propriā, qua re nil homini est preciosius, ob nostram securitatē & salutem, non difficulter impendisset. haud enim ulli unquam rei ullæ tam uehementer incessit amor, quemadmodū illi, ut res Christianorū adaugere, ac in plurimā gloriam & potentiā prouehere ualuisset. non enim gentiū captiuitas, nō beneuolentia publica, non pecuniarum multitudo, nō gloriæ affluentia, non ut rex regum & esset & uocaretur, nō quicquid alijs hominibus felicitas esse cognoscitur, nil tandem ex rebus omnibus, illum adeo exhilarare potuisset, q̃ ut nos per ipsum, ille uero per nos, corā deo & hominibus clarescere, & potētia nobis in omne tēpus indissolubilis permanere potuisset. Siquidē iam hoc præ cæteris est manifestum, plus excelsum ac regium q̃ à multis existimatur, q̃ Christianorū rebus, Romanorū sunt adauctæ, accessitq; præsentie Christi, potētia, quæ antea nondum plene in unā concesserat dominationē. quapropter longiori uisus sum uti circuitu, quo beneficijs nostra quoq; decorarē. Proinde si nos etiā in re aliquid qua offendit, id non cōtemptus aut iniuriæ gratia fecit, neq; ut alijs præ nobis gratificaretur, sed ut uniuersa unum essent, & ut unā sentiremus, ac haudquaquā discidijs separaremur, & factionibus contenderemus cohibuit. Verū ut dicebam, potius incuria quadā & simplicitate, necnō humanitate erga Iulianum scelestū errauit, & quia minime maliciā illius perpendebat, quum ab omni

omni malicia esset liber, ac ideo quod futurū erat ignorabat, plasmaq; suum nō exacte cōsiderabat: sicq; paulatim subintrauit impietas, resq; duæ diuersæ in unum coiere, nempe, ut in genere pñssimo, omnium numeraretur pessimus & sacrilegus, qui partim obtrectabat Christianis, partim uero nō habebat quo laudaret nostra. In Græcis autē eximiū quid, & sermonibus insuperabile cōtineri censebat. Quali autē cōsequenter exemplo notissimū seipsum ex impietate exhibuit: qualemq; morē recentiorē certādi ostendit: siquidē postq; uirtute meliores superare haud poterat, quo saltē adpareret aduersarius, nimis immoderate contra pietatem cōtendere, & deterioris gratia gloriari cœpit. Et hæc est Constantij pro Christianis, & erga Christianos apologia, ac apud mentis cōpotes tam iusta. Verū enim uero postq; quidā existunt, qui has etiā causas nobis dissoluunt, nec alias admittunt, sed stoliditatem uiri accusāt, q; infensissimo & bellicosissimo homini imperiū permiserit, eundemq; prius inimicū, deinde etiā potentē reddiderit: inimicitias propter fratris cædem cōcitans, potentiā uero regni traditione adiungens: necessariū erit, & de his uel breuiter uerba facere, ac ostendere, humanitatē nō omnino carere ratione, nec à regia magnanimitate & prudētia esse alienā. & merito quidē mihi uicio uerteretur, postq; talem ab illo assequuti sumus honorem, ipsumq; tantū pietate differre credimus, si eum nō iusta etiā defenderemus excusatione, quod & ijs quoq;, qui nulla nos demeruerē beneuolentiā, à nobis debetur, qui uerbum pariter & ueritatem colimus. & hoc postq; à mundanis liberatus est uinculis, quo liber sermo adulationis uitium, sinistrasq; suspensiones effugere uideatur, quis enim non sperasset, si nulla re alia, honoribus saltem illum reddi potuisse māsuetiorem: quis nō ex fide qua credebat, & merito quidem, illum iustiorē fore existimasset: Ita ut uterq;, Gallus nempe, iusto & regio condemnaretur iudicio, Iulianus uero altius etiam eueheretur, quum enim Iulianū ijs decorasset honoribus, quos nec ille ipse qui eos est assequutus sperare fuisset ausus, palām ostendit, quod de Gallo non sine iusta ira suppliciū sumpsisset. & hoc quidem illius erat temeritatis, illud uero honorantis humanitatis, habebat & pariter fiduciam (si id quod maius est effari oportet) non tam ex istius fide, quàm ex potestate propria, qua ut mihi uidetur, & Alexander admodum fretus, non solum uitam Poro deuicto cōcessit, idq; adeo iuueniliter de regno decertanti, sed & illi rursus Indorum imperium permisit, tanq; magnanimitatem haud aliter quàm hoc pacto ostendere posset: à qua deturbari quum Alexander esset, turpius putabat, quàm si armis uinceretur, præcipue quum illum iterato deprimere posset, si contra eum insurgeret, ac ideo illi confidendi occasio humanitas erat. Verum quur nam in hīs decerto: quum admodū facile sit uictos quoque superare, etenim si is qui credit malus est, quid nam de illo erit cui creditur: & si mores haud præuidere culpabile est, ubi nam prauitatem ipsam constituemus: Verum quum malicia res quædam sit incomprehensibilis,

impossibile est, ut quis improbos reddat meliores. Quapropter iustū fuisset, ut & Iulianus se magis beneuolum ostēdisset, & si aliquā maliciā habuisset affluentiam, eam sustulisset. uerū ex his in maius succēsus est odium. & quo pacto benefactorē ulcisci posset cōsiderabat. Hæc ipsum Platonēs & Chrysippi, uenerādusq; Peripatus, necnon Stoa, & qui splendida deblaterāt edocuere. Hæc Geometriæ æqualitas, & de iustitiā erāt sermones. & quod oportet potius eligere, ut quis iniuria afficeretur, quā q̄ iniuste ageret. hæc generosorum præceptorū erat doctrina, necnō regni concertatorū & legumlatorum, quos ex triuīs, & barathris, sibī ipsi cōgregauerat. quorū mores haud laudabat, eloquentiā tamen admirabatur. & forsitan nec illam, sed impietatem solam, tanq̄ consultricem sufficientē tam agendorū q̄ omittendorum magistrā. Cæterum quo pacto illos admirari decet, qui uerbis fingunt ciuitates, quæ re ipsa consistere nequeunt? & qui uenerandas tantū non adorant tyrannides, obolumq; cū supercilio super deos attollunt. & hi quidē neque omnino deū esse, illi uero eum haudquaquā res quæ hic aguntur, prænotāre docent, sed fortuito, & ut euenit uniuersa ferri, alijs astris duci opinātur, & necessitatis fato, haud scio à quo nam agātur, & unde. nōnulli in uoluptatem cuncta reijciunt, eamq; finem humanæ uitæ esse arbitrantur. Virtus uero penes eos nihil aliud est, q̄ nomē decorum, & haudquaquā uita præsentī longior. nec ulla dein pœnarū exactio, corripiens delicta hic cōmissa. Proinde nemo ex illorū sapientibus hæc intelligit, sed profundo ut dicitur luto hæret. & tenebrosa erroris & ignorantiae obtegitur caligine. nō solū ut mens puros ueritatis radios aspicere nequeat, sed & quantū ad inferiora hæc pertinet, intellectum habeat obfuscatum, adeo, ut nec super dæmones imaginari ualeat, & ita attolli, ut factore suo dignū foret. quod si quis uel parum suspicit, rationi confisus, & haud Deo utens ductore, à persuasibiliore seducitur. quod & multos quidem magis propter propinquitatē trahit. quid mirū igitur, quum ille ex talibus prorumperet doctrinis, à talibusq; dirigeretur gubernatoribus, si tam malus etiā adpareret credenti, & honoratus erga honorantem Cōstantium ingratus foret? Etenim si quicquā oporteat respondere accusationi, haud mihi uidetur Iulianus, tantū ob fratris doluisse cædem, quē hostem religionis causa nouerat, quantum ob Christianorū incrementum, quod admodū ferebat moleste. & quia contra pietatē insaniebat, aduersus præsentē rerum statum audere & amentiae libertatem quærere uolebat, quoniā oportebat philosophiā & regnum iuxta illorum sermonē in unum cōuenire. nō ut ciuitates à malis liberarētur, sed ut illis implerētur. Sanè hoc primū procacitatis ac uecordiæ eius fuit signum, q̄ seipsum coronaret, & magnifica illa appellatione honoraret, quā nō fortunę raptus, sed uirtutis præmium, aut tēpus, aut regium confert suffragium, siue senatus sentētia, cuius olim fuit iudiciū. siquidē nemo honoris magnitudine, dominus etiā sit imperij. Secūdo autē (neceffe enim erat ex ijs quæ iam ausus fuerat arrogantiam ei esse

esse partâ) quid nam deliberat, & ad quâ impietatem & audaciâ progreditur? (Proh insana anima) Cōstantio etiâ ipsi, bellum infert, & occidentem relinquit, sub prætectu reddēdæ rationis, quod diadema suscepisset, adhuc enim arrogantiam suam celare uidebatur, sed re uera uniuersam imperij potentiam in seipsum transferre cogitabat, quo ob perfidā ingratitudinē, admirationi etiâ esset, nec spe sua deceptus est. Proinde haud admirētur qui incōprehensibilem diuinarū rationū, quibus uniuersa ferūtur, ignorant profunditatē, ne quaquā gubernationi artificis cedentes, longe nobis prudētiori, qui id quod eius est propriū, quomodo, & quōd uult perducit, omnino tamē ad melius, & medelam, etiâ si ij qui indigent cura indignentur, propter quas etiam causas ille nō in maliciā est impulsus (quandoquidē numē penitus expers culpa existit) bonū aliquid à natura cōsequutus, licet ea quæ prauitatis sint prætulerit, nequaquā impetū cōpescuit, sed multa celeritate, & domesticū, & barbaricum transcurrit solum, magisquē latendo, quā transitum occupādo regijs militibus adpropinquauit, prænotione quemadmodū prædicāt ij qui secreta eius norunt ad expeditionē impulsus, quū dæmones etiâ motū illum, & quid futurum esset promitterēt, necnon mutationē eorū qui præerāt rebus, iuxta uerū dicum autē sermonē, præfinitum iam tēpus aderat, magis arcanū atquē profundum, ad mortē itaque accelerabat, cuius ipse artifex erat, celans à quodam internorū conatū illum, ac si haud à prænotione procederet, sed cognitione manifesta, & quæ ea quæ fierent ob prauitatē, & haudquaquā dæmonū acciderent beneficio: uerum quā recta cōiectura, Persia postea manifeste ostendit, quapropter desināt, qui illius celeritatē dæmonibus acceptā referunt, nisi & illis maliciā ipsam ascribere uelimus. Sanē si Imperatoris præfecti, tyrāni occupassent ingressum, & nō bellum occultū manifeste præualuisset uirtuti, cognouisset forsitan scelestus ille, quæ cōtra seipsum festinasset, & priusquā Persica clade refrenatus fuisset, in finibus Romanis uecordiæ poenas, simul & ob ea quæ male ausus fuerat, dedisset, cuius rei testimoniū est, quæ quū progredere tur incognitus etiā, ut ipse putabat, à generosissimo Imperatorū exercitu circumseptus fuit, quin & illi fugam quemadmodū postea cognitū est interduferat, & quum rerū quoque potitus esset, nequaquā tamen parui operis fuit copias illas subiugare, nūc autem propter arrogantiam pariter & impietatem eius, indignatione exæstuans Cōstantius, sapientissimumquē Iulianū habēs in retibus, Proh nostra malicia, sub uiæ ingressum, uitā cum morte permutauit, non paruam rationē, tam deo, quā hominibus ob nimiam redditurus humanitatem, siquidē præter motū illum, Christianis etiam imminentes pro pietate ostendit turbas. Hic autem quantum mihi gaudium, lachrymis permixtum, ob sermonis exoritur reliquū? qualisquē maris & fluctuū conflictatio, permixtio, & turba, inuicem dissidentium & æstuantium? siquidem ex nouissimis mihi læticia, ex prioribus autē oritur fletus, non propter Christianos solū, & accidentē ipsis afflictionē, quæ uel per maligni inuidiā,

aut

aut potius dei incidit permissionem, ob eas quas nouit causas, & forsitan ob elationē nostram, quę indigebat purgatione. Sed etiā propter illius animā, & eorū qui ab ipso ad eandē rapti sunt perditionem. n̄ siquidē ultimas eorū plagas, & quę inde ortę sunt deplorāt calamitates: quoniā hanc solam esse uitam existimāt, nec mente ad futurū pertingunt, neq; ullam rationē reddendam, aut retributionē expectandā esse cēsent, ob ea, quę in hoc perpetrata sunt seculo, sed uitā uiuunt irrationalē semper in diem, & pręsentē uiuentes horā. Et ideo felicitatē, & infelicitatē, ex contrario incidentibus metiūtur. mihi autē plus ob erumnas futuras, pœnasq; improbis debitas uidētur deplorandi, tametsi quod maximū est haud depromam. Etenim qualis illis pœna erit, expulsio à deo? quomodo nō deplorare miserū? quomodo nō plus persequutorū inuasores? & adhuc plus transfugientiū ad maliciam lugebo abreptorē, seu potius lachrymas fundam, pro ijs quibus nihil graue fuit eorum, quę ob Christū sunt perpeffi, omniū beatissimis, nō solum uenturę uitę gratia, uerū etiam propter gloriā pręsentē, fiduciamq; constantē, qua semetipsos ubertim per pericula decorauere, aduersarijs uero præludiū exhibere, imminentiū cōmutationū, ac eorū quę iam sunt perpeffi. Et profecto longe illis melius fuisset, si diutius hic fuissent afflicti, q̄ quod futurę thesaurisauerūt damnationi. Et hęc nobis secundū legis formā sint dicta, quę homines ob inimicorū calamitatē gaudere prohibet, ac potius ut miseris cōpatiamur exigit. Cæterū ut rursus ad priorē redeam sermonem, quę nam tātī mali cōcertatio? quis impietatis amor? quis perditionis cursus? Vnde tantū Christi odiū, Christi cōtraxit discipulus? qui in tot ueritatis uersatus est sermonibus, nunc dicēdo, mox audiēdo, de ijs, quę ad salutis dirigūt uia. Sanē nondū hæreditate imperiū assequutus fuerat, & tamen impietatē ostendere est ausus, tanquā ipsum puderet, q̄ aliquando Christianus factus esset, aut ægreferret, quod cū Christianis nomen haberet cōmune. Porro hoc subinitium est ausus, quēadmodū retulere n̄, q̄ ei ab arcanis fuere ministerijs (heu in quales sermones incidere cogor) ut sanguine, nequaquā sacro, baptismū ablueret sanctū, expiationi nostrę, odi perfectiōē opponēs. Sus in luto, iuxta parcemiā uolutatus. Mox incruētī sacrificij, oblatiōe manus cōmaculat: per quod nos Christo unimur, necnon passionis ac diuinitatis eius participes reddimur, sectionibus & uictimis res stabiliēs regias, malis cōsiliarijs, in malo utens principatu. Verū quia sectionum incidit mentio, ac se occasio offert, ut de tali hominis infelicitate aut infortunio exactius dicam, nescio utrū diuulgatum miraculum literis cōmendare, aut potius referētibus fidem denegare debeam: nam & ego sententia teneor suspensus, nec habeo quod potius inclinem, quā ea quę iuste credi debeant, rebus haudquaquam fide dignis permixta esse soleāt. Etenim quod aliquid, tanta mali & impietatis inuouatione portēdi debeat, nequaquā ex incredendis existit, quū sæpius iam taliter, in maximis etiam acciderit mutationibus, hoc itaque, & eo præcipue modo

modo admodum mihi admiratione dignum uidetur, omnibūscū qui pura pure ostendi cupiunt, idcū fieri posse existimant. Fertur igitur cum immolaret uiscera, crucem apparuisse coronatam: quod alijs quidē uenerationē præbuit & timorē, necnon nostræ potentiaē assensum: at impietatis magistro audaciam præstitit, tanquā essemus circūuenti & coerciti, ita enim crucē & circulum interpretabatur. Et hoc meū est miraculum. Quod si falsum est, auræ illud ferant, sin uerū, rursus Balaam prophetisat, & Samuel excitatur, aut per incantationē ita uidetur. Dæmonesq; Iesum ultra cōfitentur, ac ueritas per contraria, quo magis credatur, ostenditur. forsitan ille per hæc ab impietate desistere admonebatur, multas enim & admirabiles salutis uias numē innotuare nouit, ad misericordiam inclinans. Sanè & ille, quemadmodū à multis refertur, nec à fide est alienum, in adytum quendā, multis inaccessum & horrendum descēdit, utinā eam uiam ingressus fuisset, quæ ad infernum perducit, antequam ad tanta progressus fuisset scelera, aderat & multis adytis dignus, in his peritus quidā, aut potius sophista. est enim & id illis diuinationis species, ut de futuris cōsulturi, sub caligine quadā cum subterraneis congregiantur dæmonibus, uel quia tenebris magis gaudēt (quoniam tenebræ sunt, tenebrarumq; hoc est prauitatis artifices) uel quia piorū hominū consortia fugiant super terra, ac ob illa reddantur imbecilles, quum autē generosum in progressionē pauor inuasisset, ac assidue augeret, fieretq; terribior, sonitus quosdam iniucundos eum audiuisse aiunt, necnon odores sensisse immundos, ac ignea uidisse phasmata, & nescio quas nugas & deliria. re igitur inexpectata percussus (erat enim in talibus nondū ualde expertus) ad crucē, & uetus confugit remediū, hacq; ob timorē signatur, adiutoremq; facit quē persequabatur. at reliqua terribilia etiam, præualuit signaculum, superantur dæmones, soluuntur timores, quid inde? respirat malum, animatur rursus, iterū impetus & timores priores, denuoq; signaculū, & cōpescuntur dæmones. in dubio igitur mystes, iuxta uero mystagogus, exponens ueritatē, abominationi inquires, illis fuimus, & nequaq; timori. Vincit quod deterius est. Hæc dixit, simul & persuasit, persuadēsq; discipulum ad perditionis deduxit barathrū. nec mirū, quādoquidē prompta est malicia, ut potius quod deterius est sequatur, q̃ quod à meliore refrenetur. quæ uero in adyto illo dixerit aut fecerit, seu quomodo deceptus fuerit remissus, norunt illi qui homines talibus iniciant, suntq; iniciati, regredit̃ itaq; & anima & operibus deuitus dæmonibus, oculis furorem indicans, nisi potius eo die dæmonibus est impletus, in quo tam scelerata aggredi est ausus, sed tum etiam manifestius, ne delitesceret, aut frustra cum dæmonibus cōsortium inuuisse uideri posset, quod illi afflationē appellant, magnifice nomina immutātes. & prima quidem fuere talia. Postquam autem doloris partus præualuit, ac persecutio erupit, uidit aliquid: siue illud proprium ipsius fuit tanquam hominis in malicia edocti, ac impietate præstantis: siue quia ab ijs qui eum instigarunt, instructus

instructus fuit, nempe, ut apertū sumeret bellū, ac ipse impietatis autor præ-
 sideret, tametsi facinus illud audax & imprudēs esset, quinimo à scopo peni-
 tus alienū. quoniam uis nos cōtentiores redditura erat, & ut tyrānidi pie-
 ratis decertationē opponeremus. solet enim generosa prudentia, pertinacius
 uiolentiæ resistere, nō secus ac flamma à uento agitata, tanto plus accēditur
 quanto uehementius inflatur. & hoc non solum consideratione didicit pro-
 pria, sed etiā ex prioribus cognoscere potuisset persecutionibus, quæ Chri-
 stianismum honoratiore fere quā imbecilliore reddidere, quoniam ipsi ani-
 mæ magis in pietate sunt obfirmatæ, & per discrimina tanquā ferrū candēs
 aquæ ui temperatæ ac solidiores redditæ. quod si arte potius pugnasset, ac
 uiolentiam persuasionē colorasset, aut tyrannidem mansuetudine, tanquā ha-
 mum illecebris contexisset, prudentius egisset, ac forsitan possibile fuisset, ut
 in hoc certamine præualuisset. nam præ cunctis alijs, martyrum athleticis inui-
 debat honoribus, ac ideo machinabatur, ut ui cogeret, nequaquā tamen co-
 gere uideretur. nos uero pateremur, nullum tamē honorē inde, tāquam pro
 Christo patientes, assequeremur. Proh stulticia, primum enim si latere puta-
 bat, cuius rei gratia periclitandū esset, & ueritatē imposturis celare cōtende-
 bat, cur non ita de honoribus etiā sentiebat, quod illos hoc pacto longe ma-
 iores, & splendidiore redderet. Deinde si nos gloriæ desiderio periclitari su-
 spicabatur, cur id non etiā ueritatis gratia fieri censebat? Verū de talibus lu-
 dant apud ipsos Empedocles, & Aristei, necnon Empedotimi quidā, & Tro-
 phonij, ac infeliciū horum numerus. ex quibus hic quidē, quemadmodū ex
 Siculis crateribus diuinitatē, ut ipse putabat acquirere, & ad meliorem sortem
 à nobis transmitti posset, sandalio charissimo, ab igne eiecto testatum reli-
 quit, haudquaquā Deus post hominem ostensus, sed homo post mortē ina-
 nis gloriæ cupidus, & à philosopho penitus alienus, necnon cōmunis etiam
 sensus expers. quidā etiā ob eandem animi aegritudinem ac philautiā, in ca-
 uernis quibusdam se abdidere, inde deprehenſi, non magis ob furtiuam de-
 ceptionē sunt honorati, quā propter latendi conatum ignominia affecti.
 Christianis uero iucundius est, ob pietatem pati, ac omnes potius latere, quā
 alijs cū impietate gloriosos uideri. nam ut hominibus placeamus, breuis pe-
 nes nos est momenti: at honoris eius qui à deo est, seu potius pro dei hono-
 re, omne nostrū est desiderium. nam uere philosophi, & deum timētis, cōmer-
 cium cū honestate, propter honestū ipsum, & haudquaquā ob inde accēdēs
 diligunt honores. laudabilia enim opera, quæ mercedis gratia, & ob remune-
 rationē fiunt, in secundo ab eis cōstituunt ordine, quēadmodū, in tertio, quū
 scelera pœnæ fugiuntur timore, nostra igitur sunt talia, ac ita se habētia, quæ uo-
 lentibus per quā facile ex plurimis etiā ostēdi possunt. Iulianus uero tanquā ma-
 gno honore Christianos spoliaturus (multi enim ex proprijs affectibus alio-
 rum dijudicant mentē) bonā nostrā existimationē præ cæteris est persecu-
 tus, nec tamē magnanimiter, ut in alijs accidit persecutionibus impietatem
 suam

suam declarauit, neq̃ regie, sed omnino tyrannice de nobis deliberauit, quo magnificentior eius esset impietas, quum per uim orbis cogeret populum, tyranniceq̃ dogma omnium dogmatū pręstantius uiolaret. Cęterum admodum seruiliter & ingenerose impietatem ostendit, quandoquidē deceptiones & uersutias cogitationibus suis in persecutione cōtra nos intermiscibat. Siquidem quum uictoria ex duabus his consistat rebus, persuasione ac uiolentia, hic quidem id quod erat inhumanius, tyrannidem nempe, populis immisit & urbibus, quibus socordia propter irrationalem & inconsideratum ad omnia impetum magis erat iucunda, uerum hāud quaquam edito publico. Cęterum ne abscinderetur impetus, legem sine scriptis proposuit, uidelicet, q̃ ita uellet. uerum quod humanius erat & regalius, persuasionem nempe in seipsum retulit. Quamuis nec illam penitus conseruaret illęsam, hāud enim natura permittebat, ut Pardalis maculosam immutaret pellem, uel Āthiops nigredinē, aut ignis à calore cessaret, seu malignus humani generis odium poneret, quoniā ab initio homicida extiterat, uel Iulianus à prauitate, qua contra nos ruebat desineret. sed quemadmodū Chamæleonem facile ferunt uariari, omnesq̃ assumere colores pręter candidum, ut interim fabulosum illum Protheum Āgyptium Sophistam omittam: ita & ille omnia pręterq̃ mansuetus erat, & factus est Christianis, eratq̃ illi humanitas res admodū inhumana, suadelaq̃ nil aliud quā uiolentia, & pro immanitatis excusatione probitas, quo iure uideretur ad uiolentiam confugere, quū persuadendo nil proficere posset. quod quidem inde liquet, quod apud ipsum parum suadela, multum autem erat uiolentię, quę quidem confestim sequebatur, quo nos tanquam in uenatione uel laqueis, uel persecutionibus, aut omnino aliquo caperet modo. & ita ille deliberauerat ac constituerat. Accedebat & illud, quod solūmodo secure, licet ualde impie bellum gereret. Cum manu enim admodū propinqua & coniuncta, & quę totius persecutionis conscia erat, prauitatem suam inchoabat. quandoquidē impossibile est res adgredi externas, nisi prius domesticę recte fuerint constitutę. quemadmodum nec possibile est exercitum cōtra hostes ducere, quum milites seditione contra ducem tumultuantur. Propterea etiam aulam immutabat regiam, quosdam enim morte plectebat, alios autem non solum ideo expellebat, quoniā magno Imperatori fuissent fideles, sed & maiori nimis beneuoli, ipsi uero propter utranq̃ causam inutiles. Quin etiam negocia castrensia, partim per semetipsum, partim uero per pręfectos quos sibi magis fideles esse suspicabatur, immutauit, legionesq̃ nōnullas honoribus sibi conciliabat, alias uero simplicitate alliciebat, quo unā solam agnoscerent legem, nempe Imperatoris uoluntatem. sed longe magis, exercitus partem hāud minimam, quam aut corruptam inuenit & morbidam, ac tempori tam pręfenti quā priori inseruientem, obsequio demerebat, spemq̃ iniiciebat meliorem. Veruntamen non omnes ad suam pertraxit sententiam. quandoqui

H h dem

dem non tantum illi de nobis permittebat, qui per illum nos persequēbatur: sed remansere ultra septem etiam milia, qui genua coram Baal non flexerunt, nec imaginem auream adorauerunt, neq; à serpentibus fuere percussi, quoniam in serpentem intuerentur suspensum, & Christi passionibus dissolutum. siquidem multi fuere in potestatibus & sublimitatibus constituti, quos magis credibile erat, tam propter metum quàm spem superari posse: multi etiam ex humilioribus, & numero tantum noti, in quos ille irruens, non secus reiectus est, ac machina quædam haud tempestiue generoso muro admota. Verūtamen non magis perturbabat effugium, quàm reddebat confidentem, instar captiui insanientis, uoluntatiq; spes, ac si iam superasset, affuit. Porro audacia iam in magnū etiam conuersa est uexillū, quod sub crucis signo pompam agit, in altumq; sublatū exercitum ducit, laborū solutio existens, ita etiam à Romanis quoq; appellatū, & quod reliquis, ut ita dixerim imperat signis, quæ Imperatorū gaudēt imaginibus, & quæ uarijs distincta sunt coloribus & picturis, necnon illis signis quæ horrendis extensa draconū hiatibus, in summis uolitant hastis, maculosisq; contexta squamis, gestando inflantur, ac iucundum pariter ac horridū spectaculum oculis præbere solent. Postq; autem illi propinqua ex sententia cessere, periculumq; ut putabat in manibus redditū est melius, cōfestim & reliqua tentare cœpit, stolidi & impia, necnon procacia ac magna. Sane tū ne contra tantam sortem, uniuersiq; orbis fructificationē, quæ cunctos occupat fines, per simplicitatem sermonis stulticiamq; (quemadmodū uos dicitis) præconiū, quod sapientes deuicit, ac dæmones cōpescuit, tempusq; cōfixit: illud idem antiquum pariter & nouū existens, quemadmodū uos de dijs uestris portentose quædam finixistis, antiquū quidem paucis, nouum uero multis, antiquū propter obumbrationem, nouū autem propter perfectionē mysterij, quod temporibus proprijs reseruatū fuit. Tu ne contra magnā Christi hæreditatē? (quis enim eras, quātus & unde?) magnā inquā & haud cessaturā, neq; si quidam plus etiā q̃ tu insanierint, sed semper plus ultra progressurā & altius exurreturā (diuinis enim credo prædictionibus & uisionibus) quā Christus ut deus condidit, & ut homo hæreditate acquisiuit, quā lex figurauit, ac gratia impleuit, quam propheta cōpaginarunt, & Apostoli colligarunt, necnon Euangelistæ coaptarūt. Tu ne cōtra Christi sacrificiū tuis spurcijs? Tu ne contra sanguinem per quē expiatus est mundus, tuis sanguinis effusionibus? Tu ne bellū contra pacem? Tu ne contra manū, quæ propter te, & per te clauis est confixa? Tu ne contra fel gustū tuum? contra crucis trophæū? contra mortis dissolutionē? contra resurrectionē, tua insurrectione? contra testē nihil testificans? cum Herode persequutor, cum Iuda proditor, præterq; quod in strangulatione haud quāq; ut ille, poenitentia ostendisti, Christi q; cū Pilato interfector, & cum Iudæis dei osor. Nūquid timuisti? nūquid reueritus es? hostias pro Christo mactans, nunquid magnos timuisti certatores? Ioannem illum,

illum, Petrum, Paulum, Iacobum, Stephanum, Lucam, Andream, Teclam quoque, necnon alios, qui tam post quam ante illos pro ueritate sunt periclitati, qui contra ignem, ferrum, bestias, & tyrannos alacriter decertarunt, presentibusque malis ac cominationibus, tanquam in alijs corporibus, aut corpore carentes restiterunt, cuius rei gratia? quo pietatem nec uerbo tenus quidem proderent, quibus magni repositi sunt honores, & panegyres, à quibus daemones expelluntur, infirmi quoque sanantur, quorum sunt adparitiones & liberationes, quorum etiam corpora solum, siue tacta, siue uenerata, eadem possunt quæ & sanctæ animæ, quorum sanguinis asperisiones solum, ac minuta passionis symbola, eadem faciunt quæ & corpora. hæc tu haud ueneraris, sed dedecore afficis, qui Herculis pyram, ex infortunio, & mulierum admiraris iniurijs, Pelopis quoque carnificinam hospitalem illam, & deo quoque acceptam, ex qua insignes orti sunt Pelopides, humeris quoque eburnei, pariter & Phrygum emasculationes, qui tibijs demulcentur, & sub illarum sono iniuria afficiuntur, necnon ob Mithri honorem tormenta, & inustiones mysticas, sed iustas quidem. In tauris etiam cædem hospitalem, & apud Troiam regiæ puellæ sacrificium. Menecoei quoque pro Thebanis sanguinem, & postea Scedasi filias in Leuctris, qui Laconicos laudas Ephebos flagellis caesos, sanguinem quoque aris inspersum, deam oblectantem, castam ac uirginem, qui Socratis cicutam laudibus celebras, Epicteti quoque crus, & Anaxarchi sacculum, quorum philosophia potius necessaria erat quam uoluntaria, necnon Cleombroti Ambraciotæ saltum, quum sermonem philosophicum de anima haberet, Pythagoricam quoque super fabarum natura decertationem, ac Theani mortis contemptum, uel haud scio cuius nam alius qui illius placitis est initiatus, & in ijs philosophatus. Tu autem sapientissime ac generosissime, si haud quaquam illa, saltem admirare presentia, ac Epaminundas, & Scipiones illos uirtute claros inspice, qui cum exercitu incedis, cibum capiens uilem, qui spontaneum Imperatoris laudas conatum. Equidem ad generosam ac philosophicam animam spectat, ut nec hostilem inhonoret uirtutem, ac plus tribuat inimicorum generositati, quam prauitati ac molliciei domesticorum. Cernis semimortuos hos, ac sine laribus uagos: necnon ob macerationem carnis macilentos, quin & exangues fere, deo quoque propter hæc adpropinquantes, pedibus illotos, humi quoque cubantes, quemadmodum tuus inquit Homerus, quo daemonem quendam suis laudaret fictionibus, infernos hos, sed super inferna elatos: qui inter homines uersantur, humanis tamen rebus sublimiores: ligatos illos, & tamen liberos: detentos, sed incomprehensibiles: quibus nihil est in mundo, sed omnia super mundum: quorum duplex est uita, una neglecta, altera autem summo opere exculta, qui propter enecationem immortalitatem assequuntur, qui propter dissolutionem deo adunantur, expertes concupiscentiæ, cum diuino & impassibili amore, quorum fons est luminis, quorum & splendor suauis, quorum angelicæ sunt psalmodiæ, & perpetua statio nocturna, mens quoque excessu ad deum

Hh 1 erepta,

crepta, quorū est puritas & purgari, nullam mensuram eleuationis ad deū
ac deificationis scientes, quorū & petræ, quorum etiam sunt cœli, quorum de
turbationes, atq; throni, quorū est nuditas, incorruptio tamen indumentum,
quorum est desolatio, celebratio uero, quæ alibi peragitur, quorū est uolupta
tibus uiolenter resistere, & quorū fruitio indissolubilis & ineffabilis, quorum
fletus peccati est diluuiū, ac mundi purgatio, quorum manū extensio flam
mam extinguit, feras demulcet, enses hebetat, acies inclināt. Sed & impieta
tem tuā (recte noueris) obturabit, tametsi parumper sis elatus, & impieta
tis drama, cum dæmonibus tuis ludas. Hæc autem cur non essent tibi formi
danda, ô audacissime, quū morti sis obnoxius, ac si quis alius? cur non essent
uerenda? Hæc igitur longe honorabilia sunt Solonis insatiabilitate, sapien
tis illius, quem Cræsus Lydio redarguit auro, Socratisq; erga pulchros a
more, nam erga pueros dicere erubesco, tametsi mente castitatem simularet:
necnon Platonis gulositate Sicula, ob quam & uenditus est, & nec ab aliquo
discipulorum suorum est emptus, sed nec à plene Græco: quin etiam Xeno
cratis liguritione, Diogenisq; scurrilitate, qui dolium inhabitans, sub quo
hospitibus stupori erat, licet & ipsi tyrannos ex tragœdia uili pane cibare so
lerent, Epicuri præterea philosophia, nihil bonū super uoluptatem definien
tis. Magnus uobis est Crates, quum sit & philosophicū pascere, ac dimitte
re substantiam, simileq; philosophis qui apud nos sunt. Verum iactitat is li
bertatem præconio, quemadmodum quum quis haud est sapientiæ, sed po
tius inanis gloriæ amator. Magnus & ille, qui quum nauis procellis agitare
tur, omniaq; forent eiecta, gratias se fortunæ habere fatebatur, quæ illum
ad uestem misisset tritam. Magnus & Antisthenes, quoniam quum facies
illi à contumelioso quodam & proteruo fuisset contrita, tantummodo fron
ti, ac si statuam quandam erigeret, percutientis nomen inscripsit, ideo forsi
tan, quo feruentius hominem accusaret. Porro laudas quendam ex ijs qui
haud longe ante nos fuerunt, quod tota constitisset die, ut solem adoraret,
obseruans forsitan, ut fieret illi propinquior, & occidens orationē secum tra
heret, ac pariter solueretur, necnon in Potidia stationem, quum hiberno tem
pore tota nocte speculationi indulgeret, ita ut nec frigoris uim propter excel
sum sentiret, aut Homeri industriam, de Archadica quæstione, pariter & A
ristotelis philosophiam, ac assidentia ob Euripi mutationes, ob quas etiam
occubuit. Cleantisq; puteum, necnon Anaxagoræ corrigiam, & Heracliti
tristitiam. Quæ nam sunt hæc? & quousq; Apud nos autē haud admiraris
infinitos quodammodo numero, qui talia & his etiam mirabilia, per om
nem uitam, uniuersumq; ut ita dicam, orbem philosophantur, uiri pariter &
mulieres, uiriliter decertantes, ac solum ibi naturæ obliti, ubi per castitatem
& tolerantiam deo seruire oportet, non ex humilibus tantum, & ijs qui sem
per ob indigentiam laboribus sunt assueti, sed etiam ex ualde aliquando
sublimibus & splendidis, tam opibus quàm genere & potentia, qui per uitæ
nouitatem,

nouitatem, afflictionibus se ad Christi subdidere imitationem: qui si eloquentia etiam clari non erant, quoniam pietas haud quaquam in sermone consistit, brevisque sit fructus sapientiae ex ore prodeuntis, quemadmodum & cuidam Poetae apud uos est uisum: rationem tamen ducem sequebantur, ac doctrinam operibus ostendebant. Ceterum haec ille omnia negligebat, & ad hoc unum respiciebat, quo pacto daemonibus, saepius eum merito agitantibus, gratificari posset, ac ideo priusquam aliud quid ex rebus constitueret communibus, in Christianos irruit, duarumque res praecipue illum stimulabant: Galilaei nempe, ita enim Christianos contumeliae causa adpellabat: ac Persae, qui in bello fortiter perseverabant. Ceterum res nostrae adeo illi maiores ac cura digniores uidebantur, ut bellum contra Persas nugas ac ludum putaret, uerum illud haud manifeste ostendebat, sed magna celabat cura. persecutionem autem nostram (intantum enim insaniebat) semper & coram omnibus iactitare non desinebat. Verum nequaquam intelligebat, omnium prudentissimus & optimus rerum publicarum administrator, quod in persecutionibus prioribus minutum erat id, quod confunderetur & commoueretur, quum dogma nostrum nondum ad multos peruenisset, sed ueritas adhuc consisteret in paucis, cuius tamen splendorem elucescere oportebat, nunc uero salutis sermone iam effuso, & inter nos admodum potentia sua uigente, tentare res Christianorum, immutare & commouere, nil aliud erat quam Romanorum perturbare imperium, & Rempublicam omnino subicere periculis. Quare, nec deterius quid inimici nobis imprecari potuissent, quam ut talia a uobis ipsis pateremur, necnon a noua hac & admiranda philosophia, & regio imperio, sub quo nos felices redditi sumus, ad aureamque illam aetatem & ciuitatem peruenimus, bellis & factionibus penitus liberam ac carentem. Proinde si populus clementer fuisset gubernatus, aut tributa remissa, uel si noui electi fuissent principes, aut fures coerciti, siue alia fuissent facta, quae uel tempestiuae aut intempestiuae sunt felicitatis & apparentiae, magnam profecto Rebus publicis utilitatem peperissent, auresque nostrae tinnire debuissent, quum talia fuissent laudata. Verum populi ad seditiones incitati, urbes turbatae, hominum genera confusa, domus factionibus impletae, coniugia separata, & cuncta alia quae mala haec sequi par erat, quemadmodum & sequuta sunt, haud admodum illi cessere ad gloriam, siue Rebus publicis ad securitatem, tametsi ei pulcherrima uiderentur. Verum qui nam alius ad impietatem tam pronus est, aut sensus communis expers, qui haec utilia esse contenderet? Quemadmodum enim in corporibus, quum unum aut duo membra male sunt affecta, haud difficulter reliquis succurritur, sanitatisque bonum maioribus subuenit partibus, quo celeriter & illa conualescant, quum uero plura dissident & male habent, nullo remedio subueniri potest, quin omnia aegrotent, periculumque illud iam manifeste se ostendit: ita morbi etiam, qui singulis accidunt subditis, a communi populo, qui melius habet, sunt ab-

scendendi, quū uero maior pars corrupta est, tum uniuerso imminet periculum: nec mihi secus hoc tempore, n̄s qui nos tam capitali persecuti sunt odio, necnon tantæ Christianorum retributioni euenisse uidetur. Cæterum quia Iuliani improbitas sensibus obtenebrata fuit, ideo tam paruis q̄p maioribus pariter persecutionē nectere est aggressus. Verum hoc ualde puerile fuit, ac leuitatis plenum, & nequa q̄p uiri regi, sed neq̄ alterius cuiusdam uel mediocriter animo fortis, quod nominis nostri immutatione, existimationem nostram lædi, aut illa nobis contumeliam irrogari posse arbitratus est, tanquā à turpissimis cognominaremur hominibus. Cōfestim enim nomenclaturam nostrā innouare cœpit, Galilæos pro Christianis appellans, & lege etiam ita uocari iubens, quum re ipsa, ob Christi appellationem, honoratissimos nos esse censeamus, ac nomen illius maximā nobis cōferre gloriam putemus. ac ideo ex qua re nos gloria priuare putauit, eadē nos summo opere laudauit, nisi forsitan nomenclaturæ uim timuit, quemadmodū & demones, ac ideo illam ad aliud transtulit nomen minus assuetum aut cognitum. At nos ipsis nomina haud inuertimus, quū nil magis supersit ridiculum in quod cōueri possint, utputa Priapos, & phalos prurientes, ac nigripodices, necnon Hircopedes, & uenerandum illum Pana, ex omnibus procis unum deum, nomen sortitum ex iniuria, quemadmodum & dignum erat, oportet enim apud illos unum & optimum in multos distribuere, ac unum ex multis fieri turpissimum. Nequaquam igitur ipsis, uel ob res gestas, uel nomina ipsa inuidemus, sed sua fruantur amentia, rebusq̄ gloriantur turpissimis. Igitur si uoluerint, boum illis relinquamus deuotorem, necnon trihesperum, quo magis illis gratificemur, ita generatū & tam magnifice generantem, ac decimūtertium subeuntē certamen, quum in una nocte quinquaginta Thestij stupraret filias, quo ex tam egregio facto deus uocaretur. Sane si & nos quoq̄ noui aliquid, eius instar asserre uellemus, multæ Christianis suppeterent uocationes, lōge ob eius gesta turpiores, magisq̄ illi cōuenientes. Quid enim probiberet, nos etiā aduersus Romanorum, & ut ipse putabat, orbis Imperatorem, simili ludere cauillo: ac illum, quoniā à dæmonibus deceptus fuerit, Idolianum appellare, uel Piseum, seu Adonium, siue Tauricremum. quemadmodum iam etiam à facundis quibusdam nostris est uocatus. Magna enim se offert copia, ut ex uera historię traditione, multa nomina cōfingi aut componi ualeant. Cæterum omnium fuit absurdissimū, saluatorem omnium & dominum, uniuersiq̄ opificem & gubernatōrē, magni patris filium, ac uerbum, conciliatorem, pontificem, & conthronalē, qui propter nos imaginē eius dehonestantes, in terram descendit, ac ignorantibus nobis magnum coniugij mysterium, non solum serui induit formam, sed & in crucem ascendit, quō etiam peccatum meum demortuum perduxit, hunc Samaritanum uocatum, & quod longe deterius est dæmonem appellatū, neq̄ pudet factum, aut iniuriantes corrupisse, quum ei perquā facile fuisset, angelicis legionibus,

gionibus, sed & uerbo solo malignos ulcisci. Verum quum ipse in parcendo contumeliosus, admodum mansuetus esset & mitis, ac etiam pro crucifigentibus lachrymas profudisset: plane incōueniēs fuisset, nos tali appellatione indoluisse, aut pudefactos esse, siue ideo à boni decertatione destituisse, plurisq; fecisse sermonem calumniatorū horum, quàm animarum & corporum, quæ probe ob ueritatem cōtemnere scimus, salutem. Verum hoc quēadmodum antea dixi potius ridiculum fuit quàm acerbum, ac ideo scenæ illud delegabimus, quandoquidē haud facile eos superabimus, qui cum Proserpina talia illic ludunt, talibusq; luduntur. Verum enimuero hoc iam admodum est improbum ac malignum, quod quum manifeste persuadere haud posset, tyrannice autem cogere erubesceret, sub leonina pelle uulpinam, aut si mauis sub Minois facie, iniustissimum absconderet uirum. Nam quo pacto exactius dicerem? mansuete cogebat, proinde alia, ihs qui ea scribere aut enarrare uolunt relinquo, quum aliō meus festinet sermo. Cæterum multis curæ fuisse arbitror, ut temporis illius, siue Tragoediā, siue Comœdiam dicere oportet, explicare potuissent. quibus pars pietatis uisum fuisset, sermone confodere scelestum, quo posterioribus rem talem, & haud latere dignam tradere ualuisent. Ego autē pro omnibus, unum aut duo, exempli gratia, illis qui admodum facta eius admirantur, cōmemorabo, ut uideāt, quo pacto eum laude dignum censere possint, cuius nec uituperatio digna inueniri potest. Lex est regia, num apud cunctos homines, qui regio subsunt imperio, ignoro, apud Romanos uero summo studio obseruata, publice imaginibus honorare imperantes. Haud enim sufficiunt coronæ, & diademata, purpuraq; florida, & ut tributa ac præfecturæ enumerentur, ob quæ & subditorum multitudo imperio applaudere solet. uerum necesse est, ut etiam Imperatores ipsi adorentur, quo magis uenerandi uideantur, & non solum ipsi, sed & imagines eorū pictæ ac fictæ, ut ueneratio sit inexplabilior ac perfectior. His imaginibus, aliq; aliud quid Imperatoribus appingere gaudet, quidā enim ciuitates clariores, dona ferentes adiungūt. aliq; aut uictorias, capiti coronas imponentes. nonnulli militiæ præfectos adorantes, ac principes signis honorātes. aliqui ferarū confectiones, aciesq; instructas. quidā multiplices barbarorū deuictorū, aut pedibus posturatorū, seu cæsorū figuras. nō solum enim rerum quibus maxime gloriantur ueritatē, sed & illarū amant simulachra. Iulianus uero quid nam machinatus est? qualemue dolū Christianorū etiā robustioribus struxit? siquidē quemadmodū cibo admiscet uenena, sic etiam cōsuetis Imperatorū honoribus impietatē cōmiscuit, in unūq; Romanorū leges, ac idolorū contraxit adorationē. & hāc ob causam Imperatorū imaginibus dæmones quoq; appinxit, tanq; alias quasdā secundū consuetudinē picturas, imaginesq; has populis proposuit & ciuitatibus, præcipue uero principibus gentiū, quo nemo mali expers remaneret; sed aut Imperatorū honoribus, idolorū quoq; admisceretur ueneratio, aut detrectatione imagines im-

peratoriæ afficerentur iniuria, quum permixta esset adoratio. hunc dolum,
 ac tam uafre excogitatum impietatis laqueum, pauci effugerunt, ex cautiori/
 bus etiam ac prudentioribus, qui & rationem suæ reddiderunt intentionis,
 Adorauimus, dicebant, tanquā in honorem Imperatoris, licet inique agen/
 tes, in ueritate autem propter uerum & pium regem periclitantes. Multi ta/
 men simpliciorum & inconsideratorū capti sunt, qui tamen ob ignorantiam
 ueniam sunt consequuti, quoniam arte quadam ad talem impietatem sunt
 pertracti. Et hæc ita sunt gesta, ac solum sufficientia, ut regis propositum no/
 tent infamia, siquidem haud eadem Imperatoribus ac priuatis conuenire ar/
 bitramur hominibus, quoniam utriq; haudquaquam eadem censentur di/
 gnitate. Priuato enim, si quid artificiose agit, parcimus: eius enim intentio
 qui aperte cogere nequit, uenia censetur digna. Regi autem quū admodum
 turpe sit ui grassari, turpius etiam existimo ac indecentius, si conatus suos &
 propositum arte quadam suffurari ausit. Aliud autem quod Iulianus egit,
 licet eiusdē fuerit intentionis & propositi, mensura tamen longe exiit deter/
 rius & sceleratius, quoniā in plures malū peruasit, & ideo hoc prædictis ad/
 dendum censui. Dies aderat donatiui regni siue anniuersarius, seu quod Im/
 perator improbitatis causa illum designauerat: eo die exercitū adesse oport/
 tebat, quo unusquisq; pro dignitate sua ac ordine quem ducebat, honore af/
 ficeretur. Rursus igitur illiberalitatis scena, rursus impietatis drama, quo hu/
 manitas inhumanissimo quodam inficeretur ueneno, ac militaris inconside/
 rantia pecunia inescaretur, unā cum insatiabilitate, qua plurimum homines
 illi laborare consueuerunt. Iulianus igitur præsedit splendidus, splendide de/
 pietate concionatus, immensum machinamenti sapiens subdolis, Melam/
 pus puto quispiam aut Protheus, omnia existens & factus, ac facile seipsum
 specie transformās. At quæ circa ipsum, qualia? & quāto luctu recte sentien/
 tibus digna erant: non solum præsentibus, sed etiam ijs, qui nunc auditu spe/
 ctaculum illud percipiunt. Expositum erat aurum, expositū & thus, ignisq;
 iuxta accensus, ac prope aderant præcones, adeo ut forma rei plane credibi/
 lis appareret, quasi lex ista regni donatiui esse uideretur, uetustioris simul eti/
 am ac honoratioris. deinde quid? thure adorare oportebat, & ab Imperator/
 re perditionis suscipere mercedem. Ob rem adeo paruam, tam magnam, &
 quæ non solum in extremam animarum uergeret interniciem, sed & manife/
 ste impietatem contra deum testaretur, hei facinoris tanti, hei retributionis,
 uniuersus exercitus unius artificio uenundatur? & qui terrarū orbem susten/
 tant, paruo igne, & auro, paruoq; concidunt nidore? ex quibus plures etiam
 iugulationem ignorabant propriā. & quod erat grauissimū, aderat aliquis
 tanq; lucrum consequuturus, qui post lucrum nec sui ipsius compos erat, Im/
 peratoris adorabat dexteram, & quod manū qua ipse iuglaretur adoraret,
 plane ignorabat. ijs uero qui dolum deprehenderant, nequaquam plus erat,
 quum semel malo essent præoccupati, legemq; indissolubilem priorem du/
 cerent

cerent dementiam. Proinde, quæ Persarum myriades, qui nam sagittarij, qui funditores, facinus hoc expiare possent: quod ferrū militare, & undiq; impenetrabile, quæ nam machinæ murales, quæ manus sola, ac tempus unicum, consiliumq; detestandum patrauit: Adde his narrationem prædictis etiam miserabiliorem. feruntur quidā, qui ex ignorātia fuerant capti, postq; in hanc incidissent calamitatē, ac domum reuersi cum sodalibus ad mensæ participationē confedissent, inde bibendi consuetudo ad frigidam processisset cōpotationem, tanquam nihil molesti fuissent perpeSSI, ad frigidi calicis haustum Christū inuocasse, ac crucis signatione in altū aspexisse. hic quum quidam cōtubernalis admiratione captus dixisset, quid hoc rei est: Christū post abnegationē inuocatis: ipsiq; semimortui respondissent, & quo pacto negauimus: ac quid noui audimus: ille uero quoniam per ignem inquit, sacrificastis. quumq; id esse Christum abnegare docuisset, confestim è symposio tanquā insani ac attoniti exilierunt, zeloq; & ira excandescētes, ac per forum discurrentes, clamabant ac dicebant, Christiani, Christiani animo sumus, audiat omnis homo, & præ omnibus deus, cui & uiuimus & morituri sumus. nequaquā tibi mentiti sumus Christe saluator, haud tuam beatam abnegauimus cōfessionem. nam si manus etiam in re aliqua errauit, animus tamen neutiquā consensit. Imperator nobis imposuit, cuius auro sumus uulnerati. emendabimus impietatem, sanguine expurgabimus. Inde ad regem currentes uociferabāt, ac aurum admodum pueriliter abiēcentes, Non dona Imperator suscepimus, sed morti sumus adiudicati: nō honoris causa sumus uocati, sed plane ignominia damnati. gratiā tuis concede militibus, Christo nos signato, cuius solius subsumus imperio. Pro igne ignem retribue, pro cinere illo in cinerem nos redigito, manus quas male porreximus, detruncato, necnon pedes quibus peruerse cucurrimus. alios auro tuo honorato, quos accepisse haud poeniteat: nobis satis est Christus, quem præ omnibus habemus. Hæc quum dixissent, pariter & alios deceptionem agnoscere, ab ebrietateq; resipiscere, ac Christo per sanguinē respondere iuebant. His clamoribus quum Imperator grauiter indignatus fuisset, ab aperta tamē cæde abstinuit, ne martyres faceret, qui iam quantum in ipsis esset martyres erant: exilio tamen eos damnauit. qua uindicta ingenti illos affecit beneficio, quoniam lōge à suis ablegauit defædationibus & machinamētis. Sane licet tali duceretur impetu, & eo ad multa mentis uteretur maleuolentia, nequaquā tamen uiri cogitationes firmitudinem habebant, neq; plus proprijs indulgebat cōsiderationibus, quàm dæmoniorum iactationibus: nec sententiam in finem usq; minus prauitatis arcanum seruabat, sed tanquam Aethnæus ignis in imo montis reconditus sursum tendit, ac ui erumpit in apertum: siue aliud quid hoc est, seu halitus Gigantis supplicium expendentis, eo usq; terribiliter resonans, fumumq; ob prauitatis iudicium eructans, seu spiritus est nimium alicubi assumens augmentū, ita ut retineri nequeat, sed ex peculiaribus

peculiaribus erumpens sinibus, sursum delatus super crateres effunditur excelsos, ac nonnunquam subiectam terram incredibili ac horrendo deuastat fluuio: ita & Iulianum cernere erat, sub initium quodatenus, sui ipsius & conficti dogmatis dominari, deceptioneque res nostras male afficere: ubi uero aliquando ire superabat exæstuatio, haud quam prauos mores celare poterat, sed contra deum, & pium nostrum ordinem aperta utebatur persecutione. nam ut edicta contra sacras ædes omittam, publice proposita, ac priuate impleta, supplicatio nemque munerum ac pecuniarum, non magis ex impietate quam insatiabilitate, nec non uasorum sacrorum raptum, quæ à prophanis manibus conspurcabant, ac super hæc sacerdotes, cum subditis ductos & ligatos, plenasque sanguine columnas, manibus laceratorum ac flagellatorum circumdatas, & colligatas, sagittarios quoque per regiones & urbes discurrentes, crudelius ac feruentius etiam eo qui talia imperauerat, quo nos pro Persis, aut Scythis, alijsue barbaris corripent. Et ne hæc solum dicam, quis ignorat Alexandrinorum inhumanitatem, qui præ multis alijs, quæ contra nos pueriliter egere, immoderate etiam tempore sunt usi? Populus natura seditiosus & insanus, insuper & hoc cæteris feruntur addidisse impietatibus, ut sanguinis tam sacrificiorum quam hominum inundatione, sacras impleuerint ædes. hæcque acta esse, quum illos ductaret quidam est philosophis regijs, qui ex his solum nomine inclaruit. Quis præterea ignorat Heliopolitarum comilitum egregium? quis Gazeorum ueridicam? quum ob illam in admiratione & honore sunt habiti, quoniam bene de Iuliani sensissent magnificencia. Quæ Arethusiorum latet dementia? qui eorumque fuerant incogniti, sed ex illo tempore admodum famosi, facit enim celebres, non solum actio dextra, sed & malicia, quæ improborum superat existimationem. hi enim dicunt (oportet enim unum referre ex multis, horrore & sacrilegis etiam hominibus dignum) uirgines castas ac supermundanas, & quasi uirosum oculis intactas, in medium produxisse, uestibusque nudatas, ut eas uisu prius iniuria afficerent, concidisse, & bifariam diuidisse. O qualiter tuam tunc Christe longanimitatem fero? Quidam etiam proprijs dentibus male conuiuium peregisserunt feruntur, sed sua infelicitate admodum digne. nam iecinora cruda deuorasse, & post illum cibum alium communem ac consuetum intulisse dicuntur. quidam palantia adhuc uiscera, ante porcos, cibi loco proiecisse, ex suisque elegerunt ferociosiores, ut theatrum exhiberent, ubi cernerentur carnes cum ordeo deuorari ac dilacerari, cibum commixtum, & tunc primum uisum & auditum. quo solum daemones suos pascere dignus erat is, qui harum rerum artifex existecat, quemadmodum probe illos ex proprio sanguine paut, ac uulnere quod accepit per uiscera. tametsi miseri illi se insulse erga talia habeant, neque ex impietate sapere norint. Proinde quis nam tam longe ab orbe nostro remotus est, ut ignoret quemadmodum cum Marco illo admirando, ab Arethusijs sit actum? siue ad quem fama rei tam memorandæ non peruenerit? Hic enim quum per Constantium multa Christianis licentia concessa esset, daemorum

num quoddam subuertit templum, ac multos Christianos à gentili errore, non minus per uitæ splendorem, quàm uim sermonis ad salutem conuertit. hanc ob causam, magnam sibi iram apud Arethusios, præcipue dæmonum cultoribus concitauit. Quum igitur Christianorum res cōmotæ sunt, gentiliūq; tumescere cœperūt, temporis ille uiolentiā haud effugit. solet enim populus, etiam si ad præsens iram cohibeat, tanq̃ ignis in ligno delitescens, seu fluuius ui cohercitus, ubi tempus est oblatum, reaccendi & erumpere. Igitur quum is popularem motū, nil mediocre sibi machinari aut cōminari cerneret, primo fugā inijt, tam ob animi pusillanimitatē, quàm legis consilium, quæ è ciuitate in ciuitatē fugere ac persequutoribus cedere iubet. Decet enim Christianos, non solum res cōsiderare proprias, etiam si magno sint animo ac fortitudine præditi, sed etiam persequentibus parcere, ne forte ipsis acceptum feratur quod hostium periculo non subuenerint. Quū uero intellexisset multos propter ipsum esse tractos, multos quoq; ut animas à persequutorum conseruarent crudelitate aufugere, nequaquam tulit, ut ipse securus aliorum negligeret periculum, quapropter consilium cepit optimum & sapientissimum, siquidem à fuga redijt, ac seipsum populo offerēs tradidit, ut eo uteretur ex libito, penitusq; ad temporis se adaptabat difficultatē. Ibi ergo quid molesti defuit? quid non excogitabatur grauius? quū aliq̃ cum alijs, ob unius malum, in eandem conuenirent sententiam, nec quispiam ex his qui ei molesti erant, uel philosophicū illius (& si nil aliud) ueneraretur: sed propterea magis indignarentur, quod tantam animi prudentiam, in homine contemptum potius quàm uirilitem ad pericula subeunda putarent. Ducebatur igitur sacerdos senex, athleta spontaneus, per urbis mediū, ætate uenerandus, uita etiā uenerabilior omnibus præterq̃ persequutoribus & tyrannis. trahebatur aut ab omni ætate ac fortuna, & non ab illo tantū, ab alio autem minus, sed indifferenter ab omnibus, uiris, mulieribus, iuuenibus, senioribus, etiam ab ijs qui respublicas administrabant, & qui inter digniores censebantur. quibus omnibus certamen unum erat ut alius alium atrocitate, in affligendo senem exuperaret, ab omnibusq; pietatis pars censebatur, si multis illum afficerent malis, ac senem superarent athletam, qui pro uniuersa decertaret ciuitate. trahebatur per plateas, in lutum propellebatur, capillis rapiiebatur. nec aliqua pars corporis erat quæ non supplicij admisceretur iniuriæ. idq; ab ijs fiebat, qui Mithri pœnas sustinere digni erant. pueris à pueris sublimis remittebatur, qui generosum corpus stilis suscipiebant, ac ludicram repræsentabant tragœdiam. tibiæ ad ossa ipsa pressuris dilacerabantur, restibus lineis detruncabantur aures. tandem à robustioribus ac expeditioribus sporta in altum eleuatus, melle oblitus & garo, uespis & apibus in meridie quū sol feruidissime incalescere solet, exponebatur. quapropter ille carnes eius decoquebat, insectis uero cibum beatæ carnis (neutiquam enim miseræ dixerim) calidiorem reddebat. Ibi fertur (quemadmodum & literis

literis mandari dignum est) senex ille, sed ad certamen iuuenis, neq; in extremis doloribus alacritatem remisisse, sed in tormentis perquam iucunde memorabile illud & decantandū dixisse. tanq̃p̃ recognosceret symbolū, quum se sublimē, illos uero humiles & infra cōstitutos cerneret. tantū superabat superātes, & adeo longe à tristitia aberat, perinde ac alteri assisteret periclitanti, pompam, & haud quaquam calamitatem rem hanc æstimans. Proinde quis hæc non ueneraretur, si saltem uel mediocri mansuetudine & humanitate præditus esset: sed id homines pios tempus illud haud sinebat, minus regis impetus, qui à populis, ciuitatibus, & principibus nil aliud quàm quod inhumanissimū esset exigebat: licet multis haud ita uideretur, qui malorum eius morum profunditatem haud cognoscebant. & tales nobis res fuere constantis illius senis, & quamobrem? quum nec aureum unum tortoribus relinqueret, nempe, ut manifestū fieret se omnia hæc pietatis causa tolerasse, donec tandem grauissimam templi facerent repetitionem, omne ab eo aurum impensum exigentes, aut ipsum templum reædificare iubebant. sed uidebatur mādati impossibilitas, potius quam animæ pietas certamini huic resistere. quumq̃p̃ eos ex parte constantia sua uicisset, semper aliquid à summa exactiōis subducens, demum eò deuentum est, ut ualde parum esset quod peteretur, & quod facile exolui posset: eratq̃ certamen utrinq̃ æquale, his quidem ut uincerent, ac saltē aliquid acciperent: illi autē ne uinceretur, ac penitus nil persolueret: licet multi adessent, qui plus etiā pro homine se soluere uelle offerrent, non solū pietate sed inexpugnabili & insuperabili hominis cōstantia moti, tū manifeste apparuit, nō pecuniæ, sed pietatis gratia certamen conflatum esse. Cæterū num hæc mansuetudinis seu clementiæ, uel è conuerso atrocitatis potius & inhumanitatis sint indicia, expediant nobis ij qui Philosophum admirantur regem. ego enim neminem de iusta ac uera responsione dubitare arbitror. Cæterum nondum addidi, quod Marcus hic unus ex his erat, qui impurum saluauerant Iulianum, & clanculum subduxerāt, quoniam totum genus eius periclitabatur: ob quam rem forte solam, iuste hæc perpeßus est, ac plura pati dignus erat, quoniam tantum malum, quamuis inscius, uniuerso saluasset orbi. aiunt autē propter hæc eū qui tum præses erat, ac religionē sequebatur gentilem, licet moribus gentiles longe superaret, etiam optimos, & qui olim & nunc quoq̃ laudantur, audacter Imperatorem ita alloquutum fuisse, quum non ferret uaria uiri supplicia, fortitudinemq̃ adeo constantem. num quid nos pudet Imperator? quod adeo ab omnibus uicti sumus Christianis, ut ne senem unū superare possimus, qui omnia pertulit tormenta? uerum haud superare, forsitan non magnum: at uictos discedere, nōne hoc extremæ est calamitatis? Cæterum ut uidetur eisdem, præfides confunduntur, reges autem ornantur. ueruntamen hæc facientibus magis quàm patientibus sunt miseranda. Et hæc quidem ac talia apud Arethuos sunt gesta, ut Echeti & Phalaridis inhumanitas parua fuerit ad illorum crudelitatem

crudelitatem cōparata, seu potius illius, qui talia persuasit ac preparauit, quādoquidē germina sunt seminis, tempestatisq̃ naufragia. Cæterū reliqua qualia fuere & quanta, quis mihi Herodoti aut Thucydidis dabit ocium & linguam, quo uenturo tempori, uiri tradam prauitatē, nasciturisq̃ hominibus temporis illius notem explicationes? Tacebo Orontem, & nocturnos mortuos, quos fluuius ille Imperatori cēlabat, defunctorū mole coartatus, & interfectorum corporibus defluens incertus, quandoquidem quæ sequuntur conuenientius est referre. Omittam & Imperatoria loca concaua ac abdita, necnon ea quæ in lacubus ac puteis, fossis quoq̃ sunt reperta, cuncta enim malis thesauris & mysterijs fuere referta, nō solum puerorum concisorū & uirginum, tam animarum reuocandarū, quā uaticiniorum gratia, hostiæ haudquaq̃ legitimæ, sed & eorum qui pro pietate periclitati fuerant. Proinde & ea illi si uidetur concedamus, quorū ipsum quoq̃ pudebat: nam licet illa mediocriter etiam faciebat, plane propter celandi conatum ostendebat, quod nequaquā decorum esset, ut scelus illud propalaretur. Cæterū quod & Cæsarienses nostri magnanimi illi, ad pietatem feruentiores, ita ab ipso exagitati & iniuria affecti sunt, exprobratione forsitan haud sunt digna: sed iustius de fortuna cōquerendū uidetur, quod fortunato tempore, tam infortunate ad talem cesserit retributionem: quandoquidem & iniusticiæ, quū dominatur, aliquid concedere oportet. Porro quis ignorat, quemadmodum populus quidam cōtra Christianos insanierit, ac multam cædem perpetrauerit, pluraq̃ fuerit cōminatus: deinde quū gentis præses medium iter inter leges & tempus ingressus esset, existimans huic quidē inseruire, illas autē mediocriter reuereri oportere, ac ideo plures Christianos in uincula coniecisset, paucos autē Græcos, quoniam illos honoraret, regi delatus, ac reus factus, ignominia propterea notatus est, & tanquā uiolator cōdemnatus: quumq̃ leges prætendisset, quibus confisus iudicasset, parum abfuit quin capitalem etiam subiisset sententiam: tandem uero Imperatoriam cōsequutus clementiam, exilio est damnatus. Sed & sententia repetenda est, tanquam admiranda & humanitatis plena. Quid magnū foret, iustus inquit iudex, & Christianos nequaquam persequens, si etiam manus una Græca, decē cōfecisset Galilæos? Nunquid hæc crudelitatis sunt manifestæ? nūquid persecutionis præludia certa, ac longe ijs quæ publice sūt proposita clariora ac formidabiliora? Quid enim interest, si Christianis publice periculum inscribatur, aut quis ob Christianorū persecutionem iocunditate afficiatur? magnumq̃ crimen mediocritatis conseruationem esse censeat? nam regis uoluntas citra scripturam, legis etiam uim obtinet, ui sua præualens, & longe scriptis illis fortior, quibus potentia nō succurrit. Cæterum qui res illius gestas uenerantur, & nouū ex illo nobis deum confingunt, suauem & clementem, haud quaquam publico edicto, & ab illo promulgato, Christianos persecutionem sustinuisse, & omnia quæ persecutionibus uisa sunt, perpeffos esse asserūt, causas ipsas persecutionis omit-

tentes. atqui nemo hydram ideo cicuram dixit, quod nouem capita pro uno produxerit, si quid fabulæ est credendum: neque Pataricensem Chimæram, quod tria habuit & ea diuersa, quo appareret terribilior: seu Cerberum infernalem, quod totidem sortitus sit, ac ea similia: uel marinum malum Scyllam, quod sex in circulo prædita fuerit, admodum fugiendis: cuius etiam superna pulchra fuisse dicuntur & humana, uisæque haud iniucunda, uirgo enim erat, ac cognatum quid nobiscum habens: sed reliqua capita canina & monstrosa erant, ac nullius precij digna, quæ classes etiam totas rapiebant, ac quantum ad periculū pertinebat, nihil ab opposita Charybdi differebant: nisi tu sagittariorum & funditorum iacula ac lapides, & nequaquam funditores & sagittarios ipsos accusare malueris: aut etiam uenatorum canes, seu ueneficorum medicamenta noxia, necnon cornutorum bouum cornua, aut ungues ferarum dilanantium, qui uero talibus utantur, extra causam ponere uolueris, nec participes censere eorum quæ perpetrare fuerint ausi. Cæterum talia plane ratione carent, ac sophista aliquo indigent, qui eorum patrocinentur malis, ac ui sermonis id quod uerum est cooperiat: licet seipsum abscondere haud possit, etiam si multum se obtorqueat, & cogitatione in omnes uertat figuras, aut orci (ut dicitur) galeam induat, siue Gygis usus annulo, aut fundæ strophæ seipsum decipiat. è diuerso enim quanto plus fugere & euadere conatur, tanto magis à ueritate & prudentioribus capitur iudiciis, tamquam ea faciat & audeat, quibus neque ipse tanquam uir iustus astipulari possit, adeo facilis captu est improbitas, & ubique sibi ipsi incidens. Sed esto quod ea quæ iam faciebat, haud talia, & tam longe à regia abessent nobilitate & magnificentia: at quæ deinde facere deliberauerat, humaniora & magis regia, multo etiam digniora erant, si prædictis non fuissent inhumaniora. quemadmodum enim quum se draco mouet, squamæ quædam horrent, aliæ super horrent, nonnullæ mox horrebunt, sunt & aliquæ quæ à motu cessare nequeunt, etiam si eo usque quieuerint: aut si mauis, quemadmodum fulmine quædam iam tanguntur, alia autem denigrantur, quoad tandem & illa quoque uis mali occupet: ita & à Iuliano quædam præter leges agebantur, quædam spe & minis contra nos designabantur, & hæc adeo absurda & à consuetis aliena, ut ex illius cogitatione sola adinuenta esse deprehenderent. Erant & aliqua de quibus adhuc consultabat, & ad opus perducere cupiebat. Sane licet multi ante illum fuerint persecutores, & hostes Christianorum: attamen quæ nec Diocletianus, qui primus Christianos affecit iniuria, neque qui illi successit, ac eum impietate superauit Maximianus cogitauit unquam, nec Maximinus post illos & super illos persecutor, cuius imagines publice erectæ adhuc persecutionis illius symbola ferunt, corpusque notant infamia. hæc Iulianus deliberabat, quemadmodum secretorum illius sodales & testes propalarunt, coercitus tamen est dei clementia, ac lachrymis Christianorum, quæ multæ iam, & à multis erant effusæ, quum solum hoc contra persecutorem haberet remedium. Hæc autem erant quæ animo conceperat,

reperat, ut Christianos omni loquendi priuaret libertate, eosque ab omnibus eorum prohiberet cōuentibus, concionibus, panegyricis ac iudicijs, ita ut nec alicui licitū foret his uti, nisi qui in aris coram positis adoleuisset, sicque ob rem tantam mercedem persoluisset ingentē. Proh leges, & legumlatores, & reges, qui tanquam cœlorum pulchritudo, ac solis splendor, necnon aëris spiratio, omnibus communi expositi estis clementia, & abunde quidem: ita ne legum usurpationem omnibus ponitis hominibus liberis æqualem, & uniuersaliter uenerandam, ut Christianos priuare decernatis, ne tyrannice etiam oppressi, pœnas exigere ualeant, minus ob pecuniæ damnum illatum, uel quā aliud quid paruum seu magnum contra interdictum sunt perpeffi, sed ut extorres agantur, & interficiantur, & tantum non à respiratione prohibeantur? Verū hæc patientibus maius recte agendi studium, & ad deum suppeditabant fiduciam: facientibus autem, iniquitatem maiorem & ignominiam. Et sermo quidem homicidæ illius, & desertoris, & uiolatoris & legislatoris, seu ut magis proprie dicam inimici, & nostrorum sermonum censoris, admodum sapiens erat: nam in lege nostra contineri asseribat, ne nos uindicaremus, nec iudicaremus, ne quid possideremus sub initium, ne quid propriū duceremus, sed ut alibi uiueremus, præsentiāque ac si non essent contemneremus, malum pro malo non redderemus, neque si quis maxillam percuteret, sed potius parceremus, & aliam præberemus uerberanti, tunicamque post pallium exueremus: forsitan & his quoque addidit, ut pro offendentibus oraremus, ac optima uellemus persequentibus. Cur hæc autem non deberet exacte cognoscere, qui olim diuinorum eloquiorum lector fuerat, & qui magni gradus honore decoratus, quique martyres templis ac delubris honorauerat? Ceterum hoc precipue miror, qui fieri potuerit, quum tam diligenter in his sit uersatus, quo pacto ignorauerit, aut data opera præterierit, quod malus male perdetur, & omnium maxime qui deū abnegauit, & quod illo maius est, firmiter in professione permanentes expellere contendit, talibusque inuoluit malis, in quæ ipse dignissimus fuisset incidere. Proinde si nos tales ex legis forma esse debere censeret, & ita obnoxios esse ostendere potest, ut in præscriptis maneamus mandatis: sibi uero iniunctum esse, ut si etiam bonū illud assequi possit, pessimus tamen cum deis suis remaneat, sicque habitus in duo hæc dirimantur, uirtutē nempe & prauitatem, & nobis meliorem congruere partem, ipsis autem deteriorem relictum esse asserat: dicat hoc, & sub inimicis etiam testibus, & qui nostra persequuntur, uincemus. Si uero aliquam probitatis & humanitatis partem sibi uendicant, sermone saltem, si non operibus ipsis, & si non adeo sunt impudentes, etiam si admodum prauis existant, malisque gaudeant demonibus, ita ut affirmare audent improbitatem hereditario iure ad eos pertinere, ostendant ubi & quomodo iustum sit, nos etiam in patiendo fortes esse debere, ipsos autem neque parcentibus parcere. Proinde ita considerate, quū aliquando tempus esset, ut & nos potentia præualeremus, uosque ex his alia

aliter transgrederemini, & in ea committeretis, quid nam tale vobis in rebus uestris, à Christianis, quemadmodum multifariam à vobis Christianis accedit: qua nam loquendi libertate vos priuauimus? in quos populum immisimus saeuientem? quibus praesidentes plus quam impositum erat exegimus: quibus animarum inieciimus periculum: sed potius quos nam à praefecturis, aut alijs abegimus honoribus, quæ optimis debentur? & ut breuiter dicam, cui talia intulimus, qualia multa contra nos ausi, aut nobis comminati estis: uerum ne uosipsi talia de nobis dicetis, qui nostram accusatis mansuetudinē & humanitatem. Deinde o omnium sapientissime & prudentissime, cur non & hoc consideras, qui Christianos ad summum uirtutis coarctas? quod lex nostra in quibusdam ita necessitati est subiecta, ut contraueniens periculum immineat, in alijs autem necessitatem non habet, sed electionem, quæ ijs qui illam obseruant, honorem & retributionem confert: qui uero eam non obseruant, haud ideo periculo sunt obnoxij. Si igitur possibile existeret, ut omnes essent optimi, & ad summum uirtutis culmen ascendere possent, hoc quidem praestantissimum esset ac perfectissimū: quoniam autem diuina ab humanis sunt segregata, ac impossibile sit, ut hæc haudquaquam optimis participent, illa autem magna sint si mediocritatem etiam assequantur. quid tibi uis? quum ea lege sancis, quæ nequaquam sunt omnium: aut cur eos damnare oportet, qui illa non obseruant? quemadmodum enim qui supplicio dignus non est, haud ideo præconium meretur: ita & qui præconium non meretur, iam supplicio est dignus. Verū oportet ut in terminis nostræ philosophiæ uirumque nostrarum maneamus, ac ita quod rectum est petamus. Cæterum rursus mihi sermo de sermonibus repetendus est: haud enim facere possim, quin hoc sæpius repetam, illisq; pro uiribus patrociner. Etenim quum multa sint & graua, ob quæ ille digne odio haberi meretur, in nulla tamē re magis, quam in hac deliquisse uideri potest. Mecū igitur indignetur, quicumque sermonibus gaudet, & hoc pariter fungatur officio: nam me quoque ex illorum esse numero haud quaquam negabo: alia enim uolentibus reliqui, diuitias, nobilitatē, splendorem, potentiam, quæ infernæ sunt reuolutionis, deliciaeque somniorum: solum autem sermonem sum amplexus, nec egrefero labores tam terrestres quam maritimos, qui illum mihi compararunt. Mihi itaque & ijs qui amici sunt, sermonum uis existat ac copia, quod primū cum primis amplexus sum, & adhuc amplector: de rebus loquor diuinis, ac spe extra uisibilia constituta: ita, ut si res etiam familiaris admodum, iuxta Pindarum premat, necesse tamē mihi sit de his sermonem facere: nam & ualde iustum est, ita ut ignore an iustius sit aliud, quam sermone pro sermonibus gratias reddere sermonibus. Vnde igitur tibi in mentem uenit o omnium leuissime, & insatiabilitatis extremæ, ut sermone priuares Christianos? Hoc enim haudquaquam ex cōminatis erat, sed iam lege sancitis. Vnde & cuius rei gratia? qui nam Mercurius tibi rationis causa fuit (quemadmodum tu dicis) qui hoc
menti

menti tuæ infudit: qui nam præstigiatores prauī ac dæmones inuidi? Verū si cupis, & huius nos rei causam proferemus: oportet enim te quū multa & illegitima attentasses mala, ad hoc & finientem impelli, ac manifeste prolabi, ut ubi potissimum sapere putabas oportere, ibi maxime te turpiter agere ignorares, & ratione carere argui posses. Responde enim, quid sibi hoc uult editum? & quæ ratio de sermonis innouatione? & si iuste dicere uisus fueris, nobis quidem persuaderi patiemur, nec reprehendemus. etenim quemadmodū cum sermone uincere, ita & uinci pulchrū esse didicimus. Nostri, inquis, sunt sermones & græcissare, quorum & deos colere: uestra autem est irrationalitas & rusticitas, & nihil præter credere, uestra est sapientia. Cæterū nō ut arbitror hoc deridebunt, qui apud uos Pythagoræ profitentur philosophiam, quibus, ipse dixit illud, primū & maximum est ē dogmatibus, & aureis uerbis, aut etiam plumbeis præstantius: post primam enim & initiandis decantatam taciturnitatis philosophiam, quo sermonis mensuram silentio exercerent, præscriptū ipsis erat, ut si quis eos de dogmatibus suis interrogaret, aut de eorum demonstrationibus rationem aliquam exigeret, nil aliud responderent, quā quod ita uisum fuisset Pythagoræ, essetq; assertio illa, dogmatis ratio inculpabilis ac irreprehensibilis, ac ideo, ipse dixit illud, apud eos ean-
αὐτὸς
ἔφα
dem uim obtinet, quam apud nos uerbum credo, quamuis in syllabis ac uerbis diuersis, licet illud comicis cauillis incessere nō desinatis. exigit enim ratione fidē denegemus ijs quæ à diuinis dicta sunt hominibus, habeaturq; proportionis demonstratione fide digna illorū relatio, omni ui rationabili & irrationali ualidior. Sed esto, q; & hoc ex nostris, cōuicijs sit dignū: quo pacto ostendes sermones tibi esse differentes? si aut & tui discrepāt, cur nō etiā illud idem iuxta tuam legislationem & irrationalitatē nobis concedis? cuius enim græcissandi sunt sermones? aut quo nomine uocantur seu cognoscuntur? ut tibi nominis uim dispartiar, quemadmodū habeas circa æquiuoca & manifesta, nū ea sola appellatione sunt diuersa aut etiam diuersis, seu alia alijs? Aut enim linguæ uim religionis propriam esse dicis, aut gentis scilicet, ac eorū qui illam sub initium inuenerūt? Si igitur religionis esse censēs, ostende ubi & in quibus sacrificijs græcissare sit legitimū, quemadmodū immolare, in quibusdam proprium est, & dæmonum quorundam, haud enim eadem conueniūt omnibus, nec uni omnia, neq; eodem modo, quemadmodū uestris uidetur sacerdotibus, & sacrificiorum peritis: alicubi enim, ueluti apud Lindios pium est boum execrari deuoratorem, crediturq; in dei cedere honorem, si multa in eum iacta fuerint conuicia: aut apud Tauros hospitum mactatio, uel Lacedæmonios puerorum super altari flagellatio: seu Phrygibus pium est sub tibiæ cōcentu incidī, aut saltationibus effceminari: siue alijs puerorū turpis amor: nonnullis etiam scortari: aut quæcunq; alia sunt mysteria, ne singulatim cuncta enumerem: ita & græcissare cuius nam dei aut dæmonis est precipuum? quod si alicuius etiam est, nondū tamen constat, quod ideo Græcū

Iti 3 sit, aut

sit, aut cōmune illud, alicui apud vos deorum seu dæmonum sit separatū,
 quemadmodū multa alia cōmuniū sacrificanda sanxistis: quod si haud istud
 dicis, sed linguę, tanquam uestrę illud uendicas, ac ideo nos longe abigis, tan
 quam ab hæreditate paterna, & nihil ad nos pertinente, primo haud uideo
 qualis hic sit sermo, aut quomodo hoc dæmonibus adplicare poteris, etenim
 si illi lingua etiam græcissant & religione, nō tamen ideo accidit, ut & religio
 nis sint sermones, aut nos propterea iuste extra illas scribamur. Verū & hoc
 uestris sermonum artificibus male concludere uidetur, nō enim si ambo circa
 idem, ideo & eadem inuicem sunt ambo: aut ita, si aurifusorem eundemq; pi
 ctorem proponamus, num ideo aurifundendi ars in picturā, aut pictura in
 scientiam fundendi uertetur? Atqui multa talia sunt deliria. Deinde te ō rerū
 Græcarū & sermopum studiose interrogabo, num omnino nos à græcissan
 do prohibeas, ita ut etiam à uulgaribus & pedestribus uerbis, & quę in usu
 sunt multorū, nos arceas, aut ab elegantia ac redundantia tantū, utpote, quā
 nemo nisi eruditioe excellat, assequi possit? Si igit̃ huius gratia? qualis nā est
 exhereditatio, quū uerba illa horrendus, & resonare, & an, & utiq;, & quędam,
 & omnino idiomatis sunt tantū: alia aut̃ in Cynosarges abiicienda, quemad
 modū olim nothi. Si autē simplicitas sermonis, & inconcinnitas græcissando
 similis est, cur nō & ob hac nos prohibetis? ita enim habet, ut de his altius &
 perfectius tecū philosopher: etenim si diuinę quędam sunt uoces, ex instru
 mentis uocalibus prodeuntes, & per aërem effusę auribus influunt nostris,
 longe meliores & clariore (rideo enim ueneranda illa uestra Moly, & Xan
 thon, & Chalcida) quę per nudas notiones inuicem cōcūnt, & in cogitationes
 & conceptum nostrū incidunt, illas nostras dicere nequaquā conuenit: nostrū
 uero tale est, ut nō solum uox sit inuentorū, sed omnium quę participant: nō
 ars quędam aut exercitatio, quā considerare uelis: sed quemadmodū in har
 monia artificiali & musica, alius est sonus intensus, aut remissus, quū alia quę
 dam chorda pulsatur, omnia autē unius sunt moderatoris & artificis, ad unā
 harmonię suauitatem tendentia: ita & in his opifex & magister sermo, in ali
 is quidem alius cuiusdam opificij aut artis proposuit uirtutem; cuncta aut̃ in
 mediū posuit, omnibus cōmuni ac humano cōmercio uti uolentibus, uitam
 nostram colligans, illamq; reddens humaniorem. Tuum autē græcissare, die
 mihi, quid nam? nōne Phœnicum sunt literę? aut ut quidam putant Ægy
 ptiorum, siue illis etiam sapientiorum Hebræorum, qui & legem literis à deo
 tabulis inscriptam esse credunt. At tuum atticissare, ludere, & numerare, nec
 non digitis, mensuras, & pondera computare, ac etiam ante illa, bellica, &
 acies instruenda, cuius nam sunt? nōne Euboensium. quandoquidem Euboi
 cus erat Palamedes, rerum multarum inuentor, ac ideo inuidiæ obno
 xius, ob sapientiāmque in iudicio accusatus, & ab ijs qui ad Ilium militarunt,
 damnatus est. Igitur si Ægyptij & Phœnices seu Hebræi, quorum scriptis
 nos ad nostram utimur doctrinam, aut etiam ij qui Euboam incolunt insur
 lam, lite

lam, literas sibi iuxta tuum argumentum, tanquam peculiares uendicaue-
rint: quid faciemus, aut quomodo iuste illis respondebimus, domesticis capti
legibus? num illis penitus nos priuari, & instar graculi nudos, ac alienis depo-
sitis pennis deformes esse necesse erit? Atqui cur nō potius uetula illius exi-
stunt? quæ à prætereunte quodam ut ferūt percussa, inde ictus uiolentia ad/
modum cōmota, uersum protulit fortuito, qui à iuuentute exceptus, ac diligē-
tiori cura emendatus, admirandæ illi tuæ poësi initium dedit. Quid autē de
alijs dicam? Etenim si armis alte gloriaris, à quibus nam generosissime ea es
sortitus? nōne ex Cyclopibus? à quibus & ars inuenta est ferraria. Quod si ti-
bi purpura ex omnibus magnum est, & maximū, ob quam tu adeo sapis, &
tales leges condis: cur non illam reddis Tyrijs, apud quos pastoralis canicu-
la, quū cōchilia deuorasset, ac labra sanguine infecisset, pastori coloris florem
ostēdit, ac ideo uobis regibus superbū hoc & malis luctuosum tradidit indu-
mentū? Sane quid de agricultura nauiumq; dicemus structura? nū Atheniē-
ses nos ab ijs depellent, Cereres, Triptolemos, & Draconē enarrantes, Cele-
os item, & Icarios, necnon uniuersam circa hæc mythologiam, quæ & turpia
uobis ex ijs fecit mysteria, uere nocte digna? Caterum alia cōsulto prætereo,
& ad stupidatis tuæ caput ipsum, seu potius diuinā recurro blasphemiam.
Porrò unde tibi initiari illud & initiare, necnon Thracū ceremoniæ? Etenim
à Thracibus illas sumptas esse, uel nomē tibi persuādeat. Immolare autē, nōn
ne à Chaldæis siue Cyprijs ortū habuit? Astronomiæ uero scientia, nōne
Babyloniorum est inuentū? quemadmodū Geometria Ægyptiorū. Mago-
rum autem superstitio nōne Persarum? At per somnium uaticiniū, quorum
nam esse audis quàm Telmiseorum? sicut & auguria, nequaquā aliorum sunt
quàm Phrygum, qui primi auium uolatus obseruarunt & motus. Et ne lon-
gius sermonem protraham, unde tibi hæc singula? & non unum ex singulis,
quæ omnia in unū collecta, mysterium cōstituunt infelicitatis. Cur igitur su-
sciperemus cuncta, si in primos suos reciderent inuentores, ac nihil haberent
mansueti, præter maliciam, & circa numinis culturam innouationē istam. Ve-
rum enim uero primus Christianorum imperatorum à domino tuo defice-
re deliberaſti, nō secus ac serui, ut ferunt, olim à Scythijs. Atqui admodum de-
cuiſſet, ut tibi edictum hoc iuxta definitiones tuas & leges fuisset dissolutum,
quo à molestijs liberati, Romanum rursus imperium in antiqua felicitate no-
bis cernere licuisset, omni intestina purgatum seditione, quod quidem omni
bello externo formidabilius est, & magis fugiendum, quantū plus etiam car-
uenda est domesticæ carnis quàm alienæ cōsumptio. Porrò si hæc tibi nimis
malefice palliata, ac à regia magnificentia aliena esse uidentur: age adducam
tibi his utiliora, cerno etenim sermonem nostrum magnum existere, dogma-
tibus testimonijsq; supernis, eundem ueterem & nouum, ueterem propheta-
rum prædictionibus, ac radiantibus diuinitatis motibus, nouum autem multi-
tudinē dei apparentiæ, huiusq; & circa hanc miraculis maiorem etiam & notio-

rem, traditis & huc usq; seruatis ecclesiæ figuris: igitur ne & hoc scelus remaneat impropertū, quid machinatur & quid facit: imitatur Rapsacem Assyrium, is enim dux erat regis Assyriorū Senacharib, contra Iudæam exercitū ducens, ac multa ui & manu Hierusalē obsidet, assidensq; urbi, postq; illam ui capere nequit, neque ipsi in ea aliquid de prodicione succedit, sermonibus blandis & eiusdem linguæ, ciuitatem subijcere cōtendit: quod quū obfessi intelligerent, primū recusasse dicuntur, iubentes ut Syriace cum illis, & nequaquā Hebraice loqueretur, ne forte quempiam linguæ blandicijs ad seruitutem sollicitaret. Illud idem & Iulianus facere deliberauit, siquidē scholas per totam ciuitatē erigere paratus erat, gradusq; & præsentias, necnon subsellia, Græcorumq; dogmatū lectiones & explicationes, quæ mores dirigerent, & quæ etiam secretiora aperirent, cupiensq; in parte formam, & mediocrem delinquentium correptionem instituere, iubet ijs, quæ essent perfectionis ac manifestæ disciplinæ nostræ. Insuper diuersoria & hospitalia struere iussit, necnon sacraia & uirginum domicilia, infirmorū item ac indigentium curam egit, pariter & aliorum, quemadmodū & nos epistolis facere solemus cōmendaticijs, quibus pauperes de gente in gentē dimittimus, quæ quidem præcipue ex nostris admirationi ei erant. Hæc itaq; animo uoluebat, nouus dogmatista ac sophista. Cæterū haud scio an nobis ad lucrū cesserit, quod uiri conatus nec perfici, neq; ad effectū perducī potuit, & quod tam cito à consilijs eius ac suorum liberati fuimus: an potius illi ad insomnia talia progressio, ostensū enim fuisset, quid inter motus humanos ac simiorū interesset imitationes: nam & illi humanas quasdam deceptiones imitari feruntur, quæ subdole sunt instructæ, quibus & capiuntur, quum ad imitationem nostræ industriæ pertingere nequeant. Etenim haud adeo equa Thessala, aut mulier Lacæna, siue uiri quī Arethusæ aquam bibunt, Siculos dico, quemadmodū de illis est uaticinium, eximium cognationis suæ retinent, quemadmodū Christiani honestissimos mores, decentissimasq; suas obseruant leges, quas nemo alius qui nos sequi cupit imitari potest, quandoquidem talia haudquaquā humanis potius cogitationibus, quàm diuina potētia, temporisq; firmitate suas acquisierūt uires: nihil autem prohibet admirandam hanc illorum fictionem & refictionem, tanq; in scena speculari & perdiscere, quis nam ipsis doctrinæ sit modus, aut qui finis cōtentionum eorum, quemadmodū Plato in libris de republica inquit, ac ideo opiniones ipsos mouentes inspiciamus. Igitur quū uniuersa philosophia in duas partes sit diuisa, speculatiuam dico & actiuam, sitq; hæc sublimior, sed difficilior, illa uero humilior, utilior tamē, ambæ nobis partes æque probantur. Speculatiuam enim ad ea quæ illic sunt peregrinantem facimus, actiuamq; speculatiuæ fundamentum constituimus. haud enim possibile est quenquam sapientiæ fieri participem, qui per sapientiam haudquaquam immutatur, illis autem, quid ex utrisq; ridiculosius aut debilius uideatur ignoro, quum nequaquā ex inspiratione diuina potentiam habeant consistentiæ.

flentia, quemadmodum radices quę in aqua fluctuant, firmitudinem nō habent. Cæterū iam beatitudinem eorum tangamus, quo paucis cum ludentibus, ipsis & fabula fingentibus, tanquam in multis dramatis colludamus, copuleturq; gaudium cum gaudentibus, ac cum flentibus collachrymatio, cum delirantibusq; toleret deliratio: nam & poëtæ risum in lachrymis agnoscūt: sit igitur theatrum decorū, uel potius ignoro, quo nomine iubeant ut domū illorum uocemus: clament igitur præcones, populus conueniat, subsellia occupet, siue canicie, ac ætate, aut publicis excellāt officijs, uel genere & gloria sint conspicui, sapientia insuper ex infernis contexta, & quæ plus habet delectationis quàm ueræ pietatis, & ita nos cum illis agemus. At quid ipsi deinde faciant: suos depingant præsides, purpura eos adornet, & uita, necnon coronarum flores, & pulchritudo, quandoquidem sapius cognoui, quantū affectet ornatum, & super priuatos eminere, tanquam id quod cōmune est & pedestre habeat contemptum: at superbum & difficulter adipiscendum cōtineat id quod est fide dignum. proinde aut huc ad nos usq; descendant, ac non arbitrentur, quemadmodum & nos, elatum illud sub specie magis quàm moribus, ipsos decere. apud nos enim breuis est ratio apparentium, & rerū pictarum: maius autem nobis est negocium circa hominem internum, & ut spectatorem ad intellectum dirigamus, quod potius & multos docemus, & hæc ita se habent. Sed quid inde exhibebis eis interpretes, eloquiorum scilicet diuinorum, quemadmodum ipsi dicere solent, librosq; apertos, tam theologicos quàm morales. Sed quos nam? dic mihi & quorum? pulchrum ipsis est decantare Hesiodi Theogoniam, bellæque & pugnas ibi contentas, Titanos nempe, Gigantes, cum nominibus & rebus horrendis Cottos, Briareos, Gyges, Encelados, Draconipedes illi uestri & fulminiferi sunt dei, cum insulis quæ illis sunt superiectæ, simul & iacula, sepulchraq; occurrentia, necnō amara horum germina & problemata, Hydræ, Chimæra, Cerberi, Gorgones, uniuersi mali gloria. Hæc sunt Hesiodi bona auditui exposita: adsit & Orpheus cū cithara, & omnia trahente cantu, infrendet Ioui magna & eximia Theologiæ uerba & sensa.

Iuppiter alme parens diuum conuersibile stercus

Siue caballorum mulorum siue bidentum

ut inde, quemadmodū arbitror, animantes generantem & uiuificantē dei naturam ostenderet, haud enim aliter possibile erat ab alia abstinere iactantia. Sic ait ore dea & coxas contraxit utrasq;

quo initiaret amatores, ea corporis figura, quemadmodum & nunc quoque initiat. præ omnibus autem Phanes & Hericæpeus, qui omnes deuorat, moxque euomit deos, quo nasceretur hominum pater atq; deorum. Hæc inter admirandos Theologiæ auditores circumrotentur. inde illis explanentur allegoriæ, & monstra, donec sermo excidat à propositis, ac in barathrum & præcipitia eat, quum speculatio illa nullum habeat fundamentum. Cæterum

Homerum magnum illum deorum tuorum, comœdiarum, aut potius tragœdiarum scriptorem, quo nam in loco constituis? utraque enim in admirandis eius inuenies poematibus, ex quibus aliqua calamitosa, alia uero risu sunt digna. siquidem nō sine paruo periculo illud est cernere, quemadmodum Oceanus terræ per Iunonem meretricie ornatam cōciliatus fuerit, quandoquidem periculū imminabat uniuerso, si ipsi uel paruo quodam tempore cōtinuissent. Siue igitur aridum dicis & humidū sic conciliari, alio mihi opus est pleonasmō, ne uniuersa confundantur, aut si aliud quid tale isto etiam absurdus dixeris. Porro quæ admiranda est cōmixtio, nubium congregatoris, & Iunonis castæ, quam media die incestare haudquāq̃ erubuit: licet illi poetæ carminibus suis adulentur, lotū substernentes roscidum, crocūq̃ ex terra producentes, & Hyacinthum: unde hæc? & quæ nam horū ratio? quomodo autem eadem apud uos Iuno magni Iouis soror est & uxor, nūc quidem in æthere & nubibus suspensa, ferreisq̃ cathenis e cœlo detracta, aureisq̃ honorata compedibus, albis ulnis illa, & digitis roseis, adeo, ut neq̃ deorū, qui intercedere uolunt, periculo careat humanitas: nunc autem totū amorum ceptum ad seipsam pertrahit, propter ornatū Iouis gratia factum, ita ut omnes illi fateri cogant, in omnibus amoribus longe se hoc uno superatos esse. Quis autē timor, ne dei ob Læcniam cōmoueantur adulteram, resonetq̃ cœlū, ac terræ rumpantur fundamenta, concreascit mare, & inferni regnum manifestetur, ac palam fiant quæ tam longo tempore fuere abscondita. quæ autē nigrorum superciliorum nictatio? & ambrosiorū capillorum cōmotio? uniuersum concutiens olympum. qualis autē Mars uulneratus? aut ferrea olla inclusus? aureæ Veneris ineptus amator, adulterq̃ inconsideratus, & à claudio Vulcano superatus, deorumq̃ theatrū turpitudinis eius gratia collectū, & ipse ob paucam pecuniam dimissus? Hæc omnia & adhuc longe plura, adeo sapienter & multifariam cōmixta, ac penitus à legitimis aliena, quis uobis adeo altus est ac magnus, Ioui q̃ prudentia æqualis, ut speculationes nubibus etiam excelsiores, ac mensuram uestre deprehensionis exuperantes, ad decentē sermonis modum perducere posset? Proinde si hæc uera sunt, nequaquā erubescant, sed decertent: si uero haud turpia, illis credant. Etenim cur eos ad fabulas confugere necesse est, tanq̃ pudoris uelamē? quandoquidē fabulæ haudquaquā sunt cōfidentium, sed potius cedentium. At si falsa sunt, primū nudos nobis ostendant Theologos, quo cum illis sermonem conferre ualeamus: deinde dicant, quomodo non sit stultum, ijs quibus tanquam fabulosis credere erubescunt, tanquam ualidis adornari, & quæ multos latere possibile erat (nō enim omnium est eruditio) ea cunctorum oculis, sub fictionibus & figuris publicare: & quod grauissimum est, cum quali nam pecuniarum iactura? in templis, aris, & sacellis, oblationibus, ac sacrificijs sumptuosissimis, & quū liceret sine iactura pium esse, impietatem tamen cum damno eligere. Si autem dixerint poetarum hæc fictiones ac deliria esse, qui duobus his ad poësis usi sunt

sunt iucunditatem, metro nempe & fabula, quo dulcedine auditum oblectarent, ipsis aut sensum arcaniorem & profundiorum in his latere, & qui à paucis sapientiorum etiam deprehendi possit: attendite quàm simpliciter ego ac iuste de his sim disserturus: primùm quidem, quomodo laudant eos, quorùm uenerantur calumniatores, & quasi deorùm honore dignos censent? quibus pro lucro esse deberet, si ob impietatem pœnas nō expenderent. etenim si ijs qui unum eorum deum & priuatim, ac nisi parùm blasphemant, pœna mors à legibus est cōstitutā: quid eos pati oportet, qui omnes simul publice turpissimis per Poësim defœdarunt probris, comœdiamq; tam longo cōmendarunt tempore? Deinde & hoc considerare dignum est, penes nos quoq; arcanos quosdam esse sermones, non negabo. Cæterum quis nam modus ipsorum duplicitatis? quæ uel est uirtus? cuius manifesta haudquaquam sunt indecentia, occulta uero admiranda, & plane splendida, præ ijs quæ in profundum perdunt, & quæ perinde ac corpus aliquod pulchrum & decorum haud mala uelste occultantur. Cæterum quemadmodum mihi uidetur, oportet res diuinas nec demonstrationibus nec significationibus indecentes esse, minus iudicantibus indignas, neq; tales ut homines moleste ferant, quum de eis fiunt uerba, sed uel omnino se recte habere, aut saltem non turpissime, quo hoc sapientiores exhilaret, illud uero haud offendant plures. Cæterum uobis nec notum quidem est fide dignum, propositum uero perniciosum, & qui nam intellectus? per lutum ad ciuitatem pergere, aut per scopulos & cautes nauem in portum subducere? quid enim ex illo accidet, & qui nam sermonum finis? tu quidem delirabis, & allegorijis infortunium tuum & phantasias manifestabis: at illi non persuadebitur, uisibile enim magis est persuasibile: ne igitur auditorem emas, spectatoremq; uisibilibus detentum perdas. Proinde speculatiuus ipsis locus talis est, & à suppositionibus eorum adeo remotus, ut facilius sit omnia prius inter se concordare, & ea quæ etiam longissime sunt separata in unum perducere, quàm hæc componere, ac coaptare, & eiusdem uiri esse affirmare, fabulosa inquam ac intelligibilia. Cæterum quid de morali ipsorum parte dicet? unde & ex quibus orsi, quibusq; usi rationibus, seipsos ad uirtutem componere, necnō admonitionibus multo digniores facere possint? Optima est cōcordia, & ut unā cōsentiant ciuitates, gentes, familiæ, ac cuncta singillatim, naturæ legem ac ordinem sequantur, quæ omnia distinxit & composuit, totumq; hunc mundum unum ex pluribus fecit. At quibus hoc ipsi docent exemplis? quum deorum referant bella, seditiones, factionesque contrarias, ac malorum cumulum, quem ipsi habent, alijs etiam subministrant, priuatim ac publice: talibus enim tota fere eorum Poësis ac scriptura referta est. Verū citius ex pacificis pugnaces, demētesq; pro sapientibus, quàm è diuerso, modestos & prudentes, pro temerarijs & indoctis, talibus reddent exemplis: eis enim, quos difficile est, etiam sine ijs quæ ad peiorem pertrahunt partem, à prauitate cōuertere, & ad meliorem sortem à deteriori transmutare, quibus

nam

nam persuadebunt, mansuetos esse & cōtinentes, quū deis passionū ducibus utantur & præfectis: unde malū esse, honorificū etiam existit, tanq̃ deorū aliquis præsit, cuius affectus ille sit proprius, aris etiam & hostijs uenerāds, licentiamq̃ suppeditans legitimam: hoc enim grauiissimū est, quod ea quæ legibus puniuntur, eadem tanq̃ diuina coluntur, tanta uobis iniusticiæ superest copia. Secundo ipsis parentū proponat ueneratio ac honor, & quod primam causam nostri esse post primam uenerari deceat, illudq̃ ratio confirmet, ac Theologia persua-deat. Verum quo pacto illud Saturnus nō persuaderet: cœlū castrans, ne deos pareret, facultatemq̃ undis tribuens, ut deam spumæ partū absoluerē possent. Iuppiterq̃ cōtra Saturnū insurgēs, iuxta patris imitationē, dulcis genitori lapis, & amarus tyrannicida, aut si quid aliud tale, in honorē generatorū ipsis libri referunt. At tertio pecunias cōtemnūt, nec passim lucro incumbūt, seu infelicitatis arram inique possidendi accipiūt. Quō igit̃ lucrosus illis Mercurius cōstat: & sacculus eminet: & furādī uis dei colitur: & Phœbus sine ære nequaquā oraculū ædit: ac nihil honoratius est obolo: hæc illorū sunt ueneranda & religiosa. At qd præterea: castitatē doceant, continentia introducant, accedatq̃ persuasor, omnia propter mulieres factus Iuppiter, Phrygibusq̃ adulescētulis aquila amator charissimus, quo suauissime cōpotent dei, uinum Iouis ministrantibus cinadis. Accedat & Hercules cū quinquaginta Thesij filiabus una nocte decertans, Trihesperus ille: sicq̃ decimū tertiū absoluens certamen, haud scio cur nō & alijs sit adnueratum. Mars iram cōpescat, ebrietatē Dionysius, inhospitalitatē Diana: deceptionem uates illorū obliquarius: risum imoderatum deus claudus, alijs mœritibus deis: & qui gracilibus tibijs est robustus Iuppiter gulam, cū alijs deis ad cœnam lautam, ad irreprehensibiles currēs Æthiopes: necnon boū cōmestor Hercules, agricolam tyrannice opprimens, aratoremq̃ bouē deuorans, ex qua re etiam nomen est sortitus, omnesq̃ qui ad nidorem & libationem adcurrunt. Proinde quomodo hæc cum rebus nostris cōueniunt: quibus terminus est amicitia, unusquisq̃ ipse, & ut eadem uelit propinquis, quæ sibi ipsi: nō solum autem crimen, ut malū perpetretur, sed etiam ut cogitetur, ac parum mimis operæ, animi plectitur cōmotio: quibus temperantia adeo curæ est, ut & oculus refrenetur: manus autem tam longe à cæde arceatur, ut & animus cohibeatur: peierare autē, uel solum iurare, adeo malū censetur & nefandum, ut solum nobis iusiurandum sit prohibitum: opes uero multis non fuisse, multis etiam propter hoc solum dulcis erat copia, quo plurima distribuere possent, quippe qui nihil habere omnibus anteponerent diuitijs: uentris autem cupiditatem multi abegerunt, non secus ac dominum animarum & detestandum, ac omnium malorum matrem, forte non magnum est dicere, quod nec carnales esse cogi poterant, immortalī mortale consumentes. Sane una illis lex est uirtus, & haud quaquam à rebus superari paruis, sed omnia despiciere. Cæterum hoc uel pulcherimum est, quod aliorum fines secundum le-

dum leges puniuntur, nos uero principia etiam castigamus, tanquam riuum malum & incohibilem, procul deriuantes. Vbi autē & apud quosnam homines (dic mihi) consuetū est maledicentibus benedicere, ac blasphemantes consolari? quo non magis noceat accusatio quā ueritas: persequentibus cedere, pallium auferentibus tunicam etiam tradere: execratos pro execrantibus orare, sermonis suauitate temeritatem uincere, & eos qui lædunt meliores facere, à quibus patientes robustiores etiam reddimur. Proinde & si ipsis concedere mus, ut maliciam ornatis castigarent admonitionibus, quo pacto tamen ad mensuram nostræ uirtutis & doctrinæ peruenire possent? quibus haudquaquam in bono proficere, neq; nouos pro ueteribus fieri, sed semper in eodem permanere statu, malicia uidetur, quū trochorum instar circumagimur, haudquaquam tamen progredimur, ac in eodem hærentes uestigio flagelli uī (ut ita dicam) mouemur: sed oportet ut bonum perficiamus, illiq; adhæreamus, & ad finem usq; ac deificationem adpetamus, propter quam nati sumus, & ad quam festinamus, qui mente sumus transitiui, & quid dei magnitudine dignum speramus.

GREGORII NAZIANZENI THEOLOGI IN
Iulianum Imperatorem infamatrix oratio secunda.



ET ita sermonum meorum primum certamen finitū est & absolutum: siquidem abunde uiri ostendimus malignitatem, ex ijs quæ contra nos perpetravit, & adhuc perpetrare cogitabat, quum semper præsentibus grauiora meditaretur: nunc autem alium scopum, quem utrum quis tetigerit ignoro, sermoni præfigemus, deo sacratiorem, ac nobis iucundio rem, necnō successoribus nostris utilio rem: etenim prædictis iustam dei adiungemus stateram, & quo pondere prauitati rependatur, facinoribus quibusdam confestim, nōnullis autem paulo post occurrens, quemadmodū ut abitor artificii uidetur uerbo, rerumq; nostrarum dispensatori, qui calamitatem misericordia interfecare nouit, temeritatem autē refrenare ignominia, ac flagellis, ea qua ipse nouit disciplinæ mensura. Sane iustas piorum infirmitates, ac uulnera non manifesta, uariasq; plagas alias, & flagella similia, quibus nos multimode affligere, necnon mortes non secundum consuetudinem procedentes, & in malis ipsis confessiones, pœnitentiasq; inutiles, & per somnia correptiones, ac quæ apparuere spectra, quis nam digne tragico more explicare posset? quin etiam quæ per diuinas ædes uiolenter egere, aut circa sacras mensas iniuriose fecere, seu circa mysticos crateres insanientes perpetrarunt, uel quibus passim corpora nostra affligerunt, siue alia cuncta quæ facere sunt ausi, ob quæ iuueniliter agentibus, manifesta ipsis & aperta diuinæ iræ signa occurrerunt: hæc omnia lubens præteribo, non quod fidem haud adhibeam uisis & relatis, aut quod hæc ultroneo alicui accidenti, & fortuitæ attribuam contingentia, iuxta eorum sententiam, qui talia sua sponte euenire

euenire putant. Verum ne dum uersor circa parua, maiora omisisse uidear & potiora: diuulgatum igitur omnibus miraculum, & cui nec impij ipsi fidem denegare audent, dicere incipiam. Insaniebat contra nos Iulianus, semper plus in re aliqua tanquam undis exuscitans undas, quum prius cōtra se ipsum insanisset, ac sacra conculcasset, charitatis spiritum contumelia afficiens, quapropter Ieroboam illum rectius nominauerim, aut Achaab Israëlitem, transgressores iniquissimos, siue Pharaonem Ægyptium, uel Nabuchodonosor Assyrium, seu ut omnia contraham, unum & eundem, suo uocitans nomine, quandoquidem omnes prauitates in seipsum collegisse uidetur, Ieroboam defectione, Achaab homicidio, Pharao duricie, Nabuchodonosor sacrilegio, omnium uero pariter impietatem. postquam autem omnia peregit talia, ac omnem contra nos tyrannidis speciem, tanquam parum quid & ingenerosum floccipenderet (haud enim unquam natura fuit ad maliciæ inuentionem & excogitationem agilior quàm illa) tandem Iudæorum contra nos gentem concitauit, ueterem eorum leuitatem, necnon odium quod in ipsis contra nos iam pridem flagrabat, pro adiumento artis suæ assumens, dementiam suam præcipue ex archanis eorum confirmans libris, quasi nunc tempus instaret ut remigrarent ad propria, ac templum reædificarent, paternamque renouarent potentiam, consiliumque hoc beneuolentiæ contextit fictione. Igitur postquam ita deliberauit ac persuasit (omne enim cui uoluptas arridet, facile etiam deceptioni patet) Iudæi templum restaurare satagebant, ac multa manu & promptitudine operi instantes defatigabantur: ferunt etiam mulieres eorum cunctas, qui illa admirantur, non solum ornatum corporis detractum, prompte impendisse operi ac laborantibus, sed etiam proprio sinu terram exportasse, summamque pietatem censuisse, si nec uestium sumptuositati, nec membrorum pepercissent teneritudini, omniâque uilius quàm cōceptum æstimasse conatum. Postquam autem repente uenti procella, terræque cōcussione in sacello quodam propinquo conflictati sunt, quidam tanquam supplicantes discurrebant, alij autem quemadmodum in talibus euenire solet, sacello illo proximo pro tutela utebantur, nonnulli alia agebantur perturbatione, in aliosque incidebant currentes. Sunt enim qui dicant nec templum eos recepisse, sed quum ad apertas processissent portas, in clausas inciderunt, potentia quadam inuisibili & occulta, quæ miranda talia ad impiorum formidinem, piorum uero operatur securitatem. Cæterum hoc omnes dicunt & credunt, quod quum de ingressu enixe laborarent, & contenderent, ignem emicuisse ex templo occurrentem, qui illos concremauerit, & absumperit, quo eis quidpiam accideret, quod simile esset Sodomitarum calamitatibus, uel Nadab & Abiud miraculo, quum alienum ignem & incensum offerentes periclitarentur. ignis igitur quosdam in præcipuis mutilauit membris, statuam relinquens uiuentem, minarum & aduersus peccatores commotionum dei, & hæc quidem ita se habent. Nemo igitur alijs quoque dei uirtutibus

ribus fidem adhibere dubitet: hic etenim mirabilius quid, & illo etiam manifestius ostendit. apparuit lux in coelo crucem circumscribens, quæ prius in terra ignominia fuerat affecta, impijs figura & nomen solum, nunc uero in coelo omnibus pariter manifesta, sitq; trophæum deo ob uictoriam ex impijs omni trophæo sublimius. Ad hæc quid dicent seculi huius sapientes? & qui illorum facta celebrant, profundasq; barbas trahunt, ac tumorem nobis subtrita ueste ostentant? Enumera & tu mihi tua quoq; qui longos scribis sermones, incredendasq; componis historias, qui hiscere audes de supernis, & de rebus nugaris cœlestibus, ex astrorūq; motu natiuitates & accidentia cōnectis: enarra mihi & tuas stellas, Ariadnes coronam, & Berenices capillum, necnon Cygnum petulantem, & uiolatorem Taurum, aut si mauis Ophiurum tuum, & Capricornum, ac Leonem, & alias quoq; quas mali gratia cognoscis, aut deos uel stellas effecisti: ubi tu in mathesi tua talem habes circumlum? ubi stellam prius etiam ab oriente ad Bethleem currentem, magorum tuorum ducem & directorem? nam & ego habeo quod ex cœlestibus referre possum. Illa stella Christi ostendebat præsentiam, hæc aut uictoriæ Christi est corona. & hæc quidem ex cœlestibus & supernis, quæ unâ nobiscum decertant, secundum magnam uniuersi harmoniam & proprietatem. Cæterum reliqua mihi suppleat Psalmista, quoniam & ciuitates subuertisti, quem admodum uetustas illas ob proprias illorum impietates, quasdam propter transgressionem contra nos in ipsis factas pelago submergens, alias autem terræ motu concutiens, ita ut reliquiæ illud uere dicere queant, quoniam memoria eorum cum sonitu perijt, & fama perditionis: tanta enim calamitate, tantaq; attritione, tam ipsi quàm eorum uicini sunt afflictati, ac præcipue ij qui pietatis gaudebant impugnatione, ut longo opus sit tempore, si quis omnia restaurare uelit. Hæc igitur in coelo & terra acciderunt. Cæterum uir ille nequaquam talibus insignitus est temporibus, nec tum passionis sanctificatus signis. Siquidem & nunc quoq; miraculi huius spectatores & mystæ uestimenta ostendunt, quæ tum crucis signata fuere notis: simul & hæc quispiam seu ex nostris siue exteris retulit, aut à referentibus audiuit, qui & miraculum apud se ipsum aut propinquos factum uidit, stellata existebat crux, aut illam talem in uestimentis cernebat, omni textorio opere, & uermiculato indumento uarior. Ex hoc autem quid accidit? tantus ob uisibilia hæc stupor homines inuasit, ut fere omnes tanquam uno signo, ac una uoce, Christianorum inuocarent deum, multisq; illum laudibus & orationibus placarent: multi etiam absq; dilatione & inter accidentia ipsa, ad nostros accurrerunt sacerdotes, multis rogantes, ut pars fieret ecclesiæ, & perfectioribus initiarentur, sacro expurgati baptisinate, utilitatē cōsequuti ex timore. & hæc ita se habebat. Iulianus uero sua paulatim stimulatus & exagitatus uesania, ad caput ipsum uniuersum animi sui dirigebat cōceptū. postq; enim Christianorū res sibi ex mente succedere estimabat, necnō & reliqua quæ iam perpetrauerat, omniaq; sibi dum modo

dum modo uellet possibilia, fore speraret, ac prosperum quendam successum
 contra occidentales barbaros rapuisset, in hoc uno tantummodo uersabatur
 consilio prudentissimo quidem & humanissimo, ut contra Persas bellum su-
 meret, duplicem hic colligens exercitum, unum quidem armatorum, alium au-
 tem daemonum, qui ipsum impellebant, cui & precipue confidere poterat, te-
 meritatis potius irrationabilitati, quam fortitudinis credens securitati: nec il-
 lud sapientissimus ille intelligere poterat, quod licet confidentia ac temeritas
 nominibus fere conueniunt, plurimum tamen ui sua sunt separata, fortitudo
 inquam & ignauia: siquidem in audendis confidere fortitudinis est, quemad-
 modum animo deficere seruilè: nec maius est periculum contra procedere quam
 abire retro: ceterum haud subigi confidentiæ est, quemadmodum cedere se-
 curitatis: nec eiusdem rationis censendum est parta tueri, & quæ nondum ha-
 bentur occupare: hoc enim precipue & primum mente præditi est honoran-
 dum, istud autem quum facultas se offert quiete suscipiendum, si uero con-
 trā euenit negligendum: qui uero ob possidendi spem, facultates suas cun-
 ctas periculo subiicit, admodum fatuus existit, ac imperito pugili similis mi-
 hi uidetur, qui prius ictum intentat, quam se in statione firmat, aut governa-
 tori naui sua corrupta & ad nauigandum inutili, nauem submergenti hosti-
 lem, aut submergere student: quorum nil mihi Iulianus cōsiderasse uidetur,
 sed incircumspecte ea quæ animo conceperat adgressum esse, re Romana &
 nunc quoque deplorante, & male ob illum affecta. Verum persecutione hac
 precipue aliena adoriri cogitabat, Salmonesque ex folle tonitrum emittens
 esse cupiebat, ad Troianos illos & Hadrianos respiciens, quos non minus ob
 fortitudinem quam securitatem admirabatur. Varum autem illum nequaquam
 præ oculis habebat, siue Valerianum, qui pœnas dederunt ob motus omni ra-
 tione carentes, ne ipsis, ut Tragœdia inquit, fortunam impropere, in Persa-
 rum finibus, in summo foelicitatis pessundati. Proinde & hoc uisum fuit, & ad
 motum illum spectabat, ut uniuersum uaticinij & incantationis, fandi-
 fandi sacrificij monstruositatem, in unum congregaret, quo breui tota dissol-
 ueretur. & hæc erat pulchra illa litatio magna, O Christe, & uerbum, & pas-
 sio impassibilis illius, mundi-
 que uniuersi mysterium, ut totum genus Christia-
 norum daemonibus subiceretur, si ille uoti compos euaderet. & hæc fuere prin-
 cipia conatus eius, admodum puerilia, quibus multi rerum eius periti reclama-
 bant. Porro eam Assyriorum regionem per quam Euphrates fluit, & Persidem
 pertransiens illic Tigri commiscetur, nemine defendente cepit & uastauit, uel
 quia propter subitam irruptionem hostem sefellisset, uel ut hoc pacto insidio-
 se à Persis paulatim ultra protraheret, utraq; enim feruntur. Progrediens igitur
 exercitu concomitante, nauibus uero frumento, ac impedimentis onustis
 per fluuium sequentibus, iam non procul à Ctesiphonte aberat, cui appropin-
 quare uictoriæ partem præ desiderio existimabat. hinc retro cedere res cœpe-
 runt, perinde ac arena à pedibus diuulsa, aut naui tempestate disiecta. Ctesiphon

siphon enim propugnaculum ualidū est, & captu difficile, muro latericio circumdatum, cum fossa profunda, limoq; fluuij munitū: insuper & aliud munimentum illud fortius reddit, quod Roche appellatur, cum pari tutela excutatum, ita natura & manuum opere unitū, ut ambæ partes una ciuitas esse uideantur, quam flumen intersecat per medium. hæc igitur nec corona oppugnari, nec obsideri aut inuadi poterat, præcipue classe: quæ si applicata foret, facile superne repelli ualebat, quū utrinq; iaculorū ictibus exponeretur. quapropter retro iter cōuertit, Euphratisq; fluuij maximi, partē haud parua deriuauit, & ita circūduxit, ut classi quoq; esset nauigabilis, ex fossa cuius & uetusta asserūt apparere uestigia, quæ paulo ultra Tigri cōmiscetur: & ita classem de fluuio in fluuiū saluauit, ipseq; periculum, quod ei ex munitionibus illis imminebat effugit. quū uero aliquantisper fuisset progressus, subito uis Persica apparuit, quæ & assidue est aucta, à tergoq; instās haud putabat sine magna necessitate periclitari oportere, quū alia uia superare posset, ex colibus autē & locis angustis Persæ assultabāt, iaculātes & sagittis lacessentes, transitusq; oportunitatē præripientes, facile Iulianū à progressionē arcebāt. quapropter magna iam affligebatur solitudine, & quū nō haberet quod se uerteret, prauā cōsiliū dissolutionē inuenit. Erat uir quidā inter Persas, nominis haud obscuri, Zopyri illius in Babylone Cyro tradenda imitator. is secum Persarū rege, seu potius magno, ob res magnas dissidere simulabat: & quia illi admodū infestus uidebatur, Romanorū rebus præcipue fauere credebatur, ac fidem iam ex fictione cōsequutus fuerat. hic quid hoc rei inquit Imperator? quid attinet de re tanta adeo abiecte consulere? Quis iam hic cōmeatus naualis, onusq; superfluū, inertiae magister: nihil enim uētre inexpugnabilius, & plus contentiosum, qui & impedimento est, ne salus adipisci queat. Cæterū si mecum sequutus fueris consiliū, rem nauticam hanc, & generosi exercitus huius impediētē turbā ualere sines: tu autē per aliam uiam longe faciliorem & tutiorē, in qua tibi ductor ero (nam affirmare ausim me Persicæ regionis, ac si quem alium peritū esse) in hostilem irrumpes terrā. & quum res tibi ex sententia successerit, lætusq; redibis, tum etiam nobis bene facere poteris, quū re ipsa beneuolentiæ nostræ & admonitionis experimentum ceperis. & hæc ille locutus est, loquendoq; persuasit, facile enim persuadetur leuitati. Deo igitur præcipue impellente, omnia pariter erant difficilia: nam ignis naues corripiebat, cōmeatusq; deficiebat, ac derisio aderat: nam proprijs quasi manibus iugulatio perpetrabat, at spei leuitas, ductorq; ille cum promissionibus suis pariter discessere, in circuitu igitur hostes, ac undique circumfluebat bellum, progressio uero haud facilis, alimenta autem deficiebant, exercitusq; afficiebatur tristitia, ac regi irascebatur, bonæ autē spei relinquebatur nihil. unica tamen sola in rebus uidebatur præsentibus, nempe ut ab imperio prauo ac militia absoluerētur durissima. & ita huc usq; res fueræ gesta, at quæ sequuntur, non uno referuntur sermone. alij enim aliud

Kk adferunt

adferūt & cōponunt, tam n̄ qui bello interfuere, quā illi qui longe etiā abfuere. quidam enim Iulianum à Persis iaculo uulneratum dicunt, quū incon- siderate excursions faceret, & nūc huc, mox illuc perterritus rueret, quapropter idem illi quod Cyro Paresatidis filio accidisse, qui cū ingenti manu contra fratrem Artaxerxem ascendit, iuueniliterq; pugnans uictoriam audacia corruptit. alij autem talem de eo referūt sermonē, In altum eum collem ascendisse, ex quo undiq; exercitum intueri, & quātā adhuc belli reliquiae essent, discere posset. inde magnam illi apparuisse multitudinem, & lōge spe sua copiosiore, eumq; dixisse: quā indignū, hos omnes in Romanorū fines reducere: perinde ac illorū salutē inuideret, ob quod dictum militem quēdam indignatū, quum iram refrenare nequiret, illum per uiscera transfixisse, quū nec de sua cogitaret salute. uel ut alij dicunt, quendam ex ridiculosissimis barbaris hoc ausum esse, qui milites oblectationis causa, & ob potus exhilarationem sequi consueuerunt. Sunt & qui Sarraceno cuidam gloriam hanc attribuant, uulnus itaq; accepit, perq; tempestiuum, mundoq; uniuerso salutare, ac unica audacia multorum uiscerum male concreditorū repetita est uindicta. & ideo mirum, quū stolidus ille omnia se ex uisceribus cognoscere putaret, unum hoc uulnus, nempe per propria uiscera infligendum, ignoraret. Sanē nec istud uiri huius prætereundum est cōsiliū, quod inter multa alia maximum infelicitatis est indicium. Decumbebat in ripa fluminis, male ob uulnus affectus, quū autem multos ante eum gloria illustratos nouisset, qui humanam conditionem supergressi censerentur, quoniam artificio quodam ex hominum disparuissent conspectu, ac ideo pro deis habiti fuerant, eiusdemq; gloriæ captus esset amore, quū eum ingloriosi quoq; finis & incōsultæ puderet ignominiae, quid machinatur, & quid facit? neq; enim cum uita pariter consumitur improbitas. in flumen corpus proicere nititur, ad hocq; fidei quibusdam suis utitur cooperatoribus, & arcanorum mystis. & nisi regius quidam Eunuchus rem animaduertisset, alijsq; indicasset, ac malefici odio conatum illum prohibuisset, ex calamitate illa nouus quispiam deus stultis apparuisset hominibus. & ita Iulianus imperauit, ac ita bella gessit, ita deniq; uitam finiuit. suscepit autem imperium confestim post eum Iouinianus, qui & post eum in ipsis electus est castris, quum periculi magnitudo ductorem quæreret necessario, uir inter reliqua pietate quoque illustris, ac corporis forma regia etiam maiestate dignus. uerum cum Persis ad manus uenire, aut ultra progredi impossibile erat (licet ipse fortitudine & promptitudine haudquaquam destitueretur) quum exercitus uiribus suis diffideret, pariter & spem omnem despondisset. abire igitur quærebat, & quo pacto id fieri posset sapienter considerabat, tanquam haudquaquam imperij, sed cladis hæres factus esset. utrum igitur Persæ uictoria modeste usi fuerint (ita enim lex apud eos iubet, ut in rebus ex sententia gestis modestia utantur) siue aliud quid ex ijs quæ fama ad cos pertulerat timuerint, ad

fœdera

foedera ineunda sunt cōuersi, inexpectata & admodum humana: nihil enim prohibebat, quo minus ne lixa quidem, ut aiunt, exercitui relictus fuisset, ita illos Persæ manibus habebant inclusos, in terra pugnantes propria, successibusq̃ tantis elati, ac ideo hoc ad prosperitatē aliquā adipiscendam, & spem futuram sufficiebat. Vnius igitur hominis, ut ita dicam, erat saluare exercitū, neruosq̃ relinquere Romanis, nerui enim erant, & si infortunate egerant, ductoris potius temeritate quā inertia propria. Exercitus igit in foedera hæc tam turpia & Romanorū uirtute, ut breuiter dicā, indigna consensit: à quorū culpa si quis Iulianū liberare, ac successorē eius accusare uelit, admodū ingratus mihi est considerator rerum tunc temporis accidentiū: non enim metentis, sed seminātis est spica: neq̃ incendiū illius euenit culpa, qui id extinguere ualet, sed potius ignē prius admouentis: ac ideo Herodoti illud de Samiorū tyrannide haud inepte usurpari potest, Calceum hunc Histiaeus consuit, Aristagoras autem induit, qui id quod prius inceptum fuerat suscepit. Proinde reliquū erat, ut impij illius corpus ad Romanos reduceret terminos, licet ita subuersum. Cæterum postquam nobis etiā mortuus est ille, qui ante ipsum uitam dissoluit, inspiciamus & dehinc quid inter utrunq̃ interfuerit Imperatorem, si & hoc aliquid ad migrantiū felicitatē aut infelicitatem pertinere uideretur. Constantius igitur cōmunibus omniū elatus est laudibus ac pompis, ijsq̃ uenerandis ac nostris necnō cantibus tota nocte resonantibus, ac luminaribus accensis, quibus Christiani transitū honorare pium censemus, panegyrisq̃ post interitū dictus est, & corporis facta deportatio. Notus præterea sermo fidelis, & qui ad multorū peruenit auditū, quod postq̃ corpus Taurū montem superauit, ut in paterna eius cōderetur ciuitate, nempe in magnifica hac & cognominis eiusdē, uox quædam ex alto est exaudita, tanq̃ canentiū & præmittentium, angelicarū puto uirtutum, ob honorē pietatis eius, ac retributionem sepulturæ. Etenim licet rectā opinionē immutare uisus fuerit, hoc tamen crimen imperitiæ regni optimatū, & reprobæ acceptū est ferendū opinionī, qui simplicem illius animā, & ad pietatē flexibilem, ac haudquaquam præcipitium præuidentē suscipientes, quocunq̃ uoluerunt seduxerunt, & sub diligentia prætexu zelum operati sunt maliciæ. Nos igit quod magis commune est sequamur, patremq̃ nostrum agnoscamus, & quoniam Christianismo fundamentum regiae iecit potentiæ, ac fidei, hæreditatemq̃ dogmatis ex successione accepit, ac speciem iusti imperij conseruauit, uitam deniq̃ sancto fine absoluit, nobisq̃ potentiā reliquit, eum ob merita sua honoremus. Cæterum postquam corpus magnæ ac regiae appropinquauit ciuitati, quid referre opus est uniuersi exercitus concomitationem, ordinesq̃ armatos, nō secus ac Imperatori uiuenti obuiam factos, aut ciuitatis illustris effusionē memorabiliorē, quā unquā facta fuit, siue posthac erit. At Iulianus ferox ille & generosus, nuperq̃ purpura ornatus, ac propterea, ut decet, altas efflans glorias, & ipse quoq̃ pars sit illi in pompa tam honorifica, eandem reddens

& accipiens gratiam, hoc quidem aliquantisper coactus, illud autem lubens, ut ferunt. Siquidem exercitus uniuersus, quamuis præsentis subderetur potentia, plurimam tamen defuncto tribuebat reuerentiam, quandoquidem beneuolentiores ferè sumus, ob passionem adhuc recenti abrepti amore, cui & misericordiam adaptare solemus. Et ideo milites nequaquam ferentes, ut ille haud regie honoraretur ac susciperetur, persuaserunt apostata, simul & illum coegerunt, ut mortuo cum decenti occurreret habitu: at illud erat, caput diademate dehonestantem, & iusta regi subtrahentem, ita ad sepulchrum ducentibus, & ad Apostolorum templum celeberrimum mittere, qui sacrum hoc genus susceperunt & custodiunt, uix unquam talem fructificaturi honorem. & ita cum nostro actum est Constantio. At Iuliani turpis belli illatio, à populis ac ciuitatibus perstricta est, uocibus publicis ac sarricinis, quarum multi etiam nunc recordantur, reditus uero longe etiam ingloriosior. Sed quæ fuit ignominia illa? mimi, ridiculū dictu, ipsum deducebant, turpissimisq; scenæ gestibus pompam instaurabant, tibia modulantes & tripudiantes, necnon abnegationem & profligationem, ac finem denique illi improperantes, & quid perpeffus non est? aut quid ab illis non audiuit? quæ petulanter ludere consueuerunt, artem ad iniuriam possidentes, donec eum Tarfensium ciuitas suscepit, nescio quomodo, & ob quam noxam hac damnata fuerit contumelia: ibiq; illi locus est ignominiosus, ac sepulchrum execrandum, necnon templum conspuendum, ac pijs oculis nequaquam inspiciendum. Et hæc breuiter percurri, tanquam maxima & peculiaria accusationis eius capita, haud nescius, duobus aut tribus adulatoribus regijs, & impietate illi haudquaquam dissimilibus (nam cæteros libens prætereo) tantam impietatis mercedem esse datam, ut nihil impedimento esse potuisset, quo minus ipsi in breui temporis spacio, omnē Romanorū terram & mare depredati fuissent, si nō cito rebus finis accidisset opportunus, adeo rapina ac infatigabilitate Centimanos etiam illos exuperarunt. Gentium autem præfecturæ haudquaquæ æquissimis, sed inhumanissimis cōmittebantur, unicumq; ad principatum suffragium erat fidei transgressio: ita enim quis dona ab illo adipiscebatur, si pessime de semetipso consulere. Quid autem si iudiciorum recenserem immutationes, ac inuersiones, quum sæpius etiam media nocte peruerterentur, & inuersa tanquam fluminis diuertacula deriuarentur: nam & generosus ille, ius dicere dignabatur, omnia ambitionis gratia faciens. Sed forsitan minuta ualde criminari, ac maxima paruis calumniandi gratia admiscere uideor. Atqui fateri necesse est, quod hæc haudquaquam Elysij campis, aut Rhadamanti illic sententia sint digni, qua illum mirifice extollūt, qui eiusdem sunt cōsortij & ordinis. Vnū præcipue ex illius admiror gestis, multos enim moribus sibi similes & notos, præcipue ex ijs qui in Asia conuersabantur, omni uocabat diligentia, tanquam perpetraret admiranda, quod illos spe captos, ac promissorum memores aduolare faceret. Postquam autem

aderant,

aderant, nihil præter suffragiorum defraudationē, & aspectus deceptionem sunt adepti: quum alios alio deciperet modo, quosdam etiam admodum festiuitè mensæ adhibuit, ac illis per cū amicabiliter præbuit, ac pro alia quadam deceptione susurrans, infecta re dimisit, non habentes quid magis inculparent, num fraudem illius, aut leuitatem propriam. Cæterū hæc philosophi institutio, quur non laudari deberet? quod adeo ab ira uacius erat, animi quæ passiones superabat præ cunctis regibus qui unquam fuerunt, immutabilis & immobilis, ut nunquam faciem etiam conuerteret, aut passionū uestigia ostenderet, ac ita etiam, ut quum regia clamoribus ac strepitu imple retur, iudicaret, tanquam ipse esset qui tyrannidem & poenā toleraret, & non alijs qui hæc paterentur auxilium ferret: sed hæc nec sermone quidem digna censebimus. Hoc autē quis nam ex omnibus ignorat, quod multos publice missos, aut etiam ex hominibus agrestioribus, ob rem aliquam, in qua homines regum indigent opera accedentes, pugnis publice ceciderit, & calcibus percusserit, ac ita male tractauerit, ut pro gratia habuerint, quod nihil durius fuerint perpeffi. Sufflationes autem & reflationes, per quas admirandus ille & nostra diffamans, uetularum æquiparans fabulis, altaris ignem accendit, quo nam sermone prosequemur? num pulchrum est Romanorū regem tam indecenter genas inflantem cerni, multam quæ ridendi materiam præbere, nō solum exteris, sed illis ipsis etiam quibus se ita agendo placere putat. Nōne audiuit Palladem deam suam tibias detestatam esse, postquam se illis deturpatam fuisse didicisset, quum unda pro speculo fuisset usa. Porro propinationes & potationes, quas publice meretricibus exhibuit, & præbuitas ipse hausit, impudiciā sub mysterij prætextu abscondens, nōne admiratione sunt dignæ? Verum hæc alijs experientia ostendit, potentia quæ potestatem assequuta: mihi autem multo ante modo quodam perspecta fuere, post cū cum homine Athenis sum cōgressus: illac enim accesserat, quum res nuper contra fratrem eius fuissent innouatæ, ut se ob eandē causam Imperatori purgaret. Duplex autem peregrinationis eius causa fuit, una quidē decentior, propter Græciæ lustrationem & institutionem disciplinarū: altera autem arcanior, & haud multis cognita, ut cum sacerdotibus & deceptoribus qui illic erant, de rebus quibusdam per seipsum congrediretur, quum impietas nondum licentiam consequuta esset. Tum ego me haud malum uiri coniectorem factum esse scio, tametsi nequa quæ ex eorū sim numero, qui in talibus sunt periti: sed me uatem fecit morum eius incōstantia, & stuporis excessus. Vates enim est optimus, quicumque bene coniecturare nouit: etenim nullum in eo signū mihi uidebatur bonum, ceruix rigida, humeri subsultantes & mobiles, oculus superbus, & subinde uagus, ac furiosum quid uidens, pedes instabiles & uariantes, nasus cōtumeliam spirans & cōtemptum, uultus species ridicula, id ipsum præ se ferens, risus immodestus ac concutiens, assertio ac negatio sine ulla ratione, sermo compressus, & spiritu interruptus, interrogationes inordinatæ

& stultæ, nec responsiones his meliores, inuicem coincidentes, & nequaquam constantes, aut ordine doctrinæ procedentes: sed quur singula depingo? talem eum ante opera conspexi, qualem etiam in operibus ipsis cognoui, & si quidam adessent qui tum præsentem fuere & audiuere, haud difficulter mihi testimonium præberent: ijs enim postquam hæc conspexi, confestim dixi, O quale malum Romanorum respublica alit: & licet hæc prælagissem, precatus tamen sum ut uates fierem falsus. nam satius hoc esse iudicaui, quam orbem terrarum talibus repleti malis, taleq; manifestari monstrum, quale antea nunquam fuisset, tametsi multa diluuiâ, multaq; diuulgata fuerint incendia, terræ quoq; apparuerint hiatus, necnō homines ab humana natura penitus diuersi, animalia monstrosa, & diuersimode composita, quæ natura innouando producere solet. Talem igitur finem sortitus est Iulianus, superbix suæ dignissimum, quum solum hic deus solita sua longanimitate uti indignum putaret, ubi multis indulgentia mali causa erat futura, ac multam tristitiam illatura hominibus probitate conspicuis, multumq; peccantibus paritura contemptum, tanquam nostra haberet neglectui, aut nulla esset gubernatio & retributio, sed fortuito cuncta agerentur ac circumuerterentur: quod quidem opinionis est reprobæ, & quæ ingens periculum in rebus etiam maximis asferre solet. Et hæc sunt Galilæorum nostrorum, hæc abiectorum narratiunculæ, hæc qui crucifixum adoramus, hæc eorum qui piscatorum discipuli sunt & imperitorum, quemadmodum ipsi dicunt, hæc eorum qui aniliter unâ confidimus, & psalmos pariter decantamus, hæc eorum qui longis ieiunijs macerati semimortui sumus, hæc eorum qui frustra uigilamus & nocturnis deliramus stationibus, ac nosipsum destruiamus. Vbi sunt Grammatici? ubi sunt consiliarij? ex quibus ego apud uos imprudens quidem, ut uobis uideatur, sumo epinicion? Vbi sunt sacrificia? initiationes, & mysteria, uictimæ, manifestæ & occultæ? ubi ars in incisionibus experta? ubi præscientiæ monstra & signa, uiscerūq; auruspicina? ubi Babylon gloriose diuulgata? ac orbis uniuersus, animo propter parum detestandi sanguinis comprehensus? ubi manibus deuicti Persæ ac Medi? ubi præmissi & emittentes, ac præmittentes, necnon præbellantes, ac simul bellantes dei? ubi cōtra Christianos uaticinia ac minæ? & iuxta prædestinationem ad nomen usq; abolitio nostra? Omnia disparuere, ementita fuere, defluxere, somnia apparuere, ac iactantiæ impiorum. Porro Iezehias rex Iuda, quum rex quidam ui magna alienigenarum contra eum moueret, ac Hierusalem exercitu circumdaret, sermonesq; blasphemos & impios tam contra regē q̃ deum ipsum amarulenter euomeret, postq̃ impossibile erat ut ui propria ciuitatem saluaret, templum est ingressus, ac ueste cōcisa lachrymarum fontes effudit, manusq; in cœlū tetendit, ac deum nefandæ blasphemix testē inuocauit ac orauit, ut ille tam superbarū minarū uindex fieret, Cernis domine, ingens, quæ tibi deo Israël impropertuit alienigena? cernis domine? ne sileas. Nec sua deceptus est imprecatione, sed re

sed re ipsa contra deum belligerans ille, propriā sensit insaniam, reꝓ infecta discessit, cum minis suis quæ repente ab inuisibili quadam dispersæ sunt potentia, quæ & multitudinem exercitus illius perdidit, ac nūcio amaro reuerti coëgit, quæ etiam inexpectate obsidionem, ac spem eius dissoluit. & ita cum Iezehia actum est, qui ingenti potentia circummunitus erat, qui magnæ Hierusalem rex erat, qui iam ferme à proprio hoste expulsus erat. Nos autem, quibus solum pro armis & muris, ac telis reliquis ad deum spes relicta fuit, quum omne consilium humanum penitus nobis ademptum & intercisum fuisset, quem nam alium quàm orationis auditorem, quàm minarum prohibitorum, quàm iurantem contra superbiam, deum Iacob adiutorem habere deberemus? O narrationes incredendæ, ô sperantium confidentia: promissi sumus pro alio quodam sacrificio dæmonibus, & magna dei hereditas, gens sancta, sacerdotium regium, unius spei præmium, ad unius prælii uictoriā facti sumus remuneratio. Hæc à te Christianis facta est retributio, ob id quod ab eis male es conseruatus. hæc tu domino deo retribuisti. Prius igitur quoniam adhuc deus iram super nos extendebat & protelabat, ac nondum omnem zelum suum extinxerat, sed manū adhuc contra impios in alto tenebat, arcumꝓ tendebat ac dirigebat, ui tamen continebat nō secus ac morbum aliquem marcidum & magnum, donec malicia eius tota consumeretur, quem admodum lex est iudicij dei, ut uel poenitentia sanet, aut iustius plectet, tum enim grauiter ferebamus quæ fiebant, & anhelantes ad futurum, non enim bonitatem absconditam, quam electis eius impartiri solet toleramus, & ideo uoces illas ad deum emittebamus, quibusdam illum ut dominū inuocantes, alijs autem tanquam patrem bonum desiderantes, nonnullis uero quasi improperantes, & contra illum tanquam in iudicio contendētes. Quir deus, dicentes, repellis in finē? Iratus est furor tuus super pecora pascuæ tuæ. Et memineris congregationis tuæ quam posuisti ab initio, quam passionibus unigeniti uerbi tui decorasti, quam testamento tuo magno dignam esse fecisti, in cælumꝓ nouo mysterio ac spiritus arrabone traxisti. Et extolle manus tuas super superbias eorum in finem, recordentur quantum sint indignati contra sanctos tuos inimici, & aduersus festiuitates tuas sunt gloriati, romphæam deprecamur, plagasꝓ Aegyptiacas, & doce nos iusticiam tuam rogamus: & ut aliquādo cōtra impios insurgas oramus, Quousꝓ peccatores domine, inquiētes, quamdiū peccatores gloriabuntur? Nam & populum tuum humiliant, & hæreditatem tuam affligunt, loquunturꝓ pariter iniusticiā & faciunt. Sanè flebiliore etiam uoces & his magis proprias, in contradictionem & iniuriā uicinis nostris, parabolamꝓ gentibus, & risum cunctis hominibus usurpare solebamus, ac uineam quandā dicebamus, & ex Aegypto translata tenebrosa illa idololatrice, ac in pulchritudinē fidei, necnon magnitudinem auctam; deinde intersticiū dirutum, quod eousꝓ nos custo-

dierat, curam nempe dei, & omnes qui per regionem malis potestatibus uicinam, & à syluestri sue deualtatam incedunt, qui propter improbitatē maligno assimilatur, & maliciæ cœno est refertus. Hæc igitur prius considerabā, & ad deum clamabam: nunc autem quales, pro qualibus assumam uoces? deplem ne dehinc impiorum perditionem, siamq; osoribus humanus, ac talia dicam? Quomodo facti sunt in desolationem, repente destituti sunt, perierunt propter scelera eorum, tanquam puluis qui disperditur à procella, tanquam arena uento disiecta, tanquam ros matutinus, tanquam sibilus sagittæ emissæ, tanquam ictus tonitruī, tanquam coruscatio perstringēs. Sanè si & nunc quoq; immutarentur, & ab ingenti desinerent errore ac ebrietate, sequerenturq; ueritatem, forte illis lucrum fieret ex ruina, quandoquidē correctio sapius in bonum cedit afflictis: quod si in eadem sentētia permanere cogitarent, & adhuc detinerentur ab idolis, nec stolidos illos Iulianus erudiret, saltem ob acceptam modestius agerent calamitatem. Porro Hieremias tantum deplorat Hierusalē, ut & inanimata quoq; lugere iubeat, & à muris exigat lachrymas. At hominibus his, qui nā luctus dignus inueniri poterit? aut quis deploraret præsentia, ut interim futura & lugeri digna omittantur supplicia, quoniam ita desipuerunt & reprobi facti sunt, ut colerent condita supra conditorē? Nec solū hoc, sed & deum colentibus restiterūt, manumq; extenderunt impie, & talibus malis dignam. Et uox quidem deo accepta ita se habeat. Quis scit, num deus qui soluit colligatos, & ex tenebris mortis degrauiatum & deorsum mutantem educit, qui nō uult mortem peccatoris, sed conuersionem, qui & nos sedentes in tenebris & umbra mortis illuminauit, & intellectum nobis tribuit, etiam hos aliquando sit reparaturus, & pasturus uirga pastoralī, grauem illis ac ferream imponēs. Mihi uero rursus sermo ad idem recurrit epiniciū, cecidit Bel, fractus est Dagon, calidus factus est Saron, confusus est Libanus. Non amplius dicet stolido ut imperet, immobili nempe & insensatæ idolorum compositioni. Non amplius muscam quarent deam Akaron, aut si quid musca est ridiculosius. Non amplius per lucos & excelsa, nec non omnem montem frondentem & umbrosum oberabunt. Non amplius filios suos ac filias suas offerent dæmonibus: quemadmodum olim Israël à prophetis obproperatum fuit. Verum quid mihi de his? ad præsentia & nostra me conuertam. Non amplius ædes nostras sacras sinistre aspicient. Non amplius sanguine detestando, purissimi ac incruenti sacrificij purissima inquinabunt altaria, nec aris sacrilegis inaccessa descendent. Nō amplius deprædabuntur, & prophanabunt ea quæ oblata sunt ecclesijs, impietati auariciam commiscantes. Non amplius sacerdotum caniciem, uel puritatem diaconorū, aut pudicitiam uirginū afficient iniuria. Non amplius uisceribus sanctorum detestandos pascēt sues, ut cibo pariter & hominum satientur intestinis. Non amplius ignem martyrum injicient monu-

mentis,

mentis, quum alijs occupati sint certaminibus, proprijs nempe ignominijs. Non amplius igni sanctorum consumet reliqua, ossibus ignominiosissimis ossa afficientes ignominia: nec uentis tribuent, quo debito honore a talibus priuentur. Non amplius in cathedra pestilentiarum una plaudent, contra episcopos & sacerdotes, necnon prophetas & apostolos, imò Christum ipsum, blasphemijs se oblectantes. Non amplius panegyricis contra nos lasciuient, lege ab adulterina doctrina excludentes, ut ea linguas etiam nostras coerceant. Da mihi sermones hos regios & sophisticos, syllogismos tuos inuitabiles & enthymemata: uideamus qualia apud nos piscatores etià & agrestes loquantur: immuta sonum cantus tui, & Psalmum organorum tuorum: nam ita te Propheta meus adhortatur. Decantetur autem rursus cum libertate Dauid, qui excelsum Goliath mysticis deiecit lapidibus, qui propter mansuetudinem multos deuicit, & per spiritalem harmoniam Saul a maligno daemone suffocatum sanauit. Extinguat ignem tedifer, incendantque prudentes & sacrae uirgines lampades suas sponso, exuat Hierophantes meretriciam stolam, sacerdotes indua mini iusticia, & amictu gloriae, pro spiritus pigritia, necnon magna & immaculata Christi tunica, nostro ornamento. Taceat praeco tuus ignominiosus, loquatur praeco meus diuina: claudant libri tui incantationum, & uaticiniorum, solumque propheticae & apostolicae aperiantur. Compesce turpes & tenebris refertas noctes tuas: nam ego contra illas sacras & splendidas exuscito uigilias. Adyta tua & uias ad infernum ducentes claude, ego manifestas & ad coelum ferentes praedicabo. Quae nam armorum praeparationes, & machinationum excogitationes haec perficere potuissent? quantus hominum numerus & phalange? quae solum precationibus nostris, & dei nutu peracta sunt. Verbo tenebrae sunt dissolutae, uerbo lux constitit, uerbum terram fecit, coelum gyrauit, stellas ordinauit, aërem seminauit, mare discreuit, flumina traxit, animalia uiuificauit, hominem ad suam imaginem formauit, mundum omnibus posuit, uerbo etiam praesens caligo dissoluta est, omniaque in lucem, ordinem & eandem reducta sunt harmoniam: non amplius lampades & fallaces daemones imperant, non amplius conditura sub honoris figura pro deo uulta afficitur iniuria. Desce Triptolemos tuos, & Celaeos, ac Dracones mysticos. Pudeat te aliquando librorum theologi tui Orphei, suscipe in tempore donum, quod inuerecundiam tuam recondat. Si autem haec sunt fabulae ac fictiones, ego tibi noctis reuelabo mysteria, non amplius loquitur quercus, non amplius peluis uaticinat, non amplius Pythia implet, nescio quibus nisi fabulis & delirijs. Rursus Castalia silebit, & silet, aqua que est non uaticinica, sed ridicula. Iterum Andriensis Apollo mutus, iterum Daphne planta est, fabula deploranda. Rursum Androgynus, Dionysius chorusque ebriorum ornatus, & magni tui mysterium Priapus, & ad pulchrum hymnum deus grauius sufferens. Rursus Semele fulmine transfigitur, iterum Vulcanus utrinque claudus, sed uelox

ad mœchorum deprehensionē, & deus in cinerem reductus, licet sit arte nobilis, ac Therſites olympius. Rursus Mars ob adulterium ligatus, cum terrore, timore, tumultu, uulnere, & audacia. Iterum Venus turpiter est meretrix facta, turpiumq; nuptiarum conciliatrix. iterum Minerua uirgo est & draconem parit. iterū Hercules furit, seu potius insanire desinit. rursus Iupiter ob petulantiam & immundiciem in omnia uertitur, deorum ille moderator ac supremus, & qui solus omnes cum omnibus existētibus deos sursum trahit, quum ipse interim ab omnibus deorsum trahi nequeat. Iterum Iouis sepulchrum in Creta ostenditur. Sane quum lucretium illum tuum & prudentem aspicio Mercuriū, oculos etiam claudio, deumq; illum ob spectauli turpitudinem cursim prætereo. Tu uero mihi id quod uerbo est consonum & simile adora, unum solum ex tuis est uenerandum, honor nempe qui apud Ægyptios ab effœminatis illis uiris Nilo impendit, necnon Isides, Mendēsīq; dei, ac Apides, & alia quoq; quæ fingis aut pingis animalia composita & monstrosa. Rideo Pana tuum, & Priapum, necnon Hermaphroditum, & eos qui ob insaniam efferati & dilacerati sunt dei. Verum hæc scenæ ac Poëtis illos ornantibus relinquo. Ego autem sermonē in admonitionem quandam resoluam. Viri igitur pariter & mulieres, iuuenes ac senes, quicumq; ad hunc perfectionis gradum ascendistis, aut qui in inferiori classe estis constituti, omnes quos dominus redemit, prius quidem ab errore, & dei ignorantia, nunc autem ab insolentia gentium, tam à præsentibus malis, quam futuris, audite sermonem uiri haud mediocriter in his eruditi, cum ex euentibus quotidianis, tum ex ueterum historijs, gestis ac libris: res magna est, ut quis à nulla tentetur molestia: aut forte haud magna, si uerus est sermo, quod quē diligit dominus hunc etiam corripit, flagellat autem omnē filium quem suscipit, & eius curam gerit. Sed magnū est, neq; ab initio peccare, aut saltem non in maximis delinquere, quoniam penitus à peccato liberum esse deus supra humanam naturam ordinauit. Secūdo autem quemadmodum mihi uidetur, magnū est, ut qui in re aliqua peccauere & correpti sunt, ac deinde renouati, ut in sensu permaneant disciplinæ, fugiantq; secundum ex secunda prauitate flagellū. Quapropter & nos, cum diuinæ correctionis opere emerſimus, ostendamus nos dignos, non eorum quæ prius sumus perpeſsi, sed quæ postea sumus consequuti. respondeamus ad calamitatem quæ nos comprehendit, quoniam non ut malefici gentibus traditi sumus, sed ut filij modestiores sumus facti. nō obliuiscamur tempestatis, postquam in supernam saluati sumus Hierusalem. nec Ægypti post Ægyptum memores simus. nec faciamus melius afflictionis tempus quàm quietis. ostendemus autem, si uidebimur tunc quidem dei timore correpti modeste egisse, & spes omnes in cœlum posuisse. nunc autem postquam laudem & relaxationem assequuti sumus, haud quaquam ad eadem rursus peccata recurrisse, ob quæ in euenientes

entes nobis impegimus calamitates. Non ita filij mei, dicit alicubi sacerdos Heli, filios suos in deum peccantes admonens, sed scitote facilius esse prosperitatem abeuntē reuocare, quā conseruare cū ex dei gratia contingit: nam quum discessit, modestia illam reducit: quum uero præsens est, socordia eam dissoluit. Siquidem & corpora ægrotantia medela restituuntur & abstinentia, ob paruam autem negligentiam & repletionem, iterum prior morbus affluere consuevit. Hæc scientes & inuicem docentes, nostrorum ipsorum fiamus proprij, ac modeste tempore utamur. Primum enim fratres festiuitatem peragamus non corporis hilaritate, neq; uestimentorum cultu & uarietate, non comestationibus ac ebrietate, quarum fructum cubilia & lasciuias esse didicistis, non floribus uias coronemus, nec unguentorū confusionibus mensas, neque fores ornemus, non lumine sensibili domus resplendeant, neque concentibus resonent aut plausibus. Hæc enim gentilium solennitatum lex existit. Nos autem deum nequaquam talibus honoremus, neque præsens tempus rebus haud dignis extollamus, sed animę potius puritate, ac mentis hilaritate, lampadibus quoque quæ totum corpus ecclesiæ illuminent, diuinis dico contemplationibus & cognitionibus, quæ ad sacram suscitent lampadem, uniuersumq; illuminant terrarum orbem. Ad hoc lumen parua mihi sunt omnia, quæ priuatim aut publice homines festiuitates peragentes accendunt. Sanè & unguentum quoddam habeo, sed quo solum reges ac sacerdotes utuntur, uarium & preciosum, ac pro nobis euacuatum, magni unguentarij artificio compositū. Vtinam mihi contingat unguenti huius odorem bonum apponere deo. Habeo & mensam spiritalem illam & diuinam, quam mihi præparauit dominus contra tribulantes me, uel in qua requiesco & delicijs fruor, & nequaquam propter satietatem iniuriam committo, sed & omnem passionum rebellionem sedo, habeo & flores omnibus uernis floridiores & durabiliores: agri pleni, quē benedixit dominus, sacerdotes nempe, & bene redolentes pastores ac doctores, necnon populum quantum est purus ac electus. His coronari uolo, ac pompam ducere, certamen bonū decertans, cursumq; perficiens, ac fidem secundum sacrum custodiens Apostolum. Sumamus hymnos pro tympanis, psalmodiam pro carminibus turpibus & cantilenis, plausum gratificatiuum pro plausu theatro, ac manuum complosionem bene resonante, grauitatem pro risu, pro ebrietate sermonē prudentem, pro delicijs decorem uenerandū: quod si etiam saltare oportet, tanquam panegyristem & festiuitatis amatorem, saltetur quoq; uerum nequaquam Herodiadis tripudio, cuius opus fuit mors Baptistæ: sed David saltatione, propter requiē arcæ, quam bene mobilis & multimodi secundū deum itineris mysterium esse puto: & hoc primum est & præcipuum meæ admonitionis. Secundo autē scio me molestum dicere sermonē, & quem multi difficulter suscipere poterunt. Solet enim homo quum ad potestatem retaliationis deuenit, præcipue quū iustā habet iram, haud facile ob ea quæ perpeffus est, rationis

rationis cohiberi freno, ac iram deponere: audiendum tamen, & sermo ut suscipiatur plane est dignus, nequaquā inexplēbilitē tempore abutamur, nec ob potestatem delicijs diffluamus, & non fiamus amari ijs qui nos iniuria affecere. Non quā nouimus faciamus, sed quantum ob malorum fugā mutatione fruimur, tantum ad retributionem peruenire odio habeamus. Sufficiens est ultio modestis, eorū qui læsere timor, & ut talia pati expectent, quibus ipsi digni existunt, propriaque conscientia torqueant. Quæ enim quis uelut passurus timuit, hæc quoque perpeffus est, etiā si nequaquā patiat, ac plus à semetipso quā ab alijs facientibus plectitur. Non igitur iram remetiri uelimus, neque punitores præter dignitatem appareamus. Sed postquam uniuersa reddi nequeunt, infecta uniuersis etiam indulgeamus. Fiamus in hoc meliores offensoribus nostris, & animo sublimiores. Ostēdamus quid illos eruderint demones, & quid nos docuerit Christus, qui ob ea quæ passus est inclauit, & nihilominus uicit ijs, quæ quum posset nequaquā faciebat. Verū in uno gratias deo retribuamus, augeamus probitati mysterium, tempore ad hoc utamur, uincamus mansuetudine tyrannide grassantes, ac præcipue humanitas sit quæ remittat, & mandati uis eandem nobis retribuet humanitatē, in ijs quæ nos quoque indigemus: Scimus enim quod qua mensura metiti fuerimus, eadem remetietur & nobis. Si autē quispiam ualde amarulenter est affectus, relinquamus offensores deo, iudicioque uenturo, & nihil de futura ira nostris diminuemus manibus: nequaquā bona eorū publicare cogitemus, nō coram tribunalibus illos statuamus, nō ē patria in exilium pellamus, nō flagellis cædamus: neque, ut breuiter dicam, faciamus qualia sumus perpeffi, reddamus illos nostro exemplo, si saltē fieri potest, modestiores, siue quid filius alicuius est perpeffus, aut pater, aut uxor, aut consanguineus, aut amicus, aut alius quispiam honorabilium, omnibus passiones pro mercede statuamus, quo persuadeamus ut fortiter ferant quæ sunt perpeffi. Hoc ipsis melius est, quā si in alio quopiā illis gratificaremur. Sane & quod maximū est ex bonis ijs, quæ nobis inde accidēt, expediā, Apud populos hæc & ciuitates, quæ nos persequutæ sunt, proclamabuntur, in theatris, in foris, in congregationibus, antiqua beata fuisse prædicabuntur, noua uero notabuntur infamia, etiam à persequutoribus ipsis, quod & mirandum erit: ab ipsis eorū dei cum magno trahantur clamore, quoniam eos longo deceperunt tempore, & tarde à deceptione cessauere: & qui heri fuit adorator, hodie fit conuiciator, & quid his maius quæremus? Forsitan hæc nunc parua sunt miseris. Erit tempus quando meos uidebo conuiciatores, unā cum magno suo magistro Iuliano propriam deflentes maliciam, quando quidem uniuersa iudicabitur & examinabitur improbitas, ut interim omittam diuina ac nostra, necnon imminētia illic propter nos flagella. Proinde ad tuos accede sermones & timores, non qui Poëtis solum, sed & sapientibus placuere uiris, ad Phlegētontes tuos, ac Cocytos, & Acherontes, quibus iniusticiam puniunt, Tantalus,

talus, Tityus, Ixion, quibus & Iulianus eiusdem farinae Imperator uester adnumeretur, imò iuxta meam opinionem & definitionem præferatur. Nō sit i punitus in paludibus affluentibus, aut petram super cacumen tollere timens, quemadmodum Tragœdiæ uidetur, semper quidem sursum uolueram, semperq; deorsum tractam, nec assidua reuolutione promotam, neque epar ab auibus depastus, nunquam deficiens, sed semper renascens: nam siue hæc ueritate nituntur, seu fabulosa existunt, illis tamen ueritatem ostendis figmentis. Sed uideamus quibus & qualibus illic plectatur, his etiā longe grauioribus, si ad peccantium mensuram retributiones exigis. Proinde munus hoc tibi hospitale ante pedes est ô optime & prudentissime, ut tuis te alloquar uerbis, & hæc nos à sermonibus iuxta magnam & admirandam legislationem tuam prohibiti depromimus. Vides quod non in finem usque tacituri, neq; irrationabilitatis condemnaturi eramus dogmatibus tuis, sed liberam aliquando uocem emissuri, & tuæ stultitiæ redargutricem: siquidem impossibile est Nili cataractas, fluuij impetum ab Aethiopia in Aegyptum ruentis compescere, aut Iliacum litus abscondi, etiā si ad tempus nebula contegatur, aut Christianorum linguam impedire, quo minus res uestras notet infamia. Cuius tibi rei Basilius & Gregorius testes erunt, quemadmodum & tu quoq; existimabas, ac alijs persuadebas, tuis nos onerans minis, ac magis ad pietatem acuens, quos tam uita quàm sermone ac concordia mutua conspicuos & cognitos in Græcia uidisti, & Homerici Cyclopi honore honorasti, ac nouissimos persecutione exercuisti, & forsitan epiniciū donum magnum & magnificum dæmonibus deuouisti, si te à Perside susciperent redeuntem, uel ad barathrum tuum abripere sperasti, male sentiens: siquidem nequaquā nos adolescentibus illis sumus ingenerosiores, qui in igne rore perfundebantur, & qui feras per fidem superabant, ac unā cum matre sacra & generosa prompte periclitabantur, ostendebantq; solam ex omnibus fidem esse inexpugnabilem. Nec sumus ingenerosiores tuis illis adolescentibus, ex quibus quum unus deorum tuorum matrem illam iniuria affecisset, aramq; euertisset, detentus est tanquam damnatus, exiuit autem tanquam uictor, pluribus purpuram tuam & sermones ueluti calculorum suffragatores & ridiculos deridens. Quin & cum maiori egressus est confidentia, non secus ac si quis à cœna reuersus splendide esset conuiuatus: post q; uero totum corpus eius flagellis dilaceratū fuit, & ad profundū usq; ac parum adhuc ob uulnera spirabat, tantū absuit quo moueretur tormentis, aut molesta censeret præsentia, ut postquā corpus in quadam adhuc parte plagis uidit illæsum, tortores tanq; iniurios reprehenderet, quod non totū corpus uli fuissent, sed aliquid illaceratū & integrū reliquissent, ostendens obiter tibiā, quod sola ungues efugisset, iubens ut nec huic parceret. Proinde sit tibi sermo hic pro Porphirijs & delirijs, quibus uos ut diuinis exultatis uocibus: aut pro sermone tuo quem osorē barbæ, aut Antiocensem inscripsisti, utrunq; enim titulum præfixisti,

præfixisti, quo nihil Christianis est contemptibilius, quem tunc purpura red-
debat magnum, necnon adultores qui cuncta tua admirabuntur: nunc uero
barba est destructa & euulsa, ac sermo tuis pariter collaboratoribus factus
ridiculus, in quo tu superfluum corporis cultum conspuis, & nihil nunquam
ex insatiabilitate assequi magnum esse dicis, ac si mirandum quid afferres.
Quod uero Christianos tam acerbe persequutus sis, genus tale & tam san-
ctum infestans, lubens transcurris. Sanè quum tantum damnum rebus acci-
derit publicis, unico uiro tantum expetente, aut naturales eructationes emit-
tente, tantamq; persequutionē ac tam immensam confusionis innouationem
concitante, nonne necesse est res Romanas uniuerfas male habere? quemad-
modū (ut apparet) & habent. Proinde hæc tibi statua à nobis sit locata, Her-
culeis etiam columnis altior & manifestior: illæ siquidem in uno loco sunt ere-
ctæ, ac solum ipsi qui illas applicant conspicuæ: fieri autem nequit, quum hæc
nostra haudquaquam sit immobilis, quin in omni loco omnibusq; pateat
hominibus: sed & futuro, quemadmodum planè noui, cōmendabitur tem-
pori, te ac facta tua infamia notans, ac reliquos omnes erudiens,
quo non tam effreni audacia deo resistere audeant,
ne quum talia fecerint, æqualia etiam
illis contingant.

FINIS.

INDEX TERNIONVM.

α A B C D E F G H I K L M N O P Q R S T V X Y Z


A* B* Aa Bb Cc Dd Ee Ff Gg Hh Ii Kk

Omnes sunt terniones, præter α duernionē, B* Ii & Kk quaterniones.

LECTORI SALVTEM


Ne dijudica Lector cādide, prius quā hāc cum Græcis contu-
leris, aut ita perlegeris, ut intelligere queas: quōd si te ruditas lai-
calis offenderit & imperitia, nō tamen impedimento erit, quo mi-
nus tu doctiora & meliora præstare possis. Vale.

BASILEAE IN OFFICINA FROBENIANA
per Hieronymum Frobenium & Nicolaum
Episcopium Mense Septembri, An-
no M D XXXI



(Lott)







S. Clemen
Opera
&
S. Gregor
Nazianz: